

清
實
錄

高宗純皇帝實錄(一)

卷一至卷五九
雍正十三年至乾隆二年

清實錄

第九冊

中華書局影印

清 實 錄

(第 九 冊)

高 宗 實 錄 (一)

*

中 華 書 局 出 版

(北京王府井大街36號)

北京市中國書店發行

中國建築工業出版社印刷廠印刷

*

787×1092毫米 1/16•60 1/2 印張

1985年11月第1版 1985年11月北京第1次印刷

印數 0,001—1,500 冊

統一書號: 11018 • 1355—9 定價: 45.00元

清實錄第九冊目錄

高宗純皇帝實錄(一)

首卷一	序	一
	凡例	六
首卷二	目錄一	一二
首卷三	目錄二	四一
首卷四	目錄三	六九
首卷五	進實錄表	九七
	修纂官	一〇四
卷一	雍正十三年八月	一三八
卷二	雍正十三年九月上	一五七
卷三	雍正十三年九月下	一八〇
卷四	雍正十三年十月上	二〇二
卷五	雍正十三年十月下	二三〇
卷六	雍正十三年十一月上	二五八
卷七	雍正十三年十一月下	二七三
卷八	雍正十三年十二月上	二九七

卷九	雍正十三年十二月下	三一六
卷一〇	乾隆元年正月上	三三七
卷一一	乾隆元年正月下	三四五
卷一二	乾隆元年二月上	三六一
卷一三	乾隆元年二月下	三七五
卷一四	乾隆元年三月上	三九三
卷一五	乾隆元年三月下	四〇九
卷一六	乾隆元年四月上	四二七
卷一七	乾隆元年四月下	四三九
卷一八	乾隆元年五月上	四五三
卷一九	乾隆元年五月下	四六九
卷二〇	乾隆元年六月上	四八七
卷二一	乾隆元年六月下	五〇一
卷二二	乾隆元年七月上	五一七
卷二三	乾隆元年七月下	五三三
卷二四	乾隆元年八月上	五四八
卷二五	乾隆元年八月下	五五七
卷二六	乾隆元年九月上	五七一
卷二七	乾隆元年九月下	五八三

卷二八	乾隆元年十月上	五九五	卷四七	乾隆二年七月下	八〇五
卷二九	乾隆元年十月下	六〇四	卷四八	乾隆二年八月上	八三二
卷三〇	乾隆元年十一月上	六一四	卷四九	乾隆二年八月下	八三二
卷三一	乾隆元年十一月下	六二二	卷五〇	乾隆二年九月上	八四二
卷三二	乾隆元年十二月上	六二九	卷五一	乾隆二年九月下	八六一
卷三三	乾隆元年十二月下	六四三	卷五二	乾隆二年閏九月上	八七七
卷三四	乾隆二年正月上	六五二	卷五三	乾隆二年閏九月下	八九〇
卷三五	乾隆二年正月下	六五六	卷五四	乾隆二年十月上	九〇一
卷三六	乾隆二年二月上	六六一	卷五五	乾隆二年十月下	九〇八
卷三七	乾隆二年二月下	六七一	卷五六	乾隆二年十一月上	九一七
卷三八	乾隆二年三月上	六八五	卷五七	乾隆二年十一月下	九二七
卷三九	乾隆二年三月下	六九六	卷五八	乾隆二年十二月上	九三九
卷四〇	乾隆二年四月上	七〇九	卷五九	乾隆二年十二月下	九五一
卷四一	乾隆二年四月下	七二八			
卷四二	乾隆二年五月上	七四六			
卷四三	乾隆二年五月下	七五八			
卷四四	乾隆二年六月上	七七一			
卷四五	乾隆二年六月下	七八二			
卷四六	乾隆二年七月上	七九三			

高宗純皇帝實錄序

皇清荷

上天之眷顧。龍興遼瀋。肇造丕基。

太祖

太宗開創鴻業。休有烈光。

世祖定鼎燕京。版圖式廓。

聖祖久道化成。覃敷厚澤。

世宗整綱飭紀。立政明倫。洪惟我

皇考高宗純皇帝上繼

實錄序

列聖之

心傳。下垂億齡之統緒。

聖德

神謨。一辭莫贊。

臨御六十三年。主敬克勤。孜孜不倦。全始全終。

有如一。日。予小子承古今未遇之

隆恩。際國家昇平之盛世。大廷

授璽。日領

訓言。

龍馭上賓。攀號曷及。爰命儒臣。涓吉開館。敬謹

纂輯

實錄。歷八寒暑。修成一千五百卷。炳炳麟麟。猗

歟。盛哉。綜千古帝王之心法。治法道統。政

統靡不賅備。自有載籍。圖書以來。未有若

斯之盛者也。服膺

庭訓。蠡測管窺。我

皇考之實心實政。大端有四焉。一曰

敬

實錄序

天大祀。歲歲

躬親。

聖壽彌高。而精誠益勵。康健純常。自強不息。昭

事聿懷。恒久不已。軍國重務。悉準以

天理。至誠感格。如響應聲。

親製

大雩祝文。齋心步禱。

駕未還宮。甘霖立沛。此尤真切。著明相通。呼吸

所由

先

天弗違如形召影本於

欽若之實心也一曰

法

祖

五朝實錄晨興敬觀六十三年周而復始

四莅盛京

珠邱展祀敬觀

先朝服御

實錄序

三

追思水源木本感慕無已恭述

太宗文皇帝戒萬世勿改衣冠勒碑以昭法守

於萬斯年引之勿替爰在

冲齡蒙

聖祖仁皇帝恩眷獨隆有福過於

予之

諭當

世宗憲皇帝大事盡哀盡禮純誠純孝恭侍

孝聖憲皇后承

歡頤慶者四十餘年掖

輦則祇奉

慈寧居廬則永言

孺慕萬念本支推

恩惇敘軫開國之親藩復其封號聯宗潢之譜

系優以品秩唐帝之睦族周室之展親何

以踰此

法

祖之至誠

實錄序

四

仁孝之極則也一曰

勤政萬幾綜攬鉅細

躬親晨興

手披奏牘

召對臣工周詢民隱凡莅政所悉以勤政

題額無逸書屏

垂示後人敬守

成憲孰敢稍耽晏安有負

慈訓蓋清明在躬氣志如神

法

天行健。純一不已。六十三年之大政。皆本於大聖人主敬克勤。奕禩蒙庥。永循程式。誠勤政之明效大驗也。一曰

愛民。君臨九有。奉

天治民。禮樂政刑。獎善懲惡。皆所以愛之也。自

古聖帝明王。未有如我

皇考之肫誠懇切。洞悉羣情。

軫念雨暘。周諮稼穡。偏裻偶告。

實錄序

上

惠愷。遄加不令。一夫失所。

念藏富於民。損上益下。為厚生至道。

普免漕糧者三。錢糧者五。蠲免積欠。賑恤歉荒。

億萬京垓。不可數計。

省方觀民。行慶施惠。河防海塘。

親臨指示。永沐安瀾。保全生命。

聖德之感孚。直至於奕代。獲福無量。明刑弼教。

尤於庶獄

矜慎周詳。存辟以止辟。刑期無刑。寓

仁育於義正之中。

好生之德。洽於民心。淪肌浹髓。舍生肖翹靡不

思慕。

聖人愛民之

聖澤至矣。盡矣。金甌鞏固。玉燭長調。實基於此

也。夫此四端。為我

皇考心法。治法彰明顯著。不待敬述。而典章作

述。酌古準今。

欽定禮器圖式。煥然詳備。

實錄序

六

肇建辟雍。復古而不泥古。軌物修明。極千載一

時之盛焉。

經文之德。皇哉唐哉。

聖製文三集。詩五集。詩文餘集。苞羅萬有。陶鑄

羣言。

評全史以昭懲勸。

訂諸經而正異同。

欽定四庫全書。貯之四閣。又頒江浙珍藏。合為

七閣。迴非二酉三倉。所能仰方萬一也。舉

制科者再特開

恩榜者七。棧樸菁莪。登瀛洲。列廊廟者。英才碩

輔。接踵而進焉。

壽考作人之雅化。美矣備矣。

緯武之烈。巍巍乎。蕩蕩乎。莫能名焉。我朝弧矢

開基。武備尤重。

聖人天縱。曾發二十矢中十九。

御神鎗無虛發。每歲

行獮木蘭。蒙古王公鱗集。景從。

平定片

五

開誠布澤。懷德畏威。藹然家人父子。和雍親睦。

皆

至德所感化也。頒行紀律。整飭戎行。成

兩朝未竟之志。開拓新疆二萬餘里。五年之間。

平準噶爾。定回部。

聖武遠揚。兩勲並集。田田宅宅。同我太平。若哈

薩克。若布魯特。常通朝貢。其全部歸順者。

則有土爾扈特四十餘萬衆。實力撫綏。傾

心向化。兩金川自作不靖。

天戈所指。掃穴犁庭。若緬甸之悔罪投誠。安南

之敬闢面內。廓爾喀之齎表輸忱。膺至絡

繹。

上蒼佑啟

聖衷。成曠古未有之大武鴻勳。至齊倫甘回臺

灣。林莊等。小醜蠢動。咸伏刑章。

功溢於十全。

化孚於九有。皆本於

念昔

平定片

八

先猷。不忘肄武。是以所向克捷。荷

天之恩眷。開萬世太平之基。

豐功駿烈。超越往古。盛德大業。至矣哉。我

皇考本誠敬以事

天。抒誠敬以

法

祖。用誠敬以

勤政。敷誠敬以

愛民。故

德福兼隆。備五福。綜四得。

五世同堂。

親見七代。紀年週甲符。

告。

天初願。晉稱。

太上皇帝。

授璽。藐躬。

訓政三年。

恩垂億禩。敬思。

中卷片

九

皇考六十三年中之實心實政。盡包括於一千

五百卷

實錄卷帙之中。我大清億萬斯年。子孫臣庶永

矢至誠至敬。仰慕。

高宗純皇帝之實心實政。則長承

昊眷。共荷。

考慈。悠久無疆。曷其有極也哉。謹序。

嘉慶十二年三月十五日

實錄序

高宗純皇帝實錄

修纂凡例

一

登極典禮書

一

傳寶典禮書

一恭上加上

帝

后尊謚書冊寶文全錄

凡例

一恭上

皇太后徽號奏書冊寶文全錄

一祀

天

地

太廟

山陵

日月

社稷

郊祀躋配

太廟

奉先殿升祔配饗祭

堂子年神月神

列祖誕辰忌辰行禮書詣

壽皇殿

恩佑寺

安佑宮

雍和宮

凡例

恩慕寺

元靈宮

永慕寺

永佑寺行禮書

一

皇太后懿旨全錄

一恭詣

皇太后宮問安侍膳書尊封

皇太妃書

一	皇太后聖壽節。禮儀。祝頌。貢獻。書。
萬壽節。	
皇太后千秋節。及除夕。元旦。上元。冬至。凡大慶賀。	
禮儀。筵宴。舉行停止。皆書。	
一	
升殿視朝。	
御門聽政。書。	
一冊立。	
凡例	
皇后書。封貴妃。書。冊立。	
皇太子書。冊封。	
皇太子妃。書。冊封。皇子。書。冊封。王妃。公主。書。	
一皇子生。書。	
一。大喪禮儀。書。奉安。	
地宮禮儀。書。	
聖德神功碑文。書。	
一。恭謁。	
山陵禮儀。書。	

閱視河工。海塘。指示機宜。及省方。行圍。駐蹕。皆書。	
一。祈穀。耕藉。詣學。臨雍。經筵。大閱。皆書。其	
禮儀。宴賚。亦書。	
一。謁。	
陵。巡幸。命諸皇子隨駕。書。	
臨幸。諸皇子王園第。書。	
一	
詔旨。	
凡例	
敕旨。	
上諭全錄。	
一	
聖製詩文。有關文教。武功。民生。國政者。全錄。	
一纂輯。	
實錄。	
聖訓。	
玉牒。	
國史。	

方畧

欽定各種書籍皆書

一宗室分爵親王郡王以下奉恩將軍以上冊封襲封晉封及降革皆書冊封郡主郡君書宗室

特恩宴賚書

一公主下降郡主郡君等出嫁授固倫額駙和碩額駙多羅額駙固山額駙書

一異姓王公侯伯子男封授襲替書升降

黜革亦書

一外藩王貝勒貝子公封授襲替書升降黜革亦書

一文武大臣加三公三少及官銜書降銜復銜亦書

一宗人府宗令宗正宗人府丞領侍衛內大臣內閣大學士學士六部理藩院尚書侍郎都察院左都御史左副都御史倉場侍郎盛京五部侍郎內務府總管

陵寢總管翰林院掌院學士通政使司通政使

大理寺卿詹事府詹事太常寺卿順天

府府尹奉天府府尹光祿寺卿太僕寺

卿及直隸各省總督漕運總督河道總

督巡撫提督學政布政使司布政使按

察使司按察使等官除授皆書

一鑾儀衛掌衛事鑾儀使八旗都統副都

統前鋒統領護軍統領提督九門步軍

統領奉天等處直省鎮守將軍都統副

都統提督總兵等官除授皆書

一滿漢文武官員奉使外國外藩書奉差

直省事關重大者亦書觀風整俗使宣

諭化導使巡察巡漕等官增設裁汰皆

書

一除授新疆將軍辦事參贊領隊大臣駐

劄西藏辦事大臣書

一鎮守將軍都統副都統督撫提鎮

陞見書藩臬道府等官曾加

獎訓亦書

一大臣充署

經筵講官書翰林入直

南書房

尚書房及充署日講起居注官俱書

一內官京察外官大計武職軍政皆書

一滿漢大學士協辦大學士病卒書滿漢

文武內外大臣以老疾乞休書蒙

恩加銜獎賚慰留及起用皆書緣事休致降革

亦書

一滿漢文武內外大小官制添設更改裁

併皆書銜署移駐亦書

一文武選法品級攷及考課則例有更定

者書

一開拓疆土設立邊鎮及府州縣衛所改

設分置裁併皆書立學定額書

一每歲人丁戶口田地税糧之數並於歲

暮書開墾軍屯丈量地畝圈撥地土編

審人丁折徵漕糧蠲除賦役停罷歲辦

諸物並漕運錢法茶鹽關權及俸祿廩

餼軍糧則例有更定者皆書

一官員俸祿行伍錢糧士子廩餼加

恩增給書

一

恩詔蠲賦

特旨免徵發粟賑荒截漕平糶及常例外

特恩普免減賦緩徵皆書

一 日食月食書星變地震因事俱書

一

聖德謙冲不言符瑞遇慶雲見黃河清麒麟生

芝草茁諸祥凡有臣下稱頌功德

特頒諭旨加意警勉弗令宣付史館者書

一 頒朔進春書

一 頒

詔天下書詔文全錄

一 每歲祭

歷代帝王。

先師孔子。

先農太歲。凡在祀典諸神書。遣官祭長白山。

嶽鎮海瀆。

歷代陵寢。

先師闕里書。

敕封山川神號書。釐定加崇祀典亦書。祈謝及

神示祀典皆書。

一。授衍聖公及先賢先儒後裔五經博士

凡例

元

世襲書。

一。王以下文武大臣蒙

恩賜章服書。賜宴亦書。

一。優禮高年。

特開筵宴。加恩賞賚。

欽賜品秩職銜。及進士舉人副貢皆書。

一。直隸各省鄉試。文武會試。殿試。傳臚書。

文殿試

制題全錄

特開恩科書。增廣鄉會試中額書。加增取進府

州縣衛學文武生員書。

一。

御試博學鴻詞。大考翰詹。及

欽賜舉人。中書進士。一體會試。殿試。選庶吉士。

派教習。散館。授職。皆書。

特命薦舉賢良方正。保舉經學諸科。揀選新進

士人才。及大挑舉人。拔貢皆書。

一。國子監。及直隸各省學政條例。科場條

凡例

下

例。有更定者書。

一。遠方外國。慕化歸誠。遣使進貢書。

賜封爵。給敕印。外藩來朝。及遣使進年貢。遣人

入學。請通市。皆書。定年貢則例。及

特恩減免。留抵貢物書。宴賚亦書。

一。王以下。奉恩將軍以上。民公以下。男以

上。及在京文武官三品以上。在外將軍

都統。副都統。督撫。提鎮等官。及外藩王。

貝勒。貝子。公。卿。典。

賜謚皆書於常例外
特恩優卹亦書

一。邊疆軍營文武大小官員及軍士蒙
恩予卹書於常例外

特加優卹亦書卹典條例有更定者亦書

一。旌表孝子順孫義夫節婦烈婦烈女賞

卹出征弁兵及百歲壽民婦一產三男

四男並於歲終書有奇蹟予旌者另書

一。諸臣條奏奉

凡例

主

旨允行及飭駁者書彈劾有當允行者亦書

一。命將出征調兵籌餉一切

指示方畧書軍中奏捷獻俘納降及凱旋迎勞

書其山海賊寇地方勦撫平定亦書

一。

紫禁直宿兵丁侍衛皮衣銀兩

巡幸行圍冰嬉掃雪善撲旗租等賞賚皆書

一。出征將軍主以下文武大臣侍郎副都

統以上及督撫提鎮等以軍功加銜賞

授世職書以失誤軍機降革問罪亦書
其文武大小官員軍功議敘

特恩陞賞者並書

一。邊遠地方土司酋長歸化投誠宣撫宣

慰等使授職襲職書

一。外藩歸入版圖編設佐領安插人衆書

一。八旗增設佐領甲兵及各省增置駐防

弁兵皆書

一。直隸各省水陸標營兵制及驛傳烽堠

凡例

主

添設裁減歸併書

一。八旗及直隸各省綠旗軍士奉

恩詔及

特旨頒賞書出征戍防軍士於常例給餉外

特加恩賞亦書

一。文武大臣犯罪拘禁遷謫及正法書

特恩赦免亦書不論官吏軍民犯叛逆大罪正

法者亦書

一。肆赦停刑榜示皆書律例有駁正更定

者亦書

一修葺

壇

廟書營建

山陵書修建

闕里文廟創立辟雍及凡在祀典諸神廟宇

並各省先賢廟宇書院皆書建設功臣

專祠亦書凡

賜御書聯扁皆書

一重建

乾清宮

交泰殿書

一修葺前代陵寢書

一經理南北兩河疏濬各省及邊塞地方

河渠水利建築城垣修防隄岸平治軌

塗修砌石道一切工役皆書

大清高宗法天隆運至誠先覺體元立極敷文
奮武孝慈神聖純皇帝實錄目錄一

卷之一

雍正十三年八月

卷之二

雍正十三年九月上

卷之三

雍正十三年九月下

卷之四

雍正十三年十月上

卷之五

雍正十三年十月下

卷之六

雍正十三年十一月上

卷之七

雍正十三年十一月下

卷之八

雍正十三年十二月上

卷之九

雍正十三年十二月下

卷之十

乾隆元年正月上

卷之十一

乾隆元年正月下

卷之十二

乾隆元年二月上

卷之十三

乾隆元年二月下

卷之十四

乾隆元年三月上

卷之十五

乾隆元年三月下

卷之十六

乾隆元年四月上

卷之十七

乾隆元年四月下

實錄目錄

三

卷之十八

乾隆元年五月上

卷之十九

乾隆元年五月下

卷之二十

乾隆元年六月上

卷之二十一

乾隆元年六月下

卷之二十二

乾隆元年七月上

卷之二十三

乾隆元年七月下

卷之二十四

乾隆元年八月上

卷之二十五

乾隆元年八月下

卷之二十六

乾隆元年九月上

實錄目錄

二

卷之二十七

乾隆元年九月下

卷之二十八

乾隆元年十月上

卷之二十九

乾隆元年十月下

卷之三十

乾隆元年十一月上

卷之三十一

乾隆元年十一月下

實錄目錄

四

卷之三十二

乾隆元年十二月上

卷之三十三

乾隆元年十二月下

卷之三十四

乾隆二年正月上

卷之三十五

乾隆二年正月下

卷之三十六

乾隆二年二月上

卷之三十七

乾隆二年二月下

卷之三十八

乾隆二年三月上

卷之三十九

乾隆二年三月下

卷之四十

乾隆二年四月上

實錄目錄

五

卷之四十一

乾隆二年四月下

卷之四十二

乾隆二年五月上

卷之四十三

乾隆二年五月下

卷之四十四

乾隆二年六月上

卷之四十五

乾隆二年六月下

卷之四十六

乾隆二年七月上

卷之四十七

乾隆二年七月下

卷之四十八

乾隆二年八月上

卷之四十九

乾隆二年八月下

卷之五十

乾隆二年九月上

卷之五十一

乾隆二年九月下

卷之五十二

乾隆二年閏九月上

卷之五十三

乾隆二年閏九月下

卷之五十四

乾隆二年十月上

卷之五十五

乾隆二年十月下

卷之五十六

乾隆二年十一月上

卷之五十七

乾隆二年十一月下

卷之五十八

乾隆二年十二月上

卷之五十九

乾隆二年十二月下

卷之六十

乾隆三年正月上

卷之六十一

乾隆三年正月下

卷之六十二

乾隆三年二月上

卷之六十三

乾隆三年二月下

卷之六十四

乾隆三年三月上

卷之六十五

乾隆三年三月下

卷之六十六

乾隆三年四月上

卷之六十七

乾隆三年四月下

卷之六十八

乾隆三年五月上

卷之六十九

乾隆三年五月下

卷之七十

乾隆三年六月上

卷之七十一

乾隆三年六月下

卷之七十二

乾隆三年七月上

卷之七十三

乾隆三年七月下

卷之七十四

乾隆三年八月上

卷之七十五

乾隆三年八月下

卷之七十六

乾隆三年九月上

卷之七十七

乾隆三年九月下

卷之七十八

乾隆三年十月上

卷之七十九

乾隆三年十月下

卷之八十

乾隆三年十一月上

卷之八十一

乾隆三年十一月下

卷之八十二

乾隆三年十二月上

卷之八十三

乾隆三年十二月下

卷之八十四

乾隆四年正月上

卷之八十五

乾隆四年正月下

卷之八十六

乾隆四年二月上

卷之八十七

乾隆四年二月下

卷之八十八

乾隆四年三月上

卷之八十九

乾隆四年三月下

卷之九十

乾隆四年四月上

卷之九十一

乾隆四年四月下

卷之九十二

乾隆四年五月上

卷之九十三

乾隆四年五月下

卷之九十四

乾隆四年六月上

卷之九十五

乾隆四年六月下

卷之九十六

乾隆四年七月上

卷之九十七

乾隆四年七月下

卷之九十八

乾隆四年八月上

卷之九十九

乾隆四年八月下

卷之一百

乾隆四年九月上

卷之一百一

乾隆四年九月下

卷之一百二

乾隆四年十月上

卷之一百三

乾隆四年十月下

卷之一百四

乾隆四年十一月上

卷之一百五

乾隆四年十一月下

卷之一百六

乾隆四年十二月上

卷之一百七

乾隆四年十二月下

卷之一百八

乾隆五年正月上

卷之一百九

乾隆五年正月下

卷之一百十

乾隆五年二月上

卷之一百十一

乾隆五年二月下

卷之一百十二

乾隆五年三月上

卷之一百十三

乾隆五年三月下

卷之一百十四

乾隆五年四月上

卷之一百十五

乾隆五年四月下

卷之一百十六

乾隆五年五月上

卷之一百十七

乾隆五年五月下

卷之一百十八

乾隆五年六月上

卷之一百十九

乾隆五年六月下

卷之一百二十

乾隆五年閏六月上

卷之一百二十一

乾隆五年閏六月下

卷之一百二十二

乾隆五年七月上

卷之一百二十三

乾隆五年七月下

卷之一百二十四

乾隆五年八月上

卷之一百二十五

乾隆五年八月下

卷之一百二十六

乾隆五年九月上

卷之一百二十七

乾隆五年九月下

卷之一百二十八

乾隆五年十月上

卷之一百二十九

乾隆五年十月下

卷之一百三十

乾隆五年十一月上

卷之一百三十一

乾隆五年十一月下

卷之一百三十二

乾隆五年十二月上

卷之一百三十三

乾隆五年十二月下

卷之一百三十四

乾隆六年正月上

卷之一百三十五

乾隆六年正月下

卷之一百三十六

乾隆六年二月上

卷之一百三十七

乾隆六年二月下

卷之一百三十八

乾隆六年三月上

卷之一百三十九

乾隆六年三月下

卷之一百四十

乾隆六年四月上

卷之一百四十一

乾隆六年四月下

卷之一百四十二

乾隆六年五月上

卷之一百四十三

乾隆六年五月下

卷之一百四十四

乾隆六年六月上

卷之一百四十五

乾隆六年六月下

卷之一百四十六

乾隆六年七月上

卷之一百四十七

乾隆六年七月下

卷之一百四十八

乾隆六年八月上

卷之一百四十九

乾隆六年八月下

卷之一百五十

乾隆六年九月上

卷之一百五十一

乾隆六年九月下

卷之一百五十二

乾隆六年十月上

卷之一百五十三

乾隆六年十月下

卷之一百五十四

乾隆六年十一月上

卷之一百五十五

乾隆六年十一月下

卷之一百五十六

乾隆六年十二月上

卷之一百五十七

乾隆六年十二月下

卷之一百五十八

乾隆七年正月上

卷之一百五十九

乾隆七年正月下

卷之一百六十

乾隆七年二月上

卷之一百六十一

乾隆七年二月下

卷之一百六十二

乾隆七年三月上

卷之一百六十三

乾隆七年三月下

卷之一百六十四

乾隆七年四月上

卷之一百六十五

乾隆七年四月下

卷之一百六十六

乾隆七年五月上

卷之一百六十七

乾隆七年五月下

卷之一百六十八

乾隆七年六月上

卷之一百六十九

乾隆七年六月下

卷之一百七十

乾隆七年七月上

卷之一百七十一

乾隆七年七月下

卷之一百七十二

乾隆七年八月上

卷之一百七十三

乾隆七年八月下

卷之一百七十四

乾隆七年九月上

卷之一百七十五

乾隆七年九月下

卷之一百七十六

乾隆七年十月上

卷之一百七十七

乾隆七年十月下

卷之一百七十八

乾隆七年十一月上

卷之一百七十九

乾隆七年十一月下

卷之一百八十

乾隆七年十二月上

卷之一百八十一

乾隆七年十二月下

卷之一百八十二

乾隆八年正月上

卷之一百八十三

乾隆八年正月下

卷之一百八十四

乾隆八年二月上

卷之一百八十五

乾隆八年二月下

卷之一百八十六

乾隆八年三月上

卷之一百八十七

乾隆八年三月下

卷之一百八十八

乾隆八年四月上

卷之一百八十九

乾隆八年四月下

卷之一百九十

乾隆八年閏四月上

卷之一百九十一

乾隆八年閏四月下

卷之一百九十二

乾隆八年五月上

卷之一百九十三

乾隆八年五月下

卷之一百九十四

乾隆八年六月上

卷之一百九十五

乾隆八年六月下

卷之一百九十六

乾隆八年七月上

卷之一百九十七

乾隆八年七月下

卷之一百九十八

乾隆八年八月上

卷之一百九十九

乾隆八年八月下

卷之二百

乾隆八年九月上

卷之二百一

乾隆八年九月下

卷之二百二

乾隆八年十月上

卷之二百三

乾隆八年十月下

卷之二百四

乾隆八年十一月上

卷之二百五

乾隆八年十一月下

卷之二百六

乾隆八年十二月上

卷之二百七

乾隆八年十二月下

卷之二百八

乾隆九年正月上

卷之二百九

乾隆九年正月下

卷之二百十

乾隆九年二月上

卷之二百十一

乾隆九年二月下

卷之二百十二

乾隆九年三月上

卷之二百十三

乾隆九年三月下

卷之二百十四

乾隆九年四月上

卷之二百十五

乾隆九年四月下

卷之二百十六

乾隆九年五月上

卷之二百十七

乾隆九年五月下

卷之二百十八

乾隆九年六月上

卷之二百十九

乾隆九年六月下

卷之二百二十

乾隆九年七月上

卷之二百二十一

乾隆九年七月下

卷之二百二十二

乾隆九年八月上

卷之二百二十三

乾隆九年八月下

卷之二百二十四

乾隆九年九月上

卷之二百二十五

乾隆九年九月下

卷之二百二十六

乾隆九年十月上

卷之二百二十七

乾隆九年十月下

卷之二百二十八

乾隆九年十一月上

卷之二百二十九

乾隆九年十一月下

卷之二百三十

乾隆九年十二月上

卷之二百三十一

乾隆九年十二月下

卷之二百三十二

乾隆十年正月上

卷之二百三十三

乾隆十年正月下

卷之二百三十四

乾隆十年二月上

卷之二百三十五

乾隆十年二月下

卷之二百三十六

乾隆十年三月上

卷之二百三十七

乾隆十年三月下

卷之二百三十八

乾隆十年四月上

卷之二百三十九

乾隆十年四月下

卷之二百四十

乾隆十年五月上

卷之二百四十一

乾隆十年五月下

卷之二百四十二

乾隆十年六月上

卷之二百四十三

乾隆十年六月下

卷之二百四十四

乾隆十年七月上

卷之二百四十五

乾隆十年七月下

卷之二百四十六

乾隆十年八月上

卷之二百四十七

乾隆十年八月下

卷之二百四十八

乾隆十年九月上

卷之二百四十九

乾隆十年九月下

卷之二百五十

乾隆十年十月上

卷之二百五十一

乾隆十年十月下

卷之二百五十二

乾隆十年十一月上

卷之二百五十三

乾隆十年十一月下

卷之二百五十四

乾隆十年十二月上

卷之二百五十五

乾隆十年十二月下

卷之二百五十六

乾隆十一年正月上

卷之二百五十七

乾隆十一年正月下

卷之二百五十八

乾隆十一年二月上

卷之二百五十九

乾隆十一年二月下

卷之二百六十

乾隆十一年三月上

卷之二百六十一

乾隆十一年三月下

卷之二百六十二

乾隆十一年閏三月上

卷之二百六十三

乾隆十一年閏三月下

卷之二百六十四

乾隆十一年四月上

卷之二百六十五

乾隆十一年四月下

卷之二百六十六

乾隆十一年五月上

卷之二百六十七

乾隆十一年五月下

卷之二百六十八

乾隆十一年六月上

卷之二百六十九

乾隆十一年六月下

卷之二百七十

乾隆十一年七月上

卷之二百七十一

乾隆十一年七月下

卷之二百七十二

乾隆十一年八月上

卷之二百七十三

乾隆十一年八月下

卷之二百七十四

乾隆十一年九月上

卷之二百七十五

乾隆十一年九月下

卷之二百七十六

乾隆十一年十月上

卷之二百七十七

乾隆十一年十月下

卷之二百七十八

乾隆十一年十一月上

卷之二百七十九

乾隆十一年十一月下

卷之二百八十

乾隆十一年十二月上

卷之二百八十一

乾隆十一年十二月下

卷之二百八十二

乾隆十二年正月上

卷之二百八十三

乾隆十二年正月下

卷之二百八十四

乾隆十二年二月上

卷之二百八十五

乾隆十二年二月下

卷之二百八十六

乾隆十二年三月上

卷之二百八十七

乾隆十二年三月下

卷之二百八十八

乾隆十二年四月上

卷之二百八十九

乾隆十二年四月下

卷之二百九十

乾隆十二年五月上

卷之二百九十一

乾隆十二年五月下

卷之二百九十二

乾隆十二年六月上

卷之二百九十三

乾隆十二年六月下

卷之二百九十四

乾隆十二年七月上

卷之二百九十五

乾隆十二年七月下

卷之二百九十六

乾隆十二年八月上

卷之二百九十七

乾隆十二年八月下

卷之二百九十八

乾隆十二年九月上

卷之二百九十九

乾隆十二年九月下

卷之三百

乾隆十二年十月上

卷之三百一

乾隆十二年十月下

卷之三百二

乾隆十二年十一月上

卷之三百三

乾隆十二年十一月下

卷之三百四

乾隆十二年十二月上

卷之三百五

乾隆十二年十二月下

卷之三百六

乾隆十三年正月上

卷之三百七

乾隆十三年正月下

卷之三百八

乾隆十三年二月上

卷之三百九

乾隆十三年二月下

卷之三百十

乾隆十三年三月上

卷之三百十一

乾隆十三年三月下

卷之三百十二

乾隆十三年四月上

卷之三百十三

乾隆十三年四月下

卷之三百十四

乾隆十三年五月上

卷之三百十五

乾隆十三年五月下

卷之三百十六

乾隆十三年六月上

卷之三百十七

乾隆十三年六月下

卷之三百十八

乾隆十三年七月上

卷之三百十九

乾隆十三年七月下

卷之三百二十

乾隆十三年閏七月上

卷之三百二十一

乾隆十三年閏七月下

卷之三百二十二

乾隆十三年八月上

卷之三百二十三

乾隆十三年八月下

卷之三百二十四

乾隆十三年九月上

卷之三百二十五

乾隆十三年九月下

卷之三百二十六

乾隆十三年十月上

卷之三百二十七

乾隆十三年十月下

卷之三百二十八

乾隆十三年十一月上

卷之三百二十九

乾隆十三年十一月下

卷之三百三十

乾隆十三年十二月上

卷之三百三十一

乾隆十三年十二月下

卷之三百三十二

乾隆十四年正月上

卷之三百三十三

乾隆十四年正月下

卷之三百三十四

乾隆十四年二月上

卷之三百三十五

乾隆十四年二月下

卷之三百三十六

乾隆十四年三月上

卷之三百三十七

乾隆十四年三月下

卷之三百三十八

乾隆十四年四月上

卷之三百三十九

乾隆十四年四月下

卷之三百四十

乾隆十四年五月上

卷之三百四十一

乾隆十四年五月下

卷之三百四十二

乾隆十四年六月上

卷之三百四十三

乾隆十四年六月下

卷之三百四十四

乾隆十四年七月上

卷之三百四十五

乾隆十四年七月下

卷之三百四十六

乾隆十四年八月上

卷之三百四十七

乾隆十四年八月下

卷之三百四十八

乾隆十四年九月上

卷之三百四十九

乾隆十四年九月下

卷之三百五十

乾隆十四年十月上

卷之三百五十一

乾隆十四年十月下

卷之三百五十二

乾隆十四年十一月上

卷之三百五十三

乾隆十四年十一月下

卷之三百五十四

乾隆十四年十二月上

卷之三百五十五

乾隆十四年十二月下

卷之三百五十六

乾隆十五年正月上

卷之三百五十七

乾隆十五年正月下

卷之三百五十八

乾隆十五年二月上

卷之三百五十九

乾隆十五年二月下

卷之三百六十

乾隆十五年三月上

卷之三百六十一

乾隆十五年三月下

卷之三百六十二

乾隆十五年四月上

卷之三百六十三

乾隆十五年四月下

卷之三百六十四

乾隆十五年五月上

卷之三百六十五

乾隆十五年五月下

卷之三百六十六

乾隆十五年六月上

卷之三百六十七

乾隆十五年六月下

卷之三百六十八

乾隆十五年七月上

卷之三百六十九

乾隆十五年七月下

卷之三百七十

乾隆十五年八月上

卷之三百七十一

乾隆十五年八月下

卷之三百七十二

乾隆十五年九月上

卷之三百七十三

乾隆十五年九月下

卷之三百七十四

乾隆十五年十月上

卷之三百七十五

乾隆十五年十月下

卷之三百七十六

乾隆十五年十一月上

卷之三百七十七

乾隆十五年十一月下

卷之三百七十八

乾隆十五年十二月上

卷之三百七十九

乾隆十五年十二月下

卷之三百八十

乾隆十六年正月上

卷之三百八十一

乾隆十六年正月下

卷之三百八十二

乾隆十六年二月上

卷之三百八十三

乾隆十六年二月下

卷之三百八十四

乾隆十六年三月上

卷之三百八十五

乾隆十六年三月下

卷之三百八十六

乾隆十六年四月上

卷之三百八十七

乾隆十六年四月下

卷之三百八十八

乾隆十六年五月上

卷之三百八十九

乾隆十六年五月下

卷之三百九十

乾隆十六年閏五月上

卷之三百九十一

乾隆十六年閏五月下

卷之三百九十二

乾隆十六年六月上

卷之三百九十三

乾隆十六年六月下

卷之三百九十四

乾隆十六年七月上

卷之三百九十五

乾隆十六年七月下

卷之三百九十六

乾隆十六年八月上

卷之三百九十七

乾隆十六年八月下

卷之三百九十八

乾隆十六年九月上

卷之三百九十九

乾隆十六年九月下

卷之四百

乾隆十六年十月上

卷之四百一

乾隆十六年十月下

卷之四百二

乾隆十六年十一月上

卷之四百三

乾隆十六年十一月下

卷之四百四

乾隆十六年十二月上

卷之四百五

乾隆十六年十二月下

卷之四百六

乾隆十七年正月上

卷之四百七

乾隆十七年正月下

卷之四百八

乾隆十七年二月上

卷之四百九

乾隆十七年二月下

卷之四百十

乾隆十七年三月上

卷之四百十一

乾隆十七年三月下

卷之四百十二

乾隆十七年四月上

卷之四百十三

乾隆十七年四月下

卷之四百十四

乾隆十七年五月上

卷之四百十五

乾隆十七年五月下

卷之四百十六

乾隆十七年六月上

卷之四百十七

乾隆十七年六月下

卷之四百十八

乾隆十七年七月上

卷之四百十九

乾隆十七年七月下

卷之四百二十

乾隆十七年八月上

卷之四百二十一

乾隆十七年八月下

卷之四百二十二

乾隆十七年九月上

卷之四百二十三

乾隆十七年九月下

卷之四百二十四

乾隆十七年十月上

卷之四百二十五

乾隆十七年十月下

卷之四百二十六

乾隆十七年十一月上

卷之四百二十七

乾隆十七年十一月下

卷之四百二十八

乾隆十七年十二月上

卷之四百二十九

乾隆十七年十二月下

卷之四百三十

乾隆十八年正月上

卷之四百三十一

乾隆十八年正月下

卷之四百三十二

乾隆十八年二月上

卷之四百三十三

乾隆十八年二月下

卷之四百三十四

乾隆十八年三月上

卷之四百三十五

乾隆十八年三月下

卷之四百三十六

乾隆十八年四月上

卷之四百三十七

乾隆十八年四月下

卷之四百三十八

乾隆十八年五月上

卷之四百三十九

乾隆十八年五月下

卷之四百四十

乾隆十八年六月上

卷之四百四十一

乾隆十八年六月下

卷之四百四十二

乾隆十八年七月上

卷之四百四十三

乾隆十八年七月下

卷之四百四十四

乾隆十八年八月上

卷之四百四十五

乾隆十八年八月下

卷之四百四十六

乾隆十八年九月上

卷之四百四十七

乾隆十八年九月下

卷之四百四十八

乾隆十八年十月上

卷之四百四十九

乾隆十八年十月下

卷之四百五十

乾隆十八年十一月上

卷之四百五十一

乾隆十八年十一月下

卷之四百五十二

乾隆十八年十二月上

卷之四百五十三

乾隆十八年十二月下

卷之四百五十四

乾隆十九年正月上

卷之四百五十五

乾隆十九年正月下

卷之四百五十六

乾隆十九年二月上

卷之四百五十七

乾隆十九年二月下

卷之四百五十八

乾隆十九年三月上

卷之四百五十九

乾隆十九年三月下

卷之四百六十

乾隆十九年四月上

卷之四百六十一

乾隆十九年四月下

卷之四百六十二

乾隆十九年閏四月上

卷之四百六十三

乾隆十九年閏四月下

卷之四百六十四

乾隆十九年五月上

卷之四百六十五

乾隆十九年五月下

卷之四百六十六

乾隆十九年六月上

卷之四百六十七

乾隆十九年六月下

卷之四百六十八

乾隆十九年七月上

卷之四百六十九

乾隆十九年七月下

卷之四百七十

乾隆十九年八月上

卷之四百七十一

乾隆十九年八月下

卷之四百七十二

乾隆十九年九月上

卷之四百七十三

乾隆十九年九月下

卷之四百七十四

乾隆十九年十月上

卷之四百七十五

乾隆十九年十月下

卷之四百七十六

乾隆十九年十一月上

卷之四百七十七

乾隆十九年十一月下

卷之四百七十八

乾隆十九年十二月上

卷之四百七十九

乾隆十九年十二月下

卷之四百八十

乾隆二十年正月上

卷之四百八十一

乾隆二十年正月下

卷之四百八十二

乾隆二十年二月上

卷之四百八十三

乾隆二十年二月下

卷之四百八十四

乾隆二十年三月上

卷之四百八十五

乾隆二十年三月下

卷之四百八十六

乾隆二十年四月上

卷之四百八十七

乾隆二十年四月下

卷之四百八十八

乾隆二十年五月上

卷之四百八十九

乾隆二十年五月下

卷之四百九十

乾隆二十年六月上

卷之四百九十一

乾隆二十年六月下

卷之四百九十二

乾隆二十年七月上

卷之四百九十三

乾隆二十年七月下

卷之四百九十四

乾隆二十年八月上

卷之四百九十五

乾隆二十年八月下

卷之四百九十六

乾隆二十年九月上

卷之四百九十七

乾隆二十年九月下

卷之四百九十八

乾隆二十年十月上

卷之四百九十九

乾隆二十年十月下

卷之五百

乾隆二十年十一月上

卷之五百一

乾隆二十年十一月下

卷之五百二

乾隆二十年十二月上

卷之五百三

乾隆二十年十二月下

大清高宗法天隆運至誠先覺體元立極敷文
奮武孝慈神聖純皇帝實錄目錄

大清高宗法天隆運至誠先覺體元立極敷文
奮武孝慈神聖純皇帝實錄目錄二

卷之五百四

乾隆二十一年正月上

卷之五百五

乾隆二十一年正月下

卷之五百六

乾隆二十一年二月上

卷之五百七

乾隆二十一年二月下

卷之五百八

乾隆二十一年三月上

卷之五百九

乾隆二十一年三月下

卷之五百十

乾隆二十一年四月上

卷之五百十一

乾隆二十一年四月下

卷之五百十二

乾隆二十一年五月上

卷之五百十三

乾隆二十一年五月下

卷之五百十四

乾隆二十一年六月上

卷之五百十五

乾隆二十一年六月下

卷之五百十六

乾隆二十一年七月上

卷之五百十七

乾隆二十一年七月下

卷之五百十八

乾隆二十一年八月上

卷之五百十九

乾隆二十一年八月下

卷之五百二十

乾隆二十一年九月上

卷之五百二十一

乾隆二十一年九月下

卷之五百二十二

乾隆二十一年閏九月上

卷之五百二十三

乾隆二十一年閏九月下

卷之五百二十四

乾隆二十一年十月上

卷之五百二十五

乾隆二十一年十月下

卷之五百二十六

乾隆二十一年十一月上

卷之五百二十七

乾隆二十一年十一月下

卷之五百二十八

乾隆二十一年十二月上

卷之五百二十九

乾隆二十一年十二月下

卷之五百三十

乾隆二十二年正月上

卷之五百三十一

乾隆二十二年正月下

卷之五百三十二

乾隆二十二年二月上

卷之五百三十三

乾隆二十二年二月下

卷之五百三十四

乾隆二十二年三月上

卷之五百三十五

乾隆二十二年三月下

卷之五百三十六

乾隆二十二年四月上

卷之五百三十七

乾隆二十二年四月下

卷之五百三十八

乾隆二十二年五月上

卷之五百三十九

乾隆二十二年五月下

卷之五百四十

乾隆二十二年六月上

卷之五百四十一

乾隆二十二年六月下

卷之五百四十二

乾隆二十二年七月上

卷之五百四十三

乾隆二十二年七月下

卷之五百四十四

乾隆二十二年八月上

卷之五百四十五

乾隆二十二年八月下

卷之五百四十六

乾隆二十二年九月上

卷之五百四十七

乾隆二十二年九月下

卷之五百四十八

乾隆二十二年十月上

卷之五百四十九

乾隆二十二年十月下

卷之五百五十

乾隆二十二年十一月上

卷之五百五十一

乾隆二十二年十一月下

卷之五百五十二

乾隆二十二年十二月上

卷之五百五十三

乾隆二十二年十二月下

卷之五百五十四

乾隆二十三年正月上

卷之五百五十五

乾隆二十三年正月下

卷之五百五十六

乾隆二十三年二月上

卷之五百五十七

乾隆二十三年二月下

卷之五百五十八

乾隆二十三年三月上

卷之五百五十九

乾隆二十三年三月下

卷之五百六十

乾隆二十三年四月上

卷之五百六十一

乾隆二十三年四月下

卷之五百六十二

乾隆二十三年五月上

卷之五百六十三

乾隆二十三年五月下

卷之五百六十四

乾隆二十三年六月上

卷之五百六十五

乾隆二十三年六月下

卷之五百六十六

乾隆二十三年七月上

卷之五百六十七

乾隆二十三年七月下

卷之五百六十八

乾隆二十三年八月上

卷之五百六十九

乾隆二十三年八月下

卷之五百七十

乾隆二十三年九月上

卷之五百七十一

乾隆二十三年九月下

卷之五百七十二

乾隆二十三年十月上

卷之五百七十三

乾隆二十三年十月下

卷之五百七十四

乾隆二十三年十一月上

卷之五百七十五

乾隆二十三年十一月下

卷之五百七十六

乾隆二十三年十二月上

卷之五百七十七

乾隆二十三年十二月下

卷之五百七十八

乾隆二十四年正月上

卷之五百七十九

乾隆二十四年正月下

卷之五百八十

乾隆二十四年二月上

卷之五百八十一

乾隆二十四年二月下

卷之五百八十二

乾隆二十四年三月上

卷之五百八十三

乾隆二十四年三月下

卷之五百八十四

乾隆二十四年四月上

卷之五百八十五

乾隆二十四年四月下

卷之五百八十六

乾隆二十四年五月上

卷之五百八十七

乾隆二十四年五月下

卷之五百八十八

乾隆二十四年六月上

卷之五百八十九

乾隆二十四年六月下

卷之五百九十

乾隆二十四年閏六月上

卷之五百九十一

乾隆二十四年閏六月下

卷之五百九十二

乾隆二十四年七月上

卷之五百九十三

乾隆二十四年七月下

卷之五百九十四

乾隆二十四年八月上

卷之五百九十五

乾隆二十四年八月下

卷之五百九十六

乾隆二十四年九月上

卷之五百九十七

乾隆二十四年九月下

卷之五百九十八

乾隆二十四年十月上

卷之五百九十九

乾隆二十四年十月下

卷之六百

乾隆二十四年十一月上

卷之六百一

乾隆二十四年十一月下

卷之六百二

乾隆二十四年十二月上

卷之六百三

乾隆二十四年十二月下

卷之六百四

乾隆二十五年正月上

卷之六百五

乾隆二十五年正月下

卷之六百六

乾隆二十五年二月上

卷之六百七

乾隆二十五年二月下

卷之六百八

乾隆二十五年三月上

卷之六百九

乾隆二十五年三月下

卷之六百十

乾隆二十五年四月上

卷之六百十一

乾隆二十五年四月下

卷之六百十二

乾隆二十五年五月上

卷之六百十三

乾隆二十五年五月下

卷之六百十四

乾隆二十五年六月上

卷之六百十五

乾隆二十五年六月下

卷之六百十六

乾隆二十五年七月上

卷之六百十七

乾隆二十五年七月下

卷之六百十八

乾隆二十五年八月上

卷之六百十九

乾隆二十五年八月下

卷之六百二十

乾隆二十五年九月上

卷之六百二十一

乾隆二十五年九月下

卷之六百二十二

乾隆二十五年十月上

卷之六百二十三

乾隆二十五年十月下

卷之六百二十四

乾隆二十五年十一月上

卷之六百二十五

乾隆二十五年十一月下

卷之六百二十六

乾隆二十五年十二月上

卷之六百二十七

乾隆二十五年十二月下

卷之六百二十八

乾隆二十六年正月上

卷之六百二十九

乾隆二十六年正月下

卷之六百三十

乾隆二十六年二月上

卷之六百三十一

乾隆二十六年二月下

卷之六百三十二

乾隆二十六年三月上

卷之六百三十三

乾隆二十六年三月下

卷之六百三十四

乾隆二十六年四月上

卷之六百三十五

乾隆二十六年四月下

卷之六百三十六

乾隆二十六年五月上

卷之六百三十七

乾隆二十六年五月下

卷之六百三十八

乾隆二十六年六月上

卷之六百三十九

乾隆二十六年六月下

卷之六百四十

乾隆二十六年七月上

卷之六百四十一

乾隆二十六年七月下

卷之六百四十二

乾隆二十六年八月上

卷之六百四十三

乾隆二十六年八月下

卷之六百四十四

乾隆二十六年九月上

卷之六百四十五

乾隆二十六年九月下

卷之六百四十六

乾隆二十六年十月上

卷之六百四十七

乾隆二十六年十月下

卷之六百四十八

乾隆二十六年十一月上

卷之六百四十九

乾隆二十六年十一月下

卷之六百五十

乾隆二十六年十二月上

卷之六百五十一

乾隆二十六年十二月下

卷之六百五十二

乾隆二十七年正月上

卷之六百五十三

乾隆二十七年正月下

卷之六百五十四

乾隆二十七年二月上

卷之六百五十五

乾隆二十七年二月下

卷之六百五十六

乾隆二十七年三月上

卷之六百五十七

乾隆二十七年三月下

卷之六百五十八

乾隆二十七年四月上

卷之六百五十九

乾隆二十七年四月下

卷之六百六十

乾隆二十七年五月上

卷之六百六十一

乾隆二十七年五月下

卷之六百六十二

乾隆二十七年閏五月上

卷之六百六十三

乾隆二十七年閏五月下

卷之六百六十四

乾隆二十七年六月上

卷之六百六十五

乾隆二十七年六月下

卷之六百六十六

乾隆二十七年七月上

卷之六百六十七

乾隆二十七年七月下

卷之六百六十八

乾隆二十七年八月上

卷之六百六十九

乾隆二十七年八月下

卷之六百七十

乾隆二十七年九月上

卷之六百七十一

乾隆二十七年九月下

卷之六百七十二

乾隆二十七年十月上

卷之六百七十三

乾隆二十七年十月下

卷之六百七十四

乾隆二十七年十一月上

卷之六百七十五

乾隆二十七年十一月下

卷之六百七十六

乾隆二十七年十二月上

卷之六百七十七

乾隆二十七年十二月下

卷之六百七十八

乾隆二十八年正月上

卷之六百七十九

乾隆二十八年正月下

卷之六百八十

乾隆二十八年二月上

卷之六百八十一

乾隆二十八年二月下

卷之六百八十二

乾隆二十八年三月上

卷之六百八十三

乾隆二十八年三月下

卷之六百八十四

乾隆二十八年四月上

卷之六百八十五

乾隆二十八年四月下

卷之六百八十六

乾隆二十八年五月上

卷之六百八十七

乾隆二十八年五月下

卷之六百八十八

乾隆二十八年六月上

卷之六百八十九

乾隆二十八年六月下

卷之六百九十

乾隆二十八年七月上

卷之六百九十一

乾隆二十八年七月下

卷之六百九十二

乾隆二十八年八月上

卷之六百九十三

乾隆二十八年八月下

卷之六百九十四

乾隆二十八年九月上

卷之六百九十五

乾隆二十八年九月下

卷之六百九十六

乾隆二十八年十月上

卷之六百九十七

乾隆二十八年十月下

卷之六百九十八

乾隆二十八年十一月上

卷之六百九十九

乾隆二十八年十一月下

卷之七百

乾隆二十八年十二月上

卷之七百一

乾隆二十八年十二月下

卷之七百二

乾隆二十九年正月上

卷之七百三

乾隆二十九年正月下

卷之七百四

乾隆二十九年二月上

卷之七百五

乾隆二十九年二月下

卷之七百六

乾隆二十九年三月上

卷之七百七

乾隆二十九年三月下

卷之七百八

乾隆二十九年四月上

卷之七百九

乾隆二十九年四月下

卷之七百十

乾隆二十九年五月上

卷之七百十一

乾隆二十九年五月下

卷之七百十二

乾隆二十九年六月上

卷之七百十三

乾隆二十九年六月下

卷之七百十四

乾隆二十九年七月上

卷之七百十五

乾隆二十九年七月下

卷之七百十六

乾隆二十九年八月上

卷之七百十七

乾隆二十九年八月下

卷之七百十八

乾隆二十九年九月上

卷之七百十九

乾隆二十九年九月下

卷之七百二十

乾隆二十九年十月上

卷之七百二十一

乾隆二十九年十月下

卷之七百二十二

乾隆二十九年十一月上

卷之七百二十三

乾隆二十九年十一月下

卷之七百二十四

乾隆二十九年十二月上

卷之七百二十五

乾隆二十九年十二月下

卷之七百二十六

乾隆三十年正月上

卷之七百二十七

乾隆三十年正月下

卷之七百二十八

乾隆三十年二月上

卷之七百二十九

乾隆三十年二月下

卷之七百三十

乾隆三十年閏二月上

卷之七百三十一

乾隆三十年閏二月下

卷之七百三十二

乾隆三十年三月上

卷之七百三十三

乾隆三十年三月下

卷之七百三十四

乾隆三十年四月上

卷之七百三十五

乾隆三十年四月下

卷之七百三十六

乾隆三十年五月上

卷之七百三十七

乾隆三十年五月下

卷之七百三十八

乾隆三十年六月上

卷之七百三十九

乾隆三十年六月下

卷之七百四十

乾隆三十年七月上

卷之七百四十一

乾隆三十年七月下

卷之七百四十二

乾隆三十年八月上

卷之七百四十三

乾隆三十年八月下

卷之七百四十四

乾隆三十年九月上

卷之七百四十五

乾隆三十年九月下

卷之七百四十六

乾隆三十年十月上

卷之七百四十七

乾隆三十年十月下

卷之七百四十八

乾隆三十年十一月上

卷之七百四十九

乾隆三十年十一月下

卷之七百五十

乾隆三十年十二月上

卷之七百五十一

乾隆三十年十二月下

卷之七百五十二

乾隆三十一年正月上

卷之七百五十三

乾隆三十一年正月下

卷之七百五十四

乾隆三十一年二月上

卷之七百五十五

乾隆三十一年二月下

卷之七百五十六

乾隆三十一年三月上

卷之七百五十七

乾隆三十一年三月下

卷之七百五十八

乾隆三十一年四月上

卷之七百五十九

乾隆三十一年四月下

卷之七百六十

乾隆三十一年五月上

卷之七百六十一

乾隆三十一年五月下

卷之七百六十二

乾隆三十一年六月上

卷之七百六十三

乾隆三十一年六月下

卷之七百六十四

乾隆三十一年七月上

卷之七百六十五

乾隆三十一年七月下

卷之七百六十六

乾隆三十一年八月上

卷之七百六十七

乾隆三十一年八月下

卷之七百六十八

乾隆三十一年九月上

卷之七百六十九

乾隆三十一年九月下

卷之七百七十

乾隆三十一年十月上

卷之七百七十一

乾隆三十一年十月下

卷之七百七十二

乾隆三十一年十一月上

卷之七百七十三

乾隆三十一年十一月下

卷之七百七十四

乾隆三十一年十二月上

卷之七百七十五

乾隆三十一年十二月下

卷之七百七十六

乾隆三十二年正月上

卷之七百七十七

乾隆三十二年正月下

卷之七百七十八

乾隆三十二年二月上

卷之七百七十九

乾隆三十二年二月下

卷之七百八十

乾隆三十二年三月上

卷之七百八十一

乾隆三十二年三月下

卷之七百八十二

乾隆三十二年四月上

卷之七百八十三

乾隆三十二年四月下

卷之七百八十四

乾隆三十二年五月上

卷之七百八十五

乾隆三十二年五月下

卷之七百八十六

乾隆三十二年六月上

卷之七百八十七

乾隆三十二年六月下

卷之七百八十八

乾隆三十二年七月上

卷之七百八十九

乾隆三十二年七月下

卷之七百九十

乾隆三十二年閏七月上

卷之七百九十一

乾隆三十二年閏七月下

卷之七百九十二

乾隆三十二年八月上

卷之七百九十三

乾隆三十二年八月下

卷之七百九十四

乾隆三十二年九月上

卷之七百九十五

乾隆三十二年九月下

卷之七百九十六

乾隆三十二年十月上

卷之七百九十七

乾隆三十二年十月下

卷之七百九十八

乾隆三十二年十一月上

卷之七百九十九

乾隆三十二年十一月下

卷之八百

乾隆三十二年十二月上

卷之八百一

乾隆三十二年十二月下

卷之八百二

乾隆三十三年正月上

卷之八百三

乾隆三十三年正月下

卷之八百四

乾隆三十三年二月上

卷之八百五

乾隆三十三年二月下

卷之八百六

乾隆三十三年三月上

卷之八百七

乾隆三十三年三月下

卷之八百八

乾隆三十三年四月上

卷之八百九

乾隆三十三年四月下

卷之八百十

乾隆三十三年五月上

卷之八百十一

乾隆三十三年五月下

卷之八百十二

乾隆三十三年六月上

卷之八百十三

乾隆三十三年六月下

卷之八百十四

乾隆三十三年七月上

卷之八百十五

乾隆三十三年七月下

卷之八百十六

乾隆三十三年八月上

卷之八百十七

乾隆三十三年八月下

卷之八百十八

乾隆三十三年九月上

卷之八百十九

乾隆三十三年九月下

卷之八百二十

乾隆三十三年十月上

卷之八百二十一

乾隆三十三年十月下

卷之八百二十二

乾隆三十三年十一月上

卷之八百二十三

乾隆三十三年十一月下

卷之八百二十四

乾隆三十三年十二月上

卷之八百二十五

乾隆三十三年十二月下

卷之八百二十六

乾隆三十四年正月上

卷之八百二十七

乾隆三十四年正月下

卷之八百二十八

乾隆三十四年二月上

卷之八百二十九

乾隆三十四年二月下

卷之八百三十

乾隆三十四年三月上

卷之八百三十一

乾隆三十四年三月下

卷之八百三十二

乾隆三十四年四月上

卷之八百三十三

乾隆三十四年四月下

卷之八百三十四

乾隆三十四年五月上

卷之八百三十五

乾隆三十四年五月下

卷之八百三十六

乾隆三十四年六月上

卷之八百三十七

乾隆三十四年六月下

卷之八百三十八

乾隆三十四年七月上

卷之八百三十九

乾隆三十四年七月下

卷之八百四十

乾隆三十四年八月上

卷之八百四十一

乾隆三十四年八月下

卷之八百四十二

乾隆三十四年九月上

卷之八百四十三

乾隆三十四年九月下

卷之八百四十四

乾隆三十四年十月上

卷之八百四十五

乾隆三十四年十月下

卷之八百四十六

乾隆三十四年十一月上

卷之八百四十七

乾隆三十四年十一月下

卷之八百四十八

乾隆三十四年十二月上

卷之八百四十九

乾隆三十四年十二月下

卷之八百五十

乾隆三十五年正月上

卷之八百五十一

乾隆三十五年正月下

卷之八百五十二

乾隆三十五年二月上

卷之八百五十三

乾隆三十五年二月下

卷之八百五十四

乾隆三十五年三月上

卷之八百五十五

乾隆三十五年三月下

卷之八百五十六

乾隆三十五年四月上

卷之八百五十七

乾隆三十五年四月下

卷之八百五十八

乾隆三十五年五月上

卷之八百五十九

乾隆三十五年五月下

卷之八百六十

乾隆三十五年閏五月上

卷之八百六十一

乾隆三十五年閏五月下

卷之八百六十二

乾隆三十五年六月上

卷之八百六十三

乾隆三十五年六月下

卷之八百六十四

乾隆三十五年七月上

卷之八百六十五

乾隆三十五年七月下

卷之八百六十六

乾隆三十五年八月上

卷之八百六十七

乾隆三十五年八月下

卷之八百六十八

乾隆三十五年九月上

卷之八百六十九

乾隆三十五年九月下

卷之八百七十

乾隆三十五年十月上

卷之八百七十一

乾隆三十五年十月下

卷之八百七十二

乾隆三十五年十一月上

卷之八百七十三

乾隆三十五年十一月下

卷之八百七十四

乾隆三十五年十二月上

卷之八百七十五

乾隆三十五年十二月下

卷之八百七十六

乾隆三十六年正月上

卷之八百七十七

乾隆三十六年正月下

卷之八百七十八

乾隆三十六年二月上

卷之八百七十九

乾隆三十六年二月下

卷之八百八十

乾隆三十六年三月上

卷之八百八十一

乾隆三十六年三月下

卷之八百八十二

乾隆三十六年四月上

卷之八百八十三

乾隆三十六年四月下

卷之八百八十四

乾隆三十六年五月上

卷之八百八十五

乾隆三十六年五月下

卷之八百八十六

乾隆三十六年六月上

卷之八百八十七

乾隆三十六年六月下

卷之八百八十八

乾隆三十六年七月上

卷之八百八十九

乾隆三十六年七月下

卷之八百九十

乾隆三十六年八月上

卷之八百九十一

乾隆三十六年八月下

卷之八百九十二

乾隆三十六年九月上

卷之八百九十三

乾隆三十六年九月下

卷之八百九十四

乾隆三十六年十月上

卷之八百九十五

乾隆三十六年十月下

卷之八百九十六

乾隆三十六年十一月上

卷之八百九十七

乾隆三十六年十一月下

卷之八百九十八

乾隆三十六年十二月上

卷之八百九十九

乾隆三十六年十二月下

卷之九百

乾隆三十七年正月上

卷之九百一

乾隆三十七年正月下

卷之九百二

乾隆三十七年二月上

卷之九百三

乾隆三十七年二月下

卷之九百四

乾隆三十七年三月上

卷之九百五

乾隆三十七年三月下

卷之九百六

乾隆三十七年四月上

卷之九百七

乾隆三十七年四月下

卷之九百八

乾隆三十七年五月上

卷之九百九

乾隆三十七年五月下

卷之九百十

乾隆三十七年六月上

卷之九百十一

乾隆三十七年六月下

卷之九百十二

乾隆三十七年七月上

卷之九百十三

乾隆三十七年七月下

卷之九百十四

乾隆三十七年八月上

卷之九百十五

乾隆三十七年八月下

卷之九百十六

乾隆三十七年九月上

卷之九百十七

乾隆三十七年九月下

卷之九百十八

乾隆三十七年十月上

卷之九百十九

乾隆三十七年十月下

卷之九百二十

乾隆三十七年十一月上

卷之九百二十一

乾隆三十七年十一月下

卷之九百二十二

乾隆三十七年十二月上

卷之九百二十三

乾隆三十七年十二月下

卷之九百二十四

乾隆三十八年正月上

卷之九百二十五

乾隆三十八年正月下

卷之九百二十六

乾隆三十八年二月上

卷之九百二十七

乾隆三十八年二月下

卷之九百二十八

乾隆三十八年三月上

卷之九百二十九

乾隆三十八年三月下

卷之九百三十

乾隆三十八年閏三月上

卷之九百三十一

乾隆三十八年閏三月下

卷之九百三十二

乾隆三十八年四月上

卷之九百三十三

乾隆三十八年四月下

卷之九百三十四

乾隆三十八年五月上

卷之九百三十五

乾隆三十八年五月下

卷之九百三十六

乾隆三十八年六月上

卷之九百三十七

乾隆三十八年六月下

卷之九百三十八

乾隆三十八年七月上

卷之九百三十九

乾隆三十八年七月下

卷之九百四十

乾隆三十八年八月上

卷之九百四十一

乾隆三十八年八月下

卷之九百四十二

乾隆三十八年九月上

卷之九百四十三

乾隆三十八年九月下

卷之九百四十四

乾隆三十八年十月上

卷之九百四十五

乾隆三十八年十月下

卷之九百四十六

乾隆三十八年十一月上

卷之九百四十七

乾隆三十八年十一月下

卷之九百四十八

乾隆三十八年十二月上

卷之九百四十九

乾隆三十八年十二月下

卷之九百五十

乾隆三十九年正月上

卷之九百五十一

乾隆三十九年正月下

卷之九百五十二

乾隆三十九年二月上

卷之九百五十三

乾隆三十九年二月下

卷之九百五十四

乾隆三十九年三月上

卷之九百五十五

乾隆三十九年三月下

卷之九百五十六

乾隆三十九年四月上

卷之九百五十七

乾隆三十九年四月下

卷之九百五十八

乾隆三十九年五月上

卷之九百五十九

乾隆三十九年五月下

卷之九百六十

乾隆三十九年六月上

卷之九百六十一

乾隆三十九年六月下

卷之九百六十二

乾隆三十九年七月上

卷之九百六十三

乾隆三十九年七月下

卷之九百六十四

乾隆三十九年八月上

卷之九百六十五

乾隆三十九年八月下

卷之九百六十六

乾隆三十九年九月上

卷之九百六十七

乾隆三十九年九月下

卷之九百六十八

乾隆三十九年十月上

卷之九百六十九

乾隆三十九年十月下

卷之九百七十

乾隆三十九年十一月上

卷之九百七十一

乾隆三十九年十一月下

卷之九百七十二

乾隆三十九年十二月上

卷之九百七十三

乾隆三十九年十二月下

卷之九百七十四

乾隆四十年正月上

卷之九百七十五

乾隆四十年正月下

卷之九百七十六

乾隆四十年二月上

卷之九百七十七

乾隆四十年二月下

卷之九百七十八

乾隆四十年三月上

卷之九百七十九

乾隆四十年三月下

卷之九百八十

乾隆四十年四月上

卷之九百八十一

乾隆四十年四月下

卷之九百八十二

乾隆四十年五月上

卷之九百八十三

乾隆四十年五月下

卷之九百八十四

乾隆四十年六月上

卷之九百八十五

乾隆四十年六月下

卷之九百八十六

乾隆四十年七月上

卷之九百八十七

乾隆四十年七月下

卷之九百八十八

乾隆四十年八月上

卷之九百八十九

乾隆四十年八月下

卷之九百九十

乾隆四十年九月上

卷之九百九十一

乾隆四十年九月下

卷之九百九十二

乾隆四十年十月上

卷之九百九十三

乾隆四十年十月下

卷之九百九十四

乾隆四十年閏十月上

卷之九百九十五

乾隆四十年閏十月下

卷之九百九十六

乾隆四十年十一月上

卷之九百九十七

乾隆四十年十一月下

卷之九百九十八

乾隆四十年十二月上

卷之九百九十九

乾隆四十年十二月下

大清高宗法天隆運至誠先覺體元立極敷文
奮武孝慈神聖純皇帝實錄目錄二

大清高宗法天隆運至誠先覺體元立極敷文
奮武孝慈神聖純皇帝實錄目錄三

卷之一千

乾隆四十一年正月上

卷之一千一

乾隆四十一年正月下

卷之一千二

乾隆四十一年二月上

卷之一千三

乾隆四十一年二月下

卷之一千四

乾隆四十一年三月上

卷之一千五

乾隆四十一年三月下

卷之一千六

乾隆四十一年四月上

卷之一千七

乾隆四十一年四月下

卷之一千八

乾隆四十一年五月上

卷之一千九

乾隆四十一年五月下

卷之一千十

乾隆四十一年六月上

卷之一千十一

乾隆四十一年六月下

卷之一千十二

乾隆四十一年七月上

卷之一千十三

乾隆四十一年七月下

卷之一千十四

乾隆四十一年八月上

卷之一千十五

乾隆四十一年八月下

卷之一千十六

乾隆四十一年九月上

卷之一千十七

乾隆四十一年九月下

卷之一千十八

乾隆四十一年十月上

卷之一千十九

乾隆四十一年十月下

卷之一千二十

乾隆四十一年十一月上

卷之一千二十一

乾隆四十一年十一月下

卷之一千二十二

乾隆四十一年十二月上

卷之一千二十三

乾隆四十一年十二月下

卷之一千二十四

乾隆四十二年正月上

卷之一千二十五

乾隆四十二年正月下

卷之一千二十六

乾隆四十二年二月上

卷之一千二十七

乾隆四十二年二月下

卷之一千二十八

乾隆四十二年三月上

卷之一千二十九

乾隆四十二年三月下

卷之一千三十

乾隆四十二年四月上

卷之一千三十一

乾隆四十二年四月下

卷之一千三十二

乾隆四十二年五月上

卷之一千三十三

乾隆四十二年五月下

卷之一千三十四

乾隆四十二年六月上

卷之一千三十五

乾隆四十二年六月下

卷之一千三十六

乾隆四十二年七月上

卷之一千三十七

乾隆四十二年七月下

卷之一千三十八

乾隆四十二年八月上

卷之一千三十九

乾隆四十二年八月下

卷之一千四十

乾隆四十二年九月上

卷之一千四十一

乾隆四十二年九月下

卷之一千四十二

乾隆四十二年十月上

卷之一千四十三

乾隆四十二年十月下

卷之一千四十四

乾隆四十二年十一月上

卷之一千四十五

乾隆四十二年十一月下

卷之一千四十六

乾隆四十二年十二月上

卷之一千四十七

乾隆四十二年十二月下

卷之一千四十八

乾隆四十三年正月上

卷之一千四十九

乾隆四十三年正月下

卷之一千五十

乾隆四十三年二月上

卷之一千五十一

乾隆四十三年二月下

卷之一千五十二

乾隆四十三年三月上

卷之一千五十三

乾隆四十三年三月下

卷之一千五十四

乾隆四十三年四月上

卷之一千五十五

乾隆四十三年四月下

卷之一千五十六

乾隆四十三年五月上

卷之一千五十七

乾隆四十三年五月下

卷之一千五十八

乾隆四十三年六月上

卷之一千五十九

乾隆四十三年六月下

卷之一千六十

乾隆四十三年閏六月上

卷之一千六十一

乾隆四十三年閏六月下

卷之一千六十二

乾隆四十三年七月上

卷之一千六十三

乾隆四十三年七月下

卷之一千六十四

乾隆四十三年八月上

卷之一千六十五

乾隆四十三年八月下

卷之一千六十六

乾隆四十三年九月上

卷之一千六十七

乾隆四十三年九月下

卷之一千六十八

乾隆四十三年十月上

卷之一千六十九

乾隆四十三年十月下

卷之一千七十

乾隆四十三年十一月上

卷之一千七十一

乾隆四十三年十一月下

卷之一千七十二

乾隆四十三年十二月上

卷之一千七十三

乾隆四十三年十二月下

卷之一千七十四

乾隆四十四年正月上

卷之一千七十五

乾隆四十四年正月下

卷之一千七十六

乾隆四十四年二月上

卷之一千七十七

乾隆四十四年二月下

卷之一千七十八

乾隆四十四年三月上

卷之一千七十九

乾隆四十四年三月下

卷之一千八十

乾隆四十四年四月上

卷之一千八十一

乾隆四十四年四月下

卷之一千八十二

乾隆四十四年五月上

卷之一千八十三

乾隆四十四年五月下

卷之一千八十四

乾隆四十四年六月上

卷之一千八十五

乾隆四十四年六月下

卷之一千八十六

乾隆四十四年七月上

卷之一千八十七

乾隆四十四年七月下

卷之一千八十八

乾隆四十四年八月上

卷之一千八十九

乾隆四十四年八月下

卷之一千九十

乾隆四十四年九月上

卷之一千九十一

乾隆四十四年九月下

卷之一千九十二

乾隆四十四年十月上

卷之一千九十三

乾隆四十四年十月下

卷之一千九十四

乾隆四十四年十一月上

卷之一千九十五

乾隆四十四年十一月下

卷之一千九十六

乾隆四十四年十二月上

卷之一千九十七

乾隆四十四年十二月下

卷之一千九十八

乾隆四十五年正月上

卷之一千九十九

乾隆四十五年正月下

卷之一千一百

乾隆四十五年二月上

卷之一千一百一

乾隆四十五年二月下

卷之一千一百二

乾隆四十五年三月上

卷之一千一百三

乾隆四十五年三月下

卷之一千一百四

乾隆四十五年四月上

卷之一千一百五

乾隆四十五年四月下

卷之一千一百六

乾隆四十五年五月上

卷之一千一百七

乾隆四十五年五月下

卷之一千一百八

乾隆四十五年六月上

卷之一千一百九

乾隆四十五年六月下

卷之一千一百十

乾隆四十五年七月上

卷之一千一百十一

乾隆四十五年七月下

卷之一千一百十二

乾隆四十五年八月上

卷之一千一百十三

乾隆四十五年八月下

卷之一千一百十四

乾隆四十五年九月上

卷之一千一百十五

乾隆四十五年九月下

卷之一千一百十六

乾隆四十五年十月上

卷之一千一百十七

乾隆四十五年十月下

卷之一千一百十八

乾隆四十五年十一月上

卷之一千一百十九

乾隆四十五年十一月下

卷之一千一百二十

乾隆四十五年十二月上

卷之一千一百二十一

乾隆四十五年十二月下

卷之一千一百二十二

乾隆四十六年正月上

卷之一千一百二十三

乾隆四十六年正月下

卷之一千一百二十四

乾隆四十六年二月上

卷之一千一百二十五

乾隆四十六年二月下

卷之一千一百二十六

乾隆四十六年三月上

卷之一千一百二十七

乾隆四十六年三月下

卷之一千一百二十八

乾隆四十六年四月上

卷之一千一百二十九

乾隆四十六年四月下

卷之一千一百三十

乾隆四十六年五月上

卷之一千一百三十一

乾隆四十六年五月下

卷之一千一百三十二

乾隆四十六年閏五月上

卷之一千一百三十三

乾隆四十六年閏五月下

卷之一千一百三十四

乾隆四十六年六月上

卷之一千一百三十五

乾隆四十六年六月下

卷之一千一百三十六

乾隆四十六年七月上

卷之一千一百三十七

乾隆四十六年七月下

卷之一千一百三十八

乾隆四十六年八月上

卷之一千一百三十九

乾隆四十六年八月下

卷之一千一百四十

乾隆四十六年九月上

卷之一千一百四十一

乾隆四十六年九月下

卷之一千一百四十二

乾隆四十六年十月上

卷之一千一百四十三

乾隆四十六年十月下

卷之一千一百四十四

乾隆四十六年十一月上

卷之一千一百四十五

乾隆四十六年十一月下

卷之一千一百四十六

乾隆四十六年十二月上

卷之一千一百四十七

乾隆四十六年十二月下

卷之一千一百四十八

乾隆四十七年正月上

卷之一千一百四十九

乾隆四十七年正月下

卷之一千一百五十

乾隆四十七年二月上

卷之一千一百五十一

乾隆四十七年二月下

卷之一千一百五十二

乾隆四十七年三月上

卷之一千一百五十三

乾隆四十七年三月下

卷之一千一百五十四

乾隆四十七年四月上

卷之一千一百五十五

乾隆四十七年四月下

卷之一千一百五十六

乾隆四十七年五月上

卷之一千一百五十七

乾隆四十七年五月下

卷之一千一百五十八

乾隆四十七年六月上

卷之一千一百五十九

乾隆四十七年六月下

卷之一千一百六十

乾隆四十七年七月上

卷之一千一百六十一

乾隆四十七年七月下

卷之一千一百六十二

乾隆四十七年八月上

卷之一千一百六十三

乾隆四十七年八月下

卷之一千一百六十四

乾隆四十七年九月上

卷之一千一百六十五

乾隆四十七年九月下

卷之一千一百六十六

乾隆四十七年十月上

卷之一千一百六十七

乾隆四十七年十月下

卷之一千一百六十八

乾隆四十七年十一月上

卷之一千一百六十九

乾隆四十七年十一月下

卷之一千一百七十

乾隆四十七年十二月上

卷之一千一百七十一

乾隆四十七年十二月下

卷之一千一百七十二

乾隆四十八年正月上

卷之一千一百七十三

乾隆四十八年正月下

卷之一千一百七十四

乾隆四十八年二月上

卷之一千一百七十五

乾隆四十八年二月下

卷之一千一百七十六

乾隆四十八年三月上

卷之一千一百七十七

乾隆四十八年三月下

卷之一千一百七十八

乾隆四十八年四月上

卷之一千一百七十九

乾隆四十八年四月下

卷之一千一百八十

乾隆四十八年五月上

卷之一千一百八十一

乾隆四十八年五月下

卷之一千一百八十二

乾隆四十八年六月上

卷之一千一百八十三

乾隆四十八年六月下

卷之一千一百八十四

乾隆四十八年七月上

卷之一千一百八十五

乾隆四十八年七月下

卷之一千一百八十六

乾隆四十八年八月上

卷之一千一百八十七

乾隆四十八年八月下

卷之一千一百八十八

乾隆四十八年九月上

卷之一千一百八十九

乾隆四十八年九月下

卷之一千一百九十

乾隆四十八年十月上

卷之一千一百九十一

乾隆四十八年十月下

卷之一千一百九十二

乾隆四十八年十一月上

卷之一千一百九十三

乾隆四十八年十一月下

卷之一千一百九十四

乾隆四十八年十二月上

卷之一千一百九十五

乾隆四十八年十二月下

卷之一千一百九十六

乾隆四十九年正月上

卷之一千一百九十七

乾隆四十九年正月下

卷之一千一百九十八

乾隆四十九年二月上

卷之一千一百九十九

乾隆四十九年二月下

卷之一千二百

乾隆四十九年三月上

卷之一千二百一

乾隆四十九年三月下

卷之一千二百二

乾隆四十九年閏三月上

卷之一千二百三

乾隆四十九年閏三月下

卷之一千二百四

乾隆四十九年四月上

卷之一千二百五

乾隆四十九年四月下

卷之一千二百六

乾隆四十九年五月上

卷之一千二百七

乾隆四十九年五月下

卷之一千二百八

乾隆四十九年六月上

卷之一千二百九

乾隆四十九年六月下

卷之一千二百十

乾隆四十九年七月上

卷之一千二百十一

乾隆四十九年七月下

卷之一千二百十二

乾隆四十九年八月上

卷之一千二百十三

乾隆四十九年八月下

卷之一千二百十四

乾隆四十九年九月上

卷之一千二百十五

乾隆四十九年九月下

卷之一千二百十六

乾隆四十九年十月上

卷之一千二百十七

乾隆四十九年十月下

卷之一千二百十八

乾隆四十九年十一月上

卷之一千二百十九

乾隆四十九年十一月下

卷之一千二百二十

乾隆四十九年十二月上

卷之一千二百二十一

乾隆四十九年十二月下

卷之一千二百二十二

乾隆五十年正月上

卷之一千二百二十三

乾隆五十年正月下

卷之一千二百二十四

乾隆五十年二月上

卷之一千二百二十五

乾隆五十年二月下

卷之一千二百二十六

乾隆五十年三月上

卷之一千二百二十七

乾隆五十年三月下

卷之一千二百二十八

乾隆五十年四月上

卷之一千二百二十九

乾隆五十年四月下

卷之一千二百三十

乾隆五十年五月上

卷之一千二百三十一

乾隆五十年五月下

卷之一千二百三十二

乾隆五十年六月上

卷之一千二百三十三

乾隆五十年六月下

卷之一千二百三十四

乾隆五十年七月上

卷之一千二百三十五

乾隆五十年七月下

卷之一千二百三十六

乾隆五十年八月上

卷之一千二百三十七

乾隆五十年八月下

卷之一千二百三十八

乾隆五十年九月上

卷之一千二百三十九

乾隆五十年九月下

卷之一千二百四十

乾隆五十年十月上

卷之一千二百四十一

乾隆五十年十月下

卷之一千二百四十二

乾隆五十年十二月上

卷之一千二百四十三

乾隆五十年十一月下

卷之一千二百四十四

乾隆五十年十二月上

卷之一千二百四十五

乾隆五十年十二月下

卷之一千二百四十六

乾隆五十一年正月上

卷之一千二百四十七

乾隆五十一年正月下

卷之一千二百四十八

乾隆五十一年二月上

卷之一千二百四十九

乾隆五十一年二月下

卷之一千二百五十

乾隆五十一年三月上

卷之一千二百五十一

乾隆五十一年三月下

卷之一千二百五十二

乾隆五十一年四月上

卷之一千二百五十三

乾隆五十一年四月下

卷之一千二百五十四

乾隆五十一年五月上

卷之一千二百五十五

乾隆五十一年五月下

卷之一千二百五十六

乾隆五十一年六月上

卷之一千二百五十七

乾隆五十一年六月下

卷之一千二百五十八

乾隆五十一年七月上

卷之一千二百五十九

乾隆五十一年七月下

卷之一千二百六十

乾隆五十一年閏七月上

卷之一千二百六十一

乾隆五十一年閏七月下

卷之一千二百六十二

乾隆五十一年八月上

卷之一千二百六十三

乾隆五十一年八月下

卷之一千二百六十四

乾隆五十一年九月上

卷之一千二百六十五

乾隆五十一年九月下

卷之一千二百六十六

乾隆五十一年十月上

卷之一千二百六十七

乾隆五十一年十月下

卷之一千二百六十八

乾隆五十一年十一月上

卷之一千二百六十九

乾隆五十一年十一月下

卷之一千二百七十

乾隆五十一年十二月上

卷之一千二百七十一

乾隆五十一年十二月下

卷之一千二百七十二

乾隆五十二年正月上

卷之一千二百七十三

乾隆五十二年正月下

卷之一千二百七十四

乾隆五十二年二月上

卷之一千二百七十五

乾隆五十二年二月下

卷之一千二百七十六

乾隆五十二年三月上

卷之一千二百七十七

乾隆五十二年三月下

卷之一千二百七十八

乾隆五十二年四月上

卷之一千二百七十九

乾隆五十二年四月下

卷之一千二百八十

乾隆五十二年五月上

卷之一千二百八十一

乾隆五十二年五月下

卷之一千二百八十二

乾隆五十二年六月上

卷之一千二百八十三

乾隆五十二年六月下

卷之一千二百八十四

乾隆五十二年七月上

卷之一千二百八十五

乾隆五十二年七月下

卷之一千二百八十六

乾隆五十二年八月上

卷之一千二百八十七

乾隆五十二年八月下

卷之一千二百八十八

乾隆五十二年九月上

卷之一千二百八十九

乾隆五十二年九月下

卷之一千二百九十

乾隆五十二年十月上

卷之一千二百九十一

乾隆五十二年十月下

卷之一千二百九十二

乾隆五十二年十一月上

卷之一千二百九十三

乾隆五十二年十一月下

卷之一千二百九十四

乾隆五十二年十二月上

卷之一千二百九十五

乾隆五十二年十二月下

卷之一千二百九十六

乾隆五十三年正月上

卷之一千二百九十七

乾隆五十三年正月下

卷之一千二百九十八

乾隆五十三年二月上

卷之一千二百九十九

乾隆五十三年二月下

卷之一千三百

乾隆五十三年三月上

卷之一千三百一

乾隆五十三年三月下

卷之一千三百二

乾隆五十三年四月上

卷之一千三百三

乾隆五十三年四月下

卷之一千三百四

乾隆五十三年五月上

卷之一千三百五

乾隆五十三年五月下

卷之一千三百六

乾隆五十三年六月上

卷之一千三百七

乾隆五十三年六月下

卷之一千三百八

乾隆五十三年七月上

卷之一千三百九

乾隆五十三年七月下

卷之一千三百十

乾隆五十三年八月上

卷之一千三百十一

乾隆五十三年八月下

卷之一千三百十二

乾隆五十三年九月上

卷之一千三百十三

乾隆五十三年九月下

卷之一千三百十四

乾隆五十三年十月上

卷之一千三百十五

乾隆五十三年十月下

卷之一千三百十六

乾隆五十三年十一月上

卷之一千三百十七

乾隆五十三年十一月下

卷之一千三百十八

乾隆五十三年十二月上

卷之一千三百十九

乾隆五十三年十二月下

卷之一千三百二十

乾隆五十四年正月上

卷之一千三百二十一

乾隆五十四年正月下

卷之一千三百二十二

乾隆五十四年二月上

卷之一千三百二十三

乾隆五十四年二月下

卷之一千三百二十四

乾隆五十四年三月上

卷之一千三百二十五

乾隆五十四年三月下

卷之一千三百二十六

乾隆五十四年四月上

卷之一千三百二十七

乾隆五十四年四月下

卷之一千三百二十八

乾隆五十四年五月上

卷之一千三百二十九

乾隆五十四年五月下

卷之一千三百三十

乾隆五十四年閏五月上

卷之一千三百三十一

乾隆五十四年閏五月下

卷之一千三百三十二

乾隆五十四年六月上

卷之一千三百三十三

乾隆五十四年六月下

卷之一千三百三十四

乾隆五十四年七月上

卷之一千三百三十五

乾隆五十四年七月下

卷之一千三百三十六

乾隆五十四年八月上

卷之一千三百三十七

乾隆五十四年八月下

卷之一千三百三十八

乾隆五十四年九月上

卷之一千三百三十九

乾隆五十四年九月下

卷之一千三百四十

乾隆五十四年十月上

卷之一千三百四十一

乾隆五十四年十月下

卷之一千三百四十二

乾隆五十四年十一月上

卷之一千三百四十三

乾隆五十四年十一月下

卷之一千三百四十四

乾隆五十四年十二月上

卷之一千三百四十五

乾隆五十四年十二月下

卷之一千三百四十六

乾隆五十五年正月上

卷之一千三百四十七

乾隆五十五年正月下

卷之一千三百四十八

乾隆五十五年二月上

卷之一千三百四十九

乾隆五十五年二月下

卷之一千三百五十

乾隆五十五年三月上

卷之一千三百五十一

乾隆五十五年三月下

卷之一千三百五十二

乾隆五十五年四月上

卷之一千三百五十三

乾隆五十五年四月下

卷之一千三百五十四

乾隆五十五年五月上

卷之一千三百五十五

乾隆五十五年五月下

卷之一千三百五十六

乾隆五十五年六月上

卷之一千三百五十七

乾隆五十五年六月下

卷之一千三百五十八

乾隆五十五年七月上

卷之一千三百五十九

乾隆五十五年七月下

卷之一千三百六十

乾隆五十五年八月上

卷之一千三百六十一

乾隆五十五年八月下

卷之一千三百六十二

乾隆五十五年九月上

卷之一千三百六十三

乾隆五十五年九月下

卷之一千三百六十四

乾隆五十五年十月上

卷之一千三百六十五

乾隆五十五年十月下

卷之一千三百六十六

乾隆五十五年十一月上

卷之一千三百六十七

乾隆五十五年十一月下

卷之一千三百六十八

乾隆五十五年十二月上

卷之一千三百六十九

乾隆五十五年十二月下

卷之一千三百七十

乾隆五十六年正月上

卷之一千三百七十一

乾隆五十六年正月下

卷之一千三百七十二

乾隆五十六年二月上

卷之一千三百七十三

乾隆五十六年二月下

卷之一千三百七十四

乾隆五十六年三月上

卷之一千三百七十五

乾隆五十六年三月下

卷之一千三百七十六

乾隆五十六年四月上

卷之一千三百七十七

乾隆五十六年四月下

卷之一千三百七十八

乾隆五十六年五月上

卷之一千三百七十九

乾隆五十六年五月下

卷之一千三百八十

乾隆五十六年六月上

卷之一千三百八十一

乾隆五十六年六月下

卷之一千三百八十二

乾隆五十六年七月上

卷之一千三百八十三

乾隆五十六年七月下

卷之一千三百八十四

乾隆五十六年八月上

卷之一千三百八十五

乾隆五十六年八月下

卷之一千三百八十六

乾隆五十六年九月上

卷之一千三百八十七

乾隆五十六年九月下

卷之一千三百八十八

乾隆五十六年十月上

卷之一千三百八十九

乾隆五十六年十月下

卷之一千三百九十

乾隆五十六年十一月上

卷之一千三百九十一

乾隆五十六年十一月下

卷之一千三百九十二

乾隆五十六年十二月上

卷之一千三百九十三

乾隆五十六年十二月下

卷之一千三百九十四

乾隆五十七年正月上

卷之一千三百九十五

乾隆五十七年正月下

卷之一千三百九十六

乾隆五十七年二月上

卷之一千三百九十七

乾隆五十七年二月下

卷之一千三百九十八

乾隆五十七年三月上

卷之一千三百九十九

乾隆五十七年三月下

卷之一千四百

乾隆五十七年四月上

卷之一千四百一

乾隆五十七年四月下

卷之一千四百二

乾隆五十七年閏四月上

卷之一千四百三

乾隆五十七年閏四月下

卷之一千四百四

乾隆五十七年五月上

卷之一千四百五

乾隆五十七年五月下

卷之一千四百六

乾隆五十七年六月上

卷之一千四百七

乾隆五十七年六月下

卷之一千四百八

乾隆五十七年七月上

卷之一千四百九

乾隆五十七年七月下

卷之一千四百十

乾隆五十七年八月上

卷之一千四百十一

乾隆五十七年八月下

卷之一千四百十二

乾隆五十七年九月上

卷之一千四百十三

乾隆五十七年九月下

卷之一千四百十四

乾隆五十七年十月上

卷之一千四百十五

乾隆五十七年十月下

卷之一千四百十六

乾隆五十七年十一月上

卷之一千四百十七

乾隆五十七年十一月下

卷之一千四百十八

乾隆五十七年十二月上

卷之一千四百十九

乾隆五十七年十二月下

卷之一千四百二十

乾隆五十八年正月上

卷之一千四百二十一

乾隆五十八年正月下

卷之一千四百二十二

乾隆五十八年二月上

卷之一千四百二十三

乾隆五十八年二月下

卷之一千四百二十四

乾隆五十八年三月上

卷之一千四百二十五

乾隆五十八年三月下

卷之一千四百二十六

乾隆五十八年四月上

卷之一千四百二十七

乾隆五十八年四月下

卷之一千四百二十八

乾隆五十八年五月上

卷之一千四百二十九

乾隆五十八年五月下

卷之一千四百三十

乾隆五十八年六月上

卷之一千四百三十一

乾隆五十八年六月下

卷之一千四百三十二

乾隆五十八年七月上

卷之一千四百三十三

乾隆五十八年七月下

卷之一千四百三十四

乾隆五十八年八月上

卷之一千四百三十五

乾隆五十八年八月下

卷之一千四百三十六

乾隆五十八年九月上

卷之一千四百三十七

乾隆五十八年九月下

卷之一千四百三十八

乾隆五十八年十月上

卷之一千四百三十九

乾隆五十八年十月下

卷之一千四百四十

乾隆五十八年十一月上

卷之一千四百四十一

乾隆五十八年十一月下

卷之一千四百四十二

乾隆五十八年十二月上

卷之一千四百四十三

乾隆五十八年十二月下

卷之一千四百四十四

乾隆五十九年正月上

卷之一千四百四十五

乾隆五十九年正月下

卷之一千四百四十六

乾隆五十九年二月上

卷之一千四百四十七

乾隆五十九年二月下

卷之一千四百四十八

乾隆五十九年三月上

卷之一千四百四十九

乾隆五十九年三月下

卷之一千四百五十

乾隆五十九年四月上

卷之一千四百五十一

乾隆五十九年四月下

卷之一千四百五十二

乾隆五十九年五月上

卷之一千四百五十三

乾隆五十九年五月下

卷之一千四百五十四

乾隆五十九年六月上

卷之一千四百五十五

乾隆五十九年六月下

卷之一千四百五十六

乾隆五十九年七月上

卷之一千四百五十七

乾隆五十九年七月下

卷之一千四百五十八

乾隆五十九年八月上

卷之一千四百五十九

乾隆五十九年八月下

卷之一千四百六十

乾隆五十九年九月上

卷之一千四百六十一

乾隆五十九年九月下

卷之一千四百六十二

乾隆五十九年十月上

卷之一千四百六十三

乾隆五十九年十月下

卷之一千四百六十四

乾隆五十九年十一月上

卷之一千四百六十五

乾隆五十九年十一月下

卷之一千四百六十六

乾隆五十九年十二月上

卷之一千四百六十七

乾隆五十九年十二月下

卷之一千四百六十八

乾隆六十年正月上

卷之一千四百六十九

乾隆六十年正月下

卷之一千四百七十

乾隆六十年二月上

卷之一千四百七十一

乾隆六十年二月下

卷之一千四百七十二

乾隆六十年閏二月上

卷之一千四百七十三

乾隆六十年閏二月下

卷之一千四百七十四

乾隆六十年三月上

卷之一千四百七十五

乾隆六十年三月下

卷之一千四百七十六

乾隆六十年四月上

卷之一千四百七十七

乾隆六十年四月下

卷之一千四百七十八

乾隆六十年五月上

卷之一千四百七十九

乾隆六十年五月下

卷之一千四百八十

乾隆六十年六月上

卷之一千四百八十一

乾隆六十年六月下

卷之一千四百八十二

乾隆六十年七月上

卷之一千四百八十三

乾隆六十年七月下

卷之一千四百八十四

乾隆六十年八月上

卷之一千四百八十五

乾隆六十年八月下

卷之一千四百八十六

乾隆六十年九月上

卷之一千四百八十七

乾隆六十年九月下

卷之一千四百八十八

乾隆六十年十月上

卷之一千四百八十九

乾隆六十年十月下

卷之一千四百九十

乾隆六十年十一月上

卷之一千四百九十一

乾隆六十年十一月下

卷之一千四百九十二

乾隆六十年十二月上

卷之一千四百九十三

乾隆六十年十二月下

卷之一千四百九十四

嘉慶元年正月至六月

卷之一千四百九十五

嘉慶元年七月至十二月

卷之一千四百九十六

嘉慶二年正月至閏六月

卷之一千四百九十七

嘉慶二年七月至十二月

卷之一千四百九十八

嘉慶三年正月至六月

卷之一千四百九十九

嘉慶三年七月至十二月

卷之一千五百

嘉慶四年正月

大清高宗法天隆運至誠先覺體元立極敷文
奮武孝慈神聖純皇帝實錄目錄三

實錄目錄

三

進

實錄表

經筵講官太子太傅文淵閣大學士文淵閣領閣事領侍衛內大臣管理吏部理藩院事務正黃

旗滿洲都統騎都尉臣慶桂經筵講官太子太傅文華殿大學士文淵閣領閣事管理刑部戶部

三庫事務騎都尉臣董誥內大臣戶部尚書鑲藍旗滿洲都統臣德瑛經筵講官工部尚書

臣曹振鏞經筵講官吏部左侍郎管理國子監事務教習庶吉士正白旗滿洲副都統臣玉麟

經筵講官吏部右侍郎臣劉鳳誥經筵講官工部左侍郎總管內務府大臣鑲黃旗滿洲

副都統左翼總兵臣英和等誠惶誠恐稽首頓首

上言伏以

實錄表

泰元崇受錄顯書呈御世之符

福極闡敷言雖筴應光天之運

建網維於治統蹟表金繩

立模範於政經神貽寶鑑鋪陳郅德轍遽

紀以流徽彰嫩鴻庥匝綿區而騰誦為

溯古來史冊從未聞

太上之精勤凡今天下臣民疇不慕

先皇之遺愛事驗諸共知共見化洽夫所過所

存萬摯銘心三薰捧牘欽惟

高宗法天隆運至誠先覺體元立極敷文奮武
孝慈神聖純皇帝。

道備尊親

謀詒創守自一二日

萬幾之敕體苞乎內聖外王越六十年

九錫之齡恩周乎上蟠下際宜有超前軼後之

籍錄以罄戴高履厚之揄揚惟是

皇猷無外

天大莫名本

增錄五

心通造化之精成

手付太平之業春秋僅二百冊載未賅史例於

麟經虞周合五十八篇易究治源於蚪

簡書不盡意民弗能忘東一部之全綱

析四端之廣運蓋惟

聖有實德

神有實徵

武有實功

文有實教

言綸渙其大號皆

升華以後之成謨

面命宣於在廷多

誕聖以來之曩事萬年禮

龍躍之邸兩篇紀

燕翼之恩肆冲幼以

名聞肇賜居而

慈育春侍宴於牡丹臺左

褒稱福且過予秋從獵於木蘭園中

增錄六

灼知命極貴重憶垂髫而趨

陛豫期叟宴之三開承

誨穀以威弧前定凱歌之十奏洎

世宗之御極昭

嗣服以題楹

祈年頒吉胙之馨

錫封鑒寶命之荷智珠則鏤文四字虹帶則寓

式九圍以承

三聖之後先極盛

一家之作述而乃初元獻炷申默籲於

穹蒼周甲積籌讓贏年於

仁祖廿五券操於八五泰三著惕於乾三閱逢

癸巳之

郊計

畀丙辰之璽鑑規儲貳勿徒襲國本之虛名

寶篆全人方將璽

心傳於大政徹始終為一貫合上下與同流緬

懷

睿作之淵源綜括

寅承之根柢斯

聖德之昌於萬世者一也

信天作主知幾其

神感呼吸以潛通歆

監觀之在上

齋立宮而

雩立祀逾百五十次之親行

裡用匏而

社用圭稽四三六經之往制

步臨壇所殊頃刻之陰晴

親製版書致立時之霖雨蒙昔

禡旗之佑度青海而冬無冰修古沈璧之儀醜

黃河而波不溢常祝豐年玉滿佛閣霏

花更邀

大奎香升龍湫取水歲迓

堂子建杆之喜佳貺照暉時展

太廟合脩之處靈承肸蠁闕殿近瞻於

神御呵護攸憑陪都屢謁夫

原陵熾昌未艾是以

賚名福壽十一世系衍天家屏說機祥三千億

廣增民數嘉禾瑞蘭駢來地寶效珍玉

粒精鏐普為垓輿藏富而猶

勤求宵旰揭君子所無逸之箴一

壽固神明守恒言不稱老之禮下從容之

批答片晷弗踰

慎遲速之機宜萬里如見

成能則範圍不過

知人而哲凜其難嘗闕

端拱於穆清用告考成於

淵默斯

神徵之超於萬世者二也粵我

大清開國之正義直蔑乎亭長寺僧迪惟

列祖垂訓之嚴制毋改乎衣冠騎射想遺囑於

百戰萬靈長護

濯征籌未竟於

兩朝一日詎忘

講武惟是不得已而用恢十盞十決之奇要皆

無所利而為連五款五俘之勝追元逋

於漠北準夷首納名王窮漢塞於天西

回部遠開屯校兩次破桃關之砦何曾

謠應維州一時避茅瘴之風終致樂陳

驃國闕下跼交南酋長金身之代堪嗟

瓶中指藏外佛天黃教之皈有準乃至

臺澎飛舶翦鯨速雙豎之擒點楚連營

舞羽快三苗之格算

十一征而贏績幾忘發兵鬚白之勞占九二爻

以行師彌愍

望捷旗紅之志願戢干而橐矢提封密鞏

皇圖偕輦嶂以航瀛屬籍忭登王會朝鮮比內

諸侯之職蒙古率舊賓客之行伯克久

隸年班土司累修歲覲流求暹斛輸貝

文象齒之琛蘇祿荷蘭習皮服雞翎之

拜矧乃春筵液閣勲銘上將之弓刀

勝轟郊臺威電衆軍之鏡鼓獵猶泐碣盛張吉

日之靈

巡必據鞍彊東

行天之健五夜之

發謀出慮平生不詡佳兵

九重之保泰持盈舉念常

塵戒得斯

武功之鑠於萬世者三也

治煥文明

心單宥密。愛蓮

授讀。眷風慧之天成。爆竹飛聲。驚下筆之神助。

舊學彙

樂善堂之製。序原說命三篇。晚年留

鑑始齋之題詩。邁唐家一代

言垂壽世。

集冠大成。本六藝以為道德之宗。等百王無此

君師之誨。

說經之章最富。炳大義之昭昭然。

論世之解獨神。軼古文之渾渾爾。是以抽琅玕

閣。先蒼要以排函。圍壁三雍。進彛倫而

聽

講。碑廊虹繞。綠槐黃瓦之間。奎府星煒。珠榜銀

袍之地。

思深選造。數加科廣額。以蟬聯人奮秀。良興爽

學邊庠而驛致。又且圖披禮器。粲冠裳

鹵簿之新儀。宮定樂縣。諧特磬。鐃鐘之

古韻

國書隆制作。訂三合以同文。地志滙源流

納九竅而一統。為前朝議祀議謚典飭

綱常於諸史。輯傳輯評義公筆削。農桑

食貨。準通考以授時。法律刑名。案成編

而慎憲用。乃博徵縑素。詳職貢。並詳職

官懸勒机楹

示心聲。兼示心畫。師古而不泥古。酌因革損益

之宜。學知詎若

生知妙經緯。化裁之用。斯

文教之敷於萬世者。四也。如上所系。昉益贊禹

之謨。由前以觀。欽

舜紹

堯之緒述

古稀高視六帝。絕權奸佞倖女。謁宦寺之政萌

記

耄念福備九疇。詮壽富康寧好德考終之事實

方謂

纂蒙日永長聞歸善之詞。豈期

成鼎雲遐遽奉

授遺之誥上古中古迄下古式型之典為昭大

書特書不一書奕禩之懷勿替恭惟

皇帝陛下。

德疊紹聞

性敦誠慕

一語止仁之心法恒矢服膺百行惟

孝之本源繼深

握手追沂受

恩之重多臣庶所未知詳稽

實政之全合

動言而為記期廣大之悉備播悠久以無疆爰

於嘉慶四年二月。

敕命臣慶桂為監修總裁官臣董誥臣德瑛臣曹振鏞為總裁

官臣王麟臣劉鳳梧臣其和為副總裁官臣韓克均臣多裕安

臣崇慶臣福祜納臣長文為提調官臣覺羅桂芳臣陳崇本臣王宗

誠臣帥承瀛臣李崇瀚臣吳芳培臣吳鼎臣張錦枝臣汪守和臣蔡之

定臣姚文田臣李錫恭臣陸以莊臣沈學厚臣張師泌臣湯金釗臣白鎔臣杜

等臣表名曜臣方振臣瞿昂臣玉慶臣佟保臣瑚松額臣吹吉拉西臣宜清安

臣恒麟臣韓清臣齊哈納臣祥慶臣寬寧臣同麟臣福祥臣富倫布臣西彰阿

臣巴寧安臣巴珠阿臣松寧臣清泰臣明欽臣清平臣興安臣納蘇泰臣觀光

臣德山臣塔藩布臣英奎臣成格勒臣音德布臣惠山臣瑚克沙布臣福來臣

福邊阿臣富英臣富森布臣雲官住臣德山臣福華臣塔克通阿臣明昆臣祿

和臣特寧安臣廷弼為纂修官地依紫禁之垣人

直丹霄之館啟

批章百八十匱按

記注千五百編編蒐官牒於政典之儲恭本

御集為史法之祖歲深事遠月緯年經凡體例

皆稟於

睿裁即點畫必

精於指正仰

晨興而端冊暑寒殫八載之勤經

乙覽以示程聞見極三生之幸恭成

高宗純皇帝實錄聖訓合凡例目錄清漢蒙古

文共五千一百十五卷敬繕

御製序文於簡首盟沐進

呈。臣等竊觀

鴻典喬皇

寶書璀璨字詳校上

特隆展帙於親藩儀屆慶成

申命捧緘於宗胄。拜受禮嚴於

北面衮冕將虔

尊藏位次於東楹球圖埒重告

珠丘而旋蹕。吉先三日之蠲續

金匱以陳爾輝映

五朝之錄待啟

歸門祕鑰。史宓垂太乙之觀載齋

鄙宅巍樓

家瀝付長恩之守伏願

亶聰聰聰

彛訓訓行

神孚於立德立功立言

志繼於其事其文其義

聖人盡君道。賴帝魁之簡常存

天子讀

父書寧史柱之藏可比從此

道同揆一蒼禪通合雖因提敘命之紀以延

釐。視茲

文萬旨千胥太平丹穴崆峒大蒙之人而詠澤

臣等無任瞻

天仰

聖虔肅忭幸之至謹奉

表隨

進以

聞

嘉慶十二年三月十五日經筵講官太子太傅文淵閣大學士文淵閣領閣事領侍衛內大臣管理

吏部理藩院事務正黃旗滿洲都統騎都尉臣廣桂經筵講官太子太傅文華殿大學士文淵閣領

閣事管理刑部戶部三庫事務騎都尉臣董誥內大臣戶部尚書鑲藍旗滿洲都統臣德瑛經筵講

官工部尚書臣曹振鏞經筵講官吏部左侍郎管理國子監事務教習詹士正白旗滿洲副都統

臣玉麟經筵講官吏部右侍郎臣劉鳳詒經筵講官工部左侍郎總管內務府大臣鑲黃旗滿洲副

都統左翼總兵臣英和等謹上表

修纂官

監修總裁

經進講官太子太傅文淵閣大學士文淵閣領閣事領侍衛內大臣管理吏部理藩院事務兼鑲黃旗滿洲副都統臣慶桂

總裁

經進講官太子太傅文華殿大學士文淵閣領閣事管理刑部戶部三庫事務都尉臣董誥

內大臣戶部尚書鑲藍旗滿洲都統臣德瑛

經進講官太子少保工部尚書臣曹振鏞

原任經進講官太子太傅贈太子太師東閣大學士臣王杰

原任經進日講起居注官太子太傅贈太傅體仁閣大學士翰林院掌院學士管理工部事務臣朱珪

原任經進日講起居注官太子太傅文淵閣領閣事贈協辦大學士翰林院掌院學士工部尚書臣彭元瑞

前經進講官工部尚書翰林院掌院學士今任客利沙爾辦事大臣臣那彥成

副總裁

經進講官吏部左侍郎管理國子監事務教習庶吉士白旗滿洲副都統臣玉麟

經進講官太子少保吏部右侍郎臣劉鳳誥

經進講官工部左侍郎總管內務府大臣鑲黃旗滿洲副都統左翼總兵臣英和

經進講官理藩院左侍郎正黃旗蒙古副都統駐劄西藏辦事大臣臣玉寧

前經進講官吏部左侍郎今任步軍統領兼白旗蒙古都統總理奉宸苑東宮三事務臣文寧

原任經進講官太子少保協辦大學士禮部尚書管理國子監事務臣紀昀

原任經進講官御前大臣戶部尚書領侍衛內大臣鑲紅旗滿洲副都統步軍統領世襲一等子臣布彥達春

原任經進講官太子少保贈太子太保內大臣禮部尚書鑲藍旗滿洲副都統臣德明

原任兵部尚書續任盛京兵部侍郎一等公臣豐紳濟倫

原任吏部右侍郎臣董鳳三

原任經進講官戶部右侍郎鑲黃旗滿洲副都統臣恩普

總纂

前工部左侍郎今任漕運總督臣吉綸

前內閣學士兼禮部侍郎臣顧德慶

總校

前內閣學士兼禮部侍郎今任安徽巡撫臣彭齡

滿漢提調

掌京畿道監察御史原充纂修官臣韓克均

原任戶部員外郎候補七品筆帖式臣長文

原任日講起居注官翰林院侍講學士原充纂修官臣施杓

原任刑部員外郎臣崑山

前翰林院檢討今任河南懷慶府知府加道銜臣張翀

蒙古提調

纂修滿洲文

理藩院候補主事臣多容安	刑部候補主事臣崇慶	吏部主事臣福拉納	前內閣侍讀今任工科給事中臣安柱	內閣侍讀臣台禧	前內閣侍讀學士今任山東巡撫臣長齡	前內閣侍讀今任甘肅甘涼道臣圖勒炳阿	纂修滿洲文		前翰林院侍讀學士今任盛京禮部侍郎臣成格	兵部掌印給事中巡視南漕臣華連布	掌山東道監察御史兼公中佐領世襲騎尉臣玉慶	原任掌山西道監察御史臣善柱	原任吏部郎中兼佐領臣塔清阿	兵部郎中臣佟保	吏部員外郎臣恒麟	戶部員外郎臣韓清	戶部員外郎駱都尉兼一雲騎尉臣齊哈納	戶部員外郎臣祥慶
-------------	-----------	----------	-----------------	---------	------------------	-------------------	-------	--	---------------------	-----------------	----------------------	---------------	---------------	---------	----------	----------	-------------------	----------

戶部員外郎臣寬寧	禮部員外郎臣同麟	禮部員外郎臣福祥	工部員外郎臣富倫布	理藩院員外郎臣巴寧安	太僕寺員外郎臣西彭阿	原任禮部員外郎臣景奎	原任工部員外郎臣圖敏	吏部堂主事臣清泰	戶部主事臣明敏	原任兵部主事臣四保	刑部候補主事臣觀光	太僕寺候補主事臣惠山	即用主事內閣中書臣福朱	內閣中書臣富通阿	主事銜禮科筆帖式臣福華	主事銜光祿寺筆帖式臣塔克通阿	主事銜原任七品筆帖式臣薩郎阿
----------	----------	----------	-----------	------------	------------	------------	------------	----------	---------	-----------	-----------	------------	-------------	----------	-------------	----------------	----------------

原任主事銜戶部筆帖式臣務能義
前國子監助教林發福建候補同知臣英泰
原任筆帖式甘肅安定縣知縣臣廣善
効力官纂修滿洲文

原任翰林院侍讀學士臣延弼
纂修漢文

著經筵講官前詹事府詹事今任禮部左侍郎正藍旗漢軍副都統臣覺羅桂芳
前詹事府少詹事今任倉場侍郎臣李鈞蘭
前詹事府詹事今任盛京戶部侍郎兼管奉天府府尹臣榮麟

前詹事府詹事今任內閣學士兼禮部侍郎山西學政臣陳希曾

前翰林院侍講學士今任都察院左副都御史江蘇學政臣莫晉

日講起居注官詹事府詹事臣王宗誠

前翰林院侍講學士今任太僕寺卿江西學政臣汪廷珍

國子監祭酒臣帥永瀛

日講起居注官翰林院侍讀學士臣李宗瀚

日講起居注官翰林院侍讀學士臣吳芳培

日講起居注官翰林院侍講學士四川學政臣周系英

日講起居注官左春坊左庶子臣吳鼎

原任右春坊右庶子臣汪學金

翰林院侍講臣王鼎

司經局洗馬臣張錦枝

日講起居注官右春坊右中允臣汪守和

國子監司業臣蔡之定

翰林院編修湖南學政臣狄夢松

翰林院編修臣戴殿泗

文淵閣校理翰林院編修臣李錫恭

文淵閣校理翰林院編修臣陸以莊

翰林院編修臣沈學厚

日講起居注官翰林院修撰臣姚文田

翰林院編修臣湯金釗

翰林院編修臣白鎔

文淵閣校理翰林院編修臣張師泌

翰林院編修臣袁名曜

文淵閣校理翰林院編修臣方振

翰林院編修臣杜曄

翰林院編修臣瞿昂

翰林院編修	修臣梁運昌
原任翰林院編修	修臣洪亮吉
原任翰林院編修	修臣黃焜望
原任翰林院編修	修臣張惠言
前翰林院編修今任掌浙江道監察御史臣蘇兆登	
前翰林院編修今任掌湖廣道監察御史臣陳蘭畴	
前翰林院編修今任掌福建道監察御史臣程國仁	
前翰林院編修今任掌廣西道監察御史臣楊祖純	
前翰林院編修今任江南道監察御史臣鄒家燮	
前任翰林院編修湖廣道監察御史臣陳超曾	
前任翰林院庶吉士禮部主事臣吳賡枚	
前翰林院編修今任湖北荆宜施道臣邱勳	
前翰林院編修今任河南衛輝府知府臣王蘇	
前翰林院編修今任貴州銅仁府知府臣沈樂善	
効力官纂修漢文	
前翰林院編修今任宗人府府丞臣陳崇本	
纂修蒙古文	
吏部郎中臣筠松	

工部郎中	中臣瑚松額
理藩院郎中	中臣吹吉拉西
理藩院郎中	中臣福尼昂阿
理藩院郎中	中臣舒明泰
理藩院員外	郎臣巴珠阿
理藩院員外	郎臣松寧
理藩院員外	郎臣靈保
理藩院員外	郎臣奇德
內閣侍讀兼公中佐	領臣宜清安
禮部主事	事臣清平
兵部主事	事臣納蘇泰
工部主事	事臣德山
理藩院主事	事臣塔蕃布
太僕寺主事	事臣音德布
禮部候補主事	事臣興安
理藩院候補主事	事臣英奎
理藩院候補主事	事臣成格勒
理藩院候補主事	事臣懷塔

主事 銜 內閣 中書 書臣瑚克什布

內閣 中書 書臣富英

內閣 中書 書臣富森布

內閣 中書 書臣靈官住

內閣 貼寫 中書 書臣德山

主事 銜 理藩院 筆帖式 臣明昆

理藩院 筆帖式 臣祿和

咸安宮 教習 臣特寧安

前正藍旗 叅領 今任甘肅中衛協副將 臣兆納蘇圖

前理藩院 員外郎 今任甘肅蘭州道 臣積朗阿

前理藩院 司務 今任吉林同知 臣富元

前理藩院 筆帖式 今任奉天常安額勒克理事 通判 臣德住

前內閣 中書 今任湖北黃州府通判 臣清寧

協修滿洲文

內閣 侍讀 臣額特布

內閣 侍讀 臣法克精額

世襲 三等 輕車都尉 臣尚宗慈

兵部 員外郎 臣宗室綿青

工部 員外郎 臣書成

候補 員外郎 臣斌良

內務府 候補 員外郎 臣德浩

理藩院 額外 員外郎 騎都尉 兼世管佐領 臣清寧

前候補 主事 今任乾清門三等侍衛 臣慶禧

刑部 主事 臣廷璧

刑部 主事 臣增祿

工部 主事 臣宗室靈椿

工部 主事 臣錫福

內務府 主事 臣廣亮

吏部 候補 主事 臣文山

戶部 候補 主事 臣行恩

戶部 候補 主事 臣長生

兵部 候補 主事 臣昆駟

兵部 候補 主事 臣趙恒

兵部 候補 主事 臣卓保

工部 候補 主事 臣廣春

工部 候補 主事 臣朱瞻

一〇九

主	吏	吏	吏	吏	吏	吏	吏	吏	吏	吏	吏	吏	吏	吏	吏	吏	吏	吏	吏
部	部	部	部	部	部	部	部	部	部	部	部	部	部	部	部	部	部	部	部
筆	筆	筆	筆	筆	筆	筆	筆	筆	筆	筆	筆	筆	筆	筆	筆	筆	筆	筆	筆
帖	帖	帖	帖	帖	帖	帖	帖	帖	帖	帖	帖	帖	帖	帖	帖	帖	帖	帖	帖
式臣廣太	式臣善年	式臣安成	式臣慶綱	式臣鄂成	式臣恒柱	式臣瑞麟	式臣額爾金	式臣舒琨	式臣扎勒洪阿	式臣蘇朗阿	式臣尚政威	式臣書圖	式臣緝實	式臣滿福	式臣廣太	式臣景斌	式臣德興	式臣克什布	式臣翰林院筆帖式臣德興

高宗實錄 首卷五

兵	光	理	理	都	都	都	起	工	工	工	工	工	工	刑	刑	禮	禮	禮
科	祿	藩	藩	察	察	察	居	部	部	部	部	部	部	部	部	部	部	部
華	寺	院	院	院	院	院	注	華	華	華	華	華	華	華	華	華	華	華
帖	帖	帖	帖	帖	帖	帖	帖	帖	帖	帖	帖	帖	帖	帖	帖	帖	帖	帖
武臣柏齡額	武臣和慶	武臣納爾和	武臣達哈布	武臣和瑞	武臣玉符	武臣李桐	武臣慶恩	武臣察隆阿	武臣董緯	武臣富勳	武臣恒光	武臣伊積業	武臣愛祿	武臣保隆	武臣蘇成額	武臣瑪凌阿	武臣宜光	

鴻	鴻	光	工	工	工	原	原	候	候	候	內	工	工	刑	內	獲	步
臚	臚	祿	部	部	部	任	任	補	補	補	務	部	部	部	務	軍	軍
寺	寺	寺	庫	庫	庫	內	戶	華	華	華	府	候	候	候	府	統領	統領
鳴	鳴	庫				務	部	華	華	華	候	補	補	補	華	衙	衙
贊臣源溥	贊臣寧祥	使臣花良阿	使臣明安善	使臣圖山	使臣延齡	武臣文容	武臣貴恒	武臣保善	武臣聯中	武臣博敦	武臣恩麟	武臣宜昌	武臣慶科	武臣瑞齡	武臣長山	武臣福珠陰阿	武臣福珠陰阿

翰林院編修福建學政臣葉紹本	翰林院編修臣陳果	翰林院編修臣吳熙曾	翰林院編修臣王澤	翰林院編修臣吳椿	翰林院編修臣胡開益	翰林院編修撰臣彭浚	翰林院庶吉士臣平志	翰林院庶吉士臣程家賢	翰林院庶吉士臣姚元之	翰林院庶吉士臣邵葆鍾	翰林院庶吉士臣蔣詩	翰林院庶吉士臣程元吉	前任翰林院庶吉士候補員外郎臣汪德鈇	前任翰林院修撰今任山西雁平道臣趙文楷	前翰林院編修今任浙江金華府知府臣嚴榮	効力官協修漢文
---------------	----------	-----------	----------	----------	-----------	-----------	-----------	------------	------------	------------	-----------	------------	-------------------	--------------------	--------------------	---------

前翰林院侍講今任內閣學士兼禮部侍郎臣周興岱

翰林院侍讀學士臣茅元銘

日講起居注官翰林院侍講學士廣東學政臣陳嵩慶

右春坊右庶子臣法式善

前任右春坊右庶子臣王引之

協修蒙古文

刑部員外郎臣安寧

太僕寺員外郎臣祥慶

理藩院主事臣德寧額

理藩院候補主事臣瑚圖克

內閣中書臣廣慶

候補中書臣成善

國子監助教臣鍾福

國子監助教臣福格

國子監助教臣巴尼善

理藩院筆帖式臣長惠

理藩院筆帖式臣伊什多爾濟

理藩院筆帖式臣定昌

理藩院筆帖式臣珠昌保

理藩院筆帖式臣齊啟克

理藩院筆帖式臣色布肯

太僕寺筆帖式臣託恩多布

火器營印務處筆帖式臣柏清阿

戶部候補筆帖式臣福崇

兵部候補筆帖式臣伊里布

理藩院學習筆帖式臣蘇爾芳阿

理藩院學習筆帖式臣天花保

理藩院候補筆帖式臣慶善

候補筆帖式臣福珠隆阿

候補筆帖式臣倫珠布

候補筆帖式臣策琛

欽天監博士臣能得布

國史館校對臣薩丙阿

驍騎校臣奎英

滿漢收掌

前翰林院孔目今任右春坊右贊善臣達林

戶部員外郎 <small>臣葉普元額</small>	刑部員外郎 <small>臣覺羅錫綿</small>	工部堂主事 <small>臣鍾秀</small>	工部主事 <small>臣錦明</small>	刑部候補主事 <small>臣清安</small>	工部候補主事 <small>臣德克精額</small>	理藩院候補主事 <small>臣文溥</small>	步軍統領衙門候補主事 <small>臣明善</small>	前筆帖式今任盛京戶部主事 <small>臣祥明</small>	前筆帖式今任盛京刑部主事 <small>臣特屯保</small>	主事衙內閣中書 <small>臣富敏</small>	主事衙起居注筆帖式 <small>臣世寧</small>	主事衙理藩院筆帖式 <small>臣低清阿</small>	工部筆帖式 <small>臣文德</small>	太僕寺筆帖式 <small>臣誠祥</small>	光祿寺筆帖式 <small>臣伊興阿</small>	候補筆帖式 <small>臣琦昂</small>	候補部寺司務 <small>臣重光</small>
----------------------------	----------------------------	--------------------------	-------------------------	---------------------------	-----------------------------	----------------------------	-------------------------------	---------------------------------	----------------------------------	----------------------------	------------------------------	-------------------------------	--------------------------	---------------------------	----------------------------	--------------------------	---------------------------

原任內閣中書 <small>臣恒敏</small>	前任內閣中書廣東候補知府 <small>臣朱爾松額</small>	原任筆帖式江蘇鎮江府同知 <small>臣福成額</small>	候補選同知 <small>臣覺羅雷明</small>	効力漢收掌	候補主事 <small>臣汪本中</small>	蒙古收掌	內閣中書 <small>臣多寧安</small>	內閣中書 <small>臣清寧安</small>	內閣中書 <small>臣樂山</small>	前任內閣中書今任唐古忒學助教 <small>臣伊里布</small>	理藩院筆帖式 <small>臣嵩瑞</small>	理藩院筆帖式 <small>臣鄂羅碩瑚</small>	校對滿洲文	兵部員外郎 <small>臣海章阿</small>	內務府員外郎兼佐領 <small>臣貽恭</small>	內務府員外郎 <small>臣恒麟</small>	原任戶部主事 <small>臣來泰</small>
---------------------------	-----------------------------------	----------------------------------	----------------------------	-------	--------------------------	------	--------------------------	--------------------------	-------------------------	------------------------------------	---------------------------	-----------------------------	-------	---------------------------	------------------------------	---------------------------	---------------------------

吏部	額外主事	常愷
禮部	候補主事	福陞阿
兵部	候補主事	扎勒杭阿
太僕寺	候補主事	佟濟
太僕寺	候補主事	富奎
前華帖式	今任或京刑部主事	清泰
主事	銜內閣中書	巴彥泰
內閣	中書	百揆
內閣	中書	惠顯
內閣	中書	穆魯阿
內閣	中書	鍾彬
內閣	中書	景昌
內閣	中書	開泰
內閣	中書	英寶
主事	銜戶部筆帖	武臣豐仲
主事	銜戶部筆帖	武臣文珠保
主事	銜工部筆帖	武臣德著
主事	銜吏科筆帖	武臣慶年

吏部	筆帖	武臣平慶
戶部	筆帖	武臣祥安
戶部	筆帖	武臣常斌
禮部	筆帖	武臣托明
兵部	筆帖	武臣巴哈布
工部	筆帖	武臣覺羅慶長
翰林院	筆帖	武臣春昭
翰林院	筆帖	武臣德雲
都察院	筆帖	武臣阿勒濟阿
吏科	筆帖	武臣惠寧
禮科	筆帖	武臣七隆阿
兵科	筆帖	武臣伊明阿
刑科	筆帖	武臣松鶴
工科	筆帖	武臣塔隆阿
工科	筆帖	武臣覺羅隆安
大理寺	筆帖	武臣富爾崇阿
理藩院	筆帖	武臣圖們泰
欽天監	筆帖	武臣薩炳阿

校對漢文

太僕寺學習筆帖 <small>武臣咸寧</small>	原任刑部筆帖 <small>武臣達三</small>	原任通政司筆帖 <small>武臣德成額</small>	驍騎校 <small>武臣中秀</small>	前筆帖式今任福建泉州府通判 <small>武臣洪佐諾</small>	前筆帖式今任廣西懷集縣知縣 <small>武臣舒啟善</small>	前任刑部郎中候補郎中 <small>武臣查有圻</small>	原任戶部郎中 <small>武臣謝揚鎮</small>	兵部戶部外郎 <small>武臣何南鈺</small>	工部候補員外郎 <small>武臣胡低雲</small>	前大理寺寺丞候補員外郎 <small>武臣秉守誠</small>	前內閣中書候補員外郎 <small>武臣莫紹惠</small>	戶部堂主事 <small>武臣覺羅德奎</small>	戶部堂主事 <small>武臣張業南</small>	禮部堂主事 <small>武臣恒福</small>	工部堂主事 <small>武臣彭繩祖</small>	吏部候補主事 <small>武臣常福</small>
-----------------------------	----------------------------	------------------------------	-------------------------	------------------------------------	------------------------------------	---------------------------------	-----------------------------	-----------------------------	------------------------------	----------------------------------	---------------------------------	-----------------------------	----------------------------	---------------------------	----------------------------	----------------------------

戶部候補主事 <small>武臣夏炳</small>	戶部候補主事 <small>武臣牛坤</small>	戶部候補主事 <small>武臣蔣萊</small>	禮部候補主事 <small>武臣黃維烈</small>	兵部候補主事 <small>武臣元成</small>	兵部候補主事 <small>武臣王庭華</small>	刑部候補主事 <small>武臣邱樹棠</small>	刑部候補主事 <small>武臣吳準</small>	工部候補主事 <small>武臣李煥</small>	工部候補主事 <small>武臣溫際清</small>	工部候補主事 <small>武臣張之屏</small>	工部候補主事 <small>武臣俞恒澤</small>	原任兵部堂主事 <small>武臣經文</small>	主事銜內閣中書 <small>武臣桂寧</small>	內閣中書 <small>武臣顧英</small>	內閣中書 <small>武臣李振祐</small>	內閣中書 <small>武臣黃鳳起</small>	內閣中書 <small>武臣黃中模</small>
----------------------------	----------------------------	----------------------------	-----------------------------	----------------------------	-----------------------------	-----------------------------	----------------------------	----------------------------	-----------------------------	-----------------------------	-----------------------------	-----------------------------	-----------------------------	--------------------------	---------------------------	---------------------------	---------------------------

高宗實錄 首卷五

內	閣	中	書臣王植
內	閣	中	書臣王鼎文
內	閣	補	書臣吳書城
內	閣	候	書臣沈欽臨
內	閣	候	書臣屈廷鎮
內	閣	候	書臣張汝詢
內	閣	候	書臣宋鸞書
內	閣	候	書臣傅作求
大理寺評事	吳廷華		
國子監助	教臣陸開榮		
原任詹事府主簿	臣章朝棧		
原任翰林院典簿	臣朱掄英		
禮部筆帖式	臣玉林		
通政司候補筆帖式	臣高生		
原任翰林院孔目	臣盛超然		
前大理寺評事今任江西建昌府同知	臣田起巖		
前鴻臚寺序班候選知州	臣俞錄		

効力官校對漢文

前翰林院庶吉士兵部候補員外郎	臣鄧士憲		
工部主事	臣周廷授		
內閣候補	書臣梁承福		
原任內閣	書臣邊廷英		
大理寺評事	臣曹江		
前刑部候補員外郎候選知府	臣胡祖福		
恩賞	知縣臣戴嘉穀		
恩賞舉人原任廣東吳川縣知縣	臣朱振聲		
恩賞舉人原任山東日照縣知縣	臣朱景華		
淮南批驗所大使	臣孫鑄		
世管佐領	臣郭星額		
禮部候補主事	臣伊星阿		
理藩院候補主事	臣寧德		
主事銜內閣	書臣恒安		
內閣貼寫	書臣多福		
內閣貼寫	書臣訥蘇繼額		
候補七品小京官	臣同桂		

校對蒙古文

主事	銜	刑部	筆帖	式臣文祥
主事	銜	欽天監	筆帖	式臣富彌善
吏部	筆帖		式臣敏慧	
兵部	筆帖		式臣珠滿	
國子監	筆帖		式臣克什布	
理藩院	筆帖		式臣吉勒章阿	
理藩院	筆帖		式臣富克津	
理藩院	筆帖		式臣恩祿	
理藩院	筆帖		式臣長興	
理藩院	筆帖		式臣尚安泰	
理藩院	筆帖		式臣孟柯	
理藩院	筆帖		式臣成超	
國子監	教習候補	筆帖	式臣巴克崇阿	
候補理藩院	筆帖		式臣富連	
候補理藩院	筆帖		式臣扎隆阿	
候補理藩院	筆帖		式臣嵩華	
候補理藩院	筆帖		式臣松瑞	
候補	筆帖		式臣薩巴泰	

候補	筆帖	式臣哈寧阿
候補	筆帖	式臣奇布森
候補	筆帖	式臣音德
前內閣中書今任江蘇溧水縣知縣臣克實布		
効力官校對蒙古文		
前理藩院郎中今任理藩院右侍郎正黃旗滿洲副都統臣特克慎		
理藩院	主	事臣奎舒
繙譯滿洲文		
吏部	主	事臣富斌
禮部	外主	事臣覺羅克勤
即用	主	事臣常德
內閣	補中	書臣英華
內閣	中	書臣巴揚阿
內閣	中	書臣阿朗阿
主事	銜禮科筆帖	式臣諾穆敏
戶部	筆帖	式臣穆通阿
戶部	筆帖	式臣德克精布
戶部	筆帖	式臣武隆額

高宗實錄 首卷五

禮部	筆帖	式臣鶴齡
刑部	筆帖	式臣德恒
刑部	筆帖	式臣廣裕
刑部	筆帖	式臣色克津布
都察院	筆帖	式臣音登額
禮部	筆帖	式臣保衡
起居注	筆帖	式臣希產
起居注	筆帖	式臣耀祥
詹事府	筆帖	式臣景煥
通政司	筆帖	式臣伊克坦布
理藩院	筆帖	式臣岳喜
筆帖	式臣博世樂	
候補	筆帖	式臣鳴岡
候補	筆帖	式臣鳴皋
候補	筆帖	式臣姚起蛟
候補	筆帖	式臣博琳
候補	筆帖	式臣烏永阿
候補	筆帖	式臣台侃

候補	筆帖	式臣巴靈阿
候補	筆帖	式臣慶祥
候補	筆帖	式臣定柱
候補	筆帖	式臣德山
候補	筆帖	式臣伊朗阿
候補	筆帖	式臣阿勒經阿
候補	筆帖	式臣和爾更額
候補	筆帖	式臣那爾松阿
候補	筆帖	式臣舒彌達
候補	筆帖	式臣春柏
候補	筆帖	式臣德成額
候補	筆帖	式臣哈福康阿
候補	筆帖	式臣常德
候補	筆帖	式臣富慶
候補	筆帖	式臣希朗阿
候補	筆帖	式臣同住
候補	筆帖	式臣巴揚阿
候補	筆帖	式臣玉山

候	補	筆	帖	式臣吉朗阿
候	補	筆	帖	式臣雅清阿
候	補	筆	帖	式臣海壽
候	補	筆	帖	式臣福廣
候	補	筆	帖	式臣勒爾經額
候	補	筆	帖	式臣景順
候	補	筆	帖	式臣蘇冲阿
候	補	筆	帖	式臣慶德
候	補	筆	帖	式臣德克崇額
候	補	筆	帖	式臣扎克丹
候	補	筆	帖	式臣莫爾更額
候	補	筆	帖	式臣薩爾善
候	補	筆	帖	式臣善慶
候	補	筆	帖	式臣松英
候	補	筆	帖	式臣德福
候	補	筆	帖	式臣富明阿
候	補	筆	帖	式臣福昌
候	補	筆	帖	式臣豐紳

候	補	筆	帖	式臣賡音布
候	補	筆	帖	式臣色克通額
候	補	筆	帖	式臣福蘭保
候	補	筆	帖	式臣興昌
候	補	筆	帖	式臣特克什布
候	補	筆	帖	式臣范樹義
緡書房	緡	緡	譯	官臣鳳齡
緡書房	緡	緡	譯	官臣玉保
緡書房	緡	緡	譯	官臣祥太
廣東仁化縣知	知	知	知	孫臣覺羅續昌
浙江候補批驗所大使	大使	大使	大使	臣范樹柏
浙江鹽大使	使	使	使	臣金誠
監生	生	生	生	臣福興阿
護軍	軍	軍	軍	臣春明
緡譯蒙古文				
太僕寺候補主事	主事	主事	主事	臣景善
候補主事	主事	主事	主事	臣烏爾琨布
內閣中書	中書	中書	中書	臣伊常阿

國子監助教補筆帖式臣額魯里	國子監教習候補筆帖式臣伊綿布	國子監教習候補筆帖式臣巴雅吉琿	國子監教習候補筆帖式臣明敏	理藩院學習筆帖式臣定柱	候補筆帖式臣阿爾松布	候補筆帖式臣阿木固郎	候補筆帖式臣常明	候補筆帖式臣珠福	候補筆帖式臣索柱	候補筆帖式臣松阿里	候補筆帖式臣六十三	候補筆帖式臣伊克	候補筆帖式臣額勒恒額	候補筆帖式臣六十四	候補筆帖式臣常泰	候補筆帖式臣德盛額	候補筆帖式臣順禧
---------------	----------------	-----------------	---------------	-------------	------------	------------	----------	----------	----------	-----------	-----------	----------	------------	-----------	----------	-----------	----------

候補筆帖式臣海紳泰	候補筆帖式臣色朗阿	候補筆帖式臣阿當阿	候補筆帖式臣嗣興阿	候補筆帖式臣伊常阿	候補筆帖式臣巴凌阿	候補筆帖式臣文善保	候補筆帖式臣嗣昌阿	候補筆帖式臣穆克登布	候補筆帖式臣景福	候補筆帖式臣西拉布	候補筆帖式臣惠成	候補筆帖式臣額林布	候補筆帖式臣齊布松武	騰錄滿洲字				兵部候補主事臣富新	兵部候補主事臣景慶	即用主事臣阿凌阿
-----------	-----------	-----------	-----------	-----------	-----------	-----------	-----------	------------	----------	-----------	----------	-----------	------------	-------	--	--	--	-----------	-----------	----------

鑒儀衛學習鳴贊鞭官臣恒慶	內閣中書書臣奎順	內閣中書書臣愛山	內閣中書書臣索察善	內閣中書書臣文泰	內閣中書書臣清福	內閣中書書臣那凌太	內閣中書書臣文斌	內閣中書書臣實格	內閣中書書臣克什太	內閣中書書臣文炳	國子監助教書臣賡音保	吏部筆帖書臣洪廷福	吏部筆帖書臣國勒名阿	吏部筆帖書臣續泰	吏部繕本筆帖書臣文保	戶部筆帖書臣德寧	刑部筆帖書臣恒福
--------------	----------	----------	-----------	----------	----------	-----------	----------	----------	-----------	----------	------------	-----------	------------	----------	------------	----------	----------

刑部筆帖書臣慶寧	翰林院筆帖書臣長倫	翰林院筆帖書臣恒昌	起居注筆帖書臣錫奎	太僕寺筆帖書臣七豐阿	欽天監筆帖書臣覺羅大敏	欽天監筆帖書臣伊明阿	覺羅教習書臣蘇爾芳阿	候補教習書臣嵩齡	候補部寺司務書臣慶廉	候補部寺司務書臣明玉	筆帖書臣瑞昌	筆帖書臣福興阿	筆帖書臣阿盛	筆帖書臣常祿	筆帖書臣祥春	筆帖書臣祥昌	筆帖書臣裕著
----------	-----------	-----------	-----------	------------	-------------	------------	------------	----------	------------	------------	--------	---------	--------	--------	--------	--------	--------

候	補	筆	帖	武臣張鵬雲
候	補	筆	帖	武臣永
候	補	筆	帖	武臣吉勒通阿
候	補	筆	帖	武臣武鄭額
候	補	筆	帖	武臣常慶
候	補	筆	帖	武臣瑞齡
候	補	筆	帖	武臣雙福
候	補	筆	帖	武臣奎英
候	補	筆	帖	武臣達榆
候	補	筆	帖	武臣王景林
候	補	筆	帖	武臣金崇
候	補	筆	帖	武臣福謙
候	補	筆	帖	武臣額勒登
候	補	筆	帖	武臣恩成
候	補	筆	帖	武臣文興
候	補	筆	帖	武臣普賡
候	補	筆	帖	武臣承緒
候	補	筆	帖	武臣伯齡

候	補	華	帖	武臣懷塔哈
候	補	華	帖	武臣壽格
候	補	華	帖	武臣福昌善
候	補	華	帖	武臣博敦
候	補	華	帖	武臣穆騰額
候	補	華	帖	武臣桂方
候	補	華	帖	武臣福東太
候	補	華	帖	武臣李德峻
候	補	華	帖	武臣德亮
候	補	華	帖	武臣福長
候	補	華	帖	武臣誠復
候	補	華	帖	武臣景倫
候	補	華	帖	武臣瑞琦
候	補	華	帖	武臣德恒太
候	補	華	帖	武臣高學治
候	補	華	帖	武臣伯勒洪武
候	補	華	帖	武臣富成
候	補	華	帖	武臣阿克唐阿

候	補	筆	帖	式臣拖克拖布
候	補	筆	帖	式臣雙鼎
候	補	筆	帖	式臣椿齡
候	補	司		庫臣覺羅懷坦
候	補	庫		使臣福克進
候	補	隨	印外	郎臣金福
候	補	隨	印外	郎臣福順
前任光祿寺筆帖式	分發湖南試用	知縣臣唐古忒	寧	
候	選	知		縣臣蘇勒通阿
候	選	知		縣臣成斌
候	選	知		縣臣多齡額
候	選	鹽	大	使臣韓毓本
候	選	鹽	大	使臣張廷樞
候	選	鹽	大	使臣蘇廷舒
候	選	鹽	大	使臣洪廷祚
候	選	鹽	大	使臣玉振
候	選	鹽	大	使臣洪廷祉

候	選	鹽	大	使臣福壽
候	選	鹽	大	使臣張圻
候	選	鹽	大	使臣金世襄
候	選	鹽	大	使臣恩福
候	選	鹽	大	使臣賜福
候	選	鹽	大	使臣桂寧
候	選	鹽	大	使臣洪廷禧
候	選	鹽	大	使臣洪邦璧
候	選	鹽	大	使臣伊拉齊
候	選	鹽	大	使臣福山
副				生臣格通額
監				生臣松齡
監				生臣托克通阿
監				生臣敦福
監				生臣春保
監				生臣喀爾喀阿
監				生臣蘇楞額
監				生臣巴寶

候	補	筆	帖	式臣伊蘭
候	補	筆	帖	式臣西爾布
候	補	筆	帖	式臣成祥
候	補	筆	帖	式臣善慶
候	補	筆	帖	式臣吉勒通阿
候	補	筆	帖	式臣常壽
候	補	筆	帖	式臣公福
候	補	筆	帖	式臣英忠
候	補	筆	帖	式臣德福
候	補	筆	帖	式臣明順
候	補	筆	帖	式臣德昌
候	補	筆	帖	式臣岳素圖
候	補	筆	帖	式臣色普其額
候	補	筆	帖	式臣伊朗阿
候	補	筆	帖	式臣賡音阿
候	補	筆	帖	式臣色陳
候	補	筆	帖	式臣景明

候	補	筆	帖	式臣巴彥大來
候	補	筆	帖	式臣富廉
候	補	筆	帖	式臣阿昌阿
候	補	筆	帖	式臣海恒
候	補	筆	帖	式臣松林
候	補	筆	帖	式臣哈芬布
候	補	筆	帖	式臣茂林
候	補	筆	帖	式臣百亮
候	補	筆	帖	式臣富珠隆阿
候	補	筆	帖	式臣松齡
候	補	筆	帖	式臣巴精阿
候	補	筆	帖	式臣伊克坦布
候	補	筆	帖	式臣富雅杭阿
候	補	筆	帖	式臣塔興阿
候	補	筆	帖	式臣富中
候	補	筆	帖	式臣倭星額
候	補	筆	帖	式臣富祥
候	補	筆	帖	式臣和慶

候	補	筆	帖	武臣玉祥
候	補	筆	帖	武臣春靈
候	補	筆	帖	武臣龍昌
候	補	筆	帖	武臣朱隆阿
候	補	筆	帖	武臣富明額
候	補	筆	帖	武臣普順
候	補	筆	帖	武臣吉隆阿
候	補	筆	帖	武臣松林
候	補	筆	帖	武臣奎恒
候	補	筆	帖	武臣莫爾根布
候	補	筆	帖	武臣松音
候	補	筆	帖	武臣國樑
候	補	筆	帖	武臣松惠
候	補	筆	帖	武臣喜慶
候	補	筆	帖	武臣福隆阿
候	補	筆	帖	武臣富珠隆阿
候	補	筆	帖	武臣凌泰
候	補	筆	帖	武臣七十三

候	補	筆	帖	武臣郭親泰
候	補	筆	帖	武臣亢廉
候	補	筆	帖	武臣崇舒
候	補	筆	帖	武臣勝通
候	補	筆	帖	武臣塔爾瑪善
候	補	筆	帖	武臣成壽
候	補	筆	帖	武臣富增額
候	補	筆	帖	武臣雙明
候	補	筆	帖	武臣雙全
候	補	筆	帖	武臣常永
候	補	筆	帖	武臣德魁
候	補	筆	帖	武臣廣泰
候	補	筆	帖	武臣多隆武
候	補	筆	帖	武臣忠勝
候	補	筆	帖	武臣雙德
候	補	筆	帖	武臣珠爾杭阿
候	補	筆	帖	武臣德興額
候	補	筆	帖	武臣穆騰額

候	補	筆	帖	式臣伊爾哈布
候	補	筆	帖	式臣托僧額
候	補	筆	帖	式臣富昌善
候	補	筆	帖	式臣伊郎阿
候	補	筆	帖	式臣崧音
候	補	筆	帖	式臣富英
候	補	筆	帖	式臣色爾圖楞
候	補	筆	帖	式臣額爾德尼
候	補	筆	帖	式臣蘇克精額
前候補筆帖式今任察哈爾都統衙門筆帖式臣瑚圖理				
前候補筆帖式今任盛京刑部筆帖式臣德桂				
拜	唐	阿臣陞	泰	
拜	唐	阿臣達什多爾濟		
候	補	天文	生臣富奎	
官	學	生臣富成額		
官	學	生臣伍隆安		
獲		軍臣童亮		
獲		軍臣恒順		

膳錄漢字

獲	軍臣金寧
獲	軍臣哈豐阿
領	催臣伊克唐阿
馬	田臣熊兆
馬	甲臣巴泥潭
馬	甲臣寶清
馬	甲臣巴什達
馬	甲臣明德
馬	甲臣塔凌阿
膳錄漢字	
吏	部主事臣孫兆鼐
刑	部主事臣倪孟華
內	閣中書臣金邵
候	補內閣中書臣汪霖
候	補內閣中書臣吳其浚
候	補內閣中書臣郭堃
北	城兵馬司副指揮臣謝宗
原	任北城兵馬司副指揮臣蕭焰

高宗實錄 首卷五

河南	葉縣	知縣	縣臣李賓
江西	雩都縣	知縣	縣臣孫傳緒
江蘇	昭文縣	知縣	縣臣朱樹基
直隸	樂亭縣	知縣	縣臣黃河光
直隸	高陽縣	知縣	縣臣楊璧
直隸	定興縣	知縣	縣臣吳德孚
候選	通判	判臣金式如	
候選	通判	判臣吳孝彪	
候選	通判	判臣趙汝弼	
候選	通判	判臣郭際清	
候選	通判	判臣葛汝恭	
候選	通判	判臣劉用和	
候選	通判	判臣陳鑑	
候選	通判	判臣吳扶曹	
四川	蓬州	知州	州臣蔣兆璠
山西	候補直隸州	知州	州臣葉峻嶠
原任湖北德安府同知	候補同知	知臣盛植麒	

河南	閿鄉縣	知縣	縣臣胡廷儀
山東	肥城縣	知縣	縣臣吳銳
山東	臨淄縣	知縣	縣臣張建銳
山西	孝義縣	知縣	縣臣葛拱宸
湖北	鄖陽縣	知縣	縣臣吳鴻裁
湖北	崇陽縣	知縣	縣臣李夢珠
福建	霞浦縣	知縣	縣臣夏以槐
廣東	廣寧縣	知縣	縣臣陳洪建
雲南	富民縣	知縣	縣臣楊毓秀
原任直隸井陘縣	知縣	縣臣汪兆霖	
湖北	補知縣	縣臣趙東淳	
浙江	補知縣	縣臣涂日耀	
安徽	補知縣	縣臣于聯森	
江西	補知縣	縣臣杜宏泰	
山東	補知縣	縣臣楊廷桂	
山西	補知縣	縣臣曹鏞	
河南	補知縣	縣臣邵杰	
河南	補知縣	縣臣王霜	

陝西	候	補	知	縣臣程雲
廣西	候	補	知	縣臣趙品金
山東	候	補	知	縣臣鄭僑源
江西	候	補	知	縣臣徐麗生
候	選	知		縣臣韓英均
候	選	知		縣臣章文藻
候	選	知		縣臣陳淦
候	選	知		縣臣李振鏞
候	選	知		縣臣沈錫圭
候	選	知		縣臣李廷灼
候	選	知		縣臣張清濤
候	選	知		縣臣孔純熙
候	選	知		縣臣張敏求
候	選	知		縣臣傅士奎
候	選	知		縣臣陶貴鎮
候	選	知		縣臣陳世鴻
候	選	知		縣臣沈剛
候	選	知		縣臣唐曾颺

候	選	知	縣臣張金榜
候	選	知	縣臣戚晟
候	選	知	縣臣張東銘
候	選	知	縣臣林濬源
候	選	知	縣臣周建邦
候	選	知	縣臣陳東周
進			士臣蕭漢申
恩	賞	舉	人臣裴元善
舉			人臣劉焜
舉			人臣封藩
舉			人臣陳珪
舉			人臣李長清
舉			人臣王保訓
舉			人臣蕭元吉
舉			人臣魏瀚
舉			人臣胡敷裕
舉			人臣朱衣點
舉			人臣梁蘭滋

高宗實錄 首卷五

一二三

舉	人臣周學淮
舉	人臣劉元俊
舉	人臣葉玠
舉	人臣申玠
舉	人臣姚壽齡
舉	人臣戴鼎恒
舉	人臣楊廉
舉	人臣查揆
舉	人臣吳秀良
舉	人臣王鎬
舉	人臣杜廷儀
舉	人臣劉斯寧
舉	人臣鄧本
舉	人臣毛應觀
舉	人臣曹之潤
舉	人臣芮寅
舉	人臣李振蒙
江西候補布政司理問臣范玉琳	

候選布政司理問臣郭培榮	山東候補布政司理問臣黃式敘
福建候補布政司理問臣俞益	前候補布政司理問臣胡林
候補布政司理問臣何椿	候補布政司理問臣黃宗憲
候補布政司理問臣張崇本	候補布政司理問臣德溥
候補布政司理問臣紀樹穀	候補布政司理問臣徐榮
江西候補州同臣田錫齡	山東候補州同臣陸之熊
廣東候補州同臣陳汝功	候補州同臣劉肇翰
候補州同臣錢景文	候補州同臣楊兆燮
候補州同臣張炯	候補州同臣陸鴻

山東	浙江	浙江	浙江	浙江	浙江	浙江	浙江	長蘆	候選	候選	候選	候選	候選	河南	安徽	候選	候選	候選
候補	候補	候補	候補	候補	候補	候補	候補	鹽大	布政司	布政司	布政司	布政司	布政司	候補布政司	候補布政司	選州	選州	選州
鹽大	鹽大	鹽大	鹽大	鹽大	鹽大	鹽大	鹽大	鹽大	庫大	庫大	庫大	庫大	庫大	庫大	庫大	州	州	州
使臣周果	使臣費槐	使臣鳳齡	使臣李金崖	使臣梁緝	使臣程汝熾	使臣王慶長	使臣郎汝琮	使臣胡敷立	使臣盧均	使臣孫熙	使臣張邦基	使臣張伯良	使臣汪忠	使臣何璵	使臣李炳	判臣施薄	同臣郭學士	

山東	山東	山東	兩淮	兩淮	兩淮	兩淮	兩淮	福建	福建	福建	福建	廣東	廣東	廣東	雲南	候選	候選	候選
候補	候補	候補	候補	候補	候補	候補	候補	候補	候補	候補	候補	候補	候補	候補	候補	選	選	選
鹽大	鹽大	鹽大	鹽大	鹽大	鹽大	鹽大	鹽大	鹽大	鹽大	鹽大	鹽大	鹽大	鹽大	鹽大	鹽大	鹽大	鹽大	鹽大
使臣賈震	使臣林辦香	使臣沈曾齡	使臣吳之璜	使臣徐林	使臣汪之遠	使臣佟景山	使臣黃祇	使臣孫製錦	使臣陞寶	使臣何松微	使臣何瑛	使臣姚敬	使臣丁安麒	使臣陳詩	使臣喬景岱	使臣王鼎敷	使臣丁履益	

高宗實錄 首卷五

候選鹽大	使臣朱豫章
候選鹽大	使臣陳伯适
候選鹽大	使臣郭如泰
候選鹽大	使臣汪夢蘭
候選鹽大	使臣屠岡
候選鹽大	使臣蔡延仁
候選鹽大	使臣賴宗瀚
候選鹽大	使臣曹貽楷
候選鹽大	使臣陳鰲
候選鹽大	使臣鄭廷楓
候選鹽大	使臣項新
候選鹽大	使臣高懌齡
候選鹽大	使臣賀萬年
候選鹽大	使臣蕭與澄
候選鹽大	使臣祁宸藻
候選鹽大	使臣丁淦
候選鹽大	使臣吳大醇
候選鹽大	使臣李質英

候選鹽大	使臣龔啟心
候選鹽大	使臣何維四
候選鹽大	使臣周棟
候選鹽大	使臣張綺春
候選鹽大	使臣曹貽棻
候選鹽大	使臣何有堂
候選鹽大	使臣張文桂
候選鹽大	使臣繆廷樸
候選鹽大	使臣李景洙
候選鹽大	使臣陳觀
候選鹽大	使臣葛方履
候選鹽大	使臣樊宗淦
候選鹽大	使臣張鳳翹
候選鹽大	使臣張世昭
候選鹽大	使臣繆浚
候選鹽大	使臣徐曾鑰
候選鹽大	使臣丁良佐
候選鹽大	使臣馬錫書

河	南	候	補	縣	丞臣韓迪均
河	南	候	補	縣	丞臣葉樹本
浙	江	候	補	縣	丞臣姜銘
江	西	候	補	縣	丞臣劉正元
雲	南	候	補	縣	丞臣孫澤
候		選	縣	丞臣吳績祖	
候		選	縣	丞臣潘捷均	
候		選	縣	丞臣徐楷	
候		選	縣	丞臣周攀桂	
分纂官					
候		選	縣	丞臣陳照	
候		選	縣	丞臣陳澍	
候		選	縣	丞臣謝肇連	
候		選	縣	丞臣劉峯	
候		選	縣	丞臣張退齡	
候		選	縣	丞臣陳熙	
候		選	縣	丞臣趙琛	
候		選	縣	丞臣貢清鑒	
候		選	縣	丞臣王燮	

候		選	縣	丞臣盧正沂
候		選	縣	丞臣喬以賢
候		選	縣	丞臣李雲銜
候		選	縣	丞臣龍來漳
候		選	縣	丞臣顧溝
候		選	縣	丞臣姜淦
候		選	縣	丞臣范德銓
候		選	縣	丞臣周楷
候		選	縣	丞臣華浩
分纂官				
候		選	縣	丞臣周承基
候		選	縣	丞臣梁中孚
候		選	縣	丞臣于立堃
候		選	縣	丞臣方傳恩
候		選	縣	丞臣田溶
候		選	縣	丞臣徐璧書
候		選	縣	丞臣王嗣賢
直	隸		縣	諭臣李培元
山	東		縣	諭臣李清溥

高宗實錄 首卷五

一三六

候	選	教	諭臣王 湛
候	選	教	諭臣范 作樞
候	選	教	諭臣孫 銘勳
廣東	徐 聞 縣 訓	導臣周 夢星	
候	選	訓	導臣舒 鑫
候	選	訓	導臣趙 彤雲
候	選	訓	導臣李 可觀
候	選	訓	導臣周 懷琢
候	選	主	導臣薛 之賢
候	選	主	導臣張 元良
候	選	主	導臣任 堂
候	選	吏	目臣王 慶錫
候	選	吏	目臣朱 元暉
候	選	吏	目臣方 際盛
候	選	吏	目臣周 紹濂
候	選	吏	目臣于 衍禮
候	選	吏	目臣黃 璋
原 任 福 建 龍 巖 州 吏			目臣吳 壽椿

候	選	正 九	品臣李 光晉
陝 西	清 澗 縣 典		史臣胡 華黼
秦 天 承 德 縣 典			史臣張 虎士
河 南 南 台 縣 典			史臣丁 文振
候	選	未 入	流臣喬 德亨
拔	貢		生臣林 秉瀚
拔	貢		生臣鄧 夢魁
優	貢		生臣黃 觀海
拔	貢		生臣程 咸
拔	貢		生臣李 蘊
拔	貢		生臣趙 為仁
拔	貢		生臣張 崇福
拔	貢		生臣東 惠
拔	貢		生臣楊 繼煥
拔	貢		生臣劉 本燮
拔	貢		生臣張 文達
拔	貢		生臣江 鍾靈
拔	貢		生臣孫 金度

拔	貢	生臣王廷薰
拔	貢	生臣鄭之良
拔	貢	生臣李炯
副	貢	生臣江玉
副	貢	生臣魏來驥
副	貢	生臣陳拔青
副	貢	生臣張易冠
歲	貢	生臣牛廣士
歲	貢	生臣沈世忻
廩	貢	生臣黃紹魁
廩	貢	生臣彭吉士
貢		生臣羅紹極
貢		生臣王貽孫
廩		生臣張捷飛
附	監	生臣錢廷琅
監		生臣韓鳳羽
監		生臣張聯芳
廩	監	生臣狄鳴鑒

監	生臣毛純初
監	生臣楊鍾鰲
監	生臣侯林
監	生臣史載鵬
監	生臣鍾時沛
監	生臣董友善
廩	生臣胡培元
增	生臣劉佩文
增	生臣張裕
附	生臣楚江
附	生臣時際雍
効力謄錄漢字	
原任	翰林院庶吉士臣陳麟邁
原任	翰林院庶吉士臣隆安
原任	翰林院庶吉士臣劉毅萬
原任	翰林院庶吉士臣鍾慶
原任	翰林院庶吉士臣王琨
原任	翰林院庶吉士臣柳減

原任翰林院庶吉士臣陳銘

原任翰林院庶吉士臣常山

原任翰林院庶吉士臣謝幹

原任翰林院庶吉士臣黃向榮

原任翰林院庶吉士臣謝寶樹

原任翰林院庶吉士臣楊書績

原任翰林院庶吉士臣吳友堯

原任翰林院庶吉士臣張元偉

原任翰林院庶吉士臣王鈞

平

三

大清高宗法天隆運至誠先覺體元立極敷文奮武孝慈神聖純皇帝實錄卷之一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級尋常加二級內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

高宗法天隆運至誠先覺體元立極敷文奮武

實錄卷一

孝慈神聖純皇帝諱弘曆

世宗敬天昌運建中表正文武英明寬仁信毅

睿聖大孝至誠憲皇帝第四子也

母孝聖慈宣康惠敦和誠徽敬天光聖憲皇后

鈕祜祿氏原任四品典儀官加封一等承恩

公凌柱之女仁慈淑慎恭儉寬和事

世宗憲皇帝肅範彤闡勤襄內職儲祥毓釐以

康熙五十年辛卯八月十三日子時誕

上於雍和宮邸

上生而神靈。天挺奇表。珠庭方廣。隆準頤身。發音鏗洪。舉步嶽重。規度恢遠。嶷然拔萃。自六齡就學。受書於庶吉士福敏。過目成誦。課必兼治。進業日勤。動契夙悟。洎康熙壬寅。年十二。祇謁。

聖祖於圓明園之鏤月開雲。

見即驚愛。

命宮中養育。撫視周摯。備荷

飴顧恩慈。

纂錄卷一

二

親授書課。教牖有加。偶舉愛蓮說以試。誦解融

徹。獎悅彌至。

命學射於貝勒允禧。學火器於莊親王允祿。肄

輒擅能。精傳

家法。每呈設宮門。習圍南苑。閱體審機。疊發奇

中。垂髫英武。觀者莫不欽為天授。而神鎗寶

韞。準的具存。

貽誨有深焉者。其年秋。隨侍

聖祖巡避暑山莊。

賜居萬壑松風。讀書其中。一日望見御舟泊晴碧亭畔。聞

聖祖呼名。即趨巖壁而下。

顧謂勿疾行。恐致蹉跌。愛護殊常。獅子嶺之北。

為

世宗藩邸。扈蹕時。賜園

聖祖幸園中。進膳

特命

孝敬憲皇后率

纂錄卷一

三

孝聖憲皇后。問安拜觀。

天顏喜溢。連稱有福之人。以

上豫信也。木蘭從獮。入永安莽喀圍場。

命侍衛引射熊。取初圍獲熊兆。甫上馬。熊突起。

控轡自若。

聖祖御鎗殪之事。畢入武帳。

顧語溫惠皇貴太妃曰。是命貴重。福將過予。

恩鑒之神。灼然知

聖母

聖子允能膺受多福引貺方來深信不爽者如此雍正元年癸卯春正月次辛

祈穀禮成是為

世宗登極後初次大祀之典

召

上入養心殿

賜食一轡意已為他日付託之本志早先定仰

告

昊蒼故俾承福受胙也秋八月

御乾清宮密書

上名緘固

召諭諸王大臣俾敬藏

世祖章皇帝所書正大光明扁額上使咸喻慎

簡元良之本懷冬至月屆

聖祖仁皇帝週忌大祭

命代謁

景陵隱然以主壻欽承

眷命所鍾勿忘自始五年丁未年十七

賜成大婚禮於西二所踐阼後賜名重華宮者是也爰偕

孝賢純皇后竭奉歡養盡孝殫誠問視滋謹退

居之暇典學時懋惟以恬靜沖和內葆明德

八年庚戌彙書閣所製詩文為樂善堂集告

成十一年癸丑春正月

世宗諭閣臣曰皇四子素為

皇考鍾愛今年歲已二十外學識增長朕心嘉

悅其集禮官撰吉稽典錫授藩封

欽定為和碩寶親王爾時

睿慮淵深冊立不名而為天下得人貽以大寶

聿彰於此每歲

命代祀

北郊肅將告虔甘澤徯應

廟薦壇祈罔弗歆格準噶爾之役

兩朝未竟陳師西北兩路

上實親聆

運籌黔苗不靖繼有兵事

世宗命綜理軍機。

諮決大計。藉燭遠謀。所為上下感孚。天人歸與。殷懷厚望之所繫屬。惟

上敬承。聖勉。仰憶篤思者。閱數十年。蓋

上之福祚久長。良由

聖祖深愛神知。默定於前。

世宗垂裕穀詒。周注於後。用以繼繩一體。錫天下臣庶無疆之庥。嘗於

召皇子皇孫大臣入見。

宣諭再三。終身之慕。未啻目前。依邇景緬。惓惓

罔斁。謹就聰聽。

示述所及。暨仰讀

御集詩文所舉臨御以前之實事。敬陳簡端。

雍正十三年乙卯八月丁卯朔己丑。

世宗憲皇帝賓天時。

駕御圓明園。先是丁亥。

聖躬不豫。仍辦事如常。

上孝思純篤。與和碩和親王弘晝朝夕謹視。憂

慮方深。戊子戌刻。

世宗疾大漸。

宣召和碩莊親王允祿。和碩果親王允禮。大學士張廷玉等入。

寢宮。是日子刻。

世宗崩。

上趨詣

御榻前。捧足大慟。號哭仆地。王大臣近侍咸舉哀。尋請恭備黃輿奉

大行皇帝還宮。一遵

聖祖仁皇帝大事禮儀。請

上前導以行。於是諭內大臣海望持合符開門

進城。同多羅履郡王允禔入乾清宮。豫備公

訥親內大臣常明為後護。果親王允禮誠親

王允祕和親王弘晝大學士張廷玉隨進宮。

公豐盛額乾清門侍衛等隨。

大行皇帝黃輿進宮。莊親王允祿隨。

皇太后及宮眷進城。圓明園阿哥弘瞻年甚幼。

不必隨進城。派顯親王衍潢帶散秩大臣二員在園照看。○王大臣奏

大行皇帝黃輿進宮時

上在乾清門內迎接。諭曰。若在乾清門內迎接。心實不忍。王大臣等不必固請。俾得稍盡此心。○命果親王允禮掌紫禁城鑰。○

上奉黃輿。途次哭不停聲。傳諭進宮時。若乘轎由乾清門入。心切不忍。可從內右門入。寅刻。

上進宮。內侍將雍正元年緘藏乾清宮正大光

明扁後封函。敬謹取下。捧至

上前。

上命待莊親王允祿。果親王允禮。大學士張廷

玉。原任大學士鄂爾泰等。齊入。始啟封。跪閱

親書御名。伏地大慟。莊親王允祿等請

上止哀。欽遵

大行皇帝遺命。恭宣

詔旨。曰。寶親王。皇四子弘曆。秉性仁慈。居心孝友。

聖祖仁皇帝於諸孫之中。最為鍾愛。撫養宮中。恩逾常格。雍正元年八月間。朕於乾清宮召諸王滿漢大臣入見。面諭以建儲一事。親書諭旨。加以密封。藏於乾清宮最高處。即立弘曆為皇太子之旨也。其仍封親王者。蓋令備位藩封。諳習政事。以增廣識見。今既遭大事。著繼朕登基。即皇帝位。上恭聽畢。感慟號呼良久。尋諭

皇考遺命。著莊親王。果親王。大學士鄂爾泰

張廷玉。輔政。朕思鄂爾泰。係因病解任。調理。今既輔政。著復任。○

大行皇帝黃輿進宮

上跪於隆宗門外。親扶安奉於乾清宮。○

命履郡王允禔。和親王弘晝。公納穆圖。內

大臣海望。尚書徐本。都統傅鼎。侍郎普泰

楊汝穀。辦理

大行皇帝喪儀。○諭總理事務王大臣

皇考遺命。以朕續承大統。應行尊奉

妃母典禮著察奏議上諭曰

妃母尊稱

皇太后是至朕之元妃豈敢遽爾稱后爾諸王大臣既援引古禮面奏再三著請

皇太后懿旨奏入尋奉

皇太后懿旨

大行皇帝將大任付與皇帝自應照典禮行○命總理事務王大臣議奏西北兩路軍營及苗疆軍營頒發

遺詔事宜尋議恭查

聖祖仁皇帝喪儀大禮記注內稱領兵之諸王大臣各官於

遺詔到日俱摘冠纓服素服跪接進營行三跪九叩禮跪聽宣讀畢興舉哀復行三跪九叩禮官兵摘纓三日至第四日照常辦事今頒發

大行皇帝遺詔應先期行知將軍大臣等照前例行禮得旨依議○命大學士朱軾回京辦

事其總理海塘工程王大臣等另議一人奏

請前往尋請以大學士現管江南總河事務嵇曾筠即赴浙江總理海塘工程暫令不必來京叩謁

梓宮併請以江南總督趙宏恩暫署江南總河事務從之○總理事務王大臣奏工部堂官俱新補請以舊堂官戶部侍郎趙殿最陳樹萱協辦併以禮部工部司員職事甚多請將別部司員酌派協辦從之○禮部奏奉升

梓宮吉時豫陳大駕鹵簿張幕設供俟

皇上翦髮

皇太后

皇后妃嬪俱翦髮成服自親王以下文武各官公主和碩福晉以下二等侍衛妻室以上及包衣佐領等男婦俱齊集內庭王等福晉俱照從前大行皇帝諭旨在内庭齊集成服舉哀申刻

大行皇帝大殮上痛哭失聲擗踊無數既殮行奠獻禮侑食如

視膳時。自夜中迄是日。日暮。

上哀慟深切。哭不停聲。竟日水漿不御。羣臣伏地環跪。慙。

上節哀。

上悲不自勝。左右感泣。咸弗忍仰視。○以乾清宮南廊讀書處為倚廬。席地寢苦。朝夕詣。

梓宮前。上香二次。供膳凡三次。自是日至啟奠以前。有常禮。哭必盡哀。○庚寅。

上詣乾清宮東暖閣。問。

皇太后安。每日如之。○遣官告祭。

奉先殿。○命總理事務王大臣。議行三年喪。諭曰。

皇考鞠育顧復深恩。昊天罔極。今忽遭大故。

龍馭上賓。朕自念生平無纖毫報答。日夜號泣。

痛入五中。況我。

皇考仰體。

聖祖仁皇帝付託之重。教養萬國臣民。十三年來。盱食宵衣。苦心遠慮。備極勞瘁。此朕所親。

知親見者。是以薄海內外。共享昇平之福。貽及子孫。不獨朕心感切。仰報無由也。若服制一節。仍遵定例。朕心實為不忍。惟有行三年之喪。稍盡思慕之誠於萬一。天下臣民。仍照定例行。著諸王大臣。即行會議具奏。○禮部奏。

大行皇帝喪禮儀注。併事宜。諭曰。王大臣官員齊集之處。另行降旨。過十五日後。仍用藍印。尋諭總理事務王大臣曰。

大行皇帝梓宮前供獻時。王公滿漢大臣等齊集舉哀。俱在乾清門外。朕心欲令王公滿漢大臣等。在乾清宮丹墀下。得以瞻仰。

梓宮。以盡諸臣哀慕之情。或分班。或俱令同進之處。著議奏。議上。請自王以下。輔國將軍以上。文臣大學士以下。內閣學士。副都御史以上。武臣公以下。副都統以上。及蒙古台吉額駙等。各分班次。於每日供獻時。隨進乾清宮丹墀下。舉哀行禮。從之。○諭弘暉。弘曉。弘璟。

弘皎弘普俱蒙

皇考眷愛教養非遠。派諸王可比。每日供獻時。著隨同諸王進內。公允禔允初。應與貝勒允禧允祜。俱在乾清宮丹墀行禮。○諭總理事務王大臣。嗣後供獻時。著在乾清宮廊下。瞻仰行禮。○諭今晚供獻。著和親王奠酒。○諭供獻茶膳所需器皿。俱著用。

皇考從前常用者。膳房人員於供設不甚熟習。嗣後著伊等將膳桌昇至乾清宮簷下。令總管太監等接供。○命公豐盛額慶復管理乾清門出入人等事務。○命公馬顯侯張謙在乾清門行走。○命履郡王允禔暫管禮部事務。○諭諸王大臣及外省文武大臣。朕以藐躬受

皇考付託之重。兢兢業業。甚以不能仰報為懼。凡

皇考辦理未竟之事。皆朕今日所當敬謹繼述者。諸王大臣均係受

恩深重之人。各宜殫心竭力。輔朕不逮。黽勉奉公。俾庶績咸熙。百度整肅。仍如我

皇考臨御之時。庶足以仰報

聖恩於萬一。至於外省文武大臣等。現有具本具摺者。既係陳奏

皇考之事。即朕今日應辦之事。若聞

龍馭上賓之信。或將本章奏摺中途趕回。另行更改。或到京後撤回不進者。經朕察出。定行從重治罪。○諭部院八旗等處。啟奏一切事

件。俱著送總理事務王大臣閱看過。再交奏事官員轉奏。若有密封陳奏事件。仍令本人自行交奏。○諭內閣。凡朕所降諭旨。仍遵照舊例繕寫進呈。○諭總理事務莊親王等。雍正八年六月內。欽奉

皇考諭旨。張廷玉器量純全。抒誠供職。其纂修聖祖仁皇帝實錄。宣力獨多。每年遵旨繕寫上諭。悉能詳達朕意。訓示臣民。其功甚鉅。鄂爾泰志秉忠貞。才優經濟。安民察吏。綏靖邊疆。

洵為不世出之名臣。此二人者。朕可保其始終不渝。朕萬年之後。二臣著配享

太廟。今朕欲將

皇考此旨。入於

遺詔內頒發。大學士鄂爾泰。張廷玉。屢行固辭。

朕惟知遵奉

皇考聖旨。復再三降諭。而鄂爾泰。張廷玉。又懇

切奏。請稽古典禮。然朕以為必應入於

遺詔。鄂爾泰。張廷玉。既以稽古典禮奏請。著總

理事務莊親王。果親王。會同徐本。慶復。鄂善

魏廷珍。備查古典。詳議具奏。尋以明洪武二

年李善長等從祀舊典。議得大學士鄂爾泰

張廷玉。配享

太廟。應欽遵繕入

遺詔。得旨。報可。○總理事務王大臣奏。顯親王

衍潢。在圓明園照看阿哥。今懇請進城。得旨

著另派一王前往更換。俟顯親王瞻謁

梓宮後。再令前往換回。擬派宗人府右宗人公

色爾臣。往換。從之。○公訥親。內大臣常明。傳

旨。一切園禁罪人。如景山東北等處。俱著嚴

加看守。○調刑部尚書張照。回京。以湖廣總

督張廣泗。總理苗疆事務。諭令速往辦理。以

大學士邁柱。暫署湖廣總督印務。○辛卯。諭

總理事務王大臣。

皇考山陵。係第一重大之事。理應朕躬親往。敬

謹辦理。今朕既不能親往。則應令和親王前

往辦理。始盡我二人為子之心。但朕弟年長

者止和親王一人。且現在料理

大喪儀。應否令和親王前往。並令大臣一員前

往協辦之處。著議奏。若和親王前往。著照朕

等昔日在

皇考時出門行走之例。派好大臣上三旗侍衛

等隨去。尋議

大行皇帝山陵工程。請於恒親王同輩諸王內。

欽定一人前往。敬謹監看。再現在料理

太平峪工程之禮部侍郎留保。不諳工程。應徹

回請另派工部尚書查克丹前往總辦工作。錢糧一切事件。併派太常寺卿銜兼內務府御史偏武。內務府郎中王山。隨往協辦。得旨依議。諭頒發。

大行皇帝遺詔。舊例係大學士恭捧。安設於梓宮之東。朕今親身恭捧安設。○諭派乾清門侍衛特赫恩。託鸞護從和親王行走。所有王之詣達等。俱准其進隆宗門。隨至乾清門外。前派內務府官四員。仍著隨從。○又諭。

聖祖仁皇帝龍馭上賓時。閒散覺羅等曾懇討孝服。

皇考大事亦著照前例行。○命侍郎班第。學士索柱。在總理事務處。聽王大臣差委辦事。○總理事務王大臣奏。大學士馬齊應否入大臣班內。進乾清門瞻仰梓宮得旨。報可。○諭直省督撫提鎮學政司道等官。所有摺奏。蒙奉

皇考硃批者。俱著恭繳。雖

批朕安一二字者。亦不可隱匿。如違。照隱匿制

詔例。從重治罪。○諭內監等。爾等敬聽朕旨。

皇考大事。朕五內崩摧。所仰恃者。惟

皇太后。著傳諭侍奉太監女子。及內外一切太

監等。各處執事之人。盡心竭力侍奉。務要

皇太后寬心。此即爾等出力之處。凡國家政事。

關繫重大。不許聞風妄行傳說。恐

皇太后聞之心煩。

皇太后仁慈。撫愛朕躬。聖心切至。凡有所知。母

子之間。豈有不告之理。但朕與諸王大臣所

辦政務。外人何由而知。其應奏聞

母后者。早已奏聞矣。宮禁之中。凡有外言。不過

太監等得之市井傳聞。多有舛誤。設或妄傳

至

皇太后前。向朕說知其事。如合

皇考之心。朕自然遵行。若少有違。關繫甚鉅。重

勞

皇太后聖心。於事無益。爾等嚴行傳諭。嗣後凡

外間閒話。無故向內廷傳說者。即為背法之人。終難逃朕之覺察。或查出。或犯出。定行正法。陳福。張保。係派出侍奉。

皇太后之人。乃其專責。並令知之。○命都統莽鵠立傳諭曰。

皇考萬幾餘暇。聞外間有爐火修煉之說。

聖心深知其非。聊欲試觀其術。以為遊戲消閒之具。因將張太虛。王定乾等數人。置於西苑空間之地。

聖心視之。如俳優人等耳。未曾聽其一言。未曾用其一藥。且深知其為市井無賴之徒。最好造言生事。

皇考向朕與和親王面

諭者屢矣。今朕將伊等驅出。各回本籍。令莽鵠立傳旨宣諭。伊等平時不安本分。狂妄乖張。惑世欺民。有干法紀。久為

皇考之所洞鑒。茲從寬驅逐。乃再造之恩。若伊等因內廷行走數年。捏稱在

大行皇帝御前一言一字。以及在外招搖煽惑。斷無不敗露之理。一經訪聞。定嚴行拏究。立即正法。決不寬貸。○壬辰諭總理事務王大臣。辦理軍機大臣。

聖祖皇祖大故。蒙古王公台吉未出痘者。

皇考皆降諭旨。未令來京。今亦應照前例。不令來京。已諭王大臣矣。但思軍前現在撤回蒙古王台吉等。聞

皇考大故。自必懇求立即來京叩謁。

梓宮。伊等有甫自軍前到家。亦有目下仍在途路者。若即令來京。恐莫副我

皇考撫育眾蒙古之

聖心。如何酌令來京之處。著議奏。尋議自軍前撤回之巴林王桑哩達。翁牛特王羅卜藏。土默特貝勒阿拉布坦。科爾沁公拉麻扎布等。皆於今春奏請來京。蒙

大行皇帝命伊等休息。暫止勿來。今已休息多時。應令來京。喀爾沁貝勒額駙僧袞扎布。敖

漢貝子額駙羅卜藏適自軍前初到遊牧奏請來京奉

旨與年班應來之王等同來查伊等係御前行走之額駙且羅卜藏眷屬在京亦應令其即來其餘撤回王台吉等仍遵初降諭旨暫且不必來得旨依議因

皇考大事來京蒙古王公台吉等均加給盤費

○諭總理事務王大臣辦理軍機大臣署大將軍查郎阿奏稱前至肅州與劉於義將應辦事宜商定後伊進京請訓再赴任所等語準噶爾雖經奏請遣使議和但定界之事尚未完結不可遽謂和好今遭

皇考大事準噶爾聞知又生別心亦未可定兩路大兵尚宜防範斷不可疎忽著查郎阿仍暫掌大將軍印駐劄肅州與劉於義公同商酌辦理軍務俟準噶爾使臣來到事情大定之時再赴西安現今留駐巴里坤哈密兵一萬二千名倘有不敷堵禦防範調遣需用之

處將撤回兵內未經遠去可以趕令等候者著查郎阿等酌量辦理具奏若已經遠去者不必止住如伊身有應往軍營辦理之事即一面奏聞一面前往軍務關繫重大將軍大臣等荷蒙

皇考付託重任將軍務慎重周詳妥協辦理即屬効力國家即為仰報

皇考殊恩愈於叩謁

梓宮著密行移知查郎阿不必請謁

梓宮其北路大將軍平郡王等處亦著密行移知令伊等將軍前一切事務公同一意酌量辦理務令豫備妥協堅固防守○諭總理事務王大臣辦理苗疆軍務王大臣黔省逆苗不法擾害地方元展成身為巡撫所辦事件種種俱不妥協曾經

皇考屢降諭旨嚴行切責朕侍側時備聆聖訓今朕受

皇考付託之重朕所辦之事即

皇考之事所用之臣即

皇考之臣嗣後元展成若仍不悉心經理撫卹得宜致從前被難之人少有失所必將元展成在軍前正法決不輕貸○又諭苗疆事務關係緊要時厯

皇考聖心從前

命朕與辦理此事之王大臣等屢經會議備聞聖訓周詳深悉其中情事今遭

皇考大故朕心哀痛不勝勉遵

遺命辦理天下政務朕思目前緊要之事無有過於西北兩路及苗疆用兵者除西北兩路已經降旨外其苗疆剿撫賊衆總在領兵將帥合志和衷方為有益揚威將軍哈元生副將軍董芳俱受

皇考天高地厚之恩當此領兵重任自當同心協力兩人合為一人於一切軍務商酌妥協而行至於奏報軍務情形彼此俱當據實倘稍存意見致有參差地方不即寧謐則伊等

之身家不足惜而貽誤國家軍務之罪甚大朕必按法究治斷不姑貸○又諭總理事務王大臣

梓宮前供膳時閒散宗室覺羅俱在景運門外齊集朕意欲令伊等進乾清門內瞻仰其如何分班之處著議奏尋議每供膳時宗室各三十人覺羅各二十人輪班瞻仰得旨報可○癸巳頒發

大行皇帝遺詔大學士鄂爾泰恭捧

遺詔至乾清宮簷下

上恭受安奉於黃案上跪行三拜禮興由乾清宮東門出大學士由西門入至黃案前跪行三叩禮跪捧

遺詔興由中門出

上西向跪於門外哀慕涕泣敬竢

詔出乃起禮部堂官宣

詔於午門外頒示天下王以下文武官員俱齊集跪聽舉哀行禮○諭總理事務王大臣據

署盛京工部侍郎七克新奏稱本年六月十三日山水汎發漫溢

福陵石堤謹驗得石堤堅固無庸補修所有石堤前平地被水衝刷又引河壩西河崖衝開一段併石堤背後所築之土亦被水衝刷應請敬謹修理等語朕思

福陵工程風水攸關甚為重大從前

皇考特命平郡王前往會同該將軍等督率各員修理今所築土堤有衝刷之處或因從前修築時未曾妥協或當日辦事工員未曾悉照平郡王指授修理堅固或數年以來未曾歲加修築善為防護數者均未可定今既被水衝刷即應敬謹修補以資鞏固著派王一人及大臣一員帶善看風水之人前往相度形勢將應修工程會同該將軍及盛京工部即行料估敬謹督修併將從前經手熟練工員酌帶前往分委襄事再

永陵堤工亦微有被水衝刷之處著派出之王

大臣等一併查看敬謹修補尋派出淳郡王弘暉侍郎陳樹萱前往○又諭朕敬謹檢閱皇考遺訓見有嘉獎怡賢親王之

旨謂王公忠體國裨益良多

命朕子孫等世世無忘賢王之美善王之子孫永當加恩厚待此

皇考於宮庭屢頒

上諭之外另收藏宮內之

旨也朕思叔怡賢親王當日竭誠致敬辦理國

家事務不但為

皇考之賢輔實為

列祖之功臣此朕所親知親見者况

皇考遺命諄諄令我輩子孫無忘賢王之美善

併加恩於王之子孫今朕既即大位則獎功

褒德之典怡賢親王在所當先其如何加恩

之處著諸王大臣會議具奏尋又諭曰

皇考時怡賢親王一德一心贊襄國政深蒙

皇考嘉獎優待今朕當仰體

皇考聖心。眷愛怡親王弘曉。教誨作養之。伊年甫十四。在內行走。豈可無人護從。著總理事務王大臣。選派妥善侍衛二員隨護。○諭總理事務王大臣。辦理苗疆軍務。王大臣黔省逆苗不法。擾害地方。哈元生身為提督。節制通省官兵。彈壓控馭。皆伊專司。乃平時辦理。漫不經心。既不能先事豫防。及至逆苗反覆。初尚無多。若彼時即乘機調度。弗誤機宜。亦不難立即撲滅。或即潰散。而哈元生猶自掩飾。一任勾結。迨至肆行焚掠。蔓延數郡。始自督兵。聲言征勦。先進駐揚老。次移守清平。觀望遲疑。並不援救。以致賊氛愈熾。州縣失陷。然猶曰兵力單微。難以分布。援兵未到。不得不有待。以慎重調遣也。乃滇楚兩粵官兵。次第雲集。堵禦搜勦。皆已敷用。而哈元生零星遣發。若前若卻。勇畧無聞。所稱恢復。不過空城所稱開通。仍多阻截。據各處奏報情形。約畧相同。夫兵已數萬。時已數月。內地苗地。尚

無一就緒。近且有截糧傷官等事。是哈元生籌謀無術。調度失宜。其所報斬獲。報開通。皆不無粉飾。以圖掩過。則人言非虛。亦可以概見矣。哈元生受

皇考深恩。以微弁擢至提督。於頑苗蠢動之時。猶示原宥。不加懲處。旋授以將軍勅印者。所以念其前功。勉其後效。冀其感愧奮勵。鼓勇抒謀。誓期滅此朝食。為苗疆久遠計。庶事可速竣。邊方攸賴。哈元生亦得藉以自免罪戾也。乃數月以來。並無寸效。諸多可虞。哈元生是何料理。是何肺肝。爾等可密行嚴飭。哈元生若仍不痛自悔恨。速清內地。底定新疆。或復懷挾私心。欲將就完事。不特貽誤軍機。罪有應得。而背負

皇考之深恩。其罪滋重。尤難以姑寬矣。○總理事務王大臣奏。議得喀爾喀等部落應賠官駝八千六百餘隻。皆係衆蒙古手內損傷。以數萬駝隻。牧放多年。核准倒斃之數。請免追

賠。又郡王丹津多爾濟額外調取駱駝五千八百餘隻。緣前大將軍錫保領兵前赴科布多倉猝飭令解送。丹津多爾濟以事關緊要設法辦給。非惟無罪。且屬奮勉急公。應令大將軍查明無著駝隻數目。照官價折銀令錫保賠還。又扎薩克圖汗格勒克彥丕爾等應賠駝三千三百餘隻。係從前策旺扎布曾領價銀未交駝隻之罪。今該部落生計艱窘。併陳欠駝二千三百餘隻。可否免賠。得旨依議。格勒克彥丕爾應賠駝隻亦著豁免。○以禮部滿洲侍郎現在缺人。命總理事務王大臣酌量一人奏署。尋擬以內閣侍讀學士木和林暫署從之。○諭蘇州織造海保從前法會中僧衲。今分住外省者數人。恭聞皇考升遐。伊等不必來京。仍在本處虔誠誦誦。至超盛元日。見地明通。修持精進。深蒙皇考嘉獎。著海保等即送二人來京瞻仰梓宮。○諭總理事務王大臣。婁正額前因隨

聖祖宣力有年。

皇考殊恩優待。令伊奏請叩謁。

梓宮。念其年力衰邁。爾等察看光景。若尚可支持。令其於供獻時。入乾清門叩謁。如步履維艱。免其進內。○又諭侍衛傳努在雍和宮時。皇考授為親隨侍衛。令在御前行走。今梓宮在乾清宮。乃並不敬謹。妄自高聲。肆行無禮。乖戾至甚。著鎖拏暫行圈禁。俟過百日後。具奏請旨。○甲午。定九月初三日吉期即位。

建號明年為乾隆元年。召總理事務王大臣諭曰。今日爾等啟奏朕即位日期。及建元頒詔典禮。朕心倍加感動。再四思維。

皇考以

列祖萬世之業。傳付朕躬。今所奏事宜。實是國家吉慶之大典。敬惟

皇考聖心。自欲朕和豫祇承。以綿福祉。用是以禮制情。酌定降旨。可將此傳諭廷臣知之。○上每日供奠。

梓宮盡禮竭哀。悲痛過甚。和碩康親王巴爾圖率諸王大臣。合詞奏請。懇

上節哀。諭曰。朕承

皇考顧復深恩。遭此大故。哀痛之情。其何能已。但念

皇考付託之重。非徒事哀痛所能盡孝。朕亦不敢至於毀瘠。有誤正務。即諸王大臣。均荷

皇考教育之恩。亦無不思慕悲切者。惟當各効公忠。共勦國事。君臣交勉。使天下咸稱

皇考付畀得人。庶幾上慰

皇考在天之靈。下盡臣子報効之誼。此後不必再請節哀。○諭總理事務王大臣。辦理苗疆軍務王大臣。經理苗疆。原為寧謐地方起見。從前

皇考諭旨。至為明晰。乃逆苗反覆不常。近復騷擾內地。百姓被其荼毒。是以

皇考特命提督哈元生。為楊威將軍。又因地方遼濶。苗衆甚多。恐哈元生一人料理。未能周

到。復令湖廣提督董芳為副將軍。先後遣發滇楚兩粵官兵。前往會剿。又

命尚書張照等。總理撫定苗疆兵馬錢糧一切事務。乃各省官兵陸續到黔。已經數月。而勦撫事宜。尚未就緒。今遭

皇考龍馭上賓。事務殷繁。部院大臣在本任者甚少。已降旨令張照回京。其總理苗疆事務。令張廣泗前往黔省料理。當日

皇考以張廣泗曾任貴州巡撫。熟悉苗疆情形。且從前原係伊承辦之事。故特用為湖廣總督。俾得就近接應辦理。今張照既令回京。是以遣伊前往總理。近聞哈元生董芳意見。參差不能和衷。以致軍務機宜。俱未妥協。張廣泗素日實心任事。深蒙

皇考獎許。今膺總理之任。當一秉公忠。悉心籌畫。翦除兇逆。撫卹善良。俾地方即速寧謐。為一勞永逸之計。伊到黔後。哈元生董芳自必聽伊指授。不容各逞私見。倘張廣泗不能使

伊二人同心協力。仍復懷私。不以國事為念。貽誤軍務。朕惟於張廣泗是問。王大臣等可傳諭張廣泗知之。○以順天鄉試迴避官生卷二十四卷。另派大臣等閱看。取中三卷。交考試官工部侍郎顧祖鎮。翰林院侍講學士戴瀚酌量名次填寫入榜。○總理事務王大臣奏。定邊大將軍平郡王福彭。審明中書麻常。拋擲匿名揭帖。妄議大臣屬實。旋畏罪自縊。議將營長阿爾泰等分別降革。查交審重犯。何致離監自縊。顯有情弊。請派大臣一員。馳赴軍營研審。得旨依議。著派都統寶第。○乙未諭。今日下雨。所有齊集之王公大臣官員侍衛執事人等。俱准穿雨衣。○丙申諭。法爾善。祿彬。准其成服。伊等俱係公爵。著在公爵班次行走。○諭總理事務王大臣。自古人君為治。莫要於周知庶務。通達下情。虞帝明目達聰。執兩用中。所以博聞廣見。得時措之宜也。我

皇考天縱生知。而猶聖不自聖。十三年來。廣採羣言。以資治理。自督撫提鎮外。如學政。巡察藩臬二司。及出差官員等。俱准其具摺陳奏事件。既可以周知在外之情形。又可以隨時批示。以增長臣工之識見。硃批諭旨一書。乃千古所罕見者。朕以沖齡繼登大位。自知敷治宣猷。不能及皇考之萬一。況從前讀書宮中。於外事總未經歷。今初理大政。正當廣為諮諏。以補見聞之所不及。其從前何等官員准其奏事。或有特旨令其奏事者。俱著照前摺奏。諸臣當各矢公心。悉屏私意。以報聖恩。以副朕望。勉之勉之。○禮部奏登極儀注。得旨。是。停止宣表。免賜茶。奏內稱安輿於乾清門正中。現今皇考梓宮安奉乾清宮。朕不敢在乾清門正中乘輿。著安於稍左。○是月。江西巡撫常安奏報該省因夏雨愆期。在省城及廬山。上清宮

等處。齋僧祈禱。即降甘霖。又建造

上諭亭。民間踴躍捐輸等事。奏入。得旨批飭。今年五六月間。江西少雨。

皇考在孜訓堂辦事時。時諭及。且云常安奏摺。何久不見到。

聖心憂慮甚切。汝為封疆大吏。當以雨暘年穀為第一要務。今見汝奏摺八件。將不關緊要之事。臚列於前。而將奏報雨澤秋成之摺。置於最後。是汝以雨澤為可緩之事。而竟不以民食為重也。況齋僧道之舉。不過祈禱中一事。又如建立

上諭碑亭。亦屬具文。欽奉

上諭。只在身體力行。實心實政。不在碑亭之建立與否。百丈寺工。汝又不可揣度。以為可以草率完事。但無從京遣往匠役之理。

御製碑文。俟有暇寫來。頒發。請留降調知縣一摺。已交部議。其餘各奏具悉。看汝所奏事件。不知輕重。朕心甚為憂慮。特行訓飭。努力悛

改莫忘

皇考聖訓。慎之勉之。

大清高宗法天隆運至誠先覺體元立極敷文奮武孝慈神聖純皇帝實錄卷之一

大清高宗法天隆運至誠先覺體元立極敷文奮武孝慈神聖純皇帝實錄卷之二

監修總裁官經筵講官太子太傅文淵閣大學士又副閣領事領侍衛內大臣臣等奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書領侍衛內大臣都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將

敕修

雍正十三年乙卯九月丁酉朔日食遣官祭

實錄卷二

歷代帝王廟諭總理事務王大臣六部俱

關緊要必須經理得人近來各部皆有章程

惟兵刑二部辦事多有未協兵部尚書高起

性情乖張懷私挾詐刑部尚書憲德識見卑

鄙昏憤糊塗此二人者

皇考每見必嚴行申飭廷臣共知朕侍側時屢

聞

聖諭深以二人不能勝任廢弛部務為慮原欲

更換但未降

旨今朕即位之初豈容以不能勝任之人為一

部之表率貽誤公事高起憲德著解任仍帶

尚書銜候朕另降諭旨兵部事務著大學士

鄂爾泰總理其漢尚書員缺著甘汝來補授

通智奉差在外其滿尚書事務著傅鼐署理

刑部事務著果親王總理其滿尚書員缺候

朕另降諭旨工部事務著莊親王總理莊親

王所管正黃旗滿洲都統事務著弘昇管理

○又諭

實錄卷二

雍和宮工程現在修理時屆初冬且值陰雨所

有在工夫役服勞可念其工價著加一倍賞

給○戊戌諭總理事務王大臣湖南明歲應

運漕糧已經截留為黔省賑卹之用定例漕

船停運之年給運丁一半月糧以為養贍朕

思各船水手俱該運丁雇募多係別省民人

今湖南漕運既停各水手等在異鄉乏業未

免歸費無資著湖南巡撫於本年回空漕船

抵次之日就近查明各水手內有別處民人

即行量給盤費。資助伊等。令回原籍。勿致逗遛滋事。○又諭。登極儀注內開。是日停止舉哀。朕思是日午刻以前。行告祭典禮。猶可以禮節情。若至午刻以後。則吉慶之禮已行。仍應舉哀。為是。總理事務王大臣。尋議。登極之日。係萬國臣民瞻仰欣慶之日。

列祖暨

大行皇帝在天之靈。必為愉悅欣慰。是以向來定例。停止舉哀。奏入報聞。○已亥。

上即皇帝位於太和殿。分遣官祇告

天。

地。

太廟。

社。

稷。是日黎明。大駕鹵簿全設。各官齊集於朝上素服。詣

梓宮前。行九拜禮。祇告受

命於

大行皇帝。更禮服。奉

皇太后御永壽宮。

上行九拜禮。出御中和殿。內大臣執事各官。行

禮。御太和殿。即

皇帝位。升座。王以下。文武各官。朝鮮等國使臣。

進表。行慶賀禮。不宣表。不作樂。詔示天下。詔

曰。惟我國家受

天眷命。

太祖

太宗創垂基緒。

世祖統一萬邦。

皇祖聖祖仁皇帝享祚久長。重熙累洽。我

皇考大行皇帝紹承大統。御宇十有三年。夙夜

憂勞。勤求至治。用康乂我億兆臣民。盛德豐

功。炳耀寰宇。恩膏洋溢。漸被八紘。薄海時雍。

中外蒙福。方期永綏隆祚。仰荷鴻禧。何意奄

棄臣黎。遽升

龍馭。以

宗廟社稷之重。屬於藐躬。朕自沖齡。即蒙
皇祖撫育宮中。深恩鍾愛。睠眄逾常。

皇考顧復恩勤。

聖慈篤摯。瞻依朝夕。祇受

誨言。懍迪有加。

宸衷默眷。朕自惟涼德。懼弗克勝。顧念神器不

可久虛。勉抑哀衷。欽遵

成命。於九月初三日。祭告

天。

地。

宗廟。

社。

稷。即皇帝位。以明年為乾隆元年。仰惟

上天篤祐之隆。

皇考詒謀之重。撫躬乾惕。祇紹

前徽。丕布新恩。聿昭錫類。所有合行事宜。條列

於左。一。在京諸王以下。至九品官員以上。俱

加恩賜一。在外諸王以下。至公等以上。俱加

恩賜。一。內外自公主以下。至格格。各加恩賜。

一。內外滿漢官員。一品封贈三代。二品。三品。

封贈二代。七品以上。封贈一代。八九品。止封

本身。一。除五旗包衣佐領下披甲人等。不賞

外。八旗滿洲。蒙古。漢軍。護軍。披甲人。砲手。步

軍。各賞一月錢糧。一。八旗出征滿洲。蒙古。漢

軍。綠旗兵丁。及蒙古兵丁。効力行間。勞苦堪

憫。所借銀兩。盡與豁免。一。八旗官兵。舊日出

征。少一功牌。不能得官者。皆係血戰有功之

人。殊可矜憫。交與該部。有少一功牌。不能得

官者。著查奏。綠旗官兵。有類此者。亦著查奏。

一。舊日効力兵丁。年老退甲。無錢糧。不能養

贍者。殊可矜憫。除子孫有錢糧。不查外。子孫

若無錢糧。作何養贍。給錢糧之處。著查明議

奏。一。官吏兵民人等有犯。除謀反叛逆。子孫

謀殺祖父。父母。內亂。妻妾殺夫。告夫。奴婢

殺家長。殺一家非死罪三人。採生。折割人。謀

殺。故殺真正人命。蠱毒。魔魘。毒藥殺人。強盜。

妖言十惡等真正死罪不赦。及軍機獲罪。隱匿逃人。亦不赦外。其餘自雍正十三年九月初三日昧典以前。已發覺未發覺。已結正未結正。咸赦除之。有以赦前事告訐者。以其罪罪之。一。五嶽四瀆等祀。應遣官致祭者。照舊例舉行。一。文官在京四品以上。在外三品以上。武官在京。在外二品以上。各送一子入監讀書。一。滿洲兵丁。戰功被傷。不能披甲。年老閒住者。俱加恩賚。一。會試額數。俟禮部臨期請旨廣額外。鄉試。大省加三十名。中省加二十名。小省加十名。一。各直省儒學。無論府州縣衛。俱於本年。以正貢作恩貢。次貢作歲貢。一。各省入學額數。大學加七名。中學加五名。小學加三名。一。凡文武官員。現在議降。議罰及住俸。戴罪者。盡與豁免。及京官告假。告病休致者。准其補用。一。每府州縣衛。各舉孝廉方正。暫賜以六品頂帶榮身。以備召用。務期採訪真確。毋得濫舉。一。天下之本農為重。各

府州縣衛。果有勤於耕種。務本力作者。地方官不時加獎。以示鼓勵。一。各省民欠錢糧。係十年以上者。著該部查明具奏。候旨豁免。一。歷年驛站軍興。甚屬勞苦。著各省督撫加意撫恤。一。年老之人。自古所重。滿漢八十以上。除家奴外。作何給與品級之處。該部查議具奏。一。各處盜賊。或為饑寒所累。或為貪官所迫。實有可憫。如能改過就撫者。准赦其罪。一。凡各省侵貪挪移應追之項。查果家產盡絕。力不能完者。槩與豁免。毋得株連親族。一。八旗及內務府。並五旗包衣人等。凡侵貪挪移。應追銀兩。實係本人家產盡絕者。查明准與豁免。其分賠代賠。以及牽連著賠者。一槩豁免。一。應追軍需錢糧。除本身不准豁免外。其弟兄親族。以及指欠。開欠。有著落追賠者。著該部旗查明具奏。候旨豁免。一。軍民年七十以上者。許一丁侍養。免其雜派差役。八十以上者。給與絹一疋。綿一斤。米一石。肉十斤。九

十以上者倍之。於戲。覲光揚烈。深思負荷之
維艱。建極綏猷。時勵精勤於罔懈。諸王文武
大小臣工。其共殫公忠。協心襄贊。懋圖上理。
祇迓洪庥。以光大我國家無疆之祚。布告天
下。咸使聞知。○總理事務王大臣。以本月初
九日進本請從之。○庚子。命禮臣議恭上
大行皇帝尊謚。

廟號。諭曰。自古聖帝明王。功德大成。必有顯號。
徽稱。所以昭垂萬世。典至鉅也。我

皇考大行皇帝。乘乾建極。撫御萬邦。錫福誠民。
德化翔洽。虔恭寅畏。昭事

蒼穹。郊祀祈年。必親必敬。欽承

祖烈。光大前猷。至孝肫誠。千古未有。當

皇祖上賓時。盡制盡哀。喪儀隆備。

親送

梓宮。屢謁

陵寢。歲時瞻拜

御容。舉念常伸孺慕。繼

顯謨之盛。推錫類之仁。

宸衷祇敬。則朝乾夕惕。歷久彌勤。

親政憂勞。則盛暑祁寒。未嘗稍間。整綱飭紀。明

目達聰。施措咸宜。德威並用。篤宗室。則立學

以隆教育。惠八旗。則賜帑以備吉凶。厚臣工

而加俸養。廉眷忠良。而建祠賜祭。勵廉能以

察吏。宏薦拔。以羅才。廣藉田。以重農桑。定品

式。以崇節儉。重道則

經筵歲舉。愛士則科目頻加。隆

先師五代之王封。新闕里千秋之廟貌。修明

典禮。懷柔百神。厚植綱常。旌揚節孝。蠲逋減

賦。不惜億萬之帑金。開墾築隄。永享萬年之

樂利。備賑則廣行積貯。養兵則優贍身家。律

例則釐定科條。讞決則特詳咨酌。廣開言路。

詳示

硃批。洞矚羣情。慮周六合。大閱以詰戎兵。訓練

以修武備。

睿謨獨運。而小醜立奏蕩平。

聖武布昭而荒徼永圖綏靖開天明道

聖學高深覺世牖民

宸章炳煥闡聖賢之精蘊宣心性之圓機函蓋

古今彪爍宇宙

天心協應有感必通德盛化神諸瑞畢至古帝

王之良法善政至

皇祖而集其大成我

祖宗之駿烈鴻猷逮

皇考而益彰善述眇予沖子寅奉丕基仰惟功

德之隆宜備尊崇之典敬循禮制恭上

尊謚

廟號爾部詳察典禮具奏禮部尋請謹遵舊典

集諸王大臣九卿詹事科道文官六品以上

武官四品以上詳慎公議以昭崇重得旨是

敬謹確議具奏○定

廟諱字諭曰自古臣子之於君父皆有諱名之

義載在禮經著於史冊所以展哀慕而致誠

敬也雍正元年

皇考特頒諭旨謹將

聖祖仁皇帝聖諱二字

欽定避易書寫今朕紹承大位哀慟方深

皇考聖諱理應恭避敬遵

皇考從前欽定典制嗣後凡內外各部院文武

大小衙門一切章奏文移遇

聖諱上一字則書允字

聖諱下一字則書正字著總理事務王大臣交

部敬謹遵行○定三年喪制却羣臣以日易

月之請諭曰諸王大臣奏稱三年之喪難以

舉行請朕仍依舊制以二十七日釋服朕受

皇考顧復深恩昊天罔極中心哀慕實不能自

已所以欲行三年之喪稍盡子臣之誼朕承

皇考付託之重總期恪守

貽謀勉遵

先志使天下乂安永享昇平之福乃朕之孝非

以持服三年遂為盡孝也自古帝王亦有行

三年之喪者今諸王大臣所引杜預心喪之

說後人多議其非。朕自幼讀書。與未嘗披覽典籍者有間。此等議論。豈可援以為據耶。若以

遺詔有二十七日釋服之旨。此乃為天下臣民而言。非指朕一人也。從前

皇祖聖祖仁皇帝沖齡踐祚。未得舉行。而我皇考大行皇帝即位之時。軍國重務。速應辦理之處甚多。是以俯准廷臣之請。然素服齋居三年如一日也。今經

皇考十三年宵旰勤勞。孜孜圖治。舉凡大綱小紀。莫不悉有章程。今日遵守成規。一如

皇考在日。朕親承指授。一一奉行而已。輾轉思維。三年之喪。在朕今日。實屬可行。况昨日大學士等奏稱。十五日以後。應照例進本辦事。朕已允行。豈行三年之喪。遂不能辦理一切事務乎。至於

郊壇祭祀大典。原可並行不悖。諸王大臣所奏。以日易月之說。斷不准行。朕意已定。毋得再

請。其如何行三年之喪。著詳查典禮。確議具奏。命大學士朱軾。在總理事務王大臣處。協同辦事。順天鄉試考官。顧祖鎮。戴瀚。以前列十卷進呈。得旨。朕當

皇考大事。慟入五中。勉強料理。軍國要務。此十魁卷。著徐本。福敏。楊超。曾方苞。閱看。擬定進呈。○辛丑。

上詣

梓宮前行殷奠禮。陳

大行皇帝冠服於几筵。大駕鹵簿全設。王以下百官齊集。屆時

上舉哀。視饌。讀文。致祭。成禮而退。每祭送燎禮。臣循例奏遣大臣祭酒。

上皆親詣。○命禮臣議恭上

皇太后尊號。諭曰。朕惟致治之本。孝道為先。尊養之隆。鴻稱首重。欽惟

皇太后順德承

天坤元。應地溫恭。慈惠懋著。

徽音誕毓朕躬。

恩深鞠育茲者

母儀萬國福履茂膺當中顯懿之隆名以展尊
崇之鉅典爾部詳察典禮具奏○諭總理事
務王大臣前奉

皇考諭旨查郎阿回到西安之後著史貽直來
京今因部中辦事需人西安巡撫印務既有
碩色管理史貽直著即起身回京○又諭出
征兵丁勞苦効力甚屬可憫現在軍前之滿
洲蒙古漢軍兵丁已各賞伊家一月錢糧外
著於軍營再加賞一月錢糧其在軍營之綠
旗兵丁亦加恩賞給一月錢糧○壬寅命禮
臣議追上

孝敬皇后尊謚諭曰朕惟致治莫先於崇孝徽
稱首重夫易名天地之覆載同功帝后之尊
親一體欽惟

孝敬皇后作配

皇考懋著坤儀孝德風洽於宮闈仁惠久孚於

壺掖朕躬承顧復備荷

恩慈茲恭上

皇考大行皇帝尊謚宜並追崇恭上

尊謚以展孝思以昭萬世爾部詳察典禮具奏
○止進獻方物諭曰各省督撫大臣有進貢
方物之禮昨福建督撫齋到閩省果品乃照
例進獻於

皇考之前者朕不便發回已交所司敬謹收貯
備

几筵供享之用若遠省大臣進貢

皇考之物已齋送在途者准其赴京交奏事官
員轉奏其各省照例進朕之物槩行停止雖
食物果品亦不許進俟三年之後候朕再降
諭旨著通行傳諭各省督撫大臣等一體遵
行○又諭佛法以明心見性興善能仁舍貪
除慾忍辱和光為本而後世縉流竟借佛祖
兒孫之名以為取利邀名之具奸詐盜偽無
所不為以致宗風頹敗衆教衰微此皆不肖

僧徒貽之咎也我

皇考聰明睿智天縱多能而於性宗之理洞晰精微深通奧妙

萬幾餘暇每召見僧衲指示提撕冀其勉力參悟俾佛教廣有傳人以為勸善去惡之一助此

大慈悲父覺世之苦心也乃數年以來真能領會

聖訓者甚少

皇考嘗為歎息今陸續散出於外其間品行不一難保無借端生事之人如昔年

世祖章皇帝時木陳忞大有名望深被

恩禮而其所著北遊集則狂悖乖謬之語甚多至其誇張

恩遇處尤為庸鄙又玉琳國師弟子骨巖行峯著侍香紀畧一書更為誕妄荒唐供人噴飯已蒙

皇考特降嚴旨查出銷燬此中外所共知者前

事可鑒朕不得不留心中飭著該部傳旨通行曉諭凡在內廷曾經行走之僧人理應感

戴

皇考指迷接引之深恩放倒身心努力參究方不負

聖慈期望之至意倘因偶見

天顏曾聞

聖訓遂欲借端誇耀或造作言辭或招搖不法此等之人在國典則為匪類在佛教則為罪

人其過犯不與平人等朕一經察出必按國

法佛法加倍治罪不稍寬貸○總理事務王

大臣等奏孟冬頒朔時憲下一字今擬易書

字稱大清乾隆元年時憲書下禮部欽天監

行之又奏請開鑄錢文曰乾隆通寶下戶部

工部行之○以頭等侍衛策楞署鑾儀使○

遣官頒詔朝鮮國○癸卯諭總理事務王大

臣辦理喪儀王大臣今日禮部奏稱奉移

梓宮擇於本月十一日伏念奉移之期太近朕

覽奏痛入五中。諭令展期。而諸王大臣奏稱奉移之後。尚有大祭典禮。限於時日。不便改易。朕勉從十一日之請。禮部又奏。

梓宮出東華門時。朕乘輿由別路先至。

雍和宮迎迓等語。朕在哀痛迫切之際。豈可乘輿由別路先行。當步行隨。

梓宮後送至。

雍和宮。禮部又奏稱奉安。

梓宮之後。是日朕即回宮等語。敬思。

梓宮安奉之後。哀慕正切。何忍遽離。朕意欲於雍和宮苦次。居住百日。稍展思戀之忱。於萬一。

王大臣等尋議奏。請於二十七日之內。

上在。

雍和宮苦次居住。至奉移。

梓宮之日。及大祭次日。繹祭之期。

上應回宮中。仍請循國朝定例。得旨覽奏。諸王。

大臣既援引國朝定制具奏。勉從所請。諭。

總理事務王大臣。朕欽奉。

皇太后懿旨。裕妃侍。

大行皇帝多年。誕生皇五子。已蒙。

聖恩。封為親王。今裕妃應封貴妃。謙嬪誕生圓。

明園阿哥。今應封妃。欽此。著交該部。將應行。

典禮查議具奏。諭總理事務王大臣。辦理。

苗疆軍務王大臣。前蒙。

皇考聖諭。命張照前往黔省。計議苗疆用兵事。

宜並撫定黔民之被難者。

聖意甚為切至。實冀其殫心竭力。以副委任。今。

覽張照奏摺。將目前用兵情形。及何處已經。

清理。何處尚未清理。將來如何勦撫之處。並。

未一一明晰。明白陳奏。至於被難之民。深可。

憫惻。張照摺內。只言鎮遠清溪。難民光景。亦。

未言及如何撫卹安插之法。其他被苗擾害。

之處尚多。張照總未議及。看其連篇累牘之。

奏。竟以巧詞揣度。有意迎合我。

皇考至聖至明。因物付物。並無成見。亦無成心。

張照何得以私心鄙識。妄為得計。甚負。

皇考之恩。有虧大臣之義。又伊奏稱新聞苗疆。當因其悖亂。而降旨棄絕。此語尤為乖謬。前朕奉

旨與王大臣等會議時。僉云苗人現在跳梁。此時斷無棄置之理。惟有俟事平之後。再行計議。彼時張照亦力主此說。今何以自相矛盾如此。且摺內忽云棄置。忽云痛勦。仍是兩歧之見。究不知其意之所在。甚屬糊塗。爾等可傳旨嚴行申飭。看伊如此。另具肺腸。是苗疆事宜。伊必不能辦理妥協。幸早有諭旨令其回京也。○諭總理事務王大臣。額駙策凌係國家効力出衆之人。亦曾蒙

皇考格外恩寵。今加增恩賞之處。著議奏。尋議照內地親王之例。賞緞四十二匹。從之。○又諭喀爾喀副將軍郡王丹津多爾濟。從前採買軍需馬匹。實心効力。曾經

皇考格外嘉獎。恩寵倍於尋常。今亦加特恩。著照內地郡王之例。賞給○甲辰。諭總理事務

王大臣。爾等援引典禮議稱。朕於二十七日之後。應在宮殿之中。乃一定體制等語。朕思二十七日之後。既不於

雍和宮苦次居住。則朕哀慕之思。何能自釋。應於百日之內。每日親詣

雍和宮一次。奠獻。其將親詣時刻。酌定具奏。尋議。百日內。請

上於數日親詣一次。得旨。一月之內。每日親詣一次。一月以外。間日親詣一次。兩月以外。間

二日親詣一次。○又諭嗣後祭文。繙譯清文。著徐元夢商看。○又諭甘省百姓。連年輓運

軍需。荷蒙皇考聖恩。將該省應徵錢糧。連年蠲免。其本年錢糧。亦欽奉

皇考諭旨。全行蠲免。今朕聞該省之蘭州。西固廳。及平涼府。固原州。環縣。諸處。收成歉薄。百姓艱苦。朕心深為軫念。著傳諭該督撫等。於蠲免額糧之外。加意撫綏。作何賑卹之法。務

使乏食窮民均沾實惠○又諭公納穆圖因奉差遣將伊所管鑲黃旗漢軍都統員缺令查爾泰署理今納穆圖回京著總理事務王大臣查現在都統何旗有缺即將查爾泰補授如無缺即將署都統之副都統內徹出一員令查爾泰署理尋請以查爾泰補授鑲黃旗滿洲都統從之○乙巳以奉移

梓宮日期祇告

大行皇帝前行啟奠禮○總理事務王大臣率

廷臣等恭擬上

大行皇帝尊謚曰

敬天昌運建中表正文武英明寬仁信毅大孝

至誠憲皇帝廟號

世宗奏入

上宣諭曰諸王大臣公同議上

皇考大行皇帝尊謚曰

憲皇帝廟號

世宗於我

皇考至德鴻猷實相符合禮稱祖有功宗有德廟號之稱祖稱宗均屬尊崇之極而象功昭德惟期允當方協至公昔我

皇祖聖祖仁皇帝久道化成身兼創守平定逆藩掃清朔漠神功駿烈自古莫與比隆

廟號定應稱祖

皇考大行皇帝善繼善述敬

天勤民十三年來宵旰憂勞咸熙庶績貽萬年之景福固百代之丕基

廟號世宗正合古宗有德之義上配

列祖百世不祧此乃天下萬世之定論非在廷

諸臣尊崇君父敷揚稱頌之私情尤非朕一

人哀感

隆恩表彰

盛德之私願所能強置一辭也在我

皇考神謨垂於宇宙厚澤洽於臣民即罄竭揄

揚難盡萬一今據所奏敬擬上

尊謚

廟號詳慎公當足以昭示萬年。朕心深為慰愜。所有應行典禮。爾部敬謹察議具奏。諭總理事務王大臣。朕之兄弟等。以名字上一字與朕名相同。奏請更改。朕思朕與諸兄弟之名皆

皇祖聖祖仁皇帝所賜。載在玉牒。若因朕一人而令衆人改易。於心實有未安。昔年諸叔懇請改名。以避

皇考御諱。

皇考不許。繼因懇請再四。且有

皇太后祖母之旨。是以不得已而允從。厥後常以為悔。屢向朕等言之。即左右大臣亦無不共知之也。古人之禮。二名不偏諱。若過於拘泥。則帝王之家。祖父命名之典。皆不足憑矣。朕所願者。諸兄弟等修德制行。為國家宣猷効力。以佐朕之不逮。斯則尊君親上之大義。正不在此儀文末節間也。所奏更名之處。不必行。○諭辦理苗疆軍務王大臣。前次見張

照奏事光景。料其不能辦理苗疆事務。是以將伊調回。命張廣泗前往更換。今又見張照陳奏各件。看其語氣。全是懷挾私心。妄為揣度。特降諭旨。嚴行訓飭。爾等可將此旨抄錄寄與張廣泗閱看。其張照所奏各款內。有應交與張廣泗查辦者。又不可以人廢言。著照爾等所議寄去。苗疆事務緊要。惟有持平辦理。不可豫存意見於胸中。從前原係鄂爾泰獨任其事。後來逆苗煽動。張照在京時見

皇考中飭大學士鄂爾泰。因其向來料理原未盡善也。繼有解任之

旨。而張照遂以私意揣度。每次陳奏。過甚其詞。不知鄂爾泰之解任。原因其以病陳請。即削去伯爵。亦伊自行懇辭者。及解任之後。仍荷天恩眷注。賜俸。賜參。倍極優渥。使張照聞知。未必有今日之奏也。今朕用鄂爾泰為大學士。又總理事務。張廣泗又不可以為新主之所重待。而有迎合之心。總之人臣事君之道。惟

有據實秉公無偏無黨。此事之始末。鄂爾泰之功過。將來事竣之後。自有定論。不在此時。之。但言其過。遂可謂經理苗疆之嘉猷也。至於棄置新疆之說。

皇考偶向朕與王大臣等商及。以為從前原不應料理。非謂目下也。比時詢謀僉同。力奏其不可。張照即在與議之列。

皇考深以為然。今張照以為密奉棄置之

諭旨。且將此轉告哈元生。錯謬已極。可令張廣泗傳諭哈元生知之。爾等可密寫朕諭與張廣泗。總之苗疆一切。全交伊料理。當屏去私心。惟公惟正。不知有己。不知有人。並不知有朕。諭惟期盡美盡善。為經久萬全之計。設目下勦撫失宜。將來善後無策。朕惟張廣泗是問。丙午。諭總理事務王大臣。十月三十日。為我。

皇考萬壽聖節伏查

皇祖聖誕之期。天下臣民虔誠齋肅。禁止屠宰。

嗣後恭遇

皇考聖誕之日。著照此例。敬謹奉行。爾部即傳諭內外各省知之。又諭從前奉移

皇祖聖祖仁皇帝梓宮於

壽皇殿之前。所有

皇祖御用物件

皇考俱行賞賜王阿哥大臣及御前侍衛等。今將

皇考十三年御用之物。除留為朕每次行禮瞻

仰外。其餘朕實不忍服用。茲將奉移

梓宮於

雍和宮。朕恪遵

皇考成憲。亦將

皇考御用物件。賞賜王大臣御前乾清門侍衛等。俾各於其家供奉瞻仰。著於供獻晚桌後。總理事務王大臣。在乾清宮丹墀監放賞給。即令於

梓宮前謝恩。又諭和親王向在宮內居住。今

梓宮奉移之後。和親王福晉可擇日暫移擷芳殿。俟和親王府第定議時。再行移居。諭大將軍平郡王福彭。額駙策凌聞。

皇考大事。必奏請叩謁。

梓宮伊等俱在軍營要任。不可同來。著公慶復馳驛前往軍營。換回平郡王慶復。到時。平郡王將大將軍印。並軍營一槩事務。俱明白交與慶復。同額駙策凌。一心商酌辦理。慶復起身時。著由內庫賞給銀一萬兩。治辦什物。

手勅諭額駙策凌。

皇考棄天下。臣庶以天下大事。畀予藐躬。朕年冲幼。一切政務。多未諳練。惟以一誠效法。

皇考。汝受。

皇祖。

皇考重恩。宜竭力効忠國家。

皇考曾諭朕。所有軍務。惟爾是賴。今已將平郡王召回。慶復初到辦事。額駙斷不可遠離軍營。朕亦將此宣諭軍機大臣矣。額駙忠誠聞。

皇考大事。自必欲叩謁。

梓宮。但軍務正屬緊要。額駙在軍營。則

皇考在天之靈亦慰。俟準噶爾平定後。再叩謁梓宮不遲。此時如有要事。可密摺奏聞。軍情如何。蒙古軍心如何。事定後。何處可設駐防。何處可安哨兵。熟思之。奏到。朕再與諸王大臣籌酌行之。再朕躬安好。恐懸念。特諭。鑒儀衛奏。明日

上送。

梓宮至。

雍和宮。回時。進紫禁何門。得旨。朕進神武門。嗣後詰。

雍和宮。俱走神武門。丁未。恭移。

大行皇帝梓宮。安奉。

雍和宮。

上先詣。

梓宮前親奠。屆時。

靈駕啟行。

上慟哭前導由景運門出。

梓宮登大昇輦。

上西向跪哭隨行。大駕鹵簿全設。

大行皇帝御用器物俱恭捧前行。內大臣侍衛

俱在乾清門外分翼跪列。總理事務王大臣

辦理喪儀王大臣內務府禮部工部大臣等

俱在兩旁敬謹護侍。王以下公以上文武滿

漢大臣官員等俱分翼齊集。

梓宮由東華門東安門出候。

梓宮至咸舉哀跪迎。

梓宮至。

雍和宮昭泰門前。

上東側跪迎。

皇太后率

皇后妃嬪豫俟於

享殿後隨安奉。

梓宮於

雍和宮永佑殿。

上號泣行奠祭禮。王大臣遵定制叩請回宮。

上依戀不忍。王大臣請至再三。

上勉從奉。

皇太后居東配殿。始還宮。仍居乾清宮南廊苦

次。○諭總理事務王大臣今日奉移。

皇考梓宮於

雍和宮。所有辦理喪儀之履郡王竭誠宣力。朕

弟和親王協辦大禮。甚屬妥協。俱著交宗人

府議叙。其在事之大臣等俱著交部議叙。具

奏。○又諭今日

皇考梓宮安奉。

雍和宮朕見

雍和宮工程周備。諸事妥協。甚愜朕懷。其總理

工程之海望等及在事官員等俱著交部議

叙。具奏。○又諭諸王大臣所議三年喪禮。援

據經傳斟酌典章。甚為詳悉。朕惟

皇考臨御十有三年。居心行政。念念出於至誠。

此諸王大臣所共知共見者。

皇考聰明天亶建極綏猷垂法萬世朕雖不能仰企萬一惟此誠之一字實欲身體力行黽勉效法以圖善繼善述至持服三年乃朕哀慕至情萬不能已並非欲博行三年喪之名也况持服三年亦何足以言孝所願吾君臣同德同心勤求治理使民物康阜海宇乂安令天下咸頌我

皇考付託得人此吾君臣所當共勉者今覽所奏諸王大臣深悉朕迫切苦衷俾得稍展哀忱可謂能諒朕心矣但所議尚有一二宜酌者如元旦朝賀請朕吉服升殿朝正固國家之古典然羣臣實為朕一人稱慶在二十七月之內吉服受賀朕心實切不安又稱御門涖官聽政用素服冠綴纓緯等語朕縞素齋居凡一切引見官員啟事降旨俱可於使殿隨時舉行非必須御門方可辦理也至

郊

廟大祀朕自不敢因一己孺慕之私情有闕

天

祖禘嘗之鉅典所議朕親詣行禮甚是但先期齋戒所以潔齊心志對越

神明朕意遇齋戒之日即當素服冠綴纓緯其祝版亦當照例用禮服以昭敬謹

朝日

夕月等祀雖係遣官行禮然誠敬之心默為昭格陟降左右不啻親承朕意於遣祭正日亦應素服冠綴纓緯方與禮意相合又所議朕躬及羣臣諸典制皆屬明備皇后妃嬪及皇子持服之處尚未議及爾等一併詳稽典禮再議具奏○戊申

上詣雍和宮

梓官前供奠以別殿為苦次自是日至乙卯以為常○詣東配殿問

皇太后安每日如之○命禮臣恭議加上

列祖

列后尊謚諭曰尊祖孝親誼應並重報本追遠

禮有加隆。茲者恭上

皇考大行皇帝尊謚。緬惟貽燕之謨。宜備追崇之典。

太祖高皇帝

太宗文皇帝肇造洪基。創垂大業。

世祖章皇帝統一方夏。撫有萬邦。駿烈鴻猷。敷揚莫罄。

皇祖聖祖仁皇帝深仁厚澤。淪浹寰區。久道化成。功齊覆載。朕自沖齡仰蒙

慈愛。宮庭撫育。厚眷獨鍾。仰思

聖德之難名。恒念

洪恩之莫報。夫

宗廟之徽稱有制。而報本之忱悃無窮。應詳查典禮。酌古準今。恭議加上

太祖

太宗

世祖

聖祖尊謚。以展孝思。此朕追慕之至情。崇先之

特典。後世子孫不得奉為成式。又敬念

列祖尊謚既已加崇。

列后尊謚並應恭議加上。爾等詳酌典禮。一併

敬議具奏。○又諭朕自幼齡仰蒙

皇祖慈愛。篤摯撫育。宮中

太妃皇貴妃貴妃仰體

皇祖聖心。提攜看視。備極周至。朕心感念不忘。

太妃密妃誕育莊親王。

太妃勤妃誕育果親王。二王為

皇考宣力多年。公忠體國。今又輔朕辦理政務。裨益良多。此四

太妃應各加封號。以展朕敬禮之意。著該部定

議具奏。○陝西巡撫碩色奏榆林府屬之靖

邊定邊二縣距府六七百里。距省千九百餘

里。請改隸延安府管轄。榆林一府僅轄榆林

懷遠二縣。請將直隸葭州及葭州所屬之神

木府谷二縣歸榆林府管轄。無庸更設直隸

州。惟向隸葭州之吳堡縣地在葭州之南。距

榆林稍遠。請就近歸直隸綏德州管轄。下部行之。○已酉諭總理事務王大臣。今日將議定持服三年之處。奏聞。

皇太后奉

皇太后懿旨。皇帝欲行三年之喪。諸王大臣遵旨議行。悉遵古制。予思帝王之孝。非臣民可比。蓋因國家典禮重大。政務殷繁。實有至難舉行之處。是以當年

大行皇帝屢經降旨。欲持服三年。比時諸臣奏懇再三。雖中心哀慕。亦不得不俯從所請。今皇帝必欲舉行。諸王大臣自應勸阻。且國朝服制自有典章。亦不便輕為改易。在皇帝受大行皇帝付託之重。惟當善繼善述。勤求治理。豈可執意欲行。

皇考所未行之制。諸王大臣亦當殫心輔佐。俾海宇乂安。庶政澄清。始為克盡子臣忠孝之道。至持服三年。不過盡孝之一端。况

大行皇帝十三年來宵旰憂勤。惟願四海昇平。

吉祥善慶。為子臣者。自應仰體

在天之靈。紹述繼承。共享和平之福。以成

先志。若必欲重服三年。以為盡孝。上揆

大行皇帝聖心。亦未必鑒慰也。欽此。持服一節。

朕不敢以為克盡繼述之大猷。不過稍盡臣

子之私情。今

皇太后既有此旨。且責朕以行。

皇考所未行。朕何敢當之。爾諸王大臣將

皇考未行之故。併朕今日可行之故。分晰開陳。

俾

皇太后聞之。而心安。則朕意既遂。而朕心亦慰

矣。又諭莊親王果親王大學士鄂爾泰張

廷玉朱軾在

皇考時宣力多年。朕即位以來。總理事務。敬慎

周詳。夙夜匪懈。今

皇考梓宮已安奉。

雍和宮辦理諸事。俱屬妥協。應加恩以示酬庸。

之典。莊親王果親王俱著永遠賜與親王雙

俸。鄂爾泰、張廷玉俱著賞給世襲一等輕車都尉。朱軾著賞給世襲騎都尉。該部即遵諭行。○又諭今年六月間浙江海塘衝決之處甚多。

皇考聖心焦勞曾降

諭旨。今歲風潮不過風大水湧。並非昔年海嘯可比。總因隆昇與程元章意見不合。隄防無術。且聞採辦石料折減甚多。以致工匠包賠逃亡誤事。

皇考諭旨。至聖至明。今隆昇具摺回奏前來。多有支吾掩飾之處。凡修建工程固不可糜費錢糧。亦不可有心核減。若意在節省。以致工程不能堅固。則前功委於無用。而後此之糜費更多。況波濤不測。戕害民命。又豈多費錢糧之可比乎。隆昇等採辦石料折減過多。則識見庸鄙。經理之不善可知矣。據隆昇奏稱海塘綿亘百餘里。內除大學士朱軾所建五百丈。至今穩固。其他坍塌之處。水落石出。始

見以前石料狹薄碎小。椿木違式。通塘比比皆然等語。朕覽隆昇此奏。揣其情勢。大約後來續修之工程。不能如大學士朱軾從前所修之堅固。亦是實情。若云近來保護不謹。以致潰決。則何以一同被水。完固者自完。固坍塌者自坍塌。迥然不同。有如此乎。其中情由。著大學士嵇曾筠、虛衷秉公。不可少存意見。將歷任之督撫等官。確查明白。應奏者即行題參。朕侍

皇考左右屢聞

諭旨。以隆昇不勝海塘之任。原欲俟秋汛後定其功過。今已過霜降矣。隆昇能辦理海塘與否。著大學士嵇曾筠據實奏聞。毋得隱諱。程元章身為封疆大臣。此係伊之職任。張坦麟、汪滌乃奉

皇考特旨命往專司此事者。今塘工貽誤若此。三人皆不得辭其責。亦應分別查參。此事關係重大。總在大學士嵇曾筠秉公辦理。務期

有裨鉅工。道員成貴已奉

皇考諭旨解退。若有應叅之處亦著題叅。○以內閣學士勵宗萬為禮部右侍郎。○庚戌諭總理事務王大臣原任尚書楊名時為人誠樸品行端方。

皇考原欲召令來京。未曾降

旨。著該部行文宣召來京。陛見。○又諭徐元夢年逾八旬。効力甚久。今辦理

皇考祭文甚屬敬慎。著即補授內閣學士。○又

諭北路坐臺人員。有効力年久者。亦有實在無力者。其効力年久者。自應更換。其實係無力之人。既不能養贍蒙古。何以管束彈壓。有益於臺站。其應行撤回更換之處。著速行查明請旨。○又諭從前法會中僧人等有曾蒙皇考賞賜御書及硃批等件。不論字數多寡。俱著恭繳。不許私藏。若有朕賞賜字蹟亦照例繳進。其內廷行走之大臣及侍衛等有朕賞過字蹟。准其收藏。○署寧遠大將軍查郎阿

奏辭議叙得旨。查郎阿等辦理軍務甚屬妥協已奉

皇考恩旨。交部從優議叙。不必固辭。○辛亥

上詣雍和宮

梓宮前行初祭禮。陳

大行皇帝冠服於几筵。陳大駕鹵簿於雍和門

陳楮幣於寰宇尊親牌坊內。王以下百官齊

集屆時

上舉哀視饌讀文致祭如禮。○奉

皇太后還宮居永壽宮

上日詣問

安。還居乾清宮南廊苦次。○諭總理事務王大

臣

皇考山陵正在興工之時。由京城至易州經過地方。如大興宛平良鄉涿州房山涑水易州等處。凡修道應差諸事。不無資於民力。朕心軫念。著將該州縣乾隆元年應徵錢糧加恩蠲免。交該部查議具奏。尋議覆。下直隸總督

順天府府尹行之。禁陳奏祥瑞。諭總理事務王大臣曰。我

皇考臨御萬方。勤求治理。惟務實心實政。從來不言祥瑞。每各省督撫奏報慶雲甘露嘉禾瑞蘭醴泉麟鳳之類。皆蒙

特降諭旨。訓示開導。告以靈貺式昭。益宜矢誠矢敬。勵人事以迓天庥。至為深切著明。或廷臣合詞請賀。均未邀

俞允。此海內臣民所共知者。蓋以治天下之道。

惟在君臣上下一德一心。政績澄清。黎民康阜。斯實為國家祥瑞之明效大驗。而不徒在雲氣物產之菁華也。如果海宇一道同風。庶安居樂業。雖不聞瑞物之來。亦無損於太平之象。其或吏治民生。稍未協和。底績即使休嘉疊告。諸物備臻於地方治理。亦毫無裨益耳。仰惟

聖謨所布。萬世當遵。况朕今日尤不敢比擬皇考臨御之時。

皇考上承

聖祖仁皇帝六十餘年。重熙累洽之昌期。積慶垂庥之厚澤。加以

皇考德盛化神。功成治定。恩澤周於寰宇。聲教訖於無垠。因之天人協應。符貺聿彰。揆諸事理。固有宜然者。茲朕繼緒之初。仔肩伊始。深恐未能繼述萬一。豈能遽召嘉祥。惟當與中外諸臣。以實政實心。保守承平大業。時深乾惕。日凜幾康。切不可務瑞應之虛名。致啟頌揚之飾說也。爾總理事務王大臣等。可傳諭各省督撫等。共體朕心。嗣後凡慶雲嘉穀一切祥瑞之事。皆不許陳奏。並傳諭將軍提鎮等知之。又諭朕思

皇祖時年久大臣。如原任大學士張英。謹厚和平。公忠奉職。原任侍郎勵杜訥。恪勤恭慎。練達老成。原任尚書顧八代。人品端方。學問充裕。昔侍

皇考讀書。朝夕講論。有裨

聖學

皇考臨御時特降

溫綸將張英加贈官傅勵杜訥追贈尚書顧八代加贈太傅三人並入祀賢良祠又侍衛海青侍從

皇祖多年勤勞懋著仰蒙

皇考聖恩授為一品今朕即位之初篤念前勞追思舊學張英著加贈太傅勵杜訥著加贈官傅顧八代著加贈太師海青著加贈官保

實錄卷二

四

其作何加恩之處該部察例議奏吏部尋覆奏併察例加祭一次給價建碑從之○又諭內務府總管來保著即來京○又諭公慶復現在奉差前往軍營戶部尚書事務著左侍郎海望署理左侍郎員缺著右侍郎托時轉補其右侍郎員缺著內大臣顧魯署理傅鼐著署理刑部尚書事務

大清高宗法天隆運至誠先覺體元立極敷文奮武孝慈神聖純皇帝實錄卷之二

實錄卷二

四六

大清高宗法天隆運至誠先覺體元立極敷文奮武孝慈神聖純皇帝實錄卷之三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

雍正十三年乙卯九月壬子諭總理事務王

實錄卷三

一

大臣傅鼐現在署理兵刑二部尚書事務其

內務府總管事務著公訥親管理○癸丑

上詣雍和宮

梓宮前供奠畢奉

皇太后居東配殿日詣問

安還居別殿苦次○總理事務王大臣等欽遵

皇太后懿旨仰體

上孝思純篤再行詳議禮制謹擬百日内

上服縞素百日外請髮易素服詣

几筵前仍服縞素詣

皇太后宮及御門泣官聽政咸素服冠緞纓緯

升殿受朝不宣表不作樂咸用吉服禮服並

一切典禮用禮服二十七月服滿照百日禮

致祭畢

上釋服

皇后應遵照

上持服禮制行惟朝夕侍奉

皇太后兼有報祀之禮應於二十七日後在宮

實錄卷三

二

中素服一切典禮咸禮服詣

几筵前仍縞素

妃

嬪於二十七日除服後二十七月內咸素服

遇典禮用禮服

皇子與諸王百官咸二十七日除服百日薙

髮外省官員軍民人等俱照定例行奏入

上召總理事務王大臣面傳

皇太后懿旨曰諸王大臣議奏持服之禮酌古

準今情理允協。知道了。欽此。

上降旨。亦以所議甚悉。允行。○諭總理事務王大臣。辦理軍機大臣。前內大臣海望。自北路軍營回京時。奏稱鄂爾昆發遣人犯。在彼種地。並無實濟。且恐日久之後。人數漸多。致生事端。似應改發他處。彼時

皇考以鄂爾昆。現有大兵駐劄。豈有不能彈壓之理。此奏不合。曾經降

旨教導。令總理事務王大臣。及辦理軍機大臣等議覆。此事並無定議之語。殊有觀望之心。及朕降旨諭令再議。而王大臣等尚未知

皇考聖意也。朕伏思

皇考之意。蓋以此等發遣之犯。原係身獲重罪之人。今發軍前種地者。乃保全之大恩。令其効力贖罪耳。若其中果有情罪冤抑。不應發往者。乃辦理刑名大臣之錯誤。自應聲明具奏。寬釋其罪。方於情理允協。若本無冤抑之情。只因其不善開墾。遂爾改發內地。以兵丁

代之。是獲罪之重犯。又不肯急公趨事者。轉

得遂其僥倖之心矣。且兵丁等平時職業。惟在騎射。當差耕種之事。非其所素習。若以不能力田為辭。則將遷移內地之民。往耕邊塞之地乎。此事之斷不可行者。若以此地不應聚集多人。則將嗣後發遣之犯。改發他處。尚屬可行。似此已發之犯。豈有更改他處之理。且無論大軍在彼。儘足彈壓。即彼處無兵。亦毫無可慮者。若以伊等不能耕種。則自應令

該將軍大臣等嚴加督率。定為賞罰之條。以示懲勸。況耕種本非難事。非工作技藝之可比。若肯用力。人人能之。其所以苟且因循。未收實效者。皆該管官員疎忽怠玩之所致也。海望心地純良。但識見平常。且有固執已見之處。伊所陳奏。豈可盡以為是。爾等之意。想以朕降特旨。將海望署理戶部尚書。且不時召見。遂起觀望之心。將伊陳奏之事。向奉皇考申飭者。仍復含糊議覆。甚屬不合。凡辦理

天下之事。惟有物來順應。不可預存是非。可否之見於胸中。不但海望所言。即莊親王。果親王。大學士。鄂爾泰。張廷玉。為朕所深加任用者。亦不可以其所言盡以為是。蓋識見不到。思慮未周之處。人所常有也。不寧惟是。即朕之諭旨。倘有錯誤之處。亦當據實直陳。不可隨聲附和。如此。則君臣之間。開誠布公。盡去瞻顧之陋習。而庶政之不就理者鮮矣。諸王大臣等。日在左右。尚不知朕心。未免觀望之意。則在外臣工之未曾接對者。又當何如乎。此事若非朕看出。豈不至於錯誤。向後當以為戒。並將虛公持平之道。曉諭內外臣工共勉之。甲寅。總理事務王大臣。鑾儀衛奏。朔日。上進宮。請備黃輿。得旨。明日雖滿二十七日。朕猶在服中。安可即用黃輿。尋奏。皇上舉行三年喪禮。過百日始易素服。百日内仍備青輿。百日期滿祭後。再備黃輿。從之。

乙卯

上詣雍和宮

梓宮前行大祭禮。儀與初祭同。禮成。釋縞素。更

素服。奉

皇太后還宮。居景仁宮。

上詣

壽皇殿行禮。還詣

皇太后宮問安。是日。

上移居養心殿。命廷臣輪班條奏。諭曰。帝王

御宇。必周知庶務。洞悉民依。方能措置咸宜。

敷施悉協。是以明目達聰。廣咨博採。俾上無

不知之隱。下無不達之情。乃治平天下之要

道也。我

皇考聖明天縱。生知安行。智周道濟。昭晰靡遺。

然猶虛衷延訪。公聽並觀。時令在廷臣工條

奏事件。凡有敷陳當理。裨益庶政者。立見施

行。並加獎敘。十三年以來。政治澄清。蕩平正

直。貽天下萬世以久安長治之床。蓋所取於

集思廣益者非淺鮮也以朕藐躬何敢上擬
皇考盛德於萬一且自幼讀書宮中從未與聞
外事耳目未及之處甚多允宜恪遵

皇考開誠布公之舊典令在京滿漢文武諸臣
仍照舊例輪班條奏其各抒所見深籌國計
民生之要務詳酌人心風俗之攸宜毋欺毋
隱小心慎密不得互相商榷及私為指授如
此則朕採擇有資既可為萬幾之助而條奏
之人其識見心胸朕亦可觀其大畧矣再翰
林讀講以下編檢以上從前曾蒙

皇考特旨令其條奏不在輪班之列今若確有
所見亦准隨時封奏○命諸臣各舉所知諭
曰國家用人行政二者並重而政事必得人
而理則先務尤在人才所以帝王敷治首舉
闢門籲俊之典而人臣之義莫大於以人事
君此上下相得益彰之要道也我

皇考立賢無方旁求念切實可為法於萬世茲
朕繼緒之初勉思繼述以承

付託之重所期任官惟賢位事惟能俾百工允
釐克紹承平之大業著在京官員大學士以
下三品京堂以上各將平日深知灼見之人
品行端方而才可辦事者不拘品級資格或
現任職官或放廢閒員俱准據實保舉密封
奏聞候朕酌量選用爾諸大臣皆受

皇考深恩擢用者今朕聽政伊始正爾等抒誠
報効之時務秉公心悉除私意俾賢俊登庸
庶政收得人之效朕實有厚望焉○又諭莽
鵠立年邁未能兼辦旗務仍著以都統原銜
辦理部務其鑲白旗滿洲都統員缺著公訥
親補授○丙辰

上詣

皇太后宮問安○諭總理事務王大臣

皇考乳母順善夫人王氏恭勤夫人謝氏保奉

皇考聖躬恪誠調護恭謹懋昭

皇考獎念勤勞特頒贈卹并優錄子孫給與世
職朕紹承

皇考丕緒仰體

聖懷追思淑德。式稽舊典。宜育恩施。順善夫人王氏恭勤夫人謝氏。應如何加恩之處。禮部內務府詳察典禮具奏。○又諭據大學士鄂爾泰等奏請迴避朕之御名。上一字擬書宏字。下一字擬書歷字。朕思尊君親上。臣子分誼當然。但須務其大者。以將恭敬。至於避名之典。雖歷代相沿。而實乃文字末節。無關於大義也。中外臣工如身膺文職者。當思宣猷布化。裨益於國計民生。官居武職者。當思効力抒忠。奏績於疆場牧圉。士子讀書勵行。黎民守法奉公。方為克盡愛戴尊崇之實。若但於御名謹避。將字畫更改。並失其字之本義。揆諸古人二名不偏諱之理。既不相符。且區區拘泥之見。亦不足以明敬悃。甚無取焉。所請改寫宏字歷字。不必行。嗣後凡遇朕御名之處。不必諱。若臣工名字有同朕心自不安者。上一字著少寫一點。下一字將中間禾字

書為木字。即可以存迴避之意矣。爾部可傳諭中外一體遵行。○又諭莊親王果親王召見便殿。賜坐之時。俱行拜禮。朕心深為不安。王等皆

聖祖仁皇帝之子

大行皇帝之弟。於朕為叔。行輩甚尊。豈可常行拜禮於朕前乎。君臣上下分義。固所當遵。然便殿燕見之時。非朝會大典可比。禮以義起。古人所貴。朕心所未安之處。即禮之所當隨。宜斟酌者。嗣後如升殿朝賀典禮攸關之處。諸王等仍遵定例行禮外。若便殿燕見時。朕親叔輩均不必叩拜。以昭朕敬長親親之意。○以刑部侍郎託璽協辦步軍統領事務。丁巳。

上詣雍和宮

梓宮前供奠。○諭總理事務王大臣辦理苗疆軍務王大臣。朕聞得滇黔等省官兵攻勦逆苗。其所過地方。概將空寨焚燬。甚至將已撫

之苗。出寨當夫者。輒行誅戮。蓋附近小寨。每為大寨逆苗。驅使挾制。不得不從。若一概焚燒。燬棄米糧牲畜。誅其老弱子女。則脅從之徒。無所依藉。勢必併力格鬪。收拾為難等語。朕思實被威脅。不得已附從之苗。原與實係肆逆之苗不同。從前王大臣等所議。原令哈元生等。分別料理。若將脅從之苗。寨概行焚燬。並誅其老弱子女。則益堅其抗拒之心。於勦撫機宜。殊為未協。若奉朕此旨之後。有意寬縱。使逆苗並不畏威。兼不懷德。則亦非一勞永逸之計。爾王大臣等。可傳諭張廣泗。哈元生。董芳等。知之。○諭總理事務王大臣。朕自幼讀書。

皇考命左都御史福敏。為朕講習討論。十餘年來。朝夕恪勤。不辭勞瘁。其居心宣力。皆出至誠。克稱課讀之職。實應加恩議敘。又原任侍郎蔡世遠。學問素優。自雍正元年在內廷行走。勤勞敬慎。於經義文詞。悉心講究。多所裨

益。亦應加恩。以示朕篤念舊勞之意。著交部定議具奏。○果親王允禮奏。請定侵盜錢糧罪例。得旨。如此辦理。纔是具見王公忠誠。直而非為苛刻者也。將此奏與九卿看。其三百一千之數。原係法司上下其手之通弊。著永行禁止。其援詔邀免之處。著以一萬兩以下為準。有逾此數。不准豁免。餘依議。○刑部奏。援赦合例。朝審人犯。得旨赦非善政。古人論之詳矣。但朕即位之初。盡遵舊制。誕布新恩。凡此罪人。皆因自取。亟宜改悔。永為良民。法司仍宜照例詳記檔案。如既赦之人。再干法紀。朕必將伊等加倍治罪。決不寬貸也。可詳細曉諭中外臣民知之。○賜大學士朱軾。內城官房一區。移居銀五百兩。○戊午。

上詣

皇太后宮問安。○諭總理事務王大臣。九月二十五日。朕親詣

孝敬皇后几筵祭奠。所有祭品。應否加增之處。

王大臣等議奏尋議加增冠一頂衣七襲得旨是○又諭誠親王和親王向荷

皇考深恩封以親王之爵但冊封之典尚未舉行又二王尚居住紫禁城內分旗賜第之處總未及降

旨今朕繼承大統典禮以次舉行其誠親王和親王應如何冊封並賜居王府分予護衛給贍家資務期妥協寬裕之處著總理事務王大臣會同禮部內務府斟酌緩急詳議具奏

○又諭向來理密親王之子弘暉弘晄孫永璚因年尚幼稱蒙

皇考垂慈恩養仍住宮中近伊等年已長成

皇考原欲賜宅另居尚未降

旨茲朕仰體

聖慈為籌畫久遠之計應酌撥府第俾令安居並賚予贍給以副

皇考恩養撫育之盛心其應加封爵及如何賜第居住給予養贍務期妥協之處著總理事

務王大臣會同內務府定議具奏○又諭本年七月

皇考曾降諭旨今年黃運兩河水勢甚大南北河道總督及在事官員悉心防護工程平穩可嘉俟霜降後降旨議敘今據嵇曾筠等奏報秋汛安瀾情形著遵照

皇考諭旨將江南河東河道總督及在事官員交部分別議敘具奏○又諭李紱著賞給侍郎銜管理戶部三庫事務○戶部奏請五城煮賑得旨依議這五城施粥廠著御史親往驗散俾貧民均沾實惠毋令胥役染指都察院堂官不時前往察看○以通政使司右通政使逢泰為通政使○已未

上詣雍和宮

梓宮前行月祭禮○再免民欠諭總理事務王大臣曰各省民欠錢糧十年以上者已於恩詔內概予蠲免其餘未完民欠尚係應徵者朕思續緒方初惟當繼述我

皇考惠養黎元之至德。俾服疇力穡之人。均沐恩膏。積逋全釋。若未蠲之項。尚事徵收。民間不無煩擾。茲特再行降旨。於恩詔外。將雍正十二年以前。各省錢糧實欠在民者。一並寬免。從前江南積欠錢糧內。曾有官侵吏蝕二項。乃從民欠中分出者。比時差往大臣官員。辦理原不妥協。亦著照民欠例寬免。此朕仰體

皇考誠求保赤之仁。深願吾民厚生正德之意。各省軍民人等。身受國恩至渥。自應感動天良。屏除陋習。明守法奉公之大義。循則壞成。賦之常經。共為良民。免追呼之擾累。倘疲玩性成。不知悔改。則是吾民中。最為愚頑之人。既無畏威之念。亦鮮懷德之心。國法具在。朕亦不能為之寬宥也。爾等即交部遵行。又諭

皇考山陵。正在興工。現派守陵之員。勒大臣。官員侍衛等。前往居住。其自京

師至易州一帶地方。往來官役工匠人等。甚多。恐有生事不法。擾累居民者。著都察院。派滿漢御史各一員。奏聞請旨。前往沿路稽查。如有滋擾地方之事。著該御史即行叅奏。交部治罪。毋得徇隱。其如何巡查及應在何地駐劄之處。交都察院一並議奏。又諭

皇考梓宮暫安奉

雍和宮路途稍遠。非

壽皇殿近在禁城。可比朕恭詣

梓宮前敬奠。此時天氣漸寒。護軍校等時勤服役。堪為軫念。著於恩詔外。另賞給一月錢糧。以為衣履之用。再沿途護軍校。護軍步軍及校尉等。伺候官差。應酌賞飯食。著內務府設官棚五處。預備飯食。每處派御史一員。司官二員。侍衛十員。乾清門侍衛一員。照看管理。務令當差人等。俱得飽食。倘有草率剋減等弊。經朕聞知。必加嚴處。又諭警蹕街道之護軍站班。過密。方今天氣漸屆寒冷。若派如

許兵丁預備。未免勞苦。嗣後遇朕清晨詣

雍和宮之日。仍照此警蹕。若遇日中前往供獻

午膳之日。著減半。庶兵丁等得以輪班更替。

○又諭。直隸各省員缺久懸。甚非勤政之意。今

皇考大事已過一月。其文官知府以上。武官叅

將以上。著該部照例。即行帶領引見。令赴新

任。其餘官員。著總理事務莊親王。果親王。大

學士鄂爾泰。張廷玉。協辦總理事務朱軾。會

同署理尚書傳鼎。秉公驗看。若其中有年老

不及者。指名具奏。若有人才敏練及技勇可

觀。著有勞績者。亦著記名。另行奏聞。○又諭

本年恩詔內。凡文武官員。現在議降議罰。及

住俸戴罪者。俱著寬免。已頒布通行。朕查我

朝遠年恩詔內。凡革職及敕督撫究擬者。曾

有寬免之例。今朕即位之初。切望內外大小

臣工。洗心滌慮。痛改前非。為國家宣力。以圖

後效。特沛浩蕩之恩。予以自新之路。著將文

武官員現在議革者。亦准寬免。至於勅下督

撫究擬之案。其情罪輕重不等。著該督撫秉

公酌量。若所犯情罪。應援恩詔寬免者。俱著

入於寬免之內。以示朕宥過施恩之至意。○

定奴僕告主之罪。諭曰。本年恩詔。赦款甚多。

但奴僕告家主之案。名分攸關。情罪可惡。毋

得援恩詔赦免。蓋凡官民人等。身蹈過愆。大

干功令者。自然不能掩蓋。且無人不可舉首。

斷不容奴僕挾制短長。妄行首告。而紊尊卑

之定分也。嗣後遇有奴僕首告家主者。雖所

告皆實。亦必將首告之奴僕。仍照例重治。其

罪爾等即交該部通行曉諭。永著為令。○命

僧衆仍給度牒。諭曰。歷代僧人披剃。有給與

度牒之制。所以稽梵行。重律儀也。我

世祖章皇帝。於順治八年。停其納銀。仍給度牒。

迨

聖祖仁皇帝。康熙初年。並給發度牒。亦經停止。

蓋其時僧徒尚未甚多。又當玉琳國師節溪

禪師主持法席相繼振興之餘猶知共循遺軌故不給度牒亦屬可行近日縉流太衆品類混淆各省僧衆真心出家修道者百無一二而愚下無賴之人游手聚食且有獲罪逃匿者竄跡其中是以佛門之人日衆而佛法日衰不惟叅求正覺克紹宗風者寥寥希覯即嚴持戒律習學小乘之人亦不多見蔑棄清規徒增塵玷此其流弊將不可勝言朕崇敬佛法秉信夙深叅悟實功仰蒙

皇考嘉獎許以當今法會中契超無上者朕為第一則並無薄待釋子之成見可知特以護持正教之殷懷不得不辨其薰蕕加之甄別著該部仍行頒發度牒給在京及各省僧綱司等嗣後情願出家之人必須給度牒方准披剃仍飭府州縣等衙門嚴查僧官胥吏毋許借端需索擾累僧徒違者從重治罪爾部即遵諭行○禁擅造寺觀神祠諭曰朕觀各處地方寺觀廟宇甚多而年久傾圯者亦復

不少每致棟宇摧頽佛像露處雨淋日炙無人問及在昔創建寺廟之初心原以崇佛敬神廣種福田而乃不能久固轉增褻慢之愆者皆由寺廟太多太雜人情喜新厭舊樂於興造而怠於修葺之所致也著傳諭步軍統領及順天府五城地方官並外省督撫出示曉諭嗣後官民人等樂善好施欲建寺廟及僧道之發心募化者惟許將舊寺舊廟增修加葺或復整十方之古剎或繕補功德之專祠庶令琳宮永煥廟貌常新教相增輝百靈式妥可以伸虔恪之衆志即以廣福庇於生民至若立願廣大材力豐盈特欲興寺觀神祠者必呈明督撫具題奉旨方准營建若不俟題請擅為興造者必加究治○追卹陣亡大臣官員兵丁諭總理事務王大臣軍機大臣曰朕聞和通呼爾哈之役諸路官兵及東路兵丁俱懷疑觀望亦有棄營先回者祇餘京師右衛之舊滿洲兵奮勇衝擊雖年少者

亦皆死戰不退。是以盡忠者甚衆。此等効力陣亡大臣官員兵丁。亡身報國。殊為可憫。而未及加恩者。今尚有之。從前

皇考所以未即加恩伊等者。特因準噶爾之事未定。欲令在外弁兵。愈加黽勉圖功。故暫緩之。以待事定。再行加恩也。今遭

皇考大故。準噶爾復奏請和好。朕不得不推廣皇考隆恩。此等効力陣亡大臣官員兵丁。未及加恩者。該部詳細查明。將如何獎勵加恩之

處議奏。西路官員兵丁內。有似此効力陣亡。

未及加恩者。亦著查明。將如何加恩之處。議奏。至於出衆効力。身得重傷。現在軍營。未經敘奏之兵。亦著該管大臣等。查明具奏。候朕加恩。○諭總理事務王大臣。傅爾丹現在圓

明園圍禁看守。著交刑部監禁。其應行審訊事件。著審明定擬具奏。傅爾丹除貪婪等項輕罪外。第一是和通呼爾哈處所犯之罪甚大。伊身係統轄兵丁之大將軍。乃不能收拾

衆心。復與大臣等不睦。且不能約束。以致失機。將官兵損折。皆傅爾丹之罪。與岳鍾琪無異。著將伊監禁。俟該部奏請時。再派大臣等審訊。○庚申

上詣

大高殿行禮。○諭總理事務王大臣。

皇考供膳時。著理親王弘皙。貝子弘景。弘春。弘昌。公弘昉。弘眺。亦隨允禔進內。此後王公大臣。額駙台吉等。有初到者。俱照此開列職名

進呈。○又諭

皇考山陵重地。朕心寤寐瞻依。祇以躬膺付託。辦理萬幾。未能親往守護。而朕弟年長者。祇和親王一人。現在協辦事務。又未能代朕前往。再四思維。公允禔。乃

皇考之弟。有服勞奉事之義。著晉封貝勒。令其前往守護。貝勒斐蘇。公弘眺。亦令同往。再照景陵之例。應派領侍衛內大臣一員。尚書二員。都統二員。散秩大臣二員。侍郎二員。內務府

總管一員。副都統二員。乾清門侍衛八員。侍衛四十員。領侍衛內大臣。著派哈達。尚書。著派魏廷珍。憲德。都統。著派邁祿。高起。散秩大臣。著派侯圖巴。沙晉。侍郎。著派留保。阿克敦。內務府總管。著派盛安。副都統。著派侯田。存德。于永世。乾清門侍衛。著派郭爾多。達哈素。那爾泰。托倫。素爾鼎。阿蘭泰。六十一。鄂爾塞。前往守護。侍衛四十員。著領侍衛內大臣。開列請旨。伊等務期敬謹居心。恪勤將事。以仰報

皇考。養隆恩。庶不負朕鄭重派往之意。○開鄉會恩科。諭曰。國家大典。首重掄才。我朝培養多年。人文日盛。是以

皇考御極之初。於三年大比之外。特開鄉會恩科。廣羅俊乂。所以鼓舞而振興之者。至為周備。今朕繼承統緒。照雍正元年特開恩科之例。舉行茲典。乾隆元年。係丙辰會試正科。著於八月舉行鄉試。乾隆二年。二月舉行會試。

以副朕興賢育才之至意。爾等即交該部遵行。○又諭。人臣秉公執法。紀綱攸繫。凡所參奏。必當持平準理。據實上聞。方為允協。朕觀條陳。參奏中。竟有矯詐之人。於所管宗族親戚。有意苛求。將不應參奏之事。入告。以博秉公執法。不顧私親之名者。如其宗族本睦。而其人又能公正居心。毫無瞻顧。因族中實有犯法干紀。而不為私恩小惠。即行參奏者。固屬可嘉。但聞此等參奏。多出私心。往往因本族中。不無舊忿夙嫌。借端報復。既已不公。又傷倫紀。且欲竊附公正之名。其居心深險。更不可問矣。此等習氣。漢軍尤甚。嗣後宜痛加改悔。洗心滌慮。倘或仍蹈故轍。以假公濟私之事。混行奏者。必重治其罪。以示國法之平。以篤睦姻之俗。爾等即傳諭中外知之。○又諭。八旗入官地。畝房屋。皇考交與八旗大臣官員等料理。乃伊等不能仰體

聖心辦理總不妥協既無益於國計轉有累於八旗朕知之甚悉且有將已經奉旨蠲免之項因八旗查報在先復行勒逼交官者其間弊端種種著該部確查明白具奏再降諭旨又諭恩詔內有豁免著追銀兩之條現在查辦其應行豁免者自不復催追但恐不應蠲免之中仍有應免之項一時分晰不清致有牽混拖累之處殊非朕加恩沛澤之意著通行曉諭暫停追比俟查明分晰之後將不應豁免之項再行勒限著追訓飭宗室諭曰治國之道以親親睦族移風易俗為先務我朝宗室承

太祖

太宗之家法風俗原頗醇樸其尊君愛親忠誠之教迥超庶姓嗣為一二不肖之徒沾染以致現在宗室中彼此戲謔漸流卑鄙互相排擠不知向善風俗因而敝壞矣即如弘春伊父獲罪監禁伊反以為喜弘曠亦以監禁伊

兄為快夫為人不孝不弟豈有為國盡忠之理更有宗室等不顧品行專以諂媚近御顯要大臣為事實屬有玷天潢

皇考洞鑒於此

聖慮周詳啟迪訓導期挽流俗而臻於善不憚勤苦孳孳教誨於今十三年矣其中感戴皇考教誨成全之恩謹守奉行者固多其心以為待伊等刻薄者亦不一而足

皇考訓諭周詳備至以朕之才德年齒識見歷練遠不及

皇考雖多方教誨亦不能出乎

皇考訓諭之外況

皇考如此之教誨猶未能盡化寧朕言是聽乎

雖然朕惟仰體

皇考之心整飭宗室積習期歸於善豈無一二入感化自新勉勵向善耶嗣後宗室等務期革面革心發奮自修悔過遷善庶幾共享無疆之福著將此由該衙門詳細通諭各宗室

知之。諭總理事務王大臣辦理苗疆事務。王大臣黔苗肆逆。百姓被其擾害。前已欽奉皇考諭旨。將今年黔省錢糧通行蠲免。其被賊殘害之州縣。蠲免三年錢糧。在案。今朕思該省本年額徵米石。雖無蠲免之例。而被賊殘害之州縣。田土已經拋荒。漸次復業之民。尚在加恩賑卹。所有該州縣本年應徵糧米。著並予蠲免。其未經被擾之州縣。民人現俱團練鄉勇。保固地方。並運送軍糧軍裝等項。實屬勞苦。所有本年應徵糧米。著停止徵比。以紓民力。再朕聞黔省州縣有豐收之處。今應徵額糧。既行緩徵。則該州縣米糧充裕。而被擾地方。現需米石賑卹。且各省協勦官兵。現需供支口糧。著該撫即行發帑。於豐收州縣按照時價採買備用。仍嚴飭該州縣官公平收買。無任胥吏抑勒滋擾。又諭朕聞黔省逆苗奸狡異常。官兵來則暫行退避。過則仍復肆逆。緩則恣為焚劫。急則求討招安。以叛

逆為尋常。視招撫為得計。乃係逆苗實在情形。所當痛加勦除。不容稍有姑息者。其地大苗衆。允頑之寨。及首惡之人。定應勦洗擒獲。務盡根株。其餘附和迫脇之苗。分別料理。必令盡繳器械。方許投誠。從前王大臣等所議。原令哈元生等照此辦理。可傳諭張廣泗等知之。其雲貴等省苗疆。有應行彈壓者。亦先經王大臣等議令該督撫等留心彈壓。現今古州等處用兵。各省苗疆。正不可因現在寧靜而稍為疎懈。可再行傳諭雲貴廣西督撫密飭各地方官。不時稽察。加謹防範。無致疎虞。禮部議覆江南總督趙宏恩等請定壽州新分鳳臺縣酌撥廩增及新進文武生童額嗣後縣額設廩生十二名。三年一貢。增生十二名。額進文童八名。武童六名。應如所請從之。命多羅履郡王允禔暫管禮部事務。○辛酉

上詣田村。

孝敬皇后梓宮前致祭○詣

皇太后宮問安○諭總理事務王大臣

太祖

太宗子孫從前或因本支無人未經賜爵或因別有事故革退未經承襲者著宗人府一一查明具奏○又諭恩詔條款原應遍行傳諭恐無知小民刊刻售賣其間或有增減舛錯之處甚有關係著該部另刻小本刷印多張遍行頒發其外間售賣者亦令赴部刷印並令順天府步軍統領衙門出示曉諭務令人人知悉以部板為準○諭吏部凡有虧欠錢糧未完之人定例不準銓選至於有恩免銀兩之人與虧欠未完者有別若亦照例不準銓選實為可憫前因范時繹都統任內叅劾旗員之奏遂將候補候選諸員概停選補今年

皇考本欲開恩未及降

旨今朕仰承

聖意著將恩免銀兩人員及其子孫應選應補者俱准入伊等班次銓用爾部即遵諭行○
壬戌

上詣雍和宮

梓宮前供奠○諭總理事務王大臣從來帝王撫育區夏之道惟在教養兩端蓋天生民而立之君原以代天地左右斯民廣其懷保人君一身實億兆羣生所託命也書稱正德利用厚生惟和又云唯土物愛厥心臧蓋恒產恒心相為維繫倉廩實而知禮義理所固然則夫教民之道必先之以養民惟期順天因地養欲給求俾黎民飽食煖衣太平有象民氣和樂民心自順民生優裕民質自馴返樸還淳之俗可致庠序孝弟之教可興禮義廉恥之行可敦也我朝

列聖敬

天勤民垂統萬世

皇祖聖祖仁皇帝六十餘年久道化成重熙累

洽所以惠養元元。禮陶樂淑者。至周至備。惟是國家承平日久。生齒日繁。在京八旗及各省人民。滋生繁衍。而地不加廣。此民用所以難充。民產所以難制也。我

皇考宵旰孜孜。勤求治理。惟恐一夫不獲其所。重農貴粟之教。屢頒。撫循蠲賑之惠。頻下。南北之營田水利。無不興修。內外之開墾種植。無不綜理。凡此實政實心。一以誠敬貫徹。始終十三年。有如一日。皆朕所親承目覩。拳拳服膺者也。朕生長深宮。瞻依

皇考慈顏。惟知承歡膝下。懋學書齋。即如日用飲食之需。悉由

恩賜。豐贍饒裕。不煩問所從來。此固

皇考昊天罔極之恩。難於名言。而為君之難。亦惟身履其地者。然後知聖人之言為至當也。今朕繼承大統。身為人主。衣租食稅。則自今伊始。一絲一粟。皆四海小民所經營供御者矣。朕思飲饌被服。皆出於海內脂膏。宮室器

用。皆取自閭閻拮据。尚安忍少有糜費侈用之心。以傷民力而耗民財乎。又安忍已垂裳而聽天下之民之有寒不得衣。已玉食而聽天下之民之有飢不得食者乎。禹思天下有溺者。由己溺之。稷思天下有飢者。由己飢之。自古聖君賢臣。自任之重者。皆動於至誠。迫於至理。有萬不容已者也。朕日夜兢兢。時廛本固邦寧之至慮。以

皇考之實心為心。以

皇考之實政為政。凡供饌品味之類。無所加增。衣服器用之屬。無所濫費。宮室苑囿之區。無所改營。爰賴中外諸臣。共體朕心。以成朕志。於民生日用所由阜成。民生樂利所由豐豫之處。在在求其實際。事事謀其久遠。勿以虛文而澤不下逮。勿以小利而計不圖全。勿作無益以害有益。勿朘民生以厚己生。果能恒產有資。將見恒心自啟。我

皇考聖訓。所謂三代之治。必可復。堯舜之道。必

可行者。庶能繼述萬一。此朕中心乾惕之誠。並非因即位之初。為此邀譽近名之語。以博天下臣民之感頌。朕心務收實效。豈肯徒託空言。但天下至大。兆民至衆。非朕一人所能獨理。內而閣部八旗大臣。外而督撫藩臬。有司均受國家深恩。有惠養斯民之責者。當共思黽勉。崇儉戒奢。視國事如家事。以民身為己身。痼疾一體。休戚相關。各殫誠心。期登斯民於衽席。則賞功酬庸之典。朕必從優舉行。若苟且因循。視同膜外。律以弱職。更復何辭。勉之勉之。○又諭本年順天鄉試。弊竇甚多。解元許秉智。係革職戶部員外郎許秉義胞弟。家資甚富。情弊顯然。著將考試官顧祖鎮。戴瀚。革職。拏交刑部。請旨派大臣嚴審。按律究擬。朕當

皇考大事。正哀痛迫切之時。豈復能留心文字。是以今年鄉試十魁卷。特旨命徐本。福敏。方苞。楊超曾。四人覆閱。伊等毫未經心。漫無覺

察。亦著交部嚴察議奏。原叅一摺。發出。著原派之大臣。按款審訊。務在秉公辦理。得其實情。亦不必以朕降旨在先。有意迎合。○大學士馬齊。年老乞休。得旨。卿年八旬有餘。効力多年。著原品休致。○癸亥。

孝慈高皇后忌辰。遣官祭

福陵。

上詣

皇太后宮問安。○諭總理事務王大臣。西路軍需。從前岳鍾琪辦理之時。草率從事。於一切物件。定價太減。本不敷用。又因用兵日久。兵馬加增。以致物價日益昂貴。而甘涼肅等處尤甚。

皇考聖心軫念。欲周知地方情形。特命該處大臣。將米穀草豆時價。兩月一奏。交戶部軍需房。以備稽察。近年陝甘督撫等。奏銷軍需本章內。有照定價者。有照時價者。更有多於時價之外者。業經該部將不符定價各款。駁令

查核。朕思各案軍需。若槩照定價核銷。則官員不免受累。若但據承辦官開報。竟照時價准銷。恐地方有司。於開報時價之時。即預留餘步。以為冒銷之地。二者均非公平之道。現在奏銷案件。若不斟酌定價。則內部查核。既無準則。而外省奏報。亦無所適從。徒為文移往返。駁詰咨查。於事無益。其如何按照地方折中定價。斟酌合宜。俾官吏無賠累之苦。國帑無浮冒之弊。著總理事務王大臣會同九卿悉心確議具奏。其從前駁查案件。或竟照時價。或即照現議之折中定價。准其開銷之處。亦著一併議奏。再軍興以來。承辦官員。若有借稱軍需名色。派累百姓者。著該督撫即行嚴叅。重治其罪。若該督撫不據實叅奏。經朕訪聞。必將該督撫一併重處。以原任侍講開泰為翰林院編修。在批本處行走。召署河東鹽政孫嘉淦來京。以侍郎用。調原任按察使魏定國。喬學尹。原任御史謝濟世。

來京引見。甲子。

上詣雍和宮。

梓宮前供奠。諭總理事務王大臣甘省百姓連年輓運軍需。已蒙

皇考恩旨。將本年地丁錢糧全行蠲免。朕聞平涼府所屬廳州縣。並鞏昌府屬西固廳。慶陽府屬環縣。及寧夏府屬靈州之花馬池。石溝等堡。中衛之香山一帶。今歲收成稍歉。朕心軫念。著將各該處本年額徵本色糧石。緩至來年夏收後。該督撫看年歲光景。奏聞再行徵收。至於冬底明春。恐此歉收諸處。有乏食之百姓。著該督撫悉心確查。動用倉儲。借給米糧。務令餬口有資。不致失所。又聞固原。環縣等處之民。有移就鄰封營生者。著該地方官安插料理。至來年青黃不接之時。該督撫尤宜留心體察。善為撫卹。毋得疎忽。又諭鄂敏前因侍班時。驅逐王國棟。舉動遲緩革職。其過尚小。著賞復翰林院編修。在奏事處

學習行走○又諭方苞著在南書房行走現今南書房滿洲翰林甚少著大學士等於滿洲翰林內揀選學問優長老成諳練者數員帶領引見俟朕簡用○又諭

皇考几筵前祭奠之杯盤理宜敬謹收貯內管領海六十等乃竟疎忽將金盤遺失情殊可惡海六十積蘭泰翁鄂托著革職並將倉上人等一同交刑部會同總理事務王大臣等嚴審定擬具奏內務府總管丁皂保盛安係特行派往

雍和宮辦事之人並不嚴查屬員以致將金盤遺失甚屬不合丁皂保盛安交該部嚴察議奏再此事俱係內務府總管等平日並不嚴行約束疎忽所致著將莊親王及其餘內務府總管等俱交該部察議公訥親甫經辦理內務府總管事務著免其交部○乙丑

孝敬皇后忌辰遣官致祭○諭總理事務王大臣各直省叢林古刹所有齋田原為高僧梵修之地僧徒衆多借此以資香燈齋供之用

至歷年久遠其本寺僧徒及施主之子孫或私行變賣以致佛門祖庭常住無資是以

皇考曾降諭旨令地方官留意清查將現在之齋田查明登記冊檔不許售賣將來續置者亦報明地方官載入冊內並令該督撫等留意稽察此

皇考護持法教利益宗徒之盛心也但直省地方叢林古刹之外多有菴觀茶亭社廟淨室等項或築室數間隨緣施捨或應酬經費不事戒行若一概清查頭緒繁多不肖之人因而作奸必滋紛擾我

皇考聖鑒及此原欲降

旨申明未及頒發今朕仰承

先志詳繹

聖訓明白曉示著各地方官將叢林古刹之齋田應行清查者秉公清查編入冊籍禁止售賣並嚴禁胥役地保恐嚇索詐等弊其菴觀

茶亭社廟淨室等處。止令該住持將現在產業開明數目。自赴州縣呈明立案。官吏不必概行清查。以致生事之徒。借稱功令。互相告訐。擾累地方。著該部通行各直省督撫。轉飭所屬分晰辦理。實力遵行。倘有借端生事者。必重治其罪。○是月。署寧遠大將軍查郎阿等。遵旨覆奏。巴里坤。哈密。留屯兵一萬二千名。恐不敷堵禦防範。調遣之處。謹悉心酌議。與其止住進口之回兵。不若整頓挑派之戰。

兵。請先在肅州鎮標挑派二千名。甘省提標挑派三千名。涼州挑派四千名。西寧挑派四千名。寧夏挑派一千名。河州挑派五百名。固原挑派二千名。應需馬馱。除各兵原有牲口外。其不敷者。即於軍需馬馱內。各按兵數酌給。並於口外安西鎮標屬暫挑二千名。或猝有需用。則口外口內預備之兵。即可接續前往策應。得旨覽奏。具見公忠為國料理甚屬妥協。卿自辦理西路軍務以來。原蒙

皇考嘉獎。益當勉力。始終如一。方能不負。

知遇之恩也。○廣西巡撫金鉷奏。年穀順成。每米一石。價二錢三四分。至六七分不等。得旨。各省奏報收成分數。務期確實。勿以粵西路遠。而稍有粉飾也。○廣東潮州總兵官范毓。騎奏報嘉應州潮陽縣等處。於八月十六日。颶風陡作。沿海堤岸衝決。田禾被淹。城垣廬舍船隻。俱有損壞。得旨。被水民人。深可憫惻。可加意撫綏。毋令失所。並傳諭該督撫知之。○廣東巡撫楊永斌奏。報雨水糧價。及查辦潮陽等縣。被風情形。併新撫猺疆。均屬寧貼。得旨。督撫奏報秋成分數。務須據實直陳。不可絲毫粉飾。潮陽等處。被風船隻民房。可確查賑卹。新撫猺疆。及澳門夷人。務令鎮撫安貼。實力行之。勿徒見之章奏之間也。○浙閩總督郝玉麟奏。修築海塘情形。得旨。海塘工程。深厯

皇考聖懷。朕即位以來。更為憂念。特命大學士

嵇曾筠前往總統料理。卿可就近寄信相商。協同經畫。為一勞永逸之計。以慰朕望。又奏水師營兵丁徐明等。以差操事繁。暮夜至官署喊稟無狀。已發司審究。該管守備楊名標派撥不當。亦屬不合。但未便即行叅劾。致長刁風。得旨。兵丁恣肆。漸不可長。當嚴加懲治。以儆刁風。守備楊名標當察其居官何如。再定。廣東提督張漣奏報各屬雨水颶風情形。得旨。覽奏知道了。被水遭風損傷之人。口田廬船隻。俱應加意賑卹。不可怠忽。可傳朕旨與該督撫知之。福建建寧總兵官李蔭樾具奏建寧鎮三營息銀充裕。請倣立社倉。以濟兵食。得旨。辦理亦是。須實力行之。兩廣總督鄂彌達具奏查拏平樂縣亮橫滋事之獍民廖老大等。分別審辦。得旨。杖斃首惡。以儆餘黨。懾伏人心。辦理亦是。向後切須留意稽查。無得疎忽。直隸河道總督朱藻具奏河工情形。得旨。據奏整理北河事宜。已

悉。務在實力奉行。至摺內孑然孤立一語。甚屬錯謬。前已面諭矣。汝以孤立為憂。倘有所依附。觀望不更為可危乎。程家寨引河一事。知道了。廣東布政使薩哈諒具奏辦理稅羨情形。得旨。徵稅擾民之弊。朕深知之。看汝辦理情形。仍蹈苛刻之習矣。但朕特降寬大之旨者。原欲使百姓實沾恩澤。若汝等稽察不力。徒飽官吏之私。而百姓不被其惠。則汝等地方大員之罪。不可逭矣。將此旨並傳爾督撫知之。漕運總督顧琮奏請蠲免江南蘇松二府浮糧。又請禁關稅贏餘逐年加增陋習。得旨。所奏浮糧關稅二件。甚屬可嘉。汝未陳奏之先。朕早已洞悉。勅交王大臣密議。因國家經費。須當量入為出。通盤計算。兼之求治不可太速。一時未可輕舉。然汝奏與朕意。脗合。朕甚忻悅。覽焉。蘇州巡撫高其倬奏江陰縣地棍夏壽等糾夥至許墅關稅房肆行不法。飭屬嚴拏。究辦得旨。海保纔離任

而即有此事。汝尚有顏面乎。

皇考每以高其倬。魏廷珍並論謂皆有才而皆不實。心任事。汝母以今日為得計也。朕之心即

皇考之心。朕之賞罰豈與

皇考有異乎。土棍妄行。大干法紀。若再不能拏獲重懲。汝不能辭縱盜之大譴。且高其倬之柔奸。

皇考能姑容之。朕不能姑容也。勉之戒之。○又

奏收成分數。並查勘京口水府廟風潮沖坍。江岸隄工民房情形。得旨。被旱州縣雖係偏災。必須加意料理。以濟吾民之食。不可又蹈從前陋習。江岸沖坍之處。可與趙宏恩悉心商辦。不可怠忽。

大清高宗法天隆運至誠先覺體元立極敷文奮武孝慈神聖純皇帝實錄卷之三

大清高宗法天隆運至誠先覺體元立極敷文
奮武孝慈神聖純皇帝實錄卷之四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級 臣董誥內大臣戶部尚書鑲藍旗滿洲都統軍功紀錄五次

尋常紀錄十四次 臣德瑛經筵講官太子少保工部尚書紀錄六次 臣曹振鏞等奉

敕修

雍正十三年乙卯冬十月丙寅朔享

實錄卷四

太廟遣裕親王廣祿行禮 遣官祭

永陵

福陵

昭陵

昭西陵

孝陵

孝東陵

景陵

孝敬皇后

上詣

大高殿行禮 詣

壽皇殿行禮 頒乾隆元年時憲書 諭總理

事務王大臣我

皇考篤念怡賢親王公忠體國翼贊政治之勲

勞加恩於嗣子怡親王望其有所成就以繼

怡賢親王之遺緒今當讀書務學之時著再

揀選翰林官一員與林令旭一同課讀再誠

親王自幼蒙

實錄卷四

皇考慈愛令在宮中與朕兄弟同學讀書乃王

性耽安逸不知黽勉向學以副

皇考期望之意屢煩

聖心降

旨訓飭而王仍未悛改皆朕所親見者今朕仰

體

皇考愛弟之心何忍忽視著選派翰林官二員

為王師傅用心教導務令學業有成倘王仍

前怠惰當竭力規勸教誡之若勸誡不從即

奏聞於朕候朕降旨倘不能盡訓導之職又為王隱過朕必於該翰林是問 又諭今春據鄂爾多斯之扎薩克等呈稱伊等所種田禾未收請借托克托城寧夏等處倉米支給窮人食用等因經部奏准照伊等所請借給在案嗣因鄂爾多斯之貧乏蒙古等多有來口內就食者有典賣妻子者蒙我皇考洞鑒其情曲加體恤謂該扎薩克等何以豫先未曾奏請施恩

實錄卷四

三

特旨交地方官查明人數共二千餘口俱動正項錢糧贖回賞給本旗使其父子兄弟親戚相聚現在辦理夫鄂爾多斯之蒙古等皆久沐國家養育之恩世世竭誠奮勉効力疆場而數年以來派撥出征購買官畜押解護送等事行走亦甚屬勤勞出力殊為可憫今年借給鄂爾多斯貧乏蒙古之托克托城寧夏神木等處倉米俱著免其還補以仰副我皇考從前矜恤施恩之至意（定蒙古部落存

公罰項分賞有功之例諭曰舊例扎薩克蒙古等凡治罪俱照九數罰取牲畜存寄公處雍正十年

皇考特降

諭旨謂此項罰取牲畜與其存寄公處不若即交與該盟長扎薩克等于罪人名下照數追出賞給伊等旗內勤於公事出力報効之人曾交部議彼時因有軍務未及施行今軍務大概已定應遵照

實錄卷四

四

皇考原降

恩旨將罰取蒙古牲畜不必存寄公處交與該盟長扎薩克等照數追出務須秉公賞給實係勤勞報効之人以示勸懲著伊等將辦理之處仍行報部查覈（又諭自軍興以來各蒙古扎薩克王台吉及所屬人等均屬奮勉出力從前蒙古等協濟軍需供給駝馬牲畜俱經

皇考加恩按照官價賞給銀兩嗣因平郡王到

軍營後奏稱賞給供納牲畜價值伊等以為事同買賣轉於軍務不得盡心請停其給價暫記檔案俟事竣後加恩議敘等語蒙

皇考鑒其至誠深為嘉獎已依平郡王所奏行矣該內扎薩克蒙古喀爾喀王貝勒貝子公台吉等感戴

恩施益加踴躍協濟軍需駝馬羊隻牲畜甚多具見急公忱惓實屬可嘉今軍務大概已定自宜加恩獎勵著該部查明按其供給牲畜

平定集本四

五

多寡應如何分別加恩之處會同辦理軍機事務大臣等速議具奏又諭前因大兵進剿需用馬匹牲畜甚關緊要令於內扎薩克六盟地方購買蒙

皇考洞鑒恐特派大臣官員前往未免騷擾地方因再三

諄諭令御前蒙古王額駙台吉等會同該盟長扎薩克等比較常值加增購辦聽其願賣不許抑勒聞解送此項馬匹沿途多有倒斃且

將至庫倫伯勒齊爾地方未及歇息猝經軍營調取除選用外其餘馬匹仍令原解人等看守過冬傷損尤多復飭令該扎薩克等補足缺額解往嗣因停止進兵仍令撤回此項馬匹俱係動用正項錢糧購買以備軍需其未交納之前固應賠補但自軍興以來各蒙古等均屬奮勉効力出私馬以供官買協濟軍需殊可憐憫若將此項傷損馬匹俱令賠補恐該扎薩克等勒派所屬致有重徵無以

平定集本四

六

副

皇考惠愛蒙古之至意此項應賠馬匹數目著該部查明具奏免其賠補又諭四川口外裏塘巴塘等處土司番子及西寧所屬番眾部落人等自歸附內地以來甚屬恭順其供應差使及押運護送一切軍需餱糧等項竭誠効力殊為可憫前蒙

皇考俯念伊等誠謹曾經

獎諭施恩今朕繼承大統諸事俱遵

皇考之心而行著將此等番衆之貢豁免一年以示朕撫綏邊遠小民之至意 戶部議准四川巡撫楊紱疏請簡州新開鹽井一十三眼應照例增引徵稅從之 又議准雲南巡撫張允隨疏請鼓鑄運京制錢在廣西府設爐開鑄需用銅鉛工本脚費銀二十八萬七千餘兩暫於司庫封存銀內借支行令兩淮鹽政於續收鹽課銀內照數動撥解滇還款其錢上清文即篆寶雲字樣從之 兵部議

覆湖廣總督邁柱疏言添平等所土司覃慶永等六十員呈請改土歸流蒙恩賞給世襲職銜并准其隨營効用照例陞轉應將土千戶賞給千總職銜土百戶賞給把總職銜永遠承襲如有年力精壯願隨差操者准其照銜食俸一體陞轉從之 命副將軍常德前赴北路軍營協同慶復辦事 丁卯

上詣雍和宮
梓宮前供奠 詣

皇太后宮問安 申禁各省貢獻諭總理事務王大臣曰朕前降旨三年之內不准各省督撫進獻土產若有進獻

皇考之物已在途次者准其進呈昨江南總督趙宏恩貢獻食物器具乃八月中旬齋發在龍馭上賓之先朕不忍遣回謹留為

几筵陳設之用恐他省不知情由特行曉諭嗣後凡有進朕之物即齋送到京奏事官員亦不准接受轉奏俟三年之後朕再降旨朕仰

承

聖祖

皇考福蔭凡服御器用之屬何一不備取之宮中而有餘正不待四方之入貢也在諸臣各懷尊君親上之心固欲藉物產以伸其誠敬然此貢獻之物豈能自備於家而不取資於民力乎是朕多受一次貢獻即諸臣多費一次經營諸臣多費一次經營即百姓多費一次供應朕實不忍以無益之方物重煩吾民

也諸臣果有愛戴之誠心惟當體朕子惠元元之意凡一絲一粟皆思為人民留其有餘使之家給人足則勝於朕之身受矣飭外臣各以實政陳奏諭曰近見直省督撫提鎮及藩臬等摺奏或勸朕節哀或請叩謁

梓宮奉差在外大臣又有具摺請安並無陳奏之事者夫創鉅痛深中情所發雖欲自遏而其道無由豈疎逖之臣可以空言相止者乎若夫毀不滅性經有明文記稱武王達孝乃

在善繼善述朕受

皇考付託之重荷

列聖丕基自當為天下慎保此身亦無俟諸臣之勸勉也先王之禮甸服者日祭侯服者月祀以其地至近本各有職事於王朝今以四海九州之遠乃欲置封疆民社而叩謁

梓宮無乃明知其不可而姑漫言以自表歟朕蒞政之初諸臣自宜各陳其職事及吏疵民瘼有裨於實政者而蹈常襲故崇飾虛文朕

何望焉至於具摺請安並無陳奏之事則雖有忠愛之忱而實未知朕之心也元后作民父母故古先聖王日昃不遑暇食用誠和萬民以安之也必天下之民舉安而後朕之心安而後朕之身安使人君而惟務一身之安則天下之民必有不得其安者矣夫親民之吏催科不擾刑罰必中水旱無壅奸蠹必除所以安一州一縣之民也由守牧監司以至督撫進循良斥貪暴毋通貨賄毋聽請囑毋好讒諂毋惡耿直所屬羣吏果有實德於民必愛惜曲成使得行其志所以安連州比郡通省之民也小大戎臣能固封守恤士卒軫其饑寒均其勞役所以安行伍之民也諸臣信能朝夕孜孜職思其居以安天下之民則所以安朕之心安朕之身者實效具見朕必嘉其忠誠繁文末節非所尚也朕所望於諸臣者惟在實心輔成治化自今以後凡無關於政事之實者不必具摺具本陳奏禁在

任守制諭曰父母之恩昊天罔極而喪禮以三年為斷者所以節仁人孝子之哀而使有所極也三年之喪猶不能終則百行皆無其本矣魯公禽父衰經而即戎孔子以為有為為之也古者諸侯之大夫士雖有既葬而服國事之禮然古之仕者不出其鄉殯殮皆親窆窆既營雖使經而即事義尚可安也今之仕宦近者猶數百里舍殮不知宅兆未卜而晏然於官所情能自己乎往者道府以上要缺間有督撫保題在任守制而

特旨從之者其後遂習為故常并及州縣微員其中有平日督撫所親信而欲留者有竟自願留者有多方營求以得之者而不得者且用為恥夫事親孝故忠可移於君使其人本仁孝而強奪其情則儼然不能終日必至愴怳昏迷廢弛公事若以為安則忍戾貪冒之人也國家安所用之而所治士民亦安能服其政教乎自後必其地其任其事其時決不

可少是人而無能相代者乃准保題以憑核奪餘俱停止永著為例又諭總理事務王大臣辦理苗疆事務王大臣黔省逆苗不法地方文武官弁不能先事預防及苗衆猖獗用兵征勦而領兵大員又復各持已見不能和衷共濟加以張照舉動乖張妄行調遣以致辦理失宜用兵數月仍無頭緒朕心甚為憂慮因湖廣總督張廣泗才品優長且從前久任苗疆諸事熟練是以命其前往代張照之任今思用兵關繫緊要事權若不歸一難以早奏膚功張廣泗著授為經畧自揚威將軍哈元生副將軍董芳以下俱聽張廣泗節制調遣所有經畧印信著該部速行鑄就遣官賫送軍營又諭黔省逆苗不法擾害地方深厯

皇考聖懷憂勞倍切乃用兵許久諸事尚未就緒在事諸臣則懼責而未免有所掩飾隣省諸臣又喜事而或張大其詞均非地方實在

情形也。至於封章上達，朕發交廷議，再裁酌降旨。而數千里外之揣度，豈能切中本地機宜？絲毫不爽，兼之一摺批發，而觀望者羣起而窺伺之。以為上意如此，勉強遷就，轉致事務紛更，難於奏績。朕計慮及此，是以不便頻降諭旨，指示方畧。而至於憂念苗疆，則未嘗一刻去諸懷也。所望在事諸臣，盡屏私心，視公事如己事，竭誠辦理，並將確實情形入告於朕，不事掩飾。候朕降旨裁奪。至於隣省大臣，尤當休戚相關，勿存喜事之心，勿為將來邀功之地。誠心助理，據實奏聞。如此方不愧人臣公忠之道。而公事亦易於觀成矣。可密諭黔省在事大臣及隣省督撫等共知之。多羅履郡王允禔帶領衍聖公孔廣榮引見。諭曰：

至聖先師功在萬世。我

皇考尊師重道，備極敬誠。典禮之隆，超越往古。爾為後裔，當躬行實踐，勤學讀書，勉為聖賢。

以仰承先澤。凡爾子姓兄弟，雖親疎不一，姿稟或殊，然遠溯尼山，要皆聖人之後，不可自待。非薄務期交相砥礪，立志端方，使天下儒風有所宗仰，遵家訓即所以報國恩也。朕實有厚望焉。吏部題大學士張廷玉恩賞世襲一等輕車都尉，并前所得一等輕車都尉照例歸併，授為三等子。仍與伊長子張若靄承襲。從之。以詹事府少詹事王蘭生為內閣學士兼禮部侍郎。命翰林院侍講嵩壽庶吉士介福鄂容安在南書房行走。戊辰諭總理事務王大臣大學士鄂爾泰等奏請纂修

皇考世宗憲皇帝實錄。朕思記事之文，務期確實，方可信今傳後。我

皇考臨御以來，敬

天法

祖，勤政愛民，立極陳常，德洋恩溥。一切顯謨彝訓，皆出實心實政，不尚虛文。茲當編纂之時，

惟在敬謹繹思據實紀載不必沿襲史氏繁詞徒作鋪張揚厲之體至於

皇考十三年中整綱飭紀事事極其周詳覺世牖民言言可為典則為臣子者自當慎重考核編述詳明期於

聖德神功廣大悉備庶可昭垂簡冊傳示萬年其條例款項及監修總裁等應用人員并一切開館事宜總理事務王大臣詳議具奏

刑部侍郎王紘年老乞休得旨王紘以年屆七旬難勝刑部繁劇之任懇請致仕朕念伊係

皇考簡用舊人事簡之部尚可辦理著勵宗萬以禮部侍郎管刑部侍郎事王紘以刑部侍郎管禮部侍郎事禮部議准河東總督王士俊等疏請新改陳許二府新設淮寧石梁二縣酌定學額應照例陳許二府學取進文武童生各二十名淮寧石梁二縣學取進文武童生各十五名從之已巳

上詣雍和宮

梓宮前供奠兵部議准兩廣總督鄂彌達疏言廣西柳州城守營兵少差繁請撥提標中營存城兵一百二十名將右哨千總改為把總添入柳州城守營其中營所轄通道汛千總改為提標中營右哨千總仍駐通道汛防守從之命果親王允禮總理宗人府事務履郡王允禔管理宗人府事務轉工部右侍郎王鈞為左侍郎以詹事府詹事張廷琰為工部右侍郎庚午禮部會同總理事務王大臣內閣翰林院擬定恭上

皇太后尊號曰

崇慶皇太后得旨是依議戶部議覆蘇州巡撫高其倬疏請清釐坍漲蘆洲田地以除積弊應如所請限六個月將各屬現長蘆葦之地據實查丈歸足課額餘地照則起科併將已經墾熟之蘆洲接連漕田之新漲照例轉科報陞其實在坍缺地畝查取冊結保題豁

除此後續有坍漲隨時勘丈毋致久延滋弊至屆五年丈量之期仍照例委員確勘不實者指叅如有從前隱漲捏坍并以漕報蘆等弊許於查丈之前一一指首免追從前糧賦其公佔田地如開河築堤營房及水衝沙積荒廢山田從前或有未經開除及捏報之處均令照例自行首報俟勘丈竣後即行改正仍嚴飭各員依限辦理報部查核從之○命暫管禮部事務履郡王允禩管理禮部事務

○命工部侍郎張廷瑑兼辦起居注事務○轉禮部右侍郎鍾保為左侍郎以署侍郎內閣侍讀學士木和林為禮部右侍郎○轉刑部右侍郎申珠渾為左侍郎以內閣學士徐元夢為刑部右侍郎○召原任尚書涂天相原任侍郎陳守創原任侍講李清植原任編修徐用錫赴部引見 辛未

上詣雍和宮

梓宮前供奠 詣

皇太后宮問安 嚴禁地方官匿災諭曰洪範庶徵凡雨暘之愆和關人事之得失所以著感應之理使修人事然水旱之災雖堯湯不能免惟有勤恤民隱竭力補救可以化災沴而成太和總在積至誠以昭假不可萌一念之欺罔也督撫身任封疆重寄奏報收成分數乃關繫地方民命必確實無欺始得議行蠲賑以甦民困朕平日留心此事見各省陳報收成分數或有只據一方豐收數目為定雨水過多之處以高阜所收為準亢旱時有之年以低下所獲為準並不分析某處豐收某處歉獲其意祇圖粉飾以邀感召和氣之名而不知即此一念欺罔已為獲罪於民獲罪於君而獲罪於

天矣夫至誠格

天乃聖人體信達順參贊化育之事爾等督撫即使辦理妥協亦不過仰承

皇考聖訓遵循罔越豈得因年歲之豐阜貪

天之功為已功乎若歲豐可引為已功則必歲歉懼為已罪捏報豐收不恤民艱使饑凍流亡之慘不得上聞蠲免賑恤之恩不得下逮職思其故誰為厲階清夜捫心何以自問且朕體

皇考敬

天勤民之意膺君國子民之任豈肯姑貸此等督撫以為民害耶嗣後務各警醒所奏報各地方收穫分數不得絲毫假飾以干重戾嚴禁地方官諱盜諭曰督撫身任封疆之寄凡一切事宜俱應據實辦理而嚴緝盜賊所以寧輯地方尤關緊要夫盜賊豈能盡絕在地方官查拏嚴密使犯者無所逃隱然後未犯者始可望其畏法而改行所慮督撫昏憤柔靡不能覺察不肖州縣官希圖脫免處分隱諱盜案督撫受其蒙蔽以為某州某縣絕少盜賊而不知盜賊方竊發而未已也更有督撫存心狡詭弋取寧謐美名不恤民生之

失所轉喻意屬員使之彌縫盜案而地方官稟承其意每於踏看時窮詰事主鉤致隱微或誣以家賊或坐以妄報使失事之家不得不懇求銷案是不惟受盜劫之慘而更遭官刑之辱但有一二案如此則呈報被盜之累通省皆知人各惴懼吞忍不報終歲之間名為無盜而不知縱盜殃民正使繼起者橫行而無所忌朕深悉此弊殊為切齒倘或仍有此等喪失良心之督撫斷不姑貸以貽民害其地方不肖有司有拖累事主希圖諱匿者督撫若不即行指叅經朕訪聞亦必從重處分又諭據李禧奏稱在京漢軍兵丁可否照官員之例遇有喪事准借四個月錢糧或懇格外施恩賞給資生銀兩等語王大臣等奏稱現奉諭旨令為八旗籌議恒產為兵丁久遠之計漢軍兵丁本應一并入議今李禧諸事敗露且將密奏之件宣揚於外欲以市恩其所奏姑且不必施行等語朕思天下事

只論其應行與否不必論其為何人所奏也李禧劣蹟雖已敗露其人甚屬可惡而其言未必一無可採此魯論所謂不以人廢言也至於以示恩歸咎臣下朕不為也何則條陳在臣下而允行則出朕旨臣下之承流宣化即朕之恩施臣民也若臣下恐居市恩之名而將應行之事格而不行以致膏澤不能下逮朕實不忍推而廣之臣下之功即朕之功臣下之過即朕之過朕斷不肯以功過歸臣下也即如各省之豐歉水旱其所以感

天和而致天戒者亦惟在朕躬朕之此心實可以對

上天

皇考惟願諸臣屏去私心緝熙百度直陳無隱以副朕望其賞給漢軍兵丁生息一事朕原與王大臣等商酌次第舉行者豈可因李禧陳奏而中止著交該部定議并將此旨曉諭中外臣工知之 又諭徐元夢以年老衰邁

不能辦理刑名事件懇辭刑部侍郎之任徐元夢著調補禮部侍郎其刑部侍郎員缺著木和林調補 朝鮮國王李昫具奏審擬擅入內地搶劫人參之國人等並進方物得旨該部議奏其進獻禮物停其收受仍著存留准作年貢 又朝鮮國王李昫以寬免處分具表謝恩得旨覽王奏謝知道了所進謝恩儀物准作正貢 以吏部左侍郎任蘭枝為禮部尚書 壬申諭總理事務王大臣據果親王密奏江南等省漕項蘆課及學租雜稅等銀亦係雍正十二年以前之民欠似可照例豁免特行請旨等語朕思此等欠項實係應免者果親王分晰詳明據實陳奏甚屬可嘉著全行豁免並令嗣後遇有恩詔俱將各項入於豁免之內永著為令果親王秉性忠直辦理部務悉本公心是以蒙

皇考深加優獎推誠信任而王亦不屑以寬慈邀譽是以外間或有嚴厲之疑皆不知王之

居心者又或有司員奉行不善之處亦未可定實與王無預今觀密奏蠲免漕蘆等項舊欠一摺則王存心寬厚辦事公明即此可見著將原奏及朕此旨宣示九卿等共知之又諭國家圖治以得人為先故以人事君者人臣之大義雖出於至公尚恐無知人之明況叅以私意乎向來薦剡多屬夤緣朕深悉其弊今番特令諸臣各行保舉惟冀痛洗積習以展丹忱據陳樹萱奏保鹽大使陳樹芳係伊族弟又保優貢生陳長鎮詢之亦係伊同族殊可怪歎夫內舉不避必自處實屬祁奚而為所舉者實屬祁午而後可試問陳樹萱為人果足以比祁奚而所舉之陳樹芳等果足以方祁午耶且陳樹萱生平所知廷臣外寮豈竟無一二人足膺保舉而必於族黨中求之耶陳樹萱向係卑鄙鑽營之流人人共知往年告假回籍生事不法曾干重戾為督撫所嚴叅

皇考念係陳鵬年之子格外寬宥姑留侍郎之任理合悔罪更新以贖前愆乃朕臨御之初輒敢如此妄奏既欲便己之私又欲博內舉不避之美名則其居心巧詐全未悛改可知著革戶部侍郎任仍帶侍郎銜前往奉天辦理

福陵工程如果殫心竭力承辦妥協朕另降諭旨○又諭臣僚軍民均宜一體施恩共沾德意但國家經費有常必通盤計算方可舉行故施之有後先而行之有次第今據陳樹萱奏稱六部滿漢郎中以下官員請酌增俸銀及得缺之同知以下知縣以上各官無力赴任者請在京豫支養廉等語夫內外臣工用度不敷深宜體恤此朕早已籌及之事但現今八旗人等貧窘者不少朕日與王大臣等悉心籌畫思所以贍足之道而各省逋欠甚多民力艱難殊宜寬恤故必恩膏先及於內之八旗兵丁暨直省之百姓而後可加於

臣工蓋以臣工現受祿糈雖未必充裕而較之兵民猶屬可支事尚可緩然不將此旨宣揚於外陳樹萱存心卑鄙欲市美名必將以朕為膜視臣工者特行宣諭令內外諸臣共知朕意又諭雍正元年

皇考曾降諭旨令各部院堂官於滿漢司官十人內保舉一等人二等人列名具奏其筆帖式亦酌量保舉今朕即位之初著仿照前例令各部院堂官於滿漢司官及筆帖式內保舉分別一二等彙摺具奏應如何引見之處著總理事務王大臣議奏又諭黔省苗疆用兵日久目今天氣寒冷兵丁等効力勤苦著將黔省派調各兵及雲南湖廣廣東廣西四川等省協勦應援之兵俱各賞給一月餉銀以為製備寒衣之用○總理事務王大臣議准定邊大將軍平郡王福彭奏鄂爾昆建城周一千八十丈四面開三門城內外俱濬壕引水南門內設銀庫米倉收貯軍器

等房及兵丁房共二百五十八間北門內設土臺一撥滿洲蒙古綠旗兵五千七百六十八名工作人照烏里雅蘇台築城之例支給羊隻銀兩營總等官賞給緞疋有差出眾効力者加賞銀牌從之轉吏部右侍郎邵基為左侍郎以原任侍郎署河東鹽政孫嘉淦為吏部右侍郎命太常寺少卿汪由敦兼翰林院起居注行走癸酉

上詣雍和宮

梓宮前供奠○詣

皇太后宮問安○命八旗都統察舉孝廉方正諭總理事務王大臣曰周官以六德六行六藝教萬民而賓興之而黨正之所教族師問胥之所書皆以六行為本師氏保氏以三德三行六藝教國子而德亦以孝為先蓋德蘊於中藝之敏鈍隨其材惟行則徵實積久不可掩飾而孝弟又百行之根源也朕即位之初頒布恩詔即令直省府州縣衛察舉孝廉

方正暫賜六品頂帶以備召用。因念八旗根本之地尤宜敦尚實行以爲天下倡。諸叅領佐領各考察所屬人士孝弟端方歷久不急者詳列實行申報都統都統實心核驗擇其德行才識俱優者切具考語送部引見。即樸實拘謹無他藝能亦題請旌表賜以頂帶榮身。至前詔直省所舉孝廉方正擇其尤者亦送部引見。夫十室之邑必有忠信三人並行厥有我師豈得漫言所領州郡竟無其人亦不得冒濫以輕名器。又諭江南江西湖廣等省正供錢糧款內有蘆課一項凡蘆洲俱係沿江沙灘坍漲靡定是以定例五年一丈量令地方官踏勘新舊坍漲沙地據實報聞而不肖官吏往往借此納賄行私已坍之地不得豁除正賦新漲之區反可脫漏陞科此種積弊甚爲民害嗣後屆期丈量著該督撫於通省道員內選廉能夙著者率同該州縣官履畝清查凡有贏縮俱按現在實數陞除

毋使漏課亦毋使賠糧其不肖官吏或尚有借端需索等弊即行指名叅處不得姑容徇庇自干咎戾。又諭阿其那塞思黑存心悖亂不孝不忠獲罪於我

皇祖聖祖仁皇帝我

皇考即位之後二人更心懷怨望思亂宗社是以

皇考特降諭旨削籍離宗究之二人之罪不止於此此我

皇考至仁至厚之寬典也但阿其那塞思黑孽由自作萬無可矜而其子若孫實

聖祖仁皇帝之支派也若俱屏除宗牒之外則將來子孫與庶民無異當初辦理此事乃諸王大臣再三固請實非我

皇考本意其作何辦理之處著諸王滿漢文武大臣翰詹科道各抒已見確議具奏其中若有兩議三議者亦准陳奏。又諭曾靜大逆不道雖置之極典不足蔽其辜乃我

皇考聖度如天曲加寬宥夫曾靜之罪不減於
呂留良而我

皇考於呂留良則明正典刑於曾靜則屏棄法
外者以留良謗議及於

皇祖而曾靜止及於

聖躬也今朕紹承大統當遵

皇考辦理呂留良案之例明正曾靜之罪誅叛
逆之渠魁洩臣民之公憤著湖廣督撫將曾

靜張熙即行鎖拏遴選幹員解京候審毋得

疎縱洩漏其嫡屬交與地方官嚴行看守候

旨 緩徵浙江遂安宣平二縣被旱錢糧仙

居東陽永康永嘉縉雲等五縣被水錢糧

加左都御史福敏為太子太保贈禮部侍郎

蔡世遠為禮部尚書 甲戌諭總理事務王

大臣治天下之道貴得其中故寬則糾之以

猛猛則濟之以寬而記稱一張一弛為文武

之道凡以求協乎中非可以矯枉過正也

皇祖聖祖仁皇帝深仁厚澤垂六十年休養生

息民物恬熙循是以往恐有過寬之弊我

皇考紹承大統振飭紀綱俾吏治澄清庶事釐

正人知畏法遠罪而不敢萌徼倖之心此

皇考之因時更化所以導之於至中而整肅官

方無非惠愛斯民之至意也

皇考嘗以朕為賦性寬緩屢教誡之朕仰承

聖訓深用警惕茲當御極之初時時以

皇考之心為心即以

皇考之政為政惟思剛柔相濟不競不綏以臻

平康正直之治夫整飭之與嚴厲寬大之與

廢弛相似而實不同朕之所謂寬者如兵丁

之宜存恤百姓之宜惠保而非謂罪惡之可

以悉赦刑罰之可以姑縱與庶政之可以怠

荒而弗理也朕觀近日王大臣等所辦事務

頗有遲延疎縱之處想以朕寬大居心諸臣

辦理可以無事於整飭耶此則不諒朕心而

與朕用寬之意相左矣夫經世理物貴乎君

臣惟日孜孜交勉不逮朕主於寬而諸王大

臣嚴明振作以輔朕之寬夫然後政和事理
俾朕可以常用其寬而收寬之效此則諸臣
贊助之功也倘不能如是恐相習日久必至
人心玩愒事務廢弛激朕有不得不嚴之勢
此不惟臣工之不幸抑亦天下之不幸更即
朕之不幸矣朕與王大臣同辦國家政事實
為一體爰開誠布公將計慮所及特行曉諭
期於共相勉勗以防將來之流弊兵部議
准雲貴總督尹繼善疏言邊地界連外域山
深箐密蠢頑聚處乘此蕩平之後固應如意
撫綏尤當詳籌防範因地制宜以為一勞永
逸之計一駐防攸樂之普洱鎮標右營遊擊
應移駐思茅統兵防守駐劄攸樂之普洱府
同知亦應移駐思茅即改為思茅同知其原
駐思茅之普洱府通判應裁一普洱府應添
設知縣一員典史一員一普洱鎮三營每營
應添兵一百名其中左右三營原設各小汛
徹歸大營仍酌撥備弁帶兵駐防通關哨等

汛餘兵令遊擊帶同千把總等官隨總兵駐
普城又鎮沅府城應撥原駐威遠之左營遊
擊帶領弁兵駐劄酌撥弁兵駐防恩樂等汛
又威遠地方應撥左營守備帶領弁兵駐防
內抽弁兵分駐抱母井其左營原貼攸樂兵
丁令千總等官帶領隨總兵駐普城又思茅
地方應撥右營弁兵令遊擊帶領駐劄其普
藤猛旺茶山直抵九龍江一路令各該土弁
沿途設立土塘傳遞公文酌撥弁兵駐防班
鳩坡餘兵令備弁等帶領隨總兵駐普城仍
令各營汛備弁每月撥兵於連界各路會哨
一次一宣慰司刁紹文之母刁氏與土弁刁
細悶納堵勦有功刁氏應照例給封刁細悶
納應給與土守備職銜并隨征出力之普藤
土千總刁猛比等分別給與職銜及倚邦土
弁曹當齋等俱令分管地方仍以土目管土
人流官管土目一普洱府向係土城應行改
建石城其思茅鎮沅二城亦應修葺并於思

城添設砲臺一思茅茶山責成文武互相稽
查嚴禁官員販茶圖利以及兵役入山滋擾
一攸樂一帶地處邊瘴四井夷竈產鹽較少
夷民生計不贍應將鹽課銀兩照數豁除一
元江所屬善政里猪山者鬼布林腊猛三鄉
上下猛獐猛松左戛及惠遠里之磨舖薩等
寨應改歸普洱管轄元江所屬惠遠里之西
薩猛列地方應改歸威遠管轄鎮沅所屬之
壩朗壩木壩癡三寨應改歸元江管轄以便
就近稽查一威遠地方應改歸鎮沅府管轄
其原設之撫夷同知改為鎮沅府分防威遠
撫夷同知一切刑名錢穀事務照大關同知
之例仍令辦理其原設威遠經歷改為鎮沅
府知事仍隨同知駐劄威遠其威遠向附元
江之生童俱令入鎮沅府學考試鎮沅府屬
之新撫地方應添設巡檢一員即名新撫司
巡檢一元江營應裁之遊擊改為叅將添設
守備一員把總外委把總各二員馬步兵四

百名分為左右二軍仍屬臨元鎮管轄令左
軍守備帶領弁兵隨叅將駐元江府城撥右
軍守備帶領弁兵與他郎通判同城駐劄酌
撥弁兵防守阿墨江口等處並令不時撥兵
於壩罕一帶遊巡稽查一新甯營應添馬步
兵二百名添設把總外委把總各二員同原
設把總分為頭二三司仍屬臨元鎮管轄以
叅將帶領備弁兵丁駐劄新平縣城酌撥弁
兵駐防脚底母等處其原防甯甯縣弁兵照
舊防守又撥弁兵駐防塔竜等汛均照地界
按期巡哨一元江新平各村寨均屬內地一
切稽查約束事務俱令地方官管理其土備
弁目聽地方官差遣調用如果安分効力具
報分別獎賞原設漢捕六名應令裁革一調
用土練以地方文武會銜印牌為憑不許土
目擅自私調如有不遵照擅調官軍律治罪
一石屏州之寶秀地方應建土城一座於扼
要之區設立砲臺酌撥砲位仍令臨元鎮撥

兵同原防兵丁以千總等官帶領駐防原防之把總應行撤回以上添設文武官員并應鑄給印信修建衙署酌定縣名從之○調工部尚書徐本為刑部尚書以原任尚書涂天相為工部尚書○乙亥

上詣雍和宮

梓宮前供奠○詣

皇太后宮問安○予丁憂官員封典諭總理事務王大臣曰朕登極恩詔內凡內外滿漢官員自一品以至九品均予封贈所以錫類敷恩遂臣子顯揚之願勵移孝作忠之風也查舊例丁憂人員不得均邀封典朕思丁憂之員乃恪遵朝廷定制自盡其為子之情與廢斥在家告假回籍者不同況在任守制者俱得一體沾恩而丁憂之員反不得邀恩以榮顯其親情既可憫而理亦未協著該部查明伊等原官品級一併給與封典以成孝思○飭督撫不得濫請題調州縣諭曰直省州縣

有沿河沿海衝繁疲難要缺舊例准該督撫題請調補其餘悉歸吏部銓選乃近日各直省督撫題請調補者甚多有並非應行題請之缺亦一概題請朕思調補一事該督撫豈能盡出於至公即令至公而取舍豈能悉衷於至當且督撫一人之耳目安能周知通省之屬員勢不能不寄耳目於他人既寄耳目於他人則營求請託之弊均不能免即督撫不以他人之耳目為憑而一己之好尚亦易以啟屬員之迎合喜諂媚者以阿諛見容喜才能者以紛更干進在督撫以為得人不知已默受屬員之欺而於地方全無裨益也況政治必歷久而後諳銓選必按例而無弊若外省州縣員缺不論其有無緊要及題請合例與否而概從外省調補則地方官員既遷徙靡定而吏治民情未能熟悉其在部候選之官終年不得員缺而至於壅滯皆流弊所必至者嗣後各直省督撫務遵定例除沿河

沿海衝繁疲難要缺仍准題請調補外其餘俱歸部選不得濫行題請倘要缺之外實有人地相宜必須題請調補者務將必須調補之處聲明本內以憑核奪。禁虛報開墾諭曰各直省勸令開闢荒地以廣種作以資食用俾無曠土游民原係良法美意然必該督撫董率所屬官吏實力奉行毫無粉飾俾地方實有墾闢之田民間實受耕獲之利以此造報陞科方於國計民生有所裨益乃朕見各直省督撫題報開墾者紛紛不一至於河南一省所報畝數尤多而閩省繼之經朕訪察其中多有未實或由督撫欲以廣墾見長或由地方有司官欲以陞科之多迎合上司之意而其實并未開墾不過將陞科錢糧飛灑於現在地畝之中名為開荒而實則加賦非徒無益於地方而并貽害於百姓也嗣後各該督撫宜仰體

皇考愛民至意誠心辦理凡造報開墾畝數務

必詳加查核實係墾荒然後具奏不得絲毫假飾以滋閭閻之擾累若不痛洗積弊仍蹈前轍經朕訪聞必從重處分不稍姑貸。命查罪黜之宗室覺羅附載玉牒諭曰向來宗室覺羅中有因罪革退名號并其子孫除去玉牒不准載入者

皇祖聖祖仁皇帝恐伊等子孫年遠湮沒與庶民無別於康熙五十二年

特諭宗人府查明分賜紅帶紫帶附載玉牒之末仍註明其祖父獲罪情由此誠

皇祖加恩宗潢仁至義盡之盛軌也朕思今宗室覺羅中尚有因罪革退之人著宗人府遵照前例逐一查明將分賜紅帶紫帶附載玉牒之處酌議具奏。命豫籌邊備諭總理事務王大臣等曰乃者因準噶爾遣使乞和故令北路大兵撤回駐鄂爾昆其許準噶爾乞和之事雖尚未定朕意以為和與不和總無關係惟在我籌辦協宜計及久遠耳蓋大兵

之興原欲保護喀爾喀等若曠日持久我兵屯駐之地悉喀爾喀之地一切需用牲畜及游牧行走不免有害於喀爾喀之生計既於喀爾喀等無益而糜費國帑勞瘁兵力常在極邊屯駐亦非國家之長計遠慮且戍守之處太遠仍屬無濟當量其近邊要害之地以鎮守之縱使準噶爾賊寇復萌侵擾喀爾喀之意但越阿爾台嶺遠行數千里兵寡力微豈能獲利如欲大集其衆而來近者自額爾得尼招大創之後銳氣已折又歷年經我兩路大兵拒截人馬傷殘亦安能一時遽為整理其外況有哈薩克布魯特與之構難設不自顧悉其游牧以全力深入我境斷不能獲利何以旋歸耶然在我惟當嚴為之備雖賊寇潛窺不使得逞必令負創而還則自知震讐邊境可以永固於蒙古生計與我之兵力國帑俱受其益至於辦理之道戍兵宜於何處駐劄喀爾喀內札薩克游牧之地宜如何

守護卡倫如何安設糧餉如何辦運均俟平郡王到日會同總理事務王大臣及傳鼎等詳悉確議具奏事雖未定而先事裁審則條理精詳其於久遠之計庶幾有裨○諭兵部順天武鄉試正副考官向例止開列編檢職銜嗣後著將開坊翰林官一併開列○以賞給侍郎銜管戶部三庫事李紱為戶部左侍郎仍管庫務○召翰林院庶吉士雷鉉來京引見○調天津鹽道蔣國祥天津府知府李梅賓赴部引見○丙子命辦理旗務宜遵舊制諭總理事務王大臣曰我朝滿洲風俗樸實忠誠其尊君親上守法奉公皆出乎天性無一毫勉強至於一切號令馬上指麾頃刻而定該管官長之言屬下無敢違越不待三令五申之繁也近今八旗大臣官員辦理旗務往往倣效部院外省之例每奏一事必將上司交查及各員遞行稟報之處逐一繕寫陳奏且事事立案自都統副都統及叅佐領

官以下人各畫押以致一事輒有數稿且一旗細微之事轉傳八旗徒博八旗畫一之名而不知繁擾已甚夫八旗大臣官員俱係武職查考條例裁定章程原非伊等素所練習而繕寫掌稿等事俱係領催披甲之人伊等不知規條仍多舛謬若旗務照此辦理將來必漸染漢習而滿洲舊時淳樸之風漸致湮沒徒增事款頭緒紛繁自大臣官員以及領催人等勿忙竭蹶日不暇給虛耗心力毫無裨益此非我

皇考整飭旗務董正臣工之本意皆大臣等奉行失宜之所致也夫為國家者譬之造器樸素渾堅外雖無文而用之經久若雕飾精巧雖玩之華美而易於隳壞滿洲舊時風俗甚善今但當儀式先民敦崇樸實一切事件總理大綱教兵丁以忠信恤旗衆之艱難若徒事敷衍留意虛文而無濟於實用則非辦理旗務之道也著傳諭八旗大臣嗣後當恪遵

舊制從簡從易以期實效不可妄事更張徒滋紛擾○又諭殷札納伊禮布互叅一案俱係微小之事且大半虛誣不實不過彼此不睦妄行捏陷甚為惡習本朝滿洲風俗淳厚實有善則相勸過則相規之意無此等互相排擠之風數年以來軍前大臣中如馬蘭泰等俱懷挾私心彼此誣陷捏造毫無影響之事具摺叅奏此風斷不可長著徧諭內外大臣官員務須痛改此習不得仍蹈前轍若再不改除不但有玷滿洲顏面且敗壞滿洲美習其罪不可言矣凡為臣下者固不可邀結黨援營私作弊亦不可同辦一事各懷異心但能屏除私意共矢公忠知尊君親上之大義寧有彼此不相和睦者乎倘同事而異心於公事必致貽誤國家何所倚賴今殷札納伊禮布互叅之案既經總理事務王大臣援赦議免著依議免其處分將來仍有似此者定行審明按律處治不稍寬貸○諭內務府

總管太監等尊卑有一定之體統上下有不易之禮儀自宜循分遵行豈容稍有僭越太監等乃鄉野愚民至微極賤得入宮闈叨賜品秩已屬非分隆恩况朕八旗滿漢舊人甚多豈盡得如太監等日覲天顏出入內廷乎爾等當自揣分量敬謹小心常懷畏懼庶幾永受皇恩得免罪戾凡諸王大臣皆國家屏藩輔翊之人爾等尋常接見自應恭謹盡禮豈得與奉旨宣諭時一樣舉止乎至內廷阿哥等我朝舊制無論王公大臣俱行跪見請安之禮惟有親伯叔行乃免跪見至尊重也何況爾等微末太監諺云一歲主百歲奴上下之分秩然豈得以阿哥等年尚冲幼遂爾怠忽耶即如蘇培盛乃一愚昧無知人耳得蒙

皇考加恩授為宮殿監督領侍賞賜四品官職非分已極乃伊不知惶愧感恩竟敢肆行狂妄向日於朕弟兄前或半跪請安或執手問

詢甚至莊親王並坐接談毫無禮節莊親王總管內務府事務凡內廷大小太監均屬統轄而蘇培盛即目無內務府獨不思莊親王乃

聖祖仁皇帝之子

大行皇帝之弟乎昔者塞思黑之子弘晷呼魏珠為伯父

皇考曾嚴切教訓此風不可長也前朕與和親王等在九州清晏瞻禮時值蘇培盛等在彼飲饌伊等不但不行迴避且復延坐共食而阿哥等亦有貪其口腹與之同餐者朕躬後至稍坐而出嗣是朕即不復在九州清晏用飯夫阿哥等一時失於檢點而蘇培盛狂妄驕恣公然與皇子等並坐而食似此種種悖亂不可枚舉此皆朕躬所親見者也再張爾泰從前亦甚驕縱及獲罪革退之後見朕兄弟猶敢竟行執手問詢不法如前此二人之行止如

皇考察知。自必早行懲治。決不姑容也。至張起麟乃効力最久之人。年紀老邁。見朕兄弟。猶必長跪請安。不敢怠忽。或我輩賜坐。伊必叩頭席地而坐。此宮中太監所共見者。至今思之。殊可憫念。陳福、李英、暨王常貴、張玉柱。向曾屢奉

皇考訓旨。傳諭朕躬。及和親王等。設有嚴飭教訓。

旨意。必皆正顏厲色。告誡周詳。毫無瞻顧之私。甚合大體。及至尋常進見。則復敬謹小心。周旋盡禮。設彼時伊等傳宣

諭旨。而稍有曲意迎合。不顧體統之處。朕必鄙薄。而問其罪。豈復肯加恩任用于。蓋傳旨有傳旨之體統。而自見有自見之體統。此四人者。較之蘇培盛、張爾泰、何啻天淵。今朕紹登大寶。恐太監之風漸熾。故降旨訓諭。想蘇培盛等此時必心懷憂懼。與其憂懼於今日。何不敬謹於當時。朕今即將蘇培盛問以不敬

之律。未為不可。即揆之於理。亦未為過當。然朕君臨天下。惟以大公至正為心。因念蘇培盛之偶爾失儀。尚屬糊塗可赦之罪。未至漢唐宋明官寺之放縱也。然星星之火。尚能燎原。涓涓不杜。終成江河。從前

皇考因太監等敬謹畏法。小心供役。是以特沛殊恩。賞賜官職。實為榮幸。伊等在

皇考前。固知戒謹恐懼。而愚昧無知之輩。於外面遂漸加驕縱。不似

皇祖時之守法矣。伊等既不能仰副

皇考加恩之至意。朕獨不能執法以懲其罪乎。倘蘇培盛等仍復怙惡不悛。朕不但重治其罪。且必將衆太監之官職盡行削革。伊等縱不自惜。獨不為衆太監稍留餘地耶。嗣後爾太監等各宜凜遵制度。恪守名分。如遇奉宣諭旨之時。朝廷自有儀制。設有嚴飭之旨。自宜莊厲傳宣。不可稍顧情面。而尋常以公事接見王公大臣時。禮貌必恭。言語必謹。不可

稍涉驕縱以失尊卑大體即在街市行走不可出言詈人父母若太監等有詈人父母者許被詈之人即行重責至接奏內廷阿哥等事件必當莊重敬謹不可曲意順從而奉朕旨傳宣又當仰體朕意告誡諄諄不可稍有瞻徇尤不可畧通信息設總管太監自行見阿哥等必當拜跪請安阿哥等賜坐必當席地而坐即內宮之宮眷雖答應之微爾總管不可不跪拜也阿哥之家眷雖官女子之微

爾總管不可不跪拜也此朕防微杜漸之舉後世子孫世世遵行若總管太監等仍敢蹈襲前轍妄自狂縱不遵定制經朕察出將首犯之人立行正法衆太監官職並行革退著將此旨亦曉諭阿哥等知之內務府總管衙門仍登記檔案若太監畧有放縱許內務府總管先拏後奏○戶部議准署湖南巡撫鍾保疏言本省調撥貼防沅靖一帶沿邊隘口弁兵冒暑遠涉久戍苗邊請照出師官兵之

例支給鹽菜銀兩得旨依議速行○以河東副總河劉勦為直隸河道水利總督○以貝勒允禧為正黃旗漢軍都統以正黃旗滿洲副都統岱琳卜為正紅旗漢軍都統以署鑾儀使策楞署鑲紅旗漢軍都統以鑲藍旗滿洲副都統旺扎爾署鑲藍旗漢軍都統○召原任尚書彭維新原任侍郎俞兆晟原任巡撫張楷赴部引見○丁丑

上詣雍和宮

梓宮前供奠○諭總理事務王大臣朕前降旨將一應著追銀兩暫停追比俟查明分晰之後再定今八旗官員兵丁內有拖欠錢糧將伊等俸餉及子孫俸餉坐扣者俱著暫停坐扣俟查明再降諭旨著傳諭該部八旗知之○又諭據宗人府奏稱鎖禁高牆之宗室新德新福雲喬順宗教散禁高牆之宗室鄂齊在家鎖禁之宗室豐庫散禁之宗室裕伸德存勇端訥爾蘇廣寧揚德華玠等平日行為

惡劣不安本分情屬可惡其應否釋放之處請旨等語此輩雖不應寬宥但已遇赦著宗人府放出高牆俾各在家居住不許出門並著傳諭伊等身係宗室犯法獲罪行玷天潢於

太祖

太宗之裔孫名目大有關礙原不可寬宥今朕特沛殊恩將伊等放出高牆嗣後應痛加改悔倘再干法紀當不止於監禁必按國家定律治罪朕即將伊等從嚴懲治亦無非敦敘親族裁成宗室之至意著將此旨曉諭伊等知之○戊寅諭總理事務王大臣辦理禮部事務王大臣等據禮部以十一月十三日恭遇

皇祖聖祖仁皇帝忌辰或照

陵寢忌辰祭祀禮致祭或照四時大祭禮致祭之處具奏朕思

皇考大行皇帝誠孝純篤哀慕無窮三年之後

每遇

聖祖仁皇帝忌辰於

景陵祭祀之禮特加隆備并降

諭旨謂此禮惟朕躬特行之於

皇考後世子孫不得奉為成例但朕仰體

皇考孝思於

皇祖聖祖仁皇帝忌辰祭祀之禮意欲仍照舊例舉行至於率親率祖理本同原孝享明禋不容或異嗣後恭遇

列祖

列后忌辰應否遵照致祭

景陵之禮一體舉行以展報本追遠之意王大

臣會同禮部定議具奏尋議各

陵寢四時大祭牲用太牢獻帛爵讀祝文致祭

於

隆恩殿具朝服行禮從前

聖祖仁皇帝於

孝莊文皇后忌辰此禮行之最久原與各

陵忌辰祭祀之禮不同。至

聖祖仁皇帝忌辰。係照周年致祭。禮特加隆。曾奉

大行皇帝諭旨。不得奉為成例。今詳酌典禮。十

一月十三日。

聖祖仁皇帝忌辰。應照

陵寢四時大祭禮。遣官承祭。在

陵官員。咸令陪祀。永遠遵行。並請嗣後恭遇

列祖

列后忌辰。均照

陵寢四時大饗禮舉行。從之。○又諭今年順天

武闈鄉試。考閱騎射。聞各項人材弓馬頗有

可觀。其間技藝優長。漢仗魁偉者亦多。此皆

由國家培養日深。所以人人鼓舞向上。著於

定額取中外。加增十名。以示朕廣育人材之

至意。○又諭。據顯親王將

雍和宮所屬地方。枷號鎖禁人犯。查明援赦具

奏。朕思各處高牆及九門。亦有似此等問罪

人犯。著將此摺交與總理事務王大臣等將

各處高牆及九門。所有似此永遠枷號等犯

俱行查明。是否與恩詔赦款相符之處。一併

分別議奏。○諭吏部。國家政務殷繁。需才辦

理。遇有部院員缺。一時不得其人。是以暫令

兼攝。非得已也。朕觀張楷、彭維新、俞兆晟、陳

世倌等。均係罷斥負罪之員。但伊等獲罪之

由。尚非貪婪犯贓者。可比。且尚有可用之才。

曾經

皇祖

皇考錄用。任使朕今格外施恩。蠲棄前愆。特加

拔擢。彭維新著署理都察院左都御史。張楷

著署理禮部侍郎。俞兆晟著在內閣學士裏

行走。副都御史陳世倌。現在出差。其副都御

史員缺。著陳世倌署理。陳世倌回京日。朕另

降諭旨。彭維新等務各悔過更新。感

皇祖

皇考生成之德。念朕任用之恩。奮志報効。實力

奉公。倘不痛加湔滌。復干咎戾。則不惟不知畏罪。亦并不知感恩。朕必加倍治罪。即置重典。○吏部議准。兩廣總督鄂彌達疏言。南澳孤懸海島。界連閩粵。兵民雜處。請添設巡檢一員。隸南澳同知管轄。鑄給粵閩南澳巡檢司印信。從之。○禮部議奏。謹按郊祀鉅典。吉禮攸先。今冬至大祀。尚在

大行皇帝上賓百日之內。應遣官恭代。至明年上辛祈穀。及本年歲暮祫祭。則均逾百日。擬

請

皇帝親詣行禮。又按十一月十三日。為

聖祖仁皇帝忌辰。見在百日內。未便遠行。亦應遣官恭代。俟明年清明節。親詣

景陵從之。○兵部議准。署湖南巡撫鍾保疏請

由荊州將軍派往常德之副都統一員。統領滿洲官兵一千二百員名。於府城外教場搭造營房八百六十五間。駐劄彈壓。於南北兩省公項內。動支辦理。從之。○以左春坊左庶

子劉統勲。為順天武鄉試正考官。左春坊左中允彭啟豐。為副考官。○己卯。上詣雍和宮。

梓宮前供奠。○詣

皇太后宮問安。○諭總理事務王大臣。據禮部奏。請撰擬元旦萬壽冬至表式。頒發中外。朕思長至今節。尚在

皇考百日之內。朕豈忍受賀。又查雍正元年元旦。旦

皇考未曾陞殿慶賀。雍正二年。因諸王大臣固請。方始舉行。至於

萬壽表文。則過二十七月。方行頒發。成憲具在。朕今悉當遵奉。著總理事務王大臣會同禮部九卿。定議具奏。○又諭前因大兵進剿。預備調遣。是以挑選在京八旗滿洲蒙古兵。每旗各二千名。八旗漢軍兵二千名。包衣佐領兵二千名。特派大臣官員管轄操演。又另添訓練兵二千名。交與弘昇等督率操演。又挑

選八旗兵二千名。在圓明園操演。伊等於騎射鳥鎗。及布陣之法。既已熟習。且現今大兵陸續撤回。無庸預備調遣。將此訓練兵丁。另行操演之處。俱著停止。各撥回本營當差。其春秋二季大操之處。仍照舊例操演。○暫停科道內陞外轉一次。○戶部議准。蘇州巡撫高其倬疏言。寶蘇局鼓鑄錢文。前經署巡撫喬世臣以收存銅斤業已鑄完。題請暫停。今陸續收買銅器一百二十五萬餘斤。足敷鼓鑄。蘇省商賈雲集。需用較多。仍請開鑪鑄錢。以資民用。從之。○又議覆。安慶巡撫趙國麟疏報。泗州、潛山二州縣七月初旬陡發山水。田禾被淹。應令委員會勘。果否成災。如有應行賑濟之處。即行賑濟。不致失所。得旨依議。速行。○禮部議准。順天學政錢陳羣疏言。凡三十歲以內守節之婦人。後因子貴受封者。應請一體旌表。從之。○庚辰

上詣

奉先殿行禮。○總理事務王大臣等議奏。纂修實錄開館事宜。得旨著大學士鄂爾泰為監修總裁官。大學士尹泰、張廷玉、朱軾。尚書三泰為總裁官。尚書任蘭枝、傅鼐、甘汝來、左都御史福敏、侍郎徐元夢、張廷瑑、班第為副總裁官。餘依議。○兵部議准。兩廣總督鄂彌達疏言。雷州協屬白鴿寨。為雷郡門戶。邊海要區。僅以千把總駐防。未免官卑任輕。查該寨與右營守備所管陸汛毗連。請將守備移駐白鴿寨。即將該寨弁兵歸併右營管理。兼防水陸遊巡。仍隸雷州協統轄。其原管右營陸路弁兵內抽撥把總一員。外委一名。目兵一百二十四名。并原防汛地。俱割歸左營守備管轄。至右營兼管水陸。應多轄千總一員。派撥巡防。從之。○以左春坊左庶子劉統勳為詹事府詹事。兼翰林院侍讀學士。

大清高宗法天隆運至誠先覺體元立極敷文
奮武孝慈神聖純皇帝實錄卷之四

實錄卷五

五

大清高宗法天隆運至誠先覺體元立極敷文
奮武孝慈神聖純皇帝實錄卷之五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書錄藍旗滿洲都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將等奉

敕修

雍正十三年乙卯十月辛巳

實錄卷五

上詣雍和宮

梓宮前供奠。○命釐正文體。毋得避忌。諭總理
事務王大臣曰。文以載道。與政治相通。故二
帝三王之盛。在廷敷奏。及宣諭衆庶之言。皆
為謨為誥。炳著六經。兩漢治猶近古。人心淳
樸。故見於文者。原本經術。指事類情。質實曉
暢。猶有周人之遺。降及魏晉。以文滅質。漸就
浮靡。六朝尤甚。姿態益工。意格益陋。文運所
關。非淺鮮也。朕思學者脩辭立誠。言期有物。

必理為布帛菽粟之理。文為布帛菽粟之文。而後可行世垂久。若夫雕文逞辭。以炫一時之耳目。譬猶搏土揭木。塗飾丹鉛。以為器物。外雖可觀。不移時而剝落。曷足貴耶。國家累洽重熙之日。務學績文者。正宜沐浴教化。爭自濯磨。漸進於大雅。勿尚浮靡。勿取姿媚。斯於人心風俗。有所裨益。至於古人臨文。原無避諱。誠以言取足志。一存避諱之心。則必輟轉。囁辭不達意。嗣後一切章疏。以及考試

詩文。務期各展心思。獨抒杆軸。從前避忌之習。一槩掃除。尤宜禁者。鄉會兩試。考官每因避忌字樣。必摘取經書中吉祥之語為題。遂使士子易為揣摩。倩人代作。臨場抄寫。以致薄植之少年。得以倖取科名。而績學之老生。無由展抒底蘊。嗣後凡考試命題。不得過於拘泥。俾士子殫思用意。各出手眼。以覘實學。○命裁落地稅。諭曰。朕聞各省地方。於關稅雜稅外。更有落地稅之名。凡擾鋤箕帚薪炭

魚蝦蔬果之屬。其值無幾。必查明上稅。方許交易。且販自東市。既已納課。貨於西市。又復重徵。至於鄉村僻遠之地。有司耳目所不及。或差胥役徵收。或令牙行總繳。其交官者甚微。不過飽奸民猾吏之私橐。而細民已重受其擾矣。著通行內外各省。凡市集落地稅。其在府州縣城內。人煙輳集。貿易衆多。且官員易於稽查者。照舊徵收。但不許額外苛索。亦不許重複徵收。若在鄉鎮村落。則全行禁革。不許貪官污吏假借名色。巧取一文。著該督撫將如何裁革禁約之處。詳造細冊。報部查核。倘奉旨之後。仍有不實心奉行。暗藏弊竇者。朕必將有司從重治罪。該督撫並加嚴謹。此旨可令各省刊刻頒布。務令遠鄉僻壤之民共知之。○又諭。朕閱督撫叅奏屬員及題請改教本章。每有書生不能勝任。及書氣未除等語。夫讀書所以致用。凡修己治人之道。事君居官之理。備載於書。故傳說之告其君

曰。學于古訓。乃有獲。又曰。念終始。典于學。成王訓其臣曰。學古入官。議事以制。政乃不迷。又曰。不學牆面。莅事惟煩。人不知書。則偏陂以宅衷。操切以處事。生心害政。有不可救藥者。若州縣官果足以當書生二字。則以易直子諒之心。行寬和惠愛之政。任一邑。則一邑受其福。涖一郡。則一郡蒙其休。朕惟恐人不足當書生之稱。而安得以書生相戒乎。若以書生為戒。朕自幼讀書宮中。講誦二十年。未嘗少輟。實一書生也。王大臣為朕所倚任。朝夕左右者。亦皆書生也。若指屬員之迂謬疎庸者為書生。以相詬病。則未知此正伊不知書所致。而書豈任其咎哉。至於書氣二字。尤可寶貴。果能讀書。沈浸醞釀。而有書氣。更集義以充之。便是浩然之氣。人無書氣。即為粗俗氣。市井氣。而不可列於士大夫之林矣。是書氣正宜從容涵養。以善培之。安可勸之使除。而反以未除者為病乎。且朕聞外間斥人

之短。每云伊欲做好人。朱子云。學者通病。在思作貴人。而不思作好人。人果欲做好人。行好事。則甚有益於民生。有益於國事。造福無窮。若以好人為戒。不幾相率而拂人之性乎。凡此皆係識見粗鄙。不知治體。不明大義之言。朕今姑發其蔽。而教戒之。尚各翻然思悔。○又諭昔我

世祖章皇帝。萬幾餘暇。留心內典。比時玉琳琇國師。木陳忞禪師。并蒙

宣召。講論佛法。此不過偶爾方外之交。無可紀載者。前年我

皇考檢閱玉琳琇木陳忞語錄。見木陳所著北遊集六卷。其中乖謬荒誕之處。不可殫述。又玉琳琇之弟子骨巖作侍香紀畧一冊。以紀恩遇。誕幻支離。竟同夢中囈語。我

皇考已降旨中外。將此書悉行查燬。今朕又查出帝王明道錄一書。係木陳門大紀載者。其荒唐之處。與侍香紀畧等。蓋當日玉琳木陳

雖並承

世祖章皇帝眷注。而二人之優劣。迥乎不同。至於兩人之門徒甚衆。而天下狂悖無知。行止不端之人。往往藏其中。遂因偶爾之恩遇。矜肆誇張。並造作全無影響之談。欺世惑衆。此亦人心風俗之有關係者。昔我皇考已降查燬之諭旨。朕恐外間奉行不力。可密寄信與各省督撫。凡叢林寺廟中。除敕賜御書扁額對聯碑文外。若有

世祖

聖祖

皇考批諭字蹟。及伊等抄錄藁本。與僧人所刻語錄。如北遊集侍香紀畧。帝王明道錄等書。干涉時事。捏造言詞。誇耀恩遇。有一字關係

世祖

聖祖

皇考者。無論刻本寫本。悉行查出。密封送部。請旨銷燬。不得私藏片紙。此事奉行。不在各處

寺廟貼寫告示。以圖了事已也。必差員密訪。細細搜索。又不可借端生事。若有疎忽遺漏等弊。將來發覺。朕必於乾隆元年二年之該省督撫是問。不稍寬貸。○總理事務王大臣議准。大學士朱軾奏言。民間田地之丈量。首報宜一併永遠停止。所貴乎開墾者。原為人無恒業。而地有遺利。督令耕畬。為足民計。非為增賦起見。且區區報墾之糧。於國課無加毫末。不但丈量不可行。即責令首報之條。嚇詐攤派。大吏名為急公。小吏兼以牟利。請飭督撫將現在報墾田地。詳確查明。如係虛捏。據實題請開除。若護短文飾。察出嚴治。所奏甚為剴切。應如所請。得旨。依議速行。○吏部請點各省學政。得旨。各省學政。有訓導士子。校閱文藝之責。關繫甚重。非才守兼優。素有學問者。不克勝任。朕即位之初。於諸臣之才學品行。未能深知。難以降旨簡用。著大學士尚書侍郎。於翰林科道部屬內。各據所知。保

舉二三員。開列送部。彙奏請旨。張廷璐蔣蔚聲名好。著仍留江蘇湖北學政之任。○大學士朱軾奏言。刑獄之設。原以除奸懲惡。但人命所繫。不可不慎。近見司刑之官。以嚴刻為才能。不問是非。不計曲直。贓私先酌數目。迫以極刑。罪案自定。供招誘之伏法。故生枝節。刻意株連。以為不如是。必致上司駁詰。凡屬員所定之稿。上司酌改。有加重。無從輕。以為若一改輕。便是徇私。有意避嫌。不顧執法之義。請下直省督撫嚴飭有司。務須虛公詳審。如有鍛鍊誣枉情弊。立即叅究。刑具悉遵定制。不得濫用夾棍大枷。俾共凜欽恤之意。得旨。總理事務王大臣密議具奏。尋議大學士朱軾所稱種種情狀。種種弊端。皆實有其事。請下法司。並通行各直省實心遵奉。得旨依議。速行。○命刑部尚書徐本在辦理軍機處行走。○以左都御史福敏兼管翰林院掌院學士事。○以國子監祭酒覺羅吳拜為詹事

府詹事。○召原任侍郎圖理琛。王國棟。原任巡撫法敏。原任鴻臚寺卿李鳳翥。原任僉都御史李徽。赴部引見。○壬午。諭總理事務王大臣。朕即位以來。加意黎元。撫綏備至。疊沛恩膏。業將雍正十二年以前各省民欠錢糧。悉行蠲免。惟是西陲用兵數年。陝甘二省人民輓運軍需糧餉。効力獨多。其踴躍趨事之誠。甚屬可嘉。朕思百姓等輸忠奉上。情既倍於尋常。則朕所以體恤褒嘉。恩當出於格外。其陝甘人民。應作何加恩。以示優獎之處。著總理事務王大臣會同九卿。定議具奏。○命八旗叅奏事件。歸刑部審理。諭曰。從來審究案件。叅奏之人。不在承審之列。蓋恐叅奏之人。承審不無懷挾私心。而被叅之人。即有屈抑難於伸訴也。是以外省題叅事件。定例督叅撫審。撫叅督審。庶被叅者情不得抑。而用法始平。況八旗叅奏之事。在旗員未諳律例。問擬情罪。恐不無舛錯。嗣後八旗叅奏事件。

俱著刑部秉公審理。原叅之人。不得從中撓越。至於八旗內務府高牆。原因旗人定罪之後。不便與民人一處監禁。是以暫於各旗設立高牆分禁。今遇恩赦。一切雜犯。俱已寬免。其餘重犯。仍應歸入刑部監內。分別旗民收禁。其八旗內務府高牆。不必安設。○九卿議奏。西路軍需所用米麥豆草等項。折中定價。繕單進呈。

上召總理事務王大臣。并九卿諭曰。西路軍需所用米麥豆草等項。經九卿定議折中價值。令其遵照報銷。朕思從前已辦之軍需。照此計算。尚屬可行。至於將來之年歲收成。豈能豫定。年豐則物價必賤。小民可獲餘資。在國家不失惠養之道。若年歉則物價必昂。閭閻何堪賠累之苦。朕心實為不忍。可曉諭該督撫等。於遵照折中價值外。若遇歉收之年。所定價值。不敷採辦。可據實奏聞。候朕再降諭旨。至於從前該部駁查各案。若果有不敷者。

亦著該督撫核實保題。准其報銷。但當仰體朕心。秉公去私。勿為屬員之所欺蔽。亦勿因朕此旨。而開浮冒之漸。餘依議。○戶部議准。雲貴總督尹繼善疏言。黔省古州逆苗滋事。現調各省官兵會剿。貴州上游各營。調出兵多。存營單弱。行令照調出兵數。減半招募新兵。在營操防。復調雲南官兵。分駐貴陽等處。彈壓並飭貴州下游各府州縣。招集難民。團練鄉勇。均酌給口糧坐餉。以資防禦。至雲南省會重地。及東川地方。夷多漢少之區。並附近黔疆之曲尋鎮。尋需奇兵二營。既經抽調。亦應招募新兵。分別酌給守糧。其滇省官兵。遠赴黔省苗疆。非本省內地可比。請自副將以下。至兵丁等。分別給與賞號銀兩。又調赴軍前辦事之知府等官。亦請月給盤費銀兩。均俟事竣。核實奏銷。得旨。依議。速行。○癸未。上詣雍和宮。梓宮前供奠。○詣。

皇太后宮問安。○諭總理事務王大臣。從前部院要缺。及辦事緊要之處。因一時不得其人。是以令王大臣等兼管。朕思一人管理三四處。及五六處事件。恐一人之精神有限。而事務繁多。未免過於勞勩。朕心深為軫念。昔年戶部事務。經怡賢親王整理之後。又復廢弛。我

皇考以果親王公忠體國。誠心辦事。特令管理戶部事務。整頓一切。今戶部事務已有頭緒。而刑部事務現在廢弛。正須果親王專心整頓之時。不必管理戶部。其戶部三庫事務。仍著總理其宗人府一切事務。既有履郡王管理。果親王亦停其兼管。莊親王辦理事務亦多。著暫管工部事務。俟來保到京。著署理工部尚書。莊親王即不必兼管。貝勒允禧既管宗人府。及都統事。其御書處。及粘杆處事。不必兼管。著另行開列請旨。大學士張廷玉所辦事務亦多。不必兼管翰林院事。其翰林院

掌院事務。著邵基兼管。其邵基所兼國子監祭酒一缺。著開列請旨。署戶部尚書海望。不必兼管。領侍衛內大臣。及戶部三庫事。○諭內務府總管太監等。圓明園阿哥處太監王自立。前日來請

皇太后安。未候見朕。徑回圓明園去。今

皇太后向朕說。圓明園阿哥請安。稱朕為汗阿哥。阿哥年小。如何知道請安之禮。自然是王自立教阿哥如此。此時不向好處導引。候阿哥長大倚恃。

皇太后照看。性情自然。驕縱稱慣了。汗阿哥字樣。朕雖不見責。經王大臣聞知。必然叅奏。豈不貽誤阿哥。如今阿哥年幼。傳諭王自立盡心往好處導引。阿哥係朕之弟。日後成立。知感朕恩。即是朕之輔佐。爾等將王自立傳來。重責四十板。令伊回去。小心導引阿哥。俟明年阿哥進宮來。一并令謝成照管。與永璜、永璉同住齋宮。阿哥等朝夕相見。必按長幼禮

節若因是朕之子令圓明園阿哥卑禮相見斷乎不可。總理事務王大臣議覆內大臣海望奏現今大兵駐防鄂爾昆所有軍營官駝數萬別無所用若以給臺站蒙古運米則運價大省於蒙古生計有裨請自歸化城至鄂爾昆編臺站三十二每臺給官駝一百五十隻三班更代日以駝五十隻運米一百石每年計八閱月可運米二萬四千石臺兵原額六十名今增丁役二十以四十名輪班運米其運米之月加給銀一兩在臺叅領章京驍騎校等各加銀三兩領催加銀二兩牽駝往來每臺給官馬三十匹統計每年運米需費及增給蒙古官兵錢糧添補駝馬等費共需銀十二萬九千餘兩較商人范毓麟之運價可省銀十八萬有奇較都統丹津等之運價可省銀十二萬有奇其臺站應如何移置令總管五十四辦理尋經五十四奏言自歸化城至鄂爾昆設臺站三十二用丁役八十

駝二百隻自張家口至歸化城設臺站八用丁役四十駝一百隻其原設腰站應徹者悉行裁徹從之。○吏部議准閩浙總督郝玉麟疏言嘉興府屬之秀水縣王江涇地方與江省吳江震澤等縣犬牙相錯南北要津素稱藏奸之藪嘉興總捕同知駐劄乍浦不能週歷巡緝該處僅設巡檢一員不足彈壓請添設王江涇總捕同知一員將附近乍浦之石門海鹽平湖三縣歸乍浦同知管轄附近王江涇之嘉興秀水嘉善桐鄉四縣歸王江涇同知管轄其原設王江涇巡檢請裁從之。○刑部遵旨議奏伊都立係身負重罪之人復授為額外侍郎辦理糧餉竟敢假捏報銷肆行分盜應如英誠公豐盛額所擬即將伊都立。在軍前正法以昭炯戒得旨伊都立著改為應斬監候秋後處決餘依議。○工部議准大學士管江南河道總督嵇曾筠疏言南河工程每年例撥兩淮鹽課銀三十萬兩年來

物料充裕請減十萬兩得旨江南河工協濟銀兩舊例三十萬兩著照舊撥給豫備充裕不必裁減○工部等部議准河東總督王士俊疏言兗州鎮標中軍遊擊改為督標中軍副將請照例添設中軍都司一員原設遊擊中軍守備應裁其副將都司添建衙署從之○青海扎薩克和碩親王察罕丹津故以其養子旺楚克承襲○以原任侍郎圖理琛為內閣學士○以原任僉都御史李徽署左僉都御史○遣翰林院侍讀學士保良致祭長白山等處內閣侍讀學士同濟致祭醫巫閭山翰林院侍講學士伊爾敦致祭東嶽泰山等處侍講學士楊椿致祭西嶽華山等處管禮部右侍郎事刑部左侍郎王紘致祭中嶽嵩山等處兵部左侍郎楊汝穀致祭南嶽衡山工部左侍郎王鈞致祭北嶽恒山等處通政使司通政使趙之垣致祭南鎮會稽山詹事府少詹事福十寶致祭南海太常寺卿王

符致祭太昊伏羲氏等陵太常寺少卿雅爾呼達致祭炎帝神農氏等陵太僕寺卿素著致祭女媧氏等陵太僕寺少卿魯國華致祭黃帝軒轅氏等陵光祿寺卿納爾泰致祭少昊金天氏等陵孔子闕里詹事府詹事覺羅吳拜致祭顓頊高陽氏等陵鴻臚寺卿朱必堦致祭夏禹王等陵大理寺少卿盧承綸致祭遼太祖陵○墨爾根城副都統多奇納故賜祭如例○甲申諭總理事務王大臣大義覺迷錄著照尚書徐本所請停其講解其頒發原書著該督撫彙送禮部候朕再降諭旨○停止應選知縣之進士舉人分部學習之例從禮部尚書任蘭枝請也○總理事務王大臣議准都統丹津奏明年自歸化城運米至額爾德尼招凡四萬八百石除募內扎薩克牛車輓載二萬四百石外其喀爾喀應運二萬四百石停止官駝折給腳價募商人駝隻輓運至需用米石前經山西巡撫石麟奏

撥大同朔平倉米運送歸化城辦理路遠費繁。應即於商人范毓麟交還前借二府廩米內就近撥運從之。○兵部議准御史福海奏言驛站遞送文書必須遲速得宜。嘗見黑龍江等處將軍副都統差遞本報之驍騎校等每行或多至八九人不分事之緩急。一概日行六七站。差旋仍復飛馳。致馬受傷者十有八九。請嗣後緊急要件該將軍等於火牌內填日行幾站。沿途照牌應付。其正副差官每人止許跟役一名。亦不得多差人役。其尋常事件照例日行兩站。如原摺奉有硃批要務。兵部換給火牌。或填註原牌用印。勒限送到。如無要務不遵牌票。越站多行者。令該驛丞呈報咨部嚴叅。應行令該處將軍等遵照。遇緊要公文准照定例連站星馳外。其平常事件應照雍正三年議定之例。每日不許馳過三站。齎進本章照例准差二人。各准帶差役一名。如有背負物件應用多人。仍於火牌內

註明緣由。以憑稽查從之。○以署尚書戶部左侍郎海望為戶部尚書。○乙酉。

上詣雍和宮

梓宮前供奠。○禁陳奏樂善好施道不拾遺等事。諭曰。比來殷富之家。有願出已財。以賑恤鄉里者。即周官五黨相賙。通財救荒之遺意。是以

皇考恩賜議叙。以鼓勵風俗。而又恐因是或滋弊端。於本年五月間。山西巡撫石麟奏稱太

原府紳衿士民捐銀貯公。以備賙恤一摺。

特降諭旨。以為樂善好施者。大都由地方之水旱饑饉。捐資賑助。即平常無事時。或置義倉義田。及養老育嬰等事。必出於本人之誠心。而又能親身料理。始可以惠鄉閭而收實效。石麟於地方現無應辦之事。而乃奏紳衿士民捐銀以備公用。直是另開捐納之條。而胥吏土豪乘此得以侵蝕。與所降原旨不合。曾經嚴加申飭。並令向後不得無故捐銀交官。

是

皇考於獎誘善良之中。而豫防其流弊。至深且悉也。朕觀各直省捐助一事。或督撫欲博化民成俗之譽。授意屬員。或有司欲邀勸輸宣力之名。多方迎合。竟至抑勒誅求。計家資之豐約。定捐輸之多寡。甚且假公苛斂。中飽侵漁。名曰利民。而適以病民。誠有如

皇考諭旨中所慮及者。嗣後各州縣如遇荒歉。及修城築隄公事。果有殷實良民。實情樂輸者。許親赴布政司具呈。詳請題奏。地方官不得自行申報。其他如倡立義田。義倉。義學。義塚。許具呈本州縣詳報。上司立案。仍聽本人身自經管。胥吏土豪。不得干涉。希圖漁利。該督撫體公核實。大者題請。小者量行旌獎。倘有官吏勒派。該督撫失察。并有徇庇者。均照例分別處分。至於道不拾遺。蓋以孔子至聖。德盛化神。所治僅蕞爾之魯。故偶一有之。成康之際。周召輔治。百度修明。刑措四十餘年。

不聞有此。則非人情所常有之事。而政治之美。不徒恃此子牙之小義可知矣。近見諸督撫以此陳奏者漸多。若不加禁遏。恐滋奸民邀賞。有司干譽之弊。諸督撫果能實心體國。子育蒸黎。休養化導。使衣食滋殖。仁讓相先。太平之象。自有蘊蒸而不可掩者。亦不在道不拾遺之一節也。嗣後即果有此。該州縣量行獎賞。不得申詳。該督撫亦不得以此陳奏。○飭督撫不得濫請改隸州縣。增設官職。諭曰。朕聞利不十不變法。害不十不易制。蓋以政有恒則易守。法數變則奸生。而況州縣隸屬之有常。文武職業之有定者乎。往者直省一二州縣。理宜改隸。及員弁宜增設者。皇考曾允督撫之請。勅部議行。而督撫中遂有借此以見其整飭地方。留心吏治。而絕無關於利害之實者。不知改隸一邑。則獄訟錢穀。緣絕簿書。百弊叢生。急難綜察。增設一官。則文移期會。事緒益紛。供給送迎。閭閻滋擾。且

封域驟改。奸宄或致潛藏。官吏日增。責任轉無專屬。自後必州縣離府遠。實宜改隸。市鎮繁雜之地。定須添官彈壓者。方准具題酌度。其餘不許瀆奏。至於守土之官。必久於其職。而後政教可行。故周室郅隆。居官者以爲姓氏。兩漢之盛。爲吏者長子孫。是以上下相親。利病周知。而民安其政教也。近見道府州縣員缺。督撫多題請更調。有二三歲而更。或一歲而更者。如此則雖有循良。不能從容展布。民何由被其休澤。諸督撫身爲大臣。當實心體國。凡無關利害之事。不宜陳奏。況此類皆無利而有害乎。○下旗民喪葬禁令。諭曰。古之葬者。厚衣之以薪。葬於中野。後世聖人易之以棺槨。所以通變宜民。而達其仁孝之心也。本朝肇跡關東。以師兵爲營衛。遷徙無常。遇父母之喪。棄之不忍。攜之不能。故用火化。以便隨身捧持。聊以遂其不忍相離之願。非得已也。自定鼎以來。八旗蒙古各有寧居。

祖宗墟墓。悉隸鄉土。喪葬可依古以盡禮。而流俗不察。或仍用火化。此徂於沿習之舊。而不思當年所以不得已而出此之故也。朕思人子事親。送死最爲大事。豈可不因時定制。而痛自猛省乎。嗣後除遠鄉貧人不能扶柩回里不得已攜骨歸葬者。姑聽不禁外。其餘一概不許火化。倘有犯者。按律治罪。族長及佐領等隱匿不報。一併處分。朕又聞漢人多惑於堪輿之說。購求風水。以致累年停柩。漸致子孫貧乏。數世不得舉葬。愚悖之風。至此爲極。嗣後守土之官。必多方勸導。俾得按期葬埋。以妥幽靈。以盡子職。此厚人倫美風俗之要務也。務各凜遵毋忽。○又諭果親王爲皇考宣力多年。公忠誠直。皇考稱爲一德一心。朕即位以來。祇因總理事務。加給雙俸。今當仰體皇考友愛之至意。再行加恩。履郡王在朕諸叔之中。年齒最長。且實心辦事。朕意欲晉封親。

王貝勒允禧。幼好讀書。識見明晰。辦理旗務。亦屬妥協。朕意欲封為郡王。著總理事務王大臣會同宗人府。定議具奏。○又諭朕以近日八旗辦事。徒增事款。頭緒紛繁。恐舊時淳樸之風。漸致湮沒。曾降旨詳加申飭。嗣後務須恪遵舊制。以期實效。不可妄事更張。徒滋紛擾。今覽允禧所奏。實屬切中情弊。著允禧會同八旗大臣。將從前條奏事件。應如何定例通行之處。斟酌畫一。務期從簡從易。經久可行。以副朕整飭旗務之至意。○吏部題大學士鄂爾泰恩賞世襲一等輕車都尉。并原襲之三等男。照例歸併。授為一等子。世襲罔替。從之。○理藩院奏。翁牛特多羅都楞郡王羅卜藏。喀爾沁多羅貝勒和碩額駙僧衮扎卜等。呈請留京。俟大行皇帝百日滿後。再回遊牧。得旨。蒙古王台吉。伊等祖宗。自太祖

太宗時。傾心歸化。世結婚姻。受恩深重。皇祖皇考。視伊等如子。體恤備至。伊等亦視同祖父。實心報効。今因皇考大事。來京居住。懇求守制百日。誠尊君親上之實意。朕甚嘉焉。但念伊等地方緊要。各遊牧處。俱有應辦事務。今天氣寒冷。著伊等俱回本地。再每年近御行走。蒙古王台吉等。俱令分班來京。不過令其學習禮儀。若俱令其守制百日。則遊牧事務。必至廢弛。今除值班人等外。其餘皆令回去。照舊例輪班行走。○以署鑲紅旗漢軍都統策楞。為鑲黃旗漢軍副都統。以署鑲黃旗漢軍副都統叅領馬元熙。為正白旗漢軍副都統。以署鑲白旗滿洲副都統頭等侍衛索拜。為正藍旗漢軍副都統。○丙戌。諭總理事務王大臣。呂耀曾。不必兼管順天府府尹事務。其府尹員缺。著該部開列具奏。○又諭。水利庫一應錢糧。著即

歸併戶部管理。王鈞回京時亦不必管理。○諭八旗都統從前

皇考軫念効力行間人員恐絕其禋祀將

太祖

太宗時所授世職人員內有絕嗣未經承襲者特派大臣查伊等族中親戚或本旗人內可繼伊嗣襲職者俱已准其承襲

世祖章皇帝以來軍功所授世職亦係一體効力行間之人因無子嗣不與承襲以致絕其禋祀甚屬可憫著交與八旗將

世祖章皇帝以來軍功所授世職人員內如有絕嗣未經承襲者亦照前查明如何承襲之處議奏再世職人員內有襲與子孫族人緣罪革職者如其原獲情罪重大猶可若因輕罪革職即不與承襲則原効力者之功竟致泯沒亦著交與八旗似此等者詳查分別情罪議奏○內務府查奏分賠等案得旨這查奏分賠代賠著賠等案俱著寬免其民人應

追各案著一併豁免○工部議准閩浙總督郝玉麟疏言閩省灘河危險舟楫維艱請於建寧府浦城縣至福州府古田縣水口大灘七十六處凡河心石塊徧行鑿鑿并修築緯道立柱指迷堅製官船八隻豫備協救以資利濟從之○調刑部侍郎申珠渾為戶部侍郎○以大學士朱軾之子舉人朱必坦承襲騎都尉○丁亥諭總理事務王大臣少卿巴德保係山海關監督任內因事徹回之員理應將更換徹回緣由聲明摺內乃伊公然似任滿人員含糊具奏顯係有心隱匿希圖恩賞殊屬不合巴德保著交該部察議具奏其羨餘銀一萬四千兩毋庸賞給著賞給內閣官員等四千兩其餘一萬兩交總理事務王大臣等酌量賞給朕往

雍和宮沿途管街步兵等○總理事務王大臣議覆平郡王福彭等奏請自洪郭爾鄂隆徹還京兵及巴里坤徹還打牲烏拉兵各增管

轄官員一摺。前以大兵進勦。故額駙策凌等有兵丁編隊。增委各官之請。今大兵已徹過半。所有留駐兵丁。無庸增委。平郡王所奏過多。請令大將軍量減。已委者於缺出時扣除從之。○禮部議覆。河東總督王士俊疏。請致祭河南開封府城。

河神廟。應令該督往祭。祭文香帛。部臣敬謹閱看。派員齋往。扁額字樣。內閣撰擬進呈。得旨。

河神顯示靈異。

皇考特旨致祭。以答神貺。朕親閱祭文香帛。用展誠敬報享之意。餘依議。○貴州巡撫元展成奏。印水司土官楊政炯。副土官袁周佐等。於各苗煽惑。全無覺察。又不能撫綏防禦。相率逃避。請革職嚴審定擬。得旨。黔省生苗不法。勾結熟苗。元展成。哈元生。身為封疆大臣。猶不能撫馭覺察於先。亦不能防守堵禦於後。楊政炯等。僅一土官。何得責以抗鋒撫。

衆著從寬免其究處。○旌表守正捐軀河南禹州民王寶之妻烈婦王氏。○戊子。上詣雍和宮。

梓宮前行月祭禮。○詣

皇太后宮問安。○諭總理事務王大臣。周官王朝之獄訟。雖鄉遂都家公邑之士分掌之。而一人獄訟之詞。大司寇必集羣士司刑公聽之。使各麗其法以獻其議。其有疑獄。則又訊之羣臣。訊之羣吏。訊之萬民。王與三公六卿共議之。誠以刑為天討。或出或入。一成而不可變。適輕適重。隱深而難得其情。不可不慎也。故刑部之任。視別部尤重。吏兵二部銓選失宜。不過一二人資格之不當。先後之或淆。戶工二部稽察不精。不過為胥吏所侵欺。微虧國帑。非民生之劇害也。刑部乃天下民命所關。直省督撫按擬。不過據州縣之獄詞。州縣賢不肖混淆。即無以賄鬻獄之奸心。亦未必盡有明清單辭之卓識。其間輕重倒置。情

罪不符者多矣。而況誣上行私。改易供招。枉法出入者乎。若刑部不能悉其聰明。原情酌理。慎測誠偽。淺深之介。以定出入輕重之衡。則殘民命而傷天和。其負國曠官。豈他職所可比耶。且律條有定。不足以該事之變。故引例以斷。即呂刑所謂上下比罪也。不肖有司。及胥吏。巧法舞文。出入輕重。皆由於此。苟不能察。則失入固以戕良民。而失出亦以縱奸宄。誤重則受刑者不服。誤輕則含冤者不伸。夫一夫不獲。時予之辜。我君臣代

天討。以用五刑。必至虛至公。必誠必慤。務盡乎天理之極。而不可執成心。或重改已定之案。倘督撫擬罪。有於律例未安。必悉心詳察。另議奏聞。不得稍涉疎忽。即如近日湖廣督臣具題臨時行強毆傷僧人以思身死之鄧正一案。刑部如擬照殺人強盜例。斬決梟示。題覆朕思強盜殺人。有明火執仗殺人而取其財物者。有起意行竊被事主追毆。希圖脫身

因而回毆。致傷事主身死者。其中情罪。原有分別。今鄧正穿窬入廟。以思執棍出視。鄧正頓起強心。持鐮向敵。致傷以思身死。與殺人強盜亦微有差別。其應否梟示。尚宜斟酌。朕已著九卿另議具奏。諸凡此類。刑部皆須細心體究。使絲毫不爽。書曰。與其殺不辜。寧失不經。朕深望於明刑弼教之臣工焉。總理事務王大臣議奏。旗兵革退。應繳糧餉。請照監察御史察喇原奏一體免其追繳。其逃兵應繳糧餉。請照都統彰格所奏。暫存旗庫。於每年春季彙交戶部從之。○己丑諭總理事務王大臣。我

皇考親弟俱已加恩晉封。惟允祁尚係公爵。著封為貝勒。以展朕篤厚懿親之意。○又諭從前允禩允禵狂肆乖張。不知大義。罪戾種種。皆獲罪

皇祖之人。我

皇考悉皆寬宥。因恐其在外生事。復罹重譴。不

得已加以拘禁。乃委曲保全之大恩也。今朕即位。念二人收禁已經數年。定知感。

皇考曲全之恩。悔已身從前之過。意欲酌量寬宥。予以自新。著總理事務王大臣。宗人府。九卿會議具奏。○又諭從前三阿哥年少。無知。性情放縱。行事不謹。

皇考特加嚴懲。以教導朕兄弟等。使知儆戒。今三阿哥已故多年。朕念兄弟之誼。似應仍收入譜牒之內。著總理事務王大臣酌議具奏。

○又諭來保著署理工部尚書兼管內務府總管事務。莽鵠立不必署理工部尚書事。

兵部議准。閩浙總督郝玉麟疏請福安縣所屬白沙汎地方添設一塘。由福寧鎮標左營弁兵內撥外委帶目兵駐查往來船隻。其盤驗船貨出入。仍由白石司汎專管從之。○召內閣侍讀學士鼎滿岱吏部郎中公元戶部郎中雅爾圖帶領引見。○旌表守正捐軀江蘇銅山縣民間彭然之妻烈婦楊氏。○庚寅。

諭總理事務王大臣。今之書吏。即古之府史胥徒也。各部院衙門皆額設召募。所以檢收檔案繕寫文書。乃役滿之後。每復改換姓名。竄入別部。舞文作弊。更有一種缺主已身並未充役。居然盤踞都中。呼朋引類。遇事生風。影射撞騙。靡所不為。此十數年以前之積弊也。

皇考洞悉此種惡習。屢降

諭旨。著都察院飭五城坊官嚴查訪緝。其有潛匿京師及附京州縣者。該地方官定以失察處分。有能拏獲者。以名數多寡分別議叙。載入

欽定條例中。俾各實力奉行。用是元二年以後。奸徒漸知斂戢。部務得以整齊。此

皇考之所以芟鋤稂莠而滋植良苗。民生吏治均受裨益也。朕御極以來。仰遵

皇考遺詔。每事務從寬厚。凡八旗直省以至窮邊極壤。無不殫慮精思。周詳體卹。冀臻惇大。

成裕之治。然寬厚二字。非可一概視也。厚民生紓民力。加惠於兵丁。施恩於百姓。乃為寬厚。朕所以仰承

先志而日夜孳孳者此耳。若夫姑息以養奸。優柔以縱惡。聽若輩貽民害而蠹國事。以待善良者待奸蠹。則適所以成其慘刻殘忍。而為不寬厚之尤者也。朕深恐此輩不知朕所以用寬厚之意。而故智復萌。以身試法。用是特為申諭著都察院五城坊官。順天府大宛二縣及九門提督各文武衙門。不時嚴查訪緝。倘有此輩潛匿京城。或混入貼寫之中。并有罪遞回原籍之後。仍潛入京師。或附京地方者。事發之日。除本犯治罪外。定將各失察衙門。照例處分。必不姑貸。吏部議准。署湖南巡撫鍾保等疏言。長沙衡州岳州三府通判。職司糧務。向無關防。請各鑄給管糧通判關防。其長岳二府通判。俱兼捕務。請照衡州府同知管理捕務之例。改歸該二府同知管理。

從之。○兵部議奏。武職分發各省。已經委署任事。尚未接受部劄之員。應照所署之缺。酌給俸薪一半。其紙紅馬乾銀兩。准照署任支給。俟接劄之日。照例全行支給。至現任題陞人員。已經任事。尚未受劄。及未經引見者。應照舊任支給俸薪。照新任支給馬乾。從之。○辛卯。

上詣雍和宮。

梓宮前供奠。○諭總理事務王大臣。前據李禧奏。蕭德貴鑽營行賄一案。奉

皇考諭旨。著該都統會同該部審理。隨據李禧等審訊。以貝子弘春。得受蕭德貴銀一千兩。違法貪賄。是實。應交宗人府查議。續經宗人府議將弘春革去貝子。在家園禁。此本年六月七月間事也。比時

皇考聖心。深知其中情罪不確。特降

諭旨。交與兵部另行確查。今據兵部查奏。弘春並無受賄情事。其指名撞騙者。乃尼克里所

為而從前尼克里與伊家人黑子誣賴弘春受賄者實係李禧耿韜等將尼克里主僕非刑夾訊逼令供扳人人知為冤抑我朝宗室甚多其中不肖之人或性情暴戾或行事乖張容或有之至於枉法婪贓貪污敗檢者則從來罕見今李禧耿韜等串謀取供鍛鍊成獄必欲誣弘春以受賄之罪是何肺腸著交與刑部一併嚴審究擬具奏從前兵部等衙門審訊之案著發回另議具奏○又諭朕前降旨將雍正十二年以前各省民欠錢糧悉行豁免查直隸州縣有旗退地畝及入官地畝俱由地方官徵收租項歷年既久拖欠頗多向雖不在恩詔蠲免之內然租銀與地丁名色不同其為民欠則一著將雍正十二年以前旗退地畝租銀及入官地畝租銀租糧一併加恩豁免○又諭鄂善交辦之事甚多著不必辦理旗務所遺正藍旗滿洲都統員缺著莽鵠立補授公豐盛額著補授鑲藍旗

滿洲都統其正黃旗滿洲副都統蘇爾泰員缺著副都統職銜吉三補授公弘昉著不必署理鑲白旗漢軍都統事務其員缺另行奏請補授策楞旺扎爾俱經補授副都統其鑲紅鑲藍二旗漢軍都統員缺另行奏請補授再現今署理副都統事務副都統長壽護軍叅領鄂鼎塞都叅領達魁寶山西特庫著該部帶領引見 追封
孝敬皇后之曾祖光祿大夫透訥巴圖魯祖光祿大夫布克查俱為一等公曾祖母祖母俱為公妻一品夫人遣官致祭修塋立碑父步軍統領一等公費揚古母多羅格格加祭建碑如例晉封費揚古之子一等侯武格為一等公世襲罔替○吏部議准山西學政沈文鎬奏言生員犯賭有玷膠庠未便與平民犯罪者同科教官有約束士子之責應定失察處分請嗣後文武生員犯賭斥革比常人加一等治罪該管教官自行查出申報者免其

處分失於查察者。罰俸一年。知情不報者。革職留任。失察造賣賭具者。照溺職例革職。從之。○戶部議覆蘇州巡撫高其倬疏。報阜寧鹽城興化海州贛榆五州縣雨澤稀少。其地處最高。不通河水。以及鹹潮灌浸之區。禾豆均已枯槁。酌籌接濟。應令委員會勘。果否成災。有應行賑濟之處。即行賑濟。毋致失所得旨。依議速行。○甘肅巡撫許容奏請甘省本色糧草可否於蠲免民欠項內一併豁免。得旨。秦省本色糧草已在前旨豁免之內。著該部作速行文曉諭。咸使聞知。○頒賞朝鮮國進表陪臣李檣等綢緞鞍馬有差。停止筵宴。○壬辰諭總理事務王大臣。朕前訓諭乾清門侍衛等。務各勤習技藝。勿得妄相戲謔。當時遵奉朕旨。尚知儆戒。後改近聞豐昇額岱焯伍彌泰方海等。仍聚一處戲謔。殊屬卑鄙不堪。著將岱焯伍彌泰退出乾清門。令在散秩大臣上効力行走。方海著仍在侍衛處行。

走。○又諭刑部所奏不應援赦之各犯內。京貴佛插劉五兒陳文經蔡珽王之傑楊緒耿揚常兒索兒克什兔白達色常在蔡起俊周仁舉張國璽等。情罪尚屬可原。俱著赦免。○吏部議覆刑部尚書徐本奏請復知縣行取舊例。應行知各省督撫。遇行取之年。於正途出身知縣內揀選賢能出眾之員。不拘資格。大省保舉五六員。小省保舉三四員。送部引見。以主事用。至所奏行取知縣揀補御史之處。查御史現改為正五品。於翰林編檢各部郎中員外郎內保舉簡用。若知縣即得陞補。未免過優。且與康熙四十四年定例不符。應毋庸議。從之。○停止外省舉人送充鄰省鄉試同考官之例。仍以科甲出身之同知州縣等官入闈分校。從工部侍郎張廷瑑請也。○癸巳諭總理事務王大臣弘春蒙皇考聖慈。望其成立。晉封郡王。加恩優渥。此中外所共知者。乃伊秉性巧詐。愆過多端。於上

年奉

旨革去郡王仍留貝子之職冀其悔過自新伊仍不知悛改家庭之間不孝不友其辦理旗下事務始則紛更多事後則因循推諉種種不妥之處深負

皇考天恩著革去貝子不許出門令宗人府將伊諸弟帶領引見候朕另降諭旨又諭從前當

皇考元年二年間各部院奏事俱兼清漢文近見祇用漢文者甚多著諭各部院嗣後凡奏事俱兼清漢文具奏總理事務王大臣等審擬具奏傳爾丹身膺統兵重任剛愎自用凌虐士卒輕舉妄動損折官兵蒙

大行皇帝格外施恩不即治罪仍令為將軍予以自新之路又敢於烏遜珠勒對敵之時畏縮敗遁失誤軍機罪不容誅應將傅爾丹擬斬立決一疏又審奏原任領侍衛內大臣侯馬蘭泰在推河領兵駐劄賊兵自來授首城

下畏縮不出縱賊遠逃仍敢捏報軍功誣叅無辜有心欺蔽非尋常失機可比應將馬蘭泰擬斬立決一疏先是刑部等衙門以岳鍾琪身為西路寧遠大將軍受

恩深重乃任性驕恣安心債事所犯失誤軍機之罪八條亟宜明正典刑以彰國憲副將軍石雲倬昏庸懦怯一任岳鍾琪錯亂廢弛不行叅奏及領兵勦賊又復退縮畏避縱賊失機應將石雲倬照出征處所干犯號令違法亂行例擬斬立決二疏於雍正十一年七月初四日具題是日一併發下諭曰傅爾丹岳鍾琪石雲倬馬蘭泰失誤軍機負恩欺罔之罪不可勝數本應即正典刑以彰國法但我皇考從前未即降旨今朕仰體

皇考遲回降旨之意著將傅爾丹岳鍾琪改為應斬監候秋後處決石雲倬馬蘭泰之罪較傅爾丹岳鍾琪稍輕亦著改為監候甲午上詣

皇太后宮問安。○諭總理事務王大臣從前西北二路軍務交辦理軍機事務之大臣等定議。其苗疆事務又另委大臣等定議。今西北二路既已無事。而苗疆之事亦少。大小事件既交總理事務王大臣等辦理。其軍機事務與苗疆事務亦著交總理事務王大臣等兼理。其原辦軍機事務之訥親海望徐本著協辦總理事務。納延泰著照班第索住。例行走。豐盛額莽鵠立著不必辦理軍機事務。各在本任行走。○總理事務王大臣議覆都統弘昇奏言。八旗事務向由佐領驍騎校領催族長辦理。均屬妥協無弊。自添設副佐領以來。一切印用圖記等事。多有掣肘之處。再察旗侍衛章京等官亦屬有名無實。徒滋繁冗。均請裁汰。查舊例。八旗每甲喇設有叅領委叅領各一員。護軍叅領委護軍叅領各一員。每佐領設有驍騎校護軍校各一員。嗣經添設副叅領副佐領副驍騎校副護軍校等官。冗

員既多。益滋煩擾。應如所請。將各旗委叅領委護軍叅領副佐領副驍騎校副護軍校及包衣副管領副驍騎校副護軍校并察旗章京侍衛等官悉行裁汰。又署副都御史索柱奏言。八旗事務既有都統副都統專辦。其協同辦理之部院司員既於旗務不能諳習。且恐於本任事件轉致貽誤。不如仍令專在部院當差。亦應如所請。停止部員幫辦旗務之例。從之。○吏部議奏。浙江海塘工程潰決。應將承辦之副都統隆昇總督銜管巡撫事程元章大理寺卿汪滢內閣學士張坦麟均降一級調用。得旨。隆昇程元章汪滢張坦麟係特簡辦理塘工之大員。且蒙皇考訓誨諄諄。望其和衷共濟。自應堅固修築。以資捍禦。乃伊等私心蔽錮。意見參差。惟為苟且塞責之計。以致隄岸易於衝潰。此乃關係民生切要之務。不應援赦寬免。隆昇程元章汪滢張坦麟著照部議各降一級。從寬免。

其調用。仍令督工効力贖罪。倘再有怠忽之處。朕必加以嚴懲。兵部等部議覆直隸總督李衛疏言易州為

山陵重地。向設泰寧營副將。應照馬蘭峪之例。改協為鎮。并添設中軍遊擊一員。管左營事。兼轄右營。原設都司。改為左營遊擊。中軍守備。除原設右營備弁兵丁外。再添設千總二員。把總四員。馬步兵四百名。并於就近各營酌撥外委千把總各二員。以符經制。新設遊擊員缺。併改設守備員缺。咨取旗員揀補。其易州等營。凡有關涉防護風水之處。俱受泰寧鎮節制。仍聽總督提督管轄。調遣至插箭嶺。礮山堡。廣昌城等營。應歸紫荆關叅將管轄。泰寧鎮統轄。以專責成。又良鄉房山涑水三縣。為前往易州經由之路。應各添設守備一員。把總一員。外委把總一員。兵一百名。易州營都司。即改為遊擊。應設中軍。裁龍門路守備一員。改為易州營中軍守備。其易州原

防完唐二縣弁兵撥歸保定營管轄。良鄉縣添設弁兵。仍屬拱極營管轄。房山涑水二縣兵丁。於泰寧鎮酌撥聽易州營管轄。原防良鄉房山涑水之拱極等營兵弁。應即撤回本營。又於易州添設直隸州州判一員。涿州添設州同一員。涑水房山各添設縣丞一員。協辦差委。並於良鄉縣屬之長新店。添設腰站一處。房山縣屬之吉陽村。添設吉陽一驛。涑水縣屬之石亭村。添設腰站一處。易州清苑驛。增添夫馬車輛。至易州駐防員役需用米石。應照薊州遵化豐潤三州縣供應之例。於天津截漕。由白溝河轉運。所需黑豆穀草等項。亦照薊遵豐三州縣供應之例。照依時價採買。所有新設各官。并應鑄給關防印信。添建衙署。得旨依議速行。工部等衙門議准。閩浙總督郝玉麟疏請修理海塘捐納條款。酌增六條。得旨浙江修理海塘工程。該督郝玉麟等奏請增添捐納條款。經九卿會議准

行朕思捐納一事原為一時權宜無益於吏治並無益於國帑朕知之甚悉浙省增捐之處不必行海塘工程著動正項錢糧辦理加賞泰寧營巡防出力兵丁六百名月餉銀米從總督李衛請也○以通政使司右通政使蔣漣為順天府府尹○乙未

上詣雍和宮

梓宮前供奠○詣

皇太后宮問安○諭總理事務王大臣兩淮商

人向蒙

皇考深仁體卹有加無已十餘年來商力寬裕伊等咸知感激新舊正額帶徵各項俱能急公完納朕臨御以來時時仰體

皇考深求民瘼之盛心早夜咨詢凡有關於民生日用者竭慮殫思務期至當商衆即吾民也朕心豈有歧視淮南鹽政課額甲於天下兩江三楚延袤七八千里皆仰給於淮鹽課源用以饒裕近聞湖北早禾收成稍歉鹽未

暢銷楚地素為魚米之鄉湖魚旺產亦號豐收商得資其醃切藉以完課今年漢水漲發魚市稀少又湖南因經理貴州苗疆軍務未暇轉運以致漢口鹽壅未銷積至七八萬包是乙卯綱正額未能當年報銷而明年乾隆元年丙辰綱又應按年起運兩年並納商力維艱朕心深為軫念用是詳為區畫籌度變通將乙卯綱未完正額提出分年帶徵自乾隆元年丙辰綱起按年接運則商力既紓完納自無遲誤其帶徵之處俟現在各項帶徵完納之後分年起限其乙卯綱內應帶運口岸之鹽免其帶運俾得易於疏銷至丙辰綱課額既將乙卯綱提出之後若仍於九月奏銷則新頒引鹽甫到口岸課源尚難接濟著展限至乾隆二年二月奏銷從此年清年額可永無遞壓之虞著該督趙宏恩該鹽政高斌實力奉行務令諸弊盡革實惠均霑以示朕優卹商民之至意○又諭從前設立宗

學以訓迪宗室子弟。原欲造就人材。今已數年。自應有所成就。著宗人府王公等。將此內人品可觀。學業長進者。秉公查選。具奏請旨。○調山東登萊青道董自超。來京引見。○是月。署湖北巡撫吳應棻。密奏酷吏濫刑。致成冤獄。請革職審訊。得旨。命案重大。知縣高人傑。若果鍛鍊成獄。拖累多人。則罪不可逭。應速具本嚴參。革職審訊。何待請旨而後行耶。○江西巡撫常安。具奏地方情形七條。一。澄清吏治。一。嚴禁邪教。一。整飭營伍。一。查詰漁船。一。編察棚民。一。帶徵積欠。一。清釐稅務。得旨。覽奏各件。知道了。總以實心實政為要。不在陳奏之虛文也。○管理兩淮鹽政布政使高斌。具奏辦理運口江工。請於鹽務巡費節省銀內動支。得旨。捐修之事。朕所不取。應動何項。即動用何項。況急公奉上。原不在此也。若從汝所請。恐天下督撫效尤。保無刻民之事乎。○又覆奏。欽荷訓諭。敬抒下悃。得旨。觀

汝陳奏。識見係過於謹慎忠厚之人。勉為國家大臣可也。大臣之道。不在謹慎忠厚之一節。即如請捐河工一事。亦非大臣之大節也。必其忠誠居心。明通措事。務存大體。時時以國計民生為念。然後可。此非朕背誦篇章也。蓋實實有見於此。南省督撫。並各大員。優劣品行。朕實不知。可密奏來。再者。朕即位以來。輿論如何。人情如何。訪聞速奏。此皆汝應奏事件。何以未奏。不可徒寫頌聖虛文。朕日理萬幾。豈暇覽一幅祥符表乎。○又奏。場竈秋收情形。得旨。歉收場內竈戶煎丁。若有貧苦乏食者。汝當加意賑濟。毋使一夫失所。從前匿災惡習。宜切戒之。○安慶巡撫趙國麟。具奏宣城縣民種軍田。不甘津貼。聚眾罷市。嚴拿究辦。得旨。聚眾罷市。大干法紀。應將為首兇犯。嚴拿懲治。以儆刁風。若牽累無辜。使奸民漏網。則罪在督撫有司。朕必不寬貸也。○河東總督王士俊。奏駁南陽鎮總兵薛鳳翼

請以馬糧全數給兵騎操以步兵二守糧抵給一馬留作養贍一摺不如仍照舊制為便并密請隨丁馬匹仍存價交代以裕武臣養贍之需得旨回奏薛鳳翼條陳之處知道了至於買補馬匹一事係已經通行之案不便驟然改易俟徐徐行之廣西巡撫金鉷奏懇節哀并陳籌辦軍需得旨汝奏請節哀知道了兩月以來已屢次降旨曉諭外省臣工想汝已領悉矣汝既感戴

皇考深恩惟有殫心竭力經理地方庶可報稱至於協濟黔省軍需尤當善為區畫務令軍旅有資閭閻不擾此目前第一要務也○四川總督黃廷桂等具奏川東一帶偶缺雨澤收成歉薄酌動倉穀平糶借支併請緩徵得旨川省已縣等九處應徵錢糧已降旨豁免矣既有歉收之州縣恐窮民乏食且恐缺少籽種汝等當加意籌畫多方接濟若作紙上空談使百姓不得其所朕必加以溺職處分

決不寬貸也勉之又批凡為地方大吏當首以愛民為要務其餘一切經理皆當自度力量識見緩緩為之不可為近功邀利之舉不可用一己偏執之見至於錢糧之不敢侵欺弊端之不敢少作羨餘之必報絲毫屬員之必叅微過此不過一端一事之能臣所為豈國家封疆大臣之要務哉朕願爾督撫以大

臣自處則朕之百姓受恩多矣○廣東巡撫楊永斌具奏地方情形八條○支用庫項均歸核實○倉穀俱無虧缺○生俊納穀捐監分撥貯倉○開墾田地一百二十萬餘畝○剔除關稅弊竇○訓練兵丁○防範猺疆○賑卹潮水浸溢居民得旨自是爾職分之所當為然朕不與汝等計絲毫也捐納之事必應禁止者報墾非徒無益而且有害之事朕不為也裕課尤宜卹商又批摺內各條皆地方應行之事果能如此辦理而皆出於至誠無粉飾之詞則亦可稱幹濟之能臣然朕之

所望於爾等督撫者不止此也。封疆大臣以察吏安民為第一要務。必須端本澄源。撫綏化導。使休養生息。吾民如登衽席。斯不負國家倚任之重。將此並諭督臣知之。○貴州巡撫元展成具奏籌辦賑卹。避苗難民得旨。汝於賑卹難民。再不悉心料理。俾朕罹災之赤子各得其所。則汝之罪萬萬不可逭矣。至於善後一切事宜。總聽張廣泗調度。不可掣肘。若張廣泗有一言及汝。汝獨不念爾八十歲之老父乎。○福建布政使張廷枚奏交代正雜錢糧及公費養廉銀兩不清。秉公確查。分別辦理得旨。總以公平辦理為要。苛刻之舉乃皇考所深惡者。汝其誌之。○又奏報糧價并賑卹臺灣被風難民。得旨。據奏米石價值及雨水情形知道了。粉飾之習切以為戒。一有不實。朕必加以嚴譴。臺灣被風民人尤宜加意賑卹。勿徒為紙上之談。○又奏閩省內地之

林麓埔塘港汊洲渚俱應查勘報墾。其臺灣地方及沿海各島嶼不便潛弛禁令。使奸民乘機聚集生事。以致海洋不靖。并請照舊禁止沿海各省及邊省有苗民聯界之處。停其報墾。得旨。各省奏報開墾者多屬有名無實。竟成累民之舉。而河南尤甚。前此已頒發諭旨矣。閩省海洋之地尤不可生事滋擾。並傳諭爾督撫知之。○江南總督趙宏恩等覆奏東臺石港兩場雖土城年久坍塌。現有文武職官駐劄。兵丁巡防。人烟稠密。可以起建義倉分貯穀石。以資接濟。前以鹽政高斌摺內未經備細陳明。致厯大行皇帝聖慮。今臣等斟酌詳議。請仍照前奏辦理得旨。此奏明晰。著照所奏行。並報部存案。○雲貴總督尹繼善奏懇節哀。以副大行皇帝付託之重。得旨。實實如是。而一種敬天勤民之心。為臣子者尤不能窺見萬一也。朕惟有念繼序之艱難。報高厚於萬一耳。又批

敢不勉強節哀。以仰承

先烈。以料理庶務。然敬念我

皇考十三年之苦心。未嘗一日享有天下之樂。

朕之沉痛。又何能自己耶。即昨見卿所繳

硃批。朕不禁涕泣沾襟。然所以撫定苗疆。克成

先志。則在我君臣之自勉耳。○又奏滇省連歲

秋成豐稔。米價平賤。請遵循成例。仍收秋糧。

以裕倉儲。得旨。雖然如是。又不可使民受徵

催之苦。以供胥吏之中飽。○直隸總督李衛

奏。前任督臣宜兆熊。錯擬斬罪之張三一犯。

請予省釋。得旨。張三一案。宜兆熊。劉師恕。辦

理錯繆。已蒙

皇考洞鑒。今歷年已久。卿又奏伊瘋病已愈。著

入於恩赦。內釋放。並將朕旨咨部知之。○湖

廣總督張廣泗具奏。奉命總理苗疆事務。即

日赴黔。悉心辦理。勦撫事宜。得旨。如此辦理。

朕深慶苗疆之不難指日底定也。苗疆用兵

乃目前第一要務。從前

皇考宵旰焦勞。今曠日持久。尚無頭緒。朕心倍

切憂慮。張照行事乖張。哈元生董芳又各持

意見。不能和衷共濟。是以命卿為經畧。總統

軍務。一切惟卿是賴。凡有應舉應劾之處。秉

公行之。勿避嫌疑。勿辭勞怨。應與尹繼善相

商者。行文商酌。務期早奏膚功。又安黎庶。為

地方久遠之計。以報

皇考之恩。以副朕心之望。勉之。○廣東巡撫楊

永斌具奏。粵東官兵出師黔省。酌籌接濟。俸

餉銀兩。并密陳揚威將軍哈元生。副將軍董

芳。辦理勦撫事宜。意見不和。請旨各加訓飭。

及查撫避兵黔民。得旨。此奏甚是。哈元生董

芳各持意見。不能和衷共濟。朕已洞悉其情。

是以特命張廣泗為經畧。統領軍務。伊到黔

省。自另有一番佈置也。被難之民。若有來至

粵東者。可加意撫卹。毋致失所。

大清高宗法天隆運至誠先覺體元立極敷文
奮武孝慈神聖純皇帝實錄卷之五

平定永王

子丁

大清高宗法天隆運至誠先覺體元立極敷文
奮武孝慈神聖純皇帝實錄卷之六

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履謙

總裁官經筵講官太子太傅文華殿大學士文淵閣領事領侍衛內大臣稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

雍正十三年乙卯十一月丙申朔

實錄卷六

上詣

奉先殿行禮 開館纂修

世宗憲皇帝實錄 諭王大臣等元年元旦陞

殿朝賀關係國家大禮不便停止且已在百

日之外自當舉行著照所請行朕既受廷臣

朝賀

皇太后前朕自應行元旦之禮著王大臣等議

奏朕思尊崇

皇太后徽稱典禮應於歲內舉行至冊封皇后

典禮應俟二十七月之後著一并議奏 命定教官品級諭曰各省教職乃師儒之官所以訓迪約束為多士之表率也若不賞給品秩則與雜職無異恐地方之人不加禮貌而本人亦遂以冗散自居不知殫心課士以盡職任其應如何加給品級以示鼓舞責成之意著吏部議奏○諭張廣泗既授為經畧德希壽在彼無用著來京○調正紅旗漢軍都統岱琳卜為鑲紅旗漢軍都統以原任都統伊禮布為正紅旗漢軍都統御前侍衛保住為鑲紅旗漢軍副都統貝勒弘瑚為鑲白旗漢軍都統○丁酉命審訊宜歸平允諭總理事務王大臣曰辦理天下事務貴得其平必是非輕重無絲毫或爽而後可以協天理而當人心况刑罰尤宜慎重萬不可因奉旨發審遂存迎合避嫌之心與其失出寧為失入而輒置人於重法也即如戴瀚科場一案朕因未得真情特命王大臣會同刑部審理今

議以戴瀚聞

大行皇帝升遐之後言笑自若照忌辰演戲之例擬斬監候具奏戴瀚如科場舞弊果真即宜置之重典若場中談笑自若乃無實據可憑者豈可因此以入重罪乎况比照忌辰演戲之例更不相符許秉智抄寫文字正副考官分東西校閱以及刪改進呈試卷各條情節審訊俱未周到著王大臣等覆加詳審另議具奏請旨大凡發審事件因是非真假不能一時遽定故命廷臣讞鞫若其初情罪確實無復疑似便可即置於法不待推問矣至發審之後實係無辜何妨即行開釋倘因朕發審之故而恐審虛免罪有礙前旨必欲周內其罪則竟視朕為飾非文過之主矣夫視朕為飾非文過之主何如待朕為虛衷慎刑之主乎况係欽案而擬罪加重則刑法失平啟衆人之議論何以服遠近而昭勸懲乎若欽犯案件一例擬斬是視為固然不應斬者

固屬寬抑而應斬者亦為不應斬之人矣至於恩出自上之說尤為不可倘朕一時不能詳察則失入者必多粵稽我

太祖高皇帝諭旨凡有罪之人執訊不可不嚴而定罪不可不慎洵足垂戒萬世為用刑之準則嗣後凡直省有刑名之責者毋執成見毋挾偏私務各虛心聽斷胥歸平允以共體上天好生之心用襄國家祥刑之治命喪葬循禮諭曰朕聞外省百姓有生計稍裕之家

每遇喪葬之事多務虛文侈靡過費其甚者至於招集親朋鄰族開筵劇飲謂之鬧喪且有於停喪處所連日演戲而舉殯之時又復在途扮演雜劇戲具者從來事親之道生事死祭皆必以禮得為而不為與不得為而為之者均為非孝是知各循其分乃能各盡其孝初不在以奢靡相尚也況當哀痛迫切之時而顧聚集親朋飲酒演劇相習成風恬不知怪非惟於禮不合抑亦於情何忍此甚有

關於風俗人心不可不嚴行禁止著各省督撫等通行明切曉諭嗣後民間遇有喪葬之事不許仍習陋風聚飲演戲以及扮演雜劇等類違者按律究處務在實力奉行毋得姑為寬縱○以內閣學士圖理琛署工部右侍郎總理事務王大臣查奏永遠枷號鎖禁圈禁人犯得旨除蠟子張戴偏頭吳海策旺札布不赦外圖林等八十四名俱著赦免其私開鎖鑰等案枷號人犯喜成等十一名俱著免其枷號內有原擬斬絞之罪及應追銀兩者著照所奏交刑部照例辦理

雍和宮所屬地方枷號鎖禁人犯馮漢玉等九名著管理

雍和宮事務王大臣另行請旨甕山園禁鋤草太監牛大等十八名著內務府另行請旨江蘇巡撫高其倬奏管理淮關年希堯庇庇惡縱貪等情及本內有名人犯著督撫嚴

查確審定擬具奏准關印務爾督撫速選賢員暫行管理下部知之○戊戌

上詣雍和宮

梓宮前供奠 總理事務王大臣等會同禮部奏竊惟尊親之典帝后同稱孝慕之忱顯揚並切溯有娥於殷世祥祉攸凝紀太姒於周詩徽音永炳矧係聖代之母儀宜有加崇之顯號欽惟

孝敬皇后功符坤載德協乾元篤誠孝於宮庭動循禮則懋勤勞於壺掖翊贊謨猷溫恭備著夫嘉徽和順聿昭其淑德丕宣閭教化啟肅雖共被仁慈恩推鞠育慶昇平而佐理帝治彌昭貽福祉以垂庥孝思倍摯臣等恭遵諭旨敬考彝章謹擬恭上

尊謚曰

孝敬恭和懿順昭惠佐天翊聖憲皇后伏俟命下之日應行典禮交與該衙門敬謹辦理得旨是依議 諭總理事務王大臣准關監督

年希堯庇役縱僕壞法病商各款經巡撫高其倬具本題參已降旨交該督撫嚴查究審朕又聞得年希堯於徐州所屬四縣之落地稅例應地方官徵收者又復變亂成法改為關額徵收私添稅口差遣多人橫徵生事正耗之外復索取票錢飯錢甚至民間收穫糧石棉花并市集零星買賣極細微之物如魚蝦等類亦勒令上稅種種悖謬擾累民生怨聲載道其家人鄭三尤為首惡把持內外無所不為等語朕思州縣落地稅銀原應地方官徵收且從前曾奉

皇考諭旨牙商雜稅不許有司任意增添前日朕復降旨已將鄉村市鎮之落地稅永行革除今年希堯既將徐屬四縣之落地稅違例改為關額濫徵又縱容家人書役加倍勒取擾累民生情甚可惡著該督撫即行查明將該縣落地稅之應徵者仍歸地方官徵收應革除者仍遵旨革除以甦民困其年希堯家

人鄭三著即行嚴拿一併究審定擬具奏○
己亥以順天府府尹蔣漣署太常寺卿事務
以副都御史孫國璽署順天府府尹事務以
刑部右侍郎木和林轉刑部左侍郎理藩院
左侍郎納延泰為刑部右侍郎命侍講鄭
江提督安徽學政檢討李光燠提督山東學
政監察御史張考提督河南學政修撰周霽
提督陝西學政編修周學健提督福建學政
編修于辰提督江西學政戶部郎中潘允敏
提督廣西學政戶部員外郎陳象樞提督四
川學政編修孫人龍提督雲南學政監察御
史鄒一桂提督貴州學政監察御史張仕遇
提督湖南學政吏科給事中王丕烈聲名好
仍留廣韶學政任○以侍郎銜王國棟署刑
部侍郎庚子
上詣雍和宮
梓宮前供奠○詣
皇太后宮問安○諭總理事務王大臣前張照

自請前往黔省辦理苗疆事務比時
皇考切加教訓准其前往乃伊自到黔省以來
挾詐懷私擾亂軍務罪過多端張照來京時
著交與總理事務王大臣會同刑部確查嚴
審定擬具奏兵部奏兩廣總督鄂彌達疏
請思恩協改為思恩營設遊擊一員守備一
員千總一員把總二員兵五百名鎮安營改
為鎮安協設副將一員都司一員守備一員
千總一員把總二員兵七百零五名均隸右
江鎮管轄應如所請從之辛丑命甄別僧
道諭曰四民之中惟農夫作苦自食其力最
為無愧飭庀八材以利民用非百工莫備士
則學大人之學故錄其賢者能者至於商賈
阜通財賄亦未嘗無益於人而古昔聖王尚
慮逐末者多令不得衣絲乘車推擇為吏以
重抑之今僧之中有號為應付者各分房頭
世守田宅飲酒食肉並無顧忌甚者且畜妻
子道士之火居者亦然夫一夫不耕或受之

饑一女不織或受之寒多一僧道即少一農民乃若輩不惟不耕而食且食必精良不惟不織而衣且衣必細美室廬器用玩好百物爭取華靡計上農夫三人肉袒深耕尚不足以給僧道一人不亦悖乎朕於二氏之學皆洞悉其源流今降此旨並非博不尚佛老之名也蓋見今之學佛人豈特如佛祖者無有即如近代高僧實能外形骸清淨超悟者亦稀今之道士豈特如老莊者無有即如前世山澤之癯實能凝神氣養怡壽命者亦稀然苟能遵守戒律焚修於山林寂寞之區布衣粗食獨善其身猶於民無害也今則不事作業甘食美衣十百為羣農工商賈終歲竭蹶以奉之而蕩檢踰閑於其師之說亦毫不能守是不獨在國家為游民即繩以佛老之教亦為敗類而可聽其耗民財涵民俗乎著直省督撫飭各州縣按籍稽查除名山古剎收接十方叢林及雖在城市而願受度牒遵守

戒律閉戶清修者不問外其餘房頭應付僧火居道士皆集衆面問願還俗者聽之願守寺院者亦聽之但身領度牒不得招受生徒所有資產如何量給還俗及守寺院者為衣食計其餘歸公留為地方養濟窮民之用並道士亦給度牒之法該部詳細妥議具奏命月官履歷勿事頌揚諭曰吏部月選官員引見每先期考試履歷蓋看其通曉文義與否若有條奏事宜更可觀其識見即虞廷敷奏以言之意也朕近覽月官履歷率多頌聖泛語鋪張功德滿幅盈篇閱之殊為可厭夫先資拜獻貴於抒寫誠惻似此粉飾浮夸豈朕樂聞頌揚之辭而為廷試之舉耶嗣後考試月官履歷如果伊等於政治確有所見准其據實條陳或自述何以居官何以莅事亦准敷納若胸中無欲吐之言止許繕寫履歷其濫用頌聖套語者概行禁止諭年希堯違例濫徵稅銀一案著總漕顧琮會同督撫

查審戶部議福建建陽縣冒免錢糧一案其歷任該管各員不行查出均應罰俸一年得旨依議從前冒免之弊原係官吏所為與百姓無涉現在該撫盧焯奏請清查必須至公至當不得絲毫擾累百姓倘不據實陳奏稍有辦理未善之處朕必於該撫是問以右翼前鋒統領葉楚為正白旗蒙古都統壬寅吏部兵部會議湖廣總督邁柱疏稱忠尚宣撫司田光祖十五土司公懇歸流必須分設一府五縣始足以資治理請於恩施縣地方建設府治添設知府一員以原設恩施縣為附郭首邑施南司桐子園大田鎮官渡壩四處各設縣治隸新設之知府管轄再設同知一員其施南二縣設通判一員其大田鎮桐子園官渡壩三縣設經歷一員兼管司獄事務其恩施縣添設縣丞一員崔家壩添設巡檢一員施南新設縣添設知縣一員典史一員桐子園新設縣添設知縣一員典史

一員大旺添設縣丞一員卯崗百戶司添設巡檢一員大田鎮新設縣添設知縣一員典史一員官渡壩新設縣添設知縣一員縣丞一員典史一員南坪堡添設巡檢一員其新設之恩施府及先設之彝陵府准歸荊州道統轄其歸荊州道原轄之安陸府改隸襄陽道德安府改隸武漢黃道統轄又稱議設一府五縣其營制汛防應設副將一員中軍都司一員左右營守備二員千總四員把總八員共經制官一十六員馬步守兵一千五百五十七名內設外委九員均聽彝陵鎮總兵統轄又稱四川夔州府屬之建始縣去恩施不過百里請改歸楚省恩施新設府管轄應如所請尋又議定府名曰施南附郭縣曰恩施屬縣曰宣恩來鳳咸豐利川移建始來屬從之癸卯諭副總河原非額設之員且一時亦不得人著詢問白鍾山如河工事務必需員協辦即奏明停止若必須協辦之員

令白鍾山將平日深知灼見諳練河務者奏
聞請旨、甲辰冬至祀

天於

園丘遣顯親王衍潢恭代行禮○遣官祭

永陵

福陵

昭陵

昭西陵

孝陵

孝東陵

景陵

上詣

奉先殿行禮、乙巳

上詣

皇太后宮問安、命議敘平郡王軍功諭總理
事務王大臣曰從前北路軍務傅爾丹錫保
前後辦理錯誤諸事廢弛自平郡王為大將
軍以來實心任事整理一切雖因賊寇斂跡

未著顯功而在外統兵數年實屬勤勞並無
過失

皇考原欲俟其回京加恩但未降旨著照西路
署大將軍查郎阿議敘之例將平郡王議敘
以為人臣殫心公事宣力戎行者勸諭國
家久道化成人文蔚起

皇考樂育羣材

特降諭旨令直省督撫及在朝大臣各保舉博
學鴻詞之士以備制作之選乃直省奉詔已
及二年而所舉人數寥寥朕思天下之大人
材之衆豈無足膺是舉者一則各懷慎重觀
望之心一則衡鑑之明視乎在己之學問或
已實空疎難以物色流品此所以遲回而不
能決也然際此盛典安可久稽朕用再為申
諭凡在內大臣及各直省督撫務宜悉心延
訪速行保薦定於一年之內齊集京師候旨
廷試倘直省中實無可舉亦即具本題覆○
諭戶部朕聞江南太平府蕪湖縣有雜辦江

夫河蓬錢糧歲徵銀二千三百零四兩歷年已久房屋傾圯而額稅仍存小民輸納艱難頗為地方之累朕即位以來勤求民隱已降旨禁革雜稅此即雜派中之先宜豁免者著該督撫遵旨將此項錢糧二千三百零四兩即行寬免永著為例並出示通行曉諭毋許胥吏地棍等侵蝕中飽飭居喪母得嫁娶諭曰朕聞吉凶異道不得相干故娶在三年之外而聘在三年之內者春秋猶以為非禮記稱大功之末可以冠子可以嫁子父小功之末可以娶婦已雖小功既卒哭可以冠娶妻三年之喪創深痛鉅苟有人心者必宜於此焉變矣乃愚民不知禮教起於早隸編氓之家有慮服喪之後不得嫁娶乘父母疾篤及殯殮未終而成婚者其後商賈中家多有之士大夫亦間為之而八旗效之朕實憫焉自今伊始自齒朝之士下逮門內有生監者三年之喪終喪不得嫁娶違者奪爵褫服其

極貧早隸編氓父母卧疾呻吟牀褥必賴子婦以躬薪水治饗殮者聽其迎娶盟餽俟疾愈喪畢而後成婚古者禮不下庶人其斯之類歟曾子問親迎女在途而壻之父母死女改服布深衣縞總以趨喪亦此義也其商賈中家不必以士大夫之禮繩之然人性皆善朕知其必有觀感興起而不忍自同於氓隸者矣都統王常奏八旗病故官兵妻室無論有無子嗣情願守節者勿許親族佐領勒捐即行呈報照例支給一年半俸半餉從之丙午諭總理事務王大臣八路旗莊官嗣後停止派往但直隸管理旗人事務只有保定府理事同知一員未免辦理難周若添設一員分管於事有益其如何分管及駐劄何地之處著交與直隸總督妥議具奏丁未上

大行皇帝尊謚前期遣官祇告

天

地

太廟

奉先殿

社

稷至日陳鹵簿於雍和門外

上素服御太和門閱

冊

寶行三拜禮還宮易縞素詣雍和宮別殿祇候

屆時

上就拜位行九拜禮興跪進

冊

寶

上行九拜禮乃行致祭禮奠帛讀祝三獻爵均

如儀還宮○

冊文曰至德同天裕鴻模於萬世深恩決地垂

駿烈於千秋揚顯號以薦徽稱考彝章而崇

殷禮光昭寶冊輝映瑤圖欽惟

皇考大行皇帝道協清寧功隆位育敬

天而虔昭事孚精意於

郊壇法

祖而篤顯承致孝忱於

廟祐紹中天之景運開奕代之昌期精一傳心

建大中而出治蕩平立極居至正以表邦敷

文則重道尊師宏作人之雅化振武則安邊

懷遠恢保泰之神謨天亶聰明坐照靡遺於

庶物性成英睿淵衷遠徹於萬方御衆以寬

而蠲賦省刑共沐仁恩之浩蕩示民有信而

敦化善俗咸欽毅力之甄陶蓋本大孝不匱

之思善繼以成夫善述且運至誠無息之用

實政而體以實心乃至瑞集苞符海宇之禎

祥畢致誠輸職貢梯航之琛賁胥來而乃謙

挹彌深憂勤益勵朝乾夕惕弗釋一二日兢

兢業業之心旰食宵衣用成十三載蕩蕩魏

魏之治樹百王之模範言言寶鑑丹書傳百

代之章程事事金科玉律有典有則永垂裕

於後昆是訓是行敬率由於成憲茲博詢夫

公議期允愜於輿情

尊謚

憲皇實符盛烈載稽往籍式考禮經宗堯宗禹
宗湯廟貌宗尊於有德世道世法世則烝嘗
世永於不祧殷美三宗宜肇禮宗之典周崇
世室爰開卜世之祥配

列祖於在天薦

世宗之新廟合朝野僉謀而悉協揆古今通義
而交孚謹奉

冊

寶恭上

尊謚曰

敬天昌運建中表正文武英明寬仁信毅大孝

至誠憲皇帝

廟號曰

世宗惟耿光大烈之常昭冀景福純禧之茂介

伏乞昭格俯賜鑒臨謹言

上詣

皇太后宮問安諭戶部聞四川巴縣江津長

壽碁江涪州瀘州璧山合江永川九姓司九

處今年雨水較少收成稍薄雖據該督撫等

奏稱勘不成災不在蠲租之例但歲收既歉

民間納賦未免艱難朕心深為軫念查各省

舊欠錢糧朕已降旨通行蠲免而川省民風

淳樸歷年輸將恐後并無逋欠之項得邀赦

免之恩此巴縣等九處本年未完錢糧著即

全行豁免以惠吾民該督撫等務宜實心奉

行嚴飭地方官詳查辦理勿使吏胥滋弊中

飽俾閭閻得霑實惠 戊申

上以

聖祖仁皇帝忌辰躬詣

奉先殿行禮復詣

壽皇殿行禮遣官祭

景陵大學士等議奏

崇慶皇太后曾祖父額宜騰祖父吳祿俱追封

為一等公妻俱追封公妻一品夫人父現任

四品典儀官凌柱封為一等公妻封為公妻
一品夫人世襲罔替從之。諭總理事務王
大臣貝勒允禔郡王允禧貝勒允祜貝勒允
祁誠親王允祕之母侍奉

皇祖多年恪恭勤慎

皇考當日俱封為貴人今允禔等晉封王貝勒
之爵應加恩所生以昭典禮允禔允禧允祜
允祁之母著晉封為嬪允祕之母著追封為
嬪交宗人府會同禮部查例具奏。諭朕兄

大阿哥乃

皇妣孝敬皇后所生朕弟八阿哥素為

皇考所鍾愛當日曾以親王殯葬今朕眷念手
足之誼俱著追封親王一切應行典禮著交
宗人府會同禮部查例具奏。諭大學士邁
柱著來京辦事其湖廣總督印務著戶部尚
書史貽直暫行署理。禮部議福建總督郝
玉麟疏稱閩省既經改設府州縣治應將各
府州縣之取進文武童生并廩增名數分撥

增減請將福寧府文武童生各取進二十名
廩增額數各四十名霞浦縣各取進十五名
廩增各二十名古田縣屏南縣各取進八名
廩增各十名永春縣改州文武童歲科各取
進十三名廩增仍舊大田縣文童取進十二
名龍巖縣改州歲科文童取進十八名廩增
仍舊應如所請從之。己酉以恭上

世宗憲皇帝尊謚禮成詔示天下詔曰自古帝
王駿德鴻功蟠天際地必有顯號著於當時
隆名揚於奕世是以頌堯之敷聖神文武紀
湯之烈智勇寬仁記曰謚以尊名又曰大行
受大名蓋追崇之典斯獨重焉恭惟我
皇考大行皇帝秉道膺符用中建極睿智本乎
天宣公溥協乎輿情以朝乾夕惕之純衷懋
主敬存誠之實學

郊壇對越昭事惟虔祈穀薦馨明禋奏假奉烝
嘗於

太廟精意感孚勤定省於寢門孝思純篤當

皇祖聖祖仁皇帝上賓哀敬竭情典儀倍肅遠道親扶

龍輶淚洒

山陵隨時瞻拜

御容愴深霜露體是心而行是政時切欽承敬所尊而愛所親誕敷錫類經筵肇舉

御論精微成憲詳稽執中簡要尊尼山之封爵五代增榮建闕里之棖題千秋永煥澄清吏治首重賢能之書惠保黎元屢下蠲逋之詔

減浮糧則動踰億萬加祿糈則遍及臣鄰行耜田而數廣三推詣太學而禮隆九拜增科目則春秋加榜濬河渠則南北安流暑月釋囚免覆盆於狴犴邊庭恤士感挾纊於戎行賸懷舊德錄用子孫獎勵賢良加崇廟享答章疏而

硃批周晰飭綱紀而

上諭精詳引對臣工考言詢事刊頒律例慎獄明刑昭聖武於邊隅布天威於遠徼梯航悉

至訖聲教於蠻貊禾黍豐登享昇平於泰宇嘉祥畢集景運彌隆惟十三載之兢兢業業丕顯丕承實勞睿慮致億萬年之翼翼繩繩大經大法昭示來茲痛

龍馭之遽升欲攀號而莫逮普天率土哀慕滋深戴德銘功

徽稱允協朕續承丕緒嗣守鴻基方繼述之是圖詎追崇之敢後謹命諸王貝勒大臣文武羣臣敬考彝章恭薦

謚號百辟卿士僉言允符肇舉上儀恪遵曩制祇告

天

地

宗廟

社

稷於雍正十三年十一月十二日敬奉

冊

寶恭上

皇考大行皇帝

尊謚曰

敬天昌運建中表正文武英明寬仁信毅大孝至誠憲皇帝

廟號曰

世宗尊親之大義既彰厚下之洪恩宜錫所有事宜開列於後一各處守

陵官員兵丁俱議加恩賜一閑散宗室覺羅十五歲以上者俱加恩賜一自雍正十三年九

月初三日恩詔後陞職加銜及補官者俱照現任職銜給與封典一現在西北兩路及苗疆軍營大臣官員等甚屬勞苦宜加恩賜自將軍以下至官員等著賞半年俸一在京滿漢文官五品以下在外四品以下在京在外武官三品以下俱各加一級一八旗現任大臣官員護軍兵丁拜唐阿內曾經出征得過頭等二等功牌及頭等二等戰傷者該部查明酌議加恩一各省將軍副都統總督巡撫

提督總兵官各加恩賜一凡文武各官因公

罰俸已經扣除未滿所罰之數者著一併豁免一京城兵丁當差効力行走甚屬可憫著

賞給一月錢糧一各省侵貪那移應追之項

家產盡絕力不能完者已概予豁免其分賠

代賠指欠開欠之項著查明一併豁免一凡

有叛逆殺人強盜等罪因本犯未獲牽連對

質候審監禁人犯在獄年久恐無辜致死該

部院直省督撫確審如有情可矜疑者即行

奏請釋放一各處養濟院所有鰥寡孤獨殘

疾無告之人有司留心以時養贍勿致失所

一凡官吏兵民人等有犯除謀反叛逆子孫

謀殺祖父母父母內亂妻妾殺夫告夫奴婢

殺家長殺一家非死罪三人採生折割人謀

殺故殺真正人命盡毒魘魅毒藥殺人強盜

妖言十惡等真正死罪不赦外軍機獲罪隱

匿逃人亦不赦外其餘自雍正十三年十一

月十四日昧爽以前已發覺未發覺已結正

未結正。咸赦除之。有以赦前事告訐者。以其罪罪之。於戲。

帝德難名。曷罄敷揚之願。

聖功丕煥。允垂顯懿之稱。用慰羣情。永昭隆典。布告天下。咸使聞知。○諭王公等。所有引見王公門上之護衛官員等。張弓式樣庸劣者甚多。馬步騎射。係我滿洲舊業。王公等宜各令其屬上緊學習。再王公門上護衛官員。並非選其才能。自應將年久出力人員。揀選引見。若將年少之人補放。其年久出力之人。勢必壅滯。其年少者。論伊等資格。雖暫時不能陞用。終有陞路。嗣後揀放王公之護衛官員。俱著將年久出力之員。帶領引見。勿得仍取年少之人。將此通諭各王公等知之。○命原任尚書赫奕。在內務府總管上行走。○庚戌上詣

奉先殿。

壽皇殿行禮。○詣

大高殿行禮。○詣

關帝廟行禮。○諭總理事務王大臣。各館修書。關係本朝典禮。考訂固不可草率。而辦理亦不可稽遲。乃各館中。竟有修至十餘年而未成書者。即云移查檔案。動經時日。然亦何至如許之久。朕聞在館人員。以館中月給廩費。倘書早告成。即不得支領。緣此致稽年月。朕思士人讀書。必先明乎義利之介。先儒所云。正其誼。不謀其利者。於義何居。似不宜見小。至於如此。況前書修成。又可別開館局。何至所見不明。以致廢弛公事。將此曉諭各館官員等。毋得仍前怠忽。○以吏部右侍郎孫嘉淦。為都察院左都御史。○以副都統烏賚為鑲黃旗護軍統領。

大清高宗法天隆運至誠先覺體元立極敷文
奮武孝慈神聖純皇帝實錄卷之六

大清高宗法天隆運至誠先覺體元立極敷文
奮武孝慈神聖純皇帝實錄卷之七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

雍正十三年乙卯十一月辛亥

實錄卷七

上詣雍和宮

梓宮前供奠 詣

皇太后宮問安 諭總理事務王大臣外祖凌
柱之先人世敦淳樸克篤忠誠積厚流光惠
及後裔誕育我

聖母皇太后播懿德於宮闈懋坤儀於邦國今
外祖凌柱尚在公中佐領朕應推廣

皇太后之恩特賜佐領俾其子孫世相承襲但
伊等一支人丁不敷編集凌柱之叔祖額亦

都巴圖魯軍功所得俘戶甚衆故編為九佐領內滋生人丁頗多可於此內酌編一佐領共成十佐領其新編之佐領即令凌柱之子管轄將來子孫世襲罔替其族中子弟有願入新編佐領者聽之壬子內閣九卿翰林詹事科道等奏欽奉

上諭恭議加上

列朝尊諡

太祖承天廣運聖德神功肇紀立極仁孝睿武

實錄卷七

二

端毅弘文定業高皇帝今擬於端毅字下加欽

安二字恭加上

太祖尊諡曰

太祖承天廣運聖德神功肇紀立極仁孝睿武

端毅欽安弘文定業高皇帝

太宗應天興國弘德彰武寬溫仁聖睿孝敬敏

隆道顯功文皇帝今擬於敬敏字下加昭定二

字恭加上

太宗尊諡曰

太宗應天興國弘德彰武寬溫仁聖睿孝敬敏昭定隆道顯功文皇帝

世祖體天隆運定統建極英睿欽文大德弘功至仁純孝章皇帝今擬於欽文字下加顯武二字恭加上

世祖尊諡曰

世祖體天隆運定統建極英睿欽文顯武大德

弘功至仁純孝章皇帝

聖祖合天弘運文武睿哲恭儉寬裕孝敬誠信

實錄卷七

三

功德大成仁皇帝今擬於誠信字下加中和二

字恭加上

聖祖尊諡曰

聖祖合天弘運文武睿哲恭儉寬裕孝敬誠信

中和功德大成仁皇帝

孝慈昭憲敬順仁徽慶顯承天輔聖高皇后今

擬於仁徽字下加懿德二字恭加上

尊諡曰

孝慈昭憲敬順仁徽懿德慶顯承天輔聖高皇

后

孝端正敬仁懿哲順莊敏輔天協聖文皇后今

擬於哲順字下加慈僖二字恭加上

尊諡曰

孝端正敬仁懿哲順慈僖莊敏輔天協聖文皇

后

孝莊仁宣誠憲恭懿至德翊天啓聖文皇后今

擬於至德字下加純徽二字恭加上

尊諡曰

孝莊仁宣誠憲恭懿至德純徽翊天啓聖文皇

后

孝惠仁憲端懿慈淑純德順天翼聖章皇后今

擬於慈淑字下加恭安二字恭加上

尊諡曰

孝惠仁憲端懿慈淑恭安純德順天翼聖章皇

后

孝康慈和莊懿恭惠溫穆崇天育聖章皇后今

擬於溫穆字下加端靖二字恭加上

尊諡曰

孝康慈和莊懿恭惠溫穆端靖崇天育聖章皇

后

孝誠恭肅正惠安和儷天襄聖仁皇后今擬於

安和字下加淑懿二字恭加上

尊諡曰

孝誠恭肅正惠安和淑懿儷天襄聖仁皇后

孝昭靜淑明惠正和欽天順聖仁皇后今擬於

正和字下加安裕二字恭加上

尊諡曰

孝昭靜淑明惠正和安裕欽天順聖仁皇后

孝懿溫誠端仁憲穆奉天佐聖仁皇后今擬於

憲穆字下加和恪二字恭加上

尊諡曰

孝懿溫誠端仁憲穆和恪奉天佐聖仁皇后

孝恭宣惠溫肅定裕贊天承聖仁皇后今擬於

定裕字下加慈純二字恭加上

尊諡曰

孝恭宣惠溫肅定裕慈純贊天承聖仁皇后得旨是依議○諭總理事務王大臣今日大學士等恭擬尊加

皇祖太妃封號字樣具奏舉行之時朕依照會典親詣行禮展崇敬之意尊封

皇考妃時仍照雍正二年例行○以滿洲副都統馬尼為正黃旗護軍統領協辦叅領偏圖為鑲白旗護軍統領滿洲副都統特庫為鑲藍旗護軍統領○兵部議兩廣總督阿彌達

奏新設苗疆懷遠縣請添兵三百名派守備一員管領慶遠協改歸黔省兵一百五十名照數復設左江鎮撥入右江鎮兵三百名照數募足右江鎮添設鎮標中營兵五百名添設遊擊一員守備一員千總二員把總四員賓州營添設千總一員把總二員應如所請從之○癸丑手敕諭大將軍慶復朕躬安問汝好諸大臣喀爾喀王貝勒兵丁等均好汝到軍營即將彼處情形暨衆心如何蒙古等

又係如何之處留心過數日後即須奏聞想此旨係汝發摺後始到今日稍暇特將朕意書諭於汝準噶爾使來後若事可順適完竣斷不令汝久滯於外况朕前亦無多親信賢臣朕遣常德去欲於事竣後給伊鎮守將軍印信在彼駐防但常德能勝此任與否汝須留心察看至現在議駐哨兵地方似覺稍遠事定後或即照所議駐防或稍徹近些或不便徹近之處均著六額駙與常德悉心籌之朕以為請和不請和在彼我惟固我疆域伊設來時不過自取虧敗而已此言至要至細惟汝知之額駙亦不令與聞恐令喀爾喀等失意想來現在應辦之事爾到彼自必酌量輕重緩急妥為辦理毋庸朕另降諭旨其在彼臣工汝將伊等行止逐一具奏○諭戶部聞晉省大同朔平二府辦納本色米豆一項向例按里徵收腳價距倉三四百里者每石徵至腳價銀三四錢不等輸納太重民力難

支此不但與通省錢糧之火耗懸殊即以大朔二府所屬州縣相距倉廩遠近而計離倉愈遠脚價愈多亦不免偏枯嗣後除離倉最近之州縣向係糧戶自行赴倉交收者仍聽民便令其自運不徵脚價外其餘州縣每石米豆止徵車脚銀一錢此外不敷之運價著於司庫存公耗羨銀內撥給添補令各該州縣官承領僱運不得絲毫剋減及私行派擾再聞米豆一石向例徵收加耗糧八升亦覺太重嗣後每石免耗糧四升止徵耗糧四升以二升為州縣等沿途虧折之耗二升為存倉鼠雀之耗諒無不敷均自本年始永遵為例戶部即行文該巡撫遵旨辦理又諭朕即位之初加恩海內民人已降旨將雍正十三年以前各省民欠錢糧悉行蠲免俾閭閻無催科之擾因查兩淮鹽場竈戶應徵折價錢糧亦有未完之項當與民人一體加恩者著該部即速傳諭總督趙宏恩鹽政高斌將

雍正十二年以前舊欠若干一一查明照地丁錢糧例奏聞蠲免俾竈戶均霑實惠毋使胥吏滋弊中飽嚴禁銷燬制錢諭曰國家錢法關小民日用之需必使流通充裕方能足用阜民乃每年鼓鑄而錢不加多京城之中康熙錢文甚少此必奸徒暗行銷燬之故也我

皇考惠愛斯民宵旰焦勞留心錢法屢頒諭旨嚴飭內外官員查拏盜銷之弊而目下仍然錢少價昂則有司奉行不力顯然可見將此通行曉諭凡京城內外各該地方官務必密緝嚴拏勿稍疎縱倘仍視為具文發覺之日必將該管官重加處分不稍寬貸諭吏部兵部年羹堯冒濫軍功案內革職人員實因當日年羹堯營私作弊伊等遂萌僥倖之心其罪尚有可原此革職人員內未必無年力精壯才具可用者著行文該旗都統等該省督撫等秉公確查文員自知縣以上武弁自

守備以上若有可用之才保送該部再加驗看揀選奏聞候朕酌量降等錄用甲寅諭總理事務王大臣果親王為

皇考宣力多年向因氣體稍弱

聖懷時時體恤令在邸第辦事以保護精神即遺詔中亦拳拳

諭及自朕即位以來王總理事務夙夜勤勞令天氣正寒朕心深為廛念俟過百日後或隔數日一入內直或天氣晴暖時隨便入見所

有應辦事宜即在邸第辦理以左都御史孫嘉淦仍兼管吏部侍郎事務命赦授誠苗衆罪諭總理事務王大臣同辦理苗疆王大臣曰貴州古州台拱等處生苗雖自古未沾王化然其地實在數省疆域之中我

皇考怙冒如天不忍棄之化外是以就其歸順之誠為之安撫區畫俾得與海宇人民共享昇平之福並非利其土地人民而為好大喜功之事也屢奉諭旨至為明晰乃伊等野性

難馴就撫未幾旋即反側近復勾結熟苗恣行抄劫甚至蹂躪內地殘害民生種種兇惡實屬法所難宥是以調發各省官兵刻期進發期於蕩滌逆氛以安良善今用兵已逾數月逆苗畏罪竄伏巢穴官兵正在進剿但朕念即位以來施恩宥過咸與維新薄海內外皆吾赤子乃兵行糧集曠日持久不惟吾民輓粟飛芻荷戈執戟勞苦堪憫即彼生苗亦為血氣之倫必駢首就誅俾無唯類揆諸朕胞與之懷亦深為不忍目今大兵雲集聲罪致討恐伊等冥頑無知以為罪在不赦自分必死則必負固不服抗拒兵威雖欲自輸誠惘而無由即至身陷屠戮而不悟著即諭張廣泗等明白曉諭除怙惡不悛者定行勦除以彰國法其餘若能聞詔投戈輸誠悔過當悉寬其罪予以自新務使邊宇安寧百姓樂業以副朕乂安海內一視同仁之至意免貴州耗羨諭曰貴州百姓被逆苗擾害已蒙

皇考恩旨令將本年通省錢糧悉行蠲免并將被賊殘害之州縣蠲免三年錢糧在案查定例凡特恩蠲免之項其耗羨仍行徵收以為各官養廉其因水旱蠲免者其耗羨一併蠲免朕思黔民被難較之水旱尤甚况正項既蠲仍徵耗羨未必於民全無擾累著將貴州本年應徵耗羨及被擾州縣三年內應徵耗羨悉行蠲免該督撫嚴飭地方有司毋得違例徵收其各官養廉公費著元展成於別項酌撥抵補○乙卯

上詣

皇太后宮問安○諭禮部自古聖君哲后為上天篤生以乂安寰宇嘉惠元元功德之盛侔於造化厥後追崇之典必合

天並饗以隆報祀詩載思文之什易垂殷薦之文皇哉大矣仰惟我

皇考世宗憲皇帝值重熙累洽之後統御乾綱誕敷膏澤欽承

帝命默契

天心殫繼述之孝思裕經綸之要道由是宣之為政教陳之為法紀勵百爾之廉能恤萬民之疾苦蠲逋賦飭軍威靜桁楊籌水旱勸課農桑砥勵風俗惓惓懇懇心勤宵旰之中而慮周垓埏之表至若隆師重道取士增科文德著焉輯寧邊塞撫入蠻貊武烈彰焉洋洋聖謨儼如

天語煌煌

睿藻煥若

天文至治光華格於上下如日月之運行無不照臨如雨露之霑濡無不周溥用能合撰清寧同符帝載協應

蒼穹嘉祥備集朕惟本天本祖之義尚德尚功之典我

皇考世宗憲皇帝允宜崇祀

郊壇克配

上帝以昭

天春與情允協衆議僉同嗣後冬至祈穀祭

天祇奉

世宗憲皇帝同

太祖高皇帝

太宗文皇帝

世祖章皇帝

聖祖仁皇帝配享夏至祭

地亦如

南郊禮祇奉配享所有應行典禮爾部會同九

卿翰詹科道詳議具奏○諭兵部從前調駐

常德之荊州滿兵一千二百名現今逆苗已

竄入巢穴鄰省無事彈壓著該部即速行文

徹回本處丙辰上

孝敬皇后尊諡前期遣官祇告

天

地

太廟後殿

奉先殿

社

稷至日

上素服御太和門閱

冊

寶行三拜禮還宮預詣田邨享殿大門外東邊

幄次祇蒞

冊

寶至

上詣

孝敬皇后梓宮前行九拜禮興跪進

冊

寶

上行九拜禮乃行致祭禮奠帛讀祝三獻爵均

如儀○還宮○

冊文曰

慈徽永慕垂懿範於千秋茂典追崇耀鴻聲於

萬葉晉瑤函而展孝溯淑德而揚休欽惟

皇妣孝敬皇后體順承

天含章應地性成純孝重聞之奉養備得歡心
化洽肅雝朱邱之贊襄久彰令則迨正中宮
之位益宏內治之功躬節儉以表率宮庭履
敬慎而分憂宵旰溫恭示教茂昭愷悌之風
惠愛覃敷咸頌寬和之德顧惟冲眇夙荷恩
暉蘭殿瞻依緬訓言之如在雲輶長往愴歲
序之頻遷茲當繼序之初倍切顯揚之願敬
循彝典祇奉
尊稱謹奉

冊

寶恭上

尊諡曰

孝敬恭和懿順昭惠佐天翊聖憲皇后伏冀慈
鑒丕昭錫蕃禧而昌後鴻庥垂庇貽介福以
流徽永懷罔極之恩佑啓無疆之祚謹言

上詣

大高殿行禮詣

皇太后宮問安嚴禁賭博鬪狠屠牛諭曰民

間惡習無過於博戲有或陷溺於其中則子
弟欺其父兄奴僕背其家主逃亡盜賊之源
鮮不由此又有市井奸兇十五為羣聚黨鬪
狠為患於鄉閭或強爭市肆或凌挾富人朝
罹官法夕復逞兇其惡不減於劫盜至於牛
為農事之本民賴以生故惟

郊壇

宗廟

社

稷

嶽瀆之重乃用太牢而愚民妄肆宰屠價賤
於羊豕悖莫甚焉是以

皇考蒞政之初即用為大禁嚴飭百吏訪緝奸
兇造賭具者有刑屠耕牛者有罰執法不移
由是鬪狠兇博之莠民屏息而不敢出內則
五城衢巷草竊之賊日稀外則商旅恬安宵
行野宿少逢劫盜田疇益治井里晏眠摩以
歲月乃克致此朕承百度肅清之後故庶政

皆從寬大欲中外吏民蒸然向化遷善遠罪而不自知然所宥者青災所恤者良善非謂怙終而不悛者舉可縱釋也近聞奸民倡為流言以惑衆志詭云步軍統領緝獲賭博已經奏聞朕置而不問又云屠牛之禁亦開昔周公立造言之刑重罷民之罰謂非此不足以定民志而成道化也勅下步軍統領暨五城御史密訪嚴緝造為此言者以正典刑各直省州縣有不能治其境內而犯此三禁者該督撫即時叅究其或失察朕亦不能為大吏寬昔

皇考立法之初多方鼓舞故告發賭博隸民加賞有司議叙而奉行失宜間或有生事以自為功者自今以往其各實心查禁若不能禁賭及造賭具者必以不職罪之打降及屠牛亦然惡萌復生將墮

皇考已成之治化朕滋懼焉爾諸臣其共凜之
○諭河南地方自田文鏡為巡撫總督以來

苛刻搜求以嚴厲相尚而屬員又復承其意指剝削成風豫民重受其困即如前年匿災不報百姓至於流離蒙

皇考降旨嚴飭遣官賑恤始得安全此中外所共知者乃王士俊接任河東不能加意惠養且擾亂紛更以為幹濟借墾地之虛名而成累民之實害彼地民風淳樸竭蹶以從罔敢或後甚屬可嘉然先後遭督臣之苛政其情亦可憫矣王士俊著解任來京候旨河南仍照舊例止設巡撫即著工部侍郎傅德補授并將朕旨宣示豫民咸使聞知 諭總理事務王大臣向來文武科場需用食物器皿等項定例俱係順天府派委大宛二縣動用錢糧分發各行戶備辦近聞承辦之員不能料理妥協以致各行戶未領銀之先吏胥有折扣價值需索規禮之弊及至發價之時又復任意短發扣剋中飽甚屬可惡著曉諭順天府尹嚴飭大宛二縣即將前項情弊立即革

除倘仍蹈故轍一經發覺定將該管各官一併議處丁巳以恭上

孝敬憲皇后尊諡禮成詔示天下詔曰朕惟禮先報本君后並祀於明裡孝重尊親顯揚宜隆夫鴻號緬懷慈範倍深追遠之忱式耀前徽爰有加崇之典載稽往牒彛制維昭欽惟皇妣孝敬皇后功符厚載德懋安貞殫誠敬於庭闈孝思備篤表肅雖於壺掖雅化咸宜翼贊鴻猷佐勤勞以熙績宣昭閭教秉淑慎以垂型儉約持躬效葛覃之美烈寬慈下逮普樛木之仁風理庶務於六宮樹

母儀於萬國觀昇平之大業

帝治加隆兆昌熾之嘉祥貽謀益裕朕自惟幼

冲備蒙顧復遐思

聖善曷罄敷揚是用敬考舊章博諮羣議祇告

天

地

宗廟

社

稷於雍正十三年十一月二十一日率諸王貝

勒大臣文武羣臣恭奉

冊

寶上

尊諡曰

孝敬恭和懿順昭惠佐天翊聖憲皇后既展追崇之禮宜推錫類之恩所有事宜開列於後一嶽鎮四瀆廟宇傾頽者該地方奏明修葺以致誠敬一滿漢孝子順孫義夫節婦該管官細加諮訪確具事實奏聞禮部核實以憑旌表一會試文武舉人已經中式者除過犯革黜外其有因殿試謄寫錯誤不合體式者著禮兵二部察明核實准其再行殿試一鄉試已經中式文武舉人除過犯黜革外其有磨勘原卷字句錯誤以致停科者俱著赦免准其會試一各省要路橋梁間有損壞行人勞苦交與地方官查明驗看應修之處該督

撫奏明修理一八旗滿洲蒙古漢軍包衣佐領下婦人年六十以上者查明分別等次賞賚一直隸各省婦女年七十以上者給與布一疋米五斗八十以上者給與絹一疋米一石九十以上者倍之百歲者題明給建坊銀兩一軍流人犯有本人身故其妻子願回本籍者著該管官查明一面報部一面即令回籍不得留難永著為例一從前發往各處安置人員有情罪尚輕而在外已過三年能安靜悔過者著該管官查明所犯情罪具奏請旨於威懿德丕昭於奕世瑤牒垂光隆稱永炳於千秋璿圖衍慶布告中外咸使聞知

命言官實心陳奏諭曰往者

聖祖仁皇帝特製臺省之箴以專言責

皇考世宗憲皇帝諭旨亦諄諄及之洵以耳目之司乃國是所由彰官常所由肅也朕以藐躬繼承丕緒一日萬幾常恐措置失宜以負皇考付託之重繩愆糾謬正爾諸臣得自竭其

忠誠之會也中外大臣或有說法行私及昏庸不能任職者近者實跡有徵遠者輿論不協皆宜據實彈劾以廣朕之聰明而近觀諸臣所奏大率毛舉細故無關體要朕以實心求言而專司言責者乃以虛文塞責無乃內負風心而外慚於清議乎其各自砥礪凡有關於國政民依者知無不言毋或畏蒞若仍以不急之務漫充奏牘或其人已自敗露而後振拾其非又安用此至於懷私挾怨受人指囑互相攻訐乃

皇祖之箴所謂尤為不臧者有或蹈此乃自貽伊戚也勉之慎之 以署巡撫鍾保實授湖南巡撫刑部侍郎木和林調禮部侍郎原任陝西巡撫法敏補刑部侍郎以太僕寺卿俞兆岳為江西巡撫 以鑲紅旗都統岱琳布為右衛將軍原任鑲紅旗都統石禮哈為鑲紅旗漢軍都統 戊午

上詣雍和宮

梓宮前行月祭禮

上詣

皇太后宮問安 己未諭總理事務王大臣。雍

正元年我

皇考請髮及御門聽政俱在

皇祖梓宮奉移山陵之後今百日將屆

皇考梓宮尚在雍和宮若即剃髮朕心不安但

歲暮新正又有

壇

廟祭祀大典朕當親行者其禮應當如何王大

臣等確議具奏尋議乾隆元年元旦已在

世宗憲皇帝大事百日之後歲暮新正一切

壇

廟祭祀大典

皇帝親詣行禮之處甚多時有不同禮以義起

應請

皇帝於二十九日請髮十二月初一日後御門

聽政於禮允洽報聞○諭王大臣奏乾隆元

年正月初一日朕躬若往

雍和宮行禮不便穿朝服亦不便摘纓於初二

日再往行禮等語正月初一日朕躬若不往

雍和宮行禮朕心如何得安況有雍正元年正

月初一日

皇考穿素服往

壽皇殿門首行禮之例乾隆元年正月初一日

朕躬前往

壽皇殿行禮畢在觀德殿換素服往

雍和宮門首行禮○以平郡王福彭協辦總理

事務 除泰安州香稅諭曰朕聞東省泰山

有碧霞靈應宮凡民人進香者俱在泰安州

衙門輸納香稅每名輸銀一錢四分通年約

計萬金若無力輸稅者即不許登山入廟此

例起自前明迄今未革朕思小民進香禱神

應聽其意不必收取稅銀嗣後將香稅一項

永行蠲除如進香人民有願捨香錢者各隨

願力不得計較多寡亦止許本山道人收存

以資修葺祠廟山路等費不許官吏經手絲毫染指永著為例該撫即通行曉諭知之諭總理事務王大臣同辦理苗疆事務王大臣據張廣泗奏抵黔省鎮遠地方查詢苗疆情形雖用兵數月仍茫無頭緒大路雖可行走而逆苗時出燒劫生苗內為首大寨全然負固從前起事之時元展成以熟苗必不致反哈元生又以為苗人不難撲滅而張照立意阻撓以巧詆為能而置應辦之事於不理及調集各省兵丁數萬餘名哈元生但於大路沿途密布而所用以攻剿之師不過一二千人東西奔救顧此失彼董芳駐守八弓僅以招撫為可了事較之哈元生更全無實際張照於董芳所辦之事極口贊揚於哈元生所辦之事痛加醜詆分兵分地以致哈元生束手無措張照倚董芳為援董芳以張照為可恃文移往來互相攻訐一切軍機事宜皆各行其意從無一字相商此所以大兵雲集

已經數月而毫無成效等語張照受

皇考深恩伊又自請前往苗疆辦事効力乃居心深險行事乖張種種挾詐懷私擾亂軍務昨已交刑部嚴訊今據張廣泗奏前來張照著革職拏問將前後事情及張廣泗摺內所叅各件一一嚴審定擬具奏董芳自請前往黔省領兵効力蒙

皇考賜以副將軍職銜厚加賞賚令其與哈元生同心共濟早奏膚功乃伊以張照為可恃與哈元生有意齟齬事事各行其意並不彼此相商且駐守八弓臨敵不前僅以招撫為可了事董芳著革職拏解來京嚴審定擬元展成身為巡撫親在地方不能撫綏得宜以致猖獗且文武不和互相推諉及至逆苗全煽黔民受其荼毒

皇考及朕先後屢降諭旨令其不可惜費不可苟且務須殫心竭力撫綏安插昨伊奏報已經賑恤難民事竣回署被難窮民皆不至失

所令覽張廣泗所奏是難民並未安頓就緒
元展成耽玩公事輕視民命甚負

皇考倚任之恩元展成著革職掣解來京候審
其巡撫印務即著經畧張廣泗兼管哈元生
身為黔省提督軍務是其專司乃逆苗蠢動
不能防患於未萌及至調集大兵又不能即
行進剿遲迴觀望用兵半載有餘尚毫無就
緒應與元展成一併加以嚴懲姑念現在領
兵進剿著革去揚威將軍暨留提督之職交
與張廣泗差遣委用聽其指示調度若能奮
勉効力尚可稍贖前愆若再有怠忽貽誤及
剛愎自用之處著張廣泗嚴叅將前事一併
治罪德希壽與張照同奉差委膺茲重任乃
張照如此狂悖乖張伊但隨聲附和今又與
張廣泗一同列名陳奏事件竟似張照之罪
與伊毫無干涉者德希壽甚屬無恥亦著革
職掣解來京一併審擬至張廣泗所奏苗疆
情形及辦理機宜甚為明晰其料理賑恤事

宜亦甚屬妥協各項動用錢糧准其報銷俱
著照張廣泗所奏辦理王大臣等可傳諭知
之命太子太保都察院左都御史兼管翰
林院掌院學士福敏吏部右侍郎兼管翰林
院掌院學士邵基詹事府少詹事福什寶翰
林院侍講學士世臣侍講張若涵蔣溥編修
余棟檢討常保佳俱以原銜充日講起居注
官○庚申

皇太后聖壽節

上詣

皇太后宮行禮○諭奉天

陵寢每年祭祀典禮關係重大向例止遣侍郎
行禮朕思世澤雖遠祖孫一脉相承必子姓
虔奉明禋而後精誠可格嗣後當於宗室中
派公三人前往行祭祀禮其應即在奉天居
住或應每年輪班派往之處著總理事務王
大臣會同五旗王公等定議具奏○以領侍
衛內大臣阿思海滿洲都統宗室弘昇護軍

統領馬呢漢軍都統覺羅伊禮布兼管火器營事務○兵部議江南提督補熙奏稱青邨柘林南匯三營原設把總一員不敷彈壓請各添設千總一員應如所請從之○辛酉上詣雍和宮

梓宮前供奠○總理事務王大臣查奏犯法欠帑人員得旨這查奏人員內與赦相符及情有可原之明亮等五十九名與赦不符人員內覺羅查克散等十名下應追各項銀兩俱著豁免仍照施世驊等之例或已經充發或監候枷禁或扣俸扣餉及妻子家屬已入辛者庫等罪概行寬釋其與赦不符內之吳海等十名不准豁免○壬戌諭總理事務王大臣直隸營田乃

皇考教稼養民之至意但事關地方必須本地方有司實力奉行始有裨益朕意將營田觀察使徹回專交地方官管理其如何派遣府大員督率稽查之處著總督李衛詳悉妥議

具奏 恭上

世宗憲皇帝

孝敬憲皇后

尊諡禮成遣官頒詔朝鮮○癸亥命督撫實心愛民諭曰朕聞之元后作民父母朕實代天以子民督撫大臣又代朕以子民均有父母斯民之任者也為治之道莫切於愛民其餘一切察吏理財明刑禁暴特教養民之餘事其本總歸於愛民而已天以愛民之職畀朕天下之民皆以朕為必能愛而民或失所民其何望朕以愛民之事分寄督撫大臣亦以督撫大臣為必能愛民而民或失所朕更何望督撫大臣之不能體朕心以宣德意即朕之不能答

天心以恤民依也爾督撫能知愛民之為稱職始不負朕委任之心他若錢糧不敢侵欺請託不敢假借弊實不容毫髮羨餘不隱分釐此不過一端一事之才能以矯飾夫外貌又

安足副封疆重寄哉夫朕一人之心思不能周知天下之利弊故有賴於督撫督撫一人之耳目不能徧悉地方之情形故有資於良有司是又在有司之各愛其民而仍藉督撫之倡率鼓勵之耳。設督撫之於有司舉劾不當棄取失宜其害不在於有司仍在於百姓彼有司之實心惠民不規小效所謂安靜之吏悃悃無華日計不足月計有餘者督撫將無以為迂拙而罷之至於以苛為察以刻為明以輕為德以重為威此則拂人性逆人情者督撫將無以為幹濟而舉之如此則吾民失其所依怙朕何賴焉蓋治天下者在於治天下之人心必使民氣和暢民情豫順快然知有里井之可安恬然知有室家之可樂斯為無象之太平閭閻實被其澤此必直省中息事寧人安全休養道在乎優柔馴致而非可取必於旦夕間也朕每與諸王大臣及督撫大吏經理庶績必寬之歲時無事乎督責

之嚴程期之迫誠以欲速則不達久道乃化成也況郡縣長吏其才力遠不逮於諸大臣欲以責效數月朞年間此中萬無速化之理亦惟有迎合意旨塗飾觀聽以博才能之名登報最之牘而民不堪命矣夫移風易俗者邇隆之上理也然必漸民以仁摩民以義使民日遷善而不自知倘為督撫者一有移風易俗之見存之於心宣之於口朕知其不但不能移易乎風俗而風俗且受其敝何者彼蓋不知因民之道而日事驅民之術勢必更張成法煩擾地方為吾民之苦他如獻祥瑞報羨餘匿水旱奏開墾改土歸流改隸州縣所云揆之人事則悅耳論之陰陽則傷化其不以此也歟即據河南一省論之田文鏡匿報災荒於前王士俊浮報墾田於後小民其何以堪各省督撫大吏其尚自省其有不務實心實政而邀近功小利者必滌慮洗心董率屬僚興其天良以為民勸務底惇大成裕

之治○禁溢收耗羨諭曰向來州縣徵收錢糧因銀色有傾銷之耗折解送有路途之盤費故於正項之外徵收耗羨原無定額其廉潔者尚知自愛不肖者任意徵求而督撫以至道府等員於中收受節禮陋規互相容隱弊難究詰嗣經巡撫諾敏田文鏡倡為提解歸公之法各該督撫就本省情形酌定分數徵收以為各官養廉及地方公事之用除所定分數外絲毫不許溢徵蓋以耗羨原屬格外之項與其聽地方官私行徵取不如明定分數使有節制不敢違越也然在未提解以前尚為私項既提解以後或恐不肖官員視同正課又得於耗羨之外巧取殃民從前皇考洞見流弊屢降諭旨欲俟將來虧空全清府庫充裕之日漸減漸革

聖心厪念未或忘之朕紹承大統切念民依孜孜軫恤日與王大臣等悉心籌畫期使吾民於正項之外絲毫無擾而一時勢有未能尚

須從容計議惟是提解耗羨之法行之已十有餘年恐日久弊生奸吏夤緣朘削羨外加耗重困閭閻不可不為深慮著各該督撫嚴飭有司咸體朕意知耗羨一項可減而決不可增可於格外從寬而斷不可於額外多索倘於所定分數之外或又借估色添戮為名多取絲毫者該督撫即行題叅重治其罪倘督撫徇隱不舉或經科道糾叅定將該督撫等一併嚴加議處再各省耗羨分數率在加一上下然江南賦重之區如蘇松常鎮四府額賦較之他省幾及數倍雍正六年以前每兩加耗僅五分雍正六年以後增至加一且有司又復巧取苛索民何以堪其令江南督撫詳加酌定量減分數徵收不得仍前重耗困民倘敢陽奉陰違朕必於該督撫是問○除山西偏關等三汛徭銀諭曰朕聞山西大同偏關老營水泉三汛兵丁向有交納徭銀一項該汛兵丁並無承種田地一經充伍即

按名額徵悉在餉銀內扣交每年約徵收徭銀六百八十兩有奇相沿已久至今未革朕思三汛營兵既無管業地畝而派納徭銀扣除月餉未免減其養贍之資朕心軫念著從乾隆元年為始將此項蠲免該部行文晉省巡撫提鎮遵照朕旨永著為例給事中永泰等刻奏會議阿其那塞思黑子孫給與黃帶紅帶之處九卿等旋畫旋改據實參奏一摺得旨從前阿其那塞思黑不孝不忠思亂宗社獲罪

皇祖我

皇考萬不得已止令削籍離宗此乃至仁至厚之寬典實不足以蔽其辜今朕即位仰體

皇考當日委曲保全之至意念伊等子孫皆

聖祖仁皇帝之支派若屏除宗牒之外恐將來

日久則與庶民無異應作何辦理之處著諸

王大臣九卿官員各抒己見或兩議三議皆

准陳奏今據科道等奏稱九卿等始初議給

黃帶繼又議給紅帶旋議旋改胸無定見等語科道參奏之處是著將前後互異之九卿等交部察議朕思此事關係重大廷臣難於定議是以衆論游移謹查康熙五十四年增修玉牒時

聖祖仁皇帝將從前革去宗室莽古爾泰德克類阿濟格等之子孫加恩給與紅帶收入玉牒之內此即

皇祖加恩之成憲也今應遵照此例將阿其那塞思黑之子孫給與紅帶收入玉牒其應歸併何旗及撥給產業養贍之處著宗人府另議具奏諭諸王貝勒貝子公等朕惟治天下之道在親親而親親之道在慎終追遠凡我宗室皆

太祖

太宗之子孫理宜親睦無致疏逖昨據爾等具奏服制一事各分支派朕以未為允協勅令再議及至晚間覽內廷尊藏

皇考在

皇祖時所奏一摺乃知裕親王太福晉薨逝時
皇祖駕幸圍場猶令在宮

諸太妃往弔而

皇考及諸皇叔亦俱奏請成服由此觀之彼時
古道猶存也迨皇叔怡賢親王薨逝時

皇考令朕兄弟詣王府弔慰又令五阿哥成服
彼時衆以為異數之優加并不以為事理之

當然由此積漸以往將來皇家子孫互相驕
侈而篤親之誼將至湮沒矣朕每以此為懼

古云以父母之心為心天下無不和之兄弟
以祖宗之意為意天下無不睦之宗族爾諸

王貝勒貝子公等皆當以

太祖

太宗之心為心視國事如家事互相規勸以底
於善如此則可以副朕篤親之意而

列祖鴻基亦以丕振於億萬世矣夫親族者天
地之常經務當永遠一例豈可因君上一時

愛憎所降之旨姑任意辦理乎嗣後即朕之
子孫如遇近支尊長之事亦應令成服其諸
王屬下人等仍照從前所定支派遵行外諸
王貝勒貝子公等應如何成服齊集之處務
須準理酌宜以盡篤親之意旨內事理著諸
王貝勒貝子公等公同詳議具奏○旌表守
正捐軀江蘇某縣民黃狀妻唐氏直隸某縣
民陳小變妻高氏○甲子

上詣雍和宮

梓宮前行百日致祭禮○詣

皇太后宮問安○定道府分別請旨部選之例諭

曰向來道府缺出俱係吏部開單請旨補授蓋

皇考聖意以郡守監司皆有察吏安民之責必
慎重選用始能勝任也在

皇考勤政十有三年周知人才之優劣故能如
此辦理今朕即位之初正在延訪之時尚少
真知灼見可當特簡之選者昨廷臣條奏內
有請照往例仍歸部選之奏現交該部議覆

朕思道府等缺若概歸部選恐繁劇緊要之地不得勝任之員若概由特用不但目前朕意中乏人且恐資深俸久者至於壅滯朕再四思維嗣後道府缺出或衝繁疲難四者俱備或兼有其三者則令該部開單請旨其餘悉歸部選如此則於循資較俸之中仍有邁才舉能之義各員既得陞補而要地又可得人似於情理允協著該部定議具奏○命審訊大臣宜存國體諭曰總理事務王大臣會同刑部審問李禧耿韜之案因伊不吐實情至於夾訊辦理實為錯誤夫李禧耿韜存心奸險罪惡多端其人固不足惜但伊等官職已在大臣之列國家之名器則宜惜古者刑不至大夫蓋以維國體而勵臣節國體不維則無尊卑上下之辨臣節不勵則大臣擁高爵大官而有徒隸無恥之心此實誼所以諄切辨論也朕欲風勵天下使人各自愛共敦節行尤宜自大臣始大臣有不自愛者朕仍

設廉恥以養之庶幾動其天良激勵鼓舞嗣後三品以上大員身罹罪譴即奉旨革職拏問者法司亦不得遽加三木如有不得不夾訊者亦必請旨將此永著為例○乙丑諭愉恪郡王福晉及愉郡王因

皇考大事來京成服今已過百日朕思愉郡王年已漸長著奉母在京居住讀書學習不必復往

陵寢○以鎮草總兵楊凱為湖廣提督副將林祖成為鎮草總兵○是月經畧湖廣總督張廣泗奏欽奉聖旨敬據微忱一摺得旨古州八萬一事實實非我

皇考之本懷彼原屬化外不入版圖之人一旦制之以禮法賦之以租稅雖云最薄最少以示羈縻猶之縛虎狼以皮草與夫縛之以絲麻其為不快於中而將償事則一也故今年逆苗之動至於此極朕覽

皇考批賜尹繼善之摺至於流涕觀卿此奏猶

有護過之意此則不可摺內已批示矣朕惟以大公至正治天下敬

天勤民為本懷既為天子惟有代天子民以盡為民父母之職而已夫為民父母而忍視其子之投於水火而莫之救耶汝等大臣更代朕為一省之父母者也即云古州一事為將來久遠慮朕恐久遠未及慮而貽害目前之譏雖大學士鄂爾泰暨汝等始事之人百口置喙不能辭也夫人孰無過過而能改則無過矣今日之事正我君臣改過之秋若護過則大不是矣諸凡已悉前諭即此批示朕亦與王大臣觀之朕之待諸臣凡事無隱於中因見卿有護過之意故此訓諭至於苗疆一切事宜惟賴卿盡心料理因恐元展成有所掣肘另有旨命卿署理黔撫矣卿摺奏云明年秋冬事可告竣但一勞永逸即再遲一二年亦不妨不可再蹈彼數人者之轍而苟且因循此事乃我

皇考所貽我君臣之最要最重事件於

皇考顏面所關我君臣不可不慎也 蘭州巡

撫許容奏甘省固環本地無業之民及移就鄰封隨地安插之民請發社倉糧石賑給三個月口糧得旨覽奏知道了從來為治之道莫先於愛民况秦省自用兵以來百姓急公踴躍甚屬可嘉今年又值收成歉薄更為可憫此當加恩賑恤於常格之外者摺內奏稱散賑三個月口糧汝未聞從前

皇考加賑江南山東等處之

恩旨乎汝辦事實心而理財過刻國家救濟窮民非較量錙銖也但須實惠及民可一切寬裕為之並將此旨傳諭查郎阿劉於義碩色知之 雲貴總督尹繼善奏賑恤黔省難民事宜得旨已錄此摺交張廣泗辦理矣賑恤難民卿不可因身在滇而膜外視之又不可因交張廣泗而彼此岐之惟當料理萬全俾災黎得慶有生之樂可也 陝西巡撫碩色

奏酌請積糧以裕邊備得旨採買穀麥以裕倉儲自是地方要務但勿因辦理不善以致市價昂貴有妨民食總在汝督率屬員酌量本地情形而為之○福建巡撫盧焯奏臨河被水各屬勘不成災得旨被水各屬雖不成災仍須加意賑恤毋使小民失所此等賑恤事件務須一有水旱立即賑恤然後民得實惠若待奏報後俟朕批諭然後奉行則無及矣朕之此諭亦所以戒爾等於將來也○四

川總督黃廷桂奏川省邊務夷情得旨覽奏知道了安撫番苗使之樂業嚮化此汝等封疆大臣之專責也若果如摺中所奏情形朕可無慮後當與楊猷時時留心務令永遠寧謐若前後不符則汝兩人不能辭其咎矣○四川總督黃廷桂巡撫楊猷奏川省火耗二錢五分應酌定減五分每兩加耗二錢得旨川省火耗較他省為重汝等奏請量減五分固是然朕意仍以加二為多可悉心斟酌於

加二之耗再可裁減若干務令民力寬而公事不至匱乏可速具奏候朕降旨○大將軍公慶復奏呈噶爾丹策零來書得旨本日閱爾奏到噶爾丹策零之書札朕試籌思賊仍望請和又碍難遣使故將伊所攜去之二人妥為遣回而言詞中復畧形誇大在伊之意以為若准請和伊便稍得餘地若被伊言詞激發如前此興兵伊必得微幸且糧餉立見消乏斯二者均不可行現在我惟近疆固守伊即無計可展然彼既投書前來我亦應迴覆朕已有旨諭令王大臣等議奏矣並著軍營王大臣等會同將發給噶爾丹策零文書編纂一道迅速由駙發來候朕閱看汝等意見看來形勢秋間防守甚為緊要惟王大臣等知之若洩漏於兵丁等致形畏懼於事無益其喀爾喀津巴之發回與否事尚未定須將此旨大意諭兵丁等知之庶軍情可固矣○又奏準噶爾情形得旨朕仰遵

皇考眷愛生靈之意統計國家錢糧數目無論準噶爾之和與不和謹守我疆域以養民力彼來時不過折挫銳氣自取敗虧是以深慮遠謀始建息兵之議但一切事務愈加詳細始能有益多用思索方致妥善今觀四部落喀爾喀所議請我兵者有三議息兵者一處而已看來我兵似難遽議徹回昨沁拜亦以暫留現有綠營兵丁奏請已交王大臣等核議矣朕思準噶爾賊心甚詭譎若三二年間尚不至起事惟數年之後我兵盡徹伊若潛過阿勒台山梁擾動喀爾喀等游牧地方惟時歸化城兵不能速到必至喀爾喀等寒心此亦應籌畫之事若一味坐守則數萬兵丁遠戍鄂爾坤等處何時休息汝曾任戶部尚書此數年所費錢糧汝豈不知現在之糧雖足充數年之用若數年後又作何計較現在大軍情形如此錢糧情形又如此總未得一久遠全善之策朕反復思之若將東三省兵

亦如歸化城兵令攜帶家口在鄂爾坤駐劄數千在彼耕種而食仍由京城支運錢糧是否相宜之處朕將此旨大槩亦諭額駙策凌伊到彼時爾等相其地勢悉心籌畫詳議具奏若稍有未當之處勿因朕旨遽爾遵循俟汝奏到時朕再思之 又奏防禦準噶爾事宜得旨此一事朕令總理事務王大臣等詳議亦與爾意見相同但朕思準噶爾請和與否在伊而防守在我疆域既固彼若請和則允其請倘不請和伊不得交易貨財數年後自致匱乏倘此時深入內地不過自取虧敗耳朕是以令王大臣等將現在守邊息兵機務詳議並諭汝知之

大清高宗法天隆運至誠先覺體元立極敷文
奮武孝慈神聖純皇帝實錄卷之七

大清高宗法天隆運至誠先覺體元立極敷文
奮武孝慈神聖純皇帝實錄卷之八

監修總裁官總纂官太子太傅大學士文淵閣領事領侍衛內大臣孫毓汶 上諭事件處管理

吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣唐桂

總裁官經筵講官太子太傅大學士文淵閣領事領侍衛內大臣孫毓汶 上諭事件處管理刑部戶部三庫事務

世襲副都統軍功加十九級隨帶加一級又加二級臣黃鴻圖內大臣戶部尚書魏元愷滿洲都統軍功紀錄五次

尋常紀錄十四次臣德瑛經筵講官太子少保工部尚書紀昀六次臣曹振鏞等奉

較修

雍正十三年乙卯十二月丙寅朔

上詣

奉先殿行禮、詣

皇太后宮問安、諭總理事務王大臣。坐臺未
滿三年各員內聞有無力之人。是以令大將
軍等查明更換。已據大將軍等分別奏明。近
聞臺站總管五十四復呈請兵部轉行各該
旗籍詳查伊等家產。此等坐臺人員有力無
力。理應就其在臺情形查辦。若行查家產。則
在京者尚可。不致紛擾。其在外省者。往返行

查必滋擾累。殊非朕體恤臺員之意。著該部即速行文停止。命纂八旗氏族通譜。諭曰。八旗滿洲。姓氏衆多。向無彙載之書。難於稽考。著將八旗姓氏。詳細查明。并從前何時歸順情由。詳記備載。纂成卷帙。候朕覽定。刊刻以垂永久。著滿洲大學士。會同福敏。徐元夢。遵照辦理。兵部議覆吏部尚書署陝西總督劉於義疏言。金塔營舊設遊擊一員。應請改設副將一員。今增都司一員。舊設千總一員。把總二員。今增千總一員。把總二員。舊設馬步守兵四百七十三名。今增馬步守兵三百二十七名。照馬四步六例。即於甘標現駐金塔寺新兵內撥補。又金塔營所屬之威魯堡。安插回民。尤為要地。鎮屬之下古城。近在內地。舊設守備一員。馬戰守兵一百四十五名。應改設千總一員。兵一百名。其千總即在金塔寺營內摘派。下古城守備。改為威魯堡守備。有下古城裁摘之兵四十五名。今增兵

一百五名。亦於新兵內撥補。又甘標撥防金塔寺新兵五百名。除撥補金塔威魯外。尚餘馬兵六十六名。步兵二名。肅標三營現奏准增兵三千名。應將餘剩甘標之兵。即撥入。又金塔寺改設副將。其附近之清水堡都司。鎮夷營遊擊。雙井堡把總。高臺營遊擊。并所屬之守備。應請就近改歸金塔營副將轄。均應如所請。從之。兵部尚書通智疏言。戶部解送明年自歸化城運米赴鄂爾昆軍營。腳價銀三十四萬四千兩。面詢商人。僉稱每米一石。并口袋等物。給費九兩。已足敷用。又今年內扎薩克官駝一萬。改用牛車一萬輛。運送倉米一萬石。官駝留備軍需之用。較前所定節省。得旨。辦理雖善。必於衆人等。并無弊竇。亦并無艱難。則為更善。當節省者。自應節省。惟不累商人。方是朕之本意。此處雪已足矣。爾等處所。復如何。工部議准。山西巡撫覺羅石麟疏報。交城縣武元城木稅銀兩。請照

雍正十一年實解銀一千二百三十一兩零為定額。從之。以都統博第為吉林烏拉將軍。護軍統領吳禮布為黑龍江將軍。召福建汀漳道徐士林署陝西涼莊道。菩薩保來京引見。丁卯諭總理事務王大臣。朕御極之初一時見聞未遍。恐不能周知天下庶務。欲開言路。以期集益廣思。爰遵

皇考時舊例。令滿漢文武大臣官員科道等輪班條奏。使各抒己見。用備採擇。茲者條奏已將一週。其中固有通達治體。可以見諸施行之事。而胸無確見。真知因迫於班次已屆。勉強湊合。支贅成篇者。亦復不少。自今一輪之後。不必拘定班次。倘有所見。隨時陳奏。朕前以資治理。此朕切望。廷臣嘉謨入告。實有裨於政治之意。並非以奏牘繁多。厭於披覽也。又諭浙江海塘關係重大。巡撫程元章身任封疆。工程是其專責。乃與隆昇意見齟齬。隄防無術。致有本年六月間衝決之事。

皇考聖心備極焦勞。屢降諭旨。嚴行申飭。朕即位之初。即特命大學士嵇曾筠前往總理。令程元章隆昇俱聽節制。洗心滌慮。痛改前非。是現今一切工程。自應聽大學士嵇曾筠經理。指示乃程元章仍復懷挾私心。獨自具摺奏稱尖山水口不應堵塞。非徒無益。而且有害等語。朕將此摺發與總理事務王大臣查議。隨據尚書海望將從前赴浙會同程元章查勘緣由。詳晰陳明。乃知堵塞尖山水口。從前程元章即在公同會議之列。若程元章意見不合。彼時即應陳奏。乃公同定議。並無一言。今又自相矛盾。若此。又程元章奏稱王敘福係臣同榜進士。且隆昇性情暴躁。亦非可以虛衷會審。請專交嵇曾筠審結等語。查王敘福縱庇吳宏曾。侵冒帑銀。係奉

皇考諭旨。交與程元章會同隆昇審擬之案。豈有因同年而引嫌迴避之理。即其中或有情節。亦應於

皇考時即行陳奏。不應遲至二年後。又復巧為脫却也。海望隆昇。程元章俱係

皇考簡用之大臣。朕並非有所偏護。今觀前後所奏情節。或海望之固執前見。亦未可定。而程元章之懷挾私心。先後互異。顯然一卑鄙之小人也。王大臣等可傳旨嚴行申飭。至海塘一切工程。前已降旨交嵇曾筠總理。其尖山水口。應否堵塞。及引河應否停濬之處。嵇曾筠從前原係局外之人。自不致有所偏護。且到工已經數月。諒已深悉現在情形。確有所見。著將程元章海望所奏。交嵇曾筠閱看。秉公妥協辦理。其王敘福一案。亦著嵇曾筠會同程元章等速行審結。○又諭。恩詔赦罪一條。刑部久經分別題請。將赦款相符之人。全行釋放。乃三月以來。各省奏報寥寥無幾。其故在循照舊例。部文到後。臬司衙門。行查郡縣。郡縣申詳臬司。然後轉請題達。以致稽遲時日。使囹圄之人。不得早霑解澤。且啟各

衙門書役。推敲勒索之弊也。朕思臬司為刑名總匯之處。凡已結正之案。冊籍瞭然。原可即時詳請具題。何必行查府縣輾轉耽延。著各該督撫嚴飭該司。將已結正之案。與赦相符者。即行詳明具題。即未結正之案。亦著作速審結。應援赦者。即行赦免。不得任意遲延。○又諭。川陝兩省舊制。設立總督一員。嗣因西陲用兵。辦理軍需事件。是以分設四川總督。今大兵撤回。軍務漸竣。應仍照舊制。設立川陝總督。其四川總督一缺。著裁汰。即以黃廷桂為四川提督。○又諭。署湖北巡撫吳應棻。著來京陛見。俟署總督史貽直到任後。兼理巡撫印務。吳應棻起身來京。○又諭。愉郡王著暫回馬蘭峪。料理搬移進京。於京城內賞給府第一所居住。○總理事務王大臣等。奏覆審考試官戴瀚擅改文字。進呈欺詐。應依律杖一百。徒三年。其聽從私改之同考官徐煥然。並扶同進呈之考試官顧祖鎮。擬以

杖九十。徒二年半從之。吏部遵旨議加教官品級教授。向係從九品。今應加為正七品。學正教諭。向係未入流。今應加為正八品。訓導。向係未入流。今應加為從八品。其陞轉應仍照舊例從之。兵部議准。河東河道總督白鍾山等疏稱。豫東兩省河營各千把總。經管河道。請將現在効用目兵。照標營外委千把報部之例。添委協防。派定汛地。責令巡防修守從之。轉禮部右侍郎徐元夢為左侍郎。刑部右侍郎納延泰為左侍郎。以管刑部侍郎事務。勵宗萬署禮部右侍郎。命翰林院庶吉士雷鏐在尚書房行走。命福建布政使張廷枚來京引見。戊辰。諭兵部陣前未回弁兵。其陣亡之處。雖無明睹之人。但朕思滿洲若果能脫身。自必歸尋君上。其不能脫身者。亦惟有一死而已。斷不肯辱沒滿洲之名。以偷生於賊地也。此朕之可信者。著通行曉諭八旗。似此陣前未回之人。即照陣

亡之例。給與賞卹。吏部議覆。御史八時泰奏各部院留缺題補多違例遲延。請令各部院出有郎中以下等缺。該堂官欲行題補者。務將所題之人。併所留之缺。并咨吏部。限十五日。即行保奏。如其人遇有出差事故。亦咨吏部。將缺歸班銓選。倘已留缺。仍復遲延。各該堂官照例議處。應如所請。惟以十五日為期。未免太迫。應令各衙門留缺。定限次月截缺。以前保奏。如有出差事故。亦於截缺以前咨吏部。歸於月選從之。免安慶泗州潛山縣水災。應蠲銀兩米麥。緩徵現年額賦。兼賑饑民。己巳。諭大學士鄂爾泰張廷玉。九月間。莊親王果親王。曾奏請各迎養妃母於邸第。朕以兩位太妃。向在寧壽宮居住。朕正當仰承皇考先志。祇敬奉養。在二王之意。必以寧壽宮為太后應居之宮。故有是請。朕聞奏。心甚不安。及

奏聞

太后亦以為必不可行。是以未允。今再四思維。人子事親。晨昏定省。誠欲各遂其願。若不允其迎養之請。則無以展二王之孝思。若允二王之請。迎養太妃於府第。則朕關於奉養。此心實為歉然。自今以後。每年之中。歲時伏臘。令節壽辰。二王及各王貝勒。可各迎

太妃

太嬪於府第。計一年之內。晨夕承歡者。可得數月。其餘仍在宮中。如此。則王等孝養之心。與朕敬奉之意。庶可兩全。向後和親王分府時。其侍奉

母妃。亦照此禮行。○定養親官員。予封諭。總理事務王大臣。凡官員丁憂守制者。遇有恩詔。例不准封。朕前已降旨。加恩給與封典。其養親回籍之員。皆因父母年高。棄官歸養。幸逮親存。適逢曠典。而亦格於成例。不得請封。

情殊可憫。著將回籍終養人員。照伊等原官品級。一併給與封典。遂其孝思。○戶部議覆雲南巡撫張允隨疏。報雍正十二年該省開墾民屯田地。併十一年續墾田地。共二十六頃四十九畝有奇。應令該撫查實。照例升科。從之。○以順天府府尹署太常寺卿蔣漣。為太僕寺卿。○庚午。戶部議覆四川總督黃廷桂等疏。陳川省行鹽事宜。一。井竈鹽斤。宜清釐核實。查樂山等十六縣。坍枯鹽井。共四百一十九眼。所有應徵井課銀。七百五十七兩八錢四分一釐。應准豁除。一。變通水陸引目。查洪雅等十三州縣。陸引四千一百二十三張。改水引三百三十五張。犍為等十州縣。衛水引二百一十張。改陸引二千五百一十七張。應准其改給。一。運銷行黔引目。查新津等二十州縣。代銷黔省水引四百二十一張。請改增本省四百二十一張。崇慶等十五州縣。代銷黔省水引三百四十六張。請改增本省陸

引四千三百三十張。應准改增。一。川省鹽茶二引。每年俱係頭年十一月印發。以便次年正二三月運鹽。今所請引張數目較原額倍多。請發十分之八。於歲內到川。其十分之二。俟部覆後發。查川省每年於額引之外。給餘引五千張。今前項改增本省水陸鹽引。即於該年餘引內酌發。如不敷用。再行請頒。從之。○辛未。

孝惠章皇后忌辰遣官祭

孝東陵。○禮部奏恭上

聖母皇太后尊號禮儀得旨是。依議。次日頒詔。朕不必陞殿。○嚴飭歧視滿漢。諭總理事務王大臣曰。據正藍旗蒙古副都統布延圖奏。稱福建。廣東。廣西。貴州。雲南等省。地處極邊。界連外國。且山林險阻。苗民雜處。而統兵大員。向未補放滿洲。請將此五省提督總兵官。參用滿洲等語。夫人主君臨天下。普天率土。均屬一體。無論滿洲漢人。未嘗分別。即遠而

蒙古蕃夷亦並無歧視。本朝列聖以來。

皇祖

皇考。逮於朕躬。均此公溥之心。毫無畛域之意。此四海臣民所共知共見者。蓋滿漢均為朕之臣工。則均為朕之股肱耳目。本屬一體休戚相關。至於用人之際。量能授職。惟酌其人地之相宜。更不宜存滿漢之成見。邊方提鎮亦惟朕所簡用耳。無論滿漢也。昨從尚書來保之請。議令緣邊古北口一帶提鎮副叅遊守等官。兼用滿洲者。良以滿洲騎射比漢人為純熟。於控制北邊為相宜。並非有意歧視滿漢也。無知之徒。妄生揣摩。以為滿洲當親形之奏牘。紊亂成規。甚為不合。布延圖著嚴飭行。嗣後若有似此分別滿漢歧視旗民者。朕必從重議處之。布告天下。使明知朕意。○禁契紙契根之法。諭曰。民間買賣田房。例應買主輸稅交官。官用印信鈐蓋契紙。所以杜

奸民捏造文券之弊。原非為增國課而牟其利也。後經田文鏡創為契紙契根之法。預用布政司印信。發給州縣行之既久。書吏夤緣為奸。需索之費。數十倍於從前。徒飽吏役之壑。甚為閭閻之累。不可不嚴行禁止。嗣後民間買賣田房。著仍照舊例。自行立契。按則納稅。地方官不得額外多取絲毫。將契紙契根之法。永行禁止。至於活契典業者。乃民間一時借貸銀錢。原不在買賣納稅之例。嗣後聽其自便。不必投契用印。收取稅銀。其地方官徵收稅課多者。亦停其議敘。仍著各該督撫嚴飭藩司。時加察訪。倘有吏書索詐侵蝕等弊。立即嚴行究處。無得稍為寬縱。再在京兩翼收稅之處。亦照此例行。○又諭。前據總理事務王大臣議。將八旗副護軍校。副驍騎校。全行裁汰。仍食五兩錢糧。撥回本營當差。俱不准戴翎頂。但念伊等俱係即陞護軍校。驍騎校之人。業經賞戴翎頂。著仍准其戴用。○

壬申。

上詣

皇太后宮問安。○諭總理事務王大臣。據禮部奏請。初十日御門辦事。朕查雍正元年四月間。諸王大臣奏請御門聽政。

皇考聖意。欲俟

山陵禮成之後。續經王大臣再四懇請。始降

旨。允行。計已五閱月矣。今百日甫過。朕即臨御

正門理事。心實不安。朕受

皇考付託之重。所有國家政務。在便殿隨時辦理。不敢畧有曠廢。其御門之典。俟明春再行請旨。○宗人府遵旨議敘。辦理喪儀。履親王允禩。給郡王紀錄一次。和親王弘晝。給親王紀錄一次。從之。○鑄給分管開封府原陽封上北岸河務同知關防。○癸酉。

上詣

大高殿行禮。○諭總理事務王大臣。向來漕項銀兩。不在蠲免之例。朕前已降旨。特行豁免。

以紓民力。今查各省尚有帶徵漕米。原應如期輸納。但民間已完現年漕米。又完先年緩徵之米。民力未免艱難。著該部傳諭辦漕各省督撫等。將雍正十二年以前未完帶徵緩徵本色改折米銀。逐一查明。奏聞豁免。又諭朕前降旨。該部令傳諭江南督臣。將雍正十二年以前兩淮場課舊欠。查明奏聞蠲免。今朕聞兩浙山東福建廣東諸處。各有舊欠場課鹽折銀兩。事同一體。宜並施恩。著該部傳諭各該督撫等。查明奏聞。一併豁免。又諭據福建巡撫盧焯奏稱。伊長子盧山。前蒙世宗憲皇帝。准其隨任學習教導。今遇恩詔。已得廕生。應否照例赴部等語。盧山著仍遵皇考恩旨。隨父任學習。戶部議覆浙江巡撫程元章疏稱。海寧縣建築東西海塘。取土應用。挑動民田地蕩。共十七頃六十九畝有奇。應徵銀米。准其照數豁免。從之。又議覆湖北巡撫吳應棻疏。報雍正十二年鍾祥等二

十州縣衛勸墾田地。共五千二百七頃五十畝有奇。應令該撫查實。分別水田旱田。照例升科。從之。旌表守正被戕安徽繁昌縣民陳吉士之妻烈婦章氏。甲戌總理事務王大臣議覆定邊大將軍慶復疏言。鄂爾昆地雖寬平。然近山高下不一。雖二河環繞。其去水遠者。亦不能徧溉。必須引水試看。方可定議。擬俟明年撥兵五百名。自胡克新至濟爾瑪台。擇水土佳處開墾。所需耕牛農具。並各種籽粒。分別辦理。試種一年。有效。再據實詳議具奏。應如所請。從之。吏部遵旨議敘辦理喪儀大臣等。分別加級。得旨。海望傅鼐徐本。納穆圖普泰楊汝穀。俱著加二級。三泰任蘭枝。魏廷珍。甘汝來。查克丹。趙殿最。留保。木和林。王鈞。阿克敦。常明。佛表。丁阜。保盛。安俱著加一級。戶部議覆山東巡撫岳濬疏。稱曹東道現改管河。所有倉廩。難以兼顧。請將濟寧道倉。歸濟寧州管理。張秋道倉。歸壽

張縣管理。應如所請。從之。○禮部奏。二十三日。係月祭之期。適逢立春。請移二十一日致祭。從之。○以內閣學士圖理琛為工部右侍郎。○召原任禮部侍郎杭奕祿來京引見。○乙亥。

上詣雍和宮

梓宮前供奠。○詣

皇太后宮問安。○諭總理事務王大臣。八旗大臣等。在

皇考時。辦理旗務。錯謬之處甚多。屢蒙

皇考訓誡開導。諄復周詳。伊等總不能領會

聖訓。所辦事件。專務深刻煩苛。以為如此。方可立身無過之地。且恐怨歸於己。動云出自

聖意。此種惡習。深可痛恨。朕繼承大統以來。諸

臣條奏旗務。頭緒繁多。章程不一。是以畧加

斟酌。去其繁冗。俾從簡易。蓋以事繁則難於

辦理事。簡則易於遵循。所以使之率作興事。

專心竭力於應辦之件也。近聞八旗都統副

都統等。於會議之時。多不到班。其到班者。往往不以正務為意。或彼此相謔。言笑無忌。向來公豐盛額。性好戲嬉。想八旗大臣等。從而效之耶。凡人於閒居無事之時。嘖笑尚宜檢點。何況身為大臣。在集議緊要之地。而肆無忌憚。若此。有此體乎。至於會議到班。皆係奉旨事件。如平郡王。公訥親等。自在內廷。協辦總理事務。自不得分身前往。其海蘭旺。扎爾策楞。永興等。皆在御前行走。尚且到班與議。而專理八旗事務之大臣。轉晏安怠惰。輕視公事。是何意見。著伊等明白回奏。若伊等於奉到此旨之後。又復不喻朕意。但搜尋一二事。叅劾一二人。以為奮勵振作。則又伊等從前苛刻之故智。而非朕申飭之本意也。總之。辦理事務。寬嚴當得其中。若嚴而至於苛刻。寬而至於廢弛。皆非寬嚴相濟之道。嗣後若不悛改。朕必嚴加處分。朕降此旨。非於即位之初。申飭諸臣以示威。欲其畏懼也。蓋以旗

務廢弛所關甚大。不得不嚴加申飭。本欲召入諸臣面降諭旨。恐伊等仍不能領會朕意。不過免冠叩首。於事仍無裨益。王大臣等可傳旨切諭之。伊等俱受國重恩。自當各加猛省。痛改前非。以副朕之期望。戶部議覆。戶部尚書總理陝西巡撫事史貽直等奏。荒地難於報墾。請將永壽縣原報荒缺地二千五百四十四頃八十九畝。以四畝五畝折徵一畝。共折地四百五十七頃二十二畝。俱照五等地糧科徵。淳化縣原報缺荒可墾地二千四百九十一頃九十五畝。除雍正十年應墾限內已報墾地一百八十二頃三十九畝。無庸折徵外。其餘荒地一千三百九頃五十六畝。以四畝五畝折徵一畝。共折地二百七十九頃三十一畝。俱照鐵地科徵。澄城縣原報缺荒可墾地七百一十二頃二畝。俱照下地科糧。汧陽縣原報缺荒可墾地四千四百五十九頃一十九畝。內除雍正十年限墾地內已

墾水田一頃三十八畝。毋庸減等。外其餘各等旱地一千三百三十七頃五十四畝。以三等地減作五等。以五等地減作七等。以七等地減作八等。以八等地減作九等。俱照遞減等則升科。藍屋縣申報新墾南山五老洞山地一頃三十八畝。亦應三等折徵。共折地四十六畝。照山地科糧。均應如所請。從之。丙子以上

崇慶皇太后尊號遣官告祭

天

地

太廟

社

稷○以太僕寺卿素著為通政使司通政使

丁丑恭上

皇太后奏書

上禮服於中和殿恭閱奏書畢

上升輿由右翼門至永康左門降輿大學士捧

奏書由中路前行至慈寧門下

上由東階升至門下東旁立

皇太后吉服升慈寧宮座儀駕全設中和樂設而不作

上詣正中拜位跪大學士捧奏書在左旁跪進上受奏書恭獻授右旁大學士跪接置正中黃案上宣讀官捧起跪宣奏書曰躬盛德者宜受尊稱膺景福者必崇顯號古今通義朝野同心恭惟

聖母皇太后懿德光昭徽音茂著正母儀於萬國享尊養於千齡臣恭荷慈恩紹登寶祚敬舉顯揚之鉅典用伸崇奉之鴻儀伏冀聖慈俞允俾展微忱慰臣庶之輿情介升恒之福履臣不勝惓惓之至謹奏

上行九拜禮畢復原位立

皇太后還宮

上出升輿還宮○詣

皇太后宮問安○戶部議覆內閣學士方苞疏

稱穀價低昂早晚無定請嗣後發糶常平倉穀遇價值偶貴令州縣酌定賣價一面開糶一面詳報應如所奏俾窮民均沾實惠又南方地氣早濕存倉之穀三年不變歲存其半兩年不變糶七存三一年即有霉爛則春糶而秋糶之應令各督撫詳按該省風土并最早濕各地方作何存糶之處妥議具題又州縣秋成買補或遇穀價騰貴即將所糶價銀解交府庫俟次年有收照數買補應如所奏并令於隣近州縣購買又稱或遇秋糶價賤除折耗及腳價等費外贏餘較多即別貯一倉以備歉歲之用亦應如所請至所稱照贏餘穀數量加紀錄加級之處恐州縣希圖議敘有尅扣浮收諸弊應無庸議從之○又議覆御史蔣炳奏州縣徵糧三弊一田畝科則不同條編之數各年有異花戶無從查考書吏每暗行飛灑增添毫釐請徵收錢糧每年照部頒定額由布政司核明刊示通行曉諭

使人共知科則銀數應如所請。將書吏飛灑之弊。永行禁止。一州縣拆封。每借短平名色。硃標空袋。押令花戶添補。胥吏因緣為奸。偷出拆過空袋。私用硃標。向花戶勒索。請於拆封時。稱兌果有短少。即將原銀發出。令花戶較準補足。查發出原銀。必經胥吏之手。恐有挪移抵換諸弊。應令州縣及監拆人員。除毋庸添補者。即將所拆封袋銷燬。如有短少應補者。即於袋面註明數目。彙立清單。將應補花戶姓名示諭。令於下卯自行補交。一州縣設立官匠。傾銷銀兩。凡花戶納銀。無官匠名字印記。即不准投櫃。各匠勒索包完。侵漁重利。請嗣後花戶納銀。不拘何處銀鋪。聽便傾銷。止令鎔化足紋投櫃。應如所請。將官匠勒索私用印記之處。永行禁止。從之。又議准山東巡撫岳濬疏。報雍正十一年。鄒平等六十八州縣衛共墾地一千一百五十一頃二十七畝。有奇。應徵銀兩麥米。照例陞科。從之。

工部議准。直隸總督李衛疏。稱宣鎮新添官兵。應需衙署營房。原議存城兵丁。建造六櫟大房。其沿邊隘口。建造三櫟小房二間。共估需銀三萬七百五十三兩零。分別實給折算。在司庫地糧銀內撥給。從之。奉恩將軍楊安因病解退。以其弟六十八襲職。戊寅恭上

皇太后尊號冊寶

上禮服於太和殿恭閱

冊

寶畢。奉安於

綵亭上前行

上升。興隨後。由右翼門至永康左門

上升。興行至慈寧門外東旁立

冊

寶仍設於正中黃案上

皇太后禮服升慈寧宮座。儀駕全設。中和樂設

而不作

上詣正中拜位。跪左旁大學士捧

冊

寶依次跪進。

上受恭獻。授右旁大學士跪接。置正中黃案上。

宣讀官捧起跪宣

冊文曰

慈恩垂裕。九重隆尊養之儀。鴻號揚庥。萬國仰

崇高之福。歡騰宮壺。慶溢寰瀛。欽惟

母后皇太后。德協坤元。功符地載。寬仁逮下。溥

惠愛之宏。慈淑慎持躬。著溫恭之令範。承

皇考而贊襄內治。儉勤昭滌濯之風。鞠藐躬而

備篤母儀。言動示詩書之教。屬丕圖之肇繼。

忻福履之方長。仰荷恩勤。敬稽盛典。合四海

以致養。期永奉夫崇徽。總百祿以承歡。異溥

沾夫慶澤。肅循經禮。虔展悃忱。謹告

天。

地。

宗廟。

社。

稷率諸王。貝勒。文武羣臣。恭奉

冊

寶上徽號曰。

崇慶皇太后。伏願純嘏茂膺。壽祺多益。彤廷寶

冊。鴻名並高厚。以無疆。紫極春暉。愛日與升。

恒而俱永。臣誠歡誠忭。稽首頓首。謹言。

上行九拜禮畢。復原位立。

皇太后還宮。

上出。升輿還宮。

上詣

皇太后宮問安。命喀爾喀扎薩克等詳議定

界防守事宜。諭總理事務王大臣曰。準噶爾

雖遣使乞和。而防邊之事。自宜豫籌。縱彼極

其恭順。遵旨定議。亦不能保其久而不變。朕

意彼之乞請。誠與不誠。俱可勿論。惟嚴備邊

疆而已。其嚴備之道。又當計其久遠。而便益

者。蓋我大兵之興。原為保護喀爾喀。而駐劄

多年既占其遊牧之地又用其供運之力在彼誠不免拮据而內扎薩克蒙古之在軍營者或有一二無知之徒不免以我等為喀爾喀故以致歷此艱苦為辭殊不知衆扎薩克蒙古等首先歸順於我

太祖

太宗之時與滿洲無異奔走効力即如一家喀爾喀等雖在後歸順蒙我

皇祖

皇考歷年惠愛視伊等亦同一家初無二致此次行師非特保護喀爾喀亦為遍安衆蒙古之計也但為時既久事多未便經我

皇考洞鑒念黃教生靈欲息軍旅曾降

諭旨朕惟仰體

皇考聖心欲悉徹大兵休息衆人現今在喀爾喀戍守之兵宜如何徹回應否仍留駐若干駐劄應在何處其喀爾喀之遊牧如何防護卡倫後殿如何安設之處著詳悉定議具奏

再與準噶爾議定邊界之事已經往召額駙策凌王丹津多爾濟俟其到時令與爾等公同酌議此定界之事乃關係衆喀爾喀之遊牧永遠生計必諮詢部衆公同商定始可受益而扎薩克甚多不便並令至京著行文喀爾喀衆扎薩克等將應如何定界及伊等遊牧或用己力防守或仍須內扎薩克與滿洲兵保護着各出己見以聞俾知朕之徹兵並非不念伊等而外視之也特籌其生計有益久遠可行伊等其知朕恩卹之意共計久遠便宜之道定議具奏奏到時朕詳覽衆議其言是者朕將斟酌採用即有未協朕亦容之不加責備也○又諭朕前聞淮分司所屬廟灣新興臨興白駒劉莊伍祐等六場今歲秋收歉薄恐竈戶煎丁有貧苦乏食者已曾於高斌奏事摺內諭令加意賑恤毋令失所今思冬春寒冷之際及明歲青黃不接之時貧竈餬口維艱不得不預為籌畫著該鹽政高

斌會同總督趙宏恩將乏食竈戶煎丁遵照民賑之例一體加恩務令均霑實惠不許胥役地棍等侵蝕中飽己卯以尊上

崇慶皇太后尊號頒詔天下詔曰朕惟自古帝王膺圖御宇朔風化之有基教由慈壺展顯揚之夙志禮重隆稱堯母紀美於陶唐太姒表徽於姬室彛倫鉅典熙代鴻規欽惟

聖母皇太后德協乾元恩侔坤厚溫恭秉性聿彰藹吉之音儉約持躬並贊肅雍之化奉庭闈而篤孝孚鑒

天心居宮掖以宣勤恪襄內治佐我皇考重華之盛烈啟予國家奕葉之休嘉誕育藐躬備勞撫鞠恩施覃厚推仁惠以垂謨牖迪維周本詩書而示訓疇昔感深母教長黽勉於一心今茲仰答

慈徽共尊親者萬國矧昇平之永慶喜福祉之懋膺億兆嵩呼近依殿陛梯航雲集遠貢共球用抒臣子之誠敬效尊隆之典禮儀具肅

諸考僉同祇告

天

地

宗廟

社

稷於雍正十三年十二月十三日率諸王貝勒大臣文武羣臣謹奉

冊

寶恭上

皇太后尊號曰

崇慶皇太后懽愉並洽於宮庭膏澤宜均於寰宇所有事宜開列於後一在內親王之福晉以下公之妻以上著加恩賜一外藩蒙古諸王之福晉以下公之妻以上著加恩賜一民公侯伯以下二品大臣以上命婦著加恩賜一從前尚過公主格格之額駙等照伊等品級著加恩賜一從前恩詔後陞職加銜補官者悉照現在職銜給與封典一在京文官四

品以上。武官三品以上。著各加一級。一在京王公文武官員。任內有降級罰俸住俸者。咸與開復。又在京官員。現在議降議罰者。悉與豁免。一外藩蒙古王公以下。台吉以上。有罰俸住俸者。咸與開復。其現在議罰者。悉與豁免。一京城巡捕三營兵丁。著加恩賞給一月錢糧。一除十惡不赦外。犯法婦人。盡行赦免。一上三旗包衣佐領下拜唐阿及太監等。著賞給一月錢糧。一上三旗辛者庫當差婦人。著酌議賞賜。一罰贖積穀。原以備賑。冬月嚴寒。鰥寡孤獨貧民。無以為生。著直省各督撫。令有司。務將積穀酌量賑濟。毋令奸民假冒支領。一各處効力贖罪人員。向無定限。多致苦累。殊堪矜憫。著該管官查係已滿三年者。聲明犯罪緣由。奏請酌量寬免。一內務府莊頭等。所有累年積欠。在雍正十二年前者。著查明請旨豁免。於戲隆名丕峻。銘莒琬。以揚麻純。瑕彌增。溥寅。埏而錫福。布告天下。咸使

聞知。○吏部議覆光祿寺少卿德爾弼奏。請將內務府總管。照侍郎品級。改為從二品。並議將內閣學士。亦改為從二品。從之。○吏部議覆湖南巡撫鍾保等疏。請移湘鄉縣縣丞。駐永豐市。湘鄉縣武障司巡檢。駐婁底市。臨湘縣土門巡檢。駐桃林。兼管土門地方。零陵縣縣丞。駐周堂寺。沅陵縣縣丞。駐荔溪。裁汰新田縣白面寨巡檢一員。添設城步縣橫嶺崗巡檢一員。應如所請。從之。○戶部議准內閣學士岱奇奏。旗員歷任外省。有在任所置產者。令各自首出。交該省督撫勒限責令變價回旗。如有隱匿不報。查出財產入官。地方官失察。照例議處。得旨依議。向來涿州地方旗人在彼居住者甚多。有廣置田產。為恒居常業之計者。有躲避差役。苟且偷安者。伊等身係旗人。久居民地。介乎兩歧之間。稽查殊有未便。若言京中無產。養活。現今畿輔之地。設立井田。營治地畝。俱有田可耕。儘可謀畫。

生理將此等人。口移往彼處墾種井田。以圖養贍。似屬妥協。著八旗大臣查明詳議具奏。○又議准奉天府府尹宋筠疏稱。復州屬復盛復寧復古等三社。並寧海縣之積金一社。附別社完糧地畝。均請照銀地額數改徵銀兩從之。○又議覆安慶巡撫趙國麟疏報雍正十二年安慶等七府州屬開墾水田二十九頃八十九畝有奇。旱田一十二頃九十五畝有奇。并壽州民人認墾旱地六頃十畝有奇。應令該撫俟陞科之年照額徵解從之。○又議覆總督銜浙江巡撫程元章疏報雍正十二年嘉興等七州縣開墾併改墾田地山草蕩河共一百五十三頃九十八畝有奇。又定海縣墾戶開墾田三頃九十五畝有奇。所有應徵銀課米石均令按年照數徵收。其上虞等縣額外開墾田地應令該撫查實照例陞科從之。○兵部議准副都統李元亮疏請漢軍養育兵等准與漢軍武童一體考試從

之。○又議覆廣西右江總兵官潘紹周疏稱廣西武弁缺員有距省遙遠者應酌量品級崇卑令總督提鎮分別就近委署查鎮屬員弁無多若都司守備缺員即令總兵委署於體制不合應請嗣後廣西都司守備缺員就近令提督揀員委署仍即報明總督遊擊以上無論遠近仍令總督揀員委署從之。○庚辰

上詣

奉先殿行禮。○詣

火神廟行禮。○諭總理事務王大臣禮部議覆僧道給與度牒一事虛文多而實際少與朕意尚不相符朕之諭令清查僧道者并非博不尚佛老屏斥異端之名也蓋以僧道之中有應付火居二種借二氏之名而作奸犯科肆無忌憚恐將來日流日下更無所底止是以酌復度牒之法辨其薰蕕判其真偽使有志焚脩者永守清規而市井無賴之徒不

得竄入其中。為佛老之玷。此乃培護二氏法門之深意。望其肅清嚴整。若朕有沙汰僧道之心。則何不降旨勒令伊等還俗。而乃酌復度牒之制。慎加甄別。又何為乎。至於給發度牒一事。若經由僧道錄司之手。勢必又滋苛索之弊。且禮部議稱度牒一張。交銀三錢。夫交官者。雖僅三錢。而本人之所費。恐十倍於此矣。此等之人。亦吾赤子。朕豈忍歧視。而使之不得其所乎。僧有宗門教門律門之分。皆遵守戒律。清淨焚脩者。即應於此中選擇。僧錄司以為緇流之領袖。或亦可行。至於應付僧徒。皆令受戒。給與度牒。若不願受戒者。勒令還俗。此事禮部所議多有未備。著總理事務王大臣會同九卿定議具奏。若有以此舉為多事。無益僧道。而徒滋煩擾者。亦准奏聞請旨。○兵部議覆左副都御史署甘肅提督二格奏查從前散給兵餉。常有不肖隊目。將餉銀收回。指扣還欠項之名。任意指留。甚至

盡行侵用。現今刊發流單式樣。嚴飭五營將兵丁應關餉銀數目。填註單首。如有欠項者。將所欠何項。作何分季扣還。並已扣現扣未扣數目。逐一開明。令將備等查扣清楚。足兌包封。當堂呈驗。連單給發。兵丁照單領銀。可免侵漁之弊。並請通行直省各督撫提鎮。亦照此辦理。應如所奏從之。○又議覆吏部尚書署陝西總督印務劉於義奏稱。肅州城守營所設守步兵丁。足以敷用。惟一切遠役。必須馬兵協濟。請於新兵內。摘馬兵五十名。步兵一百五十名。守兵三百名。又肅州鎮標原議挑足戰兵三千名。肅州鎮營制。向係馬八步二。今添募之兵。應仍照馬八步二補額。其鎮標除撥入城守營馬兵五十名外。尚有新舊馬兵二千五十名。不敷馬兵三百五十名。先於新舊步兵內。挑選精壯拔補。如不足數。再行召募補額。至肅鎮除撥入城守營步兵一百五十名外。尚有步兵三百八十六名。不

數步兵二百十四名。除可以拔補馬兵若干名外。其餘按照步兵不敷之數召募。均應如所請從之。○以署兵部刑部尚書傅鼐為刑部尚書。仍兼管兵部尚書事務。○以陳世倌實授都察院副都御史。○以右春坊右中允任啟運署日講起居注官。○以故奉恩將軍尤奇之子壽克襲職。○西安按察使何師儉因病解任。以原任直隸按察使魏定國署西安按察使司按察使。

大清高宗法天隆運至誠先覺體元立極敷文奮武孝慈神聖純皇帝實錄卷之八

大清高宗法天隆運至誠先覺體元立極敷文奮武孝慈神聖純皇帝實錄卷之九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅大學士文淵閣領閣事稽察欽奉 上諭事件處管理刑部戶部二庫事務世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉
敕修

雍正十三年乙卯十二月辛巳

上詣雍和宮

梓宮前供奠。○減陝省耗羨。諭總理事務王大臣曰。從前陝省地丁火耗。經年羨堯岳鍾琪先後定為加二。以一錢五分。作為各官養廉。及一切公費。其五分則採買社倉穀石。以裕積貯。後因積穀已多。無事採買。則以此五分添助軍需盤費之用。此向來情形也。今大兵漸撤。軍需簡少。而仍存加二之耗羨。殊非朕愛養秦民之至意。著將此五分。即行裁減。倘

未了軍需項下有應用之處。即於公費項下支給。該督撫務體朕意。督率有司。實力奉行。俾秦民均霑惠澤。定臺灣水師營武職陞銜留任。諭曰。向例雲貴川陝武職。如遊擊守備。有推陞別省者。俱夾以陞銜留任。簽嗣後。福建省除陸路各員。仍照舊例推陞外。其福建臺灣路水師營遊守推陞。著照雲貴等省之例行。吏部議覆內閣學士吳家驥疏稱。各省題補委署等員。多有將應行迴避之缺。竟不詳查。混行題請。不無請託。瞻顧情弊。請飭令直省督撫。凡有題補委署之員。令該員呈明原籍住址。遇有隣省接壤之州縣地方。在五百里內者。照例迴避。如現經題補委署。已赴任者。查繁簡相當之缺。奏明調改。又有兩省交界之處。添設同知通判等員。其駐劄衙署。查明該員原籍住址。如係附近地方。亦照例迴避。應如所請。從之。以副都統公元為泰寧鎮總兵官。○壬午勸減佃租。諭總理

事務王大臣曰。朕臨御以來。加惠元元。將雍正十二年以前各省民欠錢糧。悉行寬免。誠以民為邦本。治天下之道。莫先於愛民。愛民之道。以減賦蠲租為首務也。惟是輸納錢糧。多由業戶。則蠲免之典。大槩業戶邀恩者居多。彼無業貧民。終歲勤動。按產輸糧。未被國家之恩澤。尚非公溥之義。若欲照所蠲之數。履畝除租。繩以官法。則勢有不能。徒滋紛擾。然業戶受朕惠者。十苟捐其五。以分惠佃戶。亦未為不可。近聞江南已有嚮義樂輸之業戶。情願蠲免佃戶之租者。問問與仁讓之風。朕實嘉悅。其令所在有司。善為勸諭。各業戶酌量減彼佃戶之租。不必限定分數。使耕作貧民有餘糧。以贍妻子。若有素豐業戶。能善體此意。加惠佃戶者。則酌量獎賞之。其不願者。聽之。亦不得勉強從事。此非捐修公項之比。有司當善體朕意。虛心開導。以興仁讓而均惠澤。若彼刁頑佃戶。藉此觀望遷延。則仍

治以抗租之罪。朕視天下業戶佃戶。皆吾赤子。恩欲其均也。業戶霑朕之恩。使佃戶又得拜業戶之惠。則君民一心。彼此體卹。以人和感召。

天和行見風雨以時。屢豐可慶矣。○禁工程捐派。諭曰。河防堤岸閘壩等項。一切工程。凡有關運道民生者。定例俱動正項錢糧應用。乃各省竟有於田畝捐派者。豈皆出自小民之願。大都上司因節省錢糧起見。授意屬員。為粉飾之計。相沿日久。官吏藉端苛索。民間所費。必致數倍。不特苦累民生。亦於國計無補。朕聞山東省挑挖運河。每年有派幫民夫工食銀五萬三千四百餘兩。江南松江海塘歲修。有每畝捐錢五文。京口挑挖運河。每年於蘇松常鎮太等府州。照額徵漕糧正耗米協解銀三千八百餘兩。蘇松常鎮太通六府州。應修河渠閘壩。令長洲等三十三州縣。按畝派錢五文三文二文不等。以供大修。并令每

畝。又酌量捐錢。以為歲修。四川歲修堤堰。令每畝派銀一二釐不等。直隸運河挑淺。於天津等州縣。每畝幫銀一釐。以上各款。總於田畝正賦之外。派令捐輸。合計捐數。共十萬餘兩。而官吏之借端苛派。必有不止於此者。正帑之所省有限。官吏之中飽無窮。著該部行文四省督撫。即將該省捐輸各項。於乾隆元年為始。一槩革除。仍嚴飭所屬官吏。無得私行徵派。以為民困。其挑挖運河等項工程。需用銀兩。著該督撫核實奏明。於公項內酌量動用。報部核銷。○又諭。川省口外番部。輸誠急公。良可嘉憫。朕已降旨。令巴裏二塘所納一年貢賦。悉行蠲免。以昭撫恤至意。其明正土司所屬等處。並沈冷二邊。以及口外新附各處番衆。恭順効力。與巴裏二塘無異。所宜一體加恩。普施惠澤。著將明正沈冷各土司所屬。一年雜糧折徵銀。並貢馬銀。及口外新附各處。認納折徵銀。該撫查明確數。通行蠲

免。土目人等不得私收中飽。務使番夷得霑實惠。再已裏二塘正賦之外。尚有衣單口糧等項銀兩。原以充支給喇嘛土官之用。今正賦既蠲。而此項仍徵。恐番夷蠢愚。不能分晰。土目人等。或乘此牽混私收。著將衣單口糧銀兩。亦一併蠲免。其應支各項衣糧。著咨部撥補。以上應蠲各項。諒本年已經完納。可於乾隆元年照數通蠲。○又諭李統之父李王瑄。原係河南退役。投李衛家。奔走効力多年。即非家人。實係僱工奴僕之流。且種種侵蝕。為子納監捐職。明係惡棍。乃敢捏詞控告。誣陷大臣。情罪可惡。刑部止引誣告平人例定擬。即云所議已加三等治罪。朕詳閱部議。乃引平人誣告人以流徒杖罪者。加所誣人三等而言。且輾轉周旋。歸於援赦。夫誣陷平人。與誣陷大臣有間。平人相誣陷。與奴僕誣家主不同。若如是上下其手。失出猶可。將來能保無失入之事乎。朕滋懼焉。朕非護庇李衛。

也。前日嚴飭李衛之摺。曾發王大臣閱看矣。總之朕之待王大臣。惟仰法。

皇考大公至正之心。是是非非。實不敢豫存一好惡之念於胸中。此案既經果親王、傅鼐反覆陳請。朕實不諳律令。但覺所引。似不相符。著大學士九卿定議具奏。○吏部奏恩詔給封。惟各部額外司員。及奉旨署事。並直省題署各官。現任倉監督等。會典內未經開載。但各員等俱照現任職銜。食俸辦事。可否一體予封。得旨。准給予封典。○又議覆湖廣總督今任大學士邁柱等疏稱。湖南永定九谿二衛。經前任巡撫王國棟題請改為安福縣。第所徵屯糧疆界不清。應請於永定衛添設一縣。歸於澧州管轄。其界內之慈利、永順、桃源、桑植、四縣。攙雜田糧。應與聯界各州縣會勘定界。無論軍民田糧。各就附近統歸方圓。繪造圖冊送部。並添設知縣一員。典史一員。訓導一員。現駐衛城之巡檢。可以裁汰。其生童歲

科兩試。應照小學額數。各取進生童八名。廩生六名。俟人文蔚盛。照例出廩挨貢。武童亦照額取進。至安福縣。原照太學額進。今既截去永定地方。應減去三名。祇照中學額數。至倉儲最關緊要。應於藩庫動支正項銀兩。買穀一萬石貯倉。再新設縣治。應請欽定佳名。所設知縣訓導印信學記。併請鑄給。均應如所請。從之。尋定縣名曰永定。○副都統瑪拉疏報。安置阿旺布魯克巴人等。在達嶺達木桑地方居住。每戶賞給器具牛隻各二。籽種青稞各五斗。麥子各五斗。滋生羊各十隻。得旨。依議。辦理報部。○緩徵蘇州阜寧鹽城興化海州等四州縣。本年旱災。額賦兼賑饑民。○命尚書傅鼐仍帶都統職銜。○以通政使司通政使素著為都察院左副都御史。○癸未。

上詣

皇太后宮問安。○立

嫡妃富察氏為皇后。諭禮部。欽奉

皇太后懿旨。倫常攸重。肇始坤元。風化由基。恒資內輔。禮昭王制。聿隆禴翟之儀。詩首關雎。爰啓肅雝之治。典至鉅也。皇帝嫡妃富察氏。恭淑性成。柔嘉素著。宮廷視膳。篤敬順以承歡。壺掖傳徽。昭儉勤而宣教。動符禮度。化洽賢慈。宜正位於中宮。用光襄夫宸極。應立為皇后。以崇內治。以裕嘉祥。欽此。朕祇遵

慈命。立嫡妃富察氏為皇后。應行典禮。爾部詳察具奏。○又諭。八旗軍需虧空人員。有本身已故。家產盡絕。而各旗仍有將伊等子孫之俸餉扣抵者。現在各旗。或因軍需虧欠。仍行勒追。或因奉有暫停坐扣之旨。暫停坐扣。辦理俱不畫一。朕思此等虧空人員。雖屬軍需。而本身已故。家產盡絕。其子孫所得之俸餉。若仍行坐扣。未免艱苦。著該部查明。奏聞。豁免。○戶部議准。總督銜浙江巡撫程元章疏。稱覆勘鎮海等縣。於雍正七年。十年。疊復老

荒田地共一百八十頃三十五畝。應徵銀米。照例於雍正十三年升科。從之。○刑部議准。副都統雅爾圖奏。向例步軍統領衙門番役。有出京拏人者。未免滋擾地方。請祇令在京城巡緝。毋許越境。如緝獲竊盜賭博等案。不許遲留私拷。即送該管官審訊。係命盜案件。不必審訊。即送刑部辦理。從之。○扎薩克多羅郡王彭蘇克旺扎爾故。以其子貢楚克達什承襲。○召現任江西鹽驛道閻堯熙。原任御史黃叔璥。楊纘緒。原任江蘇驛鹽道。包括河南管河道祝兆鵬。陝西督糧道杜濱。福建興化府知府沈起元。陝西西安府知府王紹文。現任山東兗州府運河同知白嶸。來京引見。○以在編修上行走之萬承蒼。克日講起居注官。○甲申。諭刑部。曾靜張熙。悖亂兇頑。大逆不道。我皇考世宗憲皇帝聖度如天。以其謗議止及聖躬貸其殊死。並有將來子孫不得追究誅戮

之

諭旨。然在

皇考當日。或可姑容。而在朕今日。斷難曲宥。前後辦理。雖有不同。而衷諸天理人情之至。當則未嘗不一。况億萬臣民所切骨憤恨。欲速正典刑於今日者。朕又何能拂人心之公惡乎。曾靜張熙。著照法司所擬。凌遲處死。○王大臣題。遵旨會審。草職都統李禧。草職副都統耿韜。一案。查李禧。奸險狂悖。婪贓植黨。誣及親藩。甚至捏造語言。詐稱諭旨。惡逆不法。莫此為極。應依律將李禧。擬斬監候。秋後處決。耿韜與李禧。朋比為奸。互相濟惡。於審訊尼克里之時。擅用非刑。令其誣扳。弘春受賄。應依律將耿韜。杖一百。徒三年。係旗人。折枷鞭責。得旨。如所擬。○吏部奏。倉上人老格。偷竊金托盤一案。其內務府總管王大臣等。應分別降級罰俸。但事在恩赦以前。均應免議。得旨。丁皂保盛安。俱著降一級調用。允祿常

明海望佛表俱著罰總管俸一年凡有關係雍和宮事件議處降革罰俸等案俱不准援赦寬免○又遵旨議各省道府缺出除苗疆烟瘴邊遠等缺及題明揀選題補者仍照舊例令該督撫題補外至衝繁疲難四項三項相兼者由部開單進呈恭候簡用其一項二項相兼之缺照例按月陞選從之○又議覆吏部左侍郎邵基奏請嚴屬員誣揭上司處分應如所奏嗣後直省各上司有恃勢抑勒屬員而督撫徇庇上司不行參究或督撫自行抑勒者准直揭部科該部科查奏行令該督撫確審該上司暫免解任審有抑勒情由照例議處若屬員已知上司揭參乘參本未到之先捏詞誣揭者該部科查奏將該員解任行令該督撫確審果係誣揭將該員革職其武職悉照文職例行如被參之本罪輕於所誣者照誣告律治罪倘本罪有重於誣告者從重歸結從之○又議覆署理陝西總督劉

於義奏稱涼州府屬之柳林湖等處屯員呼應不靈應照直隸屯田例歸地方官管轄查該處知縣俱係衝要各有地方事件應於涼州府添設通判一員駐劄鎮番專管屯田仍責成涼州道督查高臺縣添設縣丞一員駐劄鎮夷堡專管毛目城雙樹墩屯田添設主簿一員專管三清灣柔遠堡平州堡屯田肅州添設州判一員駐劄九家窰專管屯務兼查南山一帶地方事件其肅高二處屯田俱責成肅州道督查請再立勸懲條例如該屯增墾籽種二百五十石以上者准紀錄一次五百石以上者准紀錄二次一千石以上者准加一級再多遞加如該屯荒蕪籽種一百石以上者罰俸一年二百石以上者降一級留任三百石以上者革職仍勒令墾復舊額方准回籍均應如所請從之○禮部議准司業胡宗緒奏學政歲考前列十名卷請解送部科磨勘至主司衡文倘有冒濫亦令九卿

嚴加磨勘。分別處分從之。又議准河南學政鄒升恒疏稱。文武生員及舉貢監生。遇本生父母之喪。期年內。不許應歲科兩考。及鄉會二試。童生亦不許應府州縣及院試。從之。又議覆廣西學政徐以升奏。稱粵西各郡文風不一。因之出貢遲速迥異。奉准部覆。查明酌議具題。請將泗城府屬之西隆州學。慶遠府屬之思恩縣學。照左養永之例。四年一貢。其南寧府屬之上思州學。慶遠府屬之河池州學。天河縣學。平樂府屬之永安州學。修仁縣學。柳州府屬之來賓縣學。羅城縣學。照奉天府學滿字號之例。三年一貢。又桂林府屬之永寧州學。思恩府屬之遷江縣學。出貢亦屬太速。請暫改為三年一貢。俟該二學人文加盛。再照舊例辦理。應如所請。從之。兵部題請改正軍功議叙。應遵新例。按照立功次數。給予功牌。並分別賞賚。查雍正二年議叙阿爾泰等處軍功案內。除原給頭等功牌。

抵叙一功。並以功抵罪者。毋庸再議外。其打仗三次官十一員。應各補給二等功牌二個。打仗二次官一百七十二員。應各補給二等功牌一個。至兵丁之前進者。有一二三次之殊。立功有頭二三等之異。且一日兩次前進。與越日兩次前進者。亦稍有間。擒獲賊人名數多寡。及獨力協力。均有不同。應各分別補給功牌。及賞賚銀兩有差。其頭等前進四次內三次為首前進之前鋒。與授官之例相符。應咨吏部辦理。又查探賊蹤。接應官兵。招撫賊人。看守地方各官。共計一百八十五員。內已照打仗次數補給功牌者二十八員。其餘一百四十七員。雖未曾打仗。亦與有微勞。應各給予五等功牌一個。從之。又議覆雲貴總督尹繼善疏。稱查明蕩平九股逆苗之黔粵楚三省官兵。核計功過。分別辦理。內開頭等軍功之武職官。副將馮茂等一百二十員。土官楊綬等三員。文職官。知府劉海等三員。

均照例准其隨帶軍功紀錄二次。二等軍功之武職官。遊擊王友文等四十員。土官吳光岐一員。文職官按察使方顯等八員。均照例准其隨帶軍功紀錄一次。三等軍功之武職官。把總李正凡等八員。土官安宏治等四員。文職官知府朱東啟等十二員。均照例准其將効力之處註冊頭等軍功之外委官喻登雲等九百十七員。土外委官班可用等八員。均照例准其於補官日隨帶軍功紀錄二次。二等軍功之外委官李起瑞等一百六十一員。生員夏朝正一員。均照例准其於補官日隨帶軍功紀錄一次。三等軍功之外委官邱應林等十員。生員楊再煒一員。土外委官楊武功等二員。應襲官吳謙一員。四等隨師効力之武生羅崑等三員。均照例准其將効力之處註冊廣西省兵丁共一千零七十名。土目土舍土兵共五百九十九名。湖廣省兵丁共一千四百九十五名。均照例每名各賞銀

一兩。至貴州省兵丁共一萬零三百八十名。土目土舍土兵共三千零五十九名。容山等司土兵二百七十名。均俟查開姓名到日再議。其自備鞍馬効力人員。查部冊無名。應照例停其議叙。又功過相抵及過多功少人員。均照例分別辦理。至陣亡副將楊馥等二十四員。均照例分別賞給恩廕及祭墓銀兩。有差立功身故之叅將夏成賢等十四員。均照例廕一子八監。三省陣亡傷亡受傷漢土官兵亦均照例分別賞賚銀兩。從之。○又議准九門提督鄂善疏請步軍副尉每員給錢糧三分。副步軍副尉捕盜章京每員給錢糧二分。步軍校每員給錢糧一分。以為養廉之資。從之。○又議准甘肅巡撫許容疏稱寧夏府屬之新渠寶豐平羅三縣西寧府屬之大通衛嘉峪關外安西沙州衛所有添設驛站並令該縣衛就近管理。從之。○刑部題會審高起懷私挾詐將黃炳祥泰等妄叅一案查高

起身為尚書懷挾私心肆行欺罔如查奏黃炳虧空止因欲賤買黃炳房屋未遂積怒行讐於查伊家產時刻意搜求必欲坐以隱匿至祥泰侵蝕變賣官房銀兩之事並無確據妄行叅奏又屬旗員將祥泰嚴行拷逼勒令供認應依律將高起擬斬監候秋後處決得旨如所擬○又議覆刑部尚書徐本等疏言直省審竊盜三犯案件贓銀五十兩以下者或解部外遣或發極邊衛充軍辦理不同請分別贓數多寡擬罪應如所奏嗣後竊盜三犯自五十兩至三十兩者俱發鄂爾昆種地十兩以上者改為發極邊衛充軍如不及十兩者杖一百流三千里從之○又議覆內閣學士吳家駒奏提拏家屬訊供請禁止株連婦女應如所奏嗣後內外各衙門承審案件除應提婦女收禁照例提訊其餘小事牽連仍照例提子姪兄弟外如遇虧空賠累追賊搜查家產雜犯等案概不許提審婦女從之

○工部議覆直隸總督李衛疏稱直隸沿河各州縣添設巡檢等官應需衙署二十四所除置買民房改作一所外共估需銀三千九百五十四兩零在司庫地糧銀內撥領應如所請從之○又議覆前河東總督王士俊奏稱賈魯河水由鄭州雙橋境內入淮貼近黃河大堤恐有衝突之虞鄭州百姓前挑新河一道改河避黃現以下流淤塞不能循軌達委請分段濬築俾直達中年節次入淮查該處地勢情形未能深悉其濬築果否有益之處請敕下河南巡撫河東總河親履賈魯河詳加相度妥議具題從之○都察院奏原任新淦縣知縣汪波呈稱被叅盜賣漕米係巡撫常安鍛鍊成獄實非侵蝕並將臨江府知府魏乾數代伊辯冤申送布政司印票一併呈驗應交與該督撫秉公確審定議得旨屬員於被叅之後訐告上司最為惡習况常安離任汪波始赴都察院控告希圖翻案情弊

顯然。若汪波果有冤抑。何不於常安在任之時早行揭報也。此等刁風。斷不可長。都察院所奏汪波控告之案。著交與新任巡撫俞兆岳秉公查審。若其中果有屈抑情由。亦著據實具奏。理藩院尚書僧格。以老病乞休。得旨。卿効力年久。簡任尚書。正資料理。著照舊供職。不必以老病求罷。以協領齊神保為江寧右翼副都統。以故吏部尚書勵廷儀入祀順天鄉賢祠。河南安陽縣知縣馬國正入祀河南名宦祠。乙酉。諭總理事務王大臣。朕御極恩詔內。將出征兵丁所借銀兩。俱已免其繳還。又念出征之護軍校驍騎校。雖係官員品級。仍在兵丁數內。支食錢糧。特降諭旨。將伊等借支銀兩。一併豁免。今復思綠旗內。有千百把總及外委微員。既與兵丁一同効力疆場。當與八旗護軍校驍騎校一同霑被恩澤。著將伊等所借錢糧。亦免繳還。以示朕加恩末弁之至意。丙戌。

上詣雍和宮

梓宮前行月祭禮。○詣

皇太后宮問安。○諭總理事務王大臣。隆昇。剛

復自用。怙過不悛。若仍留浙江。於海工無益。

著解任來京。其副都統織造二缺。候朕另降

諭旨。程元章身為巡撫。不能和衷共濟。乃懷

挾私心。貽誤公事。亦不應留於浙省。著解任

來京。其巡撫印務。即著大學士嵇曾筠兼管。

俾地方管轄。與海塘工程歸併一手。自無掣

肘牽制之患。張坦麟。汪滌。俱照司道例。聽嵇

曾筠節制委用。隆昇所管關稅事務。著嵇曾

筠委員暫行管理。嵇曾筠摺內。所奏驍騎校

常祿。巡檢王國標。蔣文暹。通判葉齊。俱著革

職。王國標。蔣文暹。葉齊。仍著留工効力。倘怠

忽貽誤。著嵇曾筠即行嚴叅治罪。江南總督

趙宏恩。駐劄江寧。難以兼管河務。江南總河

員缺。著高斌補授。其管理兩淮鹽政。候朕另

降諭旨。○又諭李禧高起。耿韜。深負國恩。俱

犯重罪。伊等之子。應發往臺站効力。著該旗查明具奏。○總理事務王大臣等奏言。大兵既撤。若喀爾喀蒙古等。必需內兵防護。請酌留東三省兵五千名。駐劄鄂爾昆。現今鄂爾昆貯米甚多。可支五千人數年之食。其察罕廋爾所貯糧三萬餘石。亦應運赴鄂爾昆。又歸化城。路當通衢。地廣土肥。駐兵可保護扎薩克蒙古等。調用亦便。請於右衛兵四千內。酌撥三千。并軍營所撤家選兵二千。熱河烏鎗兵一千。並令携家。駐歸化城。若喀爾喀等自能防守。鄂爾昆不必留駐內兵。則歸化城請再酌增兵四千為一萬人。令其留戍。設將軍一員總理。副都統二員協理。所留右衛兵一千名。以副都統一員領之。仍隸歸化城將軍管轄。并請特命大臣一人。馳往會右衛將軍岱琳卜。歸化城都統丹津。根敦。尚書通智等。相視形勢。其戍兵如何分駐。及築城墾田。以足兵食等事。詳悉確議具奏。再扎薩克蒙

古北邊。因保護游牧。撥科爾沁等三處會盟兵五千。駐烏爾輝音扎罕。烏朱穆泰。蘇尼特等旗下兵二千。駐達里剛愛。今大兵既撤。亦令各歸所在聽調。再車臣汗部撥兵一千。在邊上游牧操練。亦應徹還。再哈密回子等歸順已久。亦應駐兵防護。今哈密貯米二十萬餘石。其賽巴什達里雅墾種田。每年可得米一萬餘石。不需內地運送。現在令查郎阿等酌議安西駐兵事宜。若安西增駐兵五千。可即其中撥二千赴哈密駐守。不必議增。再哈密。安西。守邊綠旗兵。向隸提督總兵官管轄。可以無庸更遣滿洲將軍大臣等從之。○禮部奏歲暮禋祭

太廟。自二十六日為始。齋戒三日。

世宗憲皇帝歲暮致祭禮。應移於二十五日從之。○正黃旗滿洲都統帶領承襲雲騎尉金泰引見。得旨。布爾哈雲騎尉著金泰承襲。此世職止。應襲此一。世。但布爾哈陣亡可憫。再

加恩承襲二世。伊子孫倘有另行効力之處。伊襲官之時。再加恩賜。○丁亥。

上詣

皇太后宮問安。○諭諸王滿漢文武大臣。朕自即位以來。兢兢業業。時刻以

皇考敬

天勤民之心為心。凡政事之張弛。治理之競練。惟恐不能協乎大中至正之矩。以致獲戾於天心。乃當三冬望雪之時。而

天恩未降。朕竊疑政治之間。有所闕失。用是焦勞祇懼。晨夕不寧。今於立春之前一日。

上天普賜瑞雪。至於盈尺。始信

天意鑒佑。我君臣數月間所辦事務。尚未謬戾。深為感慶。但朕受

天眷顧。當益思所以敬承之。倘稍有自恃之念。而乘之以懈肆。無論不能永邀恩佑。而於目前所以降福之

天意。已多負矣。蓋朕之受恩於

天。猶爾臣工之受恩於朕也。臣工受朕之恩。固當歡忭感激。然尤必問之於心。在己果有可加之恩。而後受之無忝。倘並無勞績可紀。職業可報。而虛受寵榮。其能無愧於心乎。果其實無忝於臣職。即朕不加恩。仍可無愧。爾諸臣受朕恩而益宜自勉。朕受

天恩而不敢自恃。同一理也。夫朕之所與共治天下者。諸臣也。諸臣與朕。誼關一體。當思何以惟日孜孜。欽承罔斁。以輔朕之不逮乎。朕思

皇考十三年之訓迪。臣工者。制治保邦之道。無不備舉。惟是諸臣不能善體

聖心於所降

諭旨。總未領會。粗者僅得其膚末。而奉行不善者。比比皆然。朕稟承

先志。以為訓行。邇來見總理事務王大臣。皆能深知朕心。抒誠宣力。其部院大臣。亦頗各勤職業。不趨巧薄之習。至於八旗大臣。全然不

知朕心。每每錯會朕旨。即如朕因諸臣條奏旗務頭緒繁多。章程不一。是以畧加斟酌。去其繁冗。俾從簡易。正欲使之易於遵循。可專心竭力於應辦之件也。而八旗大臣等於會議之時。多不到班。其到班者。往往不以正務為急。彼此戲笑。其晏安怠惰。輕視公事。若此。此即錯會朕旨之明驗也。夫事務寬嚴。貴得其中。若不揆夫理之大中。而以私意相測度。則用寬而失於廢弛。用嚴而流於苛刻。其何以協中正之則。勸相我國家乎。夫君臣本屬一體。而天人本屬一氣。諸臣常以朕心為心。則可以不負委任。朕與諸臣常以天心為心。則可以永承眷佑。慎終如始。以答天庥。我君臣當共勗焉。○又諭總理事務王大臣。三冬正在望雪之時。朕心朝夕虔禱。今蒙天賜瑞雪。於立春之前應時而降。朕心不勝感慶。

上天加恩於朕。朕當行慶施惠。下及兵民。在京

八旗護軍披甲等。著賞給一月錢糧。五城所設飯廠。著加賑一月。可即傳諭各該衙門知之。○又諭。從前條奏旗人不許在外置產者。蓋以旗員歷任外省者甚多。往往回旗之後。遺留田產於任所。安設家人。潛匿戶口。滋生事端。不得不防其流弊。並非為駐防弁兵而言也。夫駐防弁兵久於其地。所有產業。皆遠年所置。以養贍家口者。若槩令變賣。必致妨其生計。此乃奉行錯誤。非立法之本意。著該部即速行文外省駐防將軍等知之。○直隸總督李衛疏報臘雪應時大沛。得旨。此番瑞雪。實可謂浩蕩。

天恩。朕感慶之懷。筆不能宣。惟有益凜戒懼。以仰承

上天

皇考之恩眷。卿未待各屬之報。速速奏聞。甚是。俟各屬報到時。再陸續奏聞可也。○戊子。尚書通智等疏言。前大兵駐察罕度爾原於歸

化城設臺嗣以將軍宗扎卜奏由張家口直向軍營近千餘里因議改設頗費帑金後范毓麟等亦遂由此運米若復議移設歸化城道遠且恐損駝今軍營運糧四萬石現在臺站所運大半其小半令范毓麟等別由歸化城用商輓運諸商輻輳兼販私貨即范毓麟等亦藉其力若聞設站運米將謂商販不行各賣駝馬收拾廬屋異日糧或不敷別有加運之事一旦無從購募且合計辦米原價兵弁糧餉並繩袋駝雇馬價及人夫路費顆粒未運之先已費帑金二十餘萬計目今奏定之數由臺站運米二萬四千石需銀十五萬一千二百兩公同悉心籌算詳詢商人亦云用此銀數即可運至鄂爾昆且今軍機事少將來兵數漸減用米漸省應將歸化城之米石暫停度用兵形勢俟一二年再議移站無礙目前運務且留餘地以備他日增運若因張家口臺多費鉅一轉移間或量減數站即

可節糧馬之費倘急議移站駝運先增一番經費於軍務毫無裨益得旨此奏甚是交總理事務王大臣等議奏尋議現在鄂爾昆撤回大兵惟留駐五千名每年需糧漸減近范毓麟自請以明年運送軍前米四萬石不用腳價銀兩徑輓運赴軍以補從前虧缺又察罕度爾烏里雅蘇台兩處所蓄米六萬餘石並已運至鄂爾昆合本處所存三萬餘石已十三萬石有奇足支五千兵丁數年之用無庸更運其議移站駝運應停止并通智等所奏明年用內地扎薩克喀爾喀購募車駝運送亦應停止從之○是日丙辰年立春順天府進土牛春山寶座○以故一等子拉欣子英照襲爵○己丑命減朝鮮國餽送詔使儀物諭禮部曰朝鮮國感戴我朝之恩虔修職貢甚為恭敬凡大臣官員之差往彼國者向有餽送儀物之舊例朕以厚往薄來為念若令使臣照例收受恐該國不免繁費若概不

收受。又恐該國王以使臣遠涉缺餽贖之禮。有歉於心。著從此次詔使始。凡餽送白金儀物等項。悉按舊例裁減一半。永著為令。該部即行文該國王遵行。○命追諡諸臣。諭曰。易名之典。古昔所重。我朝賜諡。尤為謹嚴。亦有當時未蒙錫予。而追諡於數十年之後者。蓋以事久論定。協乎懿好之公也。

皇考世宗憲皇帝風勵臣工。肇舉賢良祠祀。誠曠古鉅典。其列祠者。如一等公福善。大學士魏裔介。將軍佛尼勒莽。依圖。都統馮國相。尚書湯斌。徐潮。馬爾漢等。其歿時。皆有恤而無諡。朕思諸臣既與賢良之祀。似宜邀易名之典。其應否追諡之處。著九卿會議具奏。○總理事務王大臣等奏。據平郡王福彭奏。言盛京係開創要地。居住宗室覺羅三百餘人。內資質可成就者頗多。惟離京遙遠。不知勤學。而族長等復不能悉心訓導。請照京城兩翼宗學之例。設立宗學。飭交將軍府尹慎揀滿

漢教習。令其講讀滿漢文。練習步騎射。後有文學成就。弓馬嫻熟者。準赴京考試。藝射精者可備選侍衛。再盛京居住宗室等。向無專管之員。現遵旨會議於宗室公內。派出三人赴奉天祭謁。

陵寢。當即令其巡查管束。並稽查族長等賢否。如果才能稱職。遇有

陵寢員缺。酌量陞用。應將所奏。交宗人府詳細定議。得旨允行。○大學士鄂爾泰等奏。直隸

總督李衛移稱。中書舜岱。自廣西齎詔回京。路由慶都縣。因細故毆打馬夫。咆哮公堂。應交部察議。得旨從前

皇考時。凡官員出差在外者。俱謹守法度。今朕即位之初。舜岱輒敢生事。滋擾甚屬可惡。總督李衛不為隱匿。據實移文內閣。甚是舜岱著交部嚴察議奏。○以原任河東總督王士俊署兵部侍郎。○庚寅孝莊文皇后忌辰。遣官祭

昭西陵○

上詣雍和宮

梓宮前行歲暮告祭禮○詣

皇太后宮問安○諭總理事務王大臣京城有

普濟堂二處育嬰堂一處收養無依之窮民

及拋棄之嬰孩由來已久其經管之人實心

行善有存孤恤老之風從前

皇考曾兩賜帑金並錫溫綸以旌義舉今朕即

位廣沛恩膏而輦轂之下樂善良民敦行不

怠朕心嘉悅三處各賜銀五百兩以助其贍

養之費著內務府即行給發並將朕旨宣諭

知之○辛卯以恭上

崇慶皇太后尊號遣官頒詔朝鮮國○諭總理

事務王大臣

皇祖妣仁皇后外家俱蒙恩賜公爵惟

孝昭仁皇后外戚未曾加封二等公訥親尚蒙

皇考嘉獎以為少年大臣中可以望其有成者

今朕即位以來訥親行走勤慎實心供職著

晉封一等公世襲以示推錫恩榮之典○又

諭朕聞淮安府阜寧縣所屬射陽湖地方於

雍正五年經齊蘇勒題陞淤地八千一百餘

頃陞租銀四千餘兩又康熙五十九年查丈

射陽湖北岸淤灘案內有民人周士孔楊景

希陞地四百餘頃應陞銀一百七十兩俱係

有糧無地小民賠累難堪是以向來積欠累

累從未清完今各項舊欠雖已蠲免然將來

新賦無出勢必仍行徵比甚屬累民著將前

項陞地八千六百五十頃四十九畝零租銀

四千二百六十一兩零俱行豁免以甦民困

該部即遵諭行○又諭朕前聞蔣國祥居官

聲名不好是以諭令解任來京引見今據巡

鹽御史三保奏蔣國祥扣剋傾銷銀兩苦

累工匠等情蔣國祥著革職並伊家人交與

該督李衛審明定擬具奏若蔣國祥任內再

有虧空挪移勒索等弊著三保一併查明題

參○禁督撫無故傳喚屬官等積習諭曰督

撫之於屬員。體統雖分尊卑。均有辦理地方事務之責。屬員惟當實心供職。不宜以趨走逢迎為尚。督撫亦當體恤屬員。減其傳喚。恕其末節。俾得紓暇。以理本任之事。朕聞附省之首府首縣。不論有無緊要公務。每日伺候督撫衙門。侵晨而往。日午未歸。率以為常。恬不知怪。其督撫同城者。撫傳未歸。督傳又至。僕僕於道。奔走不遑。夫附省郡縣。催科獄訟。較他處更為殷繁。即令專心致志。猶恐精神不逮。乃似此竭蹶趨承。必至廢弛。本任事務。是以樞謁為重。而以職事為輕矣。朕更聞閩廣督撫司道等官。彼此宴會。廢時失事。屬員效尤。此風至今未改。凡諸積習。甚非大吏之所以董率屬員。與有司之所以恪恭厥職也。嗣後各宜留心改易。凡附省郡縣有司。督撫非有面悉之事。不得無故傳喚。其離省各屬官。尤不得輕離職守。如有逢迎應酬。作無益以害有益。并啟夤緣弊竇者。更玷官方。朕必

加以嚴譴。○總理事務王大臣議准。江南總督趙宏恩奏。查出年希堯管關徵課。以十足紋銀作九七扣算。又貨稅外加平色。通計每兩加至四錢四分。有零。又樓稅。每貨百觔。私收銀一釐五毫。又巧立客費。攬頭。看船照票。驗票。秤量。算手。抽單。稅封。小飯錢。各種名色。總曰飯食。以避各色苛取之名。請立定章程。嗣後除正額盈餘。及加一火耗外。毋許絲毫多取。從之。○是日起。上以歲暮裕祭。

太廟齋戒三日。○壬辰。諭總理事務王大臣。祖魯居心險薄。行事乖張。著革職。發往臺站効力。耿韜既無子嗣。將伊本身發往臺站効力贖罪。○纂修明史總裁大學士張廷玉等奏。纂修明史告成。得旨。明史纂修多年。業本今得告竣。但卷帙繁多。恐其中尚有舛訛之處。著展半年之期。該總裁率同纂修官。再加校閱。有應改正者。即行改正。交武英殿刊刻。陸續進呈。其在事大臣官員生監等著交部

議叙。○總理事務王大臣議覆定邊大將軍慶復疏報烏遜珠勒之戰。賊以大隊衝擊時。有調赴駐防兵三百營總敦珠克扎爾布二人率之力戰殺賊。奮不顧身。存者五十四人。內受重傷者四十九人。均屬義烈可嘉。應將陣亡者加恩。負傷者議叙。從之。○以署奉天將軍栢秀為正藍旗滿洲副都統。○三等伯黑格緣事革職。以其弟李坦襲爵。○召署湖廣永州總兵官崔起潛來京引見。調馬蘭鎮總兵官吳正為湖廣永州總兵官。以副都統永昌為馬蘭鎮總兵官。○癸巳。以歲暮祫祭。前期遣官祭太廟中殿。

後殿。

上詣

皇太后宮問安。○諭內閣。今日禮部奏進元旦於

皇太后前行禮儀注。朕謹奏聞。

皇太后諭令停止行禮。朕復行奏懇。仍未允行。

朕以乾隆元年元旦。率同諸王大臣等於皇太后前行禮。關係國家大典。禮不可闕。再四懇請。始奉

懿旨俯允。并諭王妃命婦等免其行禮。○甲午。祫祭

太廟。

上親詣行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。○遣官祭

孝敬憲皇后。○遣官祭

太歲之神。○乙未

上詣

皇太后宮問安。○是月。蘇州巡撫高其倬奏查

勘阜鹽等五州縣分別成災不成災。照例蠲

賑得旨。賑濟貧民。務須殫心奉行。以防弊竇。俾閭閻均霑實惠。其餘應題請者。照例具題。○蘇州織造海保奏。江南田賦繁重。請免耗羨。變通以籌經費。得旨。汝奏請全免錢糧之耗羨。而以關稅贏餘。為各官養廉。獨不思商賈亦吾民乎。近來大以稅重為苦。伊等不當蒙寬減之恩耶。汝有司權之責。但當以清弊恤商為本。不當為越位之謀。至於減耗養廉之事。目前尚無良策。俟朕徐徐經理之。○漕運總督顧琮奏。請將各關稅務所有盈餘銀兩。據實歸公。得旨。關稅之弊。朕所素知。近日條奏者亦多。現交廷議。當徐徐經理之一時。不得良法。奈何。即如稅差一事。有謂宜交地方大吏者。有謂宜遵舊制差旗員者。朕意尚在未定。而姑舍是。汝若有意見。可密奏聞。年希堯奏。後淮關向後光景若何。確察具奏可也。○大學士總理浙江海塘事務嵇曾筠奏。敬陳海塘章程事宜。一。疏挖南岸沙洲。以導

水勢。一。採辦江浙條石。以濟工用。一。廣購椿木。多委幹員量收。一。委辦柴束。革除殷戶經管。一。詳定土價。發帑金鳩工儉築。一。辦運塊石。給工價。毋許扣剋。一。甄別兩營塘兵。責令廳營督率。一。選調練習工員。分委監工。捨築得旨。以上數條。可謂措置咸宜。朕實慶海疆得人。從此永永寧謐。安瀾底績。卿功可垂諸竹帛矣。○巡察山西刑科給事中黃祐奏。請勅下直省督撫。嚴飭屬員。凡審案固不可懷挾私意。袒勢惡而屈平民。亦不可巧執偏心。縱刁頑而凌紳士。得旨。朕遵奉皇考聖訓。以中平之道治天下。期於仁漸義摩。久道化成。庶無偏輕偏重之患也。汝此奏未嘗不是。然會意一差。或奉行不善。則流弊從此始矣。思之。○陝西延綏鎮總兵米國正奏。延綏鎮領辦恩賞息銀。四年來盡皆捏飾。據實陳明。仰懇酌量變通。得旨。此皇考加惠兵丁非常之曠典也。惟是奉行不善。

易滋弊端。汝摺中所奏俱是實情。但朕展轉思維。總無良法。且不知地方情形。可將此奏及朕旨。告之查郎阿。劉於義。令其悉心籌畫。爾等會同定議具奏。勿以加恩兵丁。轉成累兵之舉。或致商民受累。皆萬萬不可者。邊地營運既難。若減少利息。量入為出。以惠兵丁。可乎。○四川總督黃廷桂奏。黔省調撥兵丁。派員統領前往。得旨。黔省若再有咨調。即照此一面辦理。一面奏聞。兵弁原提督之專責。

不可以現解總督職銜。有所歧視。致黔省或有所掣肘也。烏蒙雖無事。不可稍涉疎忽。若防範微有絲毫不密。當此逆苗接壤。易為煽動之秋。畧生事端。則汝與楊鼐。不能任其咎也。○定邊大將軍公慶復等具摺請安。得旨。朕體安。爾等好。據奏哈爾丹策凌之使臣充奇納喀等於十一月二十二日。自巴里坤起程來京。事體情形。可以順竣。此皆賴

皇考在天之靈。仰邀

天貺。垂佑後人。深思朕甚愴懷。且加感悅。是以特降諭旨。令額駙策凌率領王丹津多爾濟。酌議定邊一切事宜。額駙策凌來京後。大將軍慶復。仍小心防範。不得稍有疎懈。與副將軍等。一心防守。平日無事時。尤當警備。朕所悅者。並非為伊請和。自此無事。況兩國和好之名。朕尚不准。朕仰賴

天恩。為中國之主。豈屑與伊微小部落台吉和好耶。但息兵乃仰體

皇考撫卹生靈至意。朕所悅者也。故朕但議理政事耳。○是年旌表孝子直隸等省馬爾毅等二十三人。孝婦直隸省李氏一口。孝女江蘇省方氏一口。守節合例八旗滿洲保格妻傅氏等八十口。蒙古布達里妻五齊雅爾氏等四十四口。漢軍郎應畢妻宜氏等二十二口。內務府鑲黃旗方策妻王氏一口。奉天等省駐防哈爾吉納妻瓜爾佳氏等十口。直隸等省胡行謙妻劉氏等七百二十口。夫亡殉

節漢軍白有文妻楊氏一口浙江等省莊明
揚妻潘氏等二口未婚守志漢軍何璉妻張
氏一口江蘇等省承王言妻徐氏等十一口
義民陝西王名裔一名百歲壽民安慶等省
楊士英等三名各給銀建坊如例○一產三
男郭若文等二十二家

大清高宗法天隆運至誠先覺體元立極敷文
奮武孝慈神聖純皇帝實錄卷之九

大清高宗法天隆運至誠先覺體元立極敷文
奮武孝慈神聖純皇帝實錄卷之十

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂
總裁官經筵講官太子太傅文華殿大學士文淵閣領閣事稽察欽奉
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰春正月丙申朔

實錄卷十

上詣

奉先殿行禮○詣

堂子行禮○奉

皇太后御慈寧宮率王以下文武大臣行禮○

御太和殿受朝樂設而不作不宣表○詣

大高殿

壽皇殿行禮○遣官祭

太廟後殿○至觀德殿更素服詣

雍和宮行禮○丁酉

上詣

皇太后宮問安。○諭甘肅巡撫許容據劉於義奏。汝賑濟固環等處貧民。大口日給米三合。小口日給米二合。不敷度日。難以充飢。目下窮民尚復逃散四出等語。汝為地方大員。既不能先事豫防於前。又不能竭力賑救於後。而且一經奏報。遂謂了事。恐甘省之災荒二字。再入朕耳。如此輕視民命。為民父母之謂何。汝意固為國家惜費乎。夫民之元氣。乃國家之根本也。傳曰。百姓足。君孰與不足。豈汝未之聞乎。○命督撫務休養。戒廢弛。諭總理事務王大臣為治之道。在於休養生民。而民之所以休養。在乎去其累民者。使其心寬然自得。以各謀其生。各安其業。而後富足可期。此在親民之吏。隨事體察。惟恐毫末有累於民而已。朕思我

皇考世宗憲皇帝。誠求保赤。有孚惠心。蠲免額徵。寬減浮糧。偶有水旱災祲。即行賑恤。如救

實錄卷十

三

實錄卷十

三

焚拯溺。仁心仁政。千載莫並。而民生猶不得寬裕者。大率由督撫大臣不能承宣德意。而有司中刻覈居心。昏庸寡識者。或以苛察為才能。或受蒙蔽而不覺。以致累民之事。往往而有也。即如催徵錢糧。而差票之累。數倍於正額。拘訊訟獄。而株連之累。數倍於本犯。抽分關稅。而落地守口。給票照票。民之受累。數倍於富商巨賈。至於查拏賭博。黃銅。以及私宰。私鹽之類。胥役營兵。因緣為奸。佐貳雜職。橫肆貪酷。一案而化為數案。一人而波及數人。如此等者。不可枚舉。以此擾累吾民。無怪乎民多不得自安其生業。而朝廷之德施。終不能盡致閭閻於康阜也。嗣後各直省督撫。所以董率屬員者。務以休養吾民為本。而一切擾累之事。速宜屏除。庶民生可遂。而民氣以舒。然督撫中之不善。會朕旨者。又恐因此而謂諸事可以不辦。將轉成廢弛之習。不知寬大之與廢弛。判然不同。不顧民生。專務紛

更以矜幹濟者。外似振作而實則廢弛也。勤恤民隱。安靜悃悞。以培元氣者。乃非廢弛而真能振作也。其尚各體朕意。○以副都統柏修。在刑部侍郎上行走。○戊戌。是日起。

上以祈穀於

上帝。齋戒三日。○總理事務王大臣議覆西安將軍沁布奏稱。漢軍生齒日繁。請與滿洲蒙古兵丁一併挑往莊浪涼州駐防。現在西安駐防步甲七百。不敷巡邏。請添設三百名。均

實錄卷十

四

應如所請從之。○已亥。諭總理事務王大臣。派出圓明園官兵員缺。或令挑補。或令分當差使。著總理王大臣議奏。尋議。圓明園官兵。應照舊駐劄當差。所有官缺。交各旗揀員帶領引見候簡。兵缺。於馬甲養育兵內挑補。軍政點派等事。悉仍其舊。得旨允行。○命出征準噶爾之叅贊大臣薩木哈回京。尚書性桂。暫留鄂爾昆辦理糧餉。俟內閣學士雙喜烏里雅蘇臺差竣往代。○總理事務王大臣議

覆戶部左侍郎李紱奏。磨勘各省鄉試硃墨卷。例用九卿科道查試。卷甚多。九卿科道各有職掌。往往草率從事。嗣後請兼用中贊以上之翰詹。科甲出身五品以上之京堂各員。並請免今科磨勘。應如所請從之。○庚子。總理事務王大臣議覆易州城守尉瑪哈拉奏。請將易州官兵旗人貯穀七萬餘石。每歲春散秋還。應如所請。並請勅下盛京將軍。飭知各副都統。城守尉。貯穀備荒。散給豐歲徵還。

實錄卷十

五

如遇歉收年分。不得科派積聚。得旨所議甚是。依議。○辛丑。祈穀於

上帝。

上親詣行禮。○詣

皇太后宮問安。○壬寅。

世祖章皇帝忌辰。遣官祭

孝陵。○

上詣

奉先殿行禮。○詣雍和宮

梓宮前供奠。○癸卯是日起。

上以孟春享

太廟。齋戒三日。○諭總理事務王大臣。朕初次

恭謁

陵寢。所有隨往大臣。侍衛官員。拜唐阿。護軍。兵

丁人等。除支領路費外。應如何賞賚之處。著

總理事務王大臣議奏。尋議大臣等不敢仰

邀恩賞。至扈從侍衛。護軍。叅領。司員。旗員。委

護軍。叅領。請各賞銀二十兩。護軍校。驍騎校。

小京官。筆帖式。各項拜唐阿。達步軍校等。請

各賞銀十兩。各項拜唐阿。護軍。領催。馬甲。匠

役。食錢糧人等。請各賞一月錢糧從之。○又

諭前據高其倬。叅奏年希堯。司權淮關。苛索

商民一案。比降旨交與該督撫會同總漕。顧

琮。秉公嚴審。今聞年希堯於上年出京。回淮

候審。將家口及衣裝。搬移出署。在板閘地方。

賃房暫住。該督撫等恐其寄頓家資。檄行查

究。而地方官即在板閘地方搜查。且將無辜

之挑夫脚夫人等。嚴行夾訊。至於埠頭船戶。

亦並株連。年希堯苛刻商民。且縱容僕役。恣

意妄行。自有應得之罪。若有隱匿寄頓等弊。

祇應嚴審伊之家人。自無遁情。何得牽連傭

工。駕船之小民。為地方擾累。該督撫諒不如

此辦理。但朕既有所聞。可傳諭知之。○直隸

總督李衛疏請出蠶省分。建立

先蠶壇。總理事務王大臣議覆。為壇以祀

先蠶。經傳未聞。未便各省城通立。應於京師

建祠奉祀。至期遣禮部堂官一員承祭。從之。

○甲辰。

上詣

大高殿行禮。○乙巳。苗疆經畧張廣泗奏報逆

苗侵擾內地。在在設立卡寨。恃眾猖獗。官兵

三路進剿。擣其巢穴。各逆求請招安者不下

數百寨。得旨貴州逆苗侵擾內地。從前辦事

諸臣。措置失宜。歷時甚久。毫無就緒。朕是以

特命張廣泗為經畧。專其事權。俾得悉心辦

理據奏現在分兵三路合力並進其上九股與雞講首逆各寨分布弁兵四千餘名下九股首逆各寨分布弁兵四千餘名清江下流各逆寨分布弁兵五千餘名同時進剿三方首惡衆悍巢固為各處逆苗所倚恃者俱已擣毀其附從黨羽皆知畏懾紛紛求請招安者不下數百寨等語張廣泗辦理苗疆軍務以來一切調度俱合機宜其在事官弁兵丁奮勇戮力甚屬可嘉著詳記檔案俟事竣之

平定卷二

八

二

日分別議敘具奏該部知道○又奏稱黔省軍需銀張照任意糜費今支用將完軍需未竣請撥銀八十萬兩來黔接濟得旨從前張照辦理苗疆事務將撥解黔省軍需銀一百萬兩收貯貴東道庫總不令本省藩司與聞及元展成因軍需緊急司庫無項可支咨明張照促其協濟乃張照覆稱與伊全無干涉並不理論身為總理而公然膜視如此誠不知其是何肺腑及其動用錢糧又復錯雜舛

謬如運送軍糧並不按程途里數以致夫役任意延挨所運米數遞減而運費日增徒滋糜費其採買馬匹則將草料銀兩俱給馬夫承領以致馬匹倒斃疲瘦者甚多種種任意乖張甚屬可惡今據張廣泗奏前來著該部查明前項糜費應賠錢糧勒限嚴追在張照名下賠還十分之八德希壽名下賠還十分之二又據張廣泗奏稱現在軍需未竣請撥銀八十萬兩來黔以資接濟等語著戶部

平定卷二

九

即撥銀一百萬兩交與張廣泗料理動用其應動何省錢糧作何運送之處著該部速議具奏給發○總理事務王大臣議覆張廣泗奏稱借給民間牛具籽種請於田土多者量增田土少者遞減應如所請從之○丙午享太廟

上親詣行禮○遣官祭

太歲之神○署寧遠大將軍查郎阿等奏巴里坤徹兵後請仍於哈密地方駐兵五千應

即於甘涼西肅安西各提鎮兵內派出更換布隆吉赤靖等處應分駐五千於內地標營兵內輪班派往安西鎮營向有分防汛守加以肅州甘涼原設戰兵及分駐涼莊滿兵以之接應口外兵力已屬寬裕原不在安西防兵之多寡俟數年後邊界大定或應量減則將布隆吉赤靖等處防兵陸續議撤哈密距安西甚遠不可無重兵彈壓此五千駐兵應永遠分駐以靖邊徼下總理事務王大臣議行○準噶爾噶爾丹策凌遣使吹納木喀額塞奉表貢方物至京○丁未

上詣

皇太后宮問安○諭總理事務王大臣朕躬此次謁

陵著總理事務果親王大學士鄂爾泰張廷玉朱軾尚書海望在京總理一切事務著莊親王履親王平郡王公訥親領侍衛內大臣常明尚書來保隨往總理一切事務○命除晉

省營伍弊端諭曰朕聞山西將弁每將長隨竄入營伍食糧遇有頭目外委千把等缺出即將長隨拔補而該營目兵之實在出力者轉為阻滯不得上進又聞將弁等於屬兵內挑取伴當傳宣旗牌書吏軍牢夜不收等項差使且將親戚家人濫入兵額侵占兵糧並不當差以致額設之兵不能實有其數又聞提鎮大員駐劄地方尚知操演其分防都守千把外委之處兵數原多寡不等有經年累月不知操演者或所設礮手有名無實竟不能施放礮位種種弊端雖未必人人如此而通省標營亦未必能盡行革除也王大臣等可寄信山西提督令通飭所屬將弁嗣後務宜痛改舊習整飭營伍倘敢陽奉陰違仍蹈前轍該提督等即行指名嚴叅毋得玩忽徇隱○又諭河南孟縣地方有小金隄一道捍禦黃河向係民修民築朕思民力不齊工料欠缺則修築多不堅固即使果能堅固而每

歲攤派銀錢。民間亦未免竭蹶。著河東總河。將此項隄工。確實勘估。委員承修。其需用銀兩。統於歲搶修項下動支報銷。毋得絲毫派累。○纂修

玉牒。以大學士鄂爾泰。張廷玉。充總裁。禮部侍郎木和林。充副總裁。會同平郡王纂修。○戊申。諭總理事務王大臣。國家式崇

太廟。並

奉先殿。妥脩

列祖神靈。歲時祇薦明禋。典禮允宜隆備。今

廟貌崇嚴。而軒櫺椽桷。年久未經增飾。理宜敬

謹相視。慎重繕修。以昭黜陟示新之敬。著該

部會同內務府詳議具奏。尋議繕修

奉先殿。擇吉恭請

列祖。

列后神牌。於黃輿內。暫奉安於

太廟中殿暖閣。自興工。以至告成。

奉先殿朔望暫停祭祀。每月仍薦新於

太廟。遇時享。請

太廟神牌至

前殿。照常行禮。工竣恭請

神牌還御

奉先殿供奉。禮成。次擇吉繕修

太廟。恭請

中殿

後殿

列祖。

列后神牌。於

前殿黃幄內供奉。先行繕修

中殿。

後殿。告成。恭請

神牌還御

中殿。

後殿。次繕修

前殿。自興工。以至告成。遇時享。即於

中殿。照

前殿儀致祭。設樂舞於庭。其請

神牌於前殿。並請

神牌還

御均擇吉遣官祇告。並祭

后土。

司工之神。

奉先殿。

太廟既繕修。增飾暖閣。神龕內陳設器物。亦應修飾。維新。敬謹製造。得旨是依。議。○總理事

務王大臣議准。工科給事中永泰奏請續修

雍正六年。至十三年。八旗志書。從之。○己酉

總理事務王大臣議覆。廣東道監察御史蔣

炳奏請升契神主於崇聖祠中。與五王並祀。

查契為明倫敦教之始。應入祀典。惟契為商

之始祖。於

孔子有君臣之分。祖孫之派。其請升主於崇

聖祠中。恐有未安。請勅部詳議具奏。尋議。自

商以後。契祀無徵。蓋契為有商配天之祖。未

便以從祀帝王廟。而列於兩廡。於上世有敷教之功。其祀典不便亞於孔廟。世遠年湮。教澤不似。

孔子之親。不便埒於孔廟。契未與祀。前人實有深意。律以諸侯不敢祖天子。大夫不敢祖諸侯之義。

孔子雖自謂殷人。斷不敢以有商配天之祖為始祖。又不便升契於崇聖祠中。祀典固宜於備。禮制亦求其合。遷就附會。於典禮反有未協。應將御史蔣炳所請無庸議。得旨依議。

○庚戌。

上詣

奉先殿。

大高殿。

壽皇殿行禮。○詣雍和宮。

梓宮前供奠。○禮部題。朝鮮國王李昫遣使表

賀。

萬壽冬至元旦三大節。及進歲貢方物。賞賚如

例停止筵宴。

大清高宗法天隆運至誠先覺體元立極敷文奮武孝慈神聖純皇帝實錄卷之十

大清高宗法天隆運至誠先覺體元立極敷文奮武孝慈神聖純皇帝實錄卷之十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務黃旗滿洲都統世襲騎都尉軍功加七級隨帶加一級尋常加二級軍功紀錄一次日慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰正月辛亥總理事務王大臣

議奏工科給事中永泰疏言科道遇有差缺請將各員一概挨次帶領引見差過者於履歷下注明恭候欽定應如所請託故規避者令該堂官叅處又議永泰奏科道出差盛京黑龍江吉林烏拉張家口歸化城南北漕七處請照巡察臺灣山西之例量給養廉等語查各官養廉就該地方酌定有無多寡未能畫一科道奉差例有廩給口糧並各衙門飯銀幫貼所奏應無庸議得旨是○壬子賜準

噶爾使臣吹納木喀入覲。諭曰：去歲守邊大臣奏爾等已至。朕甚忻悅。非特為爾準噶爾求和之故。思仰副我

皇考闡揚黃教。休息生靈之意也。今聞噶爾丹策凌表文並不遵

皇考諭旨定界。漫指前奏未允之哲爾格西喇呼魯蘇等處。為爾部邊界。欲於喀爾喀境內。更留空閒之地。是誠何言。又云。既經和好。不必分界。我大國視準噶爾之和與否。定界與

實錄卷十一

三

否。原無關體要。但定界之事。起於伊父策旺阿喇布坦奏請。其初意止欲得阿爾台山外哈道里。哈達清吉勒。布拉清吉勒等處而已。皇考尚不允其請。後因徹兵息民。竟以其地賜之。以克木齊克汗騰格里。循阿爾台山梁。下索勒畢嶺。至哈卜塔克。拜塔克之中。過烏蘭烏蘇。至噶斯口為界。又允伊父所請。以呼遜托輝。至喀喇巴爾楚克。作中間閒地。今爾等至京請和。若不議定疆界。何以為信。且能保

邊境小人。異日不起爭端乎。若噶爾丹策凌但求喀爾喀無踰哲爾格西喇呼魯蘇。尚可俯允。不然。朕遣使何為。爾等至此亦何為。朕知噶爾丹策凌本無求和之意。特借此牽率奏請。希圖通市之利耳。所見如此。能不為朕所恥笑。若能遵

皇考諭旨定界。朕必格外施恩。所得不更多乎。我

皇考惟以闡揚黃教。休息生靈為心。朕深體

實錄卷十一

三

皇考之心。興教安民而外。初無用兵之意。縱爾部欲激發朕怒。亦斷不勤兵於遠也。朕不但欲令我內部喀爾喀各安其生。視爾準噶爾部人。亦如我赤子。業已定議徹兵。止少少量留守邊。此爾等所共知。朕欲天下之民舉安。即守邊之事。亦與和不無涉也。噶爾丹策凌嗣後能體

皇考與朕之心。則遣使來。不然。各保其境可也。倘更不自揣量。犯我邊境。朕自有辦理之道。

以天朝之威靈。兵臨爾部。尚不獲全利。爾準噶爾螳臂之力。勞師涉遠。豈能有濟。爾還。其明告噶爾丹策凌。令更熟思審處。定議具奏。吹納木喀奏稱。

大皇帝諭旨。當謹記。歸告噶爾丹策凌。其所陳奏。實遵。

成佛大皇帝旨意。欲振興黃教。安逸衆生。所以輸誠上請。非敢借遣使以圖通市。又諭噶爾丹策凌。如無此意甚善。但興教安民。乃

皇考與朕之事。非噶爾丹策凌之任也。縱彼實力行之。止及準噶爾一小部落耳。俾天下萬國蒙被庥澤。其事自在朕躬。且爾言實遵。

成佛大皇帝旨。今日噶爾丹策凌之奏。與前次皇考諭旨。合乎否乎。果欲定議。當就事論事。何得牽引遠年噶爾丹之事。如此瀆陳。往復真無了期矣。爾等不過奉使之人。成則與有榮施。不成則空勞往返。定界之事。誠非爾等所得擅議。朕當另遣大臣前往。爾起程時。有勅。

書付爾。噶爾丹策凌能體朕意。謹遵。

皇考原旨定界。可再遣使來。不然。亦無庸復遣。其遣使當仍遣爾來。至我邊界時。可告我守邊大臣。噶爾丹策凌表文內。有遵旨定界之語。方許入境。如無此語。決不許入也。聞爾等仍攜貨來。不忍復令攜歸。可留住數日。貿易事畢。起程可也。○賞準噶爾使臣吹納木喀等袍緞銀布有差。○免甘肅蘭州新關地方民欠房價銀三千三百兩有奇。從甘肅巡撫許容請也。○癸丑。諭總理事務王大臣。朕聞甘省自康熙三十四年起。至五十七年止。因供應喇嘛。賑濟貧民。以及軍需腳價。買備駝馬等項。借動銀糧。議定扣捐官役俸工還項。迄今未經完補銀糧。尚有八萬七千餘兩。朕思俸工銀兩。所以賞給官役為養贍之資者。在文職各官。有養廉一項。雖俸銀捐解。尚不至於拮据。至營伍將備。以及吏役人等。或全行扣抵。或捐七留三。勢必至於艱窘。此項未

完銀糧。若照舊扣解。尚須數年。方得清釐。現今官吏未免匱乏。深可憫恤。著該部即行文該省督撫。將未經扣完銀糧八萬七千有零。自乾隆元年為始。停其扣捐。以示朕加惠甘省官吏之至意。○又諭甘省百姓。連年承辦軍需。急公踴躍。甚屬可嘉。

皇考屢沛恩膏。朕亦深加體恤。上年聞有缺雨歉收之州縣。已諭該督撫加意撫綏。務令貧民得所。除散賑米穀外。所有借給口糧籽種之類。例應秋收徵還者。著悉行賞給。免其還項。該督撫可通行曉諭。并飭有司實力奉行。毋使胥吏土棍侵蝕中飽。○又諭定例舉劾官員。送部引見者。恐有被叅屈抑情由。是以令其赴部。如年老官員。原係衰邁之員。且亦難於假捏。若仍令赴部。徒勞往返。嗣後俱不必送部引見。其有情願赴部者。仍令該督撫給咨送部引見。著通行各督撫提鎮知之。○又諭喀爾喀副將軍郡王丹津多爾濟。自出

兵以來。辦理馬匹等項。甚屬出力。屢經皇考施恩。多方眷注。後因軍營獲罪。革去親王。降為郡王。現在丹津多爾濟。又在軍營効力贖罪。甚屬奮勉。朕仰體

皇考慈懷。著將丹津多爾濟。仍封為親王。○總理事務王大臣議奏。西北兩路大兵撤後。請於軍營東三省兵中。留奉天兵二千。吉林兵一千。呼倫貝爾索倫巴爾虎兵二千。暫駐鄂爾昆。於總兵銜李如柏帶往更代綠旗兵四千中。留直隸山西省兵一千。防守鄂爾昆城郭倉庫。以李如柏領之。餘兵聽大將軍調遣。年滿更代。綠旗種地兵及罪人。仍暫留種地。其扎克拜達里克兵及種地民兵。應令大將軍發回原籍。不願回籍者聽其備用。喀爾喀兵一千五百名。請留一千於烏里雅蘇臺。以喀爾喀副將軍以下大臣一人領之。餘兵五百。仍駐鄂爾昆。以喀爾喀副將軍一人更番領之。並留駐章京一人。於烏里雅蘇臺辦理。

信報糧餉等事。此外兵丁俱令大將軍陸續遣回。所有烏里雅蘇臺積米。令大將軍等合計駐防及臺站卡倫各項兵。應給米石。斟酌留貯。其餘糧餉并軍器等物。即以烏里雅蘇臺所撤兵五千護送鄂爾昆收貯。其推河扎克拜達里克二處所貯各項。亦應一併運赴鄂爾昆。現貯軍營器械。令大將軍酌量應收貯者收貯。應賞給兵丁者賞給。在事官員量留備用。餘並遣還。內閣學士雙喜。戶部員外

郎富明安。暫留辦理糧餉。再令將軍一員總統。叅贊二員協辦。大臣五員分隊掌管。至命遣大臣。頒給將軍印勅。再行請旨。得旨。令大兵撤回。大將軍公慶復。辦理撤兵起程諸事畢。著即回京。現在駐防之兵。並非久駐者。不數年即行撤回。無庸另派將軍。其額駙策凌之副將軍印信。留在彼處。暫且公同管轄。再派叅贊大臣二員。協同額駙策凌辦理事務。餘依議。○調河南布政使劉章。補用京員。以

福建汀漳道徐士林為河南布政使。○甲寅。命新赴軍營之署領侍衛內大臣伯伊勒慎。護軍統領阿成阿。哈岱為叅贊大臣。協同額駙策凌辦事。駐劄鄂爾昆之奉天兵。派副都統綽爾多蘇爾泰轄。吉林兵。派副都統富達里轄。呼倫貝爾索倫巴爾虎兵。派副都統銜翟三轄。並賞原管之總管託爾德爾以副都統銜同轄。○命都統王常。侍郎柏修。往鄂爾昆履勘屯田。○總理事務王大臣議奏。烏里

雅蘇臺。扎克拜達里克。推河等處滿洲綠旗兵撤回。止留喀爾喀兵一千於烏里雅蘇臺。連接卡倫。巡查瞭望。所有鄂爾昆以外十八站蒙古兵。應悉撤。其由鄂爾昆至烏里雅蘇臺臺站。相接如故。自鄂爾昆抵張家口臺站二十九。俟歸化城駐滿兵時。令自歸化城置臺。接至鄂爾昆。俾兩處軍營信息可通。大兵既撤。每臺置兵六十名過多。應行議汰。並應減馬駝乾糧羊隻若干。現在罪人停發。其載

送車輛應歸何處。坐臺官一人。應管幾臺。請令總管五十四等詳議具奏。奏入。報聞。尋五十四等奏。自張家口至鄂爾昆大站二十九腰站十六。每大站留四十戶。披甲者二十名。設章京驍騎校領催各一員。每腰站留二十戶。披甲者十名。設驍騎校領催各一員。以參領四員分管。其裁兵器械查貯備用。每大站馬八十匹。請留五十。駝五十隻。請留四十。每腰站馬四十匹。請留三十。駝三十隻。請留二十。第二十九臺。當遞送交會之所。第十五十六臺。與張家口。賽爾烏蘇兩處臺站接壤。請於此三臺。各駐官一員。餘四十二處。每二站駐官一員。自回龍觀至邊上。從前增設腰站十四。今大兵既徹。並應裁汰。下總理事務王大臣議覆。現在臺站減徹。所有往來喀喇沁土默特人等需用車輛。應令五十四於臺站所有車牛選用。餘分賞留臺蒙古等。坐臺官二十四員。現缺員額。請於在京筆帖式內撥

往。應回旗者遣歸。其回龍觀至宣化臺站。本以給西北兩路之用。西路既徹。北路亦宜議減。請交兵部定議。餘悉應如所奏。從之。○以革職原任倉場侍郎陳守創為順天府府尹。○乙卯。禁鹽捕私擾。諭總理事務王大臣曰。私鹽之禁。所以除蠹課害民之弊。大夥私梟。每為盜賊逋藪。務宜嚴加緝究。然恐其展轉株連。故律載私鹽事發。止理人鹽並獲。其餘獲人不獲鹽。獲鹽不獲人者。概勿追坐。至於失業窮黎。肩挑背負者。易米度日。不上四十觔者。本不在查禁之內。蓋國家於裕商足課之中。而即以寓除奸愛民之道。德意如是。其周也。乃近見地方官辦理私鹽案件。每不問人鹽曾否並獲。亦不問販鹽人數多寡。一經捕役汎兵指拏。輒根追嚴究。以致挾怨誣扳。畏刑逼認。干累多人。至於官捕業已繁多。而商人又添私雇之鹽捕。水路又添巡鹽之船。隻州縣毗連之界。四路密布。此種無賴之徒。

藐法生事。何所不為。凡遇奸商夾帶大梟私販公然受賄縱放。而窮民擔負無幾。輒行拘執。或鄉民市買食鹽一二十觔者。並以售私拏獲。有司即具文通詳。照擬杖徒。又因此互相板染。牽連貽害。此弊直省皆然。而江浙尤甚。朕深為憫惻。著直省督撫嚴飭各府州縣文武官弁。督率差捕。實拏奸商大梟。勿令疎縱。其有愚民販私四十觔以上被獲者。照例速結。不得拖累平人。至貧窮老少男婦。挑負四十觔以下者。概不許禁捕。所有商人私雇鹽捕。及巡鹽船隻。幫捕汛兵。俱嚴查停止。毋得滋擾地方。俾良善窮民得以安堵。○命監視操演烏爾輝音扎罕之護軍統領費雅思哈。尚書海齡。侍衛阿敏道。監視操演達里剛愛之散秩大臣四格。額駙興德。尚書特古特。侍讀學士巴特瑪還京。又命駐劄監視車臣汗辦事之侍郎塞楞額。郎中麒麟保。監視土謝圖汗之郎中蘇章阿。根都思赫。監視扎薩

克圖汗之侍衛常義主事阿穆瑚朗。次第還京。○總理事務王大臣議奏。御史謝濟世進自著學庸註疏。於經義未窺毫末。其稱明初尊朱之令。以同鄉同姓之故。名為表章聖賢。實則推尊本朝。尤屬謬妄無稽。甚為學術人心之害。請嚴飭發還其書。從之。○又議覆河南巡撫富德疏。稱開歸陳汝四府產硝。民間向有硝行。上年閏四月間。經原任督臣王士俊以硝鹹有鹽。奏歸鹽商收買。由是利歸商人。累及百姓。今請倣直隸現行之例。官硝照舊發價。民間自相交易。至鄰省需用。齎批赴買。但飭各地方嚴查私販出境。應如所請。從之。○又議富德請免豫省報墾荒田一疏。查報墾原不盡實。然十分中豈無一二。現在豫省之府州縣。多係從前報墾之員。應請寬其捏報處分。各令自行出首。從前認墾花戶。亦令該撫曉諭。據實首報開除。如有實可墾種者。仍聽民便。照例起科。得旨允行。○署兵部

侍郎王士俊疏稱州縣存倉穀石如遇歲歉即照時價酌減出糶以濟民食其買補價值照各地價足數給發所糶穀價即於各府道庫就近解貯不必悉提司庫以歸省便交代倉糧如前任未及買還價值現有庫貯即令新任代買至舊存穀石每石驗春五斗即應收受下部議行○丙辰諭總理事務王大臣西北兩路用兵以來一應軍需皆取給於公帑不肯絲毫累民而費用繁多不得不資藉捐納以補國用之不足此中外所共知者當

日

皇考聖意原欲俟軍需告竣即行停止今大兵漸撤軍需減省著將京師及各省現開捐納事例一概停止夫議捐納者未嘗不出於士子之口而留生童捐納一款是士子首以捐資為進身之始矣其應停應留之處著漢九卿翰詹科道會同確議具奏尋議生童捐監係士子一進取之路順天鄉試例有南北監

生定為四字號中式且游學隨官在京者亦得藉為應試之階應留戶部捐監一條各省一概停止不令照前考職並請以每歲捐監之銀留為各省一時歲歉賑濟之用從之○定考官子弟迴避考試之法諭內外廉官子弟應行迴避者著另行考試乾隆元年會試及鄉會恩科准於常額之外寬餘取中以示鼓勵其作何另行考試之處著禮部速行妥議具奏尋議考試迴避子弟請仍於闈中另編坐號先期奏請

欽命四書三題二三場仍用闈中之題一體考試臣部奏派大臣校閱試卷恭候欽定發交內廉主考官酌量名次敘入榜內從之○給教職俸諭教職乃師儒之官有督課士子之責蒙

皇考世宗憲皇帝加恩優待屢次訓勉且與有司一體賞給封典朕即位以來念伊等官秩卑微恐以冗散自居不思殫心盡職特加品

級以鼓勵之。查舊例教職兩官同食一俸。未免不敷養廉。著從乾隆元年春季為始。照各員品級給與全俸。永著為例。○命額駙策凌仍回軍營辦事。○免哈密回部屯田納糧。並加賞貝子等銀幣有差。○命署直隸古北口提督路振揚回鑾儀使之任。以正白旗滿洲都統璋格署理古北口提督。○江蘇巡撫高其倬患病。命來京調治。以漕運總督顧琮署理江蘇巡撫。○丁巳。諭總理事務王大臣。從前八旗世襲官員所領勅書內。開載

太祖高皇帝尊諡之處。尚有書寫

太祖武皇帝者。理應更正。著該部行知八旗查明。彙送內閣。敬謹改正頒發。○予議罰之護軍校。驍騎校支半俸。諭曰。八旗護軍校。驍騎校等。多由兵丁挑補。原係微末窮員。遇有事故罰俸。恐致養贍無資。深可軫念。嗣後伊等遇有罰俸案件。不必即行全扣。著每月扣除一半。支領一半。俾伊等尚得藉此半俸稍資

用度。以示朕體卹旗員之至意。○又諭陝省綠旗兵丁。從來漢仗好。技藝嫻熟。且能受勞苦。惟馬上平常。著交與該提督總兵官等。於平日訓練兵丁時。即令其馬上射箭打鎗。操演排陣。並教以牧養馬匹牲畜之道。若該管官有不實心奉行。勤加訓練者。一經查出。必嚴加治罪。○戶部奏請停各倉監督學習。仍照例保送引見。以二年更換。其賢能歸倉場侍郎保題。得旨依議。此更換時。滿漢監督。每一年著一員更替。庶可練習事務。○署陝西

西安按察使魏定國。以回籍終制請。得旨。魏定國服制已滿。與在任守制者不同。著給假四個月回籍。以盡人子之心。再赴西安按察使任。○命福建鹽驛道王士任。署福建布政使。○召湖北按察使袁承寵。來京引見。以原任福建按察使喬學尹。署湖北按察使。○戊午。

梓宮前行月祭禮○詣

皇太后宮問安○諭總理事務王大臣朕聞雲南兵餉有搭放錢文之處每制錢一千文算餉銀一兩而兵丁領錢千文實不敷銀一兩之數未免用度拮据其應如何變通辦理以惠養滇省弁兵著雲南督撫會議具奏○予和親王弘晝園莊房產一處愉郡王弘慶房一所○福建海關監督準奏以海關稅務交巡撫管理請得旨交該督管理○以原任固原提督李繩武為河南河北鎮總兵○己未上以謁

陵遣官祭告

奉先殿○詣雍和宮

梓宮前供奠○詣

皇太后宮問安○諭總理事務王大臣聞山西地方糧價昂貴如平陽汾州蒲州等府屬米麥價值每石賣至二兩之外太原潞安澤州等府屬亦一兩五錢至一兩九錢不等小民

無力者糴食維艱朕心深為軫念茲當青黃

不接之時宜籌惠濟之道查該省常平積穀

無多而社倉之數尚有二十餘萬石除照例

出借外其餘應酌減價值及時發糴以裕民

食俟秋成豐稔買補還倉該撫可嚴飭各屬

悉心辦理毋許鋪戶囤積吏胥中飽俾貧民

實霑利益可諭該部即速行文晉省○江西

巡撫俞兆岳奏稱母吳氏苦節五十餘年例

無旌表請將本身應得封典及親子應得恩

廕贈卹母氏得旨俞兆岳母吳氏冰霜節操

訓子有方宜錫殊恩以彰淑善著該部照例

旌獎至俞兆岳應得封典及伊子恩廕仍舊

賞給尋部議照例建坊入祀節孝祠○署湖

南永州鎮總兵衡州協副將崔起潛疏劾大

學士鄂爾泰欺蔽於中苗疆經畧張廣泗迎

合於外得旨朕御極以來一切政務皆躬親

裁斷至於黔省苗疆一事關係重大

皇考當日即命朕會同王大臣辦理其中情形

原委。尤所熟悉。比來張廣泗之經畧。哈元生之暫留領兵。董芳元展成。張煦之革職拏問。皆朕心斟酌。特降諭旨。大學士鄂爾泰。未嘗旁贊一詞。此廷臣所共知者。乃崔起潛將毫無影響之事。捏詞妄參。伊既非言官。無風聞言事之責。而身為武職大員。乃竟肆其狂噬。明係傾陷大臣。有心擾亂國政。甚屬可惡。崔起潛著革職拏解來京。交部嚴審定擬具奏。該部知道。○南掌國王島孫遣使以歪等表獻歲貢方物。賞賚如例。○庚申。

上詣

奉先殿。

壽皇殿行禮。○啟鑒謁

陵。○理藩院奏稱。鄂汗之扎薩克多羅郡王垂木丕勒等八旗內貝勒之子一。應作為二等台吉。其台吉等之子弟。共一百九十三。均應作為四等台吉。從之。○是日。駐蹕烟郊。○辛酉。遣內監詣

皇太后宮問安。○是日。駐蹕潘家莊。○壬戌。諭宗人府曰。裕憲親王等園寢。著派履親王和親王。貝勒允祐。公奇通阿。都統查爾泰等。分往奠祭。其在馬蘭峪。黃花山等處園寢。俟景陵行禮畢。再行前往。如在他處者。於沿途就近前往。○是日。駐蹕淋河。○癸亥。

上謁

昭西陵

孝陵

孝東陵

景陵俱未至碑亭。即降輿慟哭。步入

隆恩門。詣

寶城前行禮。躬奠哀慟。王以下文武大臣官員

隨行禮。○諭總理事務王大臣。朕恭謁

祖陵敬瞻

殿宇。規模崇整。妥侑攸昭。惟是棟題丹雘。多閱年所。似應重加藻飾。以肅觀瞻。但

陵寢關係重大。宜詳稽典制。敬謹酌議。方可舉

行。朕思

祖宗福祚綿長。萬年垂裕。

山陵

廟貌。

靈典式憑。為子孫者。以時修葺。庶足以展孝思。如典制應行。則追遠崇先。誼當均切。

永陵。

福陵。

昭陵殿宇。並應一體修繕。著總理事務王大臣

敬謹定議具奏。尋議。

陵寢重地。關係緊要。請勅下禮工二部。並欽天監。選擇諳習地理之員。詳慎相度。諏吉興工。委員敬謹辦理。至

永陵

福陵。

昭陵。應請遣官相度。一并敬謹繕修。得旨是。依議。○賞

三陵總管及文武大臣官員兵丁等。銀幣有差。

○命塔木頭等台吉珠密納木扎爾。兼轄喀喇烏蘇厄魯特兵。以塞臣哈什哈襲其兄那顏和碩之扎薩克頭等台吉。○吏部議覆河東河道總督白鍾山請揀發河工効力同知通判州縣共十員一疏。應如所請。照雍正八年之例。令三品以上漢京官。於候補候選人員內。保其才可辦事。身家殷實者。送部引見候簡。又河營備弁。河東募補土著。未能嫻習埽壩等事。請於江南河營。選撥現任經制千把總四員。赴東差委。即令教習兵丁。亦應如所請。從之。○是日。

上迴鑾。駐蹕馬神橋。○甲子。駐蹕二百戶。○是月。江南總督趙宏恩奏。叅革兩淮鹽政伊拉齊。呈稱據馬晉具稟。商人兵部員外郎吳濂。有隱匿寄頓。預買駁稿等事。叅革淮關監督年希堯被劾後。紛紛寄頓。甚至腳戶人等。多為收藏。得旨。吳濂身為職官。乃與蠹役交結。且代為寄頓營運。無恥已極。贓銀追完之後。

其罪仍不可逭也。年希堯若有藏匿貲財之事。當嚴訊伊之家人。不應累及無辜百姓也。○大學士管浙江巡撫嵇曾筠奏。中壘引河。應停止疏濬。尖山水口。俟舊塘坦水修竣之後。設法堵截。得旨。卿料理自然妥協也。○又奏舊塘工程。搶築已多。春汎江海。水勢安穩。得旨。得卿在浙。實免朕東南之顧慮矣。忻悅覽之。時時督率屬員。敬謹將事。俟秋汎安瀾。另有恩旨。○閩浙總督郝玉麟。巡撫盧焯。奏言。勸墾務實。虛糧宜除。得旨。覽。惟在汝等盡心料理。有益國計民生。方為盡善。不在片言之奏聞也。布政使張廷枚。為人刻薄。見小利而忘大計。於地方無益。故朕調回。令王士任署理。汝等可留心試看。數月後。將其能勝任與否。據實奏聞前來。候朕另降諭旨。○郝玉麟又奏。出洋商船。桅木鐵箍。應填明牌照。永為定規。得旨。辦理頗屬妥協。尤當時時訓飭地方。令其不可藉此擾害商民也。總之有治

人。無治法。即如洋船一事。過於嚴。則商民必受其害。過於寬。則私販亦所必然。惟在地方有司之秉公去私。執兩用中。方為有益。而能此者。蓋寡。即如關稅勸墾諸事。無不皆然。故寬非縱弛之謂。嚴非刻薄之謂。朕惡刻薄之流之有害於民生。復惡縱弛之輩之無益於國計。汝等督撫大員。不可不時存此心。以御屬員。不然。鮮不被人欺者矣。將此並令盧焯觀之。○福建巡撫盧焯。奏。州縣養廉。宜按年全支。以資辦公。得旨。此奏是。即照此辦理。將奏聞奉旨處存案。並咨部知之。○閩浙總督郝玉麟。福建巡撫盧焯。水師提督王郡。奏報臺灣諸羅縣屬之木柵。仔灣。裏溪等處。於雍正十三年十二月十七日夜間地震。傾倒房屋。壓傷民人三百餘名。隨飭該道府確查優卹。臺灣孤懸海外。地土鬆浮。震動亦所常有。得旨。臺灣被災人民。深可憫惻。可加意撫綏。從優賑卹。務令得所。其傾倒房屋。即動用公

費。速為整理。毋草草塞責。近日外省吏治。尚自奉公守法。而從前奉行不善。間有一二苛細者。漸次改除。民情頗覺舒適。夫民可使舒適。而吏不可不察。察吏即所以安民也。汝等外省大員。豈無聞見。若視朕之寬。而一任屬員欺蒙。百弊叢生。激朕將來有不得不嚴之勢。恐非汝等大員。及天下臣民之福。誠使朕為寬大之主。而諸臣奉公守法。則朕可常用其寬。汝等可明知朕意。並與藩臬等時時留心吏治民生。毋怠毋忽。共相策勵。以副朕望。又批。向來近水之地。頗少地動之事。以水氣為之舒暢也。豈有因孤懸海外。而地土反鬆浮而常動之理。此等諱災之語。不可出諸汝等之口。加意賑卹。不可少忽。夫地方偶有此等災荒之事。朕豈肯諉過於汝等。若汝等視災為常。或匿而不報。或報而不實。與夫賑卹不盡其力。則朕之責汝等不可辭矣。○署川陝總督劉於義奏報固原環縣歉收。有業貧

民。借給口糧。無業貧民。分別給賑。得旨。覽汝所辦理。頗屬妥協。大凡地方水旱。不能保其必無。而一有救荒之事。即當如救焚拯溺。加意撫綏。然後窮民不致流離失所。夫地方災荒。朕雖不諉過與汝督撫。而汝等督撫。自返能無愧乎。若賑卹再復草率完事。視飢民於膜外。則所謂封疆大吏。民之父母者何。古云。救荒無善政。朕謂非無善政。正為此等惜小費。以為功幹。而置國計民生於不問之臣而發耳。○陝西巡撫碩色奏停晉民糴糧之禁。得旨。此奏甚是。凡為地方督撫者。不可止顧己省。而置隣封於不問。汝此見朕甚嘉之。已有旨諭部矣。但又聞陝省亦不為大收之年。而且牛疫盛行。汝等何無一言奏及耶。將此諭與查郎阿。劉於義並觀之。○四川巡撫楊秘奏報。忠州。酆都。萬縣。米價昂貴。設廠煮賑。川東上年歉收等處。仍酌量撫卹。並卹甘省就食貧民。得旨。料理亦自妥協。但須言行相

符。忠州等處貧民尤當加意撫卹。不可少忽者也。○苗疆經畧兼湖廣總督張廣泗奏報分勦新疆首逆各寨。俱已擣毀。各請招安。俟辦理妥協。即進攻高坡一帶。分兵部署大小丹江并八寨山苗等處。得旨。黔省逆苗不法。擾害地方。自上年四月以來。用兵征勦。以蕞爾蠢苗。而合五省之兵力。歷七八月之久。尚未寧帖。此皆從前張照等乖張錯謬之所致。朕以卿熟悉苗疆情形。且從前係自己辦理之事。是以即位之初。即將張照撤回。命卿更換。旋即授為經畧。今據奏征勦情形。較前已有頭緒。是以明降諭旨。特加褒獎。以鼓士氣。且使中外咸知苗疆漸次就理也。但朕細閱情形。首惡逆寨。雖經攻克。而其餘附逆尚多。又八寨尚復告警。黃平內地。猶有餘孽。且調川兵三千名之多。則勦撫之事。不但未有十之六七。且未及十之四五也。此時正當慎重籌畫。戮力同心。以期早奏膚功。斷不可因畧

有頭緒。侈然自足。又不可苟且塞責。以圖了事。從前張照元展成輩。或有掣肘之處。今伊等皆拏解回京。哈元生又受卿節制。權既歸一。時日亦不為不久。卿更何所諉乎。若今年四五月間。尚無成效。朕則惟卿是問。至於請兵請餉。一如卿奏。諭部速行矣。朕以苗疆關係重大。因見張照不能勝任。是以即位之第二天。即簡命卿往。卿若不能早奏膚功。永成安定。則朕忽忽辦理。為可笑之舉矣。卿當為朕全用人之顏面。倍加勉力。朕此諭。非督催卿苟且了事而已也。向來封疆大吏。奉一褒嘉之旨。則欣幸自滿。奉一申飭之旨。則倉皇失措。此豈公忠體國大臣之所為。夫大臣惟當以國事為重。不為目前之謀。為遠大可久之計。俾地方寧謐。百姓乂安。方為不負倚任。朕知卿固無所觀望。但君臣交勉。有不得不然者。卿其體朕相期之意。以滿朕望可耳。○又奏調集外省官兵。擬於四五月間。新疆定

局之後。酌量撤回。得旨。朕原係命卿斟酌。非強令徹兵也。萬里之間。遙制軍機。可乎。一以委卿矣。所以云為君之難。非身歷其地者。必不知之。即如逆苗一事。從前

皇考曾命朕兄弟與聞。見數省摺奏。皆係觀望意旨。委曲迎合。從未見以實心奏對者。即朕今日。非不日念苗疆也。若朝下一令。焉為苗疆。暮下一令。焉為苗疆。則汝等大吏。不知所適從矣。然恐號令之繁。而欲省其言詞。則又將觀望。以為皇上之意。不在苗疆也。即此一事之為難。而他事可以類推。此諭非指卿。亦不過幾暇之筆耳。

大清高宗法天隆運至誠先覺體元立極敷文奮武孝慈神聖純皇帝實錄卷之十一

大清高宗法天隆運至誠先覺體元立極敷文
奮武孝慈神聖純皇帝實錄卷之十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰二月乙丑朔是日起

實錄卷十二

上以祭

社稷壇齋戒三日○賜內大臣公訥親領侍衛

內大臣常明禮部尚書三泰工部尚書來保

刑部尚書徐本直隸總督李衛馬各一匹○

是日駐蹕新莊○丙寅

上詣

壽皇殿行禮○詣

皇太后宮問安○還宮○丁卯祭

先師孔子遣太學士鄂爾泰行禮○戊辰祭

大社

大稷

上親詣行禮○諭總理事務王大臣雍正七年

皇考曾降諭旨凡往聖先賢陵墓有應行修葺

者令各該省動用存公銀兩委員料理此誠

我

皇考崇聖重道之至意也聞山東之少昊陵帝

堯廟及周公顏子孟子曾子等廟共計九處

迄今數載尚未興工殊為怠緩著山東巡撫

實錄卷十二

即委員確估報部興修務期工程堅固可垂

永久亦不許委員浮冒侵欺以致工程草率

○又諭額駙策凌總統北路軍營其母現在

京師策凌不得常見恐其思念不置可令其

母還游牧處所俾得定省用展孝思此行著

蘇巴什里送往并賞銀五千兩以備行裝○

禁派紳衿雜差諭曰任土作貢國有常經無

論士民均應輸納至於一切雜色差徭則紳

衿例應優免乃各省奉行不善竟有令生員

充當總甲圖差之類者。殊非國家優恤士子之意。嗣後舉貢生員等。著概行免派雜差。俾得專心肄業。倘於本戶之外。別將族人借名濫免。仍將本生按律治罪。○又諭陝甘民人。自軍興以來。急公効力甚屬可嘉。除屢年叨蒙

皇考疊沛恩膏外。又降旨將本年應徵錢糧。甘省全數豁免。陝省止徵一半。以昭格外之恩。但查錢糧完納。例有定期。上年陝省收成未

有

上

稱大稔。今年春夏之際。未免輸納艱難。著將應徵一半額賦。寬至夏禾收成後。再行開徵。以紓民力。至該省應用兵馬錢糧。著該撫豫先籌畫。另行撥給。俟九月徵收之後。各歸原款。報部查核。可即傳諭該部知之。○又諭黔省州縣。被逆苗擾害之處。所有雍正十三年應徵銀兩米石。一概蠲除。其未經被擾地方。地丁銀兩。亦俱豁免。並令將糧米停止徵比。以紓民力。朕思此等郡縣。雖未被擾。而運送

軍需等事。均屬勞苦。深用軫念。今特再頒諭旨。將從前停徵之米石。照下游之例。一體豁免。以示朕優恤邊氓之至意。○總理事務王大臣議覆兵部左侍郎德沛奏。保薦人員考語。應照司馬光十科之義。指明實蹟。應如所奏。於該員或有專長。或有通才之處。據實指出。亦不必定照十科之義。從之。○總理事務王大臣奏。滿洲蒙古漢軍各旗既立米局。內務府三旗亦請各立一局。五城米局之設。有裨於民。請照舊糴賣。從之。○又議覆僉都御史李徽奏。請訂孝經入四子書。進程子顥入大成殿二條。據稱聖言稱經。自孝經始。諸經以此稱經等語。謹按經解名篇。著於禮記。離經辨志。載於曲禮。則經名早見。孝經稱天之經地之義。乃舉經常之道而言。安得以擬議之辭。指為定名之義。又稱古文孝經。劉炫偽作。朱子亦未深考。至吳澄據許慎說文。始為考證等語。謹按孔安國古文孝經。獻之秘府

者未及施行。許慎亦未得見。劉炫偽作詳於隋書。辨於唐會要。見於陸德明釋文。先儒早知其非。不待吳澄之辨。安得謂朱子亦未深考。又稱孝經以前六章為根底。中三章為體要。後九章為會通。三者人數六者地數九者天數。合為十八章等語。謹按孝經第一章乃全部綱領。自天子以至於庶人。皆以孝為本。次孝治。次聖治。歸於紀孝行。反是則有五刑。推此則為至德要道。道有經。權常變。皆可通。

字彙卷二

五

於神明而復申言事君。結以喪親。則孝道純備。而宗義開明。俱從第一章脈絡貫注。天地人本一理。固於數無涉。且數於孝經何涉。李徽強分之數。又於天地人何涉。至請以孝經同學庸訂為一冊。自乾隆元年為始。遇鄉會試與學庸一體命題等語。謹按四子之書。乃朱子所自訂。刊於臨漳宋理宗頒行學宮。至元明以及我朝。遵行已久。大學中庸程子從禮記摘出。朱子訂入四書。孝經單行。篇章無

多。何可與四書並列。朱子為孝經刊誤。疑其非盡聖人之言。說得都不親切。吳澄亦曰。今文亦不無可疑。疑其所可疑。信其所可信。去其所可去。存其所可存。朱子意也。制科取士。第一場首試四書文三篇。二場用孝經論一篇。與性理互出。所以尊崇聖經。總期發明經義。文與論何擇。李徽欲請訂入四書。將使天下後世。謂四書訂於朱子。五書訂於李徽。殊不自量之甚。朱子熹羽翼經傳。闡發義蘊。會

字彙卷二

六

萃羣言。束於至當。四書集註章句親切詳明。使學者涵泳紬繹。具見聖賢立言精意。我聖祖仁皇帝特進朱子熹入配大成殿。所以為天下萬世學者樹之標準。俾知所趨向。非以朱子熹為賢於周程諸儒也。如李徽所言。程子顥亦宜入大成殿。周子敦頤以下均可以次詳酌。則周子敦頤二程子頤張子載邵子雍皆宜附於十哲之列。孔子及門如南容有若子賤諸賢。不亞於程周諸子。並不亞於十

哲亦未盡入大成殿中。踵事日增。將貽後議。揆諸尊崇。

至聖。以師表萬世之至意。亦豈有當。至於性善之說。詳於孟子。皆淵源之論。李徽以人性之善為支派。謂程子顓解繼之者。善亦人性之支派。指此為有功性旨。是不獨有悖孟子。亦大非程子之意。敷陳舛謬。學術攸關。誠恐無知效尤。或詆毀先賢。或穿鑿經義。或託名理學。自便其私。大為世道人心之害。請嚴申

實錄卷二二

七

飭得旨。這所奏是。著交該部頒發天下學政。咸使遵行。○又議覆禮科給事中畢誼條陳科場事宜。一。內簾執事官。不必迴避者。同姓無服。及郎舅中表姻親。至有服之翁壻甥舅。應概令迴避。外場執事官。與專司文字不同。族人姻親。無庸迴避。一。春秋合題。強為牽合。無當經義。請行停止。一。鄉會策題。反覆議論。適供士子撫拾。請歸簡要。一。場後編造匿名歌謠。最為不法。請申嚴禁。均應如所請。從之。

○已巳

上詣雍和宮

梓宮前供奠。○諭總理事務王大臣。履親王。誠親王。和親王。辦理

雍和宮事務。原係尚書職掌。所有罰俸之案。俱照尚書品級罰俸。○又諭大學士鄂爾泰。張廷玉。上年甘肅所屬固原環縣等處收成歉薄。窮民乏食。乃朕所知者。已降旨切諭該督撫。加意籌畫。賑恤撫綏。今又聞得甘州。涼州。

實錄卷二二

八

鞏昌臨洮。平涼慶陽寧夏。西安等府。雍正十二年十三年收成俱歉。且有牛疫之厄。米麥之價。較昔昂貴。百姓艱窘。此朕得之訪聞者。該督撫並未奏聞。爾等可作字詢問查郎阿。劉於義碩色。許容。並令其速議作何賑恤之法。一面辦理。一面奏聞。朕刻刻以愛養天下百姓為心。而秦省之民。急公趨事。勤勞可憫。尤朕所格外繫念者。該督撫毋得膜視負朕委任。○封理密親王允初之子弘曉。孫永璚。

為輔國公各予房一所○禮部奏八旗滿教習例用通曉繙譯舉貢生員其人品可觀訓課有術者甚少請將八旗廢員及告退筆帖式并從前効力軍前年老有疾之員有精於國語可為師法者一并考試錄用年滿分別加銜以示獎勵從之○直隸總河劉勳副總河定柱奏永定河東沽港上年堵築之處漫溢二十四丈

上以劉勳到任未久可原定柱下部察議尋議

鑄職留任從之○召署盛京工部侍郎七克新回京調工部右侍郎吳德慎為盛京工部侍郎○以松江提督補熙署理漕運總督○以兩淮鹽運使尹會一署理兩淮鹽政仍兼管運使事○庚午以禮部侍郎勵宗萬為會試知貢舉大學士鄂爾泰朱軾為正考官吏部左侍郎邵基刑部右侍郎張廷璩為副考官○戶部議覆長蘆巡鹽御史三保疏稱上年東運引目已照額行銷各商情願多運請

增引五萬道收貯運庫俟有不敷賣銷之州縣給商行運應如所請從之○又議覆張家口監督塞爾登疏稱宣化府門稅原恐張家口居庸關或有走漏而設所收稅課多係小民零星日用請將口鹽歸張家口徵收其餘肩挑背負概予豁免應如所請從之○理藩院議丹津多爾濟等請將協理台吉遜都布本管佐領作為扎薩克鑄給滿蒙北路左翼中左都統扎薩克印信應如所請從之○朝

鮮國王李吟奉到

世宗憲皇帝遺詔奉表稱慰又表謝護送難民徐厚丁等回國恩俱報聞○予贈禮部尚書蔡世遠祭如例謚文勤○辛未

上詣

皇太后宮問安○遣官祭

關帝廟○調原任浙江巡撫黃叔琳直隸按察使浦文煒雲南按察使江芑河東運使楊夢炎直隸順德府知府陳法江蘇常州府知

府魏化麟。湖北武昌府知府張淑鄧。江蘇徐州府河務同知郭兆夢。安徽亳州知州陳慶門。江西奉新縣知縣童希睿。赴部引見。○吏部奏本年行取知縣定例。但取正途出身之俸滿無叅罰者。上年王大臣議定。各督撫行取。不必拘定食俸深淺。其才能出衆之員。亦准保舉。今請兩項人員兼用。令督撫大省各保三員。中省二員。小省一員。送部引見。從之。○又議覆陝西巡撫碩色疏請。改榆林府所屬靖邊定邊二縣隸延安府轄。改直隸葭州為屬州。并所屬神木府谷二縣隸榆林府轄。其原隸葭州之吳堡縣。改隸直隸綏德州轄。均應如所請。從之。○賞留已革鑾儀衛整儀尉寶德。一等男世職。○以太僕寺少卿德爾敏為太僕寺卿。○署川陝總督劉於義奏。奏河州鎮總兵張豹貪暴不職。降旨革職。○土申諭總理事務王大臣。上年恩詔。凡民人年七十以上者。許一丁侍養。八十以上者。給與

八品頂帶。以榮其身。朕思直省生監中有年登耄耄者。祇以名列膠庠。轉未得邀恩錫於引年尚齒之典。尚為未備。著通行內外直省。凡屬生監年七十以上者。優免一丁。年八十以上者。給與八品頂帶。○又諭良鄉縣密通京師。其城垣久未修理。不足以肅觀瞻。著該督李衛遴選賢員。料估奏聞。即行興修。其工費若干。於存公項內動支。如不敷用。即於正項錢糧內補足。准其報銷。○又諭聞山西霍州中鎮廟殿宇年久未修。漸就傾圯。著該撫委員確估修葺。以安神靈。○封莊親王允祿之子弘普為貝子。○吏部題奏。江蘇患病休致翰林院編修鮑開。請援恩詔起復供職。得旨允行。○戶部議覆山西布政使王暮疏稱。州縣交代之際。每於買補出糶倉糧。互相推諉。雍正九年。戶部定有協同買補之例。州縣官員。因是不肯多糶。有礙民食。請嗣後於實無賣多報少之員。仍責令新任接收買補。應

如所請從之。署鑲紅旗漢軍都統平郡王福彭議覆都統公豐盛額奏請各旗閒散幼丁其並無產業家中亦無馬甲拜唐阿之人年逾十歲者令該管之叅佐領等切實保送補為養育兵應如所請從之。○癸酉春分朝日於東郊遣顯親王衍潢恭代行禮。○諭總理事務王大臣治道貴乎得中矯枉不可過正前已屢降諭旨訓迪廷臣近見八旗辦事情形及諸臣條奏事件尚有未合大公至正者如八旗事務頭緒繁多章程不一朕是以畧加斟酌去其繁冗俾從簡易而都統副都統等竟於會議之時多不到班更有乾清門奏事亦不到者且有交辦事件遲至一年半而後議奏者有朕面詢所奏之事情節而茫然不能應對者如此則日漸廢弛鮮能振作豈朕料理旗務之本意乎又如諸臣條陳關稅者甚多而皆未得其樞要夫鈔關之弊如額外巧取違例橫徵奸胥猾吏多般需索自

當嚴行禁止違者重治其罪故鄉村落地稅苛累細民已經特諭革除若將關稅正項概行議減不過官吏中飽上有損於國課而下無益於商民乃事理之顯然可見者又如請除學校煩苛之弊欲更成例者在國家養育人才士子原當優恤倘學臣等約束規條過於嚴厲俾多士有束縛之苦而無優游之樂固不可行若一味寬縱不繩以禮法則蕩檢踰閑如前明之紳衿武斷鄉曲凌虐庶民貽害於風俗人心而本身亦罹法網豈國家優待士人之道乎其他矯枉過正與此相類者不一而足是皆徇於一偏而不知其流弊者也大抵皇祖聖祖仁皇帝時久道化成與民休息而臣下奉行不善多有寬縱之弊皇考世宗憲皇帝整頓積習仁育而兼義正臣下奉行不善又多嚴峻之弊朕繼承統緒

繼述

謨烈惟日孜孜正欲明作有功以幾惇大成裕之治近覘諸臣奉行漸有錯會朕旨而趨於怠弛之意朕滋懼焉天下之事有一利必有一害凡人之情有所矯必有所偏是以中道最難先儒謂子莫所執乃楊墨之中非義理之中也必如古聖帝明王隨時隨事以義理為權衡而得其中乃可以類萬物之情成天下之務故寬非縱弛之謂嚴非刻薄之謂朕惡刻薄之有害於民生亦惡縱弛之有妨於國事爾諸臣尚其深自省察交相勸勉屏絕揣摩迎合之私心庶幾無曠厥職而實有補於政教戒之慎之○禮部奏冊立

皇后典禮得旨著遵前旨於二十七月後舉行

○甲戌遣官祭

先醫之神○遣官祭昭忠祠○諭總理事務王大臣禮部奏請二月十三日御門聽政朕思百日之後雖閱兩月但

皇考梓宮現在

雍和宮朕即御門聽政心實不忍可俟梓宮奉移

山陵後再行請旨○定江南佐雜養廉諭曰聞江南佐雜等官向來未議養廉該省事務繁多差遣絡繹倍於他省微員俸少力薄未免衣食艱難查江蘇有不充餉之鹽規銀兩安徽司庫有存公耗羨銀兩著總督趙宏恩巡撫顧琮趙國麟公同查核仿照江西湖廣之例酌定數目每年賞給以為養廉示朕體恤微員之至意○遣準噶爾來使吹納木喀起程召入乾清宮諭曰此次爾等來時朕未曾派出大員與爾等議定疆界者非朕不受爾等請和意欲興戎也以爾台吉噶爾丹策凌未能遵奉

皇考諭旨酌定疆界且又假詞陳請朕雖派員定議亦屬無益況疆界一事爾等豈可專主是以未經定議將諭旨命爾等齎回噶爾丹策凌又奏請遣使先是

皇考軫念黃教衆生。曾經遣使。爾等並未遵奉定界。今朕遣使何益。噶爾丹策凌誠能遵奉皇考諭旨。酌定疆界具奏。即一言足以藏事。不然。雖往返遣使何為。且定界之事。不過從爾所請。於我天朝無涉。朕惟仰體

皇考聖心。闡發黃教。安養衆生。斷無與爾興戎用兵之事。今將官兵撤回。各歸本處。惟少留弁兵以衛疆圉。想爾等亦有所聞。此等守衛疆圉之兵。無論與爾和好與否。防守地方在所必設。朕為大君。既經降旨。斷無復改之理。諭旨內俱經備載。噶爾丹策凌接奉此旨。誠能遵奉

皇考諭旨。留意黃教衆生。酌定疆界。遣使具奏。抑或遵照

諭旨指示。止以喀爾喀游牧。不過哲爾格西喇呼魯蘇一事為請。亦屬可行。朕自降旨指示。爾使臣惟思玉成此事。始屬有益。亦不致徒勞往返。朕兩次所降諭旨。爾須謹記。俟去時

諭噶爾丹策凌。當思久遠之策。勿顧目前小利。噶爾丹策凌係一部落為首台吉。豈不知此。且爾等激朕興師。不過希圖小利耳。今不出師。祇守內地邊疆。爾等何利之有。總之和則於爾有利。否則於爾無利。此皆事之顯然者。將此曉諭噶爾丹策凌。一切利害詳細酌定。○戶部遵旨議覆都察院左都御史孫嘉淦。山西巡撫覺羅石麟奏稱。平蒲解絳等處地窄人稠。向賴陝省商販小民不致艱食。自西陲軍興。陝省禁糴。加以上年歉收。糧價日長。今大兵已撤。軍需自少。請勅下陝西撫臣。停其禁糴。俾晉屬民食有資。應如所請。又議山西巡撫覺羅石麟奏請於平蒲解絳等處開倉借糴。以濟民食。亦應如所請。得旨。依議。速行。○禮部議奏

崇慶皇太后曾祖父額宜騰。祖父吳祿俱追封為一等公。妻俱追封為公妻一品夫人。應照例致祭。立碑修墓。從之。○河南學政鄒升恒

奏直隸陝州並所屬靈閣二縣生童以赴河南府考試不便情願捐資於陝州建立考棚每年修費請於該州縣養廉公費動用下部議行○以鴻臚寺少卿晏斯盛為安徽布政使○乙亥

孝康章皇后忌辰遣官祭

孝陵○諭內閣大學士張廷玉處有寫字監生吳自高繕寫奏摺多年為人慎密朕所素知查翰林院有待詔二缺因不得能書之人久

懸未補著將吳自高補授一缺令其照舊繕寫効力○又諭八旗大臣有教育旗人之責本應將該管官兵不時教訓令各循分守法不得滋事近聞八旗人等每遇年節有在街市縱酒妄為者此皆由八旗大臣等平時並不留心教管遇此不肖之徒又不拏獲懲治肆意妄為成何體統著交八旗大臣如何嚴查管束之處詳議具奏尋議嗣後旗人有縱酒騷擾街市者令堆撥官弁就近拏送官則

查叅交部治罪兵丁則就其情由輕重分別懲治從之○戶部議覆湖南巡撫鍾保疏稱黔苗滋事以來辰州商少糧貴請發常平倉穀並撥運截漕項下餘存二耗米里納加一耗米減價平糶乾州向無積貯請撥糶桃源縣倉穀二千石應如所請其里納加一耗米先經該撫請定價折銀充餉應於彼案查明報部再議從之○廣東廣韶學政王丕烈疏請裁惠州府學文武童生進額各三名歸新隸嘉應州之興寧長樂二縣裁潮州府學文武童生進額各二名歸新隸嘉應州之平遠鎮平二縣統撥州學裁潮州府學武童進額二名撥歸嘉應州裁廣州府學文童進額一名撥歸直隸連州下部議行○丙子

上詣雍和宮

梓宮前供奠○戶部議撥浙江省雍正十三年分地丁銀十萬八千八百餘兩從原任貴州巡撫元展成請解往黔省為新募兵丁糧餉

并製造器械之用。得旨依議速行。予前任福建總督范承謨。入祀浙省賢良祠。○丁丑上詣

皇太后宮問安。○諭總理事務王大臣人臣陳奏事件。理宜慎密。若有叅劾。既非露章而用密摺。尤不當漏洩於外。以自作威福。前給事中曹一士糾叅王士俊。用密摺封奏。朕念君不密則失臣之義。未嘗向一人諭及。乃數日之後。外間已共相傳播。若非曹一士自向人言。則衆人何從而知之。似此輕浮躁妄。自取過愆。深負朕求言之意。著交該部察議。以為密奏而漏言之戒。此正所以教勉諸臣。而非以阻塞言路也。可一併曉諭知之。尋部議降三級。抵銷一級。仍降二級調用。得旨著照部議所降之級。從寬留任。○又諭仲春以來農事方興。雨雪時降。麥秋有望。殊屬可喜。但羣士入闈。衣履未免濡濺。在羣士學古入官。上焉者可服在大僚。其次亦將膺民社之寄。自

當以天下之樂為樂。不以濡濺為苦。而朕心不免軫念。著即發庫帑。各賜白金三兩。為修整衣履之用。○設沁河隄工長夫。諭朕聞河南武陟縣木樂店沁河隄工。關係民居廬舍。每年派民夫修築。以防水患。里民按畝派錢。約計二千四百餘兩。頗為地方之累。若設立長夫三十名。歲支工食三百六十兩。即可省民間二千餘金之幫貼。著該部傳諭河南總河白鍾山。照此辦理。其設立長夫。每年應領工食。即動豫省存公銀兩給發。不得絲毫累民。永著為例。倘胥吏土棍等。仍有借名科派者。交與該管官嚴查。從重治罪。○總理事務王大臣等奏。籌軍營貯米事宜。大將軍慶復前奏。鄂爾昆等處現貯米二十萬餘石。軍營將軍大臣員弁等。每月需米七千餘石。辦給徹兵行糧。需米五萬餘石。餘存米石。以為臣等議留兵丁。喀爾喀兵。及守卡倫兵支食。又喀爾喀兵三千。於鄂爾昆附近屯駐。一年需

米五萬石。計軍營存米。益以歸化城尚書通智商人范毓麟運致米石。足供四年支用。至每年留新出陳辦理之處。應行文慶復詳議具奏。從之。○禮部奏。朝鮮國王李吟補進方物。照例移准三節外。尚餘黃細苧等物。應於今年貢內移准。從之。○兵部議奏。河東總督既裁。照舊設立巡撫。其督標中軍副將。應改為撫標中軍叅將。副將中軍都司。應改為叅將中軍守備。山東兗州鎮總兵。先因總督駐劄缺裁。今應照舊設立。其鎮標各員。皆如其舊。得旨允行。○戊寅。定大學士邁柱行走班次。在張廷玉之後。朱軾之前。○吏部議。雲南道監察御史盧秉純奏請。科目出身之縣令。經以不能勝任。改教。如有實心訓課。振興士習之員。應仍准督撫會同學臣。於大計俸滿年分。保薦升用。應如所請。從之。○協理陝西道御史福德奏。虧空案內。不得冒開欠項抵償。下部議。尋議。虧空人員。有借欠可抵。必實

係近年債負。力能交納者。方准追抵。地方有司。或徇聽開欠。妄追無辜。或受賄得贓。各依律究治。上司議處。其有因規避處分。指引開欠。及朦朧開報。混行追抵者。與該管上司。並照例議處。從之。○福建巡撫盧焯奏。閩省同知通判額徵屯糧。其地坐落各州縣。兼有隔府隔省者。請將福州等處屯田。查明坐落州縣。有田歸民耕。而仍列故軍老戶者。即行更正的名。分歸州縣徵收。下部議行。○署黑龍江將軍那蘇圖奏。出征打牲兵丁。多係單妻幼子。散處山谷。將發遣人犯。撥給為奴。恐難管約。墨爾根地方。霜降較早。添設官莊。於積貯無益。前副都統多奇那所請。均不便。下部議。如那蘇圖所奏。從之。○以鑲黃旗漢軍副都統策楞。鑾儀衛雲麾使福清。俱為鑾儀使。○已卯。上詣奉先殿行禮。○賜準噶爾台吉噶爾丹策凌勅

書曰。諭噶爾丹策凌。朕續承大統。繼述

皇考世宗憲皇帝之志。無分中外。一視同仁。以振興黃教。安養衆生為務。今爾遣吹納木喀來。奏稱阿爾台。本我游牧之地。抗愛乃喀爾喀游牧之地。既經和好。此疆彼界。原不必條分縷晰。今因遵

旨定界。故敢奏聞。又稱

諭旨所示哲爾格西喇呼魯蘇等處。雖已指明我部疆界。尚未定喀爾喀游牧之界。故未敢

定議。祈再稍展空地。遣使來此酌定。令喀爾喀與我部邊界。彼此濶遠。伏乞允行。按定界之事。本起於爾父策旺阿喇布坦奏請。乞以阿爾台山外。哈道里。哈達清吉勒。布拉清吉勒。兩隅賜爾。初尚未蒙

俞允。其後

皇考一意休兵息民。方可其請。今以克木齊克。汗騰格里。循阿爾台山梁。下索勒畢嶺。由哈卜塔克。拜塔克之中。過烏蘭烏蘇。至噶斯口。

為界。爾父又請以呼遜托輝。至喀喇巴爾楚克。為居中間地。毋與喀爾喀游牧逼近。致彼此猜疑。

皇考降旨。此事亦屬可行。今爾誠恪遵我皇考聖訓。奏請則我原設邊卡。不必動移。但令喀爾喀游牧。稍稍內徙。朕自當體

皇考興教安民之意。降旨俯允。爾乃並不遵我皇考之訓。竟欲以哲爾格西喇呼魯蘇為爾邊界。專令喀爾喀內徙。別留中間濶遠之地。牽率奏請。明係托故支吾。如此。則朕更遣使何為。朕為萬方共主。當使羣生皆得其所。不但軫恤內地蒙古。即爾準部。亦在我撫綏之內。仰承

皇考仁育萬物之心。以息兵端。業已降旨撤兵。豈復更張。爾若不恤爾部。起釁殃民。勞爾部衆。擾我邊疆。則朕亦無如之何矣。爾台吉其圖及久遠。將一切利害得失之故。再四思維。詳悉定議。一遵

皇考諭旨則遣使來奏否則不必更遣使矣特
降勅諭付爾來使齎還隨勅賜各色緞俱十
端○戶部議准山西巡撫覺羅石麟疏稱寧
鄉縣原報墾荒餘地七百九十頃有奇勘係
巨石沙磧難以播種請予豁免從之○又議
原任貴州巡撫元展成疏題賑恤被苗匪擾
害災黎事宜一黃平等處逃難民人時屆寒
冬其房屋無存與雖存而不能復業者請分
別各按大小口給銀以為添補寒衣之費其
有回籍者按程給發口糧一難民回籍無以
資生請每大口給米五斗小口二斗五升依
時價折給俾得接至麥熟其離被害村寨近
而復業遲者每戶卹銀二兩一安置難民賃
蓋棚房及病亡醫藥厝斂護送回籍老幼婦
女需費請動項酌給均應如所請得旨依議
速行○奉國將軍席布因病退職以其子錫
通額照例襲奉恩將軍○以故奉恩將軍寶
善之子沙爾坤襲職

大清高宗法天隆運至誠先覺體元立極敷文
奮武孝慈神聖純皇帝實錄卷之十二

大清高宗法天隆運至誠先覺體元立極敷文
奮武孝慈神聖純皇帝實錄卷之十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣等謹將大臣戶部尚書鑲藍旗滿洲都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將尋常

教修

乾隆元年丙辰二月庚辰遣官祭賢良祠○

實錄卷十三

一

訓飭陳奏諸臣諭總理事務王大臣朕自繼
序以來勤思治理廣開言路俾大小臣工皆
得密封摺奏蓋深慮民隱或壅庶事失理故
公聽並觀以求濟於實用諸臣必宅心虛公
見理明徹慮事周詳各抒忠悃實有切於國
政民依官方吏弊然後可以佐朕不逮故凡
言有裨益立見施行而邇來諸臣所奏或有
不能適合厥中徒有陳奏之名而不計及實
有裨於政治與否或瑣屑而昧於大體或空

言而無補於國事非朕求言之本意也故前

降諭旨諄諄訓迪其中尤可詫怪者謝濟世

請用其自註學庸易朱子章句頒行天下獨

不自揣已與朱子分量相隔如雲泥而肆口

詆毀狂悖已極且謂明代以同鄉同姓尊崇

朱子之書則直如龔下老婢陳說古事雖鄉

里小兒亦將聞而失笑也李徽欲以孝經與

四書並列為五立義支離屬辭鄙淺於宋元

大儒所論孝經源流離合曾未寓目即欲變

實錄卷十三

二

亂厯代論定列於學官數百年不易之舊章
亦不自量之甚矣至於在任守制事本不可
常行考之禮記諸侯既葬王政入於國大夫
士既葬公政入於家故戴德喪服變除言古
者歷降之服其居處飲食哭泣思慕一如其
常期蓋禮有以權而制者苟能自盡居喪之
實心亦可無憾也今薄海奏請勒令從前在
任守制者雖喪期既滿仍令解任追服朕令
羣臣守制者原以行於將來非以論其已往

且時過事遠而勒令哀經三年於傳所謂喪事即遠之義亦未有當至於配享孔廟千秋禮教所關典至鉅也兩漢傳經之儒久升孔廡後代復議絀之者且數數然也陳世倌乃連舉數人無乃輕率至若準噶爾侵擾藩屬部落我

聖祖為邊疆久遠之計設兵彈壓本非有耀武窮荒之意

皇考念我軍屯戍日久彼國亦甚困敝故遣使

實錄卷十三

三

宣諭減撤戍兵休養士馬皆因時制宜以撫綏中外陳世倌請修方畧意涉逢迎如謂調兵籌餉之屬可為後式則各部俱有冊籍何用別為一書凡此類皆無當於實用而有關於國體夫此數人者皆輿論所推服為讀書人而久不見用者也今朕拔而用之而數人之識見若此陳奏若此豈不有愧於士林之清議與朕特擢之恩乎朕若因其妄行瀆奏交部議處不為無名但朕志切求言諸臣言

雖不當不惟從寬免其譴訶亦并不介意然不得不明白訓示者恐無知之徒爭相效尤肆言無忌天下無識者之聽聞志慮未免為所惑亂則所關於世道人心者非淺鮮也故使言者自省而聞者知戒各務竭忠効誠指事當物以副朕諄切求言之本意○又諭前

因

雍和宮管人疎縱將王貝勒等交宗人府議處後經降旨履親王等俱照尚書例罰俸今思

實錄卷十三

四

履親王等既已從輕其貝勒允禩允祹貝子弘晳三人罰俸之處亦著照侍郎之例○免江蘇宿遷睢寧桃源三縣涸復改科及上年淤地未完額賦諭曰朕聞江南淮安府屬之桃源縣徐州府屬之宿遷縣睢寧縣濱臨黃河沿河地畝淹涸靡常雍正五年因朱家口潰決之水復循故道其舊淹田地始得涸出而河臣為地棍所欺遂以此地為新淤之腴產睢寧縣報陞地五千三十九頃宿遷縣報

陞地四千七十二頃。桃源縣報陞地三千八百四十二頃。嗣蒙

皇考世宗憲皇帝勤求民隱特頒

諭旨。以淤地勘報不實。令河臣會同督臣委員查勘。共豁地七千二百餘頃。萬民感頌。所有存留地五千七百餘頃。俱照各縣成例折算。實地三千五百餘頃。科則亦經減輕。其潼安一衛裁汰改歸州縣徵收。乃比年以來。應納錢糧。仍催徵不前。蓋此淤出之地。畝即舊有。

聖訓卷十三

五

之糧田。是以民力維艱。輸將不繼也。朕以愛養百姓為心。既洞悉其中情事。自當加恩開除。以紓民力。著將宿遷睢寧桃源三縣現存新淤。涸復改科。地糧額徵銀六千五百四兩。全行豁免。其雍正十三年淤地未完錢糧。亦免徵收。至水沉地畝。仍照例歸於每年冬勘。該部即遵諭行。○總理事務王大臣等議奏。駐兵備邊事宜。喀爾喀逼近軍營處所。請於每歲防秋之候。就各游牧豫備兵內。輪選三

千名。屯駐鄂爾昆水草佳處。其餘兵丁。所在豫備。又扎薩克圖汗格勒克雅木丕勒等奏。於扎卜堪。台西里。空圭。特爾斯等處。仍設內卡。倫。蒙古游牧。無過察罕和羅等處。應如所請。行。其操演整備事宜。令軍營將軍等隨宜辦理。從之。○以大學士邁柱。兼工部尚書事。並命邁柱在紫禁城騎馬。○加原任吏部尚書管雲南巡撫事楊名時。禮部尚書銜。兼管國子監祭酒事。在尚書房課讀。並南書房行走。

聖訓卷十三

六

○鑄給監督天津鈔關關防。○辛巳。朝鮮國王李昫。遣陪臣洛昌君李檣等詣。世宗憲皇帝。几筵前進香行禮。賞銀幣有差。停止筵宴。○命翰林官擬進上諭。諭總理事務王大臣。翰林以讀書為職業。然讀書將以致用。非徒誦習其文辭也。古來制誥。多出詞臣之手。必學問淹雅。識見明通。始稱華國之選。有裨於政事。今翰詹官員甚多。於詩賦外。亦當留心詔勅。掌院學士以下。編檢以上。可各

以己意擬寫上諭一道。陸續封呈朕覽。既可
以覘其文藝之淺深。並可以觀其胷中之蘊
蓄。倘有切於吏治民生者。朕亦即頒發。見諸
施行。則詞曹非徒章句之虛文。而國家亦收
文章之實用矣。嗣後庶吉士散館後。即照此
例行。○又諭北路換回坐臺人員。朕已諭令
更換回京。或其中尚有一二可用之才。亦未
可定。傳諭該旗於伊等到京之日。陸續帶領
引見。漢官著該部帶領引見。○賞致仕大學

年五十一

五

士馬齊。陳元龍。尚書蘇庫。並尚書銜現管國
子監祭酒事楊名時。春李俸銀俸米。○署湖
北巡撫吳應棻來京。陞見。命回兵部侍郎任。
○命副都統蘭保。督運鄂爾昆軍糧。○兵部
議覆雲貴總督尹繼善疏稱。黔苗滋事。大兵
進剿。復恐內地空虛。餘孽竊發。請於都勻。長
寨。黃平。三協營。各招新兵二百名。長壩。思南。
天柱。石阡。四營。各招新兵一百名。鎮遠。平越。
二營。各招新兵三百名。俟凱旋之日。陸續補

年五十一

八

用。應如所請。從之。○山東道監察御史曹一
士奏舉首文字悖逆之案。多係挾嫌陷罪。有
司見事生風。株連波累。告訐不休。士子以詩
文為戒。請勅下直省大吏。查從前有無此等
獄案。條列上陳。候旨。嗣後有妄舉悖逆者。即
反坐以所告之罪。部議應如所奏。至承審各
官。有率行比附成獄者。以故入人罪律論。從
之。○旌表守正捐軀之江蘇贛榆縣民張世
美之妻劉氏。山東魚臺縣民張倫之妻闕氏。
○壬午。總理事務王大臣議覆天津水師營
都統阿揚阿奏稱。現在兵丁每月恩賞米石。
足敷養贍。其向有買補口糧銀兩一項。請作
為採買馬匹之用。無庸赴部另支。馬乾銀兩。
核有餘剩。請入於滋生銀內生息。均應如所
請。從之。○戶部議覆安徽巡撫趙國麟疏請
委署員弁。凡遞行委署者。其俸照銜。其薪照
缺支食。如有原官支食者。於建曠內撥給。至
現任員弁所署之缺。其俸無原官支食者。即

歸截曠報部應如所請從之。○又議撥江西省雍正十三年分地丁銀二萬三千七百兩零解黔省為官弁俸餉之用得旨允行。○又議准兩廣總督鄂彌達疏稱贛縣良富地方設有鹽店與食淮鹽之萬安縣連界贛萬二縣各有塘汛委員盤詰不致衝賺粵西全州界連楚省行銷淮鹽之零陵東安二邑向於黃沙河開有子埠鹽店其地人煙稠密可無暗結梟徒等弊均請照舊開設從之。○命尚書銜兼管國子監祭酒事楊名時在紫禁城騎馬。○癸未諭總理事務王大臣翰林撰擬王貝勒貝子冊文如朕叔朕兄等皆呼為爾某於朕敬長之意未符此心有所不安凡遇叔兄等皆當稱叔稱兄自弟姪以下則用爾字永著為例。○諭宗人府諸伯叔之子孫應封者照例加封其未及應封者若不委派差使行走一任閒居則終身廢棄末由成就殊為可惜向來近派宗室之子孫有挑在侍衛

章京上行走之例諸伯叔之子孫除所應封者其餘應如何挑在侍衛章京等差使上行走永遠為例之處著宗人府會同莊親王果親王分別遠近詳加妥議具奏。○命協辦大學士徐本左都御史福敏禮部左侍郎徐元夢內閣學士姚三辰閱會試迴避子弟試卷尋擬上等六卷次等四卷進呈於常額外取中從之。○多羅淳郡王弘曠等奏修理福陵隄工據精於風水之洪文瀾等詳慎相度應酌修土隄開寬引河培墊中心包鑲石岸水小則內外環拱雙流水大則明堂悠洋聚蓄在土工歲加修補而石岸永遠堅凝誠於風水工程兩有裨益得旨總理事務王大臣等議奏尋議。○祖陵工程關係重大必須慎重萬全雍正八年修理陵工原係高其倬前往相度今高其倬已奉旨來京俟其到日將淳郡王圖摺令伊閱看定

議具奏得旨是依議○戶部議覆閩浙總督郝玉麟疏稱福州府屬之閩安左右二營烽火營羅源營延平府屬之城守營分防大田尤溪兩縣建寧府屬之鎮標分防政和壽寧兩縣楓嶺營邵武府屬之城守營分防建寧泰寧兩縣各兵米向支本色遠道候領在在苦累請分別改給折色於糧驛道承領其各營存剩米石請改抵福州旗標協營折給之用應如所請從之○工部左侍郎王鈞奏前於豐潤霸州營成稻田一百頃有奇請交直隸總督李衛招佃納糧或為書院士子膏火之資或充普濟堂育嬰堂等用得旨著照王鈞所請交與直隸總督李衛酌量辦理王鈞著交部議敘具奏○召山東按察使吳騫來京引見以原任浙江巡撫黃叔琳為山東按察使○甲申遣官祭

歷代帝王廟○諭總理事務王大臣兩浙鹽務向來廢弛自李衛為浙江總督以來留心

整理諸事妥協及李衛離浙程元章接任其性辦事迂懦鹽政漸不如前是以

皇考諭令布政使張若震暫行兼管前據張若震奏稱藩司之職經管通省錢糧頭緒繁多難以兼顧鹽務且緝私全賴官弁協力未免呼應不靈恐誤公事等語張若震准解鹽政之任俾得專心於職守大學士嵇曾筠現為浙江巡撫著照從前李衛之例改為浙江總督兼管兩浙鹽政其管轄地方節制官弁等事悉照李衛前例行嵇曾筠既為浙江總督郝玉麟著以閩浙總督銜專管福建事務朕聞浙省濱海之地向來鹽價每觔不過數文今加一倍且有不止一倍者小民甚為不便其如何先賤今昂之故大學士嵇曾筠可悉心體察多方調劑使之平減俾商民均受其益又聞官弁兵役捕緝私鹽之時每遇大梟不敢過問往往縱之使去至於肩挑背負之窮民資以餬口者則指為私販重加懲處種

種弊端不可悉數。前降諭旨甚明。尤當加意稽查。實心辦理。以除弊竇。有應具題者。即行具題。有應摺奏者。即行摺奏。○諭大學士張廷玉。朕聞山東沂州府屬之郯城縣。蘭山縣一帶地方。自雍正八年大水淹浸之後。水退沙存。凡低窪地畝。沙深數尺。不產五穀。即莠稗青草。亦不生長。郯城有一百數十餘頃。蘭山有三百餘頃。其餘州縣。不近大路者。尚有十餘處。地既不毛。糧從何辦。小民納賦甚屬艱難。此朕得之訪聞者。爾可密寄信與岳濬。會同鄭禪寶。確加訪查。具摺密奏。不可因朕降旨。有心迎合。亦不可因伊等未奏。回護前非。總以秉公據實為主。一有不確。便是欺罔矣。○戶部議覆閩浙總督郝玉麟疏請。福寧建寧汀州三鎮。延邵二協。烽火門。楓嶺。桐山。三營兵丁眷米。每石改給折銀九錢。令於臺穀糶價動用。仍於福寧等倉。照數平糶歸還。應如所請。從之。○又議覆河東總督王士俊

疏請免河南祥符。鄭州。考城。陳留。四州縣。雍正十二年以前民欠銀七千三百兩有奇。應如所請。從之。○兵部議覆閩浙總督郝玉麟疏請。卹賞浙省海洋巡哨遭風淹斃額外外委李虎臣。兵丁劉承恩等一十二人。浮水得生。兵丁魯文忠等七人。應卹賞如例。從之。○理藩院議奏。翁牛特扎薩克多羅都楞郡王羅卜藏等五旗內。郡王之子二。貝勒之子六。貝勒之弟二。應作為二等台吉。台吉塔布囊之子弟二百七十。應俱作為四等台吉。塔布囊從之。○乙酉。諭總理事務王大臣。朕聞得山東文登縣知縣王維幹。乃河東總督衙門書吏之子。前於署東平州任內。杖斃二命。題叅革職。經田文鏡保留復用。其人殘忍刻薄。如瘋如狂。肆無忌憚。且創設不經見之非刑。草菅民命。劣蹟種種。確有證據。王維幹著革職。將朕訪聞各款。一併交與巡撫岳濬。嚴審定擬具奏。似此酷劣之員。岳濬身為巡撫。何

以不行查叅著伊明白回奏。此次奉旨嚴審。不得回護前非。絲毫容隱。自干嚴譴。○戶部議准原任漕運總督顧琮會同兩江總督趙宏恩疏題兩江軍田議贖議貼條款。一凡典出隨船運田。令現運此船之丁查照原契取贖。其不能措贖者聽輪流駕運之丁令公同回贖。田租亦輪流收受。有富豪踞占及奸丁勾串冒贖者照例嚴懲。如有添蓋房屋等項縣衛勘估補償。如另簽新丁令償前丁贖價。應津貼者照例津貼。一昔年拋荒衛田軍民自行墾熟及年遠難稽者免其回贖。照例幫貼。其有典賣原主可查而契券無存者令縣衛秉公議償。不得短價強贖。一軍田久有墳墓不在回贖之例者飭州縣查註備案。有暗立新墳圈占者察究。一運田歸船不許復典於民。併不許復典於軍。違者與受均究。一廬鳳等衛運田另有糧餉等田有幫貼漕運亦有向不幫貼者應一槩酌量議貼。一執業運

田應造細冊報部從之。○正黃旗漢軍都統多羅慎郡王允禧等議奏恩賞養育兵白事銀兩事宜。嗣後除養育兵本身已沒不行給與外如伊祖父祖母父母白事請各照所食錢糧給與如將養育兵作為護軍馬甲行走即照所賞差使給與從之。○以三等侍衛伊通阿為散秩大臣在乾清門行走。○以太常寺卿都御史二格為兵部右侍郎。○丙戌戶部議覆原任漕運總督顧琮疏題江南截留漕船其未奉截留之先置補蓬桅簞纜散給水手身工以及截留之後撐駕回次等費較停運為費甚多請將已給三修月糧二項全予豁免。又稱截留船隻應給行糧等項請照經行程途按站給發。又稱交收州縣請定限半月內收清如運丁借端遲延州縣指延不收即行查叅。又稱所議條款江南係因地制宜其餘有漕省分俟各糧道妥議具奏上下兩江漕

運銀米並未編載全書。應會同督撫查議另題。均應如所請。從之。○禮部奏。朝鮮國恭進萬壽表儀。應特遣使臣於七月內來京恭進。得旨。朝鮮國所進萬壽表文貢物。不必於七月內來京。仍照舊例。於十二月內與年貢同進。○刑部尚書兼管兵部尚書事傅鼐奏。請武職遞行委署。照銜食俸人員。應准給與封典。又武進士補用提塘人員。應照吏部奏准文進士額外主事給與封典之例。從之。○正黃旗漢軍都統多羅慎郡王允禧等議。覆和碩莊親王允祿等奏。請留減米局事宜。八旗共立二十四局。今允祿等於每旗議裁二局。應照舊例。於所留每一局。各給銀五千兩。試看一二年。再議留減。其米局事務。請派大臣一員專管。於現在米局辦事官員內。留滿洲蒙古漢軍章京各一員。驍騎校一員。其領催馬甲。交特派大臣酌留差用。仍照例三年奏銷一次。現設米碓。均應裁汰。得旨。此項米局。即

令原派大臣等管理。不必專派。餘依議。○閩浙總督銜專管福建事務郝玉麟疏。請臺灣總兵馬驥丁母憂。留任守制。從之。○丁亥。上詣雍和宮。

梓宮前行月祭禮。○諭內外臣工。所舉博學鴻詞。聞已有一百餘人。祇因到京未齊。不便即行考試。其赴考先至者。未免旅食艱難。著從三月為始。每人月給銀四兩。資其膏火。在戶部按名給發。俟考試後停止。若有現任在京食俸者。即不必支給。並行文外省。令未到之人。俱於九月以前到京。若該省無續舉之人。亦即報部知之。免致久待。○戊子。清明節。

上詣

奉先殿。

壽皇殿行禮。○詣雍和宮。

梓宮前供奠。○遣官祭

永陵。

福陵。

昭陵。

昭西陵。

孝陵。

孝東陵。

景陵。○遣官祭

孝敬憲皇后。○

上詣

皇太后宮問安。○定

世宗憲皇帝

山陵名號曰

泰陵。○禮部以會試中額請得旨。這會試。滿洲

蒙古取中十名。漢軍取中四名。直隸取中三

十名。奉天取中一名。山東取中二十名。山西

取中十六名。河南取中十八名。陝西取中十

二名。江南取中三十八名。浙江取中三十六

名。江西取中二十一。湖北取中十四名。湖

南取中八名。福建取中二十名。廣東取中十

四名。廣西取中三名。四川取中六名。貴州取

中六名。雲南取中八名。南卷五經。取中十名。

北卷五經。取中三名。中卷五經。取中二名。旗

卷五經。應否取中。著主考閱文定奪。○己丑。

諭朕前以應付僧火居道士竊二氏之名。而

無修持之實。甚且作奸犯科。難於稽查約束。

是以酌復度牒之法。使有志修行者。永守清

規。而無賴之徒。不得竄入其中。以為佛老之

玷。其情愿還俗者。量給資產。其餘歸公。留為

養濟窮民之用。此亦專為應付僧火居道士

而言也。名山古刹。閉戶清修者。在所不問。前

降諭旨甚明。現交與王大臣九卿會議。乃聞

外省傳述錯誤。一切僧道。皆有惶惑不安之

意。恐將貲產歸公。遂爾弊端百出。有將已身

田宅。詭寄他人戶下。希圖藏匿者。有謀囑書

吏分立花戶。詭名。以多報少者。有減價速求

售賣。變銀入橐者。且有局外匪類。從中借名

索詐者。夫此等僧道。既謀利戀財如是。揆之

仙佛之法。乃糠粃稂莠也。即收其私橐歸公。

以養濟窮民。亦何不可之有。天下後世。自有公論。但朕之本意。原以天地好生之心。為心一物。不得其所。如已推而納之溝中。此庸愚無知之僧道。亦天下之一物耳。朕何忍視同膜外。况朕先所降旨甚明。原以護持僧道。而非有意苛刻僧道。今觀伊等情形。是愚昧無知。被人恐嚇。而不知原降之諭旨也。著該部先行曉諭。去其迷惑。至於應付僧火居道士之貲產。因無所歸著。是以有養濟窮民之說。究竟國家養濟窮民。豈需此區區之財物。亦可不必稽查歸公。此處著另議具奏。又聞外間有尼僧一種。其中年老無依。情愿削髮者。尚無他故。其餘年少出家之人。心志未定。而強令寂守空門。往往蕩閑踰檢。為人心風俗之害。且聞江浙地方。竟有未削髮而號稱比丘者。尤可詫異。似亦應照僧道之例。不許招受生徒。免致牽引日衆。有情愿為尼者。必待年齒四十以上。其餘槩行禁止。著將此一併

入於會議中妥議具奏。○達賚喇嘛貝勒頗羅柰等遣使請

世宗憲皇帝聖安。貢方物至京。賜勅賞賚如例。○吏部帶革職禮部侍郎杭奕祿引見。得旨。杭奕祿候朕另降諭旨。○戶部議准。原任河東總督王士俊疏稱。東省肥城十九縣。應徵德米折銀。每戶為數無多。請照河夫幫貼銀兩之例。併入大糧統徵。從之。○署鑲紅旗滿洲都統平郡王福彭奏。八旗廩膳生員。有願披甲者。但食馬甲錢糧。裁其廩餼。仍留廩膳生員。有願專習文藝者。令其告退馬甲。仍給廩餼。從之。○免追陝西三清灣屯田被淹籽種二百二十石有奇。從署陝西總督劉於義請也。○召河南南汝道楊廷翼來京引見。○庚寅。

孝昭仁皇后忌辰。遣官祭

景陵。○恒親王弘晈奏。

太平峪續添工程。請於內務府三旗添派叅領

等員赴工報可。○吏部議覆河南道監察御史江皋奏言督撫題陞屬員如係歷俸未滿者不得越次保題其降革留任未經開復者不得遽行題陞應如所奏嗣後各督撫如越次指缺保題屬員請照含糊具題例議有不俟開復遽行指缺保題者請照革職降級官員擅行委署例議從之。○戶部議覆署陝西總督劉於義疏稱駐防哈密兵丁及領兵將弁跟役等所需鹽菜銀兩軍營無項可支請於附近隣省撥解銀六萬兩乾隆元年春季應支鹽菜銀先於司庫扣存各提鎮營建曠銀內動用應如所請撥河南雍正十三年分地丁銀如數解往其春季應支鹽菜銀亦應如所請行從之。○刑部議覆福建按察使覺羅倫達禮條奏直省州縣審擬軍流入犯請於成招時詢明有妻室者即敘明姓氏年貌隨招具報奉到部文即請咨發遣不得俟題結後行查致稽時日應如所請其詢無妻室

者如係本地民人亦應如所請查取隣族各結州縣加具印結隨招申送以便奉到部文發遣不致臨期輾轉至有隔屬隔省者應請一面依限錄供附報一面移查原籍結到加結申送得旨允行。○辛卯諭大學士張廷玉湖南為產米之鄉向來米價平時每石不過七八錢近聞湖南省城米價騰貴自正月二十四五以後每石貴至一兩七八錢不等民間有艱食之慮爾可密寄信與史貽直鍾保即速計議作何料理似應將常平倉穀減價平糶以濟民食將來青黃不接之時更宜豫為籌畫毋致閭閻受困。○又諭前降旨令趙文英來京引見原欲加恩復用今聞伊行至大同府病故深為可憫著賞銀三百兩交與趙文英之子趙瓚為伊父後事並搬移旅櫬回籍之用。○戶部議覆署陝西總督劉於義疏稱臨洮等屬新歸番民應輸糧石前據管理夷情事務德齡以馱負維艱奏請改徵折

色。查番民多居口外。賣糧交銀。仍須馱負內地。轉有未便。請照舊例。以本色徵收。應如所請。從之。○禮部議准。浙江布政使張若震。請禁民間演唱佛戲。從之。○兵部議覆。四川巡撫楊畝疏稱。裡塘巴塘等處。久經向化。請裁打箭爐至雅龍江。前設陸站馬六十匹。應如所請。從之。○予故喀喇沁輔國公那遜額爾德呢。致祭如例。○以革職禮部侍郎杭奕祿。為額外內閣學士。○以原任浙江巡撫程元章。為漕運總督。○以兵部侍郎二格。署甘州提督印務。○以鑲紅旗漢軍副都統八十五。為杭州副都統。以原任杭州副都統隆昇。為鑲紅旗漢軍副都統。○壬辰。大學士張廷玉。尚書海望。議覆江南總督趙宏恩。織造李英疏稱。龍江西新關務。需用解費。添平水脚銀一萬五千兩。每年織造關稅兩衙門。養廉一萬五千兩。請於贏餘項下動支。舊有歲收衙規。照驗單票等項。約銀一萬兩。亦請於贏餘

銀內支存備用。均應如奏行。從之。○戶部議覆。原任漕運總督顧琮疏稱。雍正十一年。分折漕減運丁船。未經受兌開行。請將行糧贈銀貼運。贍運等項銀米。全數扣存。其本折月糧五米。三修等款。悉行賞給。應如所請。從之。○禮部奏舊例

昭西陵

孝陵

景陵各設禮部郎中一員。掌管關防。

孝東陵事務歸

孝陵掌關防郎中兼辦。查各官因各管一

陵事務。並無經承案卷。凡事未昭畫一。請照石

門工部之例。將各舊關防繳部。另鑄給

孝陵奉祀禮部關防一顆。交吏部於各部院郎

中。揀選老成謹慎一員。并

陵寢現在郎中二員。擬定正陪。引見候簡。令其

掌管關防。以馬蘭峪禮部衙門為各

陵官員齊集辦事公所。設書辦二名。招募充補。

至

陵寢贊禮讀祝各官。應令掌關防郎中酌派輪班來京。交太常寺堂官教演禮儀。自後即令該堂官於清明中元前往。

陵寢查驗一次。以專責成。報聞。○又奏

昌瑞山附近地方。開設宴座。有礙山川脉絡。請勅下工部飭令填實從之。○又議准順天學政錢陳羣請停科試舉報優劣之例從之。○

經畧苗疆事務張廣泗奏。都勻協副將馮

茂。清江協副將柳定國。分別革審解任。并調

補各缺。得旨。馮茂著革職。交與經畧張廣泗

嚴審定擬。柳定國著革職。暫留副將銜。効力

贖罪。俟事定之後。核其功過。具奏請旨。曾長

治著調補都勻協副將。哈尚德著補授清江

協副將。朕觀苗疆用兵以來。將帥各持意見。

以致賞罰不明。號令不一。擔延時日。遲誤軍

機。自張廣泗授為經畧。秉公辦理。弁兵等始

知奮勇鼓勵。所向克捷。迅奏膚功。向後軍營

弁員。應聽張廣泗遴選委用。俾事權歸一。以

濟軍務。著照西北兩路軍營之例。自副將以

下。准張廣泗酌量人材功績。遞行題補。如不

得其人。即咨商總督尹繼善揀選會題。俟軍

務竣日停止。○癸巳。總理事務王大臣議覆

御史查拉奏言。滿洲進士舉人。但挨補小京

官。其缺甚少。且先儘進士銓選。舉人無補用

之期。請以進士舉人。分班選用。應如所請。查

滿洲內閣中書六十四缺。應再分出數缺。銓

補。請勅下部臣詳議。尋議。滿洲閒散文進士

舉人。例用國子監監丞等小京官。惟舉人補

用無期。應如總理事務王大臣等所議。嗣後

於選用監丞等官外。遇額設中書缺出。補貼

寫中書五缺後。用閒散文舉人一員。至蒙古

閒散文舉人。亦請於蒙古中書缺內。補筆帖

式三缺後。選用一員。得旨。允行。○是月。提督

順天學政錢陳羣奏請。賞鄉會試對讀生員

盤費。得旨。考居四五等生員。令其入場對讀

者所以示罰。俾其奮勉向學也。若賞給盤費。則與立法懲儆之意不符。但外省止有鄉試。而北直兼有會試。生員重複應差。稍覺可憫。汝可傳旨與李衛。嗣後會試對讀之生員。酌賞盤費。於公用項內支給。○直隸布政使張鳴鈞奏。未經得缺及雜職人員。均請給與封典。得旨。定例現任官員。方給封典。朕格外加恩。凡題署得缺者。亦准請封。已屬向來未有之曠典矣。今汝又為未經得缺者奏請。且欲推廣及於無品雜職。國恩如此。濫邀可乎。此必聽信無知屬員之求。遂爾妄奏。殊覺孟浪。則汝之識見可知矣。向後當切以為戒。○蘇州巡撫高其倬奏。稱年希堯家人在京聞信。即到淮安藏匿寄頓。得旨。覽。始朕於年希堯此案。猶有矜全之意。今觀其先行藏匿資財。曲意防護。甚屬無恥。有虧臣節。乃辜負皇考任用之恩者也。汝將此摺發與趙宏恩。顧琮。令其盡法處治。應追入官者。即絲毫亦不

可假借。庶可處一警百。且朕即位以來。抄沒諸臣家私乎。而年希堯如此防範。可惡之極。○漕運總督顧琮奏。謝命署巡撫恩。得旨。諭蘇州巡撫顧琮。近日外省吏治。尚自奉公守法。而奉行不善。或過苛刻者。亦漸次改除。民情舒適。朕心稍為欣慰。至在內部院之事。亦尚整飭。在繩墨之中。惟有旗務。已有廢弛之漸。如會議不到。或公處嬉笑。朕皆屢經訓諭矣。誠使朕為寬大之主。而諸臣奉公守法。則朕可以永久用寬。倘因朕寬而羣相怠玩。百弊叢生。激朕有不得不嚴之勢。恐非諸臣及天下之福也。外省督撫大吏。斷不可聞風效尤。如是則可惜我

皇考十三年以來宵旰憂勞。一番苦心整頓矣。傳曰。為山九仞。功虧一簣。凡事成之甚難。廢之甚易。况朕並非優柔無能之主。諸臣若少錯會意。致趨廢弛之路。朕惟地方大吏是問。蘇州為天下第一繁劇難治處。高其倬實短

於才故調用別省。汝尚其擴充識見。莫過拘泥。勉力整飭一番。汝之見信於朕與否。皆係此一任。勉力為之。以副朕望。○大學士管浙江總督嵇曾筠奏。查革鈔關陋弊。一。查量木植。不許以大蓋小。一。收納關稅。應照部法彈兌。一。從前濫設各口。一概禁止。一。兩關蠹役。嚴行驅逐。得旨。卿所辦自然寬嚴得宜。無過偏之弊。甚屬妥協。一如卿奏行。○大學士署湖廣總督邁柱奏。請徹武昌滿兵。仍回荊州。年老病故者。將名糧歸綠旗原營頂補。得旨。此奏是。而所議未盡善。卿其酌量妥協辦理。○河南巡撫富德奏。上蔡縣王作孚聚衆鬧堂一案。民間閥傳。實為勒報地畝起見。今飭南汝道楊廷翼確查。得旨。此案務須查詢確實。秉公辦理。不可存絲毫成見於胸中。汝到任伊始。以後聲名之優劣。仕路之升沉。全在初政也。勉之。聞楊廷翼非可信任之人。汝委令確查。恐為所欺。切須留意。時加訪察。○又

奏。參前任督臣王士俊。報墾多罔。捐輸累民。得旨。諭富德。前因豫省開墾一事。辦理不妥。民多怨言。是以朕令王士俊解任來京。於稠人之中。特簡用爾為巡撫。以繼其後。實望汝竭力殫心。秉公據實。除從前之弊端。收後來之利益。俾豫民永永受福也。今覽汝奏。第一摺內。則稱王士俊虛報開荒。種種欺罔。而第二摺內。又稱豫省地畝。隱匿者甚多。除十二十三兩年首報之外。猶有欺隱。與其恩施於查隱既明之後。不若恩施於查隱未明之前。可否特降諭旨。概行豁免等語。是汝同時兩奏。而自相矛盾如是。朕竟不解汝意之所在也。夫無田有糧。固為民累。而有田無糧。亦豈國體。汝果能公平寬厚。辦理妥協。自有以服百姓之心。為地方久遠之計。今乃束手無策。不能辨其為熟為荒。應留應去。而巧為陳奏。欲朕下一諭。而免汝之查察。以圖苟且了事。人臣以忠誠事君者。固如是乎。且果係實在

欺隱。王士俊已經查出者。朕方當獎賞士俊。以為汝等無能庸碌督撫之勸。舉而委棄之。可乎。所謂公平之政。非汝等婦寺之仁。硃硃之才。所能勉強也。夫無才尚可。無才而加之以詐。將何底止。此事汝不能辦理。又兼胸有成見。無怪乎措置失宜。敷陳巧偽也。為今之計。可將老荒及鹽鹼河灘之地。確無可疑者。悉行開除。以慰民望。至於夾荒田地。介在疑似者。從容查訪。不必急遽。即欲定局。俟布政使徐士林到任時。汝與伊熟商經理之。或不至於大誤。至豫省捐輸銀兩。既屬勉強。可停其催交。○河東總河白鍾山奏。程家寨河工。宜築挑水壩三座。以保隄工。得旨。如此辦理。頗屬妥協。○山西巡撫覺羅石麟奏。榮河縣沿河被衝地二百三十一頃有奇。難期涸出。請免賠糧。得旨。覽。此項賠糧。自應豁除。以免民累。朕先諭汝所謂難行者。謂濱河之州縣不一而足。坍漲之田地。隨時無定。且既派屬

員清查。將必有捏有作無。以濟其私者。又必有查出涸出之地。詳請增賦。以矜功幹者。屬員如是。胥役不待言矣。將必至於與國課有虧。民生無補。而徒飽奸吏猾胥之谿壑而已。非謂實累於民者。亦令姑仍是而不恤也。汝錯會朕意矣。汝能保無朕所指數弊乎。若能保。則照汝前奏。先於晉省行來。朕看。○署寧遠大將軍查郎阿。川陝總督劉於義。遵旨奏陳甘省歉收。州縣賑卹事宜。得旨。雖據卿等具奏。料理賑卹處。尚屬輕重得宜。然目前青黃不接時。所當加意撫綏。○蘭州巡撫許容覆奏。賑卹固環等處口糧。未增緣由。並自請議處。得旨。朕以愛養百姓為心。尤於甘民倍加憫卹。諭旨何等嚴切。而汝置若罔聞。即汝奏內。自認拘泥成例。罔知變通。是汝固執之罪。可恕。而輕視民命之罪。不可逭也。本欲加以重懲。因汝平日操守尚好。辦理軍需尚無大誤。特從寬解任。觀汝此奏。大有歸怨劉於

義之意。是汝負

皇考之恩。忝養民之職。全然不知愧悔也。至孤立無援之奏。更屬悖謬。○署甘肅提督二格奏謝

御批

訓旨恩得旨覽。甘省今年雨暘如何。何未見奏及聞汝在甘省。雖有意整頓營伍。但於綠旗兵丁事宜。究未諳練。自己不能節儉。債務甚多等語。夫事不諳練。尚可學習。至於不能節

平定本卷十三

三十一

儉。以至債務甚多。則操守難保矣。若論提督所應得之資。較之旗下大臣等。已不為不多矣。而汝尚覺不敷所用。何哉。嗣後務須儉約自持。整頓營伍。和輯兵民。以不負任用。纔是戒之慎之。○甘肅布政使徐杞奏報冬春雨雪情形得旨。看此雨雪光景。甘屬今年又屬不足。言之署督撫等。不可不為未雨之綢繆也。○署貴州台拱鎮總兵紀龍奏陳鎮屬情形得旨。知道了。居守鎮城。與疆場効力。其功

一也。且汝之勞勩。自不可掩。嗣後更宜勉力防範。○雲貴總督尹繼善奏報官兵攻克空稗台雄等寨情形得旨。此皆卿與經畧張廣泗竭誠宣力。和衷共濟之所致也。忻悅覽之。在事兵弁。著詳記檔案。事定後當優加賞賚。敘卹。即以朕旨告知。令其奮勇報効可也。○又奏請停捐貢生佐雜。並條陳科場事宜。得旨。捐納盡停。已有旨了。想卿未之見耳。可謂萬里同風。至於科場一事。行之已久。即一時更張。亦未必盡得天下賢才而用之。此時惟有酌量變通。緩緩調劑。以俟文風丕變。非可指日而計成功者也。因前有奏請停止捐納一條。故不便即交部議。待卿繳此摺時。朕裁去前條。再交部議可也。○經畧苗疆事務張廣泗奏報。攻克大小丹江。暨高坡山苗等處情形。得旨。據奏征勦逆苗情形。甚屬明晰。朕心深慰。所有奮勇勦賊之將弁兵丁等。可記明檔案。俟事竣之時。從優議敘賞賚。可將朕

旨豫先曉諭之。俟應具題時。卿即具題可也。

大清高宗法天隆運至誠先覺體元立極敷文
奮武孝慈神聖純皇帝實錄卷之十三

大清高宗法天隆運至誠先覺體元立極敷文
奮武孝慈神聖純皇帝實錄卷之十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰三月乙未朔

實錄卷十四

上詣

堂子行禮○諭總理事務王大臣西路軍興以
來自京城以至西寧沿邊添設腰站齎送公
文雍正九年蒙

皇考世宗憲皇帝念兵弁等遞送勤苦加恩議
敘賞賚但自八年七月起至九年六月止兩
次派委弁兵叨蒙恩恤其餘未曾賞及朕思
八年以前已安臺站九年以後尚未撤除前
後同為効力之人當令均沾恩澤著該部確

查辦理。將前後坐臺之官弁兵丁。遵照雍正九年之例。或賞紀錄。或賞銀兩。一體加恩。以示朕一視同仁之意。○免浙江紹興府五縣民修隄岸工程。諭曰。朕聞浙江紹興府屬山陰。會稽。蕭山。餘姚。上虞。五縣。有沿江沿海隄岸工程。向係附近里民。按照田畝。派費修築。而地棍衙役。於中包攬分肥。用少報多。甚為民累。嗣經督臣李衛檄行府縣定議。每畝捐錢二文至五文不等。合計五縣。共捐錢二十九百六十餘千。計值銀三千餘兩。民累較前減輕。而胥吏等仍不免有借端苛索之事。朕以愛養百姓為心。欲使閭閻毫無科擾。著將按畝派錢之例。即行停止。其隄岸工程。遇有應修段落。著地方大員。委員確估。於存公項內動支銀兩興修。報部覈銷。永著為例。○戶部議准長蘆巡鹽御史三保疏請。撥益都。萊蕪。淄川。三縣鹽額餘票。共二千七百二十九張。歸於新設之博山縣運銷。自乾隆元年為

始。按年徵收。從之。○丙申。以加上

列祖

列后尊謚典禮。遣官告祭

太廟。

奉先殿。○

上詣雍和宮

梓宮前供奠。○詣

皇太后宮問安。○兵部議覆署陝西總督劉於

義疏稱。涼州總兵官所屬遼闊。請自乾隆元

年為始。每三月間巡查西路十四營。八月間

巡查東路十六營。不過半月。即可周遍。於鎮

城事務。亦得兼顧。即定為例。應如所請。從之。

○又議覆鎮守廣州將軍張正興疏稱。各省

駐防領催。經保送引見記名。遇缺即補。每有

恃此不勤練習者。請於此等人員。如考驗技

藝生疎。即將記名之處。咨部註銷。應如所請。

從之。○直隸總督李衛奏。天津私販鹽梟。騷

擾不法。現飭嚴究。立規曉諭。咨會鹽臣料理。

安頓得旨。向因各省鹽務辦理未妥。往往縱放大梟。拘拏小販。以致濱海近場之窮民。藉肩販以度日。餬口者。皆遭不肖官吏兵役之拖累。是以降旨。特弛肩挑背負之禁。原以恤養貧民。濟其匱乏。並非寬縱匪類。使之作奸犯科也。乃天津一帶。無賴棍徒。糾合多人。公然以奉旨為名。肆行不法。總督李衛未奏之先。朕早已聞知。今據李衛陳奏種種弊端。與朕所聞無異。是窮民未必沾恩。而法度廢弛。閭閻轉受奸民之擾矣。李衛所奏辦理之處。寬嚴得宜。甚屬妥協。著照所奏行。畿輔之地。如此。外省亦必皆然。其閩粵山東江浙等省。如何一體通行之處。著該部即行妥議具奏。李衛此奏。具見實心辦事。甚屬可嘉。著交部議敘。三保職司鹽政。身親其事。何以目覩地方情形。並不奏聞。著伊明白回奏。○丁酉。總理事務王大臣等議。覆定邊大將軍平郡王福彭奏給兵丁米糧羊價一摺。蒙古防秋兵

三千。近在游牧處所。應如所請酌給羊價。駐劄兵與防秋不同。應令平郡王以糜黍蕎麥等糧間給。索倫兵如之。又議。慶復奏官兵支領月糧。每月量給大麥六日。麥二日。糜黍一日。駐劄兵即照此例。亦應如所請從之。○鎮守寧夏將軍阿祿等奏。阿拉善山下。遠隔民田。水草甚好。請為滿洲牧廠。并派兵出牧。即以學習圍獵舊制。兼可熟識牧放之所。報聞。○戊戌。諭總理事務王大臣。朕御極以來。時時以愛養百姓為心。深恐雨暘不時。旱澇為患。閭閻疾苦。不能上聞。所以誥誡督撫有司者。至詳且悉。至於陝甘二省民人。屢年轉運軍需。急公効力。更屬可嘉。尤為朕心格外憫恤者。內外臣工。無不知之。上年聞甘省固原環縣等處收成歉薄。窮民乏食。朕知許容性情褊隘。識見卑庸。恐但知節省錢糧。不思惠養百姓。屢次親批諭旨。令其寬裕料理。勿使災民稍有失所。又令資其安插之費。寬其散

賑之期。朕之訓諭已頻。朕之心力亦竭矣。乃許容刻覈性成。不但無痼瘵乃身之意。並朕旨亦不祇遵。不過循照往例。苟且塞責。罔計百姓之實能安堵與否。是以正當賑濟之時。而流移他郡者。尚千百為羣。相望於道。朕訪聞如此。合之署督臣查郎阿。劉於義所奏。亦大畧相同。似此膜視民艱之大臣。何以稱撫綏懷保之職。許容著解任。暫留甘省。將經手軍需各項。銷算清楚。來京候旨。甘肅巡撫員缺。朕一時不得才能出衆之員。可以勝任者。著劉於義暫行署理。俟朕選擇得人。再降諭旨。此時查郎阿。劉於義二人。同在肅州。公事漸簡。酌分一人赴蘭。辦理撫事。似屬可行。其總督事務。或應分辦合辦之處。著查郎阿。劉於義。悉心妥議。一面管理。一面奏聞。務期一體相關。和衷共濟。俾吏治民生。均有裨益。以副朕眷倚信任之至意。○兵部奏。未能敬謹看守。

雍和宮之護軍統領哲爾金。應降三級。從之。○旌表守正被戕之河南長葛縣民史文奇之妻杜氏。○己亥。雲南巡撫張允隨疏請。移永善縣副官村巡檢。駐魯甸之古寨。副官村添設縣丞一員。俱定為夷疆要缺。由部鑄給關防。鈐記。下部議行。○庚子。以加上列祖
列后尊謚典禮。先期遣官告祭
天。
地。
社。
稷。
世宗憲皇帝。
孝敬憲皇后。○諭總理事務王大臣。朕查閱汪景祺等舊案。景祺狂亂悖逆。罪不容誅。但其逆書西征筆記。乃出遊秦省時所作。其兄弟族屬。南北遠隔。皆不知情。今事已十載有餘。著將伊兄弟及兄弟之子。發遣寧古塔者。開

恩赦回。其族人牽連革禁者。悉予寬宥。查嗣庭本身已經正法。其子姪等拘繫配所。亦將十載。亦著從寬赦回。○吏部議覆光祿寺少卿德爾弼奏言。由筆帖式陞用主事人員。請合計前俸。遇員外郎缺陞用。無庸試俸三年。即無庸轉行各部院另保應陞。應如所請。停止部院保送。至試俸應照舊例。如應陞缺出。無試俸年滿之主事。以俸次在前者。擬定正陪。帶領引見。從之。○兵部議覆直隸馬蘭鎮總兵吳正疏稱曹家路為

陵寢龍脈。風水攸關。宜敬謹保護。請於黑峪關東南之樺皮房板谷嶺黃木溝分水嶺朝陽洞西南之芍香峪南峪溝走馬安溝三岔口南橫嶺諸處。各安撥汛。派兵巡守。應如所請。從之。○鎮守奉天將軍那蘇圖奏奉天所屬撤回雍正七九十三年內出征官兵。應交原給馬八千一百六十二匹。請即作為官兵本身之馬。於俸餉內定價每匹八兩坐扣。倘有

需用之處。給發原價。從之。○以故喀爾沁頭等塔布囊輔國公那遜額爾德呢之子旺扎爾襲頭等塔布囊。○旌表守正捐軀之江西南昌縣民趙石一之妻喻氏。○辛丑

上詣

皇太后宮問安。○諭總理事務王大臣。據趙之垣奏稱。奉命致祭南鎮。事竣回京。於本年正月十三日。行至蘇州地方。舟泊虎邱。夜被竊賊鑽艙。偷去皮衣銀兩等項。及行至揚州地方。據蘇州巡撫高其倬差送咨文內稱此案竊賊名喚邵隆。已經拏獲。追出原失皮衣等物。並銀十六兩交還。餘賊再追等語。竊賊擾害地方。首宜嚴禁。今以奉差大員。泊舟省會。人烟輻輳之處。尚被偷竊。則商賈往來。以及隻身孤客。更難免於失事。而鄉村僻地。尤無所防範。可知是額設之兵役。均為無用。緝捕之文武。竟成具員。此係高其倬任內之事。爾等可傳諭總督趙宏恩。巡撫顧琮。詢問高其

倬何以疎忽至此。並嚴飭該地方文武各官。務須嚴緝盜賊。以靖地方。以安行旅。毋得仍前玩愒。致干嚴譴。○裁雲南鹽課贏餘。諭朕聞滇省鹽價昂貴。每百觔自二兩四五錢起。竟有賣至四兩以上者。邊地百姓。物力艱難。僻壤夷民。更為窮苦。每因鹽價太貴。有終年茹淡之事。朕心深為軫念。查該省鹽課除正項外。有增添贏餘。以備地方公事之用。朕思贏餘之名。原係出於民食充裕之後。若民食不充。自無仍取贏餘之理。著總督尹繼善悉心妥辦。將贏餘一項。即行裁汰。務令鹽價平減。縱使昂貴。亦只可在三兩以下。若裁去贏餘之後。公用有不敷處。可另行酌議請旨。○吏部議准河南道監察御史毛之玉。請嚴地方官疎縱訟師處分。將明知訟師唆訟。徇畏不報之條。改罰俸一年為降一級調用。從之。○兵部奏。已革散秩大臣一等于祥泰。先因都統高起叅其侵蝕入官銀兩革職。今經刑

部審虛。應請開復。從之。○又議覆陝西布政使程仁圻疏稱。營中動用公項。向不知會文員。無從查對。請嗣後於修補軍裝及差遣官兵盤纏之用。責令該管員弁報明提鎮。提鎮陸續移會藩司存案。以便查覈報部。應如所請。從之。○壬寅。是日起。

上以恭上

列祖

列后尊謚致祭

太廟齋戒三日。○飭嚴治四惡。諭總理事務王大臣。朕聞奸宄不鋤。不可以安良善。風俗不正。不可以興教化。閭閻之大惡有四。一曰盜賊。三代聖王。所不待教而誅者也。二曰賭博。干犯功令。貽害父兄。以視周官之罷民未麗於法而繫諸嘉石。收之園土者。罪有甚矣。三曰打架。即周公所謂亂民。孟子所謂賊民也。四曰娼妓。則自周以前。人類中未嘗有此。此四惡者。劫人之財。戕人之命。傷人之肢體。破

人之家。敗人之德。為善良之害者。莫大於此。是以我

皇考愛民之深。憂民之切。嚴申糾禁。戒飭守土之官。法在必行。日夜捕緝。積歲月之久。然後道路少響馬及老瓜賊。而商旅以寧。賭博及造賭具者。漸次改業。而家室以安。聚黨打架者。斂跡。而城市鄉鎮。鮮聞鬪鬪。娼妓遠藏。不敢淹留於客店。此

皇考十有三年政教精神所貫注。而海內臣民。顯見其功效。實享其樂利者也。朕自嗣位以來。蠲免租賦。豁除賠累。裁革積弊。增廣赦條。無非惠保良民。使得從容休息。衣食滋殖。而無識諸臣。誣謂朕一切寬容。不事稽察。以致大小官吏。日就縱弛。民間訛言諸禁已開。風聞直省四惡。皆微露其端倪。即如天津一帶。私鹽橫行無忌。恐其他類此者。相繼而起。是守土之官。敢悖

世宗憲皇帝之明旨。應十有三年之成功。而戕

賊善良。傷敗風俗也。自後州縣官有政令廢弛。使四惡復行於境內者。該督撫不時訪察。即行嚴叅。督撫司道郡守。有不能董率州縣。殫心捕治者。或被內外臣工覈實列奏。或朕訪聞得知。必以溺職治罪。與通苞苴受賄賂等。決不輕貸。爾諸臣慎毋泄泄沓沓。自取殃咎。戒之戒之。○予貴州安籠鎮總兵劉朝貴致仕。入籍大定。以廣西新泰協副將崔善元。為安籠鎮總兵。○以雲貴督標副將王大綬。署開化鎮總兵。○調雲南臨元鎮總兵顧純祖。為鶴麗鎮總兵。鶴麗鎮總兵何勉。為臨元鎮總兵。○癸卯。諭總理事務王大臣。每月逢五朝期。鴻臚寺照例奏請御殿。朕雖未准行。而未經降旨。曉諭。蓋此二十七月之內。如遇國家重大典禮。萬不可已者。間一御殿。外此概不舉行。從前諭旨。甚為明晰。似此朝會常儀。理應停止。俟二十七月之後。再行奏請。○又諭。尚書楊名時。奏薦進士莊亨陽。舉人潘

永季蔡德峻。秦蕙田。吳鼎。拔貢生官獻瑤。監生夏宗瀾等七人。皆留心經學。可備錄用等語。楊名時現管國子監事務。所薦莊亨陽等七人。既留心經學。著該部調來引見。用為該監屬員。聽楊名時等分委辦事。以收成均課士之益。○停佐雜以下扣荒。諭曰。聞直省州縣地方。額徵地丁錢糧項下。有起解存留二款。如官役俸工。即在存留款內支給。若該省有地畝荒蕪。糧額豁除者。即將官役俸工扣減。以抵豁除之數。名曰扣荒。此亦不得已之辦理也。但此扣荒一項。自應合省大小官員均攤。方不悖於情理。乃聞外省止扣知府以下。及州縣佐雜教職寒苦之員。而督撫司道轉不在扣除之內。此則大非情理矣。著該部通行傳諭各直省督撫。若該省有荒缺銀兩。應於督撫司道大員。及府縣正印官俸工內酌量均攤扣除。以抵所缺之數。至於佐雜教職等官俸工。概免扣除。俾微末官吏得以養

贍。若有因地方荒缺。而裁減祭祀銀兩者。著遵雍正十一年

皇考世宗憲皇帝恩旨。於該省存公銀兩內撥補。以重祀典。俱著各省督撫悉心妥議辦理。○給予告在籍大學士尚書全俸。諭凡大臣中有引年求退。奉旨以原官致仕者。均係宣力甚久。素為國家優禮之人。雖經解組。仍當加恩。以示眷念耆舊之意。現在滿漢大學士及曾為部院尚書。予告在家者。俱著照其品級。給與全俸。在京於戶部支領。在外於該省藩司支領。永著為例。○減廣西鹽價。諭向來廣西鹽引。因商人無力承辦。以致民間有淡食之苦。於雍正元年。經督臣孔毓珣題請官運官銷。借動庫銀為鹽本。赴廣東納價配鹽。分給各州縣。照部定價值發賣。行之二年。已有贏餘。遂將通省鹽價。照部定之數。每觔減去二釐發賣。百姓稱便。雍正五年。又經孔毓珣奏稱。粵西鹽觔。自官運官銷以來。已無鹽

缺價貴之虞。應請仍照原定部價一體銷售。不必裁減二釐。部議准行。至今因之。朕思食鹽乃小民日用之需。部價既多二釐。則民間所費必不止於二釐。廣西地瘠民貧。道路遙遠。應令鹽價平減。以惠閭閻。自乾隆元年為始。著照雍正元年原題。每觔減去二釐銷售。該督撫可嚴飭各州縣。不許加增分毫。務使小民均沾實惠。倘有高價病民者。查出嚴行叅處。○吏部議覆管理兩淮鹽政高斌疏。請裁通分司所屬之馬塘場。歸石港場轄。餘中場。歸餘西場轄。淮分司所屬之白駒場。歸草堰場轄。莞瀆場。歸板浦場轄。板浦為淮北引鹽總匯。請添設大使一員。淮分司所屬之劉莊。伍佑。新興。廟灣。四場。請改隸泰分司轄。泰分司所屬之拼茶場。角斜場。請改隸通分司轄。通泰二分司。請管淮南場竈。淮分司管淮北場竈。兼辦掣務。新設大使。在外揀題。所裁大使。留淮候補。均應如所請。從之。○兵部議

覆署陝西總督劉於義疏。稱延綏鎮黃甫營所屬蔴地溝一汛。民番錯處。請添設千總一員。馬守兵六十名。其糧缺於宜君。延安。鄜州。波羅。各營。抽撥足額。仍隸黃甫營轄。應如所請。從之。○甲辰。戶部遵旨議奏。各省防範私販。請照兩浙兩淮現行之例。六十歲以上。十五歲以下。及少壯之有殘疾者。婦女年老而孤獨無依者。許其負鹽四十觔。易米度日。於本縣報名。驗實註冊。給以印烙腰牌木籌。每日赴場買鹽一次。不許船裝。至因地制宜之處。請令各督撫鹽政。悉心妥議。得旨。依議速行。○禮部議覆陝西巡撫碩色疏。請榆林府學。額設廩增各四十名。照例一年一貢。榆林懷遠二縣學。分撥榆林衛舊設廩增各四十名。照例二年一貢。靖邊定邊二學。分撥靖邊所舊設廩增各二十名。先靖後定。二年輪流一貢。俱各食餼如例。應如所請。從之。○予故正紅旗滿洲副都統雅虎祭葬如例。○乙巳。

加上

太祖承天廣運聖德神功肇紀立極仁孝睿武
端毅弘文定業高皇帝

尊謚曰

太祖承天廣運聖德神功肇紀立極仁孝睿武
端毅欽安弘文定業高皇帝

孝慈昭憲敬順仁徽慶顯承天輔聖高皇后

尊謚曰

孝慈昭憲敬順仁徽懿德慶顯承天輔聖高皇
后

太宗應天興國弘德彰武寬溫仁聖睿孝敬敏

隆道顯功文皇帝

尊謚曰

太宗應天興國弘德彰武寬溫仁聖睿孝敬敏
昭定隆道顯功文皇帝

孝端正敬仁懿哲順莊敏輔天協聖文皇后

尊謚曰

孝端正敬仁懿哲順慈僖莊敏輔天協聖文皇

后

孝莊仁宣誠憲恭懿至德翊天啟聖文皇后

尊謚曰

孝莊仁宣誠憲恭懿至德純徽翊天啟聖文皇
后

世祖體天隆運定統建極英睿欽文大德弘功
至仁純孝章皇帝

尊謚曰

世祖體天隆運定統建極英睿欽文顯武大德
弘功至仁純孝章皇帝

孝惠仁憲端懿慈淑純德順天翼聖章皇后

尊謚曰

孝惠仁憲端懿慈淑恭安純德順天翼聖章皇
后

孝康慈和莊懿恭惠溫穆崇天育聖章皇后

尊謚曰

孝康慈和莊懿恭惠溫穆端靖崇天育聖章皇
后

聖祖合天弘運文武睿哲恭儉寬裕孝敬誠信
功德大成仁皇帝

尊謚曰。

聖祖合天弘運文武睿哲恭儉寬裕孝敬誠信
中和功德大成仁皇帝。

孝誠恭肅正惠安和儷天襄聖仁皇后

尊謚曰。

孝誠恭肅正惠安和淑懿儷天襄聖仁皇后。

孝昭靜淑明惠正和欽天順聖仁皇后

尊謚曰。

孝昭靜淑明惠正和安裕欽天順聖仁皇后。

孝懿溫誠端仁憲穆奉天佐聖仁皇后

尊謚曰。

孝懿溫誠端仁憲穆和恪奉天佐聖仁皇后。

孝恭宣惠溫肅定裕贊天承聖仁皇后

尊謚曰。

孝恭宣惠溫肅定裕慈純贊天承聖仁皇后。恭

奉

神牌入

太廟

上親詣行禮。○詣

奉先殿行禮。○訓飭諸臣縱弛諭總理事務王
大臣天下之理。惟有一中。中者。無過不及。寬
嚴並濟之道也。人臣事君。一存迎合揣摩之
見。便是私心。而事之失中者。不可勝數矣。昔
我

皇考臨御之初。見人心玩愒。諸事廢弛。官吏不
知奉公。宵小不知畏法。勢不得不加意整頓。
以除積弊。乃諸臣誤以

聖心在於嚴厲。諸凡奉行不善。以致政令繁苛。
每事刻覈。大為閭閻之擾累。然則

皇考之意。果如是乎。朕即位以來。深知從前奉
行之不善。留心經理。不過欲減去繁苛。與民
休息。而諸臣又誤以為朕意在寬。遂相率而
趨於縱弛一路。如盜賊賭博之類。漸已露其
端倪。而天津一帶鹽梟。糾合多人。肆行無忌。

若非總督李衛明曉政體。叅奏查拏。其為地方之害。正非淺鮮。又如寬賦一事。諸臣動輒以關稅為言。不知關稅正額。本無害於商民。其為商民之害者。乃胥役之需索。額外之誅求耳。督撫大吏。身任地方。於此等事。不能留心查禁。以甦商困。而但欲妄減惟正之供。可乎。現在各省督撫。皆昔年

皇考簡用之人。即朕偶有除授。亦係從前曾任封疆者。乃當年條奏。則專主於嚴。而近日條奏。又專主於寬。以一人之身。而前後互異如此。是伊等胸中。毫無定見。並不計理之是非。事之利病。而但以迎合揣摩為事。希冀保全祿位。固結恩眷。而不知大違乎

皇考與朕之本意。適成為庸鄙之具臣而已。若循此以往。不知省改。勢必至禁令廢弛。奸宄復作。良善受其擾害。風俗漸就澆漓。將我皇考十三年教養整理之苦心。功虧一簣。此朕心所大懼者。不得不懇懇過慮。懇切告誡。繼

自今。務去偏私之錮習。各以大中之道。佐朕辦理天下事務。永底平康之治。若因此諭。又復錯會意旨。以嚴刻苛細相尚。則識見更為庸劣。其咎不可逭矣。可將朕旨各書一道。密寄各省督撫。其中才識兼長。不蹈此弊者。原不乏人。毋庸朕旨訓飭戒勉。但伊等既任封疆之重。均有化導屬員之責。亦一併傳諭知之。○又諭。今歲八月舉行恩科鄉試。其正副考官。必人品端方。學問醇正者。始足膺衡鑑之寄。朕即位之初。不能深知諸臣之底蘊。著張廷玉。鄂爾泰。朱軾。徐本。邵基。任蘭枝。徐元夢。福敏。孫嘉淦。楊名時。於翰林科道部屬內。各據所知。多舉數員。於五日內交送內閣彙奏。候朕考試簡用。庶得才品兼優之員。以副掄才之大典。○丙午。

上詣雍和宮

梓宮前供奠。○戶部議准。原任浙江巡撫程元章疏報。中小壘開挖引河。挑廢升科各則地

三千八百七十八畝有奇。計無徵銀一百四十兩零。應予豁免。從之。○禮部議覆四川巡撫楊嗣疏稱。清溪縣自雍正六年設學以來。人文日盛。請額設廩增生各十名。初補首廩。十年出貢。嗣後照例四年一貢。應如所請。從之。○丁未。

上詣

皇太后宮問安。○諭總理事務王大臣。聞黔省地方。春夏之交。多有瘴氣。今當用兵之時。朕心深為軫念。著將內製平安丸。太乙紫金錠等藥。多多豫備。從驛遞馳送軍前。交與經畧張廣泗分給各路軍營。以備一時之用。毋得稽遲。○免江南貢鮮折價。諭聞江南長江一帶。向有貢獻鮓魚之例。至康熙年間停止。因而地方改為折價。向網戶徵收。解充地方公用。乃歷年既久。或網戶改業。或移徙他方。展轉牽連。又加胥吏借端苛索。遂致沿江捕魚之人。代受追呼之累。朕思當年

聖祖仁皇帝停止貢鮮。乃愛惜民力之至意。何用此些須折價。煩擾小民。著該督撫查明豁免。永著為例。○協辦大學士三泰奏請頒發十三經二十一史各一部。於各省會府學中。令督撫刊印。分給府州縣學。部議應令督撫於省會書院。及有尊經閣之府州縣。就近動項購買頒發。從之。○兵部議覆原任四川總督黃廷桂疏稱。雍正十年七月內。分給營運本銀六萬四千四百三十一兩。至雍正十三年十二月。已經三載。息銀充裕。請以乾隆元年正月為始。遇原營兵丁紅白事。照例賞給。按季報部。應如所請。從之。○裁山西雁平道常盈庫大使缺。從巡撫覺羅石麟請也。○戊申。

上詣

皇太后宮問安。○諭兵部尚書傅鼐。朕聞今科會試遺卷內。尚有佳卷。目今場事已竣。朕於科場事宜。不能深悉。應如何加恩增中之處。

爾可會同大學士鄂爾泰、朱軾議奏。尋鄂爾泰等奏各房薦卷尚有文理明通，可以取中之卷，應揀選進呈，續出一榜，准其一體殿試。得旨：今科會試落卷內所有薦卷，著大學士鄂爾泰、張廷玉、朱軾、侍郎邵基、張廷璩、學士方苞、公同閱看。○諭川省所屬內附巴裏二塘及沈冷二邊各番，朕念其恭順効力，曾降諭旨，將本年所納供賦雜糧等項，概予蠲免，以示優獎。其建昌、松潘所屬涼山、會川、鹽源、阿樹、木坪各土番等處，俱傾心効順，遇有徵調，奮力奉公，毫無違悞，所宜一體加恩。將本年米折條銀以及本色雜糧貢馬等項，照巴裏塘、沈冷邊之例，通行蠲免。再普安、安阜、苗陽等處，現在建造城垣，皆資民力，所有本年應納貢賦，亦照松潘之例，概賜豁免。該督撫飭令該管官實心奉行，勿致中飽滋弊，俾得均霑實惠，以昭朕懷恤遠夷之意。○宗人府議覆多羅平郡王福彭奏請於盛京建立宗

學覺羅學事宜，應如所請。照京城之例，設立宗學一處，覺羅學一處。凡二十歲以下、十歲以上，情願入學讀書者，令其入學。其宗學總管等員，選彼處章京間散宗室覺羅中之品行端方者，酌補宗學覺羅學總管二員，作為七品副管各四員，作為八品食俸如例。其繙譯教習，交該將軍於司官筆帖式內選送四員。其騎射教習，於閒散官員以下領催馬甲以上選送四員。其漢教習，交奉天府府尹由彼處舉人拔貢內選送四員。每學各設傳事馬甲四名，公費等項，交該部照例支給。每歲令赴謁。陵寢大臣等考試一次。該總管副管等賢否，一併查核。至教習官學生分別勸懲，均應如平郡王所請。從之。○大學士尹泰以年老致仕，請得旨，卿才品優長，勤勞宣力，綸扉重地，倚毗甚殷，著照舊供職，不得以老病求罷。○吏部議准尚書銜兼管國子監祭酒事楊名時

等奏請肄業期滿之八旗貢生。以助教筆帖式分選。並應鄉試。漢軍貢生。准其揀選佐貳。考試教習。從之。○戶部議覆貴州道監察御史田懋奏。請嚴查保甲。約束援赦人犯事宜。查有籍之孤獨無依者。令地方官入養濟院收管。流落他鄉者。訊明原籍移送。仍請下令各督撫提鎮。飭地方有司。嚴查保甲。不時巡防墩臺。庶援赦人犯。有簿籍可稽。無為盜之患。得旨允行。○禮部議覆雲南布政使陳宏謀疏稱。鄉試缺少經書房官。請照舊例。先期聘鄰省教職入闈。外場執事。州縣同知通判不敷。調取本省佐貳委用。應如所請。從之。○工部議准河南巡撫富德題覆鄭州一帶河道。自祥雲寺至張家橋。應挑濬者。計長一千三百一十丈。自張家橋東南至夏家莊。應挑濬者。計長一千七百九十二丈。其北岸土堰。應加築者。計長一千八百五十二丈。自夏家莊至中牟境合河口。應於夏家莊繞東取勢。

挑挖。接入楊兌橋。東達合河口。應挑濬者。計長五百九十九丈。南北土堰。均須加築。賈家岡以東至中牟境合河口。以西至楊兌橋。上下應加築子堰者。計長一千五百五十四丈。通計此項挑濬加築工程。覈實估算。共需工銀四千九百七十三兩零。請於司庫耗羨項下。動支應用。得旨依議速行。○予故一等子兼散秩大臣拉馨祭葬如例。○賞尚書銜兼管國子監祭酒事楊名時官房一所。○己酉。諭總理事務王大臣。朕前降旨。二十七月之內。遇國家重大典禮。間一陞殿。外此概不舉行。今科殿試傳臚。朕亦不陞殿。著傳諭禮部知之。○又諭肅州威虜堡回民。自遷移內地以來。我

皇考世宗憲皇帝。格外加恩。撫綏安插。查雍正七八年間。伊等曾借倉糧一千二百餘石。以作籽種。年來收穫之糧。止敷日用。未能還補公項。朕思內地民間舊欠。既已豁免。回民亦

應一體加恩。著將七八兩年所借小麥一千二百九十九石二斗。悉行寬免。該督撫可轉飭有司。實力奉行。毋使胥吏中飽。俾回民均霑實惠。○直隸總督李衛疏請。遵化州屬羅文峪口外之西半壁山。薊州屬黃崖關之中營。各設巡檢一員。催收各關地糧賦。遵化所屬之牛圈子。大水泉。二處。各添設撥汛。大安口。汎額兵外。添馬兵三名。守兵三十名。遵薊二屬各關口。陸續開墾地畝。已熟者。照遵薊二屬下則納糧。荒地有認墾者。照旱田例十年升科。遵化所屬之廠溝。榆樹溝等處。另開地七十三頃有奇。前丈入承德州。今應仍歸遵化徵收。均下部議行。○定邊大將軍公慶復奏請於塔密爾城內。添造廩房二百間。將烏里雅蘇臺等處運致糧石。就近截留存貯。尚書通智所運糧二萬石。商人范毓。續運糧四萬石。即於鄂爾昆倉內存貯。如此轉移。於兩地兵丁支領。均為省便。得旨嘉獎。

大清高宗法天隆運至誠先覺體元立極敷文奮武孝慈神聖純皇帝實錄卷之十四

大清高宗法天隆運至誠先覺體元立極敷文
奮武孝慈神聖純皇帝實錄卷之十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰三月庚戌

實錄卷十五

上詣

皇太后宮問安○兵部尚書傅鼐奏今科會試
各省年老舉人八十歲以上劉起振等三人
七十五歲以上馮應龍等五人七十歲以上
李琬等十五人七十歲宋士正等二十人請
飭令查閱闈卷揀選進呈得旨著交大學士
等照傳鼎所請行○兵部議覆原任貴州巡
撫元展成疏稱黔省軍務浩繁驛站額馬不
敷支用請於差使最繁之楊老清平重安黃

平施秉鎮遠清溪玉屏八驛各添設馬二十
匹馬夫十名酉陽貴定龍里貴筑青鎮安平
普定鎮寧坡貢郎岱毛口列當灌子窰楊松
劉官屯亦資孔十六驛各添設馬十匹馬夫
五名并續議黃泥洞八弓梁上三處添設馬
二十四匹給價驛官購買事竣裁撤應如所
請從之○以甘肅沙州協副將王邦寧為陝
西河州鎮總兵○辛亥遣官祭
先農之神○總理事務王大臣議覆署陝西
總督劉於義等奏稱哈密地方舊有倉廩二
十間收貯青稞今請於城北圈築倉廩總收
散貯糧石令司糧文員專管并設墩臺四處
撥兵看守新城東門外建築關廂移城內客
民開列市肆其城內房屋給價官買居住防
兵應如所請從之○戶部議覆署江蘇巡撫
顧琮條奏採辦銅餉事宜一八省採辦洋銅
滇銅共四百四十三萬餘觔今戶工兩局鑄
錢每文改重一錢四分為一錢二分兩局現

有存銅六百餘萬觔已足供丁巳年鼓鑄之用。應如所請。減少數十萬觔。每年以四百萬觔為率。於滇洋分辦。一海關為辦銅扼要之地。應如所請。將管關道員。加以兼管銅務職銜。至解銅官員。須揀委府佐。腳價本省支領。一銅牌磨對。應如所請。停止。倘有低潮。責成承辦人員。鑪頭稱手。有低昂情弊。該堂官究治。一招商承買。應如所請。令該道於洋商內。擇其身家殷實者。吊驗倭照。取連名互結。冊報該撫給價。毋得剋扣。陋規一概革除。一洋商正銅之外。尚有餘銅。應如所請。正銅解交足額。餘銅聽其售賣。可杜奸民銷毀之弊。從之。○禮部議准廣東道監察御史鍾衡奏。廣東鄉試一萬一千餘卷。詩經卷不下六千。同考僅有四房。難以細閱。請增詩經同考二房。從之。○以固原提督樊廷為駐防哈密總統。提督河北鎮總兵李繩武。署理固原提督。延綏鎮總兵朱國正。為駐防哈密總兵。波羅協

副將豆斌。署理延綏鎮總兵。肅州總兵沈力學。為駐防赤靖等處總兵。河北鎮總兵缺。命兵部請旨派員署理。肅州總兵缺。命署寧遠大將軍查郎阿派員署理。○壬子。上詣奉先殿。大高殿。壽皇殿。行禮。○詣皇太后宮問安。○吏部議覆四川巡撫楊昶疏。請移潼川府通判。駐射洪縣。添設射洪之黃礫濠。青隄渡。蓬溪之蓬萊鎮。康家渡。三臺之葫蘆溪。石板灘。中江之盛家池。遂寧之攔江河。鹽場大使共八員。並添設樂至縣管鹽務縣丞一員。為所司。移保寧府同知。駐南部縣。添設南部南充西充鹽場大使各一員。并閬中蓬州井鹽為所司。移嘉定府通判。駐犍為縣馬踏井。添設犍為井研鹽場大使二員。并樂山井鹽為所司。移敘州府分駐新鎮之建

武廳通判駐富順縣鄧井關總理鹽務改建武歸興文縣轄以宜賓縣屬橫江鎮巡檢駐其地改新鎮歸屏山縣轄以石角營巡檢兼管移夔州府同知駐雲陽縣添設雲陽大寧鹽場大使二員為所司改嘉定議裁之州判駐簡州石橋井移忠州敦里八甲州判駐涪井移岳池縣黎梓衛巡檢駐敦里八甲嘉定重慶瀘州各江口遂寧上馬頭應設批驗所請即以該經歷州判縣丞兼管彭水縣郁山鎮巡檢請兼司郁井鹽務均應如所請從之○兵部議覆廣東總督鄂彌達疏稱龍門一協孤懸海外為粵東西南門戶一遇副將巡洋都司修船等事止有千把存營請令現設中軍都司兼管左營事務添設右營都司一員兼管右營事務至修造戰船輪年赴廠應如所請從之○癸丑總理事務王大臣議覆淳郡王弘暉奏稱福陵後水泉長嶺一帶係

龍脈攸關近有車輛往來請飭奉天將軍等嚴禁其原准行走之渾河東南西南二渡口現有船隻擺渡並請於冬初春初搭蓋橋梁以免留滯應如所奏從之○又議覆禮部左侍郎徐元夢奏續修

國史應將雍正十三年間諸王文武羣臣譜牒行述家乘碑誌奏疏文集在京文臣五品以上武臣三品以上外官司道總兵以上身後具述歷官治行事蹟勅八旗直省查明申送史館以備採錄傳述國初以來諸臣勲績有遺漏者亦應彙萃成書嗣後諸臣章奏有奉旨及部院議准者亦應錄送以為志傳副本纂修等官不敷於翰林內選擇充補均應如所請從之○又議覆署寧遠大將軍查郎阿奏言巴里坤議撤官兵有新設勇健營兵一千一百餘名本無營汛應令各歸本省分別拔補挨補願退者聽生事者斥撤還時請以原領將弁分領約束沿途口糧一切如例

支領其將弁到省照銜補用應如所請從之

○戶部議覆福建巡撫盧焯疏稱閩省寺田向係四分租給僧六分租歸官僧人應收之租官為代徵僧人應納之糧向佃追比寺佃深受其累請將租穀徵糧全歸僧收僧納每畝徵銀二錢應如所請從之○甲寅大學士鄂爾泰等進呈選取會試薦卷三十卷年老舉人試卷五卷得旨著交禮部照取擬名次出榜○倉場侍郎塞爾赫奏北新倉攢典竊米潛逃監督等漫無覺察顯有情弊得旨向來倉場弊竇甚多我

皇考加意整理諸弊始得肅清今北新倉吏役輒敢偷盜米石目無法紀甚屬可惡該監督玉福管之案俱著革職交與刑部並案內有名人犯嚴審定擬具奏該侍郎總理倉場事務漫無約束甚屬不合著交部察議具奏○福建按察使覺羅倫達禮奏請定遇赦人犯再犯罪名條例得旨遇赦免罪人犯如再犯

法紀加倍治罪之旨係恐其再犯所以使之知警勉為良民耳如必交刑部另定一遇赦免罪人再犯加倍治罪之例是必其再犯也朕何忍如此薄待吾民乎據汝所定亦不能盡情盡法毋枉毋縱也且頭緒紛繁亦難畫一此事惟在地方大吏善為開導必使遇赦之人羣聞朕旨知有所感而不忍為非知有所懼而不敢犯法則善矣即有一二再犯之人亦應量其情罪哀矜勿喜豈可概定一律以待人之再犯乎倫達禮此奏著發回該部即行文各省督撫將朕此諭遍行曉諭咸使聞知○以內閣學士索柱為都察院左副都御史仍兼內閣學士○乙卯

上詣

皇太后宮問安○諭總理事務王大臣昨據尚書傅鼐奏稱各省來京會試舉人內有年歲七十八十以上者四十餘人志切觀光可否酌量加恩錄用朕因令查落卷之大臣等一

並簡閱續取中五人其餘未取者著交與禮部驗看酌量分別作何賞給職銜之處妥議具奏此等年老舉人朕格外加恩乃一時之曠典在伊等無心遭遇則可若心存希冀強赴公車以致皓首寒儒跋涉辛苦既啟僥倖之心亦非朕愛士恤老之意此事後不為例著禮部通行曉諭知之○免廣東歸善海豐惠來潮陽四縣加增漁稅及通省埠租諭廣東山海奧區貧民多以捕魚為業各縣俱有額徵漁課為數無多相沿已久後因歸善縣不肖知縣私取陋規加於額徵十數倍遂經撫臣定議加增魚稅一千餘兩作為贏餘而海豐惠來潮陽三縣亦仿照加增海豐縣則增至四千餘兩惠來縣增至五百兩潮陽縣增至七百餘兩朕思粵東山多田少小民生計艱辛故以捕魚為養贍之計今他縣漁租皆仍舊額而歸善等四縣獨徵收加重恐漁民輸納維艱非國家愛養黎元之意著將四

縣加增之數悉予豁免仍照原額徵收其捕魚小船尤不應在輸稅之內再查粵東有埠租一項亦民間自收之微利前經地方官通查歸公為湊修圍基之費夫圍基既動公項銀兩修築則埠租一項亦著一體免徵以免閭閻之煩擾該督撫轉飭有司實力奉行毋使奸胥地棍借端私取致窮民不得均沾實恩○總理事務王大臣議覆署寧遠大將軍查郎阿等奏巴里坤兵丁應於六月初十後次第撤回派赴哈密之甘涼西肅兵五千應於四五月分起出口五月內到齊仍分一千駐塔爾納沁一千駐三堡沙棗泉餘三千俱駐哈密所有應撤之兵即分起分路撤回又分防赤靖等處兵五千應於督標固原延綏寧夏河州五處兵內派往俱於六月初間次第出口六月望間各到駐處大營撤回之兵今口外各衛所及口內沿途州縣給車輛口糧如例又大兵全撤之後應於馬蓮井子以

東星星峽以西分別安設馬塘遞送文報所有口外軍臺即行全徹均應如所奏至西北兩路卡倫臺站原以彼此通信大兵雖徹仍有駐防應照舊接續安設未便如所奏一併撤回得旨依議○戶部議覆陝西巡撫碩色疏稱富平縣於康熙二十一年河水泛漲衝壓水田十九頃十八畝有奇維時該縣令郭詩以耗銀代賠嗣後俱踵前轍至耗羨歸公仍為民困其應徵糧一百三十八石零折色均徭銀一百八十七兩零均宜豁除應如所請從之○協理軍臺事務總管覺和託奏請將二十四臺移於克勒扎拉腰站移於桑衮達賴二十五臺移於齊希勒達克岱丁薩腰站移於哲格蘇泰二十六臺移於西巴爾圖二十七臺移於烏蘭淖爾下部知之○丙辰命戶部尚書海望兼管三庫事務○命內閣學士杭奕祿為

實錄館副總裁○命國子監祭酒崔紀提督順

天學政○命直隸古北口提督宗室璋格管轄通省兵丁節制各鎮○丁巳

上詣雍和宮

梓宮前行月祭禮○詣

皇太后宮問安○宗人府議奏果親王允禮於

三月初一日

皇上親詣

堂子躬行安杆典禮凡係親王理應於祭祀時敬謹齊集乃臨期託病不到應照例削去王爵奏入得旨允禮原應照所奏治罪但伊自辦理部務以來尚屬勤奮著免其削去王爵將特恩賞給親王之雙俸裁去並將加給一倍親王之護衛官員及護軍馬甲撤回○總理事務王大臣議覆延綏鎮總兵米國正奏榆林神木等處邊口越種蒙古餘閒套地約三四千頃歲得糧十萬石邊民獲糧蒙古得租彼此兩便事屬可行其強種勒索者禁止應如所請從之○戶部議覆前署湖廣總督

大學士邁柱疏稱忠崗等十五土司地方改土為流議設知府同知通判知縣縣丞經歷典史巡檢等官額編俸銀共八百三十餘兩各項人夫鋪兵歲給工食銀共四千九百八十餘兩請按年在司庫地丁銀兩動支應如所請從之○兵部議賞給漢軍兵丁生息銀兩請於每旗漢軍擬生息本銀二萬五千兩共銀二十萬兩息銀存貯內庫其鑲黃正黃正白三旗每旗月支銀三百兩其餘五旗每旗月支銀二百二十兩賞為兵丁紅白等事之用得旨依議著照每旗擬定之數分交現今承辦生息銀兩之王大臣等辦理○又議覆杭州將軍富森疏稱武鄉試騎射天氣晴朗仍照定期考試如遇靈雨泥濘暫行展限應如所請並通行各省從之○戊午諭禮部雲南貴州廣東廣西四川福建六省舉人赴京應試未經中式者著照雍正十一年之例揀選奏聞請旨其上次記名二十一人一併

入於此內請旨○禮部奏

世宗憲皇帝配享

園丘典禮應於乾隆二年冬至大祀之日舉行照冬至致祭儀行禮配享

祈穀壇典禮應於乾隆三年孟春上辛日舉行照祈穀致祭儀行禮配享

方澤壇典禮應於乾隆三年夏至大祀日舉行照夏至致祭儀行禮得旨是依議○尚書銜兼管國子監祭酒事楊名時請頒

聖祖仁皇帝御製周易折中性理精義朱子全書

欽定尚書傳說彙纂詩經傳說彙纂春秋傳說彙纂各書十六部儲於太學刊示諸生得旨楊名時所請書籍著將武英殿現有者各種發二十部餘照所請行○已未修舜陵設各陵守戶諭總理事務王大臣各省歷代帝王陵廟均宜嚴肅整齊以昭敬禮聞湖廣地方炎帝神農氏陵廟殿宇牆垣丹雘合度而帝

舜有虞氏陵廟則規模狹窄丹青剝落不足以肅觀瞻著該督撫轉飭有司動用公費即行修葺其他處陵廟若有類此者著各該督撫委員查勘動用存公銀兩酌量修理務令完整再各陵向來未設陵戶無人看守者可酌設幾戶令其專司巡查灑埽永著為例○調原任湖南布政使趙城原任潮州府知府龍為霖降調管我縣知縣彭朝佐原任會澤縣知縣王忠武赴部引見○吏部議准前江蘇巡撫高其倬疏請移吳江縣同里鎮之太湖水利同知駐東山移督糧水利同知駐楓橋從之○又議准大學士前署湖廣總督邁柱奏外省題補要缺請立限期以杜觀望規避違限者照遲延例議道府州縣賢否責令各上司查核四季申送藩臬藩臬轉呈督撫從之○改五品前鋒侍衛十六員為正四品從前鋒統領阿岱等請也○庚申諭總理事務王大臣今科新進士選拔庶常悉照從前

之例行著大學士張廷玉會同掌院學士辦理○又諭曰劉於義奏許啟盛董仲俱非常赦所不原者著准其贖罪朕前因官爵有關名器仕途不宜冒濫是以降旨停止捐納至於贖罪一條原係古人金作贖刑之義況在內由部臣奏請在外由督撫奏請皆屬斟酌情罪有可原者方准納贖其事尚屬可行嗣後將贖罪一條仍照舊例辦理○命左都御史福敏戶部左侍郎李紱署兵部右侍郎王士俊會同會試主考官揀選雲南貴州廣東廣西四川福建六省會試未經中式舉人○大學士總理兵部事務鄂爾泰等議覆兵部右侍郎吳應棻奏請將發往各直省候補之年滿千總其有缺可題者仍留題補其題缺無多之省分將各該員履歷並發往年月報部歸入分發千總班內籤掣銓選應如所請從之○予三等輕車都尉劉詔之孫劉宗襲襲職○辛酉諭總理事務王大臣士子倚恃

青衿抗欠國課定例褫革追比原以懲戒不率使知禮法至革後如能清完者准予開復所以廣自新之路也今直省所有雍正十二年以前舊欠錢糧俱已豁免此等革生內容有所欠錢糧亦已陸續完納祇緣尾欠未清未曾循例開復而所欠又奉豁免之恩詔遂令所革衣頂永無開復之期情殊可憫著各省督撫轉飭各州縣查明前經欠糧革退之舉貢生監等實係抗欠不完褫革之後並未完納者仍不准開復若所欠錢糧曾於革後陸續完納祇有未清之尾欠而適逢赦免之恩詔將褫革之案准其開復俾得改過自新並將姓名登記檔冊倘此次邀恩之後將來再有抗欠之事著該督撫嚴叅治罪○宗人府奏查原任貝勒延信蘇努原任公烏爾占皆因獲罪革去宗室今請照例查明伊等子孫賞給紅帶子月給三兩錢糧米石登記黃冊之末俟修

玉牒之年附登

玉牒之末注明伊祖父獲罪情由從之○戶部議准盛京戶部侍郎官保等疏稱廣寧所屬五道河至慈兒岡旗民耕種地畝係自備資本報墾成熟之地未便照前楊什木哈達牧羣總管對秦所請設立牧廠又稱旗民人等自報新墾地八百三十五晌餘畝係傍熟地滋墾應照例徵糧得旨允行○兵部議敘多羅平郡王福彭統兵北路軍功紀錄三次從之○刑部議覆協理陝西道監察御史福德奏請定逃回遣犯為匪罪名及改發門監枷號人犯地方一疏如平常逃回遣犯其審有行兇為匪者應照現在所犯分別定擬如犯斬監候者改為立斬犯絞監候者改為立絞犯該徒以上者改為絞監候罪止笞杖者於常例枷號外再加號一月至旗人枷號人犯男犯仍應枷號各門女犯枷號之處應令提督衙門會同臣部詳度門監內外設屋安置

無論男婦各許親屬一人跟隨照管於步軍統領防察外再請每月派滿漢御史一員往來稽察毋庸議改奏入從之○定邊大將軍公慶復奏派副都統銜哲庫將出征陣亡之骸皆埋揜并派喇嘛二人赴烏遜珠勒誦經得旨嘉獎○鑄給天津府海防糧捕鹽漕同知關防從直隸總督李衛請也○壬戌

上詣

皇太后宮問安○吏部議覆廣東道監察御史鍾衡請加國子監助教學正學錄等官品級一疏應如所請加從八品助教為從七品加正九品學正從九品學錄為正八品至正八品監丞亦應加為正七品從八品博士加為從七品滿洲蒙古助教等缺品級均歸畫一從之○兵部議覆閩浙總督銜專管福建事務郝玉麟疏請移衢鎮右營守備與中營遊擊同駐郡城左營遊擊駐常山右營遊擊駐江山左營守備駐華埠中營守備駐龍游添

設右營兵九十四名城守營兵四十名由中左兩營撥補改金協之湯溪縣三塘汛歸衢鎮中營轄駐把總一員蘭溪千總歸金協轄其兵米於各協營酌給江山南米改徵折色為楓衢二營購糧之用裁溢額馬二百九十匹備補倒缺均應如所請從之○正黃旗滿洲都統奏江寧荊州將軍咨送五格等各員回京帶領引見得旨此等官員既不知行兵之道又不能受勞苦途間所犯罪過種種及至軍前復不能牧養馬匹以致倒斃甚多是以皇考降旨將伊等解任同伊家口回京所以為怠玩公事者戒也今看伊等弓箭尚屬去得此內豈無因罪多於軍前効力改過之人曾著該將軍查明情由及咨送家口回京之處具奏請旨再行咨回今並未請旨即行咨回甚屬不合爾等詳細查問伊等在本處住居甚久或有已立產業願在本處當差効力者

奏聞請旨。若有願回京効力居住者。亦著奏聞。朕另行降旨。爾等此次詢問。務將伊等情願之處。據實奏聞。不可彊逼。○予出征亡故副都統銜頭等侍衛雲騎尉胡錫五。祭葬如例。○是日起。

上以孟夏享

太廟齋戒三日。○癸亥。定提鎮見總督規條。諭總理事務王大臣。督撫有節制重寄。而提鎮乃彈壓大員。凡到任。離任。及因公出境。入境。例應具題者。所以慎職守。重封疆也。查川陝江西等省。提鎮與總督隔省。駐劄遙遠。無越境相見之例。惟雲南廣東浙江福建等省。有因赴任之初。由省而見總督者。有因巡查地方。離省不遠。順便謁見者。蓋因苗疆重地。或濱海要區。當日軍務倥傯。海氛未靖之初。是以不行題達。竟赴省城。與總督面商機務。此乃一時權宜。遂爾相沿成習。此時若不酌定規條。恐大小官弁。視為固然。徒長奔競趨謁。

之風。而不顧職守之曠。誤與否。是不可不防其漸也。嗣後提鎮之於總督。若係平常事件。祇許文移來往。如有緊要公務。必須親見總督面言者。或總督有應行檄調面議者。俱將因公起程及回署日期。繕疏題明。至所帶兵役。仍照部議。巡查地方之例。不得過三十名。免致兵丁擾累。汎守空虛。永著為例。○免安徽泗州安河兩岸水淹淤地額徵銀米。諭曰。朕查江南泗州地方。前經河臣齊蘇勒。陞報新淤地畝九千八百餘頃。嗣蒙

皇考察知辦理之員。勘報不實。

諭令督臣尹繼善。再加確勘。隨開恩豁免八千六百餘頃。止存淤地一千二百七十四頃。入額陞科。今朕聞得泗州地方。濱河臨湖。地勢極低。凡虹縣桃源之水。皆歸入泗州。安河入洪澤湖。而此等淤地。即在安河兩岸。每年水勢漲發。淹涸靡常。收成無定。小民不免賠糧之苦。深可憫惻。著照淮安府阜寧縣之例。將

泗州安河兩岸重糧水淹之淤地一千二百七十四頃九十七畝額徵錢糧一千二百一十二兩三錢麥一百一十石八斗自雍正十三年為始盡予豁免以示朕減賦恤民之至意○吏部帶領考試試差之翰林科道部屬各員引見得旨考試一二等各員俱著記名俟各省開列試差時另降諭旨內御史薛韞曹繩柱著以事簡道員用郎中奚源編修周範蓮著以知府用主事蘇霖勑周人驥著以同知用俟有缺出爾部奏聞請旨其考試三等人員不必記名○兵部議覆直隸總督李衛疏請分八溝所轄地方事件歸喀爾沁同知承德州分管移八溝通判及東河司巡檢駐四旗適中之土城子通判管旗民命盜等事巡檢專司監獄添設黃姑屯郭家屯大閘兒巡檢各一員土城子千總一員白虎溝外委把總一員郭家屯大閘兒上黃旗把總各一員均聽土城子通判差遣移十八里臺之

外委千總巡防西卯正添設喀爾沁千總一員聽八溝同知轄移西河司巡檢駐承德州之鞍匠屯添設下板城中關把總一員設承德州同一員改灤陽驛丞為巡檢帶管驛站新設員缺在外調補應如所請從之○又議覆閩浙總督銜專管福建事務郝玉麟疏稱鹿耳門為全臺重地請於臺協三營遊擊內分年撥防其輪年遊擊各與本營千總每三月更換又嗣後商船出口責令地方官詳查舵工水手籍貫年貌嚴定處分應如所請從之○又議敘出征克爾森齊老並額爾得尼昭二處有功之副將軍塔爾岱給三等輕車都尉世職副都統厄爾欽哲庫納布爾涉阿斯哈營總副營總關音保等十九員及額爾得尼昭一處有功之叅贊大臣查克丹阿成阿塔爾瑪善阿岱給雲騎尉世職二處有功之叅領以下托拜等一百六十三員驍騎校護軍校賽必幹等一百七員及額爾德尼

昭一處有功之副都統王常阿那布吳查拉
總管營總副營總巴里孟古等二十一員。參
領以下厄倫泰等一百一十六員。驍騎校前
鋒校護軍校七十等九十二員。克爾森齊老
一處有功之營總松愛等三員。參領以下雅
圖等九員。驍騎校護軍校扎番塔等八員。各
給功牌。加級有差。在事文員弁兵及受傷將
士各陞授賞賚如例。○予故散秩大臣一等
伯阿爾遜祭葬如例。○降工部侍郎圖理琛

為內閣學士。陞內閣學士杭奕祿為工部侍
郎。○甲子。管理旗務王大臣遵旨詢問江寧
荊州將軍洛送回京各員情願留京及願回
本省當差之處。除前面奏願留京之協領常
存噶爾薩雲布外。據佐領五斤等稱願留京
當差。協領阿三太等稱願回本處當差。分列
名單具奏。得旨前者帶領引見時。朕曾降旨
詢問。惟有三人情願留京。朕復交管理旗務
王大臣詢問。據奏又有三人情願留京當差。

効力行走外。餘皆願回本處等語。伊等不知
行兵之道不能受勞苦。迷失道路。罪愆種種
及至軍營。又不能牧養馬匹。以致倒斃甚多。
皇考特降諭旨。將伊等解任。并伊妻子回京。欲
其學習事件。勤慎辦公之意。向來滿洲舊習
皆以尊君親上。圖報國恩為重。並無懷土之
私念。若論滿洲始基。原在盛京。至於荊州。江
寧。不過暫遣駐防。並非故土。乃伊等並不思
遵循滿洲舊習。反戀戀於駐防之處。甚屬不

合。但朕已降諭旨詢問。暫恕此次。此內情願
在京効力行走之三人。交該旗照伊原品即
用。王大臣所問情願在京効力之三人。俱著
回原省。照伊原官降一等。試用一年之後。若
實在行走勤慎。該管將軍據實奏請實授。此
等皆係有罪之員。朕特施恩辦理。倘有仍不
龜勉効力。復蹈罪愆者。著該將軍即行從重
治罪。○戶部議准。經畧苗疆張廣泗疏稱。台
拱逆苗不法。所調各處土兵與官兵同勞。請

將土官照千總酌減之例。日給鹽菜銀三分。土日照把總之例。日給銀二分。土兵日給銀一分。彙入軍需報銷從之。○兵部議覆原任漕運總督顧琮疏稱。佃湖集為水陸咽喉。較竊港營地勢緊要。請移竊港營都司。把總駐佃湖集。分轄廟灣營水陸汛地。并轄安東把總。竊港營所遺汛地。歸廟灣營轄。移佃湖原設千總駐竊港營。廟灣所轄板湖緊要處。請設烟墩五座。各駐兵如額。均應如所請。從之。

○是月。直隸副總河定柱奏請酌減各直省額賦。量增八旗錢糧。得旨。語云。雖小道。必有可觀者焉。致遠恐泥。所謂小道者。即汝此奏。婦寺之仁是也。試問照汝此奏。兵民果得遂生復性。國課果得充裕無虧乎。汝見朕凡事務為寬仁。遂為此迎合之奏。而不計及可行與否。朕之實心實政。豈汝此等婦寺之仁比哉。○江南河道總督高斌奏。七里溝賈家莊二處新工。應於隄內接築。月隄。即將月隄作

縷。不做埽工。毛城鋪上冬未曾堵閉。石閘今將支河要隘。堵築草壩。得旨。覽奏。辦理俱屬妥協。知道了。○又奏宿遷縣黃河北岸縷隄。漸次塌屋。勘估應下護屋埽一百二十五丈。興工償做得旨。如此辦理。方為允當。地勢情形不一。原應相機酌量。豈可拘於一例乎。高其倬到京。朕觀其人。過於蒼練。且才亦非肆應。不能勝蘇撫之任。是實。顧琮近日辦理一切政務。輿論如何。○署江蘇巡撫顧琮奏。酌平鹽價。俾商無賠課。民免貴價。得旨。此事朕不便明頒諭旨。恐又蹈天津之弊也。故子產之言曰。火烈。民望而畏之。故鮮死焉。水懦弱。民狎而玩之。則多死焉。故寬難。其後太叔不忍猛而寬。鄭國多盜。卒至盡殺之。盜乃少止。則朕辦理鹽政之謂也。雖然。朕意豈如是哉。亦巡鹽諸臣奉行不善耳。朕旨原為肩挑背負之窮民。不禁耳。豈謂私梟而亦不禁乎。若此。則稂莠不除。而嘉禾敗矣。夫目前奏摺諸

臣一則曰請寬某件云云再則曰請寬某件云云不知今之請寬者即向日之一則曰請嚴某件云云再則曰請嚴某件云云者也夫不論其與吏治民生有益與否而但覘上之意以為奏摺辦事之張本是豈公爾忘私古大臣之謂乎且

皇考十三年以來之整頓並非有意用嚴也而諸臣則以為凡事宜從嚴且曰不如是則站不住也即朕今日政惟求舊亦並非有意用寬也而諸臣則以為凡事宜從寬庶皇上之見許也是皆以一已得失為重而未嘗就事論事明矣朕意當今之政莫若謹守

皇考十三年以來之整理而向日一二奉行不善過於苛細者漸次緩改則吏治而民安毋庸我君臣汲汲皇皇今日曰寬此明日曰寬彼以至羣相怠玩百弊叢生必至激朕又有不得不用其嚴之時則非天下臣民之福也即朕此諭亦並非自悔其寬而有意用嚴之

漸惟訓勉汝督撫大臣奉公盡職察吏安民則朕可常用其寬豈不韙歟可將此諭與江浙二省督撫藩臬等大員共觀之以共相砥礪即將此事和衷共議前來候朕再降諭旨又批諭大學士嵇曾筠江南總督趙宏恩巡撫顧琮趙國麟督撫為一省表率而安民必在察吏朕即位之初各省道府諸員皆不深知其人汝等可將各屬員賢否事蹟各摺奏前來務須秉公甄別以備朕錄用○安徽巡

撫趙國麟奏報雨水溥遍惟歙縣有小水雹麥菜不無受傷之處得旨據奏各屬雨澤情形知道了徽州山內出蛟何並不奏聞第以有小水雹麥菜不無受傷之處掩過殊屬輕視災黎粉飾之奏若再不督率屬員加意賑恤經朕訪聞必不姑寬也○又奏請改蕪湖關飯食解費二項名色為火耗止收加一為管關養廉工食等用從前飯解不足加一及無飯解者均不加增如不敷用應於盈餘銀

內動支正陽一關向無火耗今仍照舊例行得旨關稅一項朕旨原令去其巧立名色及吏胥之苛索耳若飯費與火耗何別為一名色而改仍不能禁吏胥之苛索是於國帑有虧而於民生無益何庸其改乎將此諭與同省大員共觀之趙宏恩等亦令知之○大學士管浙江總督嵇曾筠奏各屬雨水霑足惟金衢嚴處地方因徽州山內出蛟間被水雹為時無幾為地有限俟查有稍重之處即酌給籽種得旨覽被雹處所雖不妨礙亦當加意賑卹○又奏報桃汛水勢安瀾塘工平穩得旨忻悅覽之海塘之任畀卿以來諸事得宜朕嘉悅之懷筆不能宣卿更當抒忠宣猷以副朕望○又奏私販鹽梟藉端生事得旨此事天津亦有之經督臣李衛奏過已頒發諭旨矣似此雖小民之無知亦屬有司之不能料理合宜之所致也屬員中有應參奏者即應指明參奏以警其餘○又奏清釐鹽政

事宜六條一請量添附竈以廣煎辦即令正竈戶丁分煎一發帑廣收餘鹽以備接濟並於杭州紹興蘇州常州添築鹽倉一停止借給商帑以免壓引誤課一聚團竈舍並於舍外築垣安柵以司啟閉一各場收買餘鹽以六分運貯所倉儲備以四分留場以卹貧民一慎選差員分路遊巡以緝巨梟得旨朕細閱諸條具見卿忠誠任事悉心料理嘉是之外無可訓諭著照所奏行應具題報部者仍具題報部可也○閩浙總督銜專管福建事務郝玉麟奏稱海滙安瀾賈舶輳集皆由風神默佑廈門商民願捐資建立風神專祠奉祀得旨極好之事自應敬謹建立立即動用公項官為建立亦可○署湖廣總督史貽直奏各省新設鼓鑄多因民間繳官黃銅存貯日久恐致官吏侵欺是以設鑪鼓鑄未便遽停並請弛各省黃銅之禁得旨此議朕嘉悅覽之戶部尚書海望亦為此奏部

覆以為應照所奏行朕猶以為行之既久未便更張今覽卿奏明晰妥協情理允當已準行矣其議覆崔紀一摺俟朕再為酌量○又奏報楚南糧價漸次平減俟昂貴時當即減糶得旨米價騰貴之語原屬風聞卿等身任地方如此辦理自是四五月間米價昂貴固宜預籌至於黔省兵革之後倘若應須接濟尤不可不早為慮及也○湖南巡撫鍾保奏陳史貽直沉靜練達材識兼優得旨知道了史貽直之才識兼優汝當效法者夫地方督撫首以察吏安民為要務湖南一省之道府各員日與汝共事其中豈無賢否優劣之別汝當具摺奏聞於朕始為以人事君之道朕待之半年而未見奏到何哉○山東巡撫岳濬遵旨奏陳文登縣令王維幹劣蹟得旨朕既勅部傳旨令汝明白回奏汝當具本何得僅具奏摺希圖朦混耶且摺內多有粉飾處朕何暇一一批諭○又奏報各屬得雨情形

得旨據此各處得雨情形則東省不如直隸遠甚雖未覺旱但目前青黃不接之時平糶倉穀最為要緊其未報得雨之州縣更當加意籌畫○又奏報由德州會勘河工回署日期得旨覽汝為東省巡撫安民察吏是汝責任通省若文若武屬員大吏不知有幾其賢否優劣從未一言奏及是何意見汝於皇考時不過為一小心謹飭之材然尚詭勉辦事也近日看汝光景大有廢弛之漸想汝觀望朕之用人行政好尚寬大故為怠玩乎不知朕之寬乃公正之寬非荒廢之寬也其有玩法犯科之流朕何曾少有假借而忍棄我皇考十三年以來宵旰勤勞一番整理乎汝其識之○四川巡撫楊馥奏報華陽縣連被火災延燒龍神廟城隍廟及中軍參將衙署一所被災貧民俱各查賑得旨知道了看汝居心行事自不能

免如許災傷但被災之民若再不加意賑恤苟致一人失所則汝為不具人心之人矣○兩廣總督鄂彌達廣東巡撫楊永斌奏近年稅羨較之七年分數目不足係各官侵蝕今查尚屬因公用去應邀豁免並鄉鎮村落稅口全行裁革得旨奏內所稱稅羨既有可諒之情且係已往之事著從寬免追若因朕此旨而後來收稅之員徒飽私囊肆無忌憚而於國課有虧商民無補則不但有司之著追如前而汝等督撫之治罪必較前仍加倍決不姑寬將此旨令通省官員知之仍行咨部可也○廣東高雷廉羅總兵譚行義彙奏東兵効力苗疆情形一副將王濤叅將王鼎領官兵攻克高婁高表各寨一副將馬成林領兵斬關奪險開通清江一副司魏子鳳援應八寨有功一副司金相守備姜諧五援應上江有功一土官岑應祺把總戴德留守黎平援應苗光有功一遊擊王璋王臣張守鳳襲

險克敵保衛鎮城糧道有功得旨覽此次逆苗之警鄂彌達之盡力協濟及汝等之用命行間其功均不可掩統俟張廣泗彙奏後自有加恩議敘也將此旨先諭將士共知之○苗疆經畧張廣泗奏報分布官兵合攻牛皮箐苗寨首逆就獲搜勦餘黨無算所調川兵慣登山險最為驍健並即親赴清江部署下河一帶得旨覽務期一勞永逸不可為苟且完事之舉看來四川土兵甚為用命所當詳記論功者也○又奏報鎮遠府屬被苗擾害難民已曉諭陸續回籍酌給口糧並黔省下游各屬籌辦平糶事宜得旨此奏何遲耶朕已一一代卿佈置矣總理事務處寄字到時自曉

大清高宗法天隆運至誠先覺體元立極敷文
奮武孝慈神聖純皇帝實錄卷之十五

大清高宗法天隆運至誠先覺體元立極敷文
奮武孝慈神聖純皇帝實錄卷之十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣盧蔭

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰夏四月乙丑朔享

實錄卷十六

七

太廟

上親詣行禮○命大學士鄂爾泰邁柱尚書三

泰徐本甘汝來左都御史福敏孫嘉淦侍郎

李紱王士俊勵宗萬內閣學士吳家駙姚三

辰王蘭生為殿試讀卷官○丙寅

上詣雍和宮

梓宮前供奠○策試天下貢士趙青藜等三百

四十四人於太和殿前制曰朕惟治法莫尚

於唐虞堯舜相傳之心法惟在允執厥中當

時致治之盛。至於黎民於變時雍。野無遺賢。萬邦咸寧。休哉何風之隆歟。朕纘承

祖宗丕基。受

世宗憲皇帝付託之重。踐阼之初。孜孜求治。雖當重熙累洽之餘。而措施無一日可懈。風俗非旦夕可淳。士習何以端。民生何以厚。不能無望於賢才之助。茲際元年首科。朕特臨軒策問。冀爾多士。啟予不逮。夫用中敦治。列聖相傳。然中無定體。隨時而用。因事而施。宜用

實錄卷十六

二

仁。則仁即中。仁非寬也。宜用義。則義即中。義非嚴也。或用仁而失於寬。用義而失之嚴。則非中矣。何道而使之適協於中耶。詩稱不競不絀。書稱無偏無黨。果何道之從耶。政治行於上。風俗成於下。若桴鼓之相應。表影之相從。然夏尚忠。商尚質。周尚文。其後各有流弊。惟唐虞淳厚。後世莫能議焉。其悉由於允恭溫恭之德。致之然耶。抑五典五禮之惇庸。五服五刑之命討。亦與有助耶。朕欲令四海民

俗咸歸淳厚。其何道而可。國家三年一大比士。宜乎得人。然所取者。明於章句。未必心解而神悟也。習於辭華。未必坐言而起行也。朕欲令士敦實學。明體達用。以勸相我國家。何以教之於平素。何以識拔於臨時。科舉之外。有更宜講求者歟。意者衣食足而後禮義興。凡厥庶民。既富方穀。足民即所以訓士歟。書稱土物愛厥心臧。又有謂沃土之民不材者何歟。夫民為邦本。固當愛之。愛之則必思所以養之。養之必先求所

實錄卷十六

三

以足之。朕欲愛養足民。以為教化之本。使士皆可用。戶皆可封。以臻於唐虞之盛治。務使執中之傳。不為空言。用中之道。見於實事。多士學有所得。則揚對先資。實在今日。其直言之。勿泛勿隱。朕將親采擇焉。○免江南阜寧鹽城等州縣雍正十三年未完緩徵漕糧。並阜寧鹽城二縣漕米。上年已完之數。准抵今年應完之項。飭令該督撫實力奉行。○大學士兼吏部尚書總理浙江海塘管浙江總督嵇曾筠。報明丁憂服闋。

下部知之。○丁卯。

上詣

皇太后宮問安。○諭總理事務王大臣。朕前降旨將

世祖時恩賜世襲罔替之職。絕嗣及獲罪革退未襲者。令八旗大臣查奏。現在辦理。但雍正十年查奏

太祖

太宗時恩賜世襲罔替之職。祇查絕嗣未襲者。未

實錄卷六

將因罪革退未襲之子孫查奏。今著一併查明。再從前辦理時。其世襲罔替之雲騎尉。未經入於數內。朕思雲騎尉職雖較微。溯厥由來。其祖父亦係為國宣力効命之臣。若不查明酌令承襲。實屬可憫。著一體查奏。○又諭李如柏。達爾濟卓鼐。周瑛。各有交辦之事。著照大將軍慶復所奏。四人俱仍留軍前。其如何施恩賞給職銜。令其効力行走之處。著總理王大臣等。以四人所得之罪。分別輕重議

奏。尋議。原任總兵官李如柏。濫用公帑。革職。

以總兵官銜。率換班綠旗兵往北路効力。自到鄂爾昆。尚未著勞績。今已給職銜。應俟所領兵換班時。該部請旨。原任護軍統領達爾濟。前以傷損馬匹牲畜。又額爾得尼昭之役。坐視賊人敗走。過扎克拜達里克不追。革職。以護軍當苦差。現在鄂爾昆墾地。輸納應償米石。原任提督周瑛。於西藏領兵時。私買使婢。又令兵丁歌唱。刑部奏擬充軍。奉旨來京

實錄卷六

五

引見。發往北路軍營。効力贖罪。又於白格爾駐劄時。被賊刦糧。有旨著枷示軍前。責令償米。尋蒙恩釋免。其應償米。仍令責償。今在鄂爾昆管理種地事務。按達爾濟。周瑛。未便遽給職銜。請俟其還時。令大將軍以伊等在軍營効力與否。報部請旨。原任寧夏將軍卓鼐。前奏冬令不宜進兵。請俟春初馬匹飼肥進發。查郎阿等。議以進兵怯懦。推延時日。奉旨革職。令在軍前効力。按卓鼐。愚昧妄奏。情尚

可恕。應否賞給職銜。出自聖恩。得旨。著賞給卓鼎副都統職銜。令其効力。餘依議。○又諭陳遵等。此次姑准記名。看來伊等清語。僅止溫習履歷。問及他語。俱不能奏對。伊等雖係漢軍。究係旗人。自應熟習清語。該將軍大臣等。所司何事。著諭該將軍等。嗣後引見人員。朕不獨履歷是問。伊等知朕問及何語耶。若仍不能奏對。朕將不能清語之人。不准列入保舉。且惟該管大臣是問。○又諭黑龍江寧古塔。吉林。烏喇等處。若概將罪人發遣。則該處聚集匪類多人。恐本地之人。漸染惡習。有關風俗。朕意嗣後如滿洲有犯法應發遣者。仍發黑龍江等處外。其漢人犯發遣之罪者。應改發於各省烟瘴地方。著總理事務王大臣。會同刑部議奏。○以太常寺少卿雅爾呼達。為太常寺卿。○戶部奏。關領俸祿。例稱十月十五日。大檔過部。新放佐領世職等官。准於開印後。造冊補領。春季俸祿。而新放別

項人員。及緣事開復者。並未議及。且六月十五以後。新放一切官員。俱未准其趕領秋季俸祿。請嗣後大檔過部。新放人員。無原任俸餉可支。春季在正月三十日以前。秋季在七月三十日以前。補放者。俱准補造冊檔。送部趕領。再緣事開復之員。如在正月三十日。以及七月三十日以前者。亦照此例。一體趕領。從之。○戊辰。

上御養心殿。開殿試。進呈卷。召讀卷官入。諭曰。卿等所擬第一卷內。有耕藉之典句。朕未曾耕藉。此句不切。可置第二。取所擬第六卷為第一。命拆視之。是金德瑛。浙江人。上問讀卷諸臣曰。前科狀元。是何處人。刑部侍郎勵宗萬奏曰。是陳倓。江南人。命拆第二卷。是黃孫懋。山東人。

上曰。山東從前曾有鼎甲否。戶部侍郎李紱奏曰。順治丙戌科狀元傅以漸。康熙辛丑科狀元鄧鍾岳。俱山東人。拆第三卷。是秦蕙田。江

南人其餘諸卷

上一一取定。命大學士鄂爾泰填寫諭曰。近來士子於散體古文。俱不甚留心。至會試中式之後。方讀天人三策。以應試耳。然風簷寸晷。得此殊亦不易。朕自幼學為古文。所以一見知其優劣。作文之道。以氣為主。氣厚則文自佳。至于琢飾字句。不過一時美麗。氣味未能深厚也。譬諸松柏。經冬不凋。唯其氣厚。是以能久。水陸草木之花。當其初開時。非不鮮艷。可悅。然而不能經久者。以其氣薄也。朕以為文章之道。亦復如是。又諭諸臣曰。朕即位以來。不曾召爾等入見者。非朕懶於接見臣工。不加訓勉也。天下之達尊有三。朕之爵則居天子之位。論德與齒。不及我。

皇考。

皇考才識卓越。歷練政事。已數十年。凡訓教臣工者。至周至悉。今朕所用之人。皆

皇考所用之人。爾等如能敬念

皇考之訓辭。朕亦何容再為告誡。但朕沖年踐阼。即位已經半載。從未見諸臣有直言朕過。豈朕所行之事。悉能上合天理。下協人情。與嗣後務須直言無隱。朕不欲特召爾等。故於今日讀卷時。為爾等言之。又諭。近來各省督撫奏章。俱欲迎合朕意。諸事從寬。夫寬則得衆。未嘗不善。但此時請用寬之督撫。即前日請用嚴之督撫也。前後異轍。俱屬揣摩。總不肯就事論事。此朕所不取者。又諭都察院左都御史福敏等曰。朕聞各省被叅人員。在爾衙門具呈者甚多。辦理頗難。夫叅革之員。許其呈訴者。惟恐下有冤抑難伸之處。或其中不無可用之才。然不可長刁風而開僥倖之門也。爾等須慎加分別。果係事屬因公。審無贓私者。驗看其才力可用。奏聞引見。其因私事被叅。或審有贓罪者。不得准理。至階級崇卑。亦宜定有界限。文官自知縣以上。武官自守備以上。方許查奏。其佐雜微員。不得妄行

呈訴諭畢。諸臣捧卷退出。○賞尚書房行走翰林任啟運。余棟。雷鉉。官房居住。○免河南鄭州。臨河等地方。雍正十三年額賦。及湖南沅州。雍正十三年應徵耗羨有差。○禮部議准順天學政錢陳羣奏稱童生覆試論題。請將小學與孝經兼出從之。○己巳。賜一甲金德瑛。黃孫懋。秦憲田三人進士。及第二甲蔡新等九十人進士出身。三甲興泰等二百五十一人。同進士出身。○庚午。總理事務王大臣議覆。工部尚書來保奏。滿洲人員補用綠旗將弁員缺。與綠旗各官。控制北邊。酌量訓練。彼此相資。實於地方大有裨益。酌議自山海關。以至殺虎口。自殺虎口以西。至保德州。并古北。宣化。大同。所屬地方。俱係沿邊關隘。近京要地。所有副叅遊都守一百三十三缺。請以三分留與綠旗補用。以七分給與滿員補用。其應用綠旗者。照例推補。應用滿員者。按滿員品級對品擢用。如副將缺出。以頭等

侍衛。王府長史。前鋒叅領。護軍叅領。八旗叅領。步軍總尉。一品二品世職等官調補。叅將遊擊缺出。以二等侍衛。前鋒侍衛。各營副叅領。佐領。步軍副尉。三品世職等官調補。都司缺出。以三等侍衛。步軍副尉。步軍校。四品世職等官調補。守備缺出。以藍翎侍衛。前鋒校。護軍校。驍騎校。親軍校。五品世職等官調補。兵部遇有缺出。行文領侍衛內大臣。鑾儀衛。八旗都統。前鋒統領。護軍統領。火器營。步軍統領等官。揀選送部引見補授。補用之後。俱以五年為滿。熟諳營伍人地相宜者。准該督提以各該處應陞之缺遞補。其餘咨部轉咨該旗。遇有該員原官應陞缺出。先儘該員陞補。應由該旗具奏者。該旗請旨補用。應由兵部具奏者。兵部請旨補用。如副將俸滿。應以步軍總尉。城守尉。協領等缺補用。叅遊俸滿。應以前鋒叅領。護軍叅領。八旗叅領等缺補用。都司俸滿。應以前鋒侍衛。各營副叅領。步

軍副尉佐領及各省防守尉等缺補用。守備俸滿應以步軍校五品防禦等缺補用。所遺綠旗將備員缺行文該旗照例咨取滿員補用。再副將係從二品步軍總尉城守尉協領俱係正三品其由副將補用步軍總尉等官者應給與從二品頂帶俸祿遇有應陞缺出與京官一體較俸開列具題從之。○宗人府議奏鑲藍旗滿洲都統豐盛額條奏閒散覺羅等遇有紅白事出俱加

恩賞銀兩覺羅較之宗室雖曰有間究非常人可比請照護軍校驍騎校前鋒護軍茶膳房拜唐阿城門吏各部院筆帖式之例酌量加增紅事賞銀二十兩白事賞銀三十兩此項賞銀亦照宗室之例著該旗將其本生年月日時開寫保送到臣衙門以便稽查年終同恩賞宗室銀兩一併彙題但此項

恩賞銀兩亦不可不擬定章程七品以下官員至閒散覺羅准其支領曾任侍衛官員告退

之閒散覺羅亦准支領其覺羅驍騎校護軍校雖係六品官但係支食錢糧亦准支領以下六品官員以上及現任大臣官員侍衛等不准支領自覺羅大臣以下閒散覺羅以上獲罪至監禁者不准支領命下之日頒行八旗一體遵行從之。○禮部遵旨詳議清釐僧道之法莫善於給度牒而給度牒之法必盡令其恪守清淨請令順天府奉天府直省督撫轉飭該地方官於文到三月內將各戒僧全真道士年貌籍貫焚修處所清查造冊取具印結申送彙齊到部發給度牒轉飭地方官當堂給發各僧道收執遇有事故追出彙繳嗣後情願出家之人必請給度牒方准簪剃受戒如有借名影射及私行出家者查出治罪至於應付僧人令地方官一體給與度牒若不願受戒者即行勒令還俗其中老邁殘疾既難受戒又難還俗者查實給與度牒看守寺廟以終天年又如深山僻壤不能

遠出受戒。及俗家並無可歸者。亦姑給與度牒。仍另行註冊。永不許招受生徒。至清微正一道士。除龍虎山上清宮。由真人給與印照。各直省清微靈寶道士。仍給部照。毋庸給牒。外。火居道士。俱令還俗。其年老不能還俗者。亦暫給部照。永不許招受生徒。又尼僧。亦應照僧道之例。願還俗者。聽其還俗。不能還俗者。亦暫給度牒。永不許招受年少生徒。嗣後婦女。必年逾四十。方准出家。年少者。嚴行禁止。從之。○予故河南河北鎮總兵胡傑贈卹如例。○以江西鹽驛道閻堯熙。為湖北按察使。○辛未。署湖北巡撫吳應棻奏請。雍正三年分。漢陽。均州。等十州縣。民墾旱地。雍正七年分。蘄黃。松滋。恩施。等四州縣。民墾水田。共一百五十頃三畝九分零。應於雍正十三年陞科。下部知之。○以原任湖北布政使李世倬。為通政使司右通政。○壬申。定邊大將軍慶復奏。副將軍常德。叅贊大臣伯伊勒慎。

患病。俱調回京。授王常。海瀾。為叅贊大臣。協同副將軍額駙策凌辦事。王常。海瀾。每人賞銀二千兩。○以右通政高其倬。為湖北巡撫。暫署湖南巡撫印務。○癸酉。上詣皇太后宮問安。○賜從征九股逆苗陣亡副將加贈右都督楊馥。守備羅資。裘蔣秉忠。高本陽。何英。千總楊漢飛。賀雲龍。顧錦。尹成熙。劉上仁。黃招賢。蘇成鳳。秦登魁。西堡司土司溫寬。把總高騰鳳。李瓊。樂禹。謝景雲。王允武。劉鳳臨。徐三錫。唐起鳳。王朝傑。關志傑。祭葬如例。○鑲白旗漢軍都統貝勒允祜。奏。原任提督何祥書名下。拖欠軍需米價銀一萬二千九百兩零。逾限不完。應交部照例定擬治罪。得旨。不必交部。將伊子何永陞等俸祿錢糧坐扣補還。何祥書如果實心効力。居官好。朕將伊應完銀兩寬免。亦未可定。若不黽勉効力。居官不好。必照該都統等所奏。將伊交部。

治罪。此旨著曉諭何祥書知之。○甲戌總理事務王大臣議稽察歸化城軍需工科掌印給事中永泰條奏。一歸化舊城修整完固。於城東門外緊接舊城築一新城。新舊兩城搭蓋營房。連為犄角。聲勢相援。便於呼應。一右衛駐防兵丁不宜遷移。鎮守仍照舊制。庶於地方有益。一歸化城一帶地畝不便改為民種。陞科得旨。築城開墾事件。交通智總管辦理。俟城工告竣之時。先派家選兵二千名。熱河兵一千名。前往駐防。其家選兵照八旗另記檔案人例。另記檔案。將來補授驍騎校等微職。不可用至大員。右衛兵丁暫行停止遷移。仍著在本處駐防。歸化城週圍田地悉行開墾。俟積穀充裕之時。於京城八旗閒散滿洲內。將情願者。挑派三千名。以為新城駐防兵丁。其錢糧家口米石。及拴養馬匹。俱著照熱河兵家選兵例。右衛兵丁既停止遷移。將軍副都統筆帖式等。俱仍駐本處。新城著設

將軍一員。副都統二員。俟應行派往之時。著該部再行請旨具奏。筆帖式著照例補放。遣往。○吏部議覆兩廣總督鄂彌達奏。廣東瓊州府屬之崖州感恩昌化陵水四州縣。正雜佐貳等官。照臺灣之例。二年報滿。回內地以應陞之缺題補。應如所請。從之。○以奉恩輔國公奇通阿為正紅旗滿洲都統。○乙亥。諭八旗及前鋒統領護軍統領。向來護軍校驍騎校等陞途甚窄。嗣後遇有副參領缺出。將護軍校驍騎校與應行補放之人一體帶領引見。○調原任蘇松道王澄慧。蘭州按察使李元英。福建泉州府知府王時翔。雲南昭通府大關同知王廷諍。山盱通判鈕天麒。並刑部釋放原任福建福州府知府胡承謀。赴部引見。○總理事務王大臣等奏鄂爾多斯貝勒扎木揚原襲郡王。雍正十年。率兵三千進勦。兵丁沿途逃亡。所辦馬匹亦不整齊。經納延泰奏請降為貝勒。仍率兵効力。奉旨。扎木

揚行走若好。著大將軍奏聞。又按扎木揚所襲王爵。乃其曾祖固魯。率所屬兵丁。攻取陝西榆林神木等城。斬降賊寇。著有勞績。因得受封。其子東羅卜承襲王爵。冊載子孫世襲罔替。今大將軍慶復等奏。扎木揚在軍前四年。雖未著殊績。尚知感奮。可否給復原爵。出自聖恩。台吉策旺多爾濟之子圖巴扎卜。代父効力。在軍營數年。保護官馬牲畜。運送耕種器械。稱職。慶復奏請授為額外副台吉。頭等副台吉額默根。先於巴里坤率兵擒斬賊衆。又在軍臺護運官物。此次協同扎木揚行走。進獻驕馬。又護送官馬五千。至奈曼明安。平郡王等稱其為人誠懇。盡心公務。應加寵錫。以示鼓勵。三人均應如所請。得旨。鄂爾多斯貝勒扎木揚。此次前往軍營。克贖前愆。約束兵伍。辦理馬匹。整頓器械。俱實心盡職。念其祖父前勞。著開復王爵。額默根。前次出兵効力行走。此次又協助扎木揚。竭誠効勞。甚

屬可嘉。著賞戴花翎。以示寵異。圖巴扎卜。代父前往軍營。殊盡心竭力。黽勉効職。著授本旗額外副台吉。○刑部左侍郎勵宗萬疏請保舉賢良方正。令各直省督撫。轉飭府州縣衛。該地方紳衿耆庶。鄰里鄉黨。合詞公舉。正印各官。采訪公評。詳稽事實。或係生員。會同該學教官查核。造具事實清冊。加具印甘各結。申詳上司。督撫核實保題。照例給以頂帶榮身。其中果有德行才識兼優。堪備任用者。准該督撫破格保薦。咨送到部。後吏部會同九卿。翰詹科道。公同驗看。衆論相符。帶領引見。候旨簡用。倘所舉不實。被訪察題叅。除本人斥革外。其濫行出結各官。照濫舉匪人例。分別議處。受財者以枉法論。如所議行。○旌表守正捐軀之河南祥符縣民陳紹先妻曹氏。○丙子。直隸總督李衛奏請。武職親丁馬糧。係恩賞養廉。俱准備價存營。以免養馬賠累之苦。步兵內烏鎗藤牌礮手。非專習弓箭。

聽其量力備箭學習。不限數目。下部議行。○
丁丑。

上詣

壽皇殿行禮。○詣雍和宮

梓宮前供奠。○詣

皇太后宮問安。○諭曰。本日朕降旨恭詣

雍和宮。蒙

天眷佑。時雨立沛。所有伺候隨侍人等。衣服不
無沾溼。其護軍校護軍。拜唐阿。步甲人等。俱

著賞給半月錢糧。其校尉。著賞給一月錢糧。

○命歸化城設立養濟院。諭各省郡縣州邑。

皆有養濟院。以收養貧民。此即古帝王哀矜
災獨之意。朕聞歸化城地方。接壤邊關。人烟
湊集。其中多有疲癯殘疾之人。無棲身之所。

日則乞食街衢。夜則露宿荒野。甚可憫惻。查

彼地舊有把總官房三十餘間。可以改為收

養貧民之所。每年於牛羊稅內。撥銀二三百

兩。粟米百餘石。為饘粥寒衣之費。著該處同

知通判揀選誠實鄉耆。經理其事。仍不時稽

查。以杜侵蝕之弊。倘地方有樂善好施者。聽

其捐助。共成善舉。但不得稍涉勉強。著該都

統會同該同知通判。妥貼辦理。務令窮民均

沾實惠。○免湖北太和山香稅。諭山東泰安

州香稅。朕已降旨豁免。近聞湖北太和山。凡

遠近進香者。亦有香稅一項。小民虔禮神明。

止應聽其自便。不宜征收香稅。以滋擾累。所

有太和山香稅。著照泰安州之例。永行豁免。

該督撫即飭令地方官。實力奉行。毋使奸胥

土棍。巧取滋弊。○禮部議准。原任河東總督

王士俊疏請。河南南陽府之復設南召縣。仍

復原額文武學各十二名。廩增各二十名。從

之。○戊寅。禮部議奏。奉旨繕修

列祖陵寢。臣等敬謹詳議。應遣禮部工部堂官

各一員。帶同欽天監諳習地理之員。前往敬

謹相視。應行繕修之處。交與工部。詳慎料估

具奏。令欽天監選擇吉期。興工。敬謹繕修。修

享殿之日。本

陵內府掌關防等官。恭請

神牌。暫奉配殿。俟工竣。仍恭請

神牌。安奉

享殿。再行繕修配殿。朔望仍照常行禮。至繕修

永陵。

福陵。

昭陵。應交與盛京禮部工部。敬謹相度料估。具

奏興工一切事宜。俱照

孝陵等

陵之例辦理。其派往盛京之欽天監官員。及應

遣往

孝陵等

陵之禮部工部堂官。欽天監官。另行請旨派往。

得旨。是。依議。○命四川巡撫楊紱。來京陛見。

兵部侍郎王士俊。前往署理。○以故奉恩將

軍成文子精壽襲職。○安徽巡撫趙國麟奏

請。江安糧道關防。改給江寧安徽寧池太廬

鳳潁淮揚徐滁和廣六泗海通等府州督糧
道關防字樣。鳳陽道關防。改給分巡鳳廬潁
六泗滁和道字樣。並換給安徽臬司。糧道鳳
廬道三衙門傳敕。均下部知之。○湖廣總督
邁柱疏請。改四川夔州府屬之建始縣。歸楚
省新設之施恩府管轄。駐防塘汛官兵。亦改
歸施州營統轄。下部知之。○已卯。以故奉恩
將軍寶良子尚嘉納襲職。

大清高宗法天隆運至誠先覺體元立極敷文
奮武孝慈神聖純皇帝實錄卷之十六

大清高宗法天隆運至誠先覺體元立極敷文
奮武孝慈神聖純皇帝實錄卷之十七

駐修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件庫管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅又華殿大學士文淵閣領閣事稽察欽奉 上諭事件庫管理刑部事務部三庫事務

世襲騎都尉軍功加十九級隨帶加二級又加二級尋常加二級軍功紀錄一次臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰四月庚辰命王士俊傳諭山

東巡撫岳瀋山東地方錢糧通欠甚多自康

熙五十八年至雍正十二年帶徵未完積欠

通計三百餘萬兩先經王士俊會同岳瀋奏

請委員清查將歷年積欠諸弊逐一設法清

釐內有納戶已完被書役侵蝕者竟至八萬

餘兩而豪紳劣衿力能全完有心抗欠者亦

正復不少且各州縣流水串根紅簿等項大

都缺畧不全甚至書役舞弊乘機燒毀滅蹟

又開徵之時並不刊發實徵由單民間不知

完欠數目科則混淆頑良莫辨錮習已久自

委員實力清查良民始知應完額數益加踴

躍奉公而頑戶豪強咸知斂手奉法不敢拖

延一載之間完至一百七十餘萬兩夫任土

作貢國家之常經先公後私氓庶之分誼若

果遇水旱不齊租賦無出自應邀免如其屢

豐之年故為抗欠殊非良善之輩即如豫省

與山東接壤民風淳厚皆知早完國課每年

歲底全完者有五六十州縣及至奏銷屆期

尾欠無幾朕上年御極之初特沛新恩將直

省雍正十二年以前民欠悉行豁免山東積

欠未完之一百二十餘萬兩亦概予蠲除而

豫省所豁免者惟祥符鄭州陳留考城四州

縣民欠七千餘兩其餘通省悉皆無欠則兩

省風俗之淳漓官吏董率之勤惰亦大概可

見矣朕聞山東有不欠錢糧不成好漢之惡

諺倘見朕屢布寬大之詔誤謂從前清查為

多事負朕逾格之殊恩仍踵頑抗之故智豪

紳劣衿蠹書奸役恣意拖欠。罔顧正供者。朕當加以重懲。必不姑貸。地方大吏有司。不思善於催科。玩縱廢弛。復致積逋纍纍。察出亦必嚴加處分。至從前清查人員。曾經王士俊、岳濬奏明告竣之日。分別議敘。仍著岳濬查明。將此等人員內。實在清查得法。完納最多者。酌量題請議敘。以示鼓勵。嗣後岳濬必須一守王士俊成規。催科撫字。並行不悖。方為盡職。若聽劣衿蠹役之拖欠。而於國課有虧。則朕惟岳濬是問。○以少詹事隋人鵬為河南按察使。○以江南鎮海將軍標中軍副將杜愷署理河南河北鎮總兵官。○辛巳。

孝端文皇后忌辰。遣官祭

昭陵。○

上詣

皇太后宮問安。○諭總理事務王大臣。前因軍興以來。於邊疆蒙古地方。派大臣官員駐劄辦理事務。今大兵已徹。僅可少留兵丁。駐劄

防邊事既無多。所有各處駐劄辦事大臣官員內。應徹者。著總理事務王大臣議奏。○又諭總理事務王大臣曰。貴州提督哈元生辦理苗疆。剛愎自用。與巡撫元展成文武不和。諸凡不能預為防範。及逆苗蠢動。仍擁兵觀望。以致賊勢猖獗。百姓受其荼毒。伊身膺揚威將軍之任。稽遲軍務。著拏解來京。嚴審定擬具奏。○裁直隸副總河缺。以直隸總督兼管河務。○以廣西左江鎮總兵王無黨署理貴州提督。○壬午。諭禮部。凡由捐納候選之貢監舉人。例不得與鄉會試。從前事例有捐應鄉會試一款。今捐例已概行停止。此等人員。尚在需次選曹。與既登仕籍者有間。直隸各省貢監。願與鄉試舉人。願與會試者。准令一體考試。以示鼓舞人材之意。○大學士邁柱奏請各部郎中員外主事。奉差學政者。本缺另行銓補。至陞轉之處。仍就原官與現任司員一體論俸。遇應陞之缺。吏部照例推陞。

具題請旨。以陞銜註冊俟任滿回京補用。再郎中俸滿應陞道府者亦准以即陞註冊俟任滿考核稱職以應陞之缺選用俱下部議行。○癸未以江西廣饒九南道陳惠榮為貴州按察使。○以編修王峻為雲南鄉試正考官御史鍾衡為副考官刑部主事蘇霖渤為貴州鄉試正考官刑部主事金溶為副考官。○內閣翰林院帶領癸丑科散館修撰編修庶吉士引見得旨清書庶吉士梁文山周正思王檢注師韓張映辰趙瓚為編修陳中榮劉元炳杜謐王芥園為檢討漢書編修張若靄修撰陳佚編修沈昌宇已經授職庶吉士朱續暉夏廷芝姚孔鋹張湄沈景瀾鄂容安儲晉觀張為儀賴翰顥陳仁陳大受肇敏雙慶朱恒鄂倫楊二酉阮學濬程鍾彥馮元欽王文充羅源漢為編修宋楠介福邱玖華張蘭清沈齊禮傳為訥胡定辛昌五為檢討李敏第吳文煥時鈞轍朱泮功額爾登額福魁楊琨劉學祖赫成

我吳士功俱以部屬用。吳祖修吳學瀚徐梁棟范從律劉孔昭王廷鴻俱以知縣即用。于開泰李天秀著歸進士原班銓選編修田志勤准作散館庶吉士雷鉉亦准作散館一體授職。○兵科掌印給事中瞻塔海奏請漢郎中員外降調准補員外主事又漢官降級革職奉旨補用之員准其通算前俸俱照滿員一體辦理尋下部議各部郎中等官遇有降調事故果屬因公而平昔熟練部務者准該部堂官保題帶領引見請旨留部辦事咨部以各該部主事題補降革漢官欽奉特旨以降革之案本屬寬抑准其開復原官補用者通理本任前俸以歸畫一從之。○甲申諭戶部由科甲出身之部曹差任學政者皇考准其帶翰林編檢銜以示優視學臣之意乃該員兼銜之後原缺除授有人該部既不便請俸而翰林衙門見其尚繫虛銜亦未便遽為請俸是部曹一任學政而反失其常祿

也。嗣後部曹出任學政。帶翰林銜者。或照原官論俸。由該部支領。或照編檢論俸。由翰林院支領。該部妥議具奏。○以護軍統領都來署正白旗滿洲副都統。○乙酉。諭八旗都統八旗陣亡人等所得官職。若無親生之子。請令伊弟兄承襲。所辦殊屬錯謬。此非伊祖先勞績所得官職可比。若弟兄有子。即過繼與孀婦為嗣。令其承襲。則世次相當。而承陣亡之人祭祀養贍孀婦。亦均有賴。若弟兄子嗣無多。僅有一子。伊尚可生子。先將此子過與孀婦為嗣。令其承襲官職。將來即乏子嗣。究有此子承繼。再本族中子孫內。如有已經過繼孀婦為嗣者。雖有近派兄弟之子。若孀婦情願令養子承襲者。應亦聽孀婦所請。令養子承襲。○丙戌。訓飭八旗節儉。諭總理事務王大臣。八旗為國家根本。從前敦崇儉樸。習尚淳龐。風俗最為近古。迨承平日久。漸即侈靡。且生齒日繁。不務本計。但知坐耗財求。罔

思節儉。如服官外省。奉差收稅。即不守本分。恣意花消。虧竭國帑。及至干犯法紀。身罹罪戾。又復貽累親戚。波及朋儕。牽連困頓。而兵丁閒散人等。惟知鮮衣美食。蕩費資財。相習成風。全不知悔。旗人之貧乏。率由於此。朕即位以來。軫念伊等生計艱難。頻頒賞賚。優卹倍至。其虧空錢糧。已令該部查奏寬免。其入官之墳塋地畝。已令查明給還。其因獲罪革退之世職。亦令查明請旨。似此疊沛恩施者。無非欲令其家給人足。返樸還淳。共享昇平之福也。現在日與王大臣等籌畫久長生計。次第舉行。惟是曠典不可數邀。亦不可常恃。而旗人等蒙國家教養之厚澤。不可不深思猛省。自為家室之謀。即如喜喪之事。原有恩賞銀兩。自應稱家有無。酌量經理。乃無知之人。止圖粉飾虛文。過為靡費。或遇父母大故。其意以為因父母之事。即過費亦所不惜。不知蕩盡家產。子孫無以存活。伊等父母之心。

其能安乎否乎。他如此等陋習。不可悉數在已。不知節省。但希冀朝廷格外之賞賚。以供其揮霍。濟其窮困。有是理乎。嗣後務期恪遵典制。謹身節用。勿事浮華。勿耽遊惰。交相戒勉。惟儉惟勤。庶幾人人得所。永遠充裕。可免窘乏之虞。況旗員內之老成謹慎者。可望擢用外任。上為國家効力辦公。下亦可得俸祿養廉。以贍給家口。倘伊等不知痛改前非。仍蹈覆轍。驕奢侈靡。虧帑誤公。則是伊等下愚不移。自取罪戾。不惟恩所不施。且為法所不貸。朕必仍前按律懲治。不少姑息。且朕今日所寬者。即向日虧空官帑。驕泰自恣之人也。若不痛自改省。謹遵法紀。則將來不於伊身必於伊等之子孫。又復罹追比之苦矣。又何樂於目前數日之花費乎。凡朕之所以諄諄訓誡者。總為伊等豫謀久遠生計。八旗大臣等。可通行曉諭官兵人等。其各敬聽朕言。熟思審計。以無負朕之期望。○總理事務王大

臣等奏。本月十七日奉旨。前者軍興以來。令大臣官員往駐蒙古邊疆。辦理事務。今大兵既撤。僅留駐兵。一切防守事宜。並已減省。其各處辦理駐劄之大臣官員。有應徹者。著總理事務王大臣等議奏。臣等查駐劄歸化城辦事尚書通智。駐劄西寧巡撫德齡。散秩大臣塞楞。郎中三達禮。員外郎五十七。王事齊明。駐劄肅州內閣學士岱齊。侍讀學士阿蘭泰。駐劄哈密員外郎達桑阿。扎史。駐劄西藏副都統馬拉。那蘇泰。員外郎那遜額爾格圖。駐劄呼倫貝爾領侍衛內大臣哈達哈。原任郎中伊特格爾。以上各官。尚書通智。本以歸化城都統根敦。副都統席爾塔。悉赴軍營。其地乏人。是以遣往。今根敦。席爾塔。已各還所。在。應令通智。俟修城駐兵等事竣。即行還京。西寧原駐大臣一員。辦理青海蒙古番子事務。兵興以來。始增駐大臣章京等。今既徹兵。應於德齡。塞楞。三達禮。三員中。留一員。餘並

撤回。至五十七。齊明軍前。歷年最久。應令理藩院奏請更換。肅州辦理軍需。較前亦少。應於岱齊。阿蘭泰。二員中。留一員。哈密駐劄章京。協同扎薩克辦事。因一人不能換班。又增一員。定例二年更代。哈密現有駐兵。達桑阿。扎史。仍應留彼。俟年滿更代。西藏向無大臣官員駐劄。前以康濟。鼎與頗羅。鼎交惡相攻。因遣大臣率兵暫駐。今達賴喇嘛還藏。兵亦撤回。毋庸更駐大臣。現今侍郎杭奕祿有事赴藏。令其酌辦。奏到日。再將馬拉等定議。進止。哈達哈前往軍營。亦四載餘。請交兵部。於明年二三月間。奏請遣官赴呼倫貝爾更換。伊特格爾。亦令同還。得旨。西寧著留德齡。肅州著留阿蘭泰。其通智承辦之修城駐兵等事。著令完畢。再行具奏。請旨。餘依議。○八旗王大臣會議。侍讀學士積德條奏。拖欠錢糧人等之入官房地奴僕。與墳墓相關。賞還本人。畫一辦理一事。入官房屋地畝。與墳墓相

關者。從前入官時。有登記檔案者。亦有臨時報出者。此內亦有希圖微倖多報者。若視其報出。即行賞還。則不肖之徒。希圖微倖妄報。在所不免。臣等公同酌議。入官墳塋祭田內。與墳墓相關者。如係三項以下。即查出賞還本人。其十餘項者。將三項賞還本人。餘者入官。此項房地內。賣出者。交各該旗查明在部原交數目。支領贖出。退還本人。看守墳塋人內。已經賣出者。若令贖還。或有拆散夫婦之事。除已經賣出者。毋庸議外。其現在官者。俱請查還。又此項墳塋地畝。聖主施恩賞還。誠恐伊等絕祀。實仁慈之至意。但此內有弟兄數人者。雖一人之房地入官。其弟兄尚有房地。若此者。請毋庸查辦。如此。則聖恩週徧。亦可去宵小微倖之事。命下之日。交與各旗秉公查辦。從之。○定邊大將軍慶復疏言。臣等與喀爾喀副將軍等。酌

議安設卡倫。每處於侍衛護軍中。選一人專管。再於喀爾喀四部中。選賢能台吉一人。協同辦理。其台吉等月糧。照例給與。兵丁六月一換。喀爾喀內卡倫。並如舊例。每處撥章京一員。兵丁二十名。於西三部落。按佐領撥出。其豫備操演兵三千名。於土謝圖汗敦丹多爾濟部下。撥扎薩克一員。副台吉三員。官七員。兵一千三百六十二名。於貝子成家扎布部下。撥扎薩克一員。副台吉二員。官四員。兵七百四十八名。於扎薩克圖汗格勒克雅木丕勒部下。撥扎薩克一員。副台吉一員。官三員。兵三百五十六名。於車臣汗達瑪琳部下。撥扎薩克一員。副台吉二員。官四員。兵五百三十四名。每名給馬三匹。每百人轟一杆。十人旗一面。五人帳房一架。計兵三千名。內一千名。給與鳥鎗。每年六月初旬。齊集鄂爾昆操演豫備。九月徹巡哨兵時。令各歸本游牧處。先是西邊三部落中。共撥兵一萬二百名。

於車臣汗部下。撥牽駝兵六千。嗣減一千。存五千。合計一萬五千二百名。除駐劄鄂爾昆烏里雅蘇台一千五百名。每年調往鄂爾昆操演三千名。尚餘兵萬餘。令在本游牧處。整練保聚。以備緩急之用。有事易於調集。器械務令整齊。令副將軍與叅贊貝勒公等。一年一次會閱。每年出哨之兵。各路並撥一百五十名。每逢夏秋二季。三路分發。撥東三省營總三員。率領前往。其侍衛護軍等。俱有管轄卡倫之責。若復令出哨。恐人不敷用。請於在京新滿洲索倫巴爾虎厄魯特等侍衛中。揀發十員。以備差委。三年期滿更換。得旨。如所請行。其初次查勘臺站。著派叅贊大臣一員前往。嗣後間歲派叅贊大臣一員往勘。至喀爾喀游牧處。豫備之兵。其會集及檢閱器械。著將軍叅贊大臣會議。於叅贊大臣內派出一員。會同喀爾喀副將軍。叅贊貝勒公等。公同閱視。其將軍親自會閱之期。幾年一次。著

額駙策凌酌定具奏。○丁亥。

上詣雍和宮

梓宮前行月祭禮。○大學士管浙江總督嵇曾筠奏。浙鹽現已充裕。前將淮鹽通融接濟。恐奸販影射。請即停止。從之。○吏部議覆。署兵部侍郎王士俊奏。請嗣後現任官員。父母年七十以上。家無次丁者。或有兄弟而篤疾不能侍養者。及父母年老。雖有兄弟而同父異母者。又祖父母年七十以上。家無次丁者。或年至八十以上。雖家有次丁。願請終養者。不拘歷俸三年之限。該督撫取具印結具題。仍照舊例。准其回籍終養。應如所請。從之。○戊子。訓文武大吏和衷。諭總理事務王大臣。國家封疆重寄。端於督撫是賴。督撫兩官。實為一體。至於提鎮。均任封疆之責。文武雖有專司。兵民雖有專轄。而事皆朝廷之事。兵皆朝廷之兵。民皆朝廷之民。譬如手足臂指之同在一身也。烏可以歧而二之。存彼此之見。分

畛域之形哉。古人重和衷之義。蓋兩三人共一事。和則成。不和則隳。易曰。二人同心。其利斷金。書曰。推賢讓能。庶官乃和。劉向曰。衆賢和於朝。則萬物和於野。和之收效。彰彰如是。苟其不和。督與撫各持己見。互相齟齬。則教令紛更。事務稽滯。百姓罔知趨向。屬吏無所稟承。事每多歧。澤不下逮。甚至乖戾之氣。上干

天和。而全省受其害矣。文與武不和。則文員藐視武弁。而存疎遠之心。武弁嫉妬文員。而懷不平之意。以致兵民不協。爭鬪相尋。而閭閻行伍。皆為之不寧矣。凡此不和之故。往往起於意見之參差。而成於屬官之讒構。凡人性情好尚。不能皆同。氣質偶偏。亦所不免。而不肖屬員。每利於上官之不睦。得以自行其私。遂爾乘間伺隙。巧於浸潤。日積月累。嫌隙益深。至於不可解釋。向來各省大員。多蹈此習。而不自知其非。我

皇考屢加訓飭。尚有未能悔改者。如程元章。隆昇。元展成。哈元生。即目前之顯然昭著者矣。皇考聖諭曰。人臣共事。斷無公而不和之理。此千古不易之大訓也。蓋以公心事主。則其心止。知有國事。不知有己身。僚案之間。同心合志。惟期有裨於政治。有益於民生。而愛憎無復介懷。恩怨有所不計。又豈區區萋菲讒間之言。所能搖惑於萬一哉。朕深慮向來之積習難除。人心之蔽錮不覺。用是切頒諭旨。儆戒提撕。凡為封疆大臣者。果能各矢公心。屏除私意。同舟共濟。休戚相關。則誠意交孚。上行下效。官弁皆敦協恭之誼。兵民胥成豫順之風。和氣致祥。受天之祐。豈非朕心所厚望歟。○諭內大臣海望。廣儲司每年所收八旗滋生利息銀兩。往往不能盡用。徒存於庫。此項銀兩。原為滋生。以助貧窮兵丁緩急之用。今爾等一年之內。所收利息若干。兵丁一年之內。紅白事件。需用若干。羨餘若干。按此項

羨餘銀兩數目核計。或現在加恩賞給應領恩賞人等。或遇未得錢糧。不應支領恩賞之鰥夫。及無子嗣之孀婦。紅白事件。賞賜之處。著內務府總管會同八旗大臣。查明詳議具奏。尋議。內務府八旗滿洲。蒙古漢軍。兵丁先後共支領過滋生銀一百十萬兩。每月應交利息銀一萬一千兩。每年共得利息銀十三萬二千兩。內除漢軍於明年正月起。賞給恩賞銀外。八旗滿洲蒙古包衣三旗。約計應需銀七八萬兩。羨餘之銀。仍尚有二萬餘兩。照此數核計。應賞事件十八款。俱予加增定議。俟

命下之日。請即由本年交納利息銀兩內動用。年終彙題。八旗照原議支賞銀兩數目奏聞。彙題。羨餘銀兩存庫從之。○授一甲一名進士金德瑛。為翰林院修撰。一甲二名進士黃孫懋。一甲三名進士秦蕙田。為翰林院編修。○兵部議准。貴州按察使方顯疏。請武闡鄉試於本省

州縣調取科甲出身之員。不必於別省調取。各直省一體遵行。從之。○辛卯。

上詣

皇太后宮問安。○命廣布

御纂經書。定生員試經解。諭總理事務王大臣。從來經學盛。則人才多。人才多。則俗化茂。稽諸史冊。成效昭然。我

皇祖聖祖仁皇帝。道隆義頌。學貫天人。凡藝圃書倉。靡不博覽。而尤以經學為首重。

御纂周易折中。尚書彙纂。詩經彙纂。春秋彙纂等編。又有朱子全書。性理精義。正學昌明。著作大備。我

皇考世宗憲皇帝。至德同符。孝思不匱。特敕直省布政司。將諸書敬謹刊刻。准士子赴司呈請刷印。蓋欲以廣

聖教。振儒風。甚盛典也。乃聞各省雖有刊板。而士子刷印寥寥。蓋由赴司遞呈。以俟批發。既多守候之勞。且一生所請。不過一部。斷不能

因一部書而特為發板開刷。士子所以欲多得書而其勢不能也。朕思諸書實

皇祖惠教萬世。

皇考頒行天下之典籍。安可不廣為敷布。著直省撫藩諸臣。加意招募坊賈人等。聽其刷印。通行鬻賣。嚴禁胥吏阻撓需索之弊。但使坊賈皆樂於刷印。斯士子皆易於購買。庶幾家傳戶誦。足以大廣厥傳。朕又思

聖祖仁皇帝四經之纂。實綜自漢迄明二千餘年羣儒之說而折其中。視前明大全之編。僅輯宋元講解。未免膚雜者。相去懸殊。各省學臣。職在勸課實學。則莫要於宣揚

聖教。以立士子之根柢。每科歲案臨時。豫飭各該學。確訪生童中。有誦讀

御纂諸經者。或專一經。或兼他經。著開名冊報俟考試文藝之後。該學政就四經中。斟酌舊說。有所別異處。摘取數條。另期發問。只令依義條答。不必責以文采。有能答不失指者。所

試文稍平順。童生即予入泮。生員即予補廩。以示鼓勵。務宜實力奉行。以副朕尊經育才之意。○吏部議覆福建總督郝玉麟奏請漢人州縣收用長隨。比照旗員家人之例。於到任後限三日內。將長隨姓名籍貫來歷。並派管何項執事。造具印冊。分報該管上司存案。或有辭退及驅逐者。亦開具事由。申報上司查核。倘本官以劣蹟贓款被參。即將長隨一併看守。審明完結。載入例冊。通行各直省督撫一體遵行。從之。○又議覆福建按察使覺羅倫達禮疏言。知府以下。實係老病告休官員。該督撫委員驗實。出結之後。准照丁憂官員之例。一面題咨。一面催令交代清楚。即給咨回籍。免令守候。應如所請。從之。○以山東臨清營副將張存孝為陝西河州鎮總兵官。調河州鎮總兵王邦寧為陝西興漢鎮總兵官。○壬辰。總理事務王大臣等奏言。布魯克巴部諾顏林沁齊壘喇卜濟。感戴皇恩。親至

西藏恭請聖安。獻珊瑚數珠一串。所部織緞五疋。伏思布魯克巴乃藏外極遠部落。林沁齊壘喇卜濟為其酋長。恭請聖安。奉獻表文。請以所進物。付部賞給如例外。加恩賜粧蟒各一匹。大緞三匹。得旨依議。再酌賞玻璃器數事。○鑲紅旗漢軍都統石禮哈將本旗原署都統印務世子。今襲封順承郡王熙良等名下。分賠軍需銀兩一案。應追應免。具奏請旨。諭曰。此項銀兩。乃應免之項。但熙良身係郡王。於限內並不完納分文。耽延時日。甚屬卑鄙無恥。熙良名下應賠銀兩。仍著該旗速行追繳。以為王公倚勢玩公之戒。其馬世佐應賠銀兩。著寬免。○癸巳。諭曰。副都統于永世前派出守護

泰陵。今伊綠事革職。仍賞副都統銜。照原派行走。○召丁憂翰林梁詩正來京。在南書房行走。○吏部議覆湖廣總督邁柱疏言。湖南上肖。下肖。茅岡。大刺等處。已經改土歸流。上下

二崗。歸桑植縣管轄。添設巡檢一員。大刺一司。歸龍山縣管轄。茅岡地方。歸永定衛改設新縣管轄。並上下二崗。添設新村。利泌溪。崇嶺。崗潭。西塘。歸桑植西南路把總專管。茅岡司。添撥千總一員。以永定營復社溪千總移駐。外委一員。以黑松關外委改撥。大刺司。添設外委把總一員。均應如所請。從之。○是月。江南總督趙宏恩奏。拏獲鹽犯。得旨。緝拏私梟。絲毫不可寬縱。看來該縣辦理。似覺過軟。即卿亦不可稍存姑息也。○江南總督趙宏恩。江西巡撫俞兆岳奏。江西營務。因親驗。辦理稍遲。得旨。即云必須親驗。亦何至遲至二年之久哉。至所辦理。尚為合宜。然在實力奉行。不在片摺之陳奏也。○江南總督趙宏恩。署兩淮鹽政尹會一奏。請將兩淮存餘之垣鹽。運至鎮江府。轉發認運。鎮江府屬之浙商。按照浙引行銷。其引課在浙江運庫完繳。以淮鹽之有餘。濟浙鹽之不足。而且鎮江府屬

得此接濟。則應運鎮屬之浙鹽。又可轉濟多郡。鹽觔並得寬裕。價值均可平減。得旨。允行。○江南河道總督高斌奏。查勘毛城鋪迤下河道緣由。得旨。嵇曾筠。乃熟悉河務。識見明通之人。據奏工程。尚在今冬明春之時。可於親身查勘後。據已見咨商。即稱朕旨。令其妥議。必有裨益。勝似朕之面諭也。○又奏。請河工効力。通判陳齊叡。知州姜培恩。徹回原籍。得旨。此係應行叅奏之事。聊以處一警百。何可以外結請旨乎。雖然。如今於此等事件。能直陳無隱者。亦鮮矣。汝此奏。朕甚嘉之。○閩浙總督郝玉麟奏。禁戢奸徒私販。酌辦貧窮老少男婦。負賣鹽觔。得旨。此奏在事後之調濟。則善矣。若未雨之綢繆。則未也。故傳云。水懦弱。民狎而玩之。則多死焉。故寬難。夫朕之本意。豈令其如是哉。天津淮鹽等處。皆有此弊。已經部議矣。卿其酌量妥辦可也。○戶部尚書署湖廣總督史貽直。遵旨酌議。大學士

署湖廣總督邁柱疏請原任督臣額倫特所帶駐荆滿洲兵丁頂食督標馬步糧餉八十名。應悉行撤回。交荆州將軍管束。得旨。應如是辦理者。○兩廣總督鄂彌達奏酌定鹽務規條。一近場貧難兌獨許挑負四十觔以下。在本境易米度日。透越外境以私鹽論。一各場埠巡丁巡船。扼要巡查。不便概行停止。得旨。此奏朕嘉是之外。別無可批諭。一一照卿所請行。別有旨諭部。○漕運總督程元章奏督押漕船。依限抵通。得旨。總漕之任。惟有督催運丁。整飭漕標一事。較之浙撫實為易為。若再不盡心竭力。而有所游移。則汝為無可用之才矣。勉之戒之。○前四川總督黃廷桂奏府廳州縣佐貳教職等官。應得廉俸。布政司逐一開明。檄發該管府州。於遣官拆封之便。一面扣留。一面通報。得旨。告之新撫臣。令其酌議。俾微員不致拮据可耳。若更張定制。恐啟不肖有司。私拆挪移之弊。乃不可行者。○

福建水師提督王郡奏。公項買穀貯倉。借給兵丁。各兵不用買米。而民間時價漸平。得旨。此事汝料理甚屬妥協。○廣西提督霍昇奏巡撫金鉞言躁而失實。志驕而氣浮。失封疆大臣之體。得旨。金鉞原屬不妥。不因汝奏後始知也。○江蘇巡撫顧琮奏。拏獲私鹽。及執旗開市一案。得旨。此事汝等辦理殊屬不濟。較之李衛。不及遠矣。可與趙宏恩共觀之。○江西巡撫俞兆岳奏恭謝

聖訓。得旨。汝初任江西巡撫。凡事不可不公忠自矢。撫卹與整飭並行不悖。然後為能盡職也。○又奏。親勘移鎮形勢。區畫緣由。得旨。汝前奏請私訪。是以朕未俞允。若地方上有必應親勘之事。可具題報部。明行勘視。何庸私訪為哉。○又奏。增添戰守兵丁。召募勤幹捕役各事宜。得旨。諸事惟在汝公平料理。久後還朕一是字而已。至於目前。即一二事妥當。亦不足謂稱巡撫之職也。○湖南巡撫鍾保

奏報。達苗已經勦撫平定。黔省難民。逃入楚境者。回籍復業。得旨嘉獎。○河南巡撫富德。奏。汝寧府知府徐石麟。瞻徇屬員。信陽州知州艾淳。匿災不報。兼有貪劣實蹟。得旨。是。參一二不能愛養百姓之屬員。何用如此費筆墨乎。至被災州縣。尤當加意賑卹。○稽察歸化城給事中永泰。奏。雨暘時若。得旨。忻悅。覽之。但不可年豐則奏。遇災則掩飾也。汝條陳數件。已交總理事務王大臣密議矣。汝此奏。朕甚嘉之。凡臣之事君。知無不言。言無不盡。方為盡職。況汝現居言職乎。汝所知。奏聞於朕。其可行與否。朕自有酌量。○直隸副總河定柱。奏。與總河劉勳。會議河務。得旨。河工之利弊。是顯而易見之事。將來自難逃朕之洞鑒。豈先入之言。所能隱飾乎。看汝是一極不安分之人。汝當小心。朕訓不可數得。朕宥。不可屢邀。戒之戒之。○杭州織造蘇赫訥。奏。到任謝恩。得旨。勉力為之。凡外間有民隱不

能上達者。汝應據實陳奏。但不可因事挾制地方。至於地方年成分數。尤應無欺無隱。密行具奏也。○陝西延綏總兵米國正。奏。領兵防駐哈密。將親子米敏。帶往學習軍務。得旨。汝加意教導汝子。以期將來成材。為國家之用。哈密駐防。乃第一要緊邊防。關係匪淺。所當時時小心著意。以無事為有事。以豫防於平時。遇有事若無事。以鎮靜於臨變。必俟兵夷協和。機宜適當。方為不負任用。俟汝到駐防處。有應行摺奏事件。即行摺奏。

大清高宗法天隆運至誠先覺體元立極敷文
奮武孝慈神聖純皇帝實錄卷之十七

實錄卷之十七

三

大清高宗法天隆運至誠先覺體元立極敷文
奮武孝慈神聖純皇帝實錄卷之十八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務兵部黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰五月甲午朔

實錄卷十八

一

上詣

奉先殿行禮。○署福建陸路提督蘇明良奏。福興。泉漳。地方。山海交錯。水陸分界。請於到任後。巡查一次。點驗軍械。校閱騎射。下部議行。○乙未。諭總理事務王大臣。朕惟撫安百姓。必先嚴察胥吏。而修築工程之地。弊端尤多。關係更屬緊要。聞直隸永定河。每夏秋間。時有衝決。修築隄岸。夫役物料。不能不取辦於民間。胥吏朋比作奸。其人工物料價值。肆意

中飽毫無忌憚。且將物料令民運送工所。往返動經百里。或數十里不等。腳價俱係自備。種種擾累。吾民其何以堪。嗣後河工諸臣。與協辦河務州縣官。皆宜實心籌畫。嚴行稽察。無論歲修搶修。凡民夫物料。應給價值。務照實數給發。不得聽任胥吏。絲毫扣剋。以致貽累百姓。如有漫不經心。仍蹈前轍者。或經朕訪聞。或被人題叅。必從重處分。○命翰林院編修顧成天。在南書房行走。○兵部議覆直隸總督李衛奏。稱泰寧改協為鎮。其改駐衙署營房。行文總理工程處辦理。應如所請。從之。○丙申。

孝誠仁皇后忌辰。遣官祭

景陵。

上詣

皇太后宮問安。○飭標營奮勵操演。諭總理事務王大臣。自古治經邦之道。揆文必兼奮武。誠以兵可百年不用。不可一日不備也。國

家承平既久。武備營伍。最宜加意整頓。雍正七年間。

皇考特降諭旨。令各直省訓練戎行。精熟技藝。即如鎗手演習火器。毋許只放空鎗。必用鉛子打把。演熟準頭。俾成利器。以收實用。乃朕聞各直省實力奉行者甚少。鎗手仍係空放。並未習用鉛子打把之法。弓箭手多用軟弓。專講虛架。並未練挽強貫扎之能。藤牌手僅以滾跌花簇見長。並未學推鋒破陣之技。似此虛文塞責。毫無實益。相沿日久。恐致營伍廢弛。關係匪淺。嗣後各直省督撫提鎮。務各留心整飭。俾將士奮勵操演。庶幾隊伍兵丁。悉成干城捍禦之材。乃為無曠職守。倘有怠忽因循。仍蹈舊習者。朕必重加譴責。○內閣翰林院帶領新進士引見。得旨。金德瑛黃孫懋。秦蕙田。已經授職。蔡新曹秀先。洊得宜。趙青藜。何達善。曠敏本。史園。方簡。徐鐸。張大宗。金門詔。顧之麟。張孝桢。王見川。楊黼。時。郝。世。

正史積琦。彭樹葵。胡中藻。邵鐸。張若潭。吳喬齡。孫畧。張麟錫。聞崇。王秉和。蘇裏雲。仲永檀。李師中。張應宿。甄鈞。萬年茂。李為棟。周資陳。李芳馨。張尹。李清芳。壯德。潘乙震。鄧時敏。興泰。朱璣。蔣枋之。全祖望。鶴年。雙頂。鐘音。胡傑。吳泰。江漢。葉一棟。郭擢。李兆鈺。熊郢宣。王育枬。黃璋。鄭毓善。侯陳齡。趙允涵。劉起振。羅世芳。龔渤。洪汝勛。陸儀等。六十四員。著以翰林院庶吉士用。葛祖亮。李玉鳴。華棧。葉昱。鄒永綏。范楷。吳孫逢。陳材。黃永年。錢應霖。俞鴻慶。周永勛。黃世成。吳鼎。吳龍見。黃登賢。錢度。伍澤梁。吳聯珠。羅源浩。凌應龍。李來。烏爾登額。李果。涂錫禧。湯聘。梁秉睿。朱嘉善。鄭廷楫。周雷。朱秉中。王顯緒。王雲煥。許宰。虞欽元。張惟寅。溫必聯。劉淑堂。張汝潤。李宜青。竇需書。吳興宗。燕侯然。孟履中。蔣俛。佛爾清格。張瑚。凌之調。譚卜世。馬正午。龍鵬程。吳達善等。五十二員。著分派各部學習。屈成霖。王孚。黃詠。

戴源亨。李夢元。宗紹彝。詹豹畧。党偉元。李肖先。陳策。包桂。王緝祖。姚錦川。邱肇熊。甄汝舟。龍于飛。閻式復。路元升。茹璽。安依仁。李世垣等。二十一員。著以知縣即用。孫隆。劉文彥。王所掄。涂武陞。王時臨。侯紘等。六員。著以教職即用。餘俱照伊等甲第交部候選。如有願就教職者。具呈吏部。挨次補用。○戊戌。上詣雍和宮。

梓宮前供奠。○諭總理事務王大臣。據兩廣總督鄂彌達奏稱。本年二月內。欽奉上諭。凡行鹽地方。大夥私販。自宜嚴加緝究。其貧窮老少男婦。挑負四十觔以下者。不許禁捕。所有商人私雇鹽捕。及巡鹽船隻。幫捕汛兵。悉行停止。臣遵照部文。出示曉諭。各梟徒痛加悛改。勉為聖世良民。乃省城各處。竟有梟販成羣。手執印刷小票。稱奉廣東按察司明示。許令販私。不服盤查。及查白映棠告示。竟未遵奉諭旨。分別老幼。混稱貧難百姓。四十觔以

下者。不許緝捕。倘敢私自查緝。許被害之人。指名赴本司衙門控告等語。以致強壯奸徒。無不藉口貧民。公然販私。成羣結黨。目無法紀。白映棠以刑名之官。撓越鹽政。率意妄行。逞私債事。其咎難逭。理合奏聞。臣今酌定規條。凡有近場實在貧難無可資生之人。如年過五十以外。或在十五以內。及並無倚靠之乳獨老婦。許其挑負四十觔以下。在本境易米度日。不許透越外境。違者以私鹽論。該場埠巡丁。如有將貧難合例之人。騷擾盤查者。即以誣指平民販私治罪。其有年屬強壯者。即四十觔以下。亦仍以私鹽究擬。若有人鹽並獲。審非大夥私梟。仍照舊例。立即詳結。不得株連。至現設之巡丁巡船。其界連場地者。必須扼要巡查。不便概行停止。又如廣西銷鹽各埠。以及界連交趾。私鹽衝賺之鎮安等處。再福建之長汀。江西之寧都。皆大夥私梟出沒之地。亦難遽行停止。仍請照前設立。惟

有責成各地方官。隨時稽查。倘有生事擾民者。嚴加懲治等語。朕因各省鹽務。向來辦理未妥。不肖官吏。往往縱放大梟。拘拏小販。以致濱海近場之窮民。藉肩販以度日。餬口者胥受擾害。是以諭令寬其禁約。毋許苛求。原以惠養貧民。並非縱容匪類。聽其作奸犯科也。豈知無賴之徒。妄稱奉旨。肆行無忌。在直隸則有天津之事。在江南則有鎮江之事。在廣東則有廣州之事。遠近一轍。不約而同。若不速加嚴懲。則各處聞風效尤。將大為地方之擾害。李衛之嚴密查拏。鄂彌達之據實叅奏。此二人辦理。乃深知朕心。而洞悉政體者。若天下督撫。皆似此居心。而不存觀望之念。秉公執法。則兇暴咸知斂跡。必無長奸貽患之慮矣。鄂彌達著交部議敘。其鹽務規條。即照所奏行。白映棠職司刑憲。不能禁約私梟。反出示給票。縱民為匪。甚屬溺職。著解任來京候旨。朕自臨御以來。時時以我

皇考愛養百姓之心為心。凡從前官吏之奉行不善。涉於煩苛者。皆次第革除。務期與民休息。若天下民人。體朕此意。改過遷善。化頑為良。則朕寬大之政。可以永遠施行。此天下臣民之福。即朕之福也。今則不然。即如私鹽一事。朕本欲酌寬其禁。以養恤窮黎。而奸民乘機伺隙。結黨呼羣。凡向來之畏法而不敢輕犯者。今則公然肆橫。無所憚懾。觀此情形。是奸頑之民。不容朕行寬大之政也。朕為天下主。惟有執兩用中。期與天下臣民。休養生息。以成久道化成之治。豈肯姑息養奸。貽風俗之憂。釀閭閻之患哉。為此切加曉諭。俾遠近百姓。各自醒悟。洗心滌慮。務為良善奉公之民。以永受朕恩。著各省督撫。將朕此旨。刊刻頒布。務令遠鄉僻壤。咸共知之。○己亥。諭總理事務王大臣。左都御史孫嘉淦。因辦理廢員一案。叅奏福敏。經年累月。不至衙署。案卷送閱。偏執已見。定准之稿。概不畫行等語。從

來大臣辦理公務。惟當一秉公忠。和衷商酌。於事方為有益。若各存已見。至於爭競。徒有妨於政體。毫無裨於國是。此風斷不可長。前者御史與禮部堂官。彼此爭執。至於叅奏。朕已降旨查問。今孫嘉淦與福敏。係同堂辦事之大臣。亦復參商如此。關係更大。若不從重議處。無以警戒將來。兩人孰是孰非之處。著總理事務王大臣。秉公查問。據實具奏。至於廢官案件。原係都察院承辦之事。今福敏既拘執推諉。孫嘉淦又欲市美沽名。不便令伊二人專辦。著將九卿職名開列請旨。朕另簡大臣。會同都察院辦理。○又諭查郎阿等奏。照舊設卡通信。該處並無應援之兵。所設小卡。實覺孤懸等語。其意在於不必安設卡倫台站。但朕思撤回之後。兩路中間。相隔遙遠。倘賊人從中間無人之處潛入。則兩路俱無從知覺。恐有未便。若照舊設卡。即或有警。亦可彼此得信。況在圖爾庫爾。量添兵丁駐劄。

保護亦屬可行。倘中間道路。非賊人行走之處。徹回之後。能保賊人不至潛入空處。則台站可以徹回。爾等寄信查郎阿等令再行悉心詳酌。妥議辦理。○以江安糧道王恕為廣東按察使。○庚子。訓勉科目服官自効。諭總理事務王大臣。國家以科目取士。廷試之後。分別任用。或選授庶常。或分部學習。或以縣令銓補。此因材器使之道。欲令士子各展所長。裨益政治。原非有用舍去取於其間也。聞向來士子。因詞林地望資格。優於外任。每以得豫是選為幸。及至引見後。輒於內用外用。妄生計較。此狃於習俗見聞之陋。而於朝廷優待士子之心。實未深悉。蓋今時縣令所轄土地人民。等於古者侯伯子男之國。撫綏經理。實賴通材。故親民之官。所係最重。果其材猷政績。卓然表著。類皆不次超擢。膺斯任者。何得不力圖報稱。而更生企羨乎。若身預詞林之選者。其名實尤難相副。蓋文詞不工。於

館職固為有愧。即使詞采可觀。尚恐流為浮華無用之士。務各砥礪廉隅。講求經術。漸致淹雅宏通。以無負選俊儲材之意。至於在部學習人員。分曹佐理。各有攸司。當念外省官吏。措置偶或失宜。尚有內部為之駁正。至部中所定章程。一經奏准通行。將來即引為成例。稍有舛錯。貽誤不少。安得不倍矢精勤。期免隕越。總之百司庶府。悉非營利之階梯。政事文章。各有當修之職業。務宜屏除私意。勉効忠良。庶幾識見日增。猷為日著。士風吏治。漸臻上理。朕實於爾等有厚望焉。○又諭朕因李紱保舉新進士過多。又聞伊在朝班將新進士派令九卿保舉。特降諭旨詢問。今據李紱奏稱。同在朝房。有諮詢擬議者。從旁勸助。臣實有之。且曾向趙之垣言及新進士原承猷。文藝頗工。勸其保舉等語。是李紱將伊私人。派令九卿保舉之處。已自認不諱。伊又稱凜承訓誨。惟有永絕妄言等語。朕即位以

來。並未有因臣工多言。即加以處分者。今李紱明係妄舉。乃自謂妄言。避重就輕。希圖朦混。著交部嚴察議奏。○先是監察御史宗室都隆額等奏。本年二月內。臣等奉命巡察會試外場。有夫役自內越牆而出。臣等當即叅奏。今吏部來文。准禮部咨稱。外場御史。於夫役越出。不能查察。相應移咨吏部。一併查取職名議處。臣等不勝駭異。夫役越出。臣等已經查叅。今禮部輒行文吏部。將臣等一併查議。伏思一併查議字樣。近似諭旨。且科道官員。例無咨部處分之條。臣等係原奏之官。會場知貢舉提調。係禮部堂司官。在被叅之內。不自引咎。徑將臣等咨部議處。挾嫌反噬。罔上欺公。為此據實叅奏。得旨。此案雖屬小事。但科道官員。與部院堂官。互相爭競。至於糾叅。甚非體統。此風斷不可長。其孰是孰非之處。著總理事務王大臣。確詢明白。據實具奏。遵旨。詢據各供。查場內夫役越牆。當經拏獲。

巡察外場御史。即行叅奏。是內場該管官。有怠忽之咎。與外場無涉。雖據禮部回稱。吏部向本部查取該管官職名。本部自應將內外場該管官聲明咨覆。實無專擅之處。但禮部移咨稿內。祇開送承辦委官。並不將內場該管官開送。而轉及外場御史。咨部一併查議。自屬不合。應請將禮部堂司官交部議處。至該御史叅奏。禮部摺內。稱該部罔上欺公。專恣威福。又稱一併查議。近似諭旨等語。激迫過甚。殊非陳奏之體。請交部一併議處。得旨。朕詳閱此案情由。其過全在禮部。著將禮部堂司官。交部察議。勵宗萬以禮部而兼知貢舉。內場之事。乃伊專責。又非堂官可比。著交部嚴察議奏。至御史等叅奏禮部。只當就事論事。乃於章奏之內。過為激迫。已甚之詞。此風亦不可長。著一併交部查議。○賜軍營病故內大臣永福祭葬。○辛丑。命進士單月選班改用舉人。諭總理事務王大臣。向來進士

候選。但於雙月銓補。嗣因人多壅滯。准於單月。亦立班選用。近來進士已經疏通。不過需次二三年。即可得缺。惟舉人選班壅積日久。現今猶需次至二十年。方可得缺。以致中年登科者。至精力就衰之時。方膺民社。難收實用。朕思進士已經疏通。應仍照舊例。但於雙月銓補。其進士單月班次。應改用舉人銓選。亦屬疏通舉人之一法。著交吏部詳查議奏。

○又諭總理事務王大臣。朕奉

皇考諭旨。辦理苗疆事務時。見廣西巡撫金鉷陳奏事件甚多。朕即位之初。伊於一兩月間。亦連奏事四件。今半年以來。未見伊陳奏一事。巡撫管轄通省。事務繁多。豈半年之久。地方民生吏治。竟無一可陳奏之處耶。抑存觀望之見。私心揣度。以朕欲尚簡靜。而緘嘿不言。為迎合之舉耶。為大臣者。公忠體國。只論事之當言與否。不必豫存意見。看來金鉷竟未能深知朕心。此次申飭之後。料伊必又將

不應陳奏之事。喋喋敷陳矣。若如此存心。何以膺封疆之重寄。爾等可傳旨曉諭之。○又諭各省巡察。俱已停止。山西巡察亦著停止。派往。○兵部議。御史蔣炳疏。請裁山西直隸添募之兵。以省繁費。應如所請。得旨。該部議稱。此項應裁之兵。俱暫留原餉差操。候該省各營兵丁事故缺出。停其召募。即將新兵陸續坐補等語。此議固是。但聞各省兵丁事故缺出。有挑本兵子弟頂補之例。若本兵子弟無可頂補。方行召募。今若概用新兵頂補。未免有碍本兵子弟食糧之路。此亦不可不為籌及。著該管大臣。悉心斟酌。期於兩全。若本兵子弟有可頂補者。仍用其子弟。若無可頂補。則用新兵。至新兵倘有拔補。及事故缺出。即停其募補。如此徐徐辦理。不必急遽。即遲至十餘年。裁減足數。亦未嘗不可。務令安置妥帖。俾新舊兵丁。均無失所。倘有辦理不善之處。朕必於該管大臣是問。餘依議。○兵部

侍郎吳應棻疏請督撫衙門設七品幕職二員。兩司設八品記室二員。三年一考。報部存案。六年考滿。送部揆選。府州縣設一九品掾司。申報督撫。或本人有出身者。計考先用。本官降革。不准與考。本官以贓酷敗。不能救正。定議處分。後官得辟留前任幕賓。陞調亦可帶往他省。吏部尋議。各省督撫幕賓雍正元年奉旨。原令分別保題議敘。布按二司。為通省錢穀刑名之總匯。應准照督撫之例。分別保薦。其道府州縣各員。到任。即將幕賓姓名籍貫。申報督撫存案。六年勤慎無過。辦事幹練。准令本官出考申送。各該督撫詳加考核。具題議敘。濫行保舉。照例議處。至各衙門幕賓。既未設有定額。去留來往。聽從其便。從之。

○壬寅。

上詣

皇太后宮問安。○諭總理事務王大臣。朕聞河南彰德一府七縣。共漕米三萬餘石。而臨漳

縣辦米三分之一。他邑每畝徵米四五合。或七八合不等。獨臨漳每畝徵米一升三合有奇。從前兌糧水次。在臨漳境內回隆鎮。是以額徵本色獨多。今水次移在湯陰縣五陵鎮。臨漳運米。必越安陽湯陰地方。始到五陵。且本地產米無多。漳民辦運維艱等語。朕思臨漳所辦漕米。果多於他邑。小民不無苦累。若欲減運。又有關於額賦。其可否照附近水次之安陽湯陰等縣則例。按畝徵米起運。其餘改徵折色之處。著傳諭巡撫富德查明酌議具奏。○諭各省督撫。據右通政李世倬奏稱。社倉一法。固以濟民間之缺乏。而救荒之法。即於是而可通。臣在湖北布政使之任。查社倉之春借秋還。立有社長。主其出入。蓋一鄉一堡之中。其人之貧富。業之有無。皆社長所深知。誠使為有司者。於春借之時。社長具報之日。即備詢其家業名口。而自注之於冊。或慮家業之消長不時。人口之添退無定。則再

於秋還之候。社長具報之日。復詢其故而改注之。此不過有司一舉筆之勞。不必假手胥吏。一旦遇有水旱賑濟之事。舉前所自注之冊。計其男婦大小名口。共有若干。按多寡之數而賑給之。視貧富之等而酌量之。自無舛錯遺漏浮冒之弊。臣愚欲請定例頒行。第恐有司未能留心於平日。一朝奉命。勢必責令社長另造戶口冊籍。責令百姓開報花名。彼此相傳。驚疑易起。請飭督撫轉飭有司。於社長冊報之時。專心查記。善為奉行。則不動聲色。不事煩擾等語。所奏似屬有理。但必有司善於奉行。方為有益。否則紛擾閭閻。未見其益。先受其累矣。著傳諭各該督撫。酌量地方情形。密飭有司。留心酌辦。倘該地方有難行處。亦不必勉強。○命編修阮學濬。注師韓朱續暉。梁文山。充協修記注官。○癸卯。示江南興修水利之法。諭總理事務王大臣。三代以前。不言水利。溝澮之制。時蓄洩。備旱潦。尚書

周禮所載。為田功計者。其利甚溥。開渠引水。溉田育穀。始於戰國。蓋因阡陌既開。溝澮尋丈。已失其舊也。歷代言水利者。得失參半。總以相土宜。順水勢。近不擾民。遠可利人為主。今江南所屬蘇。松。常。鎮。四府。太倉一州。現在興修支河。仿河工海塘之例。督撫分委降革廢員。及本籍候選考職人等。効力承修。朕思渠港圩壩。附近溉田。原宜開濬。以備旱潦。但開濬之法。須河身深廣。蓄洩得宜。其挑取塗泥。遠移他處。或培窪下之地。或築隄岸之上。方為久計。若僱夫挑土。堆貯河旁。雨淋水潦。旋即入河。不久淤塞。務名無實。徒滋煩擾。至古隄舊渠。倘遇旱潦。不為田害。便宜仍舊。紛更改築。甚無謂也。今蘇。松等處。內地支河。原不比河工海塘之險。古隄舊渠。如元和至和等塘。民利往來。田資灌溉。至今受益。吳本澤國。三江震澤。支流四溢。如邱與權。單諤。郊夏趙霖。夏原吉。周忱等所論水利。考据精核。得

失瞭然。今効力承修人員。相度形勢。諳練自遜前人。倘有夾塘蓄水。石梁洩河。止宜加修。不必改築。若有必應開濬建築之處。督撫留心細勘。并飭州縣協辦工程。一應調遣。指臂易使。至長洲等州縣。按畝派錢。以供大修。朕已降旨停止。倘有官吏藉端中飽。即絲毫派累。經朕訪聞。必加嚴處。嗣後督撫以至州縣。建言為民興利。或利小而害大。或利在目前。而害伏於後。或有利無害。而其事易創難成。皆宜詳審熟籌。慎之於始。以體朕惠養元元之至意。○又諭朕見直省督撫。糾叅屬員。臚列劣款。在督撫自必細加訪察。而後形之章奏。但其間有由道府詳揭者。豈遂無挾私報怨之弊。亦有自行訪聞者。或得諸胥役家人。與幕賓過客之詞。豈必事事皆為實蹟。惟應於叅劾既行。奉旨發審之時。秉公推問。務得確實。以期平允。倘因有屈抑。即將起初誤聽緣由。自行檢舉。或撫叅督審。督叅撫審者。亦

勿瞻顧同官之情。有所假借。如此。則用法皆得其平。屬員共知儆惕。而督撫改過不吝。不愧公爾忘私之義。庶無負朕委任大員。體恤下情之心也。○又諭查雍正元年三月間。曾奉皇考諭旨。令兵部行文各省督撫提鎮。於叅遊都守內。擇其漢仗好。人去得者。各據所知。秉公保舉。將職名具奏。若無可保之人。不必勉強。亦不必定數。今著該部遵照此例。行文各省。令其保舉。俟保舉到日。其繕摺每月進呈之處。亦照前例行。○又諭刑部。從前發遣人犯內。有因干犯銅禁獲罪者。今銅禁已弛。此等人犯。尚在配所。應加恩開釋。著該部查明行文各該處。釋放回籍。○兵部奏。一等子佐領兼散秩大臣祥泰。於侵蝕入官銀兩案內。革職。續經刑部審明。與祥泰無涉。應准開復。其世職已與石勇承襲。無缺可補。得旨。祥泰著補授散秩大臣。石勇著在一等子佐領上

行走○是日起

上以夏至祭

地於

方澤齋戒三日○甲辰諭兵部昨將八旗廢員三品

以上者帶領引見朕看伊等皆係年久大臣為

皇考平日所深知者其放廢緣由皆係應得之罪非

微末屬員被該管官冤抑叅處者可比自無概准

開復即行起用之理朕已分別記名將來擇其可

以効力贖罪者再降諭旨可將此旨曉諭知之其

文員事隸吏部仍著帶領引見○命修撰金

德璘編修黃孫懋泰蕙田在南書房行走

○乙巳革山東益都縣更名地減偏重納糧

諭總理事務王大臣聞山東青州府益都縣

有前明廢藩更名地一項在當日為藩封

之產不納課糧召人承種輸租各佃止更

姓名無庸過割謂之更名地較之民糧多

二倍至四倍不等在當日居民投靠藩勢

借佃護身積漸增加沿為陋例今則同為

民田而納糧尚仍舊額名為欽租地糧多賦重小民輸納維艱朕心軫念著將欽租名色裁革照依該縣上等民地按畝承糧每大畝納銀二錢一分零每小畝納銀六分四釐零歸入民糧項下一體徵收俾循惟正之供永除偏重之累著該部行文山東巡撫即遵諭行○命酌劑雲南鹽法諭曰朕聞各直省鹽政辦理之法各異如雲南所產井鹽俱係府州縣領銷派定額數由各鹽井領運分銷辦課不許越界販賣通行已久但府州縣繁簡不同民間生齒多寡不一凡兩迤衝繁之處人民輻輳不難照常銷引間或缺鹽借之鄰近州縣協濟其山僻州縣鄉村寫遠居民鮮少地方官恐蹈墮銷之咎關碍考成遂將鹽勛分派里甲挨戶分食官鹽按限繳課名曰烟戶鹽小民家口多者可以照數納銀若貧民家口無多餘鹽未曾食盡及期催追前課未完後派之鹽又至展轉積累懸欠難償夫

鹽為小民日用必需之物。慮民遠涉。是以因地制宜。不徒為銷引計也。乃一則患鹽之不足。一則患鹽之有餘。俱非均平之道。著該督撫酌量變通。悉心妥議。務使官不墮銷。民無偏累。毋得拘於成見。又聞雲南陸涼州地方馬廠等處。濱水低窪。以樹藝陞科未久。其徵收夏糧秋稅。有無累民之處。該督撫一併查議具奏。○又諭。顧成天家素貧寒。今來京供職。著賞內庫銀一百兩。資其食用。○總理事務王大臣會同理藩院大臣議。尚書通智等奏稱。殺虎口外清水河地方田畝。從前喀爾喀敬安固倫公主奏請耕種。康熙五十三年。因行走之人擾亂。停止耕種。雖將從前所領之票。具奏交部。而公主屬人。仍於其間耕種行走。今額駙端多普多爾濟。既赴喀爾喀地方。此處種地之人。難以遙管。理宜將此項田畝撤出。招民耕種。以足戍兵之糧。但額駙將此地耕種多年。已成熟地。照吐默特蒙古等

賣田每畝銀二錢例價。查額駙檔內。載伊屬人所種清水河田。四萬八千三百七十五畝。可否賞給銀九千六百七十五兩之處。恩典出自

皇上等語。查從前臣等因歸化城種地以足戍兵之糧。議令額駙端多普多爾濟在清水河較原賞田數。加倍開墾。至數萬頃。今額駙端多普多爾濟。既赴喀爾喀地方。此項地畝。自係招民耕種。飭交通智。將原賞地畝查出。如何折價。賞給額駙銀兩。併將伊屬人多佔地畝撤出。作何辦理耕種之處。議奏等因。奏准在案。今尚書通智等查明清水河地畝。從前雖經端多普多爾濟具奏停止耕種。將票交部。而屬人仍復耕種數年。俱應撤出。但額駙屬人。既將此地種熟。應照伊檔內所載耕田四萬八千三百七十五畝之數。遵蒙古賣田例價。每畝賞銀二錢。等因。咨覆前來。應如通智所奏。賞給額駙端多普多爾濟銀九千六

百七十五兩。所有清水河地畝。每年所得糧數。令通智等查明。照原奏辦理。所賞額駙端多。普多。爾濟銀兩。著伊派人持具印領赴京。在戶部支領。再通智等奏稱。清水河東北西爾哈墨哩圖一帶地方。西北烏蘭拜星一帶地方。原係蒙古游牧處所。續經額駙將蒙古等移於別處。已歷多年。臣等以為耕地至此處。如遇舊牧之蒙古人等爭競。即行確查。地畝果好。每畝賞銀二錢。別處安置。如地不成片段。即請退還。仍令游牧等語。查此帶地方。原係蒙古游牧處所。並非耕田建房者可比。自額駙端多。普多。爾濟屬人占據以來。移於別處安居多年。如屯田開墾。遇有蒙古爭競。即行給價。則徼倖告訐之人必多。辦理未免紛紜。應交通智等。將原在西爾哈墨哩圖烏蘭拜星游牧之蒙古。詳細查核。果係原耕之地。或照地給價。或仍令游牧之處。分晰辦理從之。○丙午夏至祭

地於方澤。

上親詣行禮。○遣官祭

關帝廟。○諭總理事務王大臣。朕聞江西地方。土瘠民貧。率多勤儉謀生。安分自守。惟山縣鄉村。常有兇蠻爭角。動輒統衆毒毆。將人活埋斃命者。如南昌府屬之靖安。臨江府屬之新淦。贛州府屬之信豐等縣。尤甚。且信豐地方。山村鄉鎮。有等豪蠻。私立禁約。規條碑記。貧人有犯。並不鳴官。或裹以竹篾。沉置水中。或開掘土坑。活埋致死。勒逼親屬。寫立服狀。不許聲張。似此種種慘惡。駭人聽聞。皆從前地方官員。失於化導禁約。以致村野兇暴。藐法橫行。若果係奸宄不法之徒。自當呈送官長。治以應得之罪。豈有鄉曲小人。狂逞胸臆。草菅人命之理。著該省文武大員。通行曉諭。嚴加禁止。倘有不遵諭。仍蹈前轍者。即行嚴拏。從重定擬。不少寬貸。○總理事務王大

臣議尚書通智奏稱。清水河右衛地方寬大。可以開墾千頃。殺虎口外有賞給右衛兵丁徵租之地。招民耕種。甚為有益。初次駐兵。糧食必不敷用。穀賤之年。口外運送。腳價較省。修城之時。如遇穀價賤。動支庫存各項錢糧。買穀數萬石。奏存倉內。應如通智所奏。於修城之時。乘穀石價賤。買糧數萬石收貯。將所買穀石數目。及用過錢糧數目。奏聞報部題銷。從之。○丁未。

上詣雍和宮

梓宮前供奠。○諭總理事務王大臣。朕聞河南永城縣地方。於本年四月內。黃水忽發。從江南碭邑之毛城鋪開口。汹涌南下。將申公隄祝家水口。冲坍。並東首古隄。亦坍二缺。潘家道口等集一帶。平地水深三五尺不等。雖未損傷人口。而二麥被淹。房屋亦有傾圮者。朕已切諭豫省巡撫等。將被水民人。加意賑恤。毋令失所外。查潘家道口一帶地方。年來屢

遭水患。自應亟為疏通。為人安百姓之計。但此水下流。多在江南蕭宿靈虹睢寧五河等州縣。今若止議挑濬上源。而無疏通下流之策。則水無歸宿之區。仍於河渠無所裨益。著河南巡撫富德。會同江南總督總河。各委賢員。會勘明確。公同妥議。速行辦理。務令水害永除。問閭安堵。以副朕為民防患之至意。○命修建州縣六房公宇。諭各省州縣。與民最親。凡大小案件。無不始終於州縣衙門。是以舊制錢糧刑名等項。分委承辦。設有六房。即附於州縣公堂之左右。使經制書吏居處其中。既專一其心志。亦慎重其防閑。立法最善。乃聞近年以來。多有六房傾圮。不加修葺。書吏棲身無所。往往抱其卷牘。收藏於家。每遇急需檢閱之案。有無存貯。悉以書吏之口為憑。而隱匿抽換之弊。不可枚舉。前後印官。雖心知其弊。而因循苟且。或修理無資。遂沿習而不知整理。此亦有關吏治之一端也。著各

省督撫。飭查所屬州縣內。若有六房屋宇未備者。各按舊基。如式建造。將一應案牘。慎密收藏。並查明號件。登記總簿。以備稽考。倘書吏換班。有私帶文卷出署者。從重治罪。若本官失察。一併議處。其修造之費。著該督撫藩司。於本省公用銀兩內。確估給發。○調福建漳州鎮總兵武進陞為廣東瓊州鎮總兵。建寧鎮總兵李蔭樾為漳州鎮總兵。○總理事務王大臣奏。遵旨詢問左都御史孫嘉淦。因辦理廢員。叅奏福敏一案。福敏。孫嘉淦均失大臣之體。俱應交部察議。得旨。福敏雖在書房行走。而衙門之事。亦可兼辦。何至經年累月。不進官署。顯係年老昏憤。廢弛事務。况廢員衆多。而福敏只批准五員。酌商七員。獨不思廢員用舍。總俟引見時。朕降諭旨。並不定於都察院之陳奏。何必遲迴拘執至此。是遲緩之咎。全在福敏。著交部嚴察議奏。孫嘉淦身為大臣。不能與福敏和衷共濟。輒於朕前

妄行瀆奏。且過甚其詞。亦屬不合。著交部察議具奏。○戊申。

上詣

皇太后宮問安。○宗人府議。色祿條奏。獲罪之覺羅人等。不入會審檔冊。臣等恭惟覺羅雖與宗室有間。亦與常人不同。查獲罪之人。彙入會審檔冊。復為減等。又三覆請旨定擬者。洵為國家寬仁厚澤。今將獲罪之覺羅人等。反不入會審檔冊。不分可疑可矜。覺羅人等。反至不能減等。臣等仰請此後覺羅有犯斬絞之罪者。仍入會審檔冊。以便復審。此內如有可疑可矜減等。不至於死者。仍照臣等原奏辦理外。果係情實。仍禁高牆。聽候刑部具奏。各犯情罪時。繕入情實罪犯覺羅之名次具奏。奉旨予勾時。按照刑部知照。臣等亦照宗室例。交本族人等即行辦理。從之。

大清高宗法天隆運至誠先覺體元立極敷文
奮武孝慈神聖純皇帝實錄卷之十八

實錄卷十八

三

大清高宗法天隆運至誠先覺體元立極敷文
奮武孝慈神聖純皇帝實錄卷之十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰五月己酉命原任山東按察

實錄卷十九

一

使吳騫以京員照例補用。○庚戌訓江南浙
江風俗崇節儉。諭總理事務王大臣。厚生之
道在於務本而節用。節用之道在於崇實而
去華。朕聞晉豫民俗多從儉樸。而戶有蓋藏。
惟江蘇兩浙之地。俗尚侈靡。往往家無斗儲。
而被服必極華鮮。飲食靡甘淡泊。兼之井里
之間。茶坊酒肆。星列碁置。少年無知。遊蕩失
業。彼處地狹民稠。方以衣食難充為慮。何堪
習俗如此。民生安得不愈艱難。朕軫念黎元。

期其富庶。已將歷年各項積欠。盡數蠲除。小民乘此手足寬然之時。正當各勤職業。尚樸去奢。以防匱乏。豈可習於侈靡。轉相倣效。日甚一日。積為風俗之憂也。地方大吏。及守令有臨民之責者。皆當徧行化導。宣朕德音。縉紳之家。尤宜躬行節儉。以率先之。布帛可安。不必文綺也。粗糲可食。不必珍羞也。物力可惜。毋滋浪費。終身宜計。毋快目前。以儉素相先。以撙節相尚。必能漸返淳樸。改去積習。庶

實錄卷十九

二

幾唐魏之風焉。又聞吳下風俗。篤信師巫。病不求醫。惟勤禱賽。中產以下。每致破家。病者未必獲痊。生者已致坐困。愚民習而不悔。尤屬可憫。地方官亦當曲加訓誨。告以淫祀無福。嚴禁師巫。勿令蠱惑。亦保民之一端也。凡此皆不用嚴峻迫切。立法繁苛。反致擾民。惟誠心訓諭。漸以歲月。自應遷善而不自知。朕保民念切。不憚諄切言之。官吏士民。其皆敬聽勿忽。○諭八旗降革大員內。法海李楠俱

實錄卷十九

三

著賞給副都統銜。在咸安宮官學處協同來保辦理事務。白清額侯有副都統缺出。兵部一併帶領引見。韓光基喀爾吉善俱著管理圓明園八旗兵丁。鄂昌著在批本處行走。鄂米覺羅佛保額倫忒祿保尚承恩俱著以該旗叅領試用。徐琳著以副叅領用。賽都著發給李衛以副將試用。○以編修陶正靖為四川鄉試正考官。御史劉元燮為副考官。檢討周龍官為廣東鄉試正考官。工部主事章有大為副考官。編修萬承蒼為廣西鄉試正考官。御史薛韞為副考官。編修柏謙為福建鄉試正考官。禮部員外郎周人驥為副考官。侍講熊暉吉為湖南鄉試正考官。御史倪國璉為副考官。○山東巡撫岳濬奏請兗州鎮右營沂州等九營所添步戰兵二百名。與中營臨清等五營均勻拔補。下部議行。○辛亥命禮部侍郎徐元夢禮部尚書楊名時教習庶吉士。○吏部遵旨議奏銓選知縣班次。雙月用捐納四人。單月用捐納

四人。今捐納已經停止。請嗣後現在雙月捐納人員。不數班次之數。即以舉人抵補。捐納人員用完之後。捐納班次盡歸舉人選用。則舉人可及時効用。從之。○刑部議。逆犯曾靜。張熙之親屬人等。按律定擬。家產追沒入官。得旨。曾靜。張熙。大逆之罪。皆本身自作。其親屬人等。非叛案內知情同謀者。比逆犯既已正法。此本內所議親屬緣坐。及人口為奴。贓產入官之處。悉行寬免。○壬子。諭總理事務

平定卷一

王大臣。治河之道。在因其勢而利導之。司河務者。必將全河形勢。熟悉胸中。隄防疏濬。在在得宜。始可以行所無事。而致安瀾之慶也。黃河自河南武陟。至江南安東入海。長隄綿亘二千餘里。舊設總河一員。駐劄淮安清江浦。雍正七年。復添設河東總河。誠慮鞭長不及。故俾南北分隸。各有責成。惟是河流日久。變遷舊險既去。新險復生。其間防濬之宜。有病在上流。而應於下流治之者。有病在下流

平定卷一

而應於上流治之者。必須通局合算。同心辦理。庶無顧此失彼之憂。若河臣於南北形勢。未能洞悉。遇有開河築隄等事。或至各懷意見。彼此參商。則上游下游。必有受弊之處。所關匪細。徐州府。當南北之衝。為兩河關鍵。最為緊要。現設南河副總河。應著移駐徐州。以專督率。如兩河有應會商事宜。就近可與南北河臣公同踏勘。應開濬者。即行開濬。應堵築者。即行堵築。毋得推諉。亦毋得掣肘。於河務似有裨益。著江南總河。河東總河。會同確議具奏。○以故輔國將軍兼二等侍衛都俞子裕喜襲封奉國將軍。○賜卹奉差漂沒裏河戰兵潘經山。安營守兵陳洪。如陣亡例。○癸丑。諭總理事務王大臣。各省提督總兵官。朕未經認識者甚多。今欲令其來京陛見。但伊等各營伍之責。或該地方現有應辦公事。難以一時驟令入覲。著兵部行文各該總督提鎮。就該省提鎮幾員。酌量先後。輪流來

京。其雲南。貴州。四川。廣西。湖南。五省提鎮。著於苗疆事竣之後。陸續進京陛見。○鑲黃旗蒙古都統色爾弼等奏。革退侍衛忒古勒德爾。曾經記名。往換坐臺人員。查忒古勒德爾。實係無力之人。應停其前往。並請將從前辦理此案大臣察議。得旨。忒古勒德爾。先經該旗查明。伊能去坐臺。不能養贍蒙古具奏記名。以備更換坐臺之人。近者朕加恩臺站。蒙古俱已添賞錢糧。復添設筆帖式。令其管理臺站事務。凡坐臺之人。止往臺上辦事。並無庸養贍蒙古也。有何不能之處。據色爾弼所奏。忒古勒德爾。現有房屋地畝奴僕。並伊長子三等侍衛富明。次子親軍富中。俱食俸祿錢糧。伊乃希圖微倖。不往臺站。是何意見。似此。則無房地奴僕之人。更如何往軍臺効力乎。況往臺站。亦係公差。豈可推諉不去。今色爾弼等。稱忒古勒德爾。不能養贍蒙古。又稱前任大臣等糊塗。辦理議罪之處。因恩詔寬

免。請將忒古勒德爾。停其發往軍臺。徇私朦混。情弊顯然。此風斷不可長。忒古勒德爾。妄行具呈。以圖倖免。甚屬可惡。著將伊即發往鄂爾昆軍前。派當苦差。効力行走。伊子富明。革去三等侍衛。在粘杆上行走。贖伊父之罪。色爾弼。德敏。著交部嚴加議處。朕因色爾弼等糊塗無知。故如此處分。若爾等各旗都統。習染此風。亦如此辦事。朕必更從重治罪。再八旗大臣等。從前辦理事務。每過於嚴。今見朕辦事。或有從寬之處。便云朕意好寬。一切徇情瞻顧。必將淪於縱弛。總之辦理天下事。惟貴合乎中道。不可徇於一偏。即朕從寬之事。亦其理之應寬者。方從寬辦理。並非將此等徇情瞻顧之事。亦從寬置而不問也。從前朕已再四降旨。近見各旗大臣。仍不悉朕意。可再將朕此旨。徧行傳諭八旗。嗣後倘有如此徇情瞻顧者。朕必從重加倍治罪。斷不姑貸。○

昭陵總管二等阿思哈尼哈番江米年老乞休允之。○甲寅諭總理事務王大臣據禮部等衙門選擇本年十月十一日。

皇考世宗憲皇帝梓宮奉移

山陵。明年二月二十二日。

皇妣孝敬憲皇后梓宮奉移

山陵。屆期朕俱躬親祇送。可豫先傳諭各該衙門敬謹辦理。○總理事務王大臣議定邊大將軍慶復等奏。臣等議留索倫巴爾虎兵二

千名。令齋三率領一千。駐劄額克嶺。綽起圖等處。托勒德爾率領一千。駐劄烏里雅蘇台。料理運送什物。至綽爾多蘇爾泰所領奉天兵一千。傳達禮所領吉林烏拉兵一千。令隨額駙策凌駐劄鄂爾坤附近有水草處。李如栢所領綠旗兵一千。內有山西兵五百。即令李如栢率領守鄂爾坤城。直隸兵五百。令遣副將等一人率領防守塔密爾城。其暫留種地兵丁及罪人等。令卓鼐周瑛管轄。暫留烏

里雅蘇台。及察罕度爾。綠旗兵一千。令高翰管轄。並俟草生時。遣歸駐劄。鄂伊袞特里默喀爾喀兵一千五百。以一千人留駐烏里雅蘇台。於喀爾喀叅贊貝勒中用一人。更番管轄。餘五百人。駐鄂爾坤。於喀爾喀副將軍中。亦用一人。更番管轄。其撤回官兵。請如去年發還官兵例。應領馬匹。各減半辦給。滿洲家選兵丁。舊例人給馬三匹。今減一匹。各給二匹。去年漢軍人給車脚銀十二兩。今軍營馬多。亦請人給馬二匹。到京後赴本旗滿洲都統繳還。至綠旗兵人給車價銀六兩。其各項兵丁運載軍器什物。亦給車價銀六兩。分給口糧。如前計算。抵其原處。遠者七十日。其次六十日。近者五十日。種地及罪人攜帶妻子者。每口給車價銀四兩。大口日給米八合三勺。小口半之。定於五月初九日。以次起行。此次撤回官兵。雖或未經戰陣。然在營効力。均已數年。中亦有在額爾得尼昭等處臨陣者。

請定以三等。與前番一體揀選酌用。應如所請。從之。○免四川風雹被災敘州府屬之南溪縣。直隸瀘州。并瀘屬之納谿。江安。合江。九姓司。又敘永廳。并所屬之永寧縣。乾隆元年。分額賦有差。○禮部會議。鄉會試三場策題。仍照例以時務發問。必令詳引綱目中事蹟。人物。凡歷代制度沿革。創始何人。更定何人。即事之得失。以定人之賢否。務期論斷詳明。折衷至當。從之。○兵部侍郎楊汝穀奏請湖廣武昌。岳州。二府。沿途墩臺。添設馬兵一名。從之。○乙卯。詔減直隸懷來縣墾荒地糧。諭總理事務王大臣。朕聞宣化府屬之懷來縣。僻處山邊。向有保字號墾荒地七十一頃。徵糧八百六十餘石。始於前明時。防禦邊患。募兵戍守。即以近山地土。令其耕種。每軍士一名。種地五十畝者。准作半年糧六石。種地一頃者。准作一年糧十二石。彼時應募屯軍。不過圖免本身雜差。遂不計地之多寡荒熟。今

歷年既久。其間有地荒而糧存者。有地少而糧多者。官民不免賠累之苦。且該縣徵糧科則。上地每畝徵糧五升六合。中地三升六合。獨此項地土。則每畝徵糧至一斗二升。民力尤難輸納。著該督委員確查。將山地不可耕種無所出者。共計若干。奏聞豁免。其可以耕種之地。則按照本縣科則。分別定議。俾邊塞黎民。永沾實惠。○吏部將各部院保送御史人員引見。得旨。王文璿。程盛修。單德謨。栗爾璋。陸尹耀。俱著以御史用。○吏部議准。刑部侍郎署禮部侍郎事務。勵宗萬奏請。分派各部學習進士期滿。堪留部用者。令各該堂官詳加考核。秉公出具考語。分別帶領引見。雙月選用二人。單月選用一人。此內如果有熟諳本部之員。准該堂官奏請補授。留心吏治。應用知縣者。入雙單月進士知縣班內。按次銓選。才具平常。不諳部務者。以國子監助教監丞等官補用。從之。○朝鮮國王李昫慶賀

登極並尊崇

崇慶皇太后恭進禮物賜國王王妃粧蟒緞匹及正使咸平君李洸副使禮曹判書鄭錫五等緞匹銀兩等物有差○廣東潮州總兵官范毓琦奏請各省監生素習騎射願入武闈者令地方官照例起送與武生一體鄉試中式者造入武舉冊內不中者仍歸監生原冊下部議行○兵部題請原任四川巡撫楊嗣疏稱雅州府屬大乘司徒專理烏思藏各土番進貢事宜世代替襲康熙年間給與土司野什藏大乘司徒印信一顆現今承襲無人凡遇進貢事俱隸文職經管請將員缺裁汰從之○旌表守正捐軀之山西永濟縣張大志妻秦氏○丙辰

孝恭仁皇后忌辰遣官祭景陵○

上詣雍和宮

梓宮前行月祭禮○詣

奉先殿行禮○禮部奏會試年老舉人未中者國子監學正何名世等三十八名隨後到部沈在璿等十二名賞給助教知縣中書學正職銜有差○丁巳

上詣

皇太后宮問安○諭總理事務王大臣朕聞江南江西湖廣地方襟江帶湖廣袤數千百里設立塘汛所以衛商民防盜賊也近訪得不肖兵丁疎懶廢弛養盜貽患受其規禮分其贓物為之聲援嚮導及細求其故多因兵丁攜帶家口安土重遷與地方奸匪往來熟識以致事前無忌事後無蹤放膽游行竟成盜賊之淵藪夫汛兵頻數更替出其不意則與賊無從結識有縱賊之咎無夥賊之利亦何樂乎為此顧任其挈妻孥飽谿壑萑苻多警鈴柝空存徒法不能以自行非此之謂歟朕又聞江岸湖邊船隻成羣任意攬載奸良莫辨商民被刦所在多有雍正五年定例令地

方官取具船戶鄰佑保結。編列號次。刊刻姓名。給以印照。不時稽查。而漁船出沒無定。藏奸更易。亦依陸地保甲之法。許以公首。懲以連坐。乃日久怠忽。總不奉行。夫弁兵竭力防緝。則盜賊不致蔓延。船戶隨在清查。則盜賊無由混雜。然必須封疆大吏。刻刻留心。時時察訪。規條賞罰。整肅嚴明。方能著有成效。至汛兵更替之法。尤當因地制宜。俾兵丁得顧其室家。而汛地仍資其防衛。是又在封疆大

臣實心區畫。善為經理。不徒在文告之虛辭也。著各該督撫悉心詳議奏聞。○暹羅國王參立拍照廣拍馬嘑六坤司尤提雅菩揆。遣正使朗三立哇提。副使朗曝理哇振。坤史璘。不者哪。文備匹邁底。表謝欽賜匾額帑金。并貢方物。溫旨嘉獎。○戊午。諭總理事務王大臣。從前各省漕糧。從本省起運至通。因沿途塘鋪兵丁。並地方官員。催趲不力。以致沿途有偷盜攬和等弊。且旗丁延挨。遲至冬底。運

船凍阻。不能回空。後於雍正三四年間。嚴行催趲。各省漕糧。不過六七月間。全運抵通。不但運船無凍阻之苦。而漕糧亦少偷盜之弊。此中外所共知者。乃本年五月初間。漕糧頭帮。方運至通。其各省運船旗丁等。藉口沿河淤淺。重運難行。且聲言如今皇恩浩蕩。又照昔年之例。你們塘鋪。不必嚴催。因而塘鋪兵丁。因循懈怠。一任旗丁延挨遲緩。其中不無勾通盜賣。及攬和糠土之事。且冬底運船凍阻。不能回空。尤為可慮。朕又聞漕糧自通運至大通橋交兌。所有運糧經紀。每米一石。領脚價銀二分四釐。後因經紀等。任意勒索。曾經題定。每米一石。准旗丁給經紀制錢二十文。其額外勒索等弊。嚴禁在案。今經紀等除得制錢二十二文之外。仍行勒索。以致旗丁受累。各出怨言。漕務官員。漫無約束。此朕訪聞甚確者。漕運總督程元章。倉場侍郎塞爾赫。呂耀曾。乃專管漕務之大員。不能悉心

整理。俾漕艘遄行。弊端盡革。轉將昔年已定之成規。漸致廢棄。是誠何心。著程元章塞爾赫。呂耀曾自行明白回奏。○又諭。崇祀昭忠祠各員子孫內。如並無出仕之人。而貧乏不給。其材尚有可用者。各該旗查明帶領引見。○又諭。刑部審訊出差。朝鮮國正使兆德。副使釋伽保。知伊等頒詔彼國時。於饋遺正禮外。復照舊日朝鮮陋例。開都請別請兩單。私行授受。自認不諱。朕已降旨。將兆德釋伽保交部嚴行治罪。因思朝鮮歸順我朝。恪守藩封之職。蒙我

列祖

皇考。怙冒深恩。至優至渥。即如貢獻一節。亦屢經裁減。厚往薄來。無非加惠遠人之至意。朕即位以來。又將該國饋送使臣禮儀。令減半以示體卹。乃兆德等於正禮之外。復受陋規。其罪固不可逭。而該國王即照陋例應付。亦屬不合。若該國王能體朕心。自當以恪遵諭

旨為恭順。不當以私厚使臣為恭順也。著禮部行文與該國王。嗣後凡有使臣奉差彼國。務宜遵朕前旨。將餽送正禮。如銀兩物件之類。裁減一半。至陋規所有都請別請等項。悉行禁止。不得私與一件。既干功令。復負朕懷遠之恩。○訓飭八旗諸臣。諭八旗為政之道。辦理一切事務。惟當折衷至當。不可稍有偏倚。朕御極以來。所辦之事。雖有數件從寬。特因體恤下情。於應從寬者始行從寬耳。豈令爾等怠玩法禁。廢弛條例耶。從前嚴禁官兵乘輿。及出城遊蕩。於街衢酗酒滋事。俱各恪遵奉行。近聞有不肖之徒。違禁者甚多。乃八旗都統等。慢不察禁。任其肆行。成何事體。殊屬怠玩不堪。朕諄諄訓誡。而諸大臣等。不能仰體朕意。惟逞私臆揣測。於一切事務。不知折衷。往往錯謬。昨據都統色爾弼。將應發往臺站之忒古勒德爾奏請免令發往。殊屬徇庇。在

皇考時。色爾弼敢如此。瀆奏耶。爾諸大臣等。辦理庶事務求至當。遵循法度。嚴密稽查。不可稍有怠玩。瞻徇情面。嗣後務將前項嚴行禁止。倘仍怠玩。不行察禁。以致復有滋事者。朕若聞知。決不輕宥。惟該管大臣等是問。○禮部議覆廣東巡撫楊永斌疏言。潮陽縣原額文童二十名內。割撥二名。武童十五名內。割撥一名。歸普寧縣取進。應如所請。從之。○已未。訓飭內外大小諸臣。諭總理事務王大臣。朕夙夜孜孜。任賢圖治。惟期內外大小臣工。共砥廉隅。以襄邦理。今列茲庶位者。讀書科目之人不少。正宜宣力國家。以副朕望。迺人品不齊。拜官除職之際。竟有不念官守之當如何而盡。政事之當如何而舉。輒咨問於缺地之豐嗇。計較於養廉之多寡者。士大夫聞之。恬不為怪。良可慨嘆。抑或身任繁要而致羨於優閒。或位列清華而垂涎於豐腴。豈先資拜獻者之所宜出此哉。董子曰。正其誼。不

謀其利。明其道。不計其功。士子稽古。入官當以遠大自期。安可謀食懷居。甘自菲薄。且朝廷設官。各有分司。惟當各盡職守。主錢穀者。必謹出納之數。理刑名者。必諳律例之條。大僚有恭儉惟德之思。一命有存心愛物之志。豈可萌出位願外之妄想。自曠當官之職業。哉。為諸臣者。務宜痛自警省。咸思精白乃心。靖共爾位。不負讀書二字。嚴義利之弊。立廉恥之防。庶幾風俗古而人心端。斯吏治清而民生厚。朕實有深望焉。○命署理甘肅提督印務二格。回兵部侍郎任。調固原提督李繩武為甘肅提督。以原任廣州將軍柏之蕃署固原提督。○命修京城房舍。諭京城自雍正八年地震之後。房屋傾圮。當蒙皇考世宗憲皇帝軫念施恩。賞給銀兩。數年以來。雖漸次修理。尚未整齊。其在偏僻之處。固不能一時概行補葺。而街市通衢。觀瞻所係。不可不亟行修理。著步軍統領。詳悉查明。並

通行曉諭。如係官房。即動正項錢糧修整。如係旗民房屋。本人力能自修者。令其自行修理。倘本人力不能修。即賞給房價。動用正項修理。作為官房。以備賞人之用。但不可抑勒強買。致滋擾累。其監修之員。俟步軍統領查明房數具奏到日。朕另降諭旨。○又諭。據刑部審訊出差朝鮮國正使兆德。副使釋伽保。知伊等頒詔彼國時。於饋遺正禮外。復照舊日朝鮮陋例。開都請別請兩單。私行授受。自認不諱。朕已降旨將兆德釋伽保。交部嚴行治罪。嗣後凡有使臣回京之日。路經奉天及山海關等處。著奉天將軍及山海關監督。盤查行李。倘有於正禮之外。多帶儀物者。即行叅奏。若代為隱匿。將來發覺之日。一并議處。○禮部議准。陝西同州改設府治。并設附郭大荔一縣。同州府學歲科兩試。取進文童二十名。歲試取進武童二十名。設廩增各四十名。一年一貢。大荔縣學歲科兩試。取進文童

二十名。歲試取進武童十五名。設廩增二十名。又將原減西安府撥歸白水。朝邑蒲城之學額三名。仍歸府學。並西安府添足文童學額二名。武童學額一名。俱從之。○庚申。諭總理事務王大臣。朕前訪聞得原任江西巡撫常安回京。船過仲家淺。聞口。於不應放閘之時。嚇令開閘。僕從多人。閘官畏其威勢。躲避不敢過問。常安遽行越漕起板。將船放行。朕隨傳旨詢問常安。伊乃多方掩飾。朦混回奏。朕復降旨詢問總河白鍾山。令其據實奏聞。今據白鍾山奏稱。常安於三月間。船過仲家淺。閘僕從多人。勒令閘夫起板放船。閘夫不敢私起。伊家人復扭閘夫。蜂擁閘署。倚勢嚇逼。凌辱閘官。以致閘官躲避。常安遂起板前行。反將閘夫掌嘴洩忿。又常安船至安山閘時。伊家人兩次到閘。喝令起板。閘官任其無狀。不敢違例放行等語。常安身為大臣。於朕即位之初。輒敢橫行如此。此皆

皇考臨御時所未經見聞者。及朕降旨詢問。伊復支吾巧飾。不將實情陳奏。甚屬可惡。常安著革職。拏交刑部。及伊生事家人。一并嚴審。定擬具奏。朕御極以來。見從前內外臣工。不能仰體。

皇考聖意。諸凡奉行不善。遂有流於刻覈之處。是以去其煩苛。與民休息。並非寬縱廢弛。聽諸弊之叢生。而置之於不問也。而內外臣民。不喻朕意。遂謂法令既寬。可以任意疎縱。將數年前不敢行為之事。漸次干犯。即如鹽禁稍寬。乃朕優恤窮民之意。而直隸江浙閩廣諸省。私梟鹽棍。輒敢招集無藉之徒。肆行無忌。現在查拏究處。然此不過編戶小民。不能深悉朝廷德意。一時觸法犯禁。猶可云愚昧無知。至於常安。乃封疆大吏。豈不知憲典之當遵。而亦為此市井跋扈之舉乎。朕看此等情形。天下臣民。竟有不容朕崇尚寬大之勢。傳曰。寬則得衆。易曰。元者善之長也。朕以

天地好生之心為心。豈肯因一二無知之輩。即自改其初志。但治貴得中。若於玩法之徒。亦用其寬。則所謂稂莠不除。將害嘉禾。倘不速為整理。恐將來流弊。無所底止。是以近日處分臣工數案。如李紱之濫舉進士。朕即將伊降級調用。勵宗萬之擅將監場御史咨送吏部處分。福敏之辦理廢員推諉遲誤。朕即將伊等交部嚴察議奏。又如王常出口多騎驛馬數匹。乃總理事務王大臣偶爾疎忽。亦現在交部察議。蓋此等事件。在

皇考時。或可格外從寬。而朕此時辦理。則不便稍有假借。良以玩忽縱肆之風。漸不可長。而此風一長。則寬不成其為寬。而民反有受其累者。如李紱勵宗萬之事。即營私作弊之漸。常安之事。即目無功令之漸。懲一儆百。為治之道。固當如是。朕豈忽變而為嚴刻者哉。大凡人臣居心。惟當以義理為權衡。而不可稍存迎合之見。君所謂可。臣或以為否。君所謂

否。臣或以為可。雖明旨已降。尚不可依違遷就。而況妄行揣度。以為迎合乎。且妄行揣度。亦未有不至於大誤者。即如

皇考當日。至仁如天。寬大慈祥。惠鮮懷保。時時以百姓為念。上年朕奉

命辦理苗疆事務時。

皇考憫恤黔民。至於墮淚。此朕與諸王大臣所親見者。其他不可枚舉。乃臣下妄行揣度。頗以

皇考意主於嚴。此豈能知

皇考之聖心者。數月以來。又復妄行揣度。以朕意在於寬。是豈知朕之存心者。若見朕於常安。李紱玩法營私輩之不少假借。輒復妄行揣度。以朕欲轉寬為嚴。而於辦理兵民之事。有意過刻。致百姓或有失所。是則私心蔽錮。識見卑污。其罪更不可追矣。總之。治貴得中。事求當理。不當寬而寬。朕必治以廢弛之罪。不當嚴而嚴。朕又必治以深刻之罪。內而九

卿百職。外而督撫庶司。咸當洗心滌慮。各加

警省。毋蹈前轍。自干咎戾。則朕之百姓。可以永久受朕寬惠之澤矣。○寬恤甘省屯民丁糧。諭朕聞甘省以糧載丁。從前辦理未善。致多偏枯。屯民甚屬苦累。現有民戶丁銀攤入屯戶者。九千二百二十五兩。屯戶輸納維艱。朕心深為軫念。再四思維。此種丁銀。乃國家惟正之供。並非無著之項。祇因從前岳鍾琪任意增減。遂致苦樂不均。今應酌籌變通之

法。以惠甘民。著將此多攤九千餘兩。暫為豁免。俟下屆編審之時。將平慶臨鞏四府。及新改直隸之秦階二州。所屬各州縣。新編人丁。應完丁銀。均勻攤入民地糧內。漸次補額。即分作二三次編審。逐漸補足。亦可。務令徐徐增補。以紓民力。俟補足之後。即行停止。永不加賦。著署督查郎阿。劉於義。悉心妥議辦理。朕又聞康熙五十七年。伏羌通渭秦安會寧等縣。及岷州衛有地震。傷亡缺額之七千六

百八十丁。該銀一千四百八十六兩有零。人口既無。丁銀自應蠲免。乃岳鍾琪亦攤入田糧之內。尤屬錯謬。著該督等即查明豁除。毋貽民累。朕又思甘省從前多係衛所管轄屯戶。其屯戶額徵悉係糧料草束。為兵丁必需之物。是以蠲免地丁時。此項不在蠲免之內。惟雍正十年。

皇考格外加恩。將民戶屯戶應徵各色糧草一概豁免。此從來未有之曠典也。朕意民屯均為赤子。所當一視同仁。兵食或有不敷。再當別為籌畫。嗣後遇有蠲免地丁之年。著將屯戶應納之糧草蠲免三分之一。永著為例。○又諭據尚書署陝甘督撫事劉於義奏稱上年固原等處歉收。蒙恩軫恤窮民。訓諭諄切。比據許容奏稱。於散賑三箇月之外。再加賑兩箇月。是前後共應賑給五箇月口糧矣。乃臣查目前待賑之固原州。共四千五百二戶。其賑過五箇月者。僅有一百三十六戶。固原

廳共一萬四十一戶。其賑過五箇月者。僅有二百八戶。其餘俱不過一月。或三月不等。並不遵照奉旨之數給發。此固許容用財過刻。待下過嚴。而固原同知張夢水。固原州知州鄭炳。惟恐拂許容意指。一味塗飾。欺隱蒙蔽。咎實難辭。除臣現在委員查賑外。請將張夢水。鄭炳革職究擬。以為膜視民瘼者之戒。等語。張夢水。鄭炳俱著革職。交與該督查審。若該員實有欺隱蒙蔽情弊。即按律定擬具奏。若過在許容。該員遵奉上司指示。以致辦理不善。即將許容嚴加議處。仍將張夢水。鄭炳送部引見。○頒發

聖祖仁皇帝御製律歷淵源於直省學宮書院。○掌京畿道監察御史楊嗣璟奏。直省州縣駐防兵少。不敷撥守城門。或派里甲。或派地保。按戶出銀。雇充門軍。請除現在弁兵看守之處。其科派里民者。一槩革除。即於府州縣額設民壯內。每門派撥二名。令其輪流更替。

看守稽查。下部議行。○辛酉。諭總理事務王大臣。八旗生齒日漸繁庶。而生計漸不及前。朕日為旗人詳細籌畫。於喜喪之事。照常給與恩賞銀兩外。屢次賞賜兵丁錢糧。又降旨查免欠項。仍恐於旗人生計不能永遠有益。今又飭查官房官地。賞給以為產業。但旗人甚眾。雖行賞賚。未能週遍。從前禁止放債者。特為利益旗人起見。但伊等一時緩急。借貸無門。反出重息借用。以家道艱難之人。又出重息。於生計尤為無益。朕意逐名賞給。不但國家有數之帑金。未能徧及。而於理亦不合。再四思維。從前設立公庫之時。於旗人殊有裨益。後因辦理不善。假冒支領。不能賠補。以致虧空。種種弊生。是以停止。今若仍前設立公庫。於旗人是否有益。及應否設立之處。著總理事務王大臣確議具奏。○賞給將軍常德騎都尉世職。准襲三次。○兵部議准原任四川總督改授四川提督黃廷桂奏請裁汰

督標中軍副將。及中軍都司。各員馬步兵丁五百名。筆帖式三員。及各項人役。從之。○步軍統領鄂善奏稱。各省駐防官員。具呈休致者。向俱移送兵部彙題。請嗣後步營城門尉步軍副尉。步軍校尉等官。年邁告休者。令步軍統領奏請休致。行文兵部注冊。又城門尉統領。照定例將應揀選之人。公加揀選。自行帶領引見補授。又城門七品官。向據該旗揀選移送步軍統領衙門補放。亦請揀選應補人員。帶領引見補授。下部議行。○癸亥。諭總理事務王大臣。向來科道官員。於奉旨內陞外轉之日。即離原任。俸祿公費。俱不支領。此舊例也。嗣後科道官內陞外轉者。俟得缺後再離原任。其未得缺之先。仍食原官之俸。照舊辦事。今年內陞之蔣炳。外轉之翁藻。尚未得缺。著照舊給與俸祿公費。○是月。直隸總督李衛奏請吏部帶領州縣引見時。一經

睿鑒人才大概必不能掩。可以勝任准補之外。太不相當者。分別改用教職佐貳。先為試看。得旨。自古有治人無治法。而治人概不多得。譬如知縣賢。則一縣受其福。知府賢。則一府受其福。督撫賢。則一省受其福。然而十三省之督撫。已不能盡得賢能而用之。況府縣哉。惟在督撫時刻以吏治民生為念。不存為己觀望之心。則朕之百姓。庶乎稍有裨益耳。若各省督撫。似卿之精明強幹。則不難於察吏。政可以省朕許多精力。所以每於引見時。必執筆標記。詳視熟察。雖有礙於觀瞻。而不顧者。即為知人其難一句耳。○江南總督趙宏恩。兩淮鹽政尹會一。覆奏丹徒鹽梟插旗糾衆情形。得旨。不謂汝等未經陳奏。謂趙宏恩所奏之詞。半屬粉飾。未如大學士嵇曾筠之據實不諱耳。○又奏辦理鹽梟情形。得旨。緝拏鹽梟一案。汝始終辦理。總過於姑息一邊。不知縱盜養奸。非所謂寬也。戒之戒之。○經

畧苗疆湖廣總督張廣泗奏。搜剿大箐。擒獲首兇。並回兵辦理內地情形。得旨。覽卿奏報。搜剿逆苗之事。已有八九分就緒。曷勝欣慰。此皆卿調度得宜。將士奮勇之所致也。在事人員。應各詳記。俟事定後。朕皆加恩賞賚。趁此兵威大振之時。切不可有欲速圖功之志。善後事宜。切須計及萬全。莫復遺後日之慮。有人建議。以為牛皮大箐。係逆苗窟穴。恃以為惡之一道。若趁此兵力。將大箐用火攻之法。焚燬無遺。則永無逆苗之害云云。不知可行與否。卿其酌量。○雲貴總督尹繼善奏。兩省雨水情形。得旨。滇省豆麥既歉。收恐秋成再復平常。則窮民衣食何賴。所當加意籌畫。若須別省接濟。亦當速為奏聞。○又奏請敦崇禮教。以端風化。得旨。此奏是。但其中尚有應斟酌者。必須盡美盡善。然後行之久而無弊。於以化民成俗。不難矣。若苟且從事。亦不過虛文而已。究於治道何補。待朕徐徐經理。

之。○福州將軍阿爾賽奏報雨水米價得旨。此等奏報收成雨水分數萬不可蹈隱飾二字之咎。○江西巡撫俞兆岳奏報贛州建昌等府山水暴漲情形得旨。如此數處皆被水災亦不為不重大矣。切不可諱災掩飾視同膜外。朕每見外省奏報即係小災亦必儆戒自省。不知汝等督撫如何居心耳。然地方之災祲在所不免。而人力之補苴不可不盡。若於被難之民賑卹有所不力致令災黎失所則朕之譴責汝等不能逃也。○又奏請省會兩縣酌加公用銀三百兩在存公項下給發以資煩費得旨。首縣著照汝所請各加給三百兩以為養廉。動用存公項下。年終報部其他各縣若係實在不敷者汝具摺前來候朕批示。若改降諭旨則各省效尤恐公用不敷也。○又條奏民間斗斛之制宜畫一禁演扮淫戲以厚風俗等語得旨。王者之道同律度量衡蓋以此民間日用最切之事而風俗人

心之所關也宜令畫一之奏是但不可有欲速之心致民間有所不便則得矣。先王因人情而制禮未有拂人情以發令者。忠孝節義固足以興發人之善心而媒褻之詞亦足以動人心之公憤。此鄭衛之風夫子所以存而不刪也。若能不行抑勒而令人皆喜忠孝節義之戲而不觀淫穢之齣此亦移風易俗之一端也。汝試姑行之。○福建巡撫盧焯奏清大建陽地畝得旨。細觀汝所陳奏總是一篇虛詞。若云查丈無累於民而且有益則民之顧查丈吾從未之聞也。若云查丈非為加賦則官賠公費之用何為而有此舉。即云民有勻加必待查丈之豁除則民何以反畏查丈如水火哉。總之汝始初欲為加賦起見今又以豁除掩非一存觀望之心所謂無一而可。此案朕不必批如何辦理其與郝玉麟秉公同辦可也。○山東巡撫岳濬條奏東省緝盜巡鹽諸務得旨。朕逐條批閱不過敷衍文章

而已。汝尚其實心實政。行與朕看。朕因汝尚無大過。是以姑留東省。汝不可以此為得計也。戒之慎之。○河南巡撫富德奏請疏濬永城縣潘家道口河道。會同江南督河諸臣會勘得旨。地方災荒之事。即朕不諉過汝等。汝等亦應返躬省察。覽奏若于已漫不相干者。殊屬可笑。若賑卹灾黎。再不實力。則汝難逃咎矣。看汝光景。甚不濟事。朕久為豫省憂矣。至所奏疏濬事宜。有旨諭部。○又奏豫省屬官優劣得旨。若果能遵朕訓。自不致大錯。勉之。若心口相違。亦不能逃朕之照察也。○廣東巡撫楊永斌奏雨水米價情形得旨。如此據實奏聞。方是有應賑卹。務必加意賑卹。○廣西巡撫金鉷奏密舉賢員以備擢用得旨。以人事君。固為臣之要節。但汝所奏薦。朕介在疑似之間耳。○署直隸正定總兵宋愛奏查閱營汛情形得旨。整頓營伍。是汝專責。不可因噎而廢食。亦不可矯枉而過正。

實錄卷十九

三十四

實錄卷十九

三十五

大清高宗法天隆運至誠先覺體元立極敷文奮武孝慈神聖純皇帝實錄卷之十九

大清高宗法天隆運至誠先覺體元立極敷文
奮武孝慈神聖純皇帝實錄卷之二十

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級入加二級 臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰六月甲子朔

實錄卷二十

上詣

皇太后宮問安。○諭總理事務王大臣舊冬通

智奏運軍糧二萬石已將一萬石運價散給領

運商人雇募駝隻牛車今因大兵已撤此項

米石停其運送通智所發各商運價自應著

落收繳但各商業已領運備辦駝隻牛車等

項所領之價諒必分散斷無即日可以湊齊

歸繳之理今聞通智令歸化城理事同知勒

限嚴追衆怨沸騰深為苦累數年以來歸化

城商人餬口裕如家貲殷富全賴軍營貿易

生理又全藉駝隻牛馬脚力即為商人營運

之資本並聞各商以追迫運價無償將駝隻

牛馬盡行變棄抵補營運既屬艱難則所欠

運價愈難清繳通智辦理此事甚不妥協大

非朕體恤商賈之意此項銀兩著通智將商

人領去若干今已追繳若干數目據實奏明

存貯外其未經完繳若干兩著寬其限期令

商人徐徐還繳庶貿易有資帑項亦不致終

於無著公私皆便矣。○訓飭直省書院師生

諭書院之制所以導進人材廣學校所不及

我

世宗憲皇帝命設之省會發帑金以資膏火恩

意至渥也古者鄉學之秀始升於國然其時

諸侯之國皆有學今府州縣學並建而無遞

升之法國子監雖設於京師而道里遼遠四

方之士不能胥會則書院即古侯國之學也

居講席者固宜老成宿望而從遊之士亦必

立品勤學。爭自濯磨。俾相觀而善。庶人材成就。足備朝廷任使。不負教育之意。若僅攻舉業。已為儒者末務。况藉為聲氣之資。游揚之具。內無益於身心。外無補於民物。即降而求文章成名。足希古之立言者。亦不多得。寧養士之初旨耶。該部即行文各省督撫學政。凡書院之長。必選經明行修。足為多士模範者。以禮聘請。負笈生徒。必擇鄉里秀異。沉潛學問者。肄業其中。其恃才放誕。佻達不羈之士。不得濫入書院中。酌倣朱子白鹿洞規條。立之儀節。以檢束其身心。倣分年讀書法。予之程課。使貫通乎經史。有不率教者。則擯斥勿留。學臣三年任滿。諮訪考核。如果教術可觀。人材興起。各加獎勵。六年之後。著有成效。奏請酌量議敘。諸生中材器尤異者。准令薦舉一二。以示鼓勵。○又諭晉省各營兵米折色一項。從前每石折銀四錢幾分。至五錢六錢不等。蒙我

皇考軫念兵丁米價不敷。槩令每石折給七錢。是已較舊例加增矣。今朕訪聞此加增之價。仍有不敷之處。所宜再為籌畫者。查省北米價。較平於省南。著將省北大同鎮屬各營路米折。每石加銀二錢。共折給銀九錢。省城撫標及省南太原鎮屬各營路米折。每石加銀三錢。共折給銀一兩。於本年秋季為始。即在地丁銀兩內支給。將來年歲豐歉不定。若有應增應減之處。著該撫臨時酌量奏聞。至撫標現有額外二營。其應支兵米。亦照此例加增。○調兵部侍郎楊汝穀。為戶部侍郎。以內閣學士姚三辰。為兵部侍郎。○命禮部堂官照五部堂官例。給與雙俸。○閩浙總督郝玉麟奏請。閩海關稅務。令興泉永道管理。下部議行。○直隸總督劉勦。奏請永定河南北兩岸。并天津道屬之津靜青滄四州縣。一切歲搶隄埽工程。令該管廳員與地方官協同辦料。承修防護。下部議行。○乙丑。

上詣雍和宮

梓宮前供奠。○太常寺卿雅爾胡達條奏。一。請祀典畫一。查現在典禮。祭

太廟

後殿。係覺羅官員。捧請

神牌。供鍾。

前殿。

皇帝親詣行禮。太常寺官員。捧請

神牌。侍衛供鍾。遣官行禮。太常寺官員。捧請

神牌。供鍾。致祭

奉先殿。內府官員。捧請

神牌。侍衛供鍾。竊惟捧請

神牌。最關重大。仰祈致祭

太廟前殿。

奉先殿。

皇帝親詣行禮。或遣官恭代。亦照

太廟後殿。覺羅官員。捧請

神牌。供鍾之典。遣宗室章京。侍衛等。捧請

神牌。供鍾。庶副

聖主孝謹之至意。俾宗室等亦得各盡其誠。一。請讀祝官品級畫一。查太常寺鴻臚寺及陵寢讀祝官。品級不一。由護軍校驍騎校放者。係六品。由八品筆帖式。及捐納監生放者。係八品。由無級筆帖式。庫使。前鋒護軍放者。俱係九品。又查得掌儀司讀祝官。由筆帖式。庫使。護軍。拜唐阿放者。皆係七品職銜。六品頂帶。司祭執事之時。最為整齊。竊惟內外讀祝等官。俱係身膺大禮之員。其品級理宜畫一。祈將太常寺。鴻臚寺。及

陵寢讀祝官內。除由護軍校驍騎校放者。無庸再定外。其餘皆照掌儀司讀祝官之例。加以七品職銜。六品頂帶。一。菓木園頭內。禁止僧道。查園頭內有僧道。皆稱原有帶地投進者。竊惟僧道係出家之人。當差於理不合。祈交內務府查現在園頭內。如有僧道著革去園頭。令其仍歸本廟。辦給養生地畝。其餘帶來

地畝。另派園頭耕種。從之。○兵部侍郎署四川巡撫王士俊奏請順天府大宛兩縣舊設義學。擴充建新。凡願就學者。不論鄉城。不拘長幼。肄業其中。下部議行。○丙寅。吏部議左都御史福敏辦理廢員。推諉遲延。孫嘉淦身為大臣。不能和衷共濟。妄行瀆奏。且過甚其詞。均屬不合。福敏應降三級調用。有加一級抵銷。仍降二級調用。孫嘉淦應降一級調用。有加一級抵銷。免其降調。得旨。福敏從寬免其調用。孫嘉淦免其降調。○丁卯。訓飭司衡諸臣。論總理事務王大臣。國家制科取士。為主司者。務宜矢公矢慎。藻鑑不爽。以襄盛典。乃正副考官。容有各任己見。不能和衷。去取之間。互相爭執。遂有庸格而濫充中額。佳文而反遭擯棄。夫衡文之道。公則生明。似此各懷成見。各挾私意。已失鑑空衡平之義。更何以表率房考。使之虛心甄別。銖兩悉稱乎。且分校者取舍未當。尚藉主考搜閱落卷。以補

缺失。至於主考剛愎自用。致使去取不得其平。咎將誰歸。茲當鄉試。伊邇。凡有衡文之責者。各宜一洗積習。無負任使。至於三場取士。斟酌華實。定制已為盡善。士子若果知古知今。二三場儘足發揮才調。至頭場經義。本代聖賢以立言。自當循循矩矱。先民是程。非四子六經。濂洛關閩之粹言。不可闌入。前蒙皇考世宗憲皇帝特降諭旨。以清真雅正為主。誠以膚浮者。非有物之言。而詭異者。非立誠之旨。文品人品。恒相表裏。雅鄭之分。淄澠之別。辨之不可不精也。司衡者尤宜留心區擇。以得真才實學之士。朕實有厚望焉。○又諭朕御極以來。日理萬幾。早夜孜孜。惟恐政事稍有曠廢。屢頒諭旨。訓誡臣工。務期百度具舉。無稽留淹滯之弊。以副朕勵精求治之心。近因天氣炎暑。聞八旗六部大臣。惟恐朕躬煩勞。欲將當奏之事。擇其緊要者奏聞。引見之人。擇其緊要者引見。其餘則俟之秋涼之

後。此則不知朕心者。朕辦理天下事務。寒暑有所不避。豈肯自圖晏安。况批閱奏牘。引見官僚。亦不至過於勞瘁。即彼引見之人。雖受暫時之熱。而得早被錄用。諒亦不以為苦。嗣後可照常奏事。引見不必有意減少。即通行傳諭知之。○命署大同鎮總兵官南天祥。原任總兵官冶大雄。來京陛見。○吏部議禮部侍郎兼知貢舉。勵宗萬於夫役越牆。不行查叅。及御史叅奏。係吏部查取職名。復將伊失察之處。推諉外場。咨部查議。尤屬不合。應降二級留任。其御史都隆額等。叅奏禮部摺內。不加詳察。以過甚之詞。形之章奏。亦屬不合。應罰俸六個月。從之。○山東巡撫岳濬奏。奉旨修葺堯陵廟宇。因備稽史傳。俱稱堯陵在濮州境內。東平一陵。實屬沿誤。應移東平堯陵。估計重建工料。改建濮州堯陵。禮部尋議。按呂氏春秋。兩漢志。水經注。文獻通考。堯陵在曹濮之間。無疑。考之一統志所載。亦俱相

符其所以祀堯於東平州者。緣自金末河決。舊跡無存。至明洪武間。始於東平葺陵建廟。應令該地方官確勘濮州城東南六十里穀林舊址。詳加料估。動項興修。仍於陵前設堯母靈臺祠。配以中山夫人。悉如舊制。逢祭告大典。遣官行禮。其東平一陵。令有司以時展祀。下部議行。○戊辰。諭總理事務王大臣。朕聞本年四月間。江南徐州府蕭縣地方。因上游祝家水口潰決。黃水漫溢。以致蕭邑民田被淹。南北約長四十餘里。東西二十餘里。二麥未收。秋禾亦被淹浸。窮民失業。朕心深為軫念。著該督撫委員確查。速行賑濟。毋令災民失所。其積水作何宣洩之處。會同河道總督。速議辦理。毋得稽遲。○又諭各省學政。俱已賞給養廉。資其用度。惟雲南舊有文武新生。餽送贄儀數金之例。足敷公署之用。相沿已久。是以未曾議及養廉。朕思新進寒士。即措辦數金。仍屬拮据。此項應行禁止。其學政

養廉著每年另賞銀四千兩。於司庫銅息內照數支給。永著為例。○先是正黃旗漢軍都統多羅貝勒允禧奏。從前八旗人心淳厚。風俗誠實。治理甚易。今因條奏漸多。更正漸繁。於從前所議事件。有獨出己見者。有將繁冗事件。作為綱領者。有應行事件。故意從中阻隔者。又有於事不實。而濫行指陳者。彼時條陳具奏。議者但視目前可行。即議覆奉行。既行之後。違碍之處甚多。不能行之經久。懷私之徒。藉端滋事。後人將前人過失查考。自以為能。副印官員將正印官員瑕疵檢出。所有應辦事務。反至耽擱。事涉多旗。此處行文於彼。彼處行文於此。互相推諉。又有部院兼管事務。本旗推諉部院。部院推諉本旗。行之既久。弊端叢生。似此等者。八旗甚多。漢軍尤甚。請將從前條奏一切事件。業經降旨交大臣等詳核具奏。或出派官員。令其查明。或令臣漸次查明具奏。如此。則旗務無繁瑣勞苦之

處。而大臣官員等。亦得奉行成例矣。命允禧會同八旗大臣。議奏畫一。尋即遵旨會議。由雍正元年至十三年。所有臣等條奏之處。議覆查看一切事件。此內照原奏辦理事件。遵新例應行事件。再部院各營應辦事件。除俱造入冊外。臣等於雍正年間。合舊例酌量。將其有實益者。應行事一百七十五件。詳定錄寫漢冊。作為定例。永遠奉行。再行之日。後不獲實效。前後互相攙雜。反致繁亂。事有不便。即不行者。共七十八件。亦錄寫漢冊。請旨裁革。將所奏黃冊。著交

上諭館。作為定例。所議之事。造刻滿漢文冊。通行八旗。發給。又查臣等現議裁革事件內。從前刷刻發給八旗之

上諭。奉旨將旗務議覆事件。俱交

上諭館詳查辦理。覆奏施行。得旨。

上諭一書。俱係

皇考教訓旗人。並因事所降

諭旨自當永遠欽遵奉行。至爾等條奏事件內有堪為定例者著交

上諭館照依閱過摺奏另行刊刻頒行。再欽奉上諭議覆旗務事件著照所請交付該館。○又諭朕因各省提督總兵官未經識認者甚多。是以降旨令其酌量先後來京陛見。查會典開載有提鎮到京赴部投文聽候引見之條。但此例不行已久。督撫提鎮同為封疆大吏。督撫既不赴部引見。則提鎮到京亦准其即赴宮門請安。候朕宣召。不必先行赴部。至伊等起程赴京及回任日期仍循舊例報部以便稽查。○大學士仍管川陝總督事務查郎阿奏請叩謁

世宗憲皇帝梓宮得旨於大兵進口之後將一切事宜料理妥協。馳驛來京。其總督印務交劉於義署理。○雲貴總督尹繼善奏雲南永北鎮總兵官劉永貴留辦貴州銅仁新疆事務以騰越協副將鄭文煥署永北鎮總兵官。

○己巳諭總理事務王大臣自雍正五年有事於準噶爾以來凡大臣官員以及兵丁俱各勉行間効力數年。今大兵既徹軍務已定。此內有建著勤勞及暹勉効力公務者除已經蒙恩人員外有應加恩典者著總理事務王大臣查明將作何分別加恩之處議奏。再此次各處辦理軍需虧空案件向因正在辦理軍需之際不得不嚴。故概行著追。但此內情節輕重不同其情節原重應行追賠者仍令追賠外其情有可原應行寬免者著總理事務王大臣亦行查明分別詳議具奏。尋議大將軍及各大臣等現在議叙陞賞其文武官員兵丁平郡王與查郎阿等已核明分一二等送部議叙。此外或有未獲沾恩者請令總督查郎阿劉於義額駙策凌詳悉核實報部議叙如例。又虧空軍需錢糧雖與尋常不同但其中或有出於不得已挪用虧空者亦有核減浮用責償者其案牘具在乞令該

部會同察核詳議從之。尋據策凌覆奏言臣等詳勘自軍興以來凡勞績顯著奮勉出力者量其事跡悉已施恩並無遺漏之人查郎阿覆奏言武忱五十九佛保來成德高偉五人及黑色僧保常明柱索鼐等四人並列一等伊昌阿賽音察克詹布道德常明七十五巴顏福黑達色等八人並列二等俱報聞。○以戶部尚書慶復署吏部尚書仍兼管戶部事。○吏部右侍郎阿山等查奏張家口外東西兩翼八旗地畝繪圖呈覽得旨據阿山等查奏張家口外東西四旗地畝應照西四旗之例每畝徵銀一分四釐於乾隆元年起科朕思該處地畝甫經查明若即令於本年起科未免輪納維艱著緩至乾隆三年起科又據奏稱西四旗地畝內從前有徵多報少之弊請交直督李衛查審明確定擬等語此項開墾地畝今既查明嗣後該管官自應據實徵報其從前之隱匿朦混有徵多報少之處事

在恩赦以前著從寬免其查究餘著該部查議具奏圖並發。○署四川巡撫王士俊奏請直省督撫確查各州縣鄉村有應用烏鎗地方照營兵烏鎗尺寸製造具呈該地方官編號登冊以備稽查私造者照例治罪再貴州地方鄰近苗疆之州縣一切城垣急宜修築以資捍禦從之。○江南河道總督高斌條奏工程事宜。一各廳夫工銀兩核定給發據實報銷。一領運葦營蕩柴應給水脚宜核實分款請銷。一江工需用石料照京口之例畫一報銷俱下部議行。○庚午

上詣

皇太后宮問安。○四川巡撫楊紱奏請通江縣原額行茶腹引八百二十張改撥保順府屬之南充等九州縣下部議行。○以正黃旗頭等侍衛兼輕車都尉哈拉爾岱為

昭陵右翼副總管。○辛未命議謚明建文帝。諭易名以謚古之制也自周公定為謚法後世

帝王未有無謚者。明建文為太祖之嫡孫。繼承大統。在位四年。固儼然天下共主矣。及成祖既立。有其天下。並去其年號。而史官所書。則仍稱為建文元年。二年。三年。四年。此國之所賴有信史也。然不係之以謚。而稱曰建文皇帝。此俗稱。非史體也。傳之後世。殊為闕典。考之太祖有元之天下。而謚元主為順帝。我世祖章皇帝。代明之天下。而謚明主為愍皇帝。雖更姓改物之君。尚且追謚而無所嫌忌。況當其世者乎。宏治以來。如楊循吉諸人。屢以為請。迄寢不行。皆以後世子孫席有成祖之業。故不敢變亂舊章。而不慮其貽譏來世也。我國家謚崇禎而不謚建文者。以明史未竣。非當時所急。今史書既成。若不及此追謚。良為遺憾。著大學士九卿會議。確擬具奏。候朕親加裁定。○命定江南水利歲修。諭史書詳誌河渠。經術兼明水利。誠以國計民生所關也。果使水道疏通。脈絡流注。陂澤非沮洳之

藪。隄防有蓄洩之方。旱澇有備。而田廬無虞。其有裨於閭閻。誠非淺鮮。我

皇考軫念黎元。興行水利。凡直省泉源河湖。莫不濬導。俾民得以灌溉。轉瘠為腴。至於蘇松之太湖。吳淞白茆。劉河。歸海要道。并淮揚之槐子。烏塔。河。泰州。如皋。運河。串場。車路。海溝等河。尤不惜帑金。專員督理。將各河故道。或為豪強侵占者。

諭令嚴查清出。始得一一開通。建閘築隄。按時啟閉。使近水田畝。均沾膏澤。貨船鹽艘。通行無阻。利賴甚溥。但自開浚以來。已閱數年。圩岸不無坍塌。沙泥不無淤積。朕思與其歲久濬築。事難費倍。不若逐年疏葺。事易費省。著江南督撫。暨河道總督。令管理水利河務各官。及濱河州縣。各於所屬境內。相視河流。淺阻。每歲農隙。募夫挑挖。定為章程。逐年舉行。必令功施可久。惠濟生民。毋得視為具文。玩誤工作。及陽奉陰違。絲毫擾累。○免四川南

溪縣等處風雹災本年額賦有差。○癸酉諭總理事務王大臣。國家銓選各官。皆總匯於吏部。獨沿河一帶地方。同知通判州縣以下佐貳等缺。許令河道總督會同該省督撫題請補授。誠以在工効力人員。或能諳悉河務。俾之因材器使。以重河防而收實用也。乃聞伊等効力之時。每與附近地方豪紳劣監。交通往來。無事之時。酒食徵逐。一遇差遣。那移借貸。巧為營取。而本地紳監。樂於聯絡。以為聲勢。設使該員署理本地之時。或係鄰近地方。即追叙前好。出入衙署。簧鼓口舌。包攬詞訟。種種招搖。不可勝數。此皆有玷於官箴。貽害於鄉曲之甚者。嗣後南北兩河。凡有効力人員。該河道總督嚴加申飭。不時訪察。務令循分自安。毋得仍蹈舊習。與紳監人等密通親暱。以啟地方豪猾生事滋擾之漸。如有干犯禁令。結交作弊。該督撫即查明劣蹟。據實叅奏。不得稍為徇隱。並將交結之人。一併懲

治。庶幾在工効力人員。各知儆戒。紳監各守法度。河防得人。而地方寧輯矣。○又諭貴州苗疆事務。自張廣泗經畧以來。漸次就緒。但善後事宜。正須料理。必事權歸一。始可專其責成。張廣泗著授為貴州總督。兼管巡撫事務。尹繼善著為雲南總督。專辦雲南事務。俱另行鑄給關防。其經畧印信。俟軍務告竣時再行繳部。○以詹事府詹事劉統勲為內閣學士兼禮部侍郎。○甲戌。頒工部現用營造官尺式於直省。凡工程俱用部頒。從大學士兼管工部尚書邁柱請也。○湖北學政蔣蔚疏請增新設宜昌府學。文武學額各二十名。廩增額四十名。新改東湖縣學。文武學額各十五名。廩增額二十名。下部議行。○戶部議覆大學士管理浙江總督兼管兩浙鹽政嵇曾筠疏陳鹽務六條。除請發帑銀四萬兩分給各場收買餘鹽。交貧難老少貨賣一條。毋庸議外。一將臨海等四縣貧難老少。照黃巖

等三縣成規。給牌賣鹽餉口。一。將商人私設商捕。報明地方官。造入卯簿。以便約束。一。緊要隘口。必需巡船地方。令有司會同營汛確查。責商修理。編列字號。造冊通報存案。以備巡緝之用。所獲私鹽船隻。俱變價解抵功績。不必令兵役自備。致滋藉詞需索之端。一。巡鹽兵捕。能拏大號海船。人鹽並獲者。將鹽船入官。私船變價。即於變價銀內。賞給十分之四。船鹽已經拏獲。人被脫逃。或未全獲者。減賞一半。小海船鹽。並內河整船載運。及商人假公行私。與大夥挑販。鹽數甚多。拏獲者。私鹽變價。亦於變價內。賞給十分之三。獲鹽不獲人。與人未全獲者。減賞一半。人鹽雖獲。鹽數無多者。亦於變價內。賞給十分之二。獲鹽不獲人者。賞給十分之一。倘兵捕圖賞。混拏誣指。並見有私梟。不行上前追獲。以及受財賣放。按例究治。一。令本地文武印汛官弁。互相查緝。如奸徒搶奪鹽店。及闖鬧場竈等事。

文武官弁獲犯不及一半。或不獲首犯者。照盜案例。叅處。平時漫無約束。臨事不即擒拏。有意姑息。致長刁風者。題叅革職。該管官不行揭報。一併查叅。如整飭有方。鹽引疏銷。私販斂跡。一年之內。無應叅之案者。紀錄三次。三年者。准加一級。遇大計之年。必查明無鹽案。叅罰。方准卓薦。均應如所請。從之。○乙亥。革提督衙門白役。諭總理事務王大臣。據都察院審訊李長泰首告劉四。因事行賄。刑部司官周琬。得銀五百兩一案。全係步軍統領衙門番役等。夥同匪類。捏詞誣陷。供証確鑿。又稱番役私用之白役人等。俗名圓扁子。並非額設衙役。亦無定數。每借番役名色。嚇詐生事。若遂其所欲。則將事件消弭。否則告知番役捕治。得受賞銀。飽其谿壑。且往往出銀設計。誘人犯法。民間甚為擾累等語。向來提督衙門番役。及內務府番役。恣行不法。往往遇事生風。戕賊良善。其索詐騙害之惡。不可

枚舉。是以我

皇考特派王大臣等不時約束稽查。比時稍知畏法斂跡。今則日久廢弛。復逞故智。如李長泰首告一案。即目前之顯然敗露者。其他更不知凡幾。朕又聞得番役等。竟將京城內外地方。各人私自分管。且將六部等衙門事件。各派一人訪查。此則可惡之尤甚者。從來番役之設。不過查捕潛藏之盜賊。逃竄之罪人。與賭博宰牛等類。至於部院之事。自有該管之大臣。與職司稽察之官員。番役何人。而敢於私自窺伺。以持其短長乎。著步軍統領嚴行禁止。並將白役圓扁子之類。盡行革退。不許私留一人。致滋閭閻之擾。嗣後倘有被番役等騙害者。准本人赴刑部都察院控告。該部院即據實奏聞。朕必將番役嚴審治罪。不稍寬貸。○又諭。從前八旗虧空著追人員。荷蒙

皇考格外隆恩。屢頒

諭旨。令各該旗查明奏請豁免。嗣經臣工條奏。請將欠帑人員之家產等項。已經開報者。不准寬免。而八旗大臣及叅領佐領等。又復辦理不善。種種紛擾。以致

恩施不能下逮。此朕所深知者。即位以來。旗人生計。時厯朕懷。著將八旗應入官之房產地畝。雖經報部。而尚未估價。及八旗已經估價。而尚未交部者。照前所降諭旨。分別情罪。令各該處查明。給還本人。俾其執業。○又諭。戶部查奏八旗復令入官之房屋地畝。共七十二案。俱係從前欽奉

皇考恩旨。已經寬免者。後因該旗大臣不能仰體

聖意。復令交官。今既查明造冊具奏。著仍給還本人。令其執業。再此項房地內。有於交官後。已經估變認買。及賞給兵丁官用者。若復行徹出。未免滋擾。著該部查明。已經估變認買。及賞給兵丁官用之房屋地畝。將別項入官

之房屋。比照間架地畝。比照等次賞給。倘有不公不均。藉端作弊者。一經察出。定從重究治。餘照所奏行。○禮部議覆刑部奏請。如有派委旗員地方官。辦公事之處。按照品級議定儀注。一體頒行。按會典文武相見儀注。參酌。凡一品精奇尼哈番。與府廳州縣相見。照總兵例行。二品阿思哈尼哈番。照副將例行。三品阿達哈哈番。參領。照參將例行。四品拜他拉布勒哈番。副參領。佐領。照都司例行。五品拖沙拉哈番。並五品官。照守備例行。驍騎校。護軍校。與千總。品級相等。隨從差委。自有派往正員。毋庸另議。從之。○丙子。

上詣雍和宮

梓宮前供奠。○命恩赦後速行結案。諭總理事務王大臣。明罰敕法。國之大典。而肆赦所加。原以昭法外之仁也。恩詔之頒。期以息事寧人。使遠邇咸知遷善改過。共為良民。以成太平之治。聞各直省於一切案件。仍行提審駁

審。嚴行酷夾。恣意株連。使無辜之人。困於囹圄。細微之事。刻為鍛鍊。含冤稱屈。所在多有。夫罪名未定。案情未協。或仍有須審詳者。但既非犯在不赦。則斷讞亦易成招。若使合於赦款之人。不得即邀赦免之澤。而以酷刑斃命。或因拖累破家。則後即審明。援赦亦已無及。是朝廷已生全之。而有司故戕害之。藐視功令。殘虐民生。莫此為甚。且頒詔之後。已逾半年。而題結咨結批結之案。尚屬寥寥。遲玩已極。著刑部即行文各該督撫。速行嚴飭各屬。立即詳慎查明。逐一詳報。歸結省釋。如有仍前濫刑擾累。及擔延滋弊。以阻抑國家德意者。一經察出。罪有攸歸。斷不輕貸。即刑部所有案件。亦應速為剖晰。勿致沉擱。以副朕哀矜庶獄之意。○贈故河南河北鎮總兵胡傑為都督僉事。○丁丑。

上詣

皇太后宮問安。○署川陝總督兼甘肅巡撫劉

於義疏請增陝西省聿丁字號中額一名。從之。○順天府府尹陳守創條奏科場事宜。一鄉會試期。大宛兩縣先查明各項食用等物時價。造冊報部。承辦之員。照時價採買。一場

內舉子食用。悉按人數報銷。其每場早飯午粥。開米十石之數。應行加增。一場內支取食物。開具清單。送提調官鈐蓋關防。令內委官登號。仍令內外監試查驗。交總理供給所收發。一內委官二員。先期領發銀兩。臨時關防

場內。外委官呼應不靈。應將內委官移出一員。在場督催供給。仍將外委官移調一員。入場協理。下部議行。○兵部議准。山西巡撫石麟奏。請省南大路。平定州與直隸井陘縣交界起。至永濟縣與陝西潼關縣交界止。省北大路。天鎮縣與直隸懷安縣交界起。至保德州與陝西府谷縣交界止。添設墩臺七十八座。營房六百七十三間。烟墩三百八十五個。牌坊七十七座。從之。○直隸河道總督劉勳

奏請天津大名清河永定通永五道所屬河道隄埝民修工程。於每年霜降後。責令廳汛各員。同歲修工程。據實確估。發價興修。下部議行。

大清高宗法天隆運至誠先覺體元立極敷文奮武孝慈神聖純皇帝實錄卷之二十

大清高宗法天隆運至誠先覺體元立極敷文
奮武孝慈神聖純皇帝實錄卷之二十一

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰六月己卯命纂三禮義疏諭

實錄卷二十一

總理事務王大臣昔我

皇祖聖祖仁皇帝闡明經學嘉惠萬世以大全

諸書駁雜不純

特命大臣等纂集易書詩春秋四經傳說

親加折衷存其精粹去其枝蔓頒行學校昭示

來茲而禮記一書尚未修纂又儀禮周禮二

經學者以無關科舉多未寓目朕思五經乃

政教之原而禮經更切於人倫日用傳所謂

經緯萬端規矩無所不貫者也昔朱子請修

三禮當時未見施行數百年間學者深以為

憾應取漢唐宋元以來註疏詮解精研詳訂

發其義蘊編輯成書俾與易書詩春秋四經

並垂永久其開館纂修事宜大學士會同該

部定議具奏○命選頒四書文諭國家以經

義取士將使士子沉潛於四子五經之書含

英咀華發摠文采因以覘學力之淺深與器

識之淳薄而風會所趨即有關於氣運誠以

人心士習之端倪呈露者甚微而徵應者甚

實錄卷二十一

鉅也顧時文之風尚屢變不一苟非明示以

準的使海內士子於從違去取之介曉然知

所別擇專意揣摩則大比之期主司何以操

繩尺以度羣才士子豈能合矩矱以應搜羅

乎有明制舉之業體備各種如王唐歸胡金

陳章黃諸大家卓然可傳本朝文運昌明英

才輩出劉子壯熊伯龍以後作者接踵莫不

根抵經史各行抒軸此皆足為後學之津梁

制藝之科律者自坊選之禁垂諸功令而大

家名作。不得通行。士子無由睹斯文之炳蔚。率多因陋就簡。剽竊陳言。襲取腐語。間或以此倖獲科名。又展轉流布。私相仿效。馴至先正名家之風味。邈乎難尋。所係非淺鮮也。今朕欲哀集有明及本朝諸大家時藝精選數百篇。彙為一集。頒布天下。以為舉業指南。學士方苞。上於時文。著司選文之事。務將入選文。逐一批抉其精微奧窔之處。俾學者了然心目間。用以拳服摩擬。再會試鄉試墨卷。若

實錄卷二一

三

必俟禮部刊發。勢必曠日持久。士子一時不得觀覽。嗣後應弛坊間刻文之禁。倘果有學問淹博。手眼明快者。不拘鄉會墨卷。房行試牘。准其照前選刻。但不得徇情濫觴。及狂言橫議。致釀惡俗。朕實嘉惠士子。望各精勤厥業。以底大成。尚悉敬體朕意。共相黽勉。○命外省衙門嚴察吏役。諭朕惟州縣為親民之吏。自宜廉平不擾。懋著循聲。乃獄訟催科之際。官民情意。易致睽隔。百姓潛受苦累。而無

由自訴者。則以書役之為害甚劇。州縣官不知所以振刷而剔除之也。朕訪聞直省州縣衙門。經承之外。必有貼寫。正役之外。每多白役。聚此數十輩。無賴之徒。假託公務。橫肆貪饕。其為小民擾累。何可勝言。故有訟獄尚未審結。而耗財於若輩之手。兩造已經坐困者矣。額糧尚未收納。而浮費於催徵中飽於蠹胥。已什去二三矣。其餘勾緝命盜。因緣舞弊。遇事風生。株連無辜。賄縱要犯。大率貼寫白

實錄卷二一

四

役之為害居多。各直省督撫。務宜嚴飭各該州縣。將所有吏役。按籍鈎考。其有私行充冒者。悉行裁革。設正額書役。實不敷用。不妨於貼寫幫役中。擇其淳謹者。酌量存留。亦必嚴加約束。毋得非時差擾。至於經承正役。務須時刻稽查。倘有壞法擾民之事。立即按律重懲。庶使若輩知所顧忌。不得肆其伎倆。倘或明知故縱。姑息養奸。又或喜其巧於趨承。受其蒙蔽。此則不愛百姓而愛吏役。即屬戕害

吾民之甚者也。為民父母，其忍出此乎？且胥吏之為害，不止州縣衙門已也。凡徵解錢糧，上司書吏，輒向州縣書吏索取費用，因而縣吏假借司費紙張名色，派索花戶。又如徵解漕糧時，糧道衙門書吏，需索縣吏規禮，因而縣吏遂勾通本縣家人，盤踞倉廩，於正額外，多收耗米，稍不遂意，百般留難，遠鄉小民，以得收為幸。守候為艱，不得不飽其貪壑。又聞司院衙門，凡州縣申詳事件，每先發各房書吏擬批送籤，書吏從此作奸射利，遲速行駁之間，得以上下其手。蓋衙蠹之為擾，自上及下，正不自州縣始也。是在為督撫者整肅紀綱，立闔省之表率，而監司守令，各奉厥職，互相糾正，則弊絕風清，民安衽席。朕惠養元元之恩意，得以周浹閭閻矣。○旌表守正捐軀之福建南靖縣民張訪妻鄭氏。○庚辰，諭總理事務王大臣，朕聞廣東有屯糧羨餘一項，原係衛所官弁徵收，每正糧一石，收穀三四

石不等。除正米撥支兵糧外，餘穀悉係衛所官弁侵蝕入己。嗣經督撫查出，題報歸公，留備賑糶之用。但屯田糧額，本重於民田，今以一石之糧，徵收至三四石，屯民其何以堪？又聞各省軍田糧額，較之民地亦重，從前軍田畝數原多，嗣後漸次清釐，田主亦屢經更易，而糧石仍輸舊額，自屬苦累。大學士等可寄信各督撫，詳加確查，將如何定額徵收，並革除額外加徵之處，密議請旨。○經畧苗疆貴州總督張廣泗奏請湖廣督撫撥米四萬石，或於湖南近黔各府州縣存倉穀內碾運，或於湖北襄漕米內，分晰運黔，併粵西巡撫於各府州縣存倉穀內碾米三萬石，至古州凱里等處，以備兵需，下部議行。○辛巳，吏部議前任河東總督王士俊審擬已革武生王作孚及周心傳鬧堂一案，承審各官隱匿真情，羅織無辜，請將王士俊革職，得旨，王士俊著革職，仍留署四川巡撫之任。○戶部議准奉

天將軍那蘇圖奏請將軍衙門辦事官員照盛京五部司員例管檔主事一員。每月給公費銀三兩。筆帖式十一員。每員月給公費銀一兩。協領四員。照郎中例。每員月給公費銀三兩。佐領等官十員。防禦四員。照員外郎主事例。每員月給公費銀二兩二錢。驍騎校五員。照司務廳例。每員月給銀一兩五錢。在盛京戶部庫支領從之。○以鴻臚寺少卿李鳳翥為浙江鄉試正考官。侍讀李清植為副考官。兵部侍郎姚三辰為江西鄉試正考官。司業開泰為副考官。編修孫灝為湖北鄉試正考官。吏部郎中陳其凝為副考官。○壬午。

上詣

皇太后宮問安。○恩賞丁憂翰林余棟內庫銀五百兩。○禮部議暹羅國使臣昭丕雅大庫代伊國王呈請恩賞蟒緞大袍一二件。又該國造福送寺需用銅觔。欲赴粵採辦七八百觔。查舊例賞賜已有蟒緞蟒紗等物。銅鐵出

洋。久經嚴禁。該國王所請。應毋庸議。得旨。暹羅國遠處海洋。抒誠納貢。除照定例給賞外。著特賞蟒緞四匹。至採買銅觔一項。該國王稱係造福送寺之用。部議照例禁止。不許令其採買。固是。今特加恩賞給八百觔。後不為例。○癸未。給京員養廉。諭總理事務王大臣。國家命官分職。亮采宣猷。固欲各矢公忠。共襄國事。然必俯仰無憂。而後可以專心効職。朕臨御以來。洞知京員俸祿所入。未足供其日用。深為廛念。祇以量入為出。國有常經。必須籌畫周詳。始可施行久遠。今查得戶部有平餘銀兩。係各省與正供隨解之項。每年約有十六七萬金不等。此項銀兩。在內在外。原存貯以備公事之用者。若即以分給部院辦事之人。作為養廉。於情理亦為允協。著總理事務王大臣等。查明部院各衙門事務之繁簡。官員之多寡。其原有飯銀。已足敷用者。無庸賞給。其不敷者。酌量加添。其向來並無飯

銀者酌量給與。至翰詹京堂等衙門。雖事務不繁。而淡薄較部院更甚。均當令其一體沾恩。可按數分派。詳悉妥議具奏。再外省武職俸祿之外。尚有心紅紙張。及親丁名糧之屬。而旗員別無養廉。此亦久厯朕懷者。前已加恩。將步軍營之章京等量給空糧。資其用度。今叅佐等員。其有空糧者。無庸賞給外。其未經賞給者。亦應照例分別賞給。以昭朕優恤文武臣工之至意。總理事務王大臣。其一併

妥議具奏。○禮部議貴州學政鄒一桂奏。思南府屬蠻夷長官司正長官安守仁。安化縣土主簿楊世正。俱由廩生承襲。廣西學政潘允敏奏。土司徐國丞。由生員承襲。俱呈請一體鄉試。得旨。准其一體鄉試。○江南河道總督高斌奏。請京口地方專設千總一員。調撥河兵五十名。責令該千總督領修防。統歸揚河江防河營守備管轄。京口厓岸歲修工程。飭令鎮江府水利通判承管。以專責成。下部

議行。○賜卹巡哨落水身故廟灣守兵周大奇如陣亡例。○甲申禁泰山香稅。諭總理事務王大臣。自古山川有能出雲雨者。天子秩而祀之。而五嶽之禮尤重。非有朝命。不得致祠。然王立大社。而州黨又各有社。崇之祭。則春秋禱賽。庶民各就其所敬信。而竭誠焉。亦禮俗之可以情假者也。泰山舊有碧霞靈應宮。遠近瞻禮者。軌跡相望。必先輸香稅於泰安州。然後許其登山。稅約歲萬金。自前明以

來。相沿未革。朕思東方物之所生。天地盛德之氣之所發也。故傳稱觸石而起。膚寸而合。不崇朝而徧雨乎天下者。惟泰山。則春祈秋報。黎庶輻輳。在國家亦宜順達其情。若使力艱於輸稅。而不得登山。非所以從民之欲也。其富民樂施。多寡任意。准守祠人存貯。以修葺舍宇。平治道塗。有司不得干預。諭到即醵石樹祠。用垂永久。○命正經界。杜爭訟。諭朕聞濱海之鄉。土地坍漲不常。田無定址。於是

豪強得恣侵占而爭端日興其責在地方有司熟悉土宜按制定法弭釁於未然而平其爭於初發則可謂良吏矣夫州縣有司非盡不知愛民者特以田土情形未能稔悉不得不寄耳目於吏胥而滑吏奸胥又往往與土豪交通變亂成法予奪任意弱肉強食為厲無窮訟獄繁興端由於此至若沿海新漲之沙鄰邑互爭有司又各袒護所屬益滋紛擾此皆徇私而未識大體者朕以天下為一家而州縣官各膺子民之責亦當體朕之心以為心又焉忍伸此屈彼長其奸而導之攘奪哉前此海濱要地增設大員彈壓果其秉公查勘經理得宜應即令界址劃然各歸其產不當遷延歲月仍假奸民之便而使窮黎久致失業也夫奸豪不懲則無以安良善經界不正則無以杜爭端該督撫應飭所屬親民之員毋以姑息怠緩從事庶令民業各正而爭訟亦自是少息矣○戶部議覆河南巡撫

富德疏稱南陽縣地方復設南召縣治南陽縣撥換撥歸南召縣地一百九十四頃二十四畝五分零南召縣撥換撥歸南陽縣地三十三頃一畝三分零其人民戶口即照撥換撥歸地界分隸稽查管轄從之○乙酉禁百工當官貼費諭總理事務王大臣聞江浙地方一應百工技藝奉官役使名為當官久經嚴禁而地方官並不遵照功令更兼吏胥從中舞弊凡有工作不論公私總以當官為名短發工食并有竟不給發者如匠役不能親身應差則暗中斂錢相助名為貼費官則徇私吏則中飽種種弊規累民實甚夫百工勤手足之力一日所得仰事俯畜僅足資給何堪私役滋擾該督撫應嚴行禁止除公事照例給發工食不得短扣外總不許以當官名色擾累斯民倘不肖有司陽奉陰違或經訪聞或經題叅朕必將大小官員分別處分爾等可寄信該督撫知之○鑲黃旗漢軍都統

納穆圖奏旗人已經賣出房地令戶部贖還給與本人得旨此項入官墳園地畝賞還本人乃朕格外之特恩今將戶部存留地畝與撥給莊頭之地畝撤回給還本人事屬可行若將已經賣出之地畝復行贖回給還事覺紛擾即以官地抵還亦為不便此一項著八旗照此遵行辦理○賞暹羅國王參立拍照廣拍馬嘯六坤司尤提雅菩挨錦緞王妃緞紗及正使郎三立哇提二貢使郎曝理哇振三貢使坤史璘吓者哪四貢使文備匹邁底等緞疋有差○賜卹奉差漂溺身故之廣東黃岡協守備余繼祖如例○旌表守正捐軀之廣東徐聞縣民麥聖清妻陳氏○丙戌上詣雍和宮

梓宮前行月祭禮○詣

皇太后宮問安○遣官祭

火神廟○命纂修禮書諭總理事務王大臣朕聞三代聖王緣人情而制禮依人性而作

儀所以總一海內整齊萬民而防其淫侈救其彫敝也漢唐以後粗備郊廟朝廷之儀具其名物藏於有司時出而用之雖縉紳學士皆未能通曉至於閭閻車服宮室飲食嫁娶喪祭之紀皆未嘗辨其等威議其數度是以爭為侈恣而耗敗亦由之將以化民成俗其道無由前代儒者雖有書儀家禮等書而儀節繁委時異制殊士大夫或可遵循而難施於黎庶本朝會典所載卷帙繁重民間亦未

易購藏應萃集歷代禮書並本朝會典將冠婚喪祭一切儀制斟酌損益彙成一書務期明白簡易俾士民易守著總理事務王大臣會同該部從容定議○訓文武官弁和衷諭兵民雖分兩途同屬朕之赤子全賴地方文武官弁明曉大體不存絲毫庇護之見使民皆安分守業兵各恪遵紀律始能彼此安輯稱朕一視同仁之意乃文武官弁克體斯意者頗少每見文官有意庇民凡遇兵民互爭

之案。輒指兵丁為生事。而在民之曲直。不甚推求。武弁則有心庇兵。遇有犯違法令。擾害百姓者。並不即將名糧革除。移交有司審理。甚至有代為剖白。以致兵驕民怨。法紀廢弛。設有司執法。反以為有損顏面。心懷不平。似此挾私構釁。甚非設官治理兵民之本意也。朕思文員通曉文墨者尚多。見理稍明。且係外籍之人。與民尚屬疎遠。私意易除。武弁則半係本地。行伍出身。兵其同類。加之平日未嘗學問。識見淺陋。庇兵之風。尤為難化。嗣後各直省督撫提鎮。及駐防將軍都統等官。務宜嚴飭屬員。一洗積習。倘有仍存私見。袒護兵民者。立即嚴叅重處。庶官弁各知和衷。兵民相資為理。而地方共享寧輯之福矣。○直隸總督李衛疏陳易州

山陵駐防員役供應事宜。一。易州

山陵歲約需員役白米一千石。次白米二百石。江米一百石。漕米九千石。行文倉場總督。於

漕船抵津時。豫酌按數截留。該幫領運千總。於天津雇船運至白溝河水次。先將樣米呈送。

陵部驗明。由坐糧廳及該管道委員監收後。按數給發。將給過支剩米數。歲底報部。一。截漕水運白溝一帶地方。每年將及起運時。遴委幹員。募夫挑濬淤淺。一。截撥漕糧。遇乾淺水大之時。仍由白溝河起載。陸路至易州。若北河水勢通暢。竟從北河起運。一。天津至白溝沿河地方。向有營汛。照舊催儻。其霸州。任邱。雄縣等添設汛房。每汛設兵五名。建房三間。催儻巡查。汛兵於附近各營抽撥。一。雄縣西關橋梁。宜修葺。以便重運停泊。一。白溝河鎮西岸園地。建倉廩二十間存貯。一。易州城有入官房五十五間。改作倉廩。併於隙地內。酌量添造。一。易州城白溝河兩處。各設倉夫看守。一。撥運漕白米石。照薊州之例。每石給耗三升九合。其三色白米。亦照例減半。每石給

耗一升九合。按年造冊奏報一

山陵應需祭祀牛羊豆草。並各員役俸餉。俟禮部等衙門題定後。按期題撥。依價採買。一易州運送米豆草束車價銀兩。照薊遵豐三州縣准給腳價之例支給。

山陵應需柴炭槽面及冰塊。於司庫地糧存公銀內撥給。

山陵祭祀牛羊。日支豆草。併供應包衣禮部兵部葦白柴炭冰塊等項。飭令附近州縣照例

豫備供應。於辦公銀內動支。均下部議行。

以漕運總督程元章署禮部侍郎。松江提督補熙為漕運總督。○以高攀桂為河南河北

鎮總兵官。項朝選為福建建寧鎮總兵官。

丁亥。禁四川私派番民。諭總理事務王大臣。

四川松潘鎮各番。輸誠効力。恭順多年。朕疊

沛恩膏。俾各休養得所。已將口裏口外本年

應納正賦。通行豁免。示朕撫恤遠番之意。茲

聞從前各番額賦之外。鎮將各衙門有私自

派收之項。每年收穀六族包子寺元壩寒盼

七族等寨。青稞四百餘石。以為公務之用。又

該鎮衙門收西路我眉七布二寨。熟霧十二

寨。紅土坡臘白三寨。小麥青稞等項。又收所

屬各寨折草價之青稞及紅花雄溪雲屯望

山等處關堡折租銀兩。又漳臘營收羊峒東

敗王亞寒盼等寨。疊溪營收梁貢黃包喇等

寨。大姓葫蘆皮袋等寨。小麥青稞等項。又遇

創挖貝母之年。該鎮及鎮標中營平番營等

衙門。令平番所屬各寨。交收貝母。似此額外

私徵。甚為番民苦累。亟宜概予蠲除。以甦番

困。嗣後松潘鎮屬番寨。除按年輸納正賦外。

一切鎮將衙門。不得絲毫派歛。倘有仍沿陋

習。暗中索取者。經朕訪聞。必嚴加治罪。著該

撫及提督。遵朕諭旨。嚴行禁革。並通行曉諭

各番寨地方知之。○又諭從前北路軍需內。

有運送科卜多截留察漢叟爾等處。應追腳

價銀二萬九千餘兩。雖係商人承領。而起運

之時。全數給發。是以截留之後。在於車駝戶名下著追。已還過銀一萬四千餘兩。尚有一萬四千餘兩未完。朕思車駝戶較商人更為貧苦。現今大兵既撤。營運無多。完項自屬艱難。且多係並無家產之人。朕心深為憫惻。著將前項未完銀一萬四千一百四十四兩九錢。俱行豁免。又商人趙位侯等於觀音保運送十八軍需案內。除十二案李成功脚價應行扣追外。其餘數案。多係因公賠累。情節亦有可原。且該商從前續辦軍需。有節省銀二萬餘兩。著該部查明。即以節省之項抵補。免其著追。○戶部議覆雲南巡撫張允隨疏請運京錢文。統於廣西府建局鼓鑄。東川錢局。截至乾隆元年春季停止從之。○以署山西大同總兵南天祥為松江提督。○戊子。大學士管川陝總督事查郎阿奏。前任甘肅巡撫許容隱匿災荒。營私樹黨。得旨革職解京治罪。○以李質粹為直隸宣化鎮總兵。○己丑。

兩淮鹽政尹會一疏稱。兩淮地方。水陸叢雜。陸路車輛頭匹馱載。販運鹽觔。盈千累百。應與水路之船裝。一併嚴禁。其年少婦女。孤行負賣。有關風化。應行禁止。至貧難小民。亦止許各自挑負易賣。不許結隊成羣。湊合興販。如過三人以上。仍行查究。至巡船兵役。係緝私所必需。照舊存留。下部議行。○以國子監祭酒崔紀為詹事府詹事。兼翰林院侍讀學士。○旌表守正被戕之江蘇金壇縣烈女王氏。○庚寅。諭吏部。嗣後同知通判知州知縣等官引見時。有奉旨以應陞之缺記名者。應俟該省有應陞之缺。爾部奏聞請旨補授。若該員甫經到任。即令陞往他省。則僕僕道途。未免勞費。倘他省有緊要缺出。一時不得其人者。准將此項記名人員奏聞。至於京官記名者。不拘此例。○總理事務王大臣議覆。川陝總督查郎阿奏。軍營倒馬。如已滿五年之限。免賠椿銀者。即以餘馬撥補。止扣皮臟銀。

五錢如未滿年限者仍按年分賠椿銀亦即以餘馬撥補均免其找銀五兩至各營牧放餘馬每百匹准歲報倒斃六匹多者賠補應如所請從之○禮部議覆順天學政崔紀奏一。生員無抗糧包訟等事。歲底五生互結應停。一。生員告切已呈詞先令教官掛號用戳應停。一。誤課三次詳革未免太苛應改正季考月課託故三次不到者教官嚴飭無事故終年不到者褫革。一。生員牽訟先革後審應停。一。交納錢糧嚴立三限今士子欠糧者漸少應改正。上戶富生歲底全完中下貧生開歲二月四月全完逾期始行詳革革後全完仍准開復委係赤貧暫免詳革。一。生員加等擬罪之處停止。一。完糧後方准收考應停。一。被褫後不許出境應停從之○是日起

上以孟秋享

太廟齋戒三日○辛卯諭總理事務王大臣外省知縣由正途出身任內無叅罰者按其資

俸行取來京以主事補用其有廉明公正之員或因公累誤與例不符者亦准督撫保題此古三載考績之意所以簡賢能錄功最也但各部主事設有定額一年之中出缺無幾又有應補之人則行取來京之員挨班選授三年內必不能用完而下次行取之期又至日積日多勢將有遲至四五年不能得缺者朕思此等人員服官供職著有成效故特予行取以優待之今令其遠離原任需次選曹

在彼既不免守候之苦而外任轉少一諳練之縣令殊為可惜所當酌量變通者嗣後行取屆期該部將合例之人具題後知會督撫照武官保舉註冊之例仍留本任辦事俟單月缺出按俸銓補得缺之後給咨引見再赴新任庶各員不至去官守選轉多壅滯之虞而外吏得以駕輕就熟仍司牧民之職其如何定例之處著交吏部詳晰妥議具奏○裁五城巡檢諭國家設

官。所以寧人也。京師為輦轂之地。五方之人雲集輻輳。是以於五城分命滿漢御史及兵馬司正副指揮吏目等官。糾察而稽查之。又有步軍統領。專掌九門巡捕。營員查匪類。緝盜賊。察賭博等事。犯者輕則自行懲治。重則送部究擬。立法亦綦詳矣。嗣以外城街巷孔多。慮藏奸匪。各樹柵欄。以司啟閉。因而設巡檢官數十員。於在京考職候選雜職人員內。揀選補用。此等之人。本係微職。一膺斯任。妄謂得操地方之權。所用衙役。率皆本地無藉之徒。望風應募。遂於管轄之內。欺詐愚民。遇事生風。多方擾累。甚至卑陋無恥。散帖歛分。苛索銀錢。官役分肥。於地方並無查察防範之效。而司坊各官。反得推諉卸咎。又安用此冗雜之員也。著將巡檢概行裁革。其柵欄仍照舊交與都察院五城及步軍統領酌派兵役看守。至裁退之各巡檢。著都察院分別等次。交部酌量補用。其未補者。仍歸伊等原班。

銓選。○命查勘江南江西被水鄉村。酌免本年額賦。○命侍讀李清植編修張若靄以原銜充日講起居注官。○直隸總督李衛遵旨詳議一切新舊營田。交各該州縣管理。如本任事務匆忙。即委所屬佐雜協辦。並飭各該道府廳州稽察督理。其續報營田。借給工本。以及水田改旱應行事宜。俱由本屬府廳州申詳該道核轉。再令該道等勸導查察。如州縣實力督課。三年之內。著有成效出色者。各該道府廳州詳司核保。照卓異例。不論俸滿即陞。倘因循作弊。即行揭報。濫舉徇庇。亦即查叅。又營田州縣內。如豐潤霸州天津永年新安玉田文安大城磁州等九州縣。或營田數少。或治大事繁。嗣後缺出。於現任州縣內。揀選才具優長。熟悉水利之員題調。下部議行。○壬辰。訓直省督撫糾劾察訪之弊。諭總理事務王大臣督撫為封疆重臣。一省數千里之間。吏治民生寄焉。所以激濁揚清。風示

羣吏者。莫要於糾劾貪暴刻深苟且昏惰之
守令。所以移風善俗。綏靖良民者。莫要於訪
拏地棍衙蠹。生事不才之生監。然是二者。真
知確見而盡得其實。其道甚難。何則。督撫所
以寄耳目者。不過二三投契之監司。或朋好
族姻。及多年相信之家僕。凡人公正無欲。忠
信不欺。而才智又能不為人所欺者。千百中
無十一。倘寄耳目非其人。則將以除奸而轉
為售奸之藪。將以剔弊而適開叢弊之門。其
顛倒枉直。擾害閭閻。有不可勝言者。蓋守令
之巧詐者多。工於掩飾周旋。而安靜悃悃清
白自守之吏。率不能迎合監司。彌縫督撫之
左右。苟寄耳目者。以私意為愛憎。以毀譽為
公評。漫聽浮言。捏構條款。督撫信為誠然。或
且惟恐不然。則彈章朝上。衆口夕譁。縱復自
悔。孰能認過。深文苛法。務實其事。以自直。朕
所前聞。往往若此。至於劣生棍蠹。訪聞不實。
片紙發行。即時扭解。縱能虛心體察。昭雪釋

除。而其人已身殘家破矣。又況華楚之下。何
求不得。誣証屈服者。沈寃豈能更白乎。夫政
貴有經。事求得實。督撫果能公忠體國。實意
為民。於所屬守令。平日訟獄催科。馭吏臨民
之實跡。一一留心而察之。其人之明暗公私
仁暴。十可八九得。然後驗以民情之嚮背。酌
以衆論之參差。則舉劾自無大謬矣。至於劣
生棍蠹。剝蝕地方。良懦編氓。莫不痛心切齒。
特無力首告。恐轉為所害耳。如果諄切曉示。
凡被害之家。許據實上控。不以越訴格而不
行。立即親提證據。審實無虛。重懲不貸。其誣
告者。罪亦如之。則法在必行。民知可信。將宿
惡寒心。朋奸斂跡。既無用以蜚語流言。循訪
拏之故事。而懷怨挾讐。欲相傾陷。以快其私
者。更何以逞焉。繼自今各直省督撫。宜爭自
砥礪。布實德於斯民。以無負朕委心倚任。俾
專制一方之至意也。○吏部議覆。浙江道監
察御史八時泰奏。稱滿洲舉人進士出身之

中書主事以上等官。陞用翰詹衙門。如係熟練部務之員。該堂官奏留辦事。無庸開缺。其不行奏留者。照例開缺。蒙古官員降調。降至從七品以上者。以原銜借補中書。降至八品以下者。以原銜借補司務。情願補筆帖式者。於考取各項筆帖式輪用一次之後。補用一員。應如所請。從之。○是月。直隸總督李衛奏報雨雹損傷莊村。並督捕蝗蝻情形。得旨。今年直隸三春雨澤。可謂浩蕩。

天恩。入夏以來。雖已得雨。而尚欠霑足。初二之雨。今復隔七八天矣。朕日夜望雨。殊覺憂鬱。若十日內不雨。則年成減幾分矣。且有蝗蝻之災。豈吾君臣措施有所刺謬乎。○又奏。易州恭建

山陵一路橋梁。豫為完備。其長新店街道。照依盧溝橋街口。鋪蓋厚石大版。一律坦平。得旨。好。卿委員作速辦理。一面報部。一面動項趲修可也。○又奏。泰寧鎮官兵衙署營房。雖分

官員兵丁。自行居住。原為守護

山陵億萬年永遠之計。初建時。必須詳慎經理。向背合宜。請令該鎮會同欽天監。於梁各莊等處。就近選擇。得旨。著照所議行。仍將此旨。知會總理工部怡親王等。令其協同辦理。○又奏。巡查鹽泉情形。得旨。此事阿揚阿並未陳奏。卿但盡心辦理。若果問心無愧。他人之萑菲。豈能動朕。是以朕之保全諸臣。皆諸臣之自保全也。何則。朕豈能以己之好惡。為朝廷用人去取之章本乎。○江南總督趙宏恩奏。江南徐州。江西贛州等處。被水情形。得旨。被水州縣如此之多。淹斃人口。亦復不少。此皆我君臣政治失宜。上干

天和之所致也。若視以為泛常。而於賑卹之間。再復不盡心辦理。則所謂不具人心者矣。○大學士兼吏部尚書總理浙江海塘管理總督事務嵇曾筠奏。請寧紹台道趙倬。數調補鹽驛道。得旨。照卿所請諭部矣。浙省鹽務。未

能整頓。誠如卿所云。朕思能整頓之人莫若卿。而整頓之法。莫若不避勞而不避怨。若云恐於國課有虧。不妨據實奏來。朕為民有所不惜也。前已降旨。令大學士等轉傳矣。○經畧兼管貴州巡撫事。湖廣總督張廣泗奏。黔省雨水情形。夏田收成分數。得旨。黔省兵革之後。自當加意撫綏。雖豐收尚當接濟。而況歉收乎。○又奏。安插逆苗家屬。得旨。覽。擒拏逆苗家屬。分散他鄉者。如此之多。朕心殊覺不忍。然亦係伊等之自取。而卿揚國之威。如此辦理。亦出於無可如何而已。○又奏。辦理沿江一帶苗寨情形。得旨。覽。一切善後事宜。惟在卿籌度萬全。悉心詳議。俾新疆奠定。永靖苗氛。切不可有欲速之志。朕前次之數降旨。催促者。原恐將士之不努力行間也。今大局已定。惟有諭卿不必欲速。愈加周詳慎重。則愈可永久寧謐。至於撤兵之議。雖緩至今冬來春俱可。朕不惜費也。馮光裕條陳一摺。

頗可資採擇。至於招漢人以變苗習一條。尚當斟酌。卿其誌之。○吏部尚書署川陝總督兼甘肅巡撫劉於義奏。田禾被雹情形。得旨。被災窮民。所當加意賑卹。勿致失所。○戶部尚書署湖廣總督史貽直。湖南巡撫鍾保奏。酌撥湖北武漢等屬。倉貯捐穀。碾米五萬石。湖南常衡等屬。倉貯捐穀。碾米五萬石。運至常德。轉運沅州。俟黔省需米。即差員轉運。似屬捷近。得旨。辦理甚屬妥協。○江西巡撫俞兆岳奏。報雨澤調勻。得旨。忻慰。覽之。但江西亦頗有被水之處。豈可過為誇耀之詞。○湖南巡撫鍾保奏。長沙府所屬。山水漲發情形。得旨。此等賑卹。乃濟民間目下之急者。若待奏請。則緩不濟事矣。此等頌聖之詞。朕殊厭觀。○河南巡撫富德奏。救荒之策。止憑社倉冊籍。尚未盡善。請令各該地方官。每於冬間春初。點查保甲時。即將逐戶男婦大小名口。填註冊內。則無事之日。貧富已按籍而瞭如。

指掌。設遇賑濟。自無脫漏。而胥役之浮冒侵漁。均無所容其伎倆。得旨。此事已遍密諭各省督撫。原各令其因地制宜。以期有利而無弊也。可照汝此議。先行於豫省。一二年後。俟有成效。他省若不如。則朕再降諭旨耳。○又奏賑務辦竣。得旨。似此散賑之報。應將從何日起。至何日止。目下可以足食。不賑亦不至於飢餓。然後謂之周詳辦理也。第云散過若干。令朕如何批示。○河南按察使隋人鵬奏。巡撫富德吏治廢弛。操守難信。定例故違。紛更滋弊。四款得旨。撫臣之去留。豈汝等藩臬一摺所能搖動。朕聽哉。能贊助者。竭力贊助之。不能贊助者。虛心平氣。聽撫臣之自處。若撫臣有大過。亦終不能逃朕之洞鑒也。若此摺之奏。功過居半。何則。富德之器。原非朕十分賞識也。但汝若一字不密。則是自取罪戾也。○又奏。淮寧商水等縣。河水泛溢情形。得旨。是地方水旱之事。即不成災。亦必如此。

直陳無隱。方是。○山西巡撫覺羅石麟奏。雨澤情形。得旨。覽。大同所屬。若有應行賑濟情形。必早為奏聞。方於事有益。○陝西巡撫碩色奏。報武功縣被水情形。得旨。覽。被灾之民。雖甚小之灾。而撫卹亦不可疎忽。○廣東巡撫楊永斌奏。增城縣嘉應州雨水湧漲。及潮州壩岸坍卸情形。得旨。被灾難民。加意撫卹。勿致一人失所。○廣西巡撫金鉷密奏。奉旨。逮問。原任湖廣提督董芳謀。勇忠直。可備國家緩急之用。得旨。國家以賞罰馭羣臣。豈汝淺劣小才。所能窺其萬一哉。○稽查歸化城軍需工料給事中永泰奏。患病請回京調治。得旨。稽查歸化城之御史。著停止發往。永泰既經告病。著解任。病痊時帶領引見。○江南蘇松鎮總兵陳倫炯奏。西密里也一國。在噶爾旦之西。與大西洋等國毘連。請免其額外加一之稅。欲得西洋諸國之夷心。使相勸勉。得旨。此奏知道了。朕不過試看汝識見何如。

耳。國家撫綏四夷。自有大綱。非細微之事。可
以用一時聰明者也。○山東兗州鎮總兵索
建功奏。客商雇覓保標之人。起程時將各保
標人年貌籍貫。馬匹鎗刀。並來往何處。一一
驗實。記案。發給路照一紙。以備沿途查驗。得
旨。此事殊屬紛更。恐將來無保標者矣。至於
緝盜安良。全在汝等地方大員之責。不在防
範之多端也。

大清高宗法天隆運至誠先覺體元立極敷文
奮武孝慈神聖純皇帝實錄卷之二十一

大清高宗法天隆運至誠先覺體元立極敷文
奮武孝慈神聖純皇帝實錄卷之二十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣廣柱

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰秋七月癸巳朔享

實錄卷二十二

太廟。

上親詣行禮。○詣

皇太后宮問安。○甲午。

上御乾清宮西暖閣。召入總理事務王大臣九

卿等諭曰。朕受

皇考付託之重。踐阼以來。兢兢業業。無刻不以

敬

天勤民為念。宵衣旰食。日理萬幾。務期海宇乂

安。庶政咸理。仰副我

皇考付託得人之聖心。以綿

宗社無疆之慶。朕思宗社大計。莫如建儲一事。自古帝王即位。首先舉行。所以重國本而定鴻基也。朕即位已逾半載。而未經降旨者。並非不稽古典。而視此事為緩圖。良以後世人心不古。往往有因建儲太早。以致別生事端者。或本人恃貴驕矜。漸至失德。或左右逢迎諂媚。誘引作非。甚且有奸宄之徒。窺伺讒構。以搖動之。是以

皇祖當日。於建儲一事。大費苦心。及授神器於我

皇考時。一言而定萬世之業。我

皇考御極之元年。

聖心即默注朕躬。不肯宣布中外。而傳集諸王

大臣九卿。持加訓諭。

親書密旨。收藏於乾清宮正大光明扁額之後。

此我

皇考監古宜今。寶愛玉成之妙用也。今朕當春

秋方盛之時。皇子年齒又尚沖幼。揆之事勢。雖若可緩。而國本攸係。自以豫定為宜。再四思維。惟有循用

皇考成式。親書密旨。照前收藏。在我

皇考神明化裁。創舉於一時。而朕繼志述事。踵行於今日。此乃酌權劑經之道。非謂後世子孫。皆當奉此以為法則也。將來皇子年齒漸長。日就月將。識見擴充。志氣堅定。萬無驕貴引誘之習。朕仍應布告天下。明正儲貳之位。

若夫以建儲為嫌忌而不肯舉行者。此庸主卑陋之見。朕所深鄙者也。今傳集總理事務王大臣九卿等。面降此旨。非謂諸臣不知朕心。必俟朕之諄諄告諭也。誠恐天下讀書泥古者。以朕不早建儲為疑。用是特為宣曉。如有拘牽舊制。復行奏請者。著該衙門將奏章發還。今日朕親書密旨。著總理事務王大臣。親看宮中總管太監。謹收藏於乾清宮正大光明扁額之後。○刑部議准。浙江按察使胡

瀛奏請定捕役。奏竊殃民。照常人竊盜之罪加重。從之。○以諭德嵇璜為陝西鄉試正考官。檢討阮學浩為副考官。吏部侍郎孫嘉淦為江南鄉試正考官。御史單德謨為副考官。○乙未。諭湖南沅州接壤黔省。黔民被苗擾害。就食於沅州者甚多。且該州上年收成稍歉。米價昂貴。除已降旨將雍正十三年應徵錢糧及耗羨全行蠲免外。今再沛恩膏。將乾隆元年應徵額賦及耗羨銀兩全行豁免。著戶部即速行文該督撫等知之。○諭總理事務王大臣。貴州苗疆已經張廣泗料理就緒。但黔省苗民雜處。如仲家青苗種類甚多。皆係久入版圖。沾恩向化者。近聞該省訛言。暗相傳說。云俟古州事竣之後。大兵回黔之日。欲將仲家等苗盡行勦捕。以致苗民疑懼不安。此皆奸民乘機嚇詐之故。地方官雖出示曉諭。終懷疑懼等語。此朕得之風聞者。如果有其事。張廣泗可即傳朕旨。出示曉諭。以安

守分熟苗之心。若傳聞未確。亦即據實回奏。

○丙申。

上詣雍和宮。

梓宮前供奠。○諭兩淮鹽務內有從前江廣口岸匣費。收受人員數目。及甲乙兩綱上下兩江各官收受規禮銀兩。歷年既久。人多物故。前據督臣趙宏恩等題請免追。比經戶部議令造冊送部核奪。朕思此項陋規餽送皆在昔年未定養廉之前。今事隔多年。授受之人又多陞遷事故。不但銀兩難追。即造冊亦無確據。不足憑信。徒滋地方之紛擾。著加恩悉行寬免。并免其造冊送部。該部可即行文兩淮鹽政衙門知之。○諭大學士張廷玉。從來經理鹽政。以緝私為要。蓋緝私所以懲奸。懲奸所以安良。故必使梟徒斂跡。而民間毫無擾累。方不負國家立法之本意也。江南鎮江瓜洲一帶。為淮浙引鹽毗連之地。惟恐淮鹽過江。故巡查最為嚴緊。近聞督撫提鎮等俱

疊檄該地方文武官弁督率兵役各路緝捕而江浙督提等又專差武職帶兵會同文員查拏此在懲治巨梟之道固應如是但兵役四出豈能保其盡皆守法奉公倘約束稍有不嚴稽查稍有未到或借端生釁或恐嚇鄉愚或賄縱巨奸而株連良善或指使詐騙而貽害富民大有關於地方民生不可不防微杜漸也爾可密寄信與總督趙宏恩大學士嵇曾筠令其留心體察切加約束務使官弁兵役實力奉行不得生事滋擾並飭巡查各員隨地隨時宣朕惠養萬民之意俾愚頑改惡良善安居並令趙宏恩等將朕此旨密諭蘇州巡撫及該管提鎮等一體遵行○工部議准福建巡撫盧焯奏福州等府屬各縣城垣城樓關係保障有未修建者請撥銀二萬七千一百餘兩興修從之○旌表守正捐軀之山東章邱縣民劉大興妻張氏雲南楚雄縣民丁成康女丁氏○丁酉諭地方偶有

水旱之事凡查勘戶口造具冊籍頭緒繁多勢不得不經由胥役里保之手其所需飯食舟車紙張等項費用朕聞竟有派累民間並且有取給於被災之戶口者若遇明察之有司尚知稽查禁約至昏憤庸懦者則置若罔聞益滋閭閻之擾矣嗣後直省州縣倘遇查勘水旱等事凡一切飯食盤費及造冊紙張各費俱酌量動用存公銀兩毋許絲毫派累地方若州縣官不能詳察嚴禁以致胥役里保仍蹈故轍舞弊蠹民者著該督立即題叅從重議處該部即通行曉諭知之○吏部等衙門議准署寧古塔將軍都賚議覆副都統巴爾岱條奏請裁白都訥地方新設長寧縣所募民人附近歸永吉州安插其牛馬雜稅等項交副都統徵收從之○戶部議准廣東巡撫楊永斌奏番禺歸善三縣添建常平倉六座從之○兵部議准馬蘭口總兵官永常奏

陵寢重地防護宜周左營窄道子一汎額設把總一員兵二十名地廣兵少右營楊樹溝一汎額設把總一員兵四十名地小兵多應將楊樹溝之兵撥給二十名與窄道子又該鎮巡查與他鎮不同請嗣後出口巡查不拘次數亦無庸督提代題以致遲誤一面摺奏一面即行前往從之○刑部議覆臣部尚書傳鼎奏請勅法司將故勘平人之律及從前比照之例詳加酌改不得朦朧援引應如所請嗣後承審官吏凡遇命盜案如將平空無事並無名字在官之人挾讐故勘致死者依懷挾私讐故勘平人因而致死律擬斬監候倘事實無干或因其人家道殷實官吏起意勒索不遂暗行賄囑罪人誣扳因而刑訊致死後經被害之家告發或上司查出此等不法官員因私圖貪婪戕賊民命亦與懷挾私讐者無異應並照懷挾私讐故勘平人致死律擬斬至將干連人犯不應拷訊誤執已見刑

訊致斃者應依決人不如法因而致死律杖一百其有將干連在官人犯不應拷訊任性疊夾致斃者照非法毆打致死律杖一百徒三年如將徒流人犯拷訊致斃二命者照決人不如法加一等杖六十徒一年三命以上者遞加一等罪止杖一百徒三年其將笞杖人犯致斃二命者照非法毆打致死律加一等杖一百流二千里致斃三命以上者遞加一等罪止杖一百流三千里若因公事干連人犯依法拷訊邂逅致死或受刑後因病死者均依邂逅致死律勿論再如奸徒挾讐誣告平人官吏知情受囑因而拷訊致死者本犯依誣告律擬抵官吏照為從律滿流如誣告平人官吏不知情依法拷訊致死者將誣告之人擬抵官吏照失察例議處若被誣之人不肯招承因而疊夾致斃照非法毆打致死律定擬均不得刪改律文懷挾私讐字樣混引故勘平人概擬重辟嗣後各衙門定擬

此等案件。務宜細心叅酌。毋縱毋苛。倘不按實具題。各含糊照覆。以致輕重失平。照官司出入人罪律。分別治罪。從之。○命分辦糧運知州范清曠。到京時赴部引見。○

昭陵總管江米告休。以鑲黃旗頭等待衛侍衛班領德祿為

昭陵總管。○戊戌。刑部議覆署兵部侍郎王士俊奏。侵盜錢糧。有原非入己。照侵盜擬罪。較之實犯侵欺。情罪稍輕。應如所奏。除臣部此等案件。另行查辦外。應行文各旗省將此等人犯。不必計銀數多寡。酌奪該犯情節。可否免罪。咨送臣部查核具奏。又虧空軍需。亦應如所奏。除實在侵蝕。希圖肥己。指名冒銷。借端剋扣。罔利營私。以致軍需虧空。不准免罪外。其有實係軍需中之挪移。及報銷到部。如何核減。並已經准銷。又核減不准開銷。著落賠補之處。應行文各該旗省。咨報戶部查明。會同臣部核奪具奏請旨。從之。○己亥。飭督

撫籌畫糴糶便民之策。諭曰。積貯平糴之法。原以便民。乃聞各省州縣。於倉穀出入。竟有派累百姓者。當出糴之時。則派單令其納銀。領穀若干。及買補之時。則派單令其納穀。領銀若干。納銀則收書重取其贏餘。納穀則倉胥大肆其勒抑。甚至以霉爛之穀。充為乾潔。小民畏勢。不敢不領。惟有隱忍賠累而已。更有山多田少之地。產穀無多。而該地方官。不能向他處採買。但按田畝冊籍。核算發價。派令百姓將田畝歲收之穀交倉。絕不為民間計及蓋藏。至有十餘畝之田。而亦責其承買穀石者。在附郭居民。去倉廩不遠。尚可就近轉輸。至於遠鄉僻壤。離城或百里。或七八十里之遙。亦一概令其領銀納穀。小民肩挑背負。越嶺登山。窮日之力。始至交納之所。而奸胥蠹吏。又復任意留難。及平糴之日。而寫遠鄉村。更不能均霑實惠。是徒有轉運之苦。而不獲蒙積貯之益。夫良法美意。行之不善。流

弊種種。其作何變通之法。使閭閻實受糴糶之益。而無有擾累。各該督撫大吏當悉心籌畫。令有司實力奉行。以副朕愛養斯民之意。○又諭。據貴州總督張廣泗奏稱鎮遠思州黃平施秉餘慶青溪玉屏等府州縣。於本年四月後。或被水災。或遭冰雹。雖山溪水漲。涸不待時。冰雹所過。僅一二里。而此一帶之田畝民房。多遭傷損。已委員星赴各處查勘。動撥銀兩。即行散賑。竭力撫綏等語。黔省地方。上年被逆苗之擾。今鎮遠思州一帶。又有被水淹沒之處。朕心深為軫念。著該督張廣泗加意撫恤。嚴飭各該地方官。實力撫綏。務使被災民人。不致失所。至黔省應徵錢糧。上年已蒙

皇考聖恩。將通省錢糧蠲免一年。其被擾之處。蠲免三年。今該省又有被水處所。而通省民人。辦運軍需等項。未免生計維艱。著再加恩。將乾隆元年分。通省應徵錢糧米石耗羨。概

予蠲免。該督張廣泗。即通行曉諭。咸使聞知。再黔省自上年軍興以來。先後已撥解帑銀二百萬兩。雖現今軍務漸竣。而善後事宜。及目前賑恤。尚在需費。即使已經敷用。而該省藩庫。亦應富餘儲蓄。以備緩急之需。著該部再撥銀六十萬兩。解送黔省。毋得遲緩。○禮部等衙門題。

泰陵設立官員。鑄造關防。辦理祭祀。一切事宜。除守護貝勒。公。大臣。官員。侍衛。已奉旨派出。其內務府。應設總管一員。員外郎一員。主事一員。內管領一員。內副管領一員。膳房總領二員。茶房總領一員。由內務府具奏外。其筆帖式二員。由吏部補放。鑄造

泰陵修造關防一顆。令內務府總管掌管。禮部應照例設郎中一員。員外郎二員。於現在各部郎中員外內揀選。引見補放。讀祝官二員。贊禮郎四員。應半於太常寺現在熟練人調補。半由太常寺揀選。送吏部補放。筆帖式四

員。交與吏部補放。由禮部鑄造。

泰陵奉祀禮部關防一顆。於派出大臣內。開列請旨。派一員掌管。承辦一切祭祀事務。工部設郎中一員。於工部熟諳工程郎中內揀選。員外郎一員。亦於現在各部員外郎內揀選。引見補放。筆帖式二員。由吏部補放。鑄造泰陵管理修造事務關防一顆。亦於大臣內派一員掌管。承辦一切工程事務。兵部照例設總管一員。副總管二員。於應陞官員侍衛內揀選。引見補放。鑄造。

泰陵看守山河關防一顆。令總管掌管。筆帖式二員。由吏部補放。每旗防禦二員。由兵部於應陞人員內揀選。引見補放。八旗披甲人八十名。由各旗挑選派往。每旗拴馬一匹。總管親隨披甲人一名。其各項吏役夫匠莊頭園頭人等。及應支錢糧。撥給園地緞布。祭祀所用祭品。祭器牛羊。官員房屋各條。俱恭按

孝陵各

陵規制。逐一敬謹會同詳議。進呈御覽。得旨是。

依議。○兵部議准。經畧兼管貴州總督張廣泗奏新設之永豐州知州。州同。州判。三處。文移往來。必須鋪兵遞送。請於羅斛至大坡打苗各處。共設二十一鋪。每鋪設兵二名。共添鋪兵四十二名。改轄之荔波縣。額設鋪兵十二名。該縣只應立四鋪。共需鋪兵六名。其餘六名撥歸獨山州之羅寨等處安設。再於獨山州城。深河。兔場。三處。各設鋪兵二名。共添鋪兵六名。除多餘鋪兵改設外。共添鋪兵四十八名。其工食照例支給。從之。○工部議准。署蘇州巡撫顧琮等條奏海塘善後事宜六款。一松屬自上海連寶山縣境土塘勢甚單薄。舊寶山一段長三百餘丈。更當頂衝急宜加幫。就近於長元吳三縣失業遊民內雇募九十人。每名給與布衫布褲各一件。日給工銀四分。每三名以一役統之。每三十名令外委一員彈壓。每日亦給飯食銀三分。令其趕

築以備伏秋大汛其餘於今冬農隙次第培修。一寶山縣對江墩一帶未築土塘計八百餘丈。經前撫臣喬世臣題准修築此地急宜興修。再松屬土塘頂面高寬不同而底寬處均屬五丈。除塘身占立外內外各止一丈五尺。形勢陡削。請嗣後歲修土塘如塘頂加高一尺。塘面應幫寬二尺。塘底應幫寬四尺五寸。此四尺五寸之數。塘內止須坡開一尺五寸。塘外坡開三尺。以禦潮水搜刷。寶山補築即照此合算。一寶山縣護城土圩四千二百餘丈。係上年民力自築。卑薄不足捍禦。應每年相度潮汛情形。入於塘工歲修內估培。一寶山等處應築土石塘岸。就近取土。田既挖廢。額賦仍舊。小民賠累難堪。請令各該縣將先經修築挖廢田畝實數。并應豁課則詳題請免。嗣後塘工有需取土處。田畝給價。錢糧即行豁除。至現在已未挖廢地畝。既為歲修取土。所產花禾蘆葦等項。不便仍令業戶辦

糧。應交塘長管理。每年所得花息。勘估定額交官。以為歲修塘工。修葺堡房。及工食之用。歸本案題報。一內外土石各工綿長。須大員彈壓。應照浙江塘工。特設兵備道之例。添設海防道一員。駐松太二屬適中之地。專管海塘歲修工程事務。將原管塘工之同知州同各官。資其調遣。遇緊急時。於熟諳工程人員內酌量選委。其衙署查撥改建。吏役照例召募。再外護塘工亦應照例添設塘長守護。一松太二屬田地全資潮水灌溉。所有支河小港。如招賢涇。鹽鐵塘等處。八十餘道。皆係勘明應行修浚。但民力不齊。尚未一律深通。今塘工既專設道員。則水利之事。應一併令其辦理。從之。○命禮部侍郎程元章暫署吏部右侍郎。○停止稽察歸化城御史。○庚子。上詣皇太后宮問安。○申嚴科場舞弊之禁。諭曰。國家三載賓興。擇經明學優之士。登之賢書。以

儲任用。典綦重也。而京師首善之區。南北貢監。輻輳觀光。更當樹厥風聲。以立四方之準。從前北闈滋弊。相習成風。及我

皇考御極。釐剔廓清。每當大比之年。於司衡分校各官。慎重遴選。杜絕弊端。訓飭士子。提撕防範。使皆循守規矩。無敢生事。以故十餘年來。科場肅清。士氣安靜。實為向時所未有。但恐積久法弛。人情生玩。雖苞苴賄賂。未敢即行。而或採虛聲以收人望。假援引以市私恩。

以為薦拔之人。既係寒士。又有文名。推挽游揚。並非受賂者可比。不知糊名易書。乃朝廷取士之律令。設防維不謹。暗通關節。則考官得以營私。舉子得以倖進。不畏刑法。不安義命。豈惟獲罪於君。抑亦獲罪於

天矣。亦思科舉大典。乃為國以樹人。始進不正。人品早已不端。國家亦安所用之乎。考官奉命掄材。不能登選公明。乃罔上舞弊。以奸國法。無論自困噬臍。即令彼清夜捫心。又何以

自容乎。朕臨御方始。特開恩科。深期士風醇茂。人才日興。亦望爾臣工。恪恭厥職。各知自愛。以襄盛典。自今以後。凡與校文之任者。務各痛洗舊習。杜絕請託之私。矢慎矢公。無負朕之簡用。倘有絲毫未改。不能謝絕親友情面。勾通關節者。國法具在。朕不能為若輩寬也。至於士子。讀書稽古。將以應嘉賓之選。尤宜立品端醇。居心恬淡。豈可奔競鑽營。妄生憤懣。與不肖無賴之徒相等耶。倘有場前鑽刺。豫報元魁。及榜後生事。捏造歌謠。為人心風俗之害者。著步軍統領衙門。及五城御史。密訪嚴拏。按法治罪。以昭尚賢簡不肖之典。

○定山東曹泰安二州改府學額。曹州府學。取進文武童生。各二十名。廩增各額設四十名。選拔二名。新設附府之荷澤縣。取進文童二十名。武童十五名。廩增各額設二十名。選拔一名。泰安府學。及新設附府之泰安縣。皆如之。餘所屬各州縣。從前所增之額。仍撥歸

原額取進。○追卹進藏於喀拉烏蘇陣亡之二等侍衛諾里爾達等及坐臺陣亡員弁襲廕祭葬各有差。○辛丑永除新疆苗賦。諭曰：貴州古州等處苗衆從古以來未歸王化。我皇考世宗憲皇帝如天之仁特允督臣所請不忍棄置惓惓之外遂因伊等俯首傾心輸誠歸順之切收入版圖使得沾濡德澤共享昇平之福原非利其土地民人為開拓疆圉之舉也。即如從前所定糧額本屬至輕至微不過畧表其向化輸租之意俟數年之後原欲并此加恩寬免。此

皇考撫恤苗民之聖心向朕與諸王大臣曾經再三宣諭者。詎苗衆生性反覆靡常於上年三四月間騷擾內地并勾引熟苗攻掠城池燒燬村落百姓被其荼毒克惡頑梗法所必誅是以遣發大兵分路進討勦撫兼施其中肆逆抗拒者或就誅夷或被擒獲而脅從附和之苗寨又各擒縛為首之犯相率投赴軍

前呈繳器械悔罪歸誠軍務漸次告竣朕思此等逆苗孽由自作固王法所當重懲者在

皇考與朕視之則普天率土皆吾赤子此特赤子中之不肖者耳。今身罹刑辟家口分離朕心仍覺不忍且現在就撫苗衆多屬脅從附和其中尚有並未從逆始終守法之各寨均當加意撫恤俾得生養安全因思苗人納糧一事正額雖少而徵之於官收之於吏其間經手重疊恐繁雜之費或轉多於正額亦未可知惟有將正賦悉行豁免使苗民與胥吏終歲無交涉之處則彼此各安本分雖欲生事滋擾其釁無由況蠲免新疆苗賦原屬皇考聖意朕此時當敬謹遵奉見之施行者也。用是特頒諭旨著總督張廣泗出示通行曉諭將古州等處新設錢糧盡行豁免永不徵收伊等既無官吏需索之擾并無輸糧納稅之煩耕田鑿井俯仰優游永為天朝良順之

民以樂其妻孥。長其子孫。苗衆亦具有人心。豈有舍衽席而蹈湯火之理。至於建立營汛。分布官兵。乃國家定制。原以詰奸禁暴。安戢善良。各省內地且然。況苗疆險要。防範尤不可不嚴。且設兵之意。所以禁約漢奸。播弄構釁。又以查察熟苗。私入勾引。朋比為奸。非特以新附之苗為不可信。而以重兵彈壓之也。其設兵事宜。仍著總督張廣泗遵照前旨。悉心妥議辦理。至駐守弁兵。均當謹守法度。不得借端滋事。如有絲毫擾累。該管官即行詳報題叅。從重治罪。若或隱匿不報。經朕訪聞。定將該管文武各官。一併重處。苗民風俗。與內地百姓迥別。嗣後苗衆一切自相爭訟之事。俱照苗例完結。不必繩以官法。至有與兵民及熟苗關涉之案件。隸文官者。仍聽文員辦理。隸武官者。仍聽武弁辦理。必秉公酌理。毋得生事擾累。貴州總督張廣泗。可一併曉諭知之。○又諭。直省秋審內。有自康熙五十

二年至雍正三年以前。皆係緩決者。此等案犯。遇赦不准援免。論法本無可寬。而已經擬以緩決。閱有年所。不復再擬情實。徒使長繫囹圄。痠斃獄底。於情亦屬可憫。此次秋審。著九卿科道等。將康熙五十二年以後。至雍正三年以前。秋審各犯。逐一詳加查核。如有屢經情實未勾。今應仍擬情實者。無庸開入外。其積年俱擬緩決之犯。悉心簡閱。將伊等情罪。應否減等之處。酌議請旨。尋議。臣等核其情罪。酌量分別。擬似應減等者。一百九十九名口。擬似不應減等者。七十七名口。會題請旨。從之。○命大學士鄂爾泰。張廷玉。朱軾。兵部尚書甘汝來。為三禮館總裁。禮部尚書楊名時。禮部左侍郎徐元夢。內閣學士方苞。王蘭生。為副總裁。○壬寅。孝懿仁皇后忌辰。遣官祭景陵。○諭。總理事務王大臣。北路徹回之厄魯特。二等侍衛阿南達。三等侍衛巴當。前在軍

營頗知奮勉。數次臨陣。斬獲賊衆。著有勞績。曾經保送。著加恩各陞一級。阿南達授頭等侍衛。巴當授二等侍衛。其侍衛濟木巴等亦頗著勞績。著一體加恩。二等侍衛濟木巴。阿喇卜珠爾。阿喇卜坦。俱授頭等侍衛。三等侍衛巴顏。授二等侍衛。藍翎侍衛沙禮。授三等侍衛。鄂勒錐。原係頭等侍衛。著賞銀三百。以示朕軫念軍營鼓舞効力人員之至意。○總理事務王大臣議覆。總管五十四奏稱。商都達布遜諾爾牧場馬匹。孳生蕃多。牧養之人不敷。請於撤回牧場官兵內。將護軍等分撥各場牧養馬匹。仍著查緝盜賊。護軍校兼管牧長事務。防禦驍騎校等。專辦查緝盜賊等事。防禦缺出。即於驍騎校內揀補。驍騎校缺出。亦即於目兵內揀補等語。應如所請。其散秩大臣巴雜爾所領之牧兵。及太僕寺牛羊牧場。應亦照此辦理。從之。○以原任河南副都統博清額。為正藍旗蒙古副都統。○命禮

部侍郎鄧鍾岳。提督浙江學政。○癸卯。吏部議覆雲南巡撫張允隨奏。請停老農總吏之例。查歲舉老農。給以八品頂帶。所以勸民稼穡。乃各州縣中。往往有似農非農之輩。覬覦鑽謀。恃職不法。雍正七年。改為三年一舉。較前更難。賄囑益甚。請停止。如果有務本力農者。仍不時獎賞。又定例。州縣到任。揀選殷實老成書吏二人。充錢糧總吏。五年毫無虧空。咨部以九品雜職即用。雖為慎重倉庫。其中縱容徇隱。挾制夤緣之弊甚多。請將總吏停止。仍責成該管上司盤查。均應如所請。再直省州縣。向設有提牢典史。與總吏事同一例。亦應停止。從之。○戶部議准署湖廣總督史貽直奏。虧空倉儲。向例計贓科罪。請查照一米二穀之成例。每侵那米一石。比照侵那銀一兩。穀一石。比照侵那銀五錢。計算治罪。麥豆高粱青稞等各色雜糧。照穀石一例科斷。從之。○禮部議准。河南巡撫富德疏奏。向例

河南省房考官十二員。近科應試士子日增。請詩易二房。各增房考一員。從之。○以兵部左侍郎德沛為古北口提督。調吏部左侍郎普泰為兵部左侍郎。○甲辰。諭總理事務王大臣。軍前撤回官兵。所給馬匹。定數之外。有倒斃者。例應賠償。念其軍營効力。勞苦多年。此項馬匹。沿途倒斃。著加恩免其賠補。○刑部審奏革職副將署永州總兵官崔起潛。捏詞妄參大學士鄂爾泰一案。臣等按伊原疏。逐加詳鞠。該犯已將私心揣度。狂妄誣捏。希圖僥倖。各情由。供吐不諱。崔起潛應照律杖責。僉妻流三千里。加徒役三年。得旨。崔起潛妄議國政。誣讎大臣。本應加以重懲。姑念愚昧無知。誤聽浮言。尚與有心傾陷者有間。著從寬免其治罪。○工部等衙門議准。江南總督趙宏恩奏。串場河新舊石閘十座。泰州屬小海草堰二閘。歸場大使管理。鹽城縣石碇口一閘。歸縣丞管理。廖家港草堰口二閘。歸

新興場大使管理。泰州屬丁溪一閘。歸場大使管理。興化縣白駒南中北三閘。隔遠應令白駒場大使管理。二閘。安豐司巡檢管理。一閘。仍令泰州興化鹽城管河佐雜各就本汛河道海口協理。毋庸另設閘官。至小海草堰青龍石碇口四閘。水勢較急。各設閘夫六名。丁溪廖家港二閘。水勢較緩。各設閘夫四名。草堰口白駒南中北四閘。水勢平緩。各設閘夫二名。共四十名。其工食在各該州縣地丁款內支給。又王家港新洋港二處海口。每處設犁船二。混江龍二。每歲春秋汛。拖刷二次。每次以十日為率。犁船一。用水手六名。混江龍一。用夫六十名。每名日給工食銀五分。均於正項動支。王家港犁船混江龍。責成泰州州同管理。新洋港責成鹽城縣縣丞管理。仍令東臺同知督地方官實力拖刷。又東臺場添設水利同知。應專管河道閘座。督率疏浚。察匪緝私。未便干豫地方詞訟。查揚河通判

所管興泰西境溝渠水利。似非緊要。應將揚江防同知所轄之甘泉一汛。上自高甘交界三十里鋪起。下至灣頭芒稻河等閘止。兩岸各工。長五十五里。歸揚河通判管理。仍兼管興泰西境溝渠水利。其東臺新設同知。添建衙署官役。鑄給關防。照例辦理。又瓜洲巡檢一員。改歸河工。所有三岔河至瓜洲江工。應令專管。從之。○建奉天府屬新設復州。永吉寧海。義州。四州縣。

實錄卷三十一

三十八

文廟。○乙巳。

上詣

皇太后宮問安。○兵部議覆。山東巡撫岳濬奏登州新設成山汎養魚池。請添設水師守備一員。屬登州鎮水師前營遊擊兼轄。登州總兵會同巡撫。於熟諳水師千總內。揀選題補。應如所請。從之。○停止庶吉士開列順天鄉試外簾官。從御史王文璿請也。○旌表守志捐軀之直隸民劉桐。從孫女劉氏。○丙午。兵

部議准。山東巡撫岳濬奏。裁歸膠州管轄之

靈山衛。裁歸即墨之鼇山衛。雄崖所。浮山所

各應建造衙署。營房。馬棚。從之。○刑部議覆

原任江西巡撫常安。回京時。縱容家人。喝逼

開夫。辱罵。聞官。及降旨詢問。又不據實陳奏。

常安。應枷號。鞭責。不准納贖。家人三喜等。均

應鞭責。得旨。常安。從寬。免其枷責。餘依議。○

以翰林院侍讀吳應枚。為河南鄉試正考官。

編修沈昌宇。為副考官。四譯館少卿汪由敦。

實錄卷三十一

三十九

為山東鄉試正考官。左中允彭啟豐。為副考

官。侍講鄒升恒。為山西鄉試正考官。侍讀嵩

壽。為副考官。○賑。江西安福縣水災。飢民。○

旌表。守正捐軀之山東沂水縣民李大孝妻

劉氏。○丁未。中元節。遣官祭

永陵。

福陵。

昭陵。

昭西陵。

孝陵

孝東陵

景陵○遣官祭

孝敬憲皇后○

上詣

奉先殿

壽皇殿行禮○詣雍和宮

梓宮前供奠○詣

皇太后宮問安○江南河道總督高斌奏河標

實錄卷三十一

三

三營新兵與別營額外添募者有間未便全

裁臣詳加斟酌中營新兵六百名議裁一百

名合舊兵共六百九十八名左營新兵二百

名議裁一百名合舊兵共八百四十九名右

營新兵二百名議裁一百名合舊兵共七百

九十一名所裁新兵除老病辭退外其餘暫

留原餉差操額兵缺出先儘本兵子弟頂補

如無子弟則用新兵其從前添設之把總應

俟新兵開除將完酌調得旨著該部行文各

直省凡有新設之兵應行裁汰者俱照如此
詳議具奏候旨此奏著照所請行

實錄卷三十二

三

大清高宗法天隆運至誠先覺體元立極敷文
奮武孝慈神聖純皇帝實錄卷之二十二

大清高宗法天隆運至誠先覺體元立極敷文奮武孝慈神聖純皇帝實錄卷之二十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰七月戊申。

平定錄卷二十三

上詣

皇太后宮問安。○總理事務王大臣遵旨議奏。封爵之制自成周以來。公侯伯子男列爵惟五。秦漢時爵二十級。並非世職。其世襲者。惟有侯爵。分縣侯。鄉侯。亭侯。三等。唐宋並依周制。爵分五等。本朝定制。公侯伯之下。未立子男之爵。別立五等世職。但未定漢文之稱。今敬擬精奇尼哈番。漢文稱子。阿思哈尼哈番。漢文稱男。阿達哈哈番。漢文稱輕車都尉。仍

各分一等。二等。三等。拜他喇布勒哈番。漢文稱騎都尉。拖沙喇哈番。漢文稱雲騎尉。從之。

○工部議准。原任四川巡撫楊昶疏奏。布政使署。逼居市心。週圍民房。多茅屋竹籬。近庫火警可慮。請將梓潼街岳鍾琪入官房屋。改為布政使署。從之。○奉天府府尹宋筠疏報。雍正十二年。承德等十二州縣開墾地畝。一萬八千八百畝有奇。○己酉。諭總理事務王大臣。從前部議給發僧道度牒一事。每歲給發數目。作何題奏。未經議及。恐有司視為具文。無從稽考。著各省將給過實數。及事故開除者。每年詳晰造冊報部。該部於歲底彙題。今年初次奉行。其題奏之處。著於乾隆二年為始。至喇嘛給發度牒。亦照此例行。○總理事務王大臣奏。家選兵二千名。調遣軍營。已五六年。今俱撤回歸化城。應遵原降諭旨。歸入旗分。除本人於調遣時。每名賞銀一百兩。又賞給其家主身價一百兩。無庸議外。

其父母妻子應交該旗查明每名賞給家主身價銀十兩俟歸化城築竣時移駐暫令各佐領兼轄另行註冊按月減半給與糧米以資養贍起程後仍照原議辦理再雍正十三年額駙策凌前往科布多時因各營兵多官少曾奏請於家選兵內揀選五十名委署本營驍騎校並非實額亦應照家選兵一體賞給糧米其由軍前賞給虛銜仍准兼充從之

○刑部奏寧古塔黑龍江等處發遣當差人犯可否援奉恩詔一摺得旨爾部將寧古塔黑龍江等處發遣當差人犯可否援奉恩詔分別情罪輕重令其回京之處請旨朕思此等人犯皆係從前獲罪發遣日久在京未必仍有產業若令回京恐伊等別無生計反滋事端爾部詳查各犯情罪如所犯尚輕可以回京者仍行文各將軍詢明該犯有情願回京者令其回京其不願者該將軍另行報部

○調辦理歸化城事務兵部尚書通智回京

命副都統瞻岱前往歸化城與丹津商辦墾地建城事務○旌表守正捐軀之河南南陽縣民周正海妻李氏陝西淳化縣民張漢興妻陳氏○庚戌宗人府進呈

玉牒

上於中和殿恭覽○詣

皇太后宮問安○辛亥追諡明建文皇帝為恭愍惠皇帝○戶部議覆江蘇布政使張渠奏江浙二省海關額辦銅一百萬觔定限每年六月起解十二月到部如逾限不解承辦之員照例革職留任該管上司降二級留任展限四個月戴罪承辦如限內完至三分之二者免其革任治罪再寬限四個月照數辦足解部如限滿未完即將承辦之員革任交刑部從重治罪另委賢員接辦查有虧空著落家產追賠該管上司降二級調用再令分賠完結如叅後六個月內將銅觔交完者准予開復如此畧為酌更則於定例之外再得展

限四個月。自可從容辦理。若二叅限滿完不及三分之二者。仍照舊例議處。至江浙二省海關所辦銅餉。既數倍於前。承辦之員能依限全完者。該撫核明報部。臣部咨吏部量加議敘。又各省解部銅餉。每百餉例給水腳銀三兩。前因各省銅餉歸併江浙二省分辦時。據原任蘇撫吳存禮節省銀八錢。嗣於雍正三年。仍歸各省分辦。各省已照舊全支。惟江浙尚扣節省。承辦之員。實多賠累。今歸併海關。銅且數倍。運費益多。一員之力。豈能賠墊。應令海關所辦銅餉。起解之日。即將所需水腳銀兩。除解部飯銀外。其餘俱照數全支。完解之後。據實報銷。倘有侵隱情弊。指名查叅。從之。○壬子。鑲黃旗漢軍都統納穆圖奏。遵旨查崇祀昭忠祠官員子孫。今查得盡難之原任驍騎校李有功。曾孫馬兵李榮。人甚平常。伊孫馬兵李如勳。曾孫李朝林。李朝鳳。現在西安駐防。李朝鼎。現隨伊族叔京口

叅領李琮任。應行文各該將軍。揀選送旗帶領引見。得旨。此次所查。特為忠義之臣子孫。內。現在並無居官之人。其材具尚可錄用者。查出俟朕酌量錄用。並非不論其材具。概行錄用。今若將外省居住人等。調取來京。其不可用者。再令回原處。往返徒費盤纏。外省居住人等。不必調取來京。八旗大臣。仍遵照原降諭旨辦理。○以戶部侍郎楊汝穀署兵部侍郎。○賑江南宿州蕭碭等州縣衛水災飢民。○癸丑。

上詣

皇太后宮問安。○定已旌壽民恩詔加賞之例。諭總理事務王大臣。聞各直省老民老婦。從前已經旌賞者。遇有恩詔。不得再行給賞。即如豫省新鄉縣老婦劉氏。今年一百十五歲矣。因雍正十二年間。年登一百十三歲時。曾經題准建坊賞賜。此番恩詔。不得入冊。朕思劉氏躋此罕有之貞壽。自應一體霑恩。以昭

曠典。著該地方官。仍造入恩賞冊內。使伊得被光榮。各直省老民老婦。凡年登百歲。從前已蒙旌表者。俱照劉氏之例。仍加賞賜。以示朕優待壽民之意。並將此永著為令。○賞故直隸提督宗室章格銀五百兩。並照例予卹。○議敘西北兩路撤回之京城奉天船廠右衛黑龍江察哈爾西安寧夏巴爾虎等處弁兵。分別陞賞有差。○山東巡撫岳濬疏報。雍正十二年墾旱田地十頃有奇。○甲寅諭陝甘兩省錢糧耗羨。向係加二徵收。前已降旨。令該督撫等於乾隆元年為始減去五分。示朕軫惜民力之意。現在雍正十二年以前錢糧俱已蠲免。其雍正十三年分。該省尚有未完民欠。恐官吏仍循舊例。小民一時未能分晰。以致混冒收納。亦未可定。著將雍正十三年分未完錢糧應徵之耗羨。一併減去五分。該督撫即通行出示曉諭。咸使聞知。○兵部覆准。原任黑龍江將軍那蘇圖奏。齊齊哈爾

所屬烏蘭諾爾驛站起。至呼蘭地方止。應設六站。每站派兵十名。給馬五匹牛五隻。所有倒斃馬牛並草料公費等項。照茂興驛站例支給。其丁于舊站餘丁內挑選。每丁給銀七兩。又駐兵之呼倫貝爾。雖於波爾德兵一千名內派往百名。設十臺。但波爾德兵已操練數年。應停其分撥。將伊等之缺。於打牲索倫達呼爾內挑取無牲畜之丁六十名。免其交納貂皮。設六臺。再於呼倫貝爾兵丁內挑選四十名。設四臺。每丁賞馬二匹。乳牛三隻。永遠坐臺當差。每馬折給銀六兩。牛五兩。自行購買。每臺給車十輛。其往返差送公文之人。每臺年給米二倉石。從之。○乙卯。上詣雍和宮。梓宮前行月祭禮。○詣皇太后宮問安。○總統駐防哈密官兵陝西固原提督樊廷奏。接管駐防事務一摺。得旨。知道。極邊要地。唯在汝等和衷共濟。先事預

防不可少懈。若駐防無事。邊宇寧康。其功與効力疆場等也。○換鑄通政司大理寺銀印。從通政使滿色請也。○命五城各撥空閒官地掩埋無名胔骼。從巡視東城御史蕭圻請也。○福建巡撫盧焯疏報各屬州縣開墾雍正十一年分民田園地四十三頃有奇。屯田一項有奇。雍正十二年分民田園洲四百七十頃有奇。屯田五十七頃有奇。○山西巡撫覺羅石麟疏報陽高縣陽和牧馬廠墾復雍正十二三等年分地畝二十五頃有奇。○丙辰諭曰。固原提督印務前已降旨令柏之蕃前往署理。今柏之蕃到京。看來不勝固原提督之任。著查郎阿。劉於義。於陝甘現任總兵內揀選一員。令署固原提督印務。其所遺總兵印務。即令柏之蕃署理。仍留心試看。○廣西布政使張鉞因病回籍。以廣東肇羅道楊錫紱署理。○旌表守正捐軀之直隸民陸自全妻陳氏。○丁巳。總理事務王大臣議覆刑

科給事中陳履平疏請酌定律例四款一事。主報賊失實之條。宜酌改。一。捕役誤傷殺死罪人之條。宜仍照本律定擬。一。仇盜未明之案。請將武職一體處分。一。發塚盜賊。請更定承緝接緝官之處分。所奏各條中。似有可採。請交律例館會同該部詳酌妥議。從之。○吏部議准。盛京戶部侍郎官保奏。盛京戶部所管官屯。請照禮工二部之例。添設六品官二員專管。令戶部堂官會同將軍於各該衙門有項帶筆帖式內。揀選四員送部。引見補放。從之。○定邊副將軍額駙策凌奏。六月二十八日夜。忽有賊至沙扎海卡倫盜馬一百二十五匹。護軍熙卜求等跡之。逃去。本月初八日清晨。有賊百餘來窺卡倫。熙卜求率蒙古兵登山據險。烏鎗齊發。賊繞山遠伺。日昃始去。臣等伏思賊兩次潛至沙扎海卡倫。或未知我撤兵虛實。輒來探聽。或將大隊設伏。先以少兵誘我。均未可定。已令哈岱於烏里雅

蘇臺等處豫防。賊即猝至。無輕與戰。臣等亦率兵由鄂爾坤出。屯塔密爾等處嚴整以備。得旨。知道了。凡事俱宜深思。應機從事。慎勿輕舉。又諭總理王大臣。額駙策凌此奏。可抄示查郎阿。劉於義常賚獎。廷等知之。令其防範準備。○賑陝甘隴西。伏羌。河州。碾伯。西寧等州縣。水災。雹災。飢民。○戊午。定給窮苦佐雜回籍路費。諭曰。向來各直省縣丞。主簿典史。巡檢等微員革職解任。或告病身故。無力回籍者。令該督撫設法料理。令得早還故土。此國家軫恤下僚之至意也。在督撫辦理此事。自應妥議捐助。俾窮員家口得霑恩澤。乃聞各省督撫吝惜已貲。而於通省各微員俸銀養廉內扣除。以為資助之用。夫微員俸少祿薄。豈可再行扣減。大於情理未協。嗣後微員離任身故。實係窮苦不能回籍者。著該督撫於存公項內酌量賞給還鄉路費。每年造冊報銷。不得派及現任之微員。將此通行各

省一體遵照辦理。○兵部奏署寧遠大將軍查郎阿。遵雍正十一年

諭旨。將西路軍營之奮勉出力開檔領催馬甲造冊送部。定邊大將軍平郡王福彭。將北路軍營開檔領催馬甲分別頭二三等送部。查西路冊送西安開檔兵二百九十名。北路列為頭等京城開檔兵二十三名。右衛奉天寧古塔黑龍江等處開檔兵三十九名。俱係倍加奮勉。應准作為另戶。由臣部行文八旗及各該處。令報明戶部。再北路列為二等之京城開檔兵三百三十六名。右衛等處開檔兵二百三十二名。應否作為另戶之處。伏候命下施行。得旨。列為二等之開檔兵丁亦作為另戶。俟出派歸化城戍守兵丁之時。該部具奏請旨。餘依議。○給山西省司府經歷照磨并州判縣丞等官二十員。吏目典史巡檢驛丞倉庫大使一百六十八員養廉兼署之員支給署任一半養廉。從侍講學士楊椿請也。

○鑄給淮安府糧捕通判關防從兩江總督趙宏恩請也○實授鄂善為吏部左侍郎○調署湖南巡撫鍾保為湖北巡撫湖北巡撫高其倬為湖南巡撫○賑湖北漢川江陵二縣荊州等三衛水災飢民○旌表守正捐軀江蘇某縣民沈運妻朱氏○己未

上詣

皇太后宮問安二次○湖南巡撫鍾保奏沅州地處邊隘最關緊要今鎮道俱移駐鎮草地方沅城內僅副將知州兩員似覺單薄請以沅州改為府治設知府一員通判一員經歷一員附府設知縣一員縣丞一員典史一員將現任之知州州同吏目裁改其附近沅州之黔陽麻陽二縣改歸知府管轄並鑄給印記添建衙署得旨允行○旌表守正捐軀山西某縣民史恩妻王氏○庚申

上詣

皇太后宮問安○詣雍和宮

梓宮前供奠○吏部議准辦理歸化城事務兵

部尚書通智奏清水河善岱等處添設協辦同知事務筆帖式各一員管理開墾田畝辦理地方事務應給與衙署人役養廉圖記從之○又議覆經畧苗疆貴州總督兼巡撫張廣泗奏遵義縣小洪關鉛廠硃老山空開採無益應准封閉從之○禮部議覆順天府府丞周紹龍疏請順天府

文廟祭器樂器應照額設原數依式成造并通行直省有未經製造者令該督撫查明咨部陸續成造敬謹收貯從之○工部議准奉天府府尹宋筠奏新設熊岳理事通判尚未設有衙署請將陳倉之屋修改從之○兩廣總督鄂彌達疏報惠州府屬墾築鹽町三十二漏○署四川巡撫兵部侍郎王士俊密摺陳奏四條得旨朕棄瑕錄用實是憐汝才幹尚屬有為故汝臨去之時朕何等訓諭乃汝巧偽居心私欲不能盡除而為此藉直言之

名遂已私之事。汝試思朕豈不能察汝之主
哉。不能察汝。則朕不用汝矣。汝四條所陳。謂
今之條陳。率欲翻駁前案。羣臣之翻駁前案。
即朕之翻案也。朕翻案者何事。大學士之兼
部乃

皇考之成憲。汝欲朕改之。非翻案乎。惟部議舉
人兩條。目下不無其弊。但此弊亦非一日矣。
即使汝在部。汝能免乎。故論語云。為君難。且
莫舉

天祖付託之重。民物仰賴之殷。為難。即此用人
一段。千難萬難者也。但此亦自知其難耳。旁
無一人可語。而汝革僉邪之人。又安足與語
哉。汝藉直陳之名而行己私。天理何在。汝不
畏哉。昨日傳臬亦如此舉動。大覺可笑。汝等
姑靜俟之。若謂朕為拒諫。汝再明白回奏來。

○辛酉。

上詣

皇太后宮問安。○

上御養心殿。召入總理事務王大臣九卿等。諭
曰。昨王士俊密奏一摺。朕洞見其巧詐居心。
背理害道。沽直言之名。以自遂其私。披覽之
下。不勝痛恨。比即嚴批申飭。並將原摺發與
總理事務王大臣。及是日在乾清門奏事之
九卿等。公同閱視。朕意以為王大臣九卿深
明大義。次日必有參劾王士俊者。乃止據口
奏其陳奏之非。而未劾其巧偽之罪。今日御
史舒赫德封章特參。備陳王士俊喪心病狂。
妄發悖論。不宜復加寬容。仍畀封疆之寄。朕
用是召入王大臣九卿等面諭之。據王士俊
第一條云。近日條陳。惟在翻駁前案。甚有對
衆揚言。只須將

世宗時事翻案。即係好條陳之說。傳之天下。甚
駭聽聞等語。夫指羣臣為翻案。是即謂朕為
翻案矣。此大悖天理之言也。從來為政之道。
損益隨時。寬猛互濟。記曰。張而不弛。文武勿
能弛。而不張。文武勿為。一張一弛。文武之道。

文武豈有意於張弛哉。亦曰推而行之與民宜之耳。昔堯因四岳之言而用鯀。鯀治水九載績用勿成。至舜而後殛鯀于羽山。當日用鯀者堯也。誅鯀者舜也。豈得謂舜翻堯之案乎。我

皇考即位之初承

聖祖仁皇帝深仁厚澤垂六十餘年之久。休養生息。物熾而豐。厥後遂有法網漸弛。風俗漸玩之勢。

皇考加意振飭。使綱紀整肅。弊革風清。凡此因勢利導之方。正所以成繼志述事之善也。又豈得謂翻

聖祖之案乎。

皇考初政駿厲。至雍正九年十年以來。人心已知法度。吏治已漸澄清。未始不敦崇寬簡。相安樂易。見臣工或有奉行不善。失於苛刻者。每多赦其流弊。寬免體恤之恩。時時下逮。是即十三載之中。而劑酌盈虛。調適競綏。前後

已非一轍矣。至朕繼承丕緒。泣奉

遺詔。諭令向後政務應從寬者悉從寬辦理。朕祇遵

明訓。衣德紹聞。凡用人行政兢兢以

皇考誠民育物之心為心。以

皇考執兩用中之政為政。惟恐膠固成見。有違時措咸宜之理。弗勝負荷之重。臨御以來與廷臣敬慎斟酌。庶曰

陟降庭止。克綏予乎。蓋

皇祖

皇考與朕之心。原無絲毫間別。如果內外大小臣工俱能仰體。使政治清平。民生安樂。可以垂之永久而無弊。又何必更有因時制宜之舉。無如法久自必弊生。奉行每多過當。不得不因畸重畸輕之勢而為之維持調劑。以歸於正直蕩平之道。此至當不易之理。乃王士俊嘗為翻駁前案。是誠何言。是誠何心耶。夫朕躬有所闕失。朕惟恐諸臣不竭慮盡心。直

言規切。至於事關

皇考而妄指

前猷。有意更張。實朕所怵惕靡寧而不忍聞者也。又據王士俊第二條稱大學士不宜兼部之說。尤見其自相矛盾。挾私懷詐之情形。纖毫畢露矣。大學士之兼部。正

皇考之成憲。王士俊欲朕改之。是又導朕以翻案也。彼意不過為大學士鄂爾泰而發。以冀惑朕之聽。夫朕豈為僉壬所惑之主哉。多見其不知量矣。即如王士俊墾田一事。市興利之美名。而行剝民之虐政。中外共憤。人人切齒。設使此案敗露於

皇考之時。豈能稍為寬宥乎。彼回京時。畏首畏尾。一言不發。今見朕之復加擢用。遂欲掩飾從前之罪。且中傷與已不合之人。撰為邪說。以覆護之。以為前案不宜翻駁。此則其設心之機詐。有不可勝詰者。至於第三條所云各部辦事。豫存一私意計較。某省督撫正在褒

嘉其事宜准。某省督撫方得不是。其事宜駁。不論事之當否。而專以逢合為心。及第四條所云。廷臣保舉人員。率多瞻徇情面。甚至有巧索酬謝之事等語。朕思部件題駁。懷挾私心。或所不免。保舉徇情。夤緣賄囑。亦難保其必無。即以近日廷臣論之。如勵宗萬之引薦。不但徇情受託。其保舉河員。聞竟有納賄之事。又傳鼎為人。秦求恩蔭一事。亦屬瞻顧情面。爾廷臣受朕深恩。豈因王士俊之妄言。而遂不駁一事。不薦一人乎。惟當清夜捫心。此等陋習。有則痛自湔除。無則益加黽勉。勿為僉壬王士俊輩所訕笑。以全朕簡用委任之顏面可也。古稱為君難。即此用人一節。已千難萬難矣。但亦自知其難耳。旁無一人可語者。而王士俊僉邪小人。又安足與語哉。王士俊為人巧詐。眾所共知。朕格外保全。棄瑕錄用。原念其尚有才幹。或可造就。姑令署理川撫。陛辭之日。朕何等諄諄訓諭。乃巧詐之習。

牢不可破。外飾鯁直。以便已私。敢將悖理之言妄行陳奏。關係重大。不可姑恕。將舒赫德叅奏原摺。交與王大臣九卿等會議具奏。尋議。奸惡暴著。國法不可暫弛。請將王士俊拏解來京。交法司嚴審定擬。明正其罪。以為人臣怙惡亂政。罔上行私者戒。從之。嗣經法司照大不敬律。擬斬立決。得旨改為斬監候。秋後處決。○吏部議覆。御史覺羅雅爾哈善條奏。請考取貼寫中書筆帖式。仍照舊例。繙譯

清字二項並取。應如所請。除內閣繕寫清字之貼。寫中書二十四缺。聽內閣於八旗監生官學生內。自行考取補用。其繙本之貼。寫中書十六缺。於考試繙譯筆帖式人員內。揀選補用。至部院衙門筆帖式。除蒙古漢軍。仍照舊例補用。各省將軍衙門城守尉等處。滿洲筆帖式。僅二三缺者。仍補用繙譯筆帖式外。其宗人府各部院衙門滿洲筆帖式。俱係按旗分缺選用。應照各該處額定數目。十分內

以三分作為滿字。臣等按冊查對於定額內各照旗缺分定滿漢字樣繕寫清單進呈。臣部行文八旗將舉人副榜貢生生員監生覺羅學生官學生義學生內有情願考試繕寫清字者造冊咨送臣部。奏請派員考試。將取中人員按名次以本旗先出之缺照數補用。再查從前

陵寢年滿并病痊起補等項人員內有滿字人員未經考試繙譯者。現停補用。今既考取滿字筆帖式。其從前滿字未經補用之人亦應行文各該旗查明咨送到部註冊補用。再盛京五部奉天將軍衙門筆帖式內有四缺以上者俱應分別滿漢字樣照京城各部院十分內以三分作為滿字之例。令其酌量分定滿字額數造冊報部存案從之。○又議准御史夏之芳奏。請疏通貢生酌補佐貳恩貢拔貢副榜貢生。準以州同州判縣丞分別考取。歲貢準以主簿吏目分別考取。照依考定職銜名次註冊入於雙月選用。令其在籍候選從之。○

旌表守正捐軀江西某縣民李正照妻葉氏。○直隸總督李衛疏報磁州壑復原荒地畝二十畝有奇。○是月直隸總督李衛奏由京通達口外一帶蒙古旗廝騷擾搶奪有累地方得旨。今之直隸總督即漢之廷尉京兆也。旗民雜處最難調劑。以卿之風節力量能勝此任。是以簡畀。惟有董率屬員嚴加約束。或應咨旗咨部而旗部奉行不力。卿第具摺奏來。○又奏報夏雨霑足。得旨。京師亦已得霑足。

天恩矣。朕之憂懷頓釋。此後雨暘時若。則豐稔固不敢期。必諒不致大減分數也。○江南總督趙宏恩奏報查勘各府州縣間被水災。應照例賑恤情形。得旨。今年江南雨水過多。災異數見。朕心深為憂慮。被災貧民必當加意賑恤。不可致一人失所。○大學士總理浙江海塘嵇曾筠奏遵旨酌議毛城鋪迤下河道疏濬事宜。得旨。此議甚妥。著交高斌照卿所奏行。○又奏詳審江海情形。請於仁寧等處酌建魚鱗石塘六千餘丈。

以固工程。得旨。卿所議自必合宜。惟有忻悅覽之。一如卿請耳。○又奏請疏濬杭湖二府水利。以裨民生。得旨。好。應如是疏通者。○江南河道總督高斌奏秋汛水勢已定。各工平穩。得旨。以手加額。忻悅覽之。今年水勢甚大。而金隄鞏固。共慶安瀾。實

河神默佑之所致也。且係朕即位元年實深感荷。已有旨交部諭祭矣。至汝等秋汛奏報後。亦有恩敘也。○又奏遵旨酌議勘濬毛城鋪迤下河道事宜。得旨。大學士嵇曾筠亦已奏到。殊為詳備。朕已批令照議矣。至於先後緩急之序。則汝等現在河工。大學士已離一載。河務呼吸變遷。大學士安能遠定。則又在汝等酌量隨時而不可泥者也。應具題者。仍具題可也。○閩浙總督銜專管福建事務郝玉麟福建巡撫盧焯奏福建詔安晉江二縣賑卹情形。得旨。此等賑卹難民。必當實力稽察。屬員與吏胥毋使侵漁。庶百姓得少霑實。

惠賴以存活耳。○郝玉麟又遵旨議覆將軍阿爾賽請軍標綠營兵缺分別挑補旗營餘丁一摺。臣細加酌議。阿爾賽既稱四旗壯丁僅一千九百三十三名。而四旗食糧之兵計二千七百五十名。壯丁為數不多。則以現在之壯丁補將來之兵缺。不至久為曠廢。應如所請。於綠旗兵缺內。共賞給四百名。即為四旗定額。其未補一百九十二名。於兩營所出四缺內挑補一名。其餘仍歸兩營餘丁通勻挑選。無庸分送督撫兩標及福協候缺挑拔。至賞四旗兵糧。如有缺出。統就四旗壯丁內分別拔補。遇四旗甲兵缺出。仍照例選拔。得旨。著照卿所奏行。○浙江按察使胡瀛奏。請停州縣徵收錢糧附餘議敘之例。免致不肖官朘削其民。為邀恩之地。得旨。此奏雖是。待朕緩降諭旨。非刻不容緩之事也。○戶部尚書署湖廣總督史貽直奏。請革除荆關稅外浮費。得旨。報可。○又奏。沿江低田被水。兩湖

仍屬豐收情形。得旨。所見甚是。知道了。地方豐收。而一隅偏災之民。尤可憐憫也。○署湖南巡撫高其倬奏。遵旨查湖南吏治盜案賭博各情形。得旨。此奏朕嘉悅覽之。知彼之短。即應勉力整飭。勿蹈人之愆也。○又奏。城步、綏寧二縣苗獠甚不安靜。殺刼之案累累。兇黨藏匿。非勒兵示勦。不能行誘擒之策。現飭汛兵嚴守。勿令出山殺刼。以保居民。再派妥協大員設法誘擒。若竟不能擒出諸兇。即於九月末十月初進兵勦捕。得旨。夫兵者凶器。不得已而用之者也。朕思苗疆甫定。又為此舉。不涉於黷武乎。但史貽直與卿尚非好事喜功者比。若地方中有萬不得已之形。亦不可姑息者也。諸凡酌量為之。○河南巡撫富德奏。鄆陵扶溝等州縣雨水稍多。秋禾被淹情形。得旨。似汝此等巡撫。何能慰朕懷耶。○河南布政使徐士林奏。鄆陵、淮寧、石梁等州縣水災賑貸情形。得旨。知道了。撫恤難民。惟

賴汝等地方大員盡心實力奉行庶乎少有濟耳。○山東布政使鄭禪寶遵旨回奏妻喪入京一路鼓樂雜沓實情得旨此等事朕自寬宥若不知改而至於有玷官箴之事亦無忌憚而為之則罪不可逭矣。○大學士仍管川陝總督查郎阿等奏遵旨酌議陝甘各標營營運生息五款。一營運宜變通無力兵丁如有急需即以所存生息銀兩隨時借給每人不得過五兩每月一分起息於應領餉銀內分五季扣除。一生息宜因地陝甘各提鎮現分給當商領銀營運以一分五釐起息惟延綏地處極邊應輕減五釐此外有營運維艱處所亦應量為輕減。一本銀宜畫一生息分賞宜均平溥遍應照雲貴之例統以每兵一名給銀二兩計算分散各協各營營運一收放宜慎重生息銀兩請交地方官貯庫令該提鎮會同城之府道公同經管其營汛在府廳州縣地方即分貯庫內如有營運賞

高宗實錄卷三十三

三

高宗實錄卷三十三

三

給及借放等事俱會同文員聯銜報明動支庶無冒領濫借之弊。一賞恤宜酌量應先儘現派駐防哈密赤靖等處之兵一萬名喪事賞銀六兩吉事賞銀四兩其存營之兵如果利息豐裕照防兵減半給賞得旨卿等既悉心妥議朕看來目前亦止應如是辦理著照所奏行。○吏部尚書署川陝總督兼甘肅巡撫劉於義奏報寧夏府各屬水災賑貸情形得旨知道了被水窮民加意撫恤勿致失所。○陝西巡撫碩色奏報雨澤得旨七月十八始得雨而且不過三寸之深即謂秋成有望侈然自足尚得謂之留心民瘼者哉且既一月之久汝何未奏。○又奏府谷神木等縣電災情形得旨知道了被災窮黎加意撫恤。○總統駐防哈密赤靖等處官兵陝西固原提督樊廷等奏準噶爾逃出回民所供準噶爾情形雖未足深信但賊情難測惟宜嚴加防範得旨知道了。一切事宜汝等和衷料理。○

陝西學政周霽奏秦中豐收恐啓奢靡之漸請特頒諭旨令有司遍行曉諭崇節儉以厚儲蓄得旨所奏雖是但秦民數歲之苦一歲一朝之樂若遽為是防微杜漸之制恐有司奉行不善使百姓無一朝之舒適亦非立法之意也○署四川巡撫兵部侍郎王士俊奏遵旨酌議川省各官養廉即在地丁耗銀內清扣併陳川省近來私派盡革養廉又少辦事多致周章或有可籌畫之處即當陳請得旨是徐徐經理不可急遽更張亦不可因循怠惰○兩廣總督鄂彌達廣東巡撫楊永斌奏南海潮陽等州縣水災賑恤情形得旨知道了賑恤難民一事必當加意撫綏使民受實惠粵東路遠若一一待朕之批示則百姓受累其何以堪惟在汝等督撫實心察吏安民毋使不肖有司扣克則可矣○廣東巡撫楊永斌奏謹籌粵東停徵開徵之期以便民生得旨各省風土不齊自應因地制宜所奏

知道了○廣西右江總兵官潘紹周奏請嚴禁賽會燃燈得旨此等事惟在汝等文武大吏因地制宜不使民間大燃燈火致有回祿之失則可矣若因此而敕部通行嚴禁賽神之事則民終歲勤勞無一日之樂事豈非拂民之性哉將此諭亦告督撫知之○又奏請禁土苗祭賽宰牛得旨奏內所言多有紛更不妥之處至土苗宰牛乃其習俗尤不當與民人一體嚴禁此摺著發與鄂彌達令其議奏○雲南布政使陳宏謀奏地方寧謐臣職司旬宣凡酌減公件酌減鹽價議裁小稅清查舊墾等事惟有仰體

皇仁將各項應裁應減之處各就地方情形悉心籌酌以副惠愛邊黎至意得旨覽所謂應裁應減之項必須百姓皆受實惠而經久無弊然後為料理得宜也若公用不敷國帑有虧百姓仍然受累而徒飽貪官污吏之私橐則今日應裁應減之項不過數年之後又為

汝等應追應賠之項矣。慎為之。若百姓均受實惠。雖億萬朕何惜焉。將此諭與督撫共觀之。○雲南普洱鎮總兵官楊國華奏辦理邊鎮情形得旨知道了。勉力為之。利之一字。武臣尤當首以為戒。

大清高宗法天隆運至誠先覺體元立極敷文奮武孝慈神聖純皇帝實錄卷之二十三

大清高宗法天隆運至誠先覺體元立極敷文奮武孝慈神聖純皇帝實錄卷之二十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰八月壬戌朔

上詣

皇太后宮問安。○加湖南糧道署辰沅靖道李珣按察使銜調補辰沅靖道以總理軍需諸事妥協沅州正需幹員彈壓也。○賑浙江蘭谿建德等六縣水災飢民。○癸亥

上詣

皇太后宮問安。○戶部議覆兩廣總督鄂彌達酌議鹽務查粵東十府除南雄韶州二府地不產鹽瓊州孤懸海島遍地生鹽向未立埠

招商銷引。惟就竈丁徵課。其居民皆就地買食。毋庸置議外。其廣肇等七府屬鄉村離州縣甚遠。貧難老少。報驗非易。應如該督等所題。將貼近竈場之貧難老少男婦。於境內負賣者。照例免其禁捕。毋庸報驗給賣。其各州縣小販。亦聽民自便。如有借稱貧難。私販窩囤等弊。即行查拏。按律究治。至巡鹽船役一項。亦應免裁革。仍飭各州縣嚴查。令各商遴選守法之人充當。併將各巡丁姓名年貌籍貫。造冊呈縣。遇有更換。報明註冊。其粵西一省。向行東鹽。銷鹽各埠。既向設汛捕巡。丁稽查私鹽。應一體准照舊存留。從之。○旌表守正捐軀之江蘇某縣民郭宗富妻徐氏。河南某縣民魯媛兒妻韓氏。○甲子。

上詣

皇太后宮問安。○召廣西巡撫金鉷來京。陛見。命刑部左侍郎楊超曾前往署理廣西巡撫。

○乙丑。

上詣

皇太后宮問安。○賜河南河工溥仁觀御書扁曰惠應安瀾。○是日起。

上以祭

社稷壇齋戒三日。○總理事務王大臣議。覆將軍阿里衮奏。德州駐防兵五百名。內有拴馬三匹。拴馬一匹之馬甲共五十名。餘俱係私養馬一匹。並無喂養草料。兵丁等錢糧無多。又復拴養馬匹。生計實屬艱難。請照保定太原賞給拴馬兵丁之例。將德州五百兵丁。現有馬九十二匹外。再增添一百五十八匹。共拴養馬二百五十匹。一併支給草料。應如所請。從之。○戶部議准。兩廣總督鄂彌達議。覆粵東場羨加增竈曬鹽價一款。查鹽有貴賤。自應隨時增長。以養竈曬。乃竟以核定價值。出有羨餘。以致竈曬苦累。從前辦理。原未妥協。應如所請。將每年所獲場羨銀五萬兩。出示曉諭。自行銷。乾隆元年引鹽為始。於通省

各場每年應收鹽一百萬餘包內。每包加價銀四分。共銀四萬餘兩。以裕竈曬養贍家口之資。從之。○署湖廣總督史貽直奏武昌城西南一帶江岸坍塌。應及時修築。通計正護兩岸共二千餘丈。估銀十一萬一千九百餘兩。於今冬動項修築。限三年次第修理。得旨允行。下部知之。○丙寅。

上詣

皇太后宮問安二次。○禮部左侍郎徐元夢以年老乞解任。得旨卿耆碩舊臣。簡佐秩宗。正資料理。覽奏以年逾八旬精力不逮。請解侍郎之任。朕念情詞懇切。允從所請。著加恩賞給尚書職銜。食俸在史館內廷等處行走。該部知道。○丁卯祭。

先師孔子。遣和親王弘晝行禮。○兵部議准大學士仍管川陝總督查郎阿奏嗣後陝甘二省遇有題補副參遊都守各缺出。將出征多次戰陣有功之員陞用一缺。揀發委署試

用之員。實授一缺。每缺各輪流間補。委署人員用完後。將存營之員與出征之員。再為間補。從之。○命直隸提督德沛仍管轄通省兵丁節制各鎮。○順天鄉試以順天府府尹陳守創為監臨官。左都御史福敏為正考官。吏部左侍郎邵基為副考官。○命大學士張廷玉暫管翰林院事務。○廣西巡撫金珙疏報各屬官生俊秀捐墾。雍正十三年分荒田一百七十二頃有奇。○戊辰祭大社。

大稷

上親詣行禮。○詣

皇太后宮問安。○諭西陲自用兵以來。軍需浩繁。有司承辦匪易。其中實有浮冒情弊者。自應著落賠補。若事屬辦公情有可原者。則當開恩寬免。以示體恤。朕聞甘省地方前因岳鍾琪檄令豫備喂養馬駝草束。有司不得不遵照辦理。後因買備多餘。責令變價還項。而露積日久。草已霉爛。隨經岳鍾琪有請照燒

柴變價之奏。又經許容有十分豁免三分之二。請朕思草束豈能久留。事歷多年。必至腐朽。州縣實多賠累。著署總督劉於義悉心確查。除從前已經完補外。其現在著追者。即全行豁免。又聞巴里坤駐兵時。岳鍾琪檄令臨鞏。甘涼等府買驢三萬頭。以抵羊隻之用。後因驢頭不能遠行。將各州縣解過驢一萬四千餘頭。止收六千餘頭。其餘託言瘦小。退回變價。所有沿途餵養草束。俱不准開銷。今價值尚未清結。州縣實屬賠累。此項亦著劉於義確查。將應行豁免者。全行寬免。俾州縣等同受國恩。益得盡心於職守。以昭朕優恤甘省有司之至意。○已已。

上詣

皇太后宮問安。○詣雍和宮

梓宮前供奠。○減江南崑山。新陽。浮糧。諭任土作貢。按則科徵。賦稅之重輕。惟視地畝之肥瘠。朕聞江南崑山。新陽。二縣有沿江濱湖地。

畝。雖不類於板荒。坍沒。而蘆葦蓁蕪。不堪樹藝。或地處低窪。十載九荒。乃原編科則時分晰。未清竟有以下產而供上賦者。以致小民輸納維艱。終歸逋欠。曾經前任撫臣委員察勘。未嘗上聞。著巡撫顧琮確查詳核。將如何釐正科則。裁減浮糧。以紓民困。副朕愛養黎元之意。悉心妥議具奏。○命減臺灣丁銀。諭朕愛養元元。凡內地百姓。與海外番民。皆一視同仁。輕徭薄賦。使之各得其所。聞福建臺灣丁銀一項。每丁徵銀四錢七分。再加火耗。則至五錢有零矣。查內地每丁徵銀一錢至二錢三錢不等。而臺灣則加倍有餘。民間未免竭蹶。著將臺灣四縣丁銀。悉照內地之例。酌中減則。每丁徵銀二錢。以紓民力。從乾隆元年為始。永著為例。該督撫可速行曉諭實力奉行。若因地隔海洋。官吏等有多索濫徵等弊。著該督撫不時訪察。嚴叅治罪。○又諭西部喀爾喀等。原在茂岱察罕度爾。扎卜堪。

河等處游牧。因準噶爾厄魯特等久懷窺伺之意。我

皇考聖慮周詳。念喀爾喀等若不豫令內徙。賊來侵犯伊等游牧處。不能一時就便遷移。則人畜受傷。而賊反獲利。是以屢降

諭旨。交大將軍及喀爾喀副將軍等將喀爾喀游牧內徙之處。詳查定議具奏。尋議喀爾喀等俱各向東移徙。外以杭愛之陰塞楞額多。惟鄂爾昆之鄂圭淖爾為界。內以杭愛之陽翁金河。古爾班賽堪等處為界。去年喀爾喀扎薩克圖汗格勒克雅木丕勒奏稱。伊所住哈魯納地方。既無野獸。又牲畜不得孳生。乞移住於舊游牧推河。伊克鄂拉。翁金等處。經大將軍議奏。准其外徙。現今噶爾丹策零遣使求和。我大兵以次撤回。止留兵駐防邊境。念準噶爾素與喀爾喀為讐。寧保其不相侵犯。自宜豫為之備。喀爾喀等不知其故。以為既經和好。大兵全撤。思念原游牧處。漸欲向

外遷移。但計地方遼濶。游牧從容。不思居可虞之地。被賊殘害牲畜。擄掠子女之患。是見小利而不知大計者也。準噶爾定界之事。尚在未決。喀爾喀等之游牧。且令勿遽挪移。著額駙策凌等戒諭喀爾喀扎薩克人眾。仍駐原駐之地。禁其踰界游牧。此亦為喀爾喀起見。非欲竟棄其地也。俟數載後。準噶爾大定。絕無可虞。度量情形。必令伊等仍移本處。臨時再降諭旨。○調原任廣東按察使方願瑛來京引見。○準噶爾部人孟克來降。賞給安插如例。○庚午。

太宗文皇帝忌辰。遣官祭

昭陵。○

上詣

奉先殿行禮。○詣

皇太后宮問安。○諭總理事務王大臣。朕前已降旨。三年之內。不行慶賀禮。今八月十三日。為朕誕辰。禮部循例奏請。已降旨停止行禮。

並令朝臣勿穿蟒衣補服所有外省慶賀本章俱著內閣發還是日朕親詣

雍和宮行禮。○總理事務王大臣等奏遵旨詢問尚書傳鼐向買賣人王慎德借銀一事傳鼐曾向王慎德借銀彼以無銀回覆因而中止。後王慎德又差人與伊家人說明借銀二千兩是實。一摺得旨緩急借貸人所時有昨有人奏傳鼐向買賣人王慎德抑勒借銀一事朕以事涉微細本不欲深究將原摺發出詢問傳鼐曾諭云摺內人証確據爾身為大臣據實回奏則已若非實有之事亦不必引過。今覽回奏之辭顯因確有憑據不能推卸而又不肯直行承認據伊云始向王慎德借銀彼云無而中止。後王慎德又差人向家人說明借給等語夫王慎德既以無銀回覆矣何必又自行借給非抑勒而何。明係狡詐無恥甚失大臣誠以事君廉以律已之體著交部嚴察議奏尋議傳鼐身為大臣狡詐不實

應革職餘罪不准納贖。照例枷號四十日鞭一百。所借銀給還原人。得旨傳鼐著革職從寬准其納贖餘依議。○辛未

上詣

皇太后宮問安。○遣官祭

關帝廟。○諭總理事務王大臣。昨朕降旨本月十三日親詣

雍和宮行禮。今據禮部啟奏儀注。照今年元旦之例在

雍和門行禮。朕思元旦乃天下臣民公共之大節只得勉從所請。今朕一人誕辰。非元年歲朝可比。是日朕仍詣

梓宮前行禮。○除山東沖壓地糧。諭朕御極以來仰體

皇考愛養元元之至意。勤求民隱。加意撫綏。唯恐賦役不均。使閭閻有輸將之苦。前訪聞得山東郟城蘭山等州縣。自雍正八年大水淹浸之後。水退沙存。沖壓地畝。不能樹藝五穀。

小民納賦甚屬艱難。特降諭旨。令巡撫岳濬將此等地方詳悉查勘。奏聞請旨。頃據岳濬奏稱。雍正八年被水之後。凡濱河傍山地畝。如厯城等二十八州縣。原報沖壓地共三千二百四十七頃零。經臣檄飭勘墾。內有曹州曹縣。莒州。沂水。四處墾過地九百九十餘頃。尚有二千二百五十頃。屢飭確查。今復遵旨勘明。郟城縣實在沖壓地一百四十七頃零。蘭山縣沖壓地三百五頃。其餘州縣。如濟南府屬之厯城。章邱。淄川。長清。長山等縣。兗州府屬之滋陽。寧陽。泗水。鄒縣。汶上等縣。青州府屬之益都。樂安。壽光。臨朐。安邱。博山。臨淄等縣。萊州府屬之昌邑縣。濰縣。武定府屬之惠民縣。沂州府屬之莒州。沂水縣。泰安府屬之泰安。東平。肥城。新泰等州縣。共計州縣二十八處。所有沖壓地共一千三百六十二頃九十八畝零。實係積年廢棄。人力難施。應共免地丁銀五千九十兩零米麥一百五十六

石零等語。著照岳濬所查實數。造冊報部。將地丁米麥悉行豁免。以除民累。其雍正十三年應徵銀米。除已經輸納外。若有未曾完納者。亦著確查豁除。務使小民均霑實惠。毋使胥吏土棍侵蝕中飽。○又諭。前據兵部奏。請將本年軍營撤回官兵騎來馬匹補足八旗原拴官馬額數。其餘九千餘匹請送交太僕寺牧場收放等語。業經允行矣。此項馬匹不必撥送牧場。即賞給軍營撤回官兵。每人各一匹。其餘馬匹著交八旗都統等於前次軍營撤回官兵內量其勞績。秉公揀選分賞。其現在未交者著照前旨免其賠交。此次所賞馬匹著開除家選兵丁。俟伊等前赴歸化城駐防時另行撥給。○又諭。朕閱侍郎納延泰所奏都統根敦等向土默特官員兵丁種種貪婪勒索甚屬卑鄙無恥。自應從重治罪。朕念根敦等俱係蒙古。此次姑從寬宥。嗣後務須痛改前非。實心報効。倘再如是。必加倍治

罪。斷不輕恕。至根敦等應賠銀兩著占岱等查明議奏。○壬申。

太祖高皇帝忌辰。遣官祭

福陵。○詣

皇太后宮問安。○加上下江學政養廉。諭曰。各省學政有衡文育材之責。關係綦重。從前各賞養廉資其用度。俾得堅持操守。砥礪廉隅。衡鑑公明。共襄國家作人之鉅典。天下人文繁盛。應試衆多者。莫如江南。學政養廉江蘇二千兩。安徽一千五百兩。較他省為少。以此養贍家口。延致幕客。未免不敷。所當加恩體恤者。著從今秋為始。上下兩江學政養廉各賞銀四千兩。使伊等用度從容。益得盡心於職業。以副朕任官課士之至意。○除山東章邱縣缺額糧銀。諭朕聞山東章邱縣有缺額糧銀三千九百一十餘兩。因從前地方官捏報墾荒。以致糧無抵補。相沿已久。事難究追。其現在已攤入地畝者。雖每畝為數不多。而

其實則在正供之外。民力未免艱難。其未攤入地畝者。更屬虛懸。無著。有司亦難賠墊。朕心軫念官民。著將已攤入地畝者。於乾隆元年查明開除。免其徵收。其未攤入地畝者。從雍正十三年起。悉行豁免。俾閭閻永無加派之苦。而有司亦無賠補之累。該撫可董率地方官實力奉行。○癸酉。

上詣

皇太后宮問安。○甲戌。

萬壽節。停止朝賀筵宴。○

上詣

奉先殿。

壽皇殿行禮。○詣雍和宮。

梓宮前行禮。○遣官祭

太廟後殿。○遣官祭

福陵。

昭陵。

昭西陵。

孝陵

孝東陵

景陵

孝敬憲皇后○遣官祭

顯佑宮

東嶽廟

城隍廟○詣

皇太后宮行禮○乙亥轉禮部右侍郎木和林
為左侍郎以通政使滿色為右侍郎○丙子

字彙六二四

上詣

皇太后宮問安

大清高宗法天隆運至誠先覺體元立極敷文
奮武孝慈神聖純皇帝實錄卷之二十四

實錄卷二十四

十七

大清高宗法天隆運至誠先覺體元立極敷文
奮武孝慈神聖純皇帝實錄卷之二十五

監修總裁官經筵講官太子太傅大學士七洲閣閣學士領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣閣學士稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰八月丁丑

上詣

皇太后宮問安。○加在京文員俸。諭後食為事
君之心。而重祿乃勸臣之道。從前在京文員
俸入未足供其日用。時屢

皇考聖懷。是以雍正三年。

特旨增添漢官俸米。而各部堂官又

加恩給與雙俸。其餘大小各員。原欲次第加恩。

俾得均沾渥澤。今朕仰體

皇考嘉惠臣工至意。彷彿雙俸之例。將在京大

小文員俸銀。加一倍賞給。令其用度從容。益
得專心於官守。所給恩俸。著自乾隆二年春

季為始。再從前賞給各部堂官雙俸時。欽奉

皇考諭旨。遇有罰俸事件。止罰正俸。其恩俸仍

行支給。今各員所加之俸。亦照此例行。○總

理事務王大臣遵旨議覆。添給旗員空糧。查

八旗滿洲都統。每員隨甲八名。護軍前鋒統

領。蒙古漢軍都統。隨甲六名。無庸議給外。其

滿洲副都統。隨甲僅三名。蒙古漢軍副都統。

隨甲僅二名。今擬各添一名。護軍前鋒驍騎

參領。隨甲一名。今擬各添一名。副護軍副驍

騎參領。前鋒侍衛。隨甲一名。今擬各添半名。

上三旗包衣參領等。一體給與。以上所給隨

甲。每名給錢糧三兩。米折一兩。於正項內按

月關支。至八旗佐領。並上三旗包衣佐領。原

各有隨甲一名。康熙四十三年裁去。今奉旨

於本佐領下額甲數內。各給一副。應遵旨賞

給。俟缺出扣除。其支給隨甲事宜。臣等酌議

數條開後。一。文官如尚書侍郎等兼管都統副都統者。辦理一旗事務。除旗下養廉不支外。其隨甲應准兼支。郎中等兼叅佐領者。應准兼支隨甲。一。都統副都統及叅領有兼佐領者。已支領任內隨甲。其佐領隨甲。不准兼支。一。各旗賞都統副都統等職銜。現有差使者。從前定例。准照漢軍都統等官支給。應仍舊例。其賞空銜不辦事者。不准。一。額外都統副都統叅領副叅領等。現在辦事者。准照額設官支給。不辦事者。不准。一。世職官員。如男爵以上。已有隨甲。若兼都統副都統叅佐領等官者。准支領一處。不得重支。一。文官三品原有隨甲者。照舊支給。一。都統等官出差在外。已有養廉者。不准兼支。無養廉者。仍行支給。從之。○戊寅。廣陝甘武舉解額。諭曰。陝甘之人。長於武事。其人材之壯健。弓馬之嫻熟。較他省為優。向來武闈鄉試中額。每省各四十名。應試之人。每以限於額數。不能多取。其

如何量行廣額。取中之處。著該部議奏。尋議嗣後陝甘二省。每省於原額外酌加十名。各取中五十名。從之。○戶部議准署湖廣總督史貽直奏。黔省用兵後。田地多荒。此後米糧正需接濟。本省倉儲亦宜充裕。請將本年湖北湖南應運漕糧二十六萬六千餘石。全數截留。以為撥運抵補之用。從之。○兵部議覆山東登州鎮總兵馬世龍奏。請將鎮標新兵一千名內。分撥六百名。添補標外十營。其餘四百名。陸續裁汰。是該鎮酌留情節。與高斌酌留河標新兵之例相符。應如所請。至所添千把外委。令該鎮照裁汰四百名新兵之數。俟各兵陸續開除頂補完日。酌量裁補。所裁兵丁之馬匹。趁其口壯之時。先行變價交庫。從之。○己卯。

上詣

皇太后宮問安。○諭本年四月間。河南永城縣潘家道口地方黃河水發。隄岸潰決。民間田

禾廬舍被水淹浸。朕心軫念。切諭巡撫布政使。加意賑卹。務令貧民得所。並會同江南總督總河。悉心妥議。俾疏通下流。以永除永城之水患。其永邑被水應免之錢糧。著巡撫布政使。確查具奏。今據徐士林摺奏。永城縣被淹田地。共一千一百一十三頃六十六畝。春麥秋禾。俱未耕穫。朕思一歲之中。春麥既未收成。秋禾又未補種。小民生計艱難。國賦何從輸納。目今正值開徵之時。著將應徵之地。丁漕糧悉行蠲免。該撫等即出示通行曉諭。並督率有司。實力奉行。毋使奸胥土棍。借端舞弊。○又諭原任侍郎胡煦。年逾八旬。服官年久。著賞給原銜回籍。其繼子胡孟基復還舉人。幼子胡季堂。賞給廕生。入監讀書。以示朕眷念舊臣之至意。○賑河南南陽新野等五縣水災飢民。並停徵本年分額賦有差。○庚辰秋分夕。

月於西郊。遣裕親王廣祿行禮。○禮部議准。山

東學政李光塽奏。四氏子孫。不應專以毛詩取中。亦令兼習他經。仍編耳字號。一例取中。從之。○以鑲黃旗頭等侍衛侍衛班領額圖。渾為

泰陵總管。○辛巳。

上詣

皇太后宮問安。○詣雍和宮。

梓宮前供奠。○命停揚州商民濬河捐項。諭朕聞揚州府儀徵縣江口。至江都甘泉三縣所轄三汊河一道。共計六十餘里。為通江達淮要津。向例三年大挑一次。撈淺一次。共需銀一萬六百兩。皆商三民七。分派捐輸。經管里甲。不無苛索滋擾。而承修各官。又復層層侵扣。以致撈淺挑濬。有名無實。無益於工程。有累於百姓。嗣後著將商民派捐之項。永行停止。亦不必拘定三年之限。如遇應濬之年。著該鹽政委員確估實力挑濬。所需工費。即於運庫一半充公。項下動支。毋得虛冒侵肥。草

率塞責。○禮部奏恭按

世祖章皇帝於二周年後安奉

地宮。自期年後每日一次奠獻。每月饌五筵。羊

三。酒三尊。楮錢五千。楮帛五千。致祭。

聖祖仁皇帝於期年內安奉

地宮。於安奉前每日仍三次奠獻。每月饌十有

一筵。羊五。酒五尊。楮錢二萬。楮帛一萬。致祭。

本月二十三日。於

世宗憲皇帝前行期年致祭禮。至十月十一日。

奉移

梓宮於

泰陵。至次年三月初二日。安奉

地宮。奉移之前請照

聖祖仁皇帝前奠獻之例。每日三次。至奉移

泰陵安奉

地宮之前請照

世祖章皇帝前奠獻之例。每日一次。其月祭所

用饌筵。羊。酒。楮錢。楮帛等項。仍照見行例致

祭。從之。○總理事務王大臣議覆。公豐盛額

奏。現在張家口防禦等缺出。因俱由京補放。

該處兵丁。並無陞路。現既增設官兵。人數衆

多。亦應照別省給與陞路之處。一併議奏。等

語。查古北口。獨石口。喜峯口。冷口等處。俱有

防禦。張家口。因向無驍騎校。兵丁等實無

陞路。應於張家口等處。增驍騎校一二員。各

該處遇有防禦缺出。由本處驍騎校內。擇其

人去得。漢仗好者。咨送出缺。旗分。與本旗應

陞人員。一併帶領。引見補放。從之。○壬午遣

官祭昭忠祠。○總理事務王大臣議覆。將軍

博第奏。先是雍正十年三月。前任將軍常德

遵

旨。於打牲烏拉壯丁內。挑取一千名為兵。編十

佐領。每佐領名下。挑取領催六名。鑲黃。正黃

旗。各設二佐領。餘旗各一佐領。每佐領下。設

佐領一員。驍騎校一員。每旗。設防禦一員。每

翼。設協領一員。其俸餉。照吉林例給與。每佐

領下各挑弓匠鐵匠一名。八月內即將此新挑兵一千名調往巴里坤所設官弁未及帶領引見。今已撤回。應照前議其兵丁交吉林烏拉將軍一體訓練當差。應放官弁揀選送部引見從之。○江西巡撫俞兆岳奏江右今歲豐收請再買穀十餘萬石分貯各府州縣以備凶荒得旨允行下部知之。○癸未上詣雍和宮

梓宮前供奠禮畢遂居東偏書室。○召軍前回京之喀爾喀扎薩克多羅貝勒成衮扎卜扎薩克輔國公查木禪扎薩克頭等台吉巴朗特克錫齊巴克扎卜達錫丕爾布達扎卜四等台吉三都卜多爾濟頭等侍衛委署旗務章京烏納哈等面諭曰爾等俱在軍前効力行走。皇考聖心原欲俟軍務告竣之時加恩爾等共享安逸不意忽遭大故朕繼承大統是朕之身即

皇考之身朕必仰體

皇考聖心加恩爾等俾共享昇平在爾等亦當各加勉勵爾喀爾喀等從前與厄魯特互有仇隙今雖軍務已竣防備之處斷不可疎忽爾等當各固守爾游牧地方教養爾屬下不時訓練倘謂軍務已竣不加操演防守猝然賊至爾等何以禦之今鄂爾坤地方尚有內地之兵在彼駐防爾等亦當各加奮勉訓練士卒詳加料理保守爾游牧地方。○戶部覆兩江總督趙宏恩奏將安東縣食鹽仍照原題酌留餘鹽二十四萬斤聽貧民照例挑賣以濟民食該督等仍嚴飭該管官不時查察如有藉口貧難販私窩囤等弊即行嚴拏按律究治又高郵等州縣新增餘引一萬道應令該督等自丙辰綱為始隨淮南正引一同請領行銷其行銷事宜仍照原題辦理至課餉銀內每引應輸紙硃銀照例按季造入撥餉冊內送部撥解其每引應輸請單呈綱領

引等銀。按年造入鹽課奏銷冊內。具題查核。所有前項應完經解腳費等銀。免其徵收。其鹽斤價值。仍令嚴飭各商。按照成本。隨時減售。以濟民食。又甲寅綱帶運鹽斤。應令該督等將完過課銀確數。查明報部查核。其新增綱引二萬七千道。自丙辰綱為始。隨淮南正引附領配運。所有每引應納請單呈綱加斤及紙硃等銀。照例辦理。從之。○甲申。

上詣

梓宮前。行期年致祭禮。○詣

皇太后宮問安。○乙酉。

上詣

皇太后宮問安。○

上御養心殿。召入大學士九卿等。諭曰。今日爾等因加俸一事。具摺奏謝。朕特召爾等面諭。國家分職授祿。務從優渥。俾其日用充裕。固屬體卹臣工之意。而為人臣者。惟當清白自矢。恪共職守。不可徒為身家之計。孔子曰。事

君敬其事。而後其食。是即祿廩所頒。分所應得者。尚不暇計及。况非分之獲。有關名節者乎。昔我

皇祖臨御日久。天覆海涵。臣工賢否。無不洞悉。晚年多所優容。大臣中或有徇情納賄之弊。豈能逃

皇祖之聖鑒。但不欲深究。以保全之。而見輕於君上。終身不復信用者。亦不知凡幾矣。我皇考恐風氣之日靡。念紀綱之宜飭。御極以來。力為整刷。弊絕風清。間有一二營私之輩。亦迴非從前肆行無忌者可比。今朕之身。即

皇考之身也。朕之政。即

皇考之政也。朕所用之人。即

皇考所用之人也。爾等之事。朕亦當如

皇考之時。各凜操持。各勤職業。庶幾大法小廉。不負朕委任之意。若謂朕務從寬大。遂思改易前操。復有徇情納賄之事。朕自度馭下之才。遠不逮

皇祖

皇考之兼容併包。掩瑕錄過。斷難為之容隱。即如傳臬之瞻徇情面。代人求廕。勵宗萬之保舉河員。暗通賄賂。朕一有聞見。即為指出。俾衆共知。蓋無心之過。尚可原情。而有意營私。漸不可長。畧露端倪。必為宣示。情罪果實。定加重懲。至於擯棄之後。亦斷不再行錄用。即為一身謀之。亦何苦徇親朋之情面。損自己之功名。圖一時之小利。致終身之擯棄乎。但當常思國法之宜凜。幽獨之難欺。各洗心滌慮。交勉於公。爾忘私之誼。則可以永保一生之名節。而常受朕優卹之恩矣。○諭總理事務王大臣。今年伏秋交會之際。南方雨多。水勢甚大。朕深為黃運海塘等處工程繫念。昨據江南河道總督高斌摺奏。時過白露。黃運湖河各處工程。在在保護平穩。且毛城鋪北岸。於六月間。有天開引河一道。不費人力。自然化險為平。人民莫不歡忭等語。又據大學

士嵇曾筠摺奏。今年伏秋。海塘水勢雖大。因先期修整坦水。建築土餞。得以護衛平安。且江海形勢漸向南趨。海寧東西兩塘。日夕漲沙。將來易於施工。比較上年情形。已不啻逕庭之別等語。又據河東總河白鍾山摺奏。秋汛已過。河東兩省南北兩岸。一切埽壩工程。均屬穩固等語。南北河工。與浙江海塘。關係國計民生。最為緊要。且當朕即位元年。仰荷神明默佑。數處重大工程。俱各循流順軌。共慶安瀾。朕心不勝感慶。理宜虔修祀典。以答神貺。所有應行禮儀。該部察例具奏。此三處總理之大臣。督率有方。在事各員。殫心防護。俱屬可嘉。著分別議敘具奏。○減浙江嚴州屯糧。諭朕聞浙省屯糧。向來每石徵銀一兩。因軍丁等輸納維艱。於康熙年間特恩減免。改徵銀五錢五釐。計算每畝徵銀八分有零。彼時惟嚴州一所。遺漏開報。未經查明減免。每畝仍徵銀二錢一分五釐。查杭州前右二

衛屯田與嚴所地方相距咫尺。每畝止徵銀一錢二分八釐零。而嚴所地土比通省較薄。賦額則比通省較重。實屬偏枯。所當酌量變通。使一體均沾恩澤者。為此特頒諭旨。將嚴所屯糧。循照杭州前右二衛科則徵收。以紓軍力。其應豁減銀兩若干。著大學士嵇曾筠確查報部。永著為例。○定浙鹽增勛改引之法。諭浙江濱海地皆斥鹵。向來鹽價甚賤。居民稱便。十餘年來。鹽價增長。近則加至二三倍不等。夫以小民日用必須之物。而昂貴若此。朕心深以為憂。即中外之人。亦無不知兩浙鹽貴之為累者。朕屢次切諭大學士嵇曾筠。令其悉心經理。乃數月以來。雖據奏報鹽價漸平。然較之十數年前。仍屬昂貴。朕再四圖維。并留心諮訪鹽價之貴。固在於場鹽少產。亦由於商本艱難。惟有使商人鹽勛充裕。則鹽價自然平減。今酌定增勛改引之法。將杭嘉紹三所引鹽。循照兩淮舊額。每引加增

鹽五十勛。連包索共重三百三十五勛。至松江一所。原屬濱海產鹽之區。向因額設季引九萬餘道。分別上中下三則。徵收正課公費銀五萬四千餘兩。遂使近場州縣。多有鹽貴之苦。今循照沿海溫台等處之例。改行票引九萬餘道。每引給鹽四百勛。令商人設店住賣。如此增勛改引。一為變通。則商本寬裕。轉輸便易。商人不受減價之累。百姓多受減價之益。大學士嵇曾筠再為多方調劑。加意體卹。庶可復還十數年之原價。以便民用。著該部行文大學士嵇曾筠。遵照諭旨辦理。○諭朕因八旗兵丁寒苦者多。再四思維。特命借給官庫銀兩。俾伊等營運有資。不憂匱乏。伊等自應仰體朕心。諸凡撙節。以為久遠之計。乃聞領銀到手。濫行花費。不知愛惜。而市肆貿易之人。惟利是圖。將綢緞衣服等項。增長價值。以巧取之。獨不思兵民商賈原屬一體。兵丁用度寬餘。則百貨流通。商人可獲自然

之利。是國家加恩於兵丁。未嘗無益於商賈也。何得昧其天良。背公平之義。而為刻薄之舉。使窮苦兵丁。暗中受其剝削。獲利幾何。已干為富不仁之戒。縱國法不便遽加。亦當各自猛省。著順天府。五城通行曉諭商人。並令八旗大臣等。教訓兵丁。咸使聞知。○諭理藩院。喀喇沁王伊達木札卜等旗所屬之人。耕種地畝。今年收成歉薄。應如何施恩散賑之處。著總理事務王大臣。會同該衙門。查例議奏。尋議。應遣侍衛一員。理藩院司官一員。馳驛前往。於各旗存倉穀石。及武卜克阿拜等處耕種所收穀內。動支散賑。倘不敷用。仍需穀石若干。照依時價算銀。由戶部關領。照數賞給。得旨依議。著阿蘭泰去。○工部覆准。總督倉場戶部右侍郎宗室塞爾赫等奏。請於京倉各處。添建廩九十三座。從之。○丙戌。諭八旗大臣。近因八旗生齒日繁。朕特加恩。命大臣等核議。賞借官員兵丁俸祿錢糧。俾於

生計有益。汝等務將該管官兵。加意曉諭。此項賞銀。不可妄費。務須撙節。以期生計長有裨益。倘任意奢侈。數日間。即蕩費無餘。將來仍在伊等錢糧內坐扣。每月所餘無幾。生計愈至不敷。仍難免於窘迫。汝等不可苟且塞責。必須懇切開導。俾伊等各知勉勵。無負朕加恩體恤至意。○禮部奏

世宗憲皇帝梓宮發引儀注。得旨是。依議。奏內議稱奉移

梓宮發引時。朕隨行出寢宇。尊親牌樓門。跪於街南。恭候

梓宮過後。朕乘輿出西直門。由別路前往恭候。至於

梓宮到

泰陵三孔橋。更換小輦時。朕先至隆恩門內恭候。到

陵後安奉

梓宮之次日。祭畢。即行回京等語。雍和宮奉移

梓宮之日。朕不忍於城內乘輿前往。應步行送梓宮出城後。再乘輿由別路前往。以便跪接。至三孔橋更換小輦時。朕仍在傍跪候。不必先至隆恩門。

梓宮到陵之次日。祭畢即回。朕心實為不安。朕欲在彼居住數日。以申哀戀之忱。著總理事務王大臣議奏。十月初九日。行奉移。

梓宮禮告祭畢。朕即在雍和宮居住。恭候

梓宮發引。尋議。臣等謹按前代帝王。親送梓宮

者。少無成憲可稽。禮曰。既葬。反而卒哭。又曰。

既反哭。主人與有司視虞牲。有司以几筵舍

奠於墓左。反。日中而虞。是安奉既畢。原無復

行居住之文。恭查雍正元年三月二十七日。

世宗憲皇帝親送

聖祖仁皇帝梓宮至

山陵。屢降

諭旨。欲於奉安後在

陵居住數日。羣臣再三陳請。伏蒙

俞允。於四月初三日祭畢回鑾。臣等恭請皇上遵照。

世宗憲皇帝典禮。於次日祭後回鑾。實屬允協。得旨。王大臣援引禮經。及

皇考所行成例具奏。朕謹遵此禮行。○遣官祭賢良祠。○丁亥。諭大學士鄂爾泰。張廷玉。前聞雲南地方。今春雨澤短少。後據尹繼善等奏報。漸次得雨。以朕看來。仍是不足之象。迄今兩月有餘。未見尹繼善。張允隨奏事。滇省雨澤霑足與否。夏田收成如何。朕俱未聞知。甚為繫念。似此關係民生切要之事。何得視為泛常。假若地方收成歉薄。亦當悉心籌畫。速行奏聞。早為料理。總之

皇考時諸臣奏事太密。將不應陳奏之事。頻頻瀆奏。今日則將應奏之事。亦不陳奏。似此怠忽。將致懈弛。豈朕所望於封疆大吏者。爾等可寄信詢問之。○解兵部尚書通智任。以奉天將軍那蘇圖。為兵部尚書。調寧古塔將軍

博第為奉天將軍。以前鋒統領吉黨阿為寧古塔將軍。護軍統領瑚林為前鋒統領。○命禮部尚書任蘭枝。工部侍郎張廷琰。左副都御史索柱。內閣學士劉統勲。閱順天鄉試迴避子弟試卷。○青州將軍阿里袞。緣事降級調來引見。○賑陝西府谷。神木。三縣電災飢民。並緩徵本年分額賦有差。○戊子。

上詣

皇太后宮問安。○準噶爾部人恭格敦多卜來

降。賞給安插如例。○己丑。

上詣雍和宮

梓宮前供奠。○增滿洲官卷中額三名。○總理事務王大臣議覆大學士朱軾條陳鹽務各款。窮乏竈戶。或有借貸商本。而於買鹽給價。則權衡子母。加倍扣剋。窮竈誠屬難堪。應令各該督撫鹽政。轉飭該管官。於掣鹽時。公同酌定價值。無許扣剋短少。務使窮竈得沾利益。至竈戶售私。律有明條。各該督撫鹽政。遇

拏獲私販。必根究其買自何地。賣自何人。無使私鹽透漏。以肅鹺政。又商人認引行鹽。自宜老成富厚之人充當。至初本有餘。而花銷敗落。仍然充商者。將來勢必有誤引課。自應斥革。而豪強霸占。并私相售賣無藉之輩。尤應嚴禁。但各處商人甚多。若必一時甄別稽查。不無紛擾。應令各該管鹽督撫鹽政。曉諭衆商。如有前項情弊。許其自退。免其治罪。倘仍隱匿不報。或被該管官察出。旁人首告。嚴拏按律究治。其鹽價酌定中平。毋得過為增減。致累商民。至鹽餉經過地方。盤驗掛號。陋規。久經嚴禁。如有借端需索者。該商據實首告。審實題參。按贓治罪。其經過地方盤驗。所以稽查夾帶私鹽之弊。仍令嚴飭沿邊地方各官。隨到隨驗。如有藉詞留難。即行指名題參。倘該督撫等失於覺察。一併交部議處。從之。○刑部議准。山東按察使黃叔琳奏請嗣後相驗。遇本縣印官公出。即請鄰縣印官代

驗。或鄰縣遼遠。方許派委佐貳代驗。其代驗之員。必係同知。通判。州同。州判。縣丞等官。毋得濫派雜職從之。○賑江南江寧蘇松等屬溧水。江浦。長洲。華亭等二十四州縣水災。飢民。並緩徵本年分額賦有差。○庚寅。賑貸湖北潛江。荊門等五州縣。沔陽。荊州等四衛水災飢民。○辛卯。以

玉牒告成。賜總裁平郡王福彭。大學士鄂爾泰。張廷玉。副總裁大學士尹泰。吏部右侍郎阿山。禮部左侍郎木和林。及提調纂修等官銀幣有差。○是月。福敏奏。族孫應令迴避。得旨知道了。但卿秉公無私。朕所素知。無庸迴避也。○長蘆巡鹽御史三保奏。請動用公費銀兩。修理天津三岔河之望海寺。以資鎮奠。得旨好。修理須整齊。即再費一二千金。亦未為不可。工成時。具摺奏來。朕寫給扁額。○直隸總督李衛覆奏。勘過河道大概情形。得旨。河工朕未曾閱視。何能懸定。仍不外於卿奏所

云。因勢利導。隨時制宜耳。所奏知道了。妥協為之。○漕運總督補熙奏。請酌給武舉名糧。得旨。此事徒滋紛擾。而究無益於武備。且虛糜帑餉。係不應行者。○署江蘇巡撫顧琮等奏。請調補道員兼管關務。得旨。翁藻人雖明幹。辦事去得。但心地實在處朕未深悉。錢穀之任。保其操守。始終不易乎。但汝等既公同奏請。俟題到有旨。仍須留心詳察。不可因保題而有所或庇也。○大學士總理浙江海塘

增數卷二十五

三二

管理總督嵇曾筠奏。感激訓誨。敬陳愚悃。得旨。朕之訓諭。原係汎論為臣之道。並非謂卿有避勞怨之事也。所奏知道了。○署江西按察使凌燾奏。用藥迷人未死。而止得其財者。請照強盜例。將為從之人。量予末減。得旨。此事徒滋紛更。而究無益於明刑弼教之實。不便交部也。○又奏。敬陳江省民俗情形。及現辦事宜。得旨。覽。勉力為之。汝等外省大員。之能稱職與否。斷難逃朕之照察。總在日後還

朕一是字。不在片摺之奏。謂可了事也。○福建漳州總兵官李蔭樾奏。修理軍裝。得旨。知道。了汝等外省大吏。似此指摘前任之過。以顯已長者。不一而足。即武進陞到漳之時。豈無此一番奏報乎。則所謂整飭者何在。且即汝離任之所。後任總兵。恐未必無似此之奏也。竟成虛文。究於營制何益。然護庇前人之過。羣成黨援之習。亦朕所不喜。而王法具在。諒亦不能逃也。將朕此諭。交與督撫。令其轉

平定縣志卷之五

三十五

諭通省大吏咸使知之。以共圖實心實政。莫負朕委任之意。○又奏接收存留銀兩一摺。得旨。此等錙銖之數。朕實不能算。但云蠲免賦稅。賞給錢糧。何止數百萬計。此乃為兵為民。朕有所不惜。而非以資貪官汙吏之饕餮也。若因此而開冒銷之門。則朕所免向之所謂家產盡絕之人。皆汝等之炯鑒。不可不戒也。將此旨亦交與督撫共觀之。○山西巡撫石麟奏。得雨情形。得旨。八月初一始得雨。而

謂禾稼勃然長發。吾誰欺乎。此可見汝等年成之奏報。不足為憑矣。○大學士仍管川陝總督查郎阿奏。川省文武情形。并嚴飭緣由。得旨。知道了。四川諸事不妥。文武不和。誠有如卿所云者。整飭之方。惟卿是賴。朕亦不迫卿見效。但三年而無成。則卿亦不可辭其責矣。勉力振刷。以救諸弊習。楊秘係一蒼滑。不肯出力。人非無才也。伊回任時。朕已諄諄訓諭矣。此番若再不肯實心任事。卿當據實陳

會錄卷之五

三十六

奏。○又奏採買沙州糧石。以裕邊儲。得旨。知道。了。軍務雖竣。而多儲蓄。以備不虞。亦極是之舉。但不可使之陳陳相因。歸於紅朽。以致虛費國帑耳。○又奏遵旨防範豫備緣由。得旨。大凡膺鎮守之責者。居無事之時。不可不如有事之豫備。當有事之際。不可不如無事之鎮靜。北路偷馬之賊。不過小竊耳。況今已遠去矣。但卿等此議。非特一日二日之計也。當永遠如是防範。而不可少弛者也。○總統

駐防哈密赤靖等處官兵陝西固原提督樊廷奏遵旨豫備料理準噶爾緣由得旨知道了。想準噶爾恐徹兵之說不實故著人試探北路並未與之對敵亦未窮追料理頗是。今賊夷已杳無蹤跡矣。據此則今冬伊再遣使亦未可定。汝等和衷豫備之說甚是。但不可仗兵力而生事。夷使若來更當款待伴送來京。即有賊夷盜竊馬匹亦宜相機而動不可激變亦不可損威。汝等永遵此旨時刻莫忽。

實錄卷二五

三六

也。○廣東提督張溥奏雨水颶風情形得旨知道了。督撫賑卹實力與否據實奏聞。○雲貴總督尹繼善奏兩省雨水情形得旨知道了。春雨缺少之奏一至朕南顧之憂無時或釋。今經許久始行奏聞可謂不體朕愛養元元之心矣。已有旨交大學士等轉發矣。○貴州總兵官崔善元奏明地方情形得旨覽。整飭營伍是汝專責。惟在實力奉行不在片摺陳奏。○定邊左副將軍額駙策凌奏遵旨小

心保護臣母得旨知道了。此旨非為汝母子二人亦是國家大計。為衆喀爾喀之表率也。當永遠遵行。

實錄卷二五

三八

大清高宗法天隆運至誠先覺體元立極敷文奮武孝慈神聖純皇帝實錄卷之二十五

大清高宗法天隆運至誠先覺體元立極敷文
奮武孝慈神聖純皇帝實錄卷之二十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰九月壬辰朔

上詣

皇太后宮問安。○兵部議准廣州將軍張正興
奏各直省武職除地方實有緊要戎務者不
准終養外其餘有祖父母父母年老該員果
無伯叔兄弟家無次丁者應准其終養又旗
人出仕外省業照漢官例准其終養其各省
駐防旗員或路遠不能迎養家無次丁者亦
照此例從之。○又議准張正興奏請將該標
四營內食糧雖未及二十年之外委千把行

走謹慎之經制千把及配駕遊巡失水兵丁
一切因公身殉兵丁均不拘食糧年分身後
其子弟遇有本營兵丁缺出驗其人材弓馬
頂補名糧以資養贍從之。○福建漳州總兵
官李蔭樾奏請留任守制得旨不謂天下竟
有汝此等不孝無恥之人想求督撫而不准
故冒昧為此奏耳。○補通政使司通政使福
善為原官。○除河南滎澤縣坍塌地畝二百
二十餘頃額賦一千三百兩有奇。○癸巳諭
據福建漳州總兵官李蔭樾奏稱繼母顧氏
病故例應丁憂回籍惟是到任未久即聞母
訃臣自幼即離故鄉服官以來清白自矢原
籍寧夏並無一椽寸土搬喪無力家口嗷嗷
伏思上年曾奉有地方職任緊要者酌准在
任守制之諭旨可否援照臺灣總兵馬驥之
例仍留原任俾仰足以宣力國家俯足以養
育妻子忠孝之道得以兩全倘格於成例或
將臣胞兄千總李元侯恩賞守備俾得養贍

家口。臣庶可拮据還鄉等語。自古求忠臣必於孝子之門。未有不能盡孝而能盡忠者。至於在任守制之事。實因其地其事。其任難於更換。萬不得已。或降特旨。或從督撫之請。偶一權宜行之耳。朕意被留之人。不知何如之。倉皇迫切。輾轉靡寧。以冀遂其私情者。從前諭旨甚明。今李蔭樾乃援引此例。陳請於朕前。貪戀爵位。而忍忘其親。公然自奏。而不以為愧。朕從未見世間有此等無恥之人。且沾沾以家業貧寒為慮。懇將伊兄陞為守備。為養贍家口之計。更屬貪鄙。其操守亦可想見。朕不知伊兄有何功績。而當邀越格之遷除也。朕以孝治天下。李蔭樾以不孝之事奏請。甚屬可惡。著交部嚴察議奏。尋議李蔭樾但知有妻子。不知有父母。滅性滅情。無禮無法。誠有玷於

聖世。不齒於人倫。應請旨將李蔭樾革職。交刑部治罪。以為不孝者戒。從之。○總理事務王

大臣議准。大學士仍管川陝總督查郎阿議。大通之流移蒙古安插事宜。據稱大通雖在口外。然既安營設汛。不便漢夷雜處。請查明分晰安插。如原有該管之扎薩克者。即交該部落收管。其無管轄者。交德齡查附近各部。落安插。立有產業者。地方官確估給價。令赴安插處另立產業。中有毫無產業之人。本因生計艱難。是以流移。若不設法料理。必致出外偷竊滋事。應令逐戶查明。按其人口。賞給大口羊六隻。小口四隻。所需羊。即以甘州收牧鄂爾多斯之軍需羊內撥給。令該扎薩克派人支領。此後違例容留。重治其罪。仍將失察各官議處。從之。○準噶爾部人博勒克達什來降。賞給安插如例。○甲午。吏部議准。御史馮丙疏請。更定解員處分。嗣後護送餉鞘有失。除不由大道挂號。併分賠限內不完。及雖經分賠。地方官未經緝獲賊犯者。該解員仍不准開復外。如解官經由大道。執票挂號。

所失錢糧限內賠完者該地方官獲賊之日將解員革職之案附請開復賊犯雖未緝獲該解官果能限內獨賠完項亦應准開復從之○閩浙總督銜專管福建事務郝玉麟奏請李蔭樾在任守制併請蔡勇實授得旨蔡勇實授之處照卿所請有旨諭部昨據李蔭樾自奏請在任守制朕降旨甚明卿自得知已將伊交部議處矣此奏若非因伊求則可設或有之後莫如是一切處為人之念毫不可存此即

皇考十三年以來教訓臣工之實訓朕惟有謹遵而已漳州總兵亦有旨諭部○實授福建漳州鎮總兵官蔡勇為海壇鎮總兵官調廣東高州鎮總兵官譚行義為漳州鎮總兵官○以獨石口副將任懷德為高州鎮總兵官○乙未

上詣

皇太后宮問安○諭總理事務王大臣據辦理

泰陵事務恒親王弘晈內大臣戶部尚書海望奏稱

世宗憲皇帝梓宮安奉

泰陵地宮請照

景陵之例安設龍山石其隨入

地宮之分位並萬年後應留之分位相應請旨等語朕敬將萬年後應留分位之處奏請

皇太后懿旨奉

皇太后懿旨

世宗憲皇帝梓宮奉安地宮之後以永遠肅靜為是若將來復行開動揆以尊卑之義於心實有未安況有我朝

昭西陵

孝東陵成憲可遵

泰陵地宮不必預留分位朕伏承

懿旨仰見

皇太后坤德恭謹

聖慮周詳自當恪敬遵奉倣照

昭西陵

孝東陵之例。另卜萬年吉壤。候朕詳酌再降諭旨至。

皇考梓宮奉安地宮時。著照例安設龍山石。其隨入地宮之。

皇妣孝敬憲皇后梓宮應居左。稍後。

敦肅皇貴妃金棺應居右。比。

孝敬憲皇后梓宮稍後。○戶部議覆狼山鎮總兵官許仕盛奏請定米穀偷運出口之例。應如

所請。地棍奸牙將米穀偷運出口。及在洋接濟奸匪者。該管文武各官除通同受賄知情。故縱。仍照違禁貨物出口律治罪外。如失察

偷運米一百石以上。穀二百石以上者。降一

級留任。一百石二百石以下者。罰俸一年。不

及十石二十石者。罰俸六個月。從之。○丙申。

總理事務王大臣會同刑部等議奏遵旨會

審古州苗疆一案。革職刑部尚書張照懷私

挾詐擾亂軍機。革職貴州提督哈元生。觀望

逗遛失陷城寨。均應擬斬監候。革職湖廣提督董芳。擅調官兵。革職貴州巡撫元展成。撫馭乖方。均應僉妻發邊遠充軍。革職副都御史德希壽。巧詐不實。應枷號鞭責。再張照德希壽糜費兵餉。俟查明確數。勒限嚴追。得旨。從前經理古州苗疆原非。

皇考聖意。因臣工陳奏降。

旨詢問大學士鄂爾泰。伊以為可行。然後命張廣泗從事。比時規模粗定。而善後未周。鄂爾泰即離總督之任。上年逆苗蠢動。擾害地方。鄂爾泰具疏引咎。請削伯爵。又因患病懇解大學士之任。我。

皇考允其所請。削去伯爵。並解大學士任。是鄂爾泰經理未善之處。已奉。

諭旨處分結案矣。及解任之後。

聖心深為眷注。賜俸賜藥恩禮頻加。此廷臣所

共知者。八月二十三日欽奉。

遺詔輔政。迄今一載。恪共厥職。在朕今日若泯。

其現在佐理之功。而復論其從前已結之案。大非情理。况鄂爾泰節制三省時其所安定之苗疆甚多。至今寧謐。民無擾累。其勞績不可念乎。至張廣泗奉鄂爾泰之委辦理古州。鄂爾泰遠在雲南。張廣泗身在黔省。凡區畫佈置之不協。張廣泗無可推卸。此亦中外所共知者。但伊自為經畧以來。殫心調度。悉合機宜。蕩滌苗氛。撫綏黎衆。是此日之功。已可掩從前之過。揆諸聖人罪疑惟輕。功疑惟重之義。張廣泗仍當交部議敘。以獎軍功。至於哈元生。身為全省提督。乃苗人造逆。不能覺察於機先。及賊衆肆行。又復稽遲於臨事。按律治罪。亦復何辭。但念伊粗鄙武夫。知識短淺。尚非有心貽誤軍機。且從前征勦烏蒙。曾經効力。今既革職拏問。著從寬免死釋放。張照受恩深重。且自請經理苗疆。膺茲鉅任。而乃懷私挾詐。種種妄行。罪莫可逭。朕是以降旨將伊革職拏問。但念伊浮躁性成。又誤聽

道路傳聞播弄之言。遂立意與哈元生齟齬。哈元生之罪既已從寬。張照亦著免死釋放。至於元展成。本屬中材。適值地方難辦之事。兼之文武不和。諸凡掣肘。遂至倉皇錯亂。莫展一籌。董芳身為副將軍。不能和衷共濟。負恩實甚。但伊初到黔省。辦理軍務。為時尚淺。德希壽一無所知。諸事聽張照之指使。此三人者。雖有應得之罪。尚有可原之情。既已革職拏問。其治罪之處。俱著寬免。古州苗疆一案。上年起事之時。朕即奉

皇考諭旨。同王大臣計議辦理。仰承

聖諭指示。凡地方之情形。軍機之得失。與官弁之優劣賢否。無不洞悉周知。即位以來。深知張照董芳元展成。哈元生等在彼。各逞私懷。但以彼此攻擊為事。斷無益於公務。是以陸續降旨。將伊等拏解來京。而以經畧之任。專畀於張廣泗。俾伊一無牽制。庶可迅速成功。夏秋以來。軍務漸次就緒。今王大臣及法司

衙門將哈元生等分別定擬具奏。朕酌其情罪特降斯旨。凡從前諸人革職拏問先後之不同。與此次之從寬赦宥。悉皆斷自朕心。惟期膚功克奏。永靖苗疆。不但大學士鄂爾泰未曾旁置一語。即總理事務王大臣亦未曾褻贊一詞也。且此數人者。豈皆與鄂爾泰不合者乎。則非其所主亦已明矣。倘無知之人。復有如崔起潛者妄生疑議。以為朕聽臣工之陳奏如此辦理。而疑公正大臣之有所偏黨。則愚昧錯謬之甚。將此一併曉諭知之。餘依議。○大學士總理浙江海塘兼管總督巡撫事務嵇曾筠疏報定海山陰等六縣開墾雍正十三年分民田蕩地四十四頃。新城鎮海等十七縣墾復額內荒缺田地山塘二百五十三頃有奇。招回人丁七十二丁口。○丁酉。

上詣雍和宮

梓宮前供奠。○諭總理事務王大臣陝西標營

派出操演之兵。所需器械有應製造添補者。前經大學士仍管川陝總督查郎阿等奏請。借給兵丁銀兩備辦。於餉銀內分年坐扣。朕思陝甘各標營自西路用兵以來。出征者既効力行間。存營者亦差遣繁重。今操演各兵所需器械。現據查郎阿將各項收貯之軍器。可以撥給者。并堪以修補者。俱逐一查出料理。其所需修補工價并添製器械所用銀兩。著免其在各兵餉銀內坐扣。俟工完之日。據實造冊報部作正開銷。○禮部尚書楊名時遺疏聞得旨。楊名時係

皇祖簡用舊臣。服官年久。學問醇正。品行端方。朕仰體

皇考聖意。宣召來京。正資委用。今聞溘逝。深為憫惻。已賞內庫銀一千兩。遣內務府官一員。經紀其喪。派散秩大臣帶領侍衛十員。賜奠茶酒。再著加贈太子太傅。准入賢良祠。其應得卹典。該部察例具奏。○以故格爾吉部落

百戶古魯丹忠之子旺查爾策旺之子噶爾嘛達什。阿里克部落百戶薦叅之子安達克襲職。○加賞駐藏及哈密官兵錢糧。○戊戌上詣

皇太后宮問安。○諭總理事務王大臣。十月十一日。朕親送

皇考梓宮前往

山陵。朕躬縞素。其隨往之王大臣官員等俱素服。冠摘纓緯。到

陵後回鑾時。各官冠綴纓緯。俱服行衣。○又諭

爾等所議奉移

皇考世宗憲皇帝梓宮送至

陵寢。照從前

世宗憲皇帝。

孝恭仁皇后恭送

聖祖仁皇帝梓宮之例。內稱

皇太后宮眷於每日早晨先行。由別修道路預至

蘆殿恭候。駐次於朕黃幔城之右稍後等語。雖云天子行營宜居正中。但朕心實為不安。伏思

皇太后恭送

梓宮宜瞻望

梓宮起行後。稍間在後隨行。駐次亦應於

梓宮營內至回京時。

皇太后仍由原行路回京。則既與理相合。亦不致勞民動衆修墊三道。著總理事務王大臣

會同再議具奏。尋議奉移

世宗憲皇帝梓宮日。

皇上於

梓宮前祭酒三爵。

皇太后於

梓宮旁祭酒三爵。

皇太后宮眷。

皇后宮眷瞻望

梓宮起行後。由阜成門出。候

梓宮過隨行。駐次。請於

蘆殿大營東邊稍後建立行營。設

皇太后黃幔城。每日早晨瞻望

梓宮起行後。稍間隨行。晚間停止進謁。至日由

駐次所修新路先至

隆恩門西所黃幔城恭候。回鑾時。仍由去時所

行道路還京。從之。○又諭。刑部尚書員缺。著

慶復補授。仍兼管吏部事務。果親王體氣素

弱。近因病後。尤須調理。王既總理事務。又管

軍機處

理藩院。及戶部三庫職任已多。刑部事務頗

繁。著不必兼管。新授兵部尚書那蘇圖。尚未

來京。其兵部事務。仍著傅鼐暫行署理。○已

亥。諭總理事務王大臣。派出守護

泰陵之貝勒。公。大臣。官員等。於本月十一日起

身。朕於十月十一日。親送

皇考梓宮前往

山陵。此次隨行之兵丁。人夫。跟役等類甚多。難

保無在途生事。或強買物件。擾累居民者。著

各該管官員時刻稽查。約束手下之人。遵守

法度。敬謹辦差。倘有生事擾民者。或經訪聞。

或被巡察御史糾參。除本人從重治罪外。其

該管官員。亦必加以處分。著將此旨通行傳

諭知之。○旌表守正捐軀之山東汶上縣民

胡公臣女胡氏。○庚子。

上詣

皇太后宮問安。○命各省秋審情實人犯停止

勾決。○兵部議覆寧夏將軍阿魯奏。駐防兵

丁。有親祖父母父母家無次丁。欲將伊子孫

調回就養者。請照官員養親之例。准其退甲

調回。應如所請。其伯叔父母。雖無就養之條。

但本身並無子嗣。例應將伊姪過繼承祧養

贍者。俱令該族長佐領等查明咨部。調回養

贍。永著為例。從之。○刑部議奏張揚成誣指

妻徐氏。與弟張洪仁通姦殺死張洪仁徐氏

一案。查律兄毆弟故殺者杖一百。流二千里。

故殺妻者絞。二罪俱發。以重者論。張揚成應

擬絞監候。得旨。張揚成依擬應絞。著監候。秋後處決。餘依議。此本內稱律載兄故殺弟者杖一百。流二千里。故殺妻者絞等語。朕思弟乃手足之親。較妻為重。兄故殺弟。殘忍已極。今殺妻擬抵。而殺弟轉輕。於情理未協。其如何更定律例之處。著九卿會議具奏。尋議。伏查大功小功總麻尊長。毆卑幼死者絞。故殺亦絞。毆大功堂弟妹死者杖一百。流三千里。故殺者絞。今應請將故殺期親弟妹。照故殺

實錄卷二十六

十六

大功弟妹者律均擬絞監候。至故殺期親弟妹。既更定擬絞。則毆期親弟妹至死者亦應請改正。照本律滿徒加一等。杖一百。流二千里。從之。○旌表守正捐軀之江蘇沛縣民王小報妻李氏。廣東東莞縣民李喬木妻陳氏。陽山縣民余觀保妻鄧氏。○辛丑。命莊親王大學士鄂爾泰。公訥親。戶部尚書海望。刑部尚書徐本。隨駕前往。

泰陵。果親王。平郡王。大學士張廷玉。在京辦事。

○補敘和通呼爾哈陣亡員弁。鑲黃旗滿洲副都統馬爾齊。正黃旗滿洲副都統兼侍郎舒楞額等二十四員。襲廕祭葬有差。○壬寅。諭總理事務王大臣。哈元生漢仗尚好。著賞給副將銜。前往西路軍營。交與提督樊廷聽其差委。効力贖罪。○癸卯。諭朕親送

皇考梓宮前往

山陵。地方官員跪迎

梓宮。不必接駕。俟回鑾時。照例接駕。○除河南

實錄卷二十六

十六

荒棄地畝額賦。諭朕御極以來。仰體

皇考聖心。時時以愛養百姓為念。前訪聞得豫省濱河兩岸。隄壓柳佔地畝。及鄭州鹽礪地畝。每年應徵額賦。小民輸納維艱。已降諭旨。悉予寬免。以紓民力。繼又聞得尚有鹽礪飛沙。河坍水佔。地無可耕。糧仍賠納之處。隨又降旨。令該撫詳確查勘。覈實奏聞。今據巡撫富德奏稱。遵旨派委府州有司。查得祥符。杞縣。洧川。中年。滎澤。陽武。封邱。蘭陽。儀封。鄆陵。

汜水。偃師。鞏縣。孟津。宜陽。嵩縣。登封。內黃。新鄉。延津。濬縣。滑縣。孟縣。原武。濟源。武陟。淮寧。襄城。長葛。禹州。密縣。南陽。新野。裕州。葉縣。信陽州。汝州。魯山。郟縣。寶豐。伊陽。商城等四十。二州縣。或因飛沙堆積。不堪布種。或因水勢冲刷。坍入中流。或因淹浸日久。變成鹽礮。盡屬不毛。或因外高內低。水無去路。積為陂澤。共地二千三十餘頃。計糧銀共九千八百七十九兩零。漕米共三百二石九斗八升零。朕

實錄卷二六

九

思任土作貢。國有常經。其欺隱地畝者。自當治以應得之罪。若田土荒棄。無地有糧。則當速沛恩膏。以解閭閻之困。豫省荒廢地畝。既據該撫確查奏聞。著照所查之數。造冊報部。將額賦永遠豁除。以副朕惠鮮懷保之意。○又諭。刻經需用板片。經內務府奏准。於直隸。山東。出產梨木地方購買。乃近聞地方官奉行不善。所解板片。竟有不堪應用者。內務府俱行發回。朕思此等板片。雖不合式。然既已

實錄卷二六

二

解送到京。又復運回原處。其樹木業經砍伐。腳價又須重出。在地方官豈能料理妥協。勢必貽累小民。甚屬未便。嗣後解到板片。除合式者收用外。其不合式者。尚可留為刊刻書籍之用。著內務府亦行收存。不必發回。再從前所定價值。每片銀三錢二分。其中或有不敷。可令地方官酌量增添。毋令稍有累民之處。即解到不合式板片。亦准照原定價值開銷。以免賠累。至於直隸山東承辦地方官。料理不能盡心。著該督撫等嚴行申飭。嗣後務須妥協辦理。不得絲毫累民。內務府查收板片。亦須公平驗看。倘有勒指抑捺等弊。查出定行究處。該承辦地方官。不得因有此旨。遂將不堪應用之板解送。有誤刻經之用。○工部議准。廣西巡撫金鉞奏請。建築鎮安府石城。從之。○調鑲白旗滿洲都統公訥。親為鑲黃旗滿洲都統。以副都統塞布肯為鑲白旗滿洲都統。署兵部尚書傅鼐為正藍旗滿洲

都統○賞故都統莽鵠立銀五百兩○賑貸
浙江湖州府屬之安吉德清等三州縣一所。
水災飢民。○甲辰。

上詣

皇太后宮問安。○定披甲人凌虐遣犯併免職
官生監等為奴之例。諭曰。發給黑龍江寧古
塔等處披甲為奴之犯。原係叛逆。及強盜減
等者。此等皆罪惡重大。寬免其死。發令為奴。
已屬法外之仁。而伊等兇惡性成。仍復犯法。

實錄卷二十六

三

是以定有聽伊主打死勿問之例。乃聞各處
披甲人等。竟有圖佔該犯妻女。不遂所欲。因
而斃其性命者。情甚可惡。且其中有曾為職
官。生監。而亦受凌辱。漫無區別。情實堪憫。著
各該將軍等。查明現在為奴人犯內。有曾為
職官。及舉貢。生監。出身者。一槩免其為奴。即
於戍所。另編入該旗該營。令其出戶當差。並
出示曉諭披甲人等。俾其痛改舊習。倘仍有
圖佔犯人妻女。因而致斃其命者。查出。仍行

照律治罪。而為奴人犯。亦不得捏詞挾制伊
主。嗣後法司定案。除真正反叛。及強盜免死
減等人犯外。其職官。舉貢。生監。等有罪。應發
遣者。不得加以為奴字樣。如何分別定例之
處。該部詳議具奏。尋議滿洲。蒙古。漢軍。官員
及閒散人等。有犯發遣者。舊例俱係發往寧
古塔。黑龍江等處當差。並無為奴字樣。惟旗
下家奴發遣。仍令為奴。至於漢人發遣人犯
內。凡例載有為奴字樣者。雖曾為職官。舉貢
生監。亦皆黜革。發往為奴。原無區別。自應遵
旨分別定例。仍行文該將軍等。遍行曉諭。倘
有不法之徒。仍欲圖佔犯人妻女。致斃人命
者。許被害之人。赴該衙門具控。審明。照故殺
奴婢例。治罪。而為奴人犯。倘有誣捏挾制伊
主者。亦照誣告家長律治罪。抑臣等更有請
者。查滿洲。蒙古。漢軍。有另戶而行同奴僕。亦
照為奴之例發遣。竊思此等人犯。雖非職官
舉貢。生監。而究係正身。與旗下家奴有別。可

實錄卷二十六

三

否嗣後亦俱發當苦差。不必令其為奴。并令各該將軍將現在此等為奴人犯。亦即查明。令其出戶當苦差。得旨允行。○又諭元展成。董芳德希壽。著該部帶領引見。○乙巳。諭總理事務王大臣。據太醫奏稱。大學士朱軾患病危篤。朕即欲親往看視。因係齋戒之期。是以暫止。著和親王前往賞銀一千兩。經理其後事。朕於明日親往看視。○總理事務王大臣議奏。雍正十一年。辦理八旗絕嗣世職。凡

實錄卷二十六

三十一

襲職之人。若係原立職官之本支子孫近族者。將恩詔所加之世職銷去。所餘世職減一等襲替。如係遠族養子親戚。除銷去恩詔所加之職。仍餘子爵男爵輕車都尉者。俱減等作為騎都尉襲替。如係騎都尉作為雲騎尉襲替。今查出絕嗣未襲。獲罪未襲之世職。仍請照依雍正十一年之例襲替。再世襲罔替之雲騎尉。蒙特旨亦令查辦。但雲騎尉無等可減。請將現在查出之雲騎尉。仍作雲騎尉

襲替。令食半俸。得旨此議周詳。依議。其尚未明確。現在須查者。仍著原議之王大臣辦理。○丙午。

上詣

奉先殿行禮。○臨大學士朱軾第視疾。○遣官祭歷代帝王廟。○遣官祭

都城隍之神。○諭雍正十三年。平涼府所屬廳州縣。并鞏昌府屬西固廳慶陽府屬環縣。及寧夏府屬靈州之花馬池。石溝等堡。

實錄卷二十六

三十四

中衛之香山一帶。收成稍歉。比時朕即降旨。令該督撫加意軫恤。并將各該處額徵本色糧石。緩至次年夏收後。看年歲光景。奏聞。再行徵收。今據該督撫奏報。各處收成。有六七分者。亦有八九分者。朕思此等地方。上年收成歉薄。今雖收穫。民力未必寬餘。若新舊並徵。小民不無窘迫。著將緩徵本色糧石。自本年為始。分作五年帶徵。還項以示朕加惠秦民之至意。○改署固原提督

柏之蕃為涼州鎮總兵官。以涼州鎮總兵官楊琮署固原提督。從大學士仍管川陝總督查郎阿請也。○賞故原任禮部侍郎胡煦內庫銀五百兩。經理喪事。並照例予恤。○免江西安福縣本年分水災額賦。

大清高宗法天隆運至誠先覺體元立極敷文奮武孝慈神聖純皇帝實錄卷之二十六

大清高宗法天隆運至誠先覺體元立極敷文奮武孝慈神聖純皇帝實錄卷之二十七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰九月丁未

上詣雍和宮

梓宮前供奠。○予故河南河北鎮總兵官贈都督僉事胡傑祭葬如例。○戊申。

上詣

皇太后宮問安。○諭董芳著往雲南交與總督尹繼善以副將委署試用。○又諭張照著在武英殿修書處効力行走。○己酉。諭聞嚮導章京修理

泰陵道路意見各不相同。並不酌定一路修理。

屢行改易。著交與嚮導大臣。必酌定一路修理。無得屢改。勞苦吾民。○戶部奏定例。十月初一日起。至次年三月二十日止。臣部交五城官員煮粥賑濟。御史親臨監看。得旨。煮賑銀米。著五城御史親身散給。務使貧民得沾實惠。勿致胥役侵蝕中飽。仍著都察院堂官不時察看。○庚戌。

上詣雍和宮

梓宮前供奠。○大學士朱軾遺疏聞。

上臨喪次。奠酒畢。還宮。諭曰。大學士朱軾品行端方。學術醇正。為

聖祖簡用之大臣。

皇考眷注有加。簡任機務。純修清德。望重朝端。朕自幼讀書宮中。常聞講論。即位以來。正資老成襄贊。昨聞抱恙沉篤。朕親往看視。尚冀調治痊可。今聞溘逝。朕心深為震悼。特命輟朝一日。親臨祭奠。以昭敬禮。賢大臣之誼。又兩賜內庫帑金。經理喪事。茲覽遺疏。拳拳以

吏治民生為念。具見忠悃。著加贈太傅。入祀賢良祠。所有應得卹典。該部察例具奏。○辛亥。

上詣

皇太后宮問安。○壬子。

上詣

皇太后宮問安。○命選刊本朝臣工章疏。併入祀賢良祠。諭國家設科道官。原以發抒忠悃。隨時獻替為專職。而進諫之道。莫大乎繩愆糾謬。上佐君德。其規切用。人行政。指陳吏治。民生者次之。此古名臣之所以志在格君。而嘉猷碩畫有造於國。是民依也。朕近敬閱世祖章皇帝實錄。見當時言官奏疏。尚有骨鯁。謬之風。竟能直指君德之得失。而不顧一己利害之私。朕輒改容誦之。以為我朝人物挺生。忠良之佐。匪躬之節。未嘗遠遜古人也。朕御極以來。求言之詔屢下。而司諫之臣。從未聞有忠言謫論。可藉以為啟沃之助者。計

其封章條奏。不過撫拾細事。苟且塞責而已。即欲求其切中政體。痛斥官方之言。尚不可得。何論上及朕躬。塞違昭德。以盡納誨之實乎。夫朕之一身。豈能保無闕失。正賴廷臣直言匡正。以勦不逮。即云大德不踰。而日理萬幾。或發號施令之失其宜。或慶賞刑威之過其則。或進退黜陟之乖其分。或輕重緩急之與其衡。皆所不能自信者。乃朕誠心求之。而諸臣不以誠心應之。則諸臣不能辭曠職之咎也。繼自今。大臣及科道等官。務以古處自期。各矢忠藎。為上為德。為下為民。悉盡言無隱。以修臣職。以繼芳蹤。毋使先正風骨。獨自擅美於前。庶稱朕拳拳冀望之心。至本朝定鼎以來。從前臣工章疏有忠謹剴切。卓然可傳者。著內閣翰林院。派員精選進呈刊刻。以垂示將來。俾後進奉為模楷。其入選章疏諸臣內。查有素行端純。完名全節者。准入祀賢良祠。用昭朕崇禮直臣。風勵百寮之意。○吏

部議准。御史赫慶奏。酌通官員起復之例。查滿洲小京官。病痊起復者。向例坐補原衙門。與降調議敘人員輪補。嗣後將病痊應補人員。單月遇有原衙門缺出。先儘坐補。如無人。方以別項人員補用。又定例降調候補人員。准具呈以筆帖式改補。其病痊人員。如因缺少。候補無期。情願以筆帖式改補者。亦准改補。從之。○又議准。給事中汪櫛疏言。請定解任官出署另居之例。查外官設立衙署。原為辦公之所。一經卸事。自應遷移。以避嫌疑。嗣後外省官員卸任。務於交盤限內。出署另居。如不依限出署。接任之員。即詳上司查叅。解任之員。照裁缺官員別無事故久懸例。降一級調用。接任之員。聽其久住。不行詳報者。照容留裁缺官例。罰俸一年。從之。○纂修明史成。議敘總裁大學士張廷玉。原任大學士朱軾。原任禮部左侍郎徐元夢。右侍郎留保。及纂修各官有差。○調署山西按察使戴永椿

來京引見。起草職貴州巡撫元展成。為山西按察使。○予故鑲黃旗滿洲散秩大臣覺羅佛倫祭一次。○賑安徽宿州。虹縣等二十州縣。衛水災飢民。○癸丑。

上詣

皇太后宮問安。○諭據江南提督南天祥奏稱前奉

世宗憲皇帝諭旨。各省營伍。必須武職大員親身查察。庶可以除怠惰廢弛之弊。提督一官。節制全省。難以親身遍歷。至於總兵。分轄地方。不甚遼濶。嗣後各鎮臣有應行巡查之處。著奏聞請旨。欽此。欽遵在案。今江南崇明。狼山。二鎮所轄地方。每年鎮臣俱遵例巡查。至於附近臣標之各營。臣可不時親往查閱。惟上江之徽州。寧國。池州。蕪采。廣德。等營。離臣駐劄之處甚遠。既無提鎮巡查。又不屬副將管轄。其操防勤惰。難以稽考。查江寧。安慶。兩協各有副將一員。擬就近委令巡查。倘有廢弛不職之員。該副將據實揭參。以肅軍政。若各營營伍不致廢弛。軍裝並無虧短。亦令其具結呈送督臣。及提臣衙門核明咨部。但該員往來必需盤費。臣於每年酌量捐給。不令憂及資斧。倘有扶同徇隱之弊。臣當察訪會叅等語。南天祥此奏是。著照所奏行。朕思各省營伍離提鎮遼遠。不能親身稽查。與江南相類者。諒亦有之。著該部行文各省督撫。令其酌量地方營制。應如何令提鎮等隔數年一次親身巡閱之處。妥協詳議具奏。○致仕大學士陳元龍遺疏。聞得旨。陳元龍耆舊大臣。服官宣力五十餘年。今乞休在籍。朕仍望其頤養林泉。以承恩眷。忽聞溘逝。深為軫惻。應得恤典。著察例具奏。該部知道。○總理事務王大臣議准。廣東廣州副將管左翼總兵官事黃錫申奏請增設左翼鎮標三營倉廩。現有存剩公糧銀兩。買穀三千石存貯。遇穀價昂貴。借給兵丁。秋收還項。從之。○刑部議覆廣

東道御史蔣炳條奏內。請勅督撫查禁臬司刪改供招之弊。一款。應如所請。嗣後各省臬司。凡遇州縣承審重案。毋得任意刪改。故為增減。倘有情罪與供招不符之處。即行詳加轉駁。再飭確審。供招內有字樣不合者。令其改正。於招內聲明。如有借簡招妥招之名。故為刪改。又令將改本繳銷。將該臬司照大小問刑官員。改造口供。故行出入人罪例。革職。至承審各官。一任臬司刪改扶同改覆者。亦

照改造口供例。革職。從之。○實授王士任為福建布政使司布政使。○旌表守正捐軀之江蘇丹徒縣民胡嘉謨妻華氏。○甲寅。

上詣雍和宮

梓宮前行月祭禮。○詣

皇太后宮問安。○以內閣學士吳金為武會試正考官。劉統勳為副考官。○旌表守正捐軀之江蘇華亭縣民胡殿英妻鄧氏。○乙卯。

上詣

皇太后宮問安。○戶部議准。河東鹽政蘇赫臣奏。請於乾隆元年餘引十萬道之外。添給餘引十萬道。接濟民食。從之。○兵部議覆。原署奉天將軍覺羅柏修奏。請賞給奉天在家兵丁。吉山事務滋生銀兩。應如所請。於盛京戶部錢糧內。賞銀二十萬兩。交該將軍。於一年後將所獲滋生利銀。照寧古塔。黑龍江之例。分別開賞。從之。○加賑江蘇蕭陽山。二縣。徐州一衛。水災飢民。○丙辰。

上詣田村

孝敬憲皇后几筵前祭奠。○諭曰。朕前經降旨。令青州將軍阿里衮來京引見。候朕另降諭旨調用。今阿里衮到京。看其才具平庸。著照該部原議降調。所遺員缺。著領侍衛內大臣阿思海前往管理。阿思海所遺員缺。著公奇通阿署理。○又諭。哈達哈著來京。塞楞額著賞給副都統銜。前往訓練管轄索倫巴爾虎兵丁。○丁巳。

上詣

皇太后宮問安。○諭總理事務王大臣。朕即位以來。屢下求言之詔。至再至三。出於誠切。並非尚納練之虛文。誠以朕躬闕失。無由自必。賴直言之匡正。而隨時納誨者。乃臣子事君之大義。胸有所見。即當直陳於君上之前。使言之果當。朕當即時改易。收轉圜之益。即使其言不當。朕亦得以已意明白剖示。釋其疑心。亦開誠布公之道也。今覽蔣炳所奏直摠所見。剴切敷陳。不負朕求言之意。乃近日言官中所罕見者。朕甚嘉之。但伊奏稱哈元生、董芳元展成、張照等。既明知其罪犯。顯見其劣蹟。不宜授以高官大職等語。哈元生身為提督。貽誤封疆。朕所痛恨。因念其尚有勇力。曾著軍功。是以從寬免罪。發往西路軍營。以副將空銜。効力贖罪。並未畀以現任官職。董芳到黔不久。因與哈元生齟齬。以致軍務稽遲。時日其罪尚輕。此中外所共知者。今發往

滇南。止以副將効力。亦未復其原官。元展成本屬中材。適當地方最難辦之事。遂至經理周章。至巡撫無領兵之責。情尚可原。今補用臬司。令其自効。而官階已降數等矣。至於張照。不過令在殿中修書行走。亦未授以職任也。況棄瑕錄用。或降旨訓諭後。而仍改用他途。予以自新之路者。此從古帝王罪疑惟輕。愛惜人材之意。朕亦或倣而行之。若事關名節。大玷官箴者。朕斷不輕貸也。此數人之用舍黜陟。原出於朕之大公。而並無偏私之見。爰因蔣炳之奏。將朕意宣示之。然先事防微。人臣事君之大義。設因此而用舍任意。則大非慎簡庶僚之意。此朕所時時自警。而羣臣皆當隨事繩糾者也。蔣炳知朕求言之心。直陳已見。應加獎賞。以為言官勸。著交部議敘。朕願大臣及言官等。時時以匡弼為懷。意所欲言。即直陳無隱言之。而當朕自加以優待。即言之不當。朕亦不加譴責。惟是公私之辨。

不可不嚴。倘有借直諫之名。以自行其私。妄冀惑亂朕聽者。亦斷不能逃朕洞察也。○和碩恒親王弘晈等奏

泰陵工程告竣。下部知之。○刑部議覆福建按察使覺羅倫達禮奏請更定律例。一雇人誣告。應與受雇誣告人者同罪。應如所請。嗣後如有雇人誣告者。除受雇人仍照律治罪外。其雇人誣告之人。照設計教誘人犯法。與犯法人同罪律。即與受雇誣告之人同罪。一棍蠹窩娼。請定重懲之條。應如所請。嗣後如有無藉之徒。窩頓娼妓。引誘局騙。無論人數多寡。照違制律。杖一百。其劣衿衙役兵丁。窩妓在家。引誘局騙。及得受窩妓之家財物。挺身駕護者。革去衣頂。不准食糧充役。仍照違制例。杖一百。隣保知情容隱者。坐不應重律。受財者。准枉法論。計贓從重科斷。失察之地方官。交部議處。一。同宗無服之犯姦者。應照凡人加等。應如所請。嗣後凡姦同宗無服親。及

無服親之妻者。姦夫姦婦。照軍民相姦。各枷號一月。杖一百。加為枷號四十日。杖一百。從之。○又議覆原任廣東按察使白映棠奏請停竊盜會勘之例。應如所請。嗣後除強劫盜案。仍照例會勘外。其以被竊具報者。查訊確實。無庸會勘。倘事主果有諱強為竊情弊。查出。照例治罪。如地方官有抑勒改報諱強為竊。將文武員弁。仍照諱盜例議處。從之。○調原任山西布政使司布政使溫而遜赴部引見。○賑安徽泗州衛屯田水災飢民。○戊午孝慈高皇后忌辰。遣官祭福陵。○戶部議准。經畧苗疆貴州總督兼管巡撫張廣泗奏。平越鎮遠各府州縣。條丁改徵糧米。原與徵銀無異。請照條丁之例。蠲免三年。從之。○予故副將管陝西興漢總兵官事張傑祭葬。贈都督僉事。○是日起。上以孟冬享太廟。齋戒三日。○己未。

上詣

皇太后宮問安。○諭總理事務王大臣。據總督李衛面奏。乾隆元年直隸河工。河流循軌。工程平穩。實賴神明之佑等語。今年江南。河東。黃運安瀾。浙江海塘寧貼。前已降旨。各令致祭河海之神。以答神貺。今直隸河神。亦應一體致祭。著傳諭禮部知之。○追封黃氏格格為儀嬪。遣官讀冊致祭如例。○御試博學鴻詞一百七十六員。於保和殿。命大學士鄂爾泰。張廷玉。吏部侍郎邵基。閱卷。○兵部以武會試中額請。得旨。這考試漢軍取中六名。直隸取中十五名。江南取中六名。浙江取中五名。湖北取中三名。湖南取中二名。四川取中六名。山西取中八名。廣東取中十名。福建取中八名。江西取中二名。雲南取中五名。山東取中五名。河南取中六名。陝西取中十五名。廣西取中三名。貴州取中三名。○以成都副都統烏赫圖為涼州將軍。副都統銜敦巴為

成都副都統。原任江寧副都統。黑色為涼州副都統。副都統品級。烏鎗護軍叅領。色爾固楞。為莊浪副都統。○賑江蘇六合等十三州縣。衛水災。飢民。併緩徵本年額賦有差。○庚申。孝敬憲皇后忌辰。遣官致祭。○諭粵西舊有軍屯田。畝。當日原係給與各屯兵領耕。不與民田一例。編徵四差等項。是以糧額較重於民。民間尚不至於苦累。惟武緣一縣。所徵糧額較之下則民田。每畝多出銀二錢二分。未免過重。小民輸納維艱。著該撫將武緣縣軍田舊額酌減。每畝定以一錢徵收。永著為例。以示朕優恤閭閻之意。○又諭。前奉皇考諭旨。驍騎校護軍校。兵丁等。所買官房。未完銀兩。亦著照官員之例。俟由軍營回京時。再行坐扣。臨時朕另行酌定。此特欲看伊等在軍前効力之處。酌量加恩之意。著交八旗將軍。營回京之驍騎校。護軍校。兵丁。內。由軍

前列為一等者。全行豁免。二等者坐扣一半。三等全行坐扣。○戶部議查印委各官點驗災黎按戶計口。每有豪紳劣衿。將家人佃戶連名開送。又各官書役。結引親族隣友。混報私收。甚至並無其人。捏造名口。借端影射。詭冒纍纍。轉使真正飢戶。遺漏刪汰。應令該督撫嚴飭各屬。盡心稽查。務使虛捏者不得冒領。則實在者不致刪汰。倘有前項情弊。立即申詳。照革究擬。如該地方官徇情縱役。貽累災民。該督撫即行嚴參。從重究處。又被災各屬。凡貢監生員。實係赤貧乏食者。令報明該教官。確查造冊。轉送該地方官。按其家口。酌加撫恤。并嚴飭該教官。不得徇情詭冒。挾私批駁。從之。○兵部議覆漕運總督補熙奏。漕標兩營副將。遊擊都司等員。每年派催糧船。營中將備乏員。不能專心訓練。致兵丁技藝多疎。須添大員彈壓。請將漕標現兵一千八百餘名。分為三營。左營副將改為中營副將。

管轄都司一員。千總二員。把總四員。外委千把四員。領馬步兵七百名。左營請添設遊擊一員。守備一員。管轄千總一員。把總三員。外委千把四員。領兵五百五十名。右營遊擊一員。管轄守備一員。千總一員。把總三員。外委千把四員。領兵五百五十名。止須添設遊守各一員。無庸增設糧餉。副將改給中營關防。新添遊守建立衙署。從之。○賑兩淮分司所屬板浦。徐瀆等場水災竈戶。併停徵本年分額賦有差。○是月。盛京工部侍郎希德慎奏。原任侍郎對琳。委派管千丁之四品官王世奇等修理鹿角工程。其節省銀兩。不以實奏。又不飭令貯庫。任王世奇私行收存。事在恩赦以前。已經援免。可否仍令在原任行走。得旨。似此犯法之人。倖遇恩赦。寬免其罪而已。奏請留於原任。甚屬非是。希德慎著該部查議具奏。○直隸總督李衛遵旨議駁順天府府丞周紹龍條陳內。稱平糶無益於國計民

生請停止直隸買穀糴麥得旨。此一條原不合宜。部議即欲准行。經朕諭令改為發交督議者。卿所奏是知道了。○又奏請豁冀州衡水等縣鹽嫌地畝額賦。正定府城河稻穀租銀。及易州山廠大興縣栽草之丁課得旨。是應行逐一查明次第請旨者。○署江蘇巡撫顧琮等奏請酌減蘇松太三府州浮糧得旨。此事久在朕計慮中。欲俟一二年後再行酌量降旨。卿等到彼時再行題奏。○江南蘇州按察使郭朝鼎密陳蘇松浮糧之原委得旨。此事久在朕計慮中。但行之須有次第。而經費亦不可不算。所奏知道了。○江西巡撫俞兆岳奏贛縣兩次火災情形得旨。地方災異豈能保其必無。省愆修行在所當先。而賑恤難民勿致失所。尤不可緩。至於神明之佑。係必有之事。當令屬員致禱。以為民祈福。而民間火燭之事尤宜嚴謹。不可少縱者也。○閩浙總督銜專管福建事務郝玉

麟等會奏臺灣土番射死兵民逃往生番山內。烏牌等情願擒拏送究。以贖前愆得旨。知道了。拏獲兇犯嚴審定擬。固所當然。至弁兵生事亦不可不究。其烏牌遵守法紀亦所當優勸者也。○戶部尚書署湖廣總督史貽直具摺謝恩得旨。覽卿奏謝矣。近日有人議論卿操守一節。謂今年春夏之交頗有風聲。近則稍收斂云云。朕風聞如此。豈可因此而責卿。且信卿亦斷不敢為。抑亦斷不忍為。但朕有所聞而不以告卿。反非君臣一德同心之意。或卿家人故吏瞞卿否耶。若然則當重處以明白自己心跡。使闔省之人誠心悅服者也。○又奏楊凱不勝提督之任。請將彝陵鎮總兵王進昌為湖廣提督得旨。朕因楊凱不勝其任。甫降旨調來引見。尚未頒發。而卿奏適至。可謂千里同心。但因軍前回京。無任可到之提督。頗清如漢仗頗好。亦出過力。若棄置而不用。殊為可惜。是以命彼前往署理。但

伊才具。看來尚未十分練達。卿其試看。如不勝任。再行奏請。至於王進昌。著實去得。將來自然是一提督器局也。○湖南巡撫高其倬奏。辦理綏寧城步苗徭。現與督臣史貽直提臣楊凱商定。以多方緝擒為先。至必不得已。必待奏明。方行用兵。其應建卡房。瞭樓。及城步城垣。查明籌辦。得旨。好。應如是徐徐次第料理者。又批。楊凱自陞用提督。大不如先可傳此旨教飭之。又批。此事汝與史貽直任之。

不可委楊凱。○河南巡撫富德。遵旨覆奏糧價。得旨。知道了。聞汝家人汝子。瞞汝而收受門包。汝實不知乎。抑作為不知乎。汝操守二字。朕於汝臨去時。即不敢深信矣。汝其慎之。以貪而致富。又能長久保守者。其誰耶。且不至於連舊有之資。皆傾棄者。又幾人耶。獨此懲貪一節。朕實時時欲效法。

皇考者也。汝其識之。○山東巡撫岳濬。奏報各屬秋收分數。得旨。通省收成。七八分者居多。

而至少者。亦係六分。且不過十數州縣。則東省今年可謂豐歲矣。曷勝忻悅之至。○山西巡撫覺羅石麟。奏清查保甲之時。分別填註戶口。遇當賑之際。仍挨戶確查。得旨。知道了。自應因地制宜。如是辦理者。○大學士仍管川陝總督查郎阿等。奏遴選監司牧令。得旨。諸道員有旨諭部。照卿等所奏行。至州縣諸缺。毋乃太不循資格乎。具本來聽部議。○又奏革職留任之涼州總兵楊瑛。請追贈祖父。

伊子楊世璋。請賞給差使。得旨。楊世璋送部引見。後有旨。餘違成例。不可行也。○吏部尚書署川陝總督兼甘肅巡撫劉於義。奏報鞏昌秦州等屬雹災。賑卹情形。得旨。覽被災貧民。加意撫恤。毋致失所。○經畧苗疆貴州總督兼管巡撫事務張廣泗。奏清理內地熟苗情形。自本年八月以來。各路官兵。暨各該地方文武員弁。搜勦查拏。共斬獲逆苗。一千三百八十餘級。生擒苗犯。并逆屬男婦。二千四

百餘名口。現在新疆勦撫事宜俱已全竣。所有內地餘孽。惟附近八弓。黃平。一帶尚有十餘寨未盡清理者。現有提鎮王無黨等在各該處清查辦理。指日可竣。得旨知道了。苗疆一事。卿料理得宜處。朕筆不能宣。惟有深慶得人耳。至於善後事宜。惟期一勞永逸。不在匆忙就緒也。○貴州按察使陳惠榮具摺謝恩。得旨。勉力為之。一切事以安民無刑為念。必哀務而勿喜。方稱明刑弼教之意。若存觀望之念。必失寬猛之宜。此係初任。此去前程總在此卜之。不可不慎也。○定邊左副將軍額駙策凌奏報準噶爾逃出來降之厄魯特。台吉車林並妻子四人及厄魯特巴顏等。照例分別賞給口糧衣物。由驛送至京城。其由賊營逃出。貝勒車德恩扎布旗下之喀勒喀博羅扣。照例賞給安插。報聞。

大清高宗法天隆運至誠先覺體元立極敷文奮武孝慈神聖純皇帝實錄卷之二十七

大清高宗法天隆運至誠先覺體元立極敷文
奮武孝慈神聖純皇帝實錄卷之二十八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次日受桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加九級隨帶加二級又加二級尋常加二級軍功紀錄五次

尋常紀錄十四次日受德璘經筵講官太子少保工部尚書紀錄六次日受德麟等奉

教修

乾隆元年丙辰冬十月辛酉朔享

太廟

上親詣行禮○詣

大高殿

壽皇殿行禮○遣官祭

永陵

福陵

昭陵

昭西陵

孝陵

孝東陵

景陵○遣官祭

孝敬憲皇后○頒乾隆二年時憲書○壬戌

上詣雍和宮

梓宮前供奠○詣

皇太后宮問安○諭總理事務王大臣據湖廣

署總督史貽直奏湖廣提督楊凱局量褊淺

居心詭詐自恃粗知文墨遇事率意妄為以

矜才使氣為能以訓練士卒為恥調度布置

種種乖方若令久於其任必致軍務邊防均

有貽誤等語楊凱朕亦聞其辦事不妥不勝

湖廣提督之任著解任來京候朕再降諭旨

其湖廣提督印務著顏清如前往署理○定

月選官親老改近之制吏部引見月選官得

旨掣得貴州平遠州之李治國奏稱伊母年

老難以遠離著以近地知州補用所遺平遠

州員缺爾部另行揀選此等掣得遠缺人員

既奏稱親老不能遠離若不令其改補近地

非朕以孝治天下之意。但其中有因遠缺不願前往而借端規避者。亦未可定。嗣後有似此等奏稱親老不能遠離者。仍准其改補。俟將來丁憂服闋之後。仍令補授從前所掣之遠缺。如此。則目前既可遂其養親之念。亦可杜不肖規避之端。永著為例。並曉諭伊等於掣籤後。將親老緣由具呈吏部。引見時。該部奏明請旨。李治國即照此例行。嗣於八年四月內閣交出李治國原奉諭旨一道奉旨。此旨內丁憂服闋四字著改為養親事畢四字。應行處通行文改正。又於十三年九月奉硃筆改正。并傳旨嗣後俱著寫應補之日。戶部等部議覆吏部右侍郎阿山等疏言清丈張家口外東四旗地畝。除應得賞給外。所有太僕寺馬廠駝馬牛羊羣等開種地一千五百九十一頃九十三畝有奇。賞給一半養贍。餘照例納課。又千家店駐防兵多開種地二十九頃六十七畝有奇。獨石口駐防兵開種

地二十一頃九十七畝有奇。各村莊香火地八十五頃一十三畝有奇。石窯子六間房東溝門等處班第佐領下地一百四十七頃七十畝有奇。楊木柵子怡親王府槍手地三十頃八十二畝有奇。胡素臺韓慶壩三道營等處色楞家人地一十三頃三十一畝有奇。俱照例納課。於乾隆三年起科。並禁種地民攜帶妻子及多雇人越界耕種。又設立領催四名。分管新營六間房太平莊西峰砦各路。每路給兵四名。協同同知差役催交錢糧。稽查奸匪。分別月給銀兩。歸理事同知管轄。又查丈出西四旗餘地五百七十二頃四十八畝有奇。一併照例起科。應如所請。從之。又議准署江蘇巡撫顧琮疏言。江寧溧水高淳六合四縣有田地坐落江寧高淳而完糧在溧水六合者。應將坐落區圖田畝清查。改隸入額。從之。刑部議覆內務府遵旨查奏。入辛者庫安插屯莊及漢人入旗。共一百十案。

內情罪稍輕之阿爾邦阿等一百五起覈與恩詔相符合應請寬釋其原獲重罪之雅圖二海等五案本犯或經正法或已身故其妻子可否釋歸伏候欽定得旨依議雅圖二海佟吉圖巴達子多爾吉李維鈞之妻子等從寬准其釋歸該旗籍以吏部左侍郎邵基為江蘇巡撫命大學士張廷玉仍兼管翰林院掌院事務癸亥諭總理事務王大臣據張廣泗奏川省瓦斯木坪土兵共一千名自

本年二月內調赴黔省以來不避艱險深入搜勦實為土兵之最今因不服水土染疫身故者共二百九十餘名又雲南沙練一千名來黔協勦亦甚為出力今已撤回沿途病故者三十餘名可否仰懇天恩准照土兵陣亡例減半卹賞等語此等土兵遠調到黔奮勇宣力因染疫病故多人深為可憫著照張廣泗所請賞卹○大學士鄂爾泰等閱取博學鴻詞優卷進呈得旨考取博學鴻詞一等五

名二等十名應如何授以官職之處爾等查例具奏尋奏查得康熙十八年考取博學鴻詞四十九人分別授以翰林官臣等謹擬一等授以翰林院編修二等內由科甲出身者授以翰林院檢討未經中舉者授以翰林院庶吉士帶領引見允行○工部議覆河南山東河道總督白鍾山疏言運河之阿城荆門梁鄉土橋四開建置年遠坍塌損過甚亟須拆修共估需銀二萬三千兩有奇應如所請辦理從之○以故雲南阿興土千戶安永長之子安天柱甘肅西寧土司汪基振之子汪于崑襲職○甲子除外夷貨船額外銀稅諭總理事務王大臣曰朕聞外洋紅毛夾板船到廣時泊於黃埔地方起其所帶礮位然後交易俟交易事竣再行給還至輸稅之法每船按樑頭徵銀二千兩左右再照則抽其貨物之稅此向來之例也乃近來夷人所帶礮位聽其安放船中而於額稅之外將伊所攜置

貨現銀另抽加一之稅名曰繳送亦與舊例不符朕思從前洋船到廣既有起碇之例此時仍當遵行何得改易至於加添繳送銀兩尤非朕嘉惠遠人之意著該督查照舊例按數裁減並將朕旨宣諭各夷人知之吏部等部議覆雲南總督尹繼善疏言廣南為粵西交趾分界之區地方遼闊事務殷繁知府一員實難總理請於廣南府添設附郭知縣一員典史一員照例頒給印信其土富州錢糧仍歸土州經徵由府報解土同知知州二員仍屬府轄又將府學現設訓導撥歸縣學又土官世業多為楚粵奸民計棄今廣南府割斷清還夷民田地亦令查明年例酌覈定數裁革一應私派名色又舊設兵額不敷防守請於廣南營添設兵三百名廣羅協添設兵一百名並添建衙署營房又將廣南營叅將廣羅協副將改隸開化鎮統轄應如所請從之○戶部議覆兩廣總督鄂彌達疏言廣

東鹽場竈曬各丁每丁定例納課二引每引納銀二錢三分至各丁名下近場田地自按則編徵銀米嗣因將竈丁名下原報墾復田塘等項一槩俱作鹽田計算每畝加增銀二分至五分不等貽累實深康熙三十二年間已酌將加增銀兩豁除一半尚有應徵加增銀八千六百餘兩查從前竈丁煎鹽自賣不無餘利今已發帑官收各丁所領官價不敷養贍請將此項全行豁除應如所請從之○刑部議覆御史周紹儒疏言軍流人犯僉妻發解如犯妻夙有疾病年已衰老不能遠行本犯不願攜往及妻室患病病痊補解許令親族隨行又因患病遂成篤廢免其補解等語從前原未著有定例應如所奏嗣後軍流人犯之妻如有患病留養本犯先行發遣者伊妻子於病痊補解時許親屬隨行再如犯妻年逾六十本屬老病不能隨行及成篤廢不能補解者仍取具鄰族甘結地方官印結

申詳各該上司。報部查覈。行文本犯遣所。倘有捏飾情弊。將具結之親族里鄰。照例杖一百。犯妻立即補解。其不行詳察出結之地方官。照誑報出結例。降二級調用。轉詳之上司。罰俸一年。從之。○旌表守正捐軀之浙江永康縣民柳于位妻陳氏。○乙丑。

上詣

皇太后宮問安。○工部議覆。兩廣總督鄂彌達疏言。廣肇二屬沿江一帶基圍。關係民田廬。

舍前經分設各屬水利人員。動項歲修。然基圍皆係土築。每年不過增高培厚。險要之地。水大常致衝坍。欲除大患。莫如建築石隄。請將頂衝險要者。先築石工。以資捍禦。次衝者陸續興建。並動支運庫子鹽羨餘銀兩。應如所請。將廣州所屬圍基。責令廣南韶連道。肇慶所屬圍基。責令肇高廉羅道。督率水利各官。即行雇募匠役。分別首險次衝辦理。從之。○引見考取博學鴻詞劉綸等十五員。得旨。

劉綸潘安禮諸錦于振杭世駿俱著授為翰林院編修。陳兆崙劉玉麟夏之蓉周長發程恂俱著授為翰林院檢討。楊度汪沈廷芳汪士鋐陳士璠齊召南俱著授為翰林院庶吉士。○兵部尚書通智以協辦歸化城事務。任意更張。又將土默特官員恣意用刑。降旨革職。○丙寅國史館總裁大學士鄂爾泰等恭

進

太祖高皇帝本紀并陳應修各書。以次排纂。得

旨據奏

四朝本紀現在編纂等語。我

皇考本紀亦應及時敬謹編輯。又據奏稱表志

列傳等項。俟

四朝本紀編定之後。次第排纂等語。表志列傳等若俟本紀編定之後。方行排纂。則曠日持久。書成未免太遲。著一面辦理本紀。一面將表志列傳等排纂。○丁卯諭總理事務王大臣曰。今歲江南夏秋之間。天雨連綿。淮揚一

帶各州縣低窪田畝。有被水淹漫者。朕恐民窮失所。已諭令督撫等加意賑卹。俾獲安居。今思此等百姓。若於冬春之交。再令傭工。以資力作。更為有濟。查宿遷桃源清河安東。以及高郵寶應等州縣。均有應行挑濬之河道。其安東舊鹽河。約估需銀二萬二千餘兩。宿挑清高寶等工。約估需銀十二萬餘兩。著於今冬明春次第興工。即令雇募民夫。及時挑濬。則於緊要河道。既得深通。而寓賑於工。窮黎更得藉以養贍。於地方民生大有裨益。總理事務王大臣議覆。大學士仍管川陝總督查郎阿等疏言。陝省屯田更名地畝。其額賦本重於民田。雍正五年間。前督臣岳鍾琪又請將通省之丁糧攤於通省之地糧。其屯更地畝。每本色糧一石。亦照民折銀一兩之例。均載丁銀一錢五分有奇。以致屯更百姓。於正供外。增派銀二萬四千兩。實為苦累。請照甘省豁除屯丁之例辦理。又督標火器

營額兵一千名。乃拔於咸寧等州縣之屯丁。每名每月止領餉銀七錢。外皆屯民幫貼。請照鎮標步兵之例。召募領餉。免其在屯衛提補。均應如所請。從之。建歸化城東北五里許綏遠城。以叅革土富州知州沈肇乾之子沈燦襲職。準噶爾部回民托克托彌什來降。賞給安插如例。戊辰。以奉移世宗憲皇帝梓宮於山陵。遣官祭告天。地。太廟。社稷。遣官祭孝敬憲皇后。命禮部堂官前往泰陵恭懸明樓碑亭。隆恩殿。隆恩門。

御書扁額先期遣官祭告

世宗憲皇帝几筵○詣

皇太后宮問安○諭總理事務王大臣朕聞今年伏秋之際浙省雨水連縣仁和安吉德清武康四州縣內低窪田畝積水未經涸出不能栽種秋禾以致西成失望所有應徵地丁錢糧已經該督照例題請蠲免其漕白南米向來雖無蠲免之例朕念彼地收成歉薄民力輸納維艱著將仁和等四州縣實在被水各戶本年應徵漕白南米亦照地丁之例格外加恩豁免以示朕愛養黎元至意○總理事務王大臣議覆大學士仍管川陝總督查郎阿疏言陝省應役屯丁舊額二千名其中幫貼苦累甚多現在公務漸減請酌裁一千名令其歸農輸賦其存留一千名於每年原給兌食銀糧之外各給銀二兩在司庫內支給應如所請從之○戶部議准署湖廣總督史貽直疏言常寧縣蠟園地方毗連行銷粵

鹽之桂陽州私鹽易於透漏請添建卡房並

設巡丁二十四名從之○又議准山東巡撫

岳濬疏言沂水縣前報開墾地內有沙石不

能成熟地四頃三畝有奇應豁免額賦從之

○命各省鄉試添設內簾監試官一員於道

府或同知內派用從山西主考侍講鄒升恒

等請也○免江蘇阜寧等四州縣本年旱災

額賦○予故散秩大臣兼副都統瑚心圖祭

一次○旌表守正被戕之福建詔安縣民江

熙妻廖氏已已

上詣雍和宮

梓宮前行祖奠禮攀戀哀號悲慟切至○奉

皇太后居東配殿○

上居雍和宮東偏書室○詣東配殿問

皇太后安○復詣

梓宮前午奠○傳諭總理事務及總辦喪儀王

大臣明日晚間供酒膳桌子著一同進內行

禮○面諭大學士嵇曾筠內閣學士劉統勲

著帶往浙江學習海塘河道工程事務。○庚午。

上詣

梓宮前奠奠二次。○詣東配殿問。

皇太后安。○諭總理事務王大臣內閣學士雙喜在軍前日久年亦衰老著留京其所管軍營糧務著布蘭泰前往管理。○以江西巡撫俞兆岳為吏部左侍郎調山東巡撫岳濬為江西巡撫以刑部右侍郎法敏為山東巡撫。

○安西總兵張嘉翰年老休致以署延綏鎮總兵官豆斌為安西總兵官以江西袁州協副將周開捷署理延綏鎮事務。○向夕復詣

梓宮前奠獻備極哀慟。○是日。

上居雍和宮東偏書室。○辛未。

上詣

梓宮前奠獻。擗踊哀號。卯刻奉移。

梓宮出昭泰門升大昇輿。

上步從哭不輟聲至安定門外。

上始乘輿由別路先至。

蘆殿敬視陳設候。

梓宮至哭泣跪迎於黃布城北門外奉安。

梓宮畢行夕奠禮。

皇太后

皇后宮眷俱隨。

梓宮行。○詣

皇太后行宮問安。○是日駐蹕彰義村。○壬申。

上詣

梓宮前朝奠跪送放行。

上哀號步從一里餘羣臣再三跪請。

上候昇

梓宮校尉換班方乘輿由別路先至。

蘆殿跪迎。

梓宮奉安訖行夕奠禮。○諭總理事務王大臣

此番恭送

皇考梓宮隨從侍衛官員及太監拜唐阿兵丁校尉等俱應加恩賞賚其夫役人等雖係雇

覓。且免丁差一年。但今日途中遇雨。衣履未免沾溼。亦著一體恩賞。其如何各加恩賞之處。總理事務王大臣酌議具奏。尋議自侍衛以下。分別賞銀有差。其五城及州縣所募夫役。亦各賞銀一兩。從之。

上早晚詣

皇太后行宮問安二次。自是日至回宮。皆如之。

○是日駐蹕南梨園。○癸酉。

上詣

實錄卷三八

梓宮前朝奠。仍步從一里餘。由別路先至。

蘆殿跪迎。

梓宮奉安訖。行夕奠禮。○是日駐蹕汾莊。○甲

戌。

上詣

梓宮前朝奠。步從跪迎如前。奉安。

梓宮訖。行夕奠禮。○諭總理事務王大臣。此番

奉移。

皇考梓宮前往。

山陵直隸總督李衛率領所屬官員。沿途辦差。甚屬齊備。俱著交部議敘。○是日駐蹕安家村。○乙亥。

上詣

梓宮前朝奠。步從跪迎如前。奉安。

梓宮訖。行夕奠禮。遣官祇告。

泰陵后土之神。

永寧山神。○總理事務王大臣議覆。御史八

時泰疏言在京人員補放盛京筆帖式。應照

各處城守尉筆帖式之例。六年俸滿。轉用部

缺。應如所請。從之。○以頭等侍衛宗室松阿

里為鑲黃旗滿洲副都統。調鑲紅旗漢軍副

都統。保住為正黃旗滿洲副都統。以一等子

加雲騎尉石勇為鑲紅旗漢軍副都統。○是

日駐蹕谷斜村。

大清高宗法天隆運至誠先覺體元立極敷文
奮武孝慈神聖純皇帝實錄卷之二十八

實錄卷二十八

大清高宗法天隆運至誠先覺體元立極敷文
奮武孝慈神聖純皇帝實錄卷之二十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級 臣董誥內大臣戶部尚書鑲藍旗滿洲都統軍功紀錄五次

尋常紀錄十四次 臣德瑛經筵講官太子少保工部尚書紀錄六次 臣曹振鏞等奉

敕修

乾隆元年丙辰十月丙子

上詣

梓宮前朝奠仍步從里餘俟校尉換班畢方由

別路先至

泰陵恭閱

寶城於紅門外跪迎

梓宮號慟失聲又隨

梓宮至

隆恩門外跪候換小輦畢奉安

享殿陳設幃幙奠酒行禮○諭總理事務王大

臣。朕恭送

皇考梓宮敬詣

泰陵親行周視。見規模宏整。工程完固。甚慰朕懷。總理之恒親王常明。海望。查克旦。俱著從優議敘。協辦之德爾敏。偏武。雙鼎。王山。及在工官員等。著分別議敘。○禮部疏言。

世宗憲皇帝梓宮至

泰陵安奉

隆恩殿。每日三次點香燭。晡時奠果饌。一筵守護。

陵寢之貝勒。公。大臣侍衛等。分二班輪流齊集安奉。

地宮以前。

隆恩門。令大臣侍衛等守衛周圍內外。令總管率八旗官兵。總兵率綠旗官兵。各輪班守護。每月二十三日。周月致祭。由部奏遣親王承祭。行禮舉哀如儀。得旨允行。○是日駐蹕南。北泉。○丁丑。

上詣

梓宮前行奉安禮。呼號哀慟出。

殿門至焚燎所。瞻戀悲號。不忍遽離。隨侍王大臣等環跪固請。始升輿行。○諭總理事務王大臣。據劉於義奏。稱寧夏府屬之新渠。寶豐二縣。從前招徠戶口多係無業窮民。其雍正十一年額賦實由奉文遲緩。與十二年同時並徵。以致遞行拖欠。今十二年以前民欠錢糧已荷聖恩全行豁免。而十三年未完糧石尚復盈千累萬。若責令於今歲照例並徵。勢不能如數交納。可否仰懇聖恩。將雍正十三年民欠糧數分作五年帶徵。等語。寧夏府屬之新實二縣。雍正十三年分民欠錢糧原係本年應徵之項。但從前之拖欠既屬有因。若令一時並徵。民力未免艱苦。著於乾隆元年為始。將兩縣民欠糧數分作五年帶徵。該部知道。○又諭嗣後如遇朕躬巡幸。所有行幸一切事宜。著莊親王。公慶復。訥親。領侍衛內大臣常明。尚書海望。都統弘昇。辦理。其查看

尖營行營路程著交與慶復等莊親王不必前往如內有事故出差者其缺請旨另行簡派○以內閣學士王蘭生署理刑部右侍郎○是日駐蹕橋頭村○戊寅

上詣水東村怡賢親王墓前奠酒○諭鑾儀衛今日朕乘輜校尉等甚是勉力每人著賞銀五兩○大學士管川陝總督查郎阿等疏言西寧駐劄兵丁前經西安將軍沁布奏稱西寧地近青海而卓紫山琦紫山國隆國明寺等處轉為內地脫有不靖西寧莊浪內外不能相顧請將西寧之兵更駐莊浪等語應如所奏移駐下總理事務王大臣議行○是日駐蹕長溝○已卯旌表守正捐軀之廣東海豐縣民彭望倫妻張氏○是日駐蹕鐵匠營○庚辰

上恭奉

皇太后還宮○詣

大高殿

壽皇殿行禮○詣景仁宮問

皇太后安○辛巳

上詣

奉先殿行禮○詣

皇太后宮問安○復詣

壽康宮閱視工程○增設江南河兵戰糧諭總理事務王大臣曰朕查江南河工額設二十河營兵丁九千一百四十五名內戰糧一百四十六名月給銀一兩五錢守糧八千九百九十九名月給銀一兩專供力作修護工程胼手胝足經歲勤勞內有椿手一項更為緊要身冒危險勞苦尤多祇因額設戰糧無幾各營椿手大率照衆食守糧一分勞異而餉同可為軫念著將額設河兵九千一百四十五名改為戰二守八設戰糧一千八百二十九名守糧七千三百一十六名俾勤勞較多之椿手均得領食戰糧以示朕加恩優恤之至意此所改戰糧每名每月增銀五錢共增

銀一萬九千餘兩。著照例在於外解河銀內一併動支報銷。再查各省標兵俱曾賞給帑銀。生息營運以濟緩急。此二十河營兵丁著將河庫現貯公項平餘銀內撥一萬兩賞給以為營運之資。俾伊等一體沾恩。○又諭總管覺和托奏請喀爾喀扎薩克等牧放官羊應令交送十萬隻以補蘇魯克所缺額數。經爾等議奏十萬羊隻若遽令如數輸納恐一時趣辦不及。請明歲先令交送五萬隻其餘五萬隻戊午年再行交送。業經依議行文辦理。此項羊隻雖係官價備辦令其牧放但念蒙古人衆藉以滋生取乳於生計頗為有益若明年即令交送一半彼等遽失所利恐致拮据著行文額駙策凌等將明年應送之五萬隻展限戊午年送至其餘五萬隻於己未年送至。○癸未

上詣

皇太后宮問安。○除兩淮鹽課外公務薪水銀

諭總理事務王大臣朕查兩淮鹽法從前浮費繁多商力日困欽奉

皇考諭旨徹底清查革除浮費核定應留之項以備地方公用乃原任鹽政臣噶爾泰於酌定存公之外又以商人具呈餽送鹽政銀八萬兩名曰公務餽送運司銀四萬兩名曰薪水奏請歸公蒙

皇考批諭此係噶爾泰等應得之項若有需用之處聽其自行支用伊若不用即退還衆商不必歸公欽此噶爾泰又奏稱衆商力量寬裕此項實出情願又奉

皇考諭旨俟有地方公事將此應用是皇考聖意不肯令其歸公諭旨甚為明切後據噶爾泰經手辦理雖每年按綱具奏而其實商人未能照數完繳丙午丁未兩綱未完銀十二萬三千餘兩商人具呈分作六年帶徵經部議准行在案至己酉庚戌未完銀兩曾經鹽臣題請寬免部議未允朕即位以來仰

體

皇考愛養商民之心。屢加優恤。務使商民寬餘。以受國家恩澤。此項公務薪水銀兩。既在額課之外。著永行停止。以惠商民。至從前已庚兩綱未完公務薪水之項。歷年已久。著悉行豁免。該督該鹽政。可即宣朕諭旨。俾衆商等共知之。○又諭原任公阿靈阿。獲罪。將伊支出族入於包衣佐領。今既據九卿議奏。阿靈阿抬出包衣佐領。仍歸本旗。所有阿靈阿一支。仍歸原族。至從前降旨暴露罪狀於伊墓前立碑。其族中之人。即在其祖墳墓前建立。後阿靈阿出族。將墳墓另移別所。而此碑尚在伊祖塋。阿靈阿之祖父。原係宣力國家。著有勞績之人。何得在其塋前立此碑耶。此皆係伊族中之人。辦理錯謬。此碑著不必立。○工部議覆。河南山東河道總督白鍾山疏言。豫省黃河南北二岸。綿長一千二百餘里。豫河懷河二營。共止河兵一千一百名。除守備

千把坐糧。并拔補分防把總。巡查料廠看守柳園。遞送公文外。止七百九十六名。又除撐駕浚柳船兵三百四十名。實在力作河兵止四百五十六名。一遇工程險要。顧此失彼。請將駕船河兵改歸本汛調遣。其浚柳船每隻另募長夫一名。在船看守。歲給工食銀八兩。遇有需用運料之時。柳船每隻五名。浚船每隻三名。添雇水手撐駕。每名日給銀五分。又請於豫懷二營添協辦守備一員。於効力人員內銜缺相當者。委用。如果稱職。遇河營守備缺出。題補。並應如所請。從之。○甲申諭總理事務王大臣。朕聞山東各府。今歲秋收俱稱豐稔。惟武定府屬之樂陵縣及濟南府屬之德平縣。有低窪被淹之鄉村。若就通縣地畝而論。均不及十分之一。實未成災。但被水之後。補種秋禾。收成未免減少。所有本年應納錢糧。或有艱於措辦。著該撫轉飭有司。將此二縣窪地歉收之戶。應納錢糧若干。確實

查明。緩至明年麥秋徵收。以紓民力。至於來春青黃不接之時。若有實在乏食窮民。並令有司。動支社倉穀石。按戶借給。以資接濟。毋令失所。○除湖北江夏等州縣。未經攤減丁銀。諭湖北丁隨糧派一案。前蒙

皇考疊沛恩膏。多方調劑。減免。以除間閭之累。其江夏等十九州縣。攤納之重。丁原經廷議。俟有陞科丁銀。可以漸次攤抵。則輸納可得其平。今朕聞得原墾之荒。頗多不實。則攤抵之期。一時難必。念此十九州縣。獨受重丁之苦。輸納維艱。朕心深為軫恤。今仰體

皇考子惠元元之

聖心。將江夏等十九州縣。未經攤減之丁銀。八千三百有奇。自乾隆二年為始。全行豁免。著該部行文。史貽直。鍾保。即遵諭行。○命喀爾喀公敏珠爾來京。○乙酉。總理事務王大臣。疏請解總理之任。得旨。今日王大臣奏辭總理事務。朕臨御以來。已經一載。敬念

皇考付託之重。兢兢業業。凡敬

天勤民之大端。不敢稍有怠忽。一切政務。幸無大過。但庶務繁多。朕豈能事事熟悉。正賴賢王大臣。共相贊助。以成郅治。况

皇考當日登極。年已四十有五。在藩邸日久。國是民情。無不洞悉。尚簡用總理事務王大臣。怡親王等。協理三年。然後報罷。朕之才識。遠不逮

皇考之萬一。王大臣正當竭力抒誠。仰佐朕躬。何可遽辭總理事務。若辭奏之心。出於至誠。又不若公忠體國。和衷辦事。凡朕政事有失。即為規諫。思慮未到。代為籌畫。以克盡股肱心膂之任。較之辭解總理。不更善乎。著照常辦理。不必再辭。○命翰林院侍講學士陳惠華。在尚書房行走。○旌表守正捐軀之河南鄧州民呂少美妻武氏。○丙戌。

上詣

皇太后宮問安。○刑部左侍郎勵宗萬。以徇私

保薦河員。降旨革職。○丁亥。恭奉

世宗憲皇帝神御於壽皇殿。

上親詣行禮。○戶部議覆。山西巡撫覺羅石麟

疏言。蒲州府屬之榮河縣百祥等十八村莊

及寨子等村。臨河地畝。於雍正六年五月內

因水衝塌二百四十六頃九十六畝有奇。請

豁除額賦。應如所請。從之。○命護軍統領阿

成阿。統理烏里雅蘇台駐兵。○緩徵安徽宿

州等十二州縣。被水災田額賦。截漕平糶。○

賑貸浙江德清武康二縣。及湖州所。被水災

民。○準噶爾部人丹津率妻子等來降。賞給

安插如例。○戊子。諭總理事務王大臣。西陲

自用兵以來。陝甘百姓。轉運糧餉。急公効力。

甚屬可嘉。已蒙

皇考疊沛恩膏。厚加撫恤。朕即位之初。又將乾

隆元年。甘肅額徵錢糧。全行豁免。西安等屬

豁免一半。今朕復思大兵既撤。正與民休息

之時。若再寬一年額賦。則民力更可寬餘。安

居樂業。著將乾隆二年甘肅錢糧。全行蠲免。

西安等屬錢糧。蠲免一半。以示朕加惠秦民

之至意。○命直隸歲徵銀錢。並納諭總理事

務王大臣曰。朕聞永平府屬州縣。凡徵收錢

糧。率皆以錢作銀。每銀一兩。連扣耗銀一錢

五分。共折交制錢一千一百五十文。現今該

處錢價昂貴。民間交納錢文。比之完納銀兩。

為費較重。朕思民間完納錢糧。銀數在一錢

以下者。向例銀錢聽其並用。原以便民。若數

在一錢以上。又值錢價昂貴之時。亦令交錢。

轉致多費。是便民而適以累民。殊未妥協。著

直隸總督飭行各屬。民間完納錢糧。在一錢

以上者。不必勒令交錢。在一錢以下者。仍照

舊例。銀錢聽其自便。○兵部議覆。兩廣總督

鄂彌達疏言。廣西地處邊隅。多崇山峻嶺。兵

額戰守居多。馬糧甚少。是以武職隨丁。自副

將以下。馬餉全無。戰守亦幾相等。不但不能

照東省馬二步八。并不及馬一步九之數。一

月所領糧餉不敷養贍請將副將以下之隨丁向食守糧者俱易為步糧廣西副將都司隨糧已於雍正十一年間奏定全給步餉應將參游以下支食守糧者俱改為步糧從之○賑貸山西朔州等四州縣被雹灾民緩徵額賦○贈從祀

文廟之原任御史陸隴其為內閣學士兼禮部侍郎照例給價立碑○命原任侍講學士南書房行走梁詩正照現任學士例食俸四譯館少卿汪由敦諭德嵇璜俱在南書房行走○江蘇按察使郭朝鼎緣事解任尋革職○調署山西按察使戴永椿署理江蘇按察使○已丑

上詔

壽皇殿行禮○諭總理事務王大臣戶刑二部奏請遵奉恩詔豁免欠帑人員內查原案有應行追繳者有不應行追繳者朕思不應追繳之案件與其赦免於事後何如詳審於事

前使人無拖累而事易辦理即如開欠一節原係借貸交接之私情遇本人或有虧空及應追之項自當聽其自行索討以清公帑今乃令將平日欠銀之人一一開出即按開出之人著令完繳是以私債而成公項從前辦理殊未妥協其他分賠代賠著賠名色甚多如道府有稽查州縣之責州縣設有虧空道府非屬分肥即係疎縱責令分賠實屬允當若或因錢糧數多一人未能歸結而令旁人分賠代賠著賠則本屬牽連而歷久難完又不得不為開豁於國帑仍無裨益其應如何分別定例俾事不滋擾而法在必行著戶刑二部妥議具奏尋議分賠案內如有霉變米穀短少官物者著落接受出結之員賠補及徇庇之上司分賠不得藉端攤派如擅動錢糧例不准銷者著落擅動之人賠補不得抑勒分派代賠案內如本非應行分賠著賠之人亦並無公帑侵漁私財寄頓之事祇以本

員產盡無著。勒賠拖累者。概行禁止。承估承變。承追之員。如無以多報少。瞻情延緩之弊。祇因變抵不敷。公帑無完。勒令代賠者。亦應禁止。著賠案內。凡米穀牛具。籽種奉文出借之項。並非捏飾侵漁。私行借動者。如遇人亡產絕。無可著追。准其題豁。承追各項贓罰。如本犯產盡無完。株連親族。及遠年無據贓私。其人已故。無可質訊。即著子孫追補者。亦不得濫追。其開欠一節。如係平日債負。及同官私借。並無印領者。總非有虧公帑。聽其自行索討。不准抵追。得旨允行。○是月。經畧張廣泗奏報軍務全竣。應酌撤官兵。並辭騎都尉世職。得旨。此次平定逆苗。實賴卿忠勇素著。才智兼全。用能膚功克奏。永靖妖氛。了。皇考未了之。

聖心成青史。難成之功業。朕惟深慶得人。豈宜賞罰倒置。在卿責己之誠。並非掩飾。而朕酬功之典。自有權衡。忻悅覽之。題到仍有旨諭。

部○又奏覆布政使馮光裕條奏苗疆事宜一。伐山通道一。飭禁師巫一。從容化導以變苗習。得旨。料理俱屬妥協。議論實皆公平。至云使其漸染華風。變為內地。朕意千百年之貴州總督。皆似卿則千百年之久。安長治皆可保。若法待人行。則不若仍其苗習而順導之。使彼知有恩而不忍背。有威而不敢犯。如是而已矣。何係區區古州之苗。盡歸王化。然後成一道同風之盛哉。○又奏報秋成分數。

得旨。覽貴州兵革之後。所當與民休息。以復元氣。若稍有水旱之形。卿須速奏。以便賑卹者也。○江南總督趙宏恩奏報江西德化等三縣被水偏灾。確查賑貸。得旨。應如是辦理者。○四川巡撫楊祕奏三齊寨番民控告瓦寺。已諭令回巢。得旨。知道了。處置此等事務。宜持重得體。汝不過尋常供職撫臣而已。非有幹濟才也。有不能料理處。可商之督臣查郎阿。不可逞己見而致誤地方。慎之。○又奏。

西藏口外乍了察木多所屬地方被旱歉收
分別賞卹安撫報聞○四川提督黃廷桂奏
漢土兵卒調赴黔省病故者查取本兵子弟
拔補無子弟者恤其家室瓦寺木坪土兵病
故者遣員前往賞恤撫慰得旨此件辦理甚
是交與新提臣即照如此料理○松潘鎮總
兵官馬義奏每歲秋間量帶兵役前往番部
宣諭德威得旨知道了此等化導最宜順其
習俗而曉以禮義若拂其性而滋事則好事
不如無也

實錄卷二十九

六

大清高宗法天隆運至誠先覺體元立極敷文
奮武孝慈神聖純皇帝實錄卷之二十九

實錄卷二十九

大清高宗法天隆運至誠先覺體元立極敷文奮武孝慈神聖純皇帝實錄卷之三十

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部工部事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰十一月庚寅朔

上詣

皇太后宮問安○召成都副都統敦巴來京以
滄州城守尉永寧為成都副都統○命理藩
院員外郎諾敏等前往吐魯番辦理安插回
民○準噶爾台吉車林等來降授車林為三
等侍衛餘賞給安插如例○雲南巡撫張允
隨疏報雍正十三年分騰越州威遠同知開
墾民田一項四十五畝有奇又雍正十二年
分各屬開墾民屯田地七頃五十畝有奇並

夷田一段○辛卯諭總理事務王大臣據禮
部奏稱本年冬至恭祭

列祖陵寢

世宗憲皇帝梓宮尚未安奉地宮每日照常供
獻應照昔年

世祖章皇帝之例不行冬至致祭之禮等語朕
思冬至祭祀關係大典若

皇考梓宮前不行冬至致祭之禮於心不安於
理亦覺未協著該部再議具奏尋議

世宗憲皇帝几筵前請供牲帛三獻讀祝致祭
令贊禮官贊禮但

梓宮尚未安奉地宮且在二十七月以內所有
承祭執事各官應不綴冠纓素服行禮祭品
由

泰陵禮部內府掌關防奉祀等官敬謹製辦牲
帛由太常寺送往祭文由翰林院照

陵寢冬至祭文體式撰擬允行○戶部議覆原
署四川巡撫王士俊疏言赴黔協勦土兵准

給雇覓馬騾船隻銀兩應如所請從之。署湖廣總督史貽直疏言。彝陵州已改設宜昌府。請將彝陵鎮改名宜昌鎮。換給該鎮勅書關防。及鎮標中軍遊擊關防。下部知之。遣官祭。

河海之神。以行尊封禮。遣官祭告。

太廟後殿。

奉先殿。○壬辰加尊。

聖祖仁皇帝四太妃為。

壽祺皇貴妃。

溫惠貴妃。

順懿密妃。

純裕勤妃。

上御太和殿閱冊寶。詣寧壽宮行禮。○詣。

皇太后宮問安。○諭總理事務王大臣。朕於初。

五日御門聽政。凡奏事官員著穿補服。不必。

穿朝服。嗣後若遇逢五日期俱照此例行。○

先是。總理事務王大臣議准詹事王奕清奏。

各部主事銓補壅滯。宜酌量變通。請以應。

用主事者。或兼用同知。或改用通判。下吏。

部議。至是議覆。凡廕生應得主事。引見請。

旨。如堪以外用者。及保舉七品小京官。歷。

俸已滿三年者。並准以通判改補。中書科。

中書。行人司行人。太理寺評事。太常寺博。

士。向止陞用主事者。准以同知兼用。從之。

○賑貸陝西定邊縣被雹災民。○癸巳。轉。

刑部右侍郎楊超曾為左侍郎。以王蘭生。

實授刑部右侍郎。○賞給太平峪駐防兵。

生息銀一萬兩。秦寧鎮駐防兵。生息銀五。

千兩。○甲午。

上詣。

奉先殿行禮。○詣。

皇太后宮問安。○御乾清門聽政。○遣官祭。

先醫之神。○戶部議覆。江南提督南天祥。

疏言。高郵等州縣被水災後。米價涌貴。請。

將附近州縣存倉積穀。運往協濟平糶。應。

如所請從之。○命平郡王福彭監修盛京三陵。○命經筵講官大學士兼管翰林院掌院學士張廷玉充日講起居注官。○加大學士兼管浙江總督巡撫事務嵇曾筠太子太傅。○命協辦大學士徐本為大學士。仍兼管刑部尚書事務。尋授為東閣大學士。兼禮部尚書。以左都御史兼管吏部侍郎事孫嘉淦為刑部尚書。戶部左侍郎楊汝穀為都察院左都御史。兵部左侍郎姚三辰為吏部右侍郎。左副都御史孫國璽為兵部左侍郎。南河副總河劉永澄為左副都御史。太僕寺卿德爾敏為南河副總河。○以刑部侍郎上行走覺羅栢修為刑部右侍郎。○以黑龍江墨爾根副都統額爾圖為黑龍江將軍。齊齊哈爾鑲白旗協領宗室圖納為墨爾根副都統。○乙未

上恭奉

皇太后移居壽康宮。

皇太后禮服升座。儀仗全設。中和樂設而不作。上詣

慈寧門。行九叩禮。○丙申。

上詣

皇太后宮問安。○諭總理事務王大臣。今科武殿試。著照該部所擬日期舉行。朕在三年服制之內。其考試弓馬等項。著派王大臣在紫光閣閱看。將擬在前列者。帶至養心殿。候朕親定。揭曉之日。照今年文殿試之例傳臚。朕不必陞殿。○又諭據雲貴總督尹繼善奏稱。雲南曲靖澂江。臨安楚雄。姚安廣西。昭通等府所屬州縣內。有栽插稍遲之地。禾稻正在揚花。忽遇冷雨。多不結實。止有五六分收成。其中呈貢。昆陽。安寧。恩安。魯甸。數處收成。則在四分以下。除委員確勘實在成災者。即行具題。將應免地丁等項。照例請免。查秋米一項。舊例不在豁免之內。已令所屬暫緩徵收。等語。滇省遠在天南。舟車不通。民每艱於謀

食。今聞本年栽種稍遲。州縣內有收成歉薄之處。朕心深為軫念。其成災地方。自應將應免地丁等項。照例豁免。至於秋米一項。雖無豁免之例。第恐閭閻力薄。輸納維艱。著將收成六分以下之州縣。所有本年應收秋米。全行緩徵。從乾隆二年為始。分作三年帶徵。以紓民力。凡此歉收之處。窮民必致乏食。其應賑卹者。即行動項賑卹。務使咸得其所。其應平糶者。即將存倉米穀。減價平糶。或將隣近倉儲。設法撥運。以資接濟。至無力之民。則借給籽種。以助來歲春耕。若摺內所開州縣之外。尚有似此歉收之處。亦照此一體辦理。毋得忽視。著該部速行傳諭該督撫知之。○添設四川省救生船隻。諭曰。江路風濤之險。最為不測。聞楚省宜昌以上。川省夔州以下。凡灘水險迅之處。蒙

皇考諭令設立救生船。每年多所救濟。商民感激。但朕聞川水發源岷山。至眉州彭山縣江

口而始大。自江口至夔州府巫山縣。計程二千餘里。其中有名險灘。不可悉數。向來該督撫亦有奏請設立救生船之意。逡巡未果。著巡撫楊嗣達委賢員。詳細查明。於灘水險惡之處。照夔州府以下事例。設立救生船隻。以防商民意外之虞。其所需經費。准於正項內報銷。務令該地方官實力奉行。毋得草率塞責。○減四川土司馬價。諭曰。四川各土司向有貢馬之例。其所貢本色。則添補各營倒斃之馬。而折價之馬。每匹納銀十二兩。此舊例也。查通省營馬。近已改照驛馬例。每匹給銀八兩。而土司貢馬折價。仍是十二兩之數。蠻民未免多費。朕心軫念。著從乾隆二年為始。土司交納馬價。每匹裁減四兩。只收銀八兩。永著為例。該督撫將朕此旨。通行曉諭。咸使聞知。○又諭河南布政使徐士林奏稱。伊父年逾七旬。目下患病。沈重。懇請解任。回籍親視湯藥等語。徐士林著給假。速回原籍。省視

伊父河南布政使事務著溫而遜前往署理。徐士林到家後。俟伊父病體痊愈。具摺奏聞。再回原任。○戶部等部議覆廣西巡撫金鉞疏言。百色地方。建造城垣。駐劄官兵。應積貯米穀。建立倉廩。歸該同知就近管理。應如所請。從之。○召四川提督黃廷桂來京。以湖北宜昌鎮總兵王進昌。為四川提督。浙江嘉興協副將施廷專。為宜昌鎮總兵。○丁酉。

上詣

皇太后宮問安。○諭總理事務王大臣。果親王現管理藩院事。王有足疾。趨走微覺艱難。嗣後朕御門聽政。王不必親自送本。○吏部議覆。禮部右侍郎蠻子奏。各部院衙門。無品級筆帖式。俱由官學生考用。每月食錢糧銀一兩。因不能與有品級筆帖式一體論俸陞轉。查無品級筆帖式。與有品級筆帖式一體考取當差。請將由官學生考用筆帖式等。俱作為九品。將從前所食錢糧年分合算。亦論俸

陞轉。應如所請。從之。○賑卹安徽霍邱等三縣衛。湖北漢川等十三州縣衛。被災軍民。緩徵額賦。○戊戌。

上詣

皇太后宮問安。○九卿議覆刑部奏言。嗣後凡侵盜錢糧。數滿千兩以上者。照例擬斬監候。其一千兩以下。照律雜犯准徒。遇赦。則數逾萬兩者。不准援宥。萬兩以下。俱准赦免。其從前數滿三百兩擬斬。及一千兩以上。不准援赦之例。均應刪除。至八旗一切收貯公所錢糧。并交庫銀兩。亦應照直省監守自盜錢糧。分別一千兩上下。擬斬監候。及雜犯准徒。定例遵行。仍遵旨。一萬兩以下。准其援赦。有逾此數。不准豁免。其三百兩以上。斬決等例。并請刪除。從之。○兵部議覆直隸總督李衛疏言。直隸督標額兵。舊止數百名。不足以重統馭。前有召募訓練。保定前後兩營新兵二千名。應行裁汰者。仍請留存。歸入督標等語。應

以一千名留充正額。餘仍陸續裁汰。又河東河道總督白鍾山疏言。河標城守營舊設步兵四百六十八名。不敷委用。請將該營應裁新馬兵六十六名。照舊存留。應如所請。從之。○旌表守正捐軀之直隸深州民何滿囤妻蔡氏。○己亥。

上詣

皇太后宮問安。○吏部議覆山西巡撫覺羅石麟疏言。平定州於雍正十年改隸冀寧道管轄。請換給分守冀寧道轄太。潞。汾。澤。遼。沁。平。七府州關防。應如所請。從之。○戶部議覆調任山東巡撫岳濬疏言。遵旨查明濟南府屬之德州。德州衛。東昌府屬之臨清。夏津。武城。恩縣。因運河隄岸堆壓地畝。共十四頃五十三畝。有奇。請豁免額賦。應如所請。從之。○予故大學士朱軾。謚文端。禮部尚書銜贈太子太傅楊名時。謚文定。並祭葬如例。○庚子。

上詣

皇太后宮問安。○禮部議覆廣韶學政王丕烈疏言。生員犯過。應行戒飭者。地方官當先詳學臣批准。方遵例會同教官。於明倫堂戒飭。不得擅行飭責。又學臣考試童生。令於四書文後。默寫經十數行。並不得多出各經擬題。應如所請。從之。○先是。禮部尚書銜管國子監事楊名時。奏薦原任知縣莊亨陽。舉人蔡德晉。官獻瑤。三員。至是引見。得旨。交國子監以助教等缺題補。○緩徵江南長洲等十二州縣衛。被水軍民額賦。分別賑卹。○辛丑。諭總理事務王大臣。據陝西署督劉於義奏稱。寧夏府屬之寧夏。新渠。寶豐等縣。今夏雨水甚多。黃河泛漲。以致衝決隄岸。淹浸民田。臣已動支社倉公用銀糧。加意賑卹。念此被災民人。今冬明春。口糧或有缺乏。准布政司詳議寧夏縣之何忠堡。新渠縣之通吉。通義。通昶。清水等堡。被災偏重。酌借六個月口糧。寧夏縣之王鉉堡。及寶豐縣之紅崗。水潤等堡。

被災較輕。酌借三個月口糧。俟來年收成之後。催徵還項等語。朕予惠元元。一夫不獲。實如已溺已飢。而於甘肅民人。歷年奉公。尤深軫念。茲覽劉於義奏報。寧夏被水等堡。秋成歉薄。民食艱難。所當加意撫綏者。著將各該處額徵糧石。確查豁免。所借六個月三個月口糧。俱准抵作賑給之項。免其來歲交還。該督撫可出示通行曉諭。並飭有司實力奉行。務令小民均沾實惠。○又諭河南鄭州郭元曾控告一案。欽差侍郎吳應棻等。與巡撫富德。各執意見。屢次瀆奏於朕前。既非公平。讞獄之道。亦甚失大臣辦事之體。此案前已交河道總督白鍾山就近審訊。今思大臣彼此爭執。恐白鍾山一人辦理。不足以厭服衆心。著刑部尚書孫嘉淦前往會同白鍾山秉公確審。務得實情。將來案情定後。則伊等之是非判然。應將怙過瀆奏之大臣。交部嚴加議處。以示懲戒。○

皇太后之父公凌柱。賜紫禁城騎馬。○壬寅。聖祖仁皇帝忌辰。遣官祭

景陵。○

上詣

奉先殿

壽皇殿行禮。○工部議覆直隸河道總督劉勳

疏言。青龍灣減水壩。距河身四里餘。難資分

洩。請將壩基移建河濱。應如所請從之。○河

南山東河道總督白鍾山議覆。調任山東巡

撫岳濬疏言。磚板閘稅口。與臨清相距甚近。

其稅務請歸併臨清關徵收。應如所請辦理。

下部議行。○命翰林院侍讀學士楊炳為順

天武鄉試正考官。翰林院侍讀昌齡為副考

官。○旌表守正被戕之河南新蔡縣民陳秀

女陳氏。○癸卯

上詣

皇太后宮問安。○吏部等部議覆兩廣總督鄂

彌達疏言。廣西梧州為通省運鹽總匯。鹽道

駐劄桂林相距既遠。又因責任較繁。未能離省。一切轉運鹽包。給發水腳。稽查夾帶。向俱委梧州府同知代辦。然究非專管鹽政之員。請照廣東潮嘉汀贛分司之例。即於梧州府添設鹽運分司一員。鑄給關防。催徵餉稅。以專責成。仍歸驛鹽蒼梧道管轄。應如所請。從之。○禮部議覆光祿寺疏言。臣寺額設網戶六十名。每名給地三十六畝。辦供

太廟

奉先殿祭品。今准太常寺將各

壇

廟祭祀。併歸光祿寺辦理。應請網戶每名增給地十五畝。應如所請。從之。○以理藩院右侍郎班第。暫署兵部侍郎事務。○旌表守正捐軀之山東昌樂縣民趙旺生妻元氏。○甲辰上詣

皇太后宮問安。○諭總理事務王大臣。張廣泗已授貴州總督。伊任內只有巡撫養廉。自不

敷用。著每年賞給養廉銀一萬五千兩。○戶部議覆山西巡撫覺羅石麟疏言。偏關老營水泉。三汛兵丁。應納徭銀。前經奉旨永行蠲免。查尚有廠馬夫應徵徭銀十二兩有奇。伊等亦無承種地畝。請一例豁免。應如所請。從之。○工部議覆直隸總督李衛疏言。霸州遊擊向無衙署。賃住民房。請將營田觀察使所遺衙署。改為遊擊衙門。應如所請。從之。○調工部左侍郎馬爾泰為刑部右侍郎。刑部右侍郎覺羅柏修為工部左侍郎。署禮部侍郎程元章為刑部右侍郎。刑部右侍郎王蘭生以原銜管禮部侍郎事。○賜故一等公福善大學士魏裔介將軍佛尼勒莽依圖都統馮國相尚書湯斌徐潮馬爾漢贈內閣學士兼禮部侍郎陸隴其祭一次。○旌表守正捐軀之江蘇豐縣民陳文進妻張氏。

大清高宗法天隆運至誠先覺體元立極敷文
奮武孝慈神聖純皇帝實錄卷之三十

平定錄本二十

十七

大清高宗法天隆運至誠先覺體元立極敷文
奮武孝慈神聖純皇帝實錄卷之三十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德齡經筵講官太子少保工部尚書紀錄六次臣曹振鏞等奉

敕修

乾隆元年丙辰十一月乙巳

上御乾清門聽政○轉戶部右侍郎趙殿最為

左侍郎以倉場侍郎呂耀曾為戶部右侍郎

詹事府詹事順天學政崔紀為倉場侍郎光

祿寺卿劉吳龍提督順天學政以提督四

譯館少卿汪由敦為內閣學士兼禮部侍郎

○和碩愍靖公主薨遣官致祭建碑如例○

予故太子太傅大學士致仕陳元龍祭葬如

例謚文簡○丙午是日起

上以冬至祀

天於

園丘齋戒三日。○丁未以降調戶部左侍郎李紱為詹事府詹事。○戊申殿試中式武舉命莊親王允祿平郡王福彭公慶復內大臣常明大學士邁柱都統豐盛額閱弓馬技勇。○己酉冬至祀

天於

園丘

上親詣行禮。○詣

大高殿

壽皇殿行禮。○遣官祭

永陵

福陵

昭陵

昭西陵

孝陵

孝東陵

景陵

世宗憲皇帝

孝敬憲皇后。○

上詣

皇太后宮問安。○停次日朝賀。○庚戌策試中式武舉馬負書等九十八名於太和殿前。○兵部議覆總理事務王大臣疏言雍正八年十二月十年正月內有哈密駐防及派赴阿濟畢濟查看道路之千總楊文蔚把總張閱遇賊打仗陣亡請分別給與卹廕如例陣亡傷亡兵丁張洪友等四十一名受傷兵丁莊英等十六名各加卹賞有差從之。○廣東巡撫楊永斌疏報安南國王嗣黎維禕遣使慶賀登極請准其奉表來京允行。○遣官祭

永定河神。○辛亥

上詣

皇太后宮問安。○諭總理事務王大臣昨據貴州總督張廣泗陳奏苗疆善後事宜三條朕

已降旨交總理事務王大臣議政大臣會同該部妥議。今朕思張廣泗所奏第一條請於新疆內地添設官兵駐劄彈壓自應照所請行。但所添兵丁計一千三百餘名以之分布各處朕意似稍覺不敷。現在安設營汛是否足敷巡防之用。目前斷不可以節省錢糧而為遷就之舉。其第二條請設立郡縣在目前似可不必。或因地方遼濶所有同知通判等官難於統轄酌設道員彈壓巡查似尚可行。至第三條內奏請將內地新疆逆苗絕戶田產酌量安插漢民領種朕思苗性反覆靡常經此番兵威大創之後雖畏懼懾伏而數十年後豈能豫料若於新疆各處將所有逆產招集漢民耕種萬一苗人滋事蠢動則是以內地之民人因耕種苗地而受其荼毒朕心深為不忍此必不可行者朕意逆苗因罪入官之地自無復賞給逆苗之理與其招集漢人不若添設屯軍即令兵丁耕種俾無事則

盡力南畝萬一有警就近即可抵禦且收穫糧石又可少佐兵食以省內地之輓運較屬有益其安設屯軍於額設汛防兵丁之外就地畝之多寡酌量添設或專令屯種或令與汛防兵丁更番屯種則苗疆駐劄之兵數較多而兵氣自奮且省添兵之費朕意如此可先行寄信張廣泗知之苗疆善後事宜關係重大極宜詳慎籌畫俾可永遠遵行張廣泗切不可因從前原欲郡縣其地目今仗此兵威遂欲迴護前議也總之苗疆之事可省而不可繁可拒却而不可招來即今之添兵設防亦不過因已經如此辦理於國家顏面有關難於全徹耳尚須妥協計議使地方永遠寧謐○壬子

上詣

壽皇殿行禮○總理事務王大臣議覆原任正黃旗漢軍都統管理井田事務甘國璧疏陳屯莊事宜一井田每戶原給田一百二十五

畝。十二畝五分為公田。十二畝五分為廬舍場圃。百畝為私田。公田儘收儘報。今既改屯。莊應令按畝完納屯糧。一堡戶原止給地三十畝。令其耕種。不交公糧。今若令一體完課。未免拮据。請加恩增給地畝。一三堡旗民雜處。難於稽查。請將各戶原領三堡房地。盡交該州縣。即於現今咨回井戶所遺房地內。照數撥給。一八旗改屯人戶。嗣後身故有子者。自應頂補。倘遇無子寡婦。情願守節。並無親戚可依者。請留地四十畝。以資養贍。即令本屯之人代種完糧。俟伊身後。仍將地畝交官召種。一井田原撥霸州固安永清新城四州縣地。今改屯莊。令防禦管轄。請將附近霸州者。令霸州防禦管轄。附近固安者。令固安防禦管轄。一井田向設鄉長。請仍留供役。果能勤慎。遇有屯長缺出。拔補。一驍騎校應遵議撤回。但一時未有可補之缺。請俟補放之日。令其交地回京。均應如所請。惟堡戶一條。納

糧既屬無力。增地又似多事。應仍令其照舊暫行耕種。從之。○癸丑。兵部議覆。調任山東巡撫岳濬疏言。登標中營之即墨武定濟南城守四營。充標之壽張德州二營。向設守備。並無衙署。應一體添建。又請將移駐海豐縣余家巷之武定營守備。撤回管理中軍事務。添設余家巷守備一員。應如所請。從之。○甲寅。

皇太后聖壽節前期。禮部奏請行禮。奉

皇太后懿旨。停止。是日遣官祭

太廟後殿。○

上詣

皇太后宮行禮。進膳。○乙卯。諭總理事務王大臣。黔省逆苗不法。擾害地方。哈元生等各挾私心。措置乖舛。以致稽遲軍務。小醜肆其跳梁。朕即位之初。特命張廣泗為經畧。專其事權。俾無牽制掣肘之患。伊受事以來。殫心籌畫。調度有方。董率數省官弁兵丁。奮勇戮力。

不避險阻。未及一載。即奏膚功。從此苗氛掃蕩。四境輯寧。足以仰慰。

皇考在天之靈。朕心甚為嘉悅。張廣泗應加恩議叙之處。前旨甚明。著遵前旨行。所有在事文武大小官弁兵丁。俱著分別等次。加恩議叙。賞賚以獎勞績。其陣亡弁兵等。著查明一賞卹。不得遺漏。從前兩廣總督鄂彌達。盡心協濟軍需。曾奉。

皇考事竣議敘之旨。其他鄰省大臣官弁等。或派遣弁兵。或運送糧餉。或撫恤流民。實有裨益於軍務黔民者。著張廣泗確查據實陳奏。一併分別交部議敘。○戶部議准原署四川巡撫王士俊疏言。寧遠府知府事務較繁。請將南門外落地一稅。並寧番會川九道溝三稅口。改歸續設之通判經理。從之。○賜殿試武舉馬負書等九十八人。武進士及第出身。有差引見弓馬技勇最優者十人。及王大臣等揀選可充侍衛者二十五人。

上御箭亭親試。授一甲一名。馬負書為一等侍衛。二名韓錡。三名李星垣。為二等侍衛。二甲萬岱。許成麟。孟紹先。馬揚遠。塞爾特。熊良臣。史譽。許忠朝。唐紹堯。馬捷元。為三等侍衛。三甲王國宗。劉士清。郭璞。袁勲。呂文英。王曰敏。王振元。左秀。田懷孝。溫達勇。解遜。李淶。張拔。馬雲鵬。趙登高。邱良樂。為藍翎侍衛。○丙辰上詣。

皇太后宮問安。○諭總理事務王大臣。現今兩路大兵。已經撤回。而鄂爾昆。烏里雅蘇臺。尚有駐防之奉天兵二千名。寧古塔兵一千名。黑龍江兵二千名。綠旗兵二千名。喀爾喀兵一千五百名。種屯綠旗兵六百名。哈密地方尚有駐防綠旗兵五千名。共一萬四千一百名。俱各戍守邊疆。際此嚴冬。卡倫瞭望偵探。巡查倍覺寒苦。朕心深為軫念。著每名賞給銀三兩。為製辦冬衣禦寒之具。該管大臣。即於軍營存貯銀內。按名散給。務令均沾實惠。

○丁巳諭總理事務王大臣。自京師至易州。共計七州縣。民人供應差役。急公可嘉。朕已降旨。將本年應徵錢糧。全行蠲免。並曉諭業戶等。酌寬佃人租糧。使伊等同沾恩澤。今思此七州縣內。有入官地畝。均係窮民佃種。完納租銀。雖官租與民業不同。而佃戶趨事赴功。則與旗民無異。亦當一體加恩。以示優恤。著將入官地畝。本年佃戶租銀。照定例。每一錢者寬免三分。該督可即轉飭州縣官。遵朕諭旨。實力奉行。毋使胥吏侵蝕中飽。○戊午

上詣

皇太后宮問安。○以湖廣九谿協副將李椅。為襄陽鎮總兵官。以漕標中軍副將高鉦。為四川川北鎮總兵官。○己未。總理事務王大臣。議覆福建巡撫盧焯疏言。邵武縣之永安所屯田。每畝徵米四斗三升五合有奇。霞浦縣之福寧衛屯田。每畝徵米三斗三升有奇。又每畝徵修倉銀一分三釐。糧額實為過重。請

照中則屯田例。每畝徵米二斗。其多徵之米。並福寧衛應徵修倉銀兩。槩予豁免。應如所請。從之。○工部議准。署江蘇巡撫顧琮疏言。通州三角司巡檢舊借駐官河鎮。與所轄各沙睽隔百有餘里。應就近移駐呂四場。並添建衙署。從之。○是月。三禮館總裁大學士鄂爾泰等。奏擬定纂修三禮條例。一曰正義。乃直詁經義。確然無疑者。二曰辨正。乃後儒駁正舊說。至當不易者。三曰通論。或以本節本

句。參證他篇。比類以測義。或引他經。與此經互相發明。四曰餘論。雖非正解。而依附經義。於事物之理。有所發明。如程子易傳。胡氏春秋傳之類。五曰存疑。各持一說。義皆可通。不宜偏廢。六曰存異。如易之取象。詩之比興。後儒務為新奇。而可欺惑愚衆者。存而駁之。使學者不迷於所從。然後別加案語。遵折衷彙纂之例。庶幾經之大義。開卷了然。而又可旁推交通。以曲盡其義類。得旨。此所定六類。斟

酌允當著照所奏行。○署川陝總督兼甘肅巡撫劉於義奏言瓜州回民於雍正十三年借給籽種口糧共一萬二千石腳價銀二千二百七十一兩應自乾隆元年為始分作六年清還茲據額敏和卓以回子添製衣服買補車騾等事本年秋收所餘糧石僅供諸項之用呈懇寬限一年可否允准之處伏候訓示得旨著照所請行該部知道。○調任江西巡撫岳濬奏報辦理山東武闡事竣再赴江西新任得旨知道了江西自常安諸務廢弛之後俞兆岳復徒務小節而不能整飭大綱所以特命汝往汝其勉力為之以副朕簡任之意。○河南巡撫富德奏請加賑永城縣被水災民兩月並借給社倉穀石得旨知道了賑卹饑民當如救焚拯溺朕斷不有所吝惜也但使民受實惠而吏不中飽則其權全在汝等。○署廣西布政使楊錫紱奏報到任日期得旨撫臣既係新任汝又補授伊始所當

事事和衷虛心講求以圖地方政治改觀兵民樂業以副朕望。○巡視臺灣御史白起圖等奏報擒捕新港加志閣二社兇番得旨知道了此等事馬驥從前何以不奏著伊明白回奏看來武弁大有苟且了事之意甚非慎重海防之道也。○直隸提督宗室德沛奏請增添公費名糧以資營務得旨兵制乃國家經久之法豈可一時驟改若如是恐開虛冒假替之弊且即稱各鎮尚有應改者試與李衛一併詳議看。○雲南昭通鎮總兵官徐成貞奏滇省歲收歉薄昭通府屬自七分至三四分不等因報明官兵回營附摺奏聞得旨總兵乃封疆大員豈有水旱而不以實入告之理即地方中有不能達之民隱不能白之奇冤亦賴汝等據實陳奏則督撫有所畏懼不至上下相蒙矣所謂不可越位者不可用已私而干與民事耳

大清高宗法天隆運至誠先覺體元立極敷文
奮武孝慈神聖純皇帝實錄卷之三十一

大清高宗法天隆運至誠先覺體元立極敷文
奮武孝慈神聖純皇帝實錄卷之三十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅大學士大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰十二月庚申朔

上詣

皇太后宮問安○諭總理事務王大臣前令布
蘭泰往北路管理糧餉事務聞布蘭泰之母
年已七十有餘著將伊留京侍養具糧餉事
務著常安自備資斧前往管理○兵部議覆
馬蘭鎮總兵官永常疏言左營窄道子前經
奏准添兵防守請於鄧廠地方添建營房應
如所請從之○工部議准江南河道總督高
斌疏言江南徐屬等廳額收外解河銀應改

歸河庫道收貯。備料搶險。從之。○以

孝陵左翼副總管喀都立為

孝陵總管。○以故四川長寧安撫司蘇文耀之

孫蘇永錫。松林土千戶王德洽之子王國卿

阿壩土千戶春皮之弟達格襲職。○辛酉。戶

部議覆。湖北巡撫鍾保疏言。漢陽縣濱江被

水衝坍。屯地五頃六十二畝。有奇。應納更名

租餉。又下稅地七十三畝。有奇。應納民賦條

餉。共攤丁銀十九兩。有奇。請予豁免。應如所

請。從之。○理藩院奏。據巴林多羅郡王桑里

達報稱。伊等四旗。今歲亢旱。地畝未種。請派

員於戶部支銀五千兩。前往賑濟。得旨。著派

侍衛旺扎爾去。銀五千兩。恐不敷用。著帶一

萬兩速去。○以故五經博士朱坤之孫朱世

潤襲職。○賞川省赴黔協勦之陣亡病故土

兵天格等七十七名。銀兩如例。○旌表守正

捐軀之江蘇大河衛軍吳興隆妻劉氏。○壬

戌。

上御乾清門聽政。○禮部疏請。乾隆二年元旦。行朝賀禮。得旨。今歲元旦。乃朕御極元年。朝正大典。禮制攸關。且在

皇考大事百日之外。是以勉從諸王大臣所請。御殿受朝。明年元旦。尚在二十七月之內。陛殿受賀。朕心不忍。

皇考雍正二年陞殿。原係補行元年朝正之典。至雍正三年。仍未陞殿。乾隆二年元旦。不必陞殿行禮。

皇太后前照例行禮。○諭總理事務王大臣楊凱。任內屢次具摺奏事。連篇累牘。動輒數千言。皆非伊職任所當言之務。躁妄乖張。私心顯露。已於伊摺內嚴切批諭申飭。及訪其在任辦事。多不妥協。不勝楚省提督之任。正欲令其解任來京。面加訓諭。而史貽直叅奏。適至是以一併降旨。乃伊不知省愆。思過。反以督臣之叅奏為奸險傾陷。忿激瀆奏。希冀報復。其性情乖戾。舉動狂肆。即此可見。楊凱著

革職交部議罪。○截留湖北潛江等五州縣額漕賑漢川等十一州縣衛水災軍民。○以原任四川提督黃廷桂為鑾儀衛鑾儀使。○癸亥。

上詣

皇太后宮問安。○禁督撫受土宜。諭總理事務王大臣。朕聞近日督撫中於屬員餽送土宜物件。間有收受一二者。此風斷不可長。夫吏治以操守廉潔為本。而持廉之道。莫先於謹小慎微。是以懸魚留犢。前史著為美談。而陸贄亦云。鞭撻不已。必及珠玉。古名臣持身之謹。恪如此。我

皇考世宗憲皇帝宵旰勤勞。日以整飭官方。澄清吏治。為惠養斯民之要道。十餘年來。直省督撫類能稟守

訓諭。砥礪清操。用使大法小廉。以貪墨為懼。而閭閻共受其福。朕繼緒以來。實冀中外臣工恪遵

聖訓。實力奉行。一如

皇考臨御之時。豈可以交際之微。開苞苴之漸。且從前州縣陋規未革。所入本豐。即餽送上司。亦非盡剝削小民所得。自酌定養廉。各有定數。多者千金。少者數百金。僅足為養贍家口。延致幕客之資。安有餘力交接上司。勢必額外巧取。吾民深受其患。督撫為一省表率。既收州縣土宜。則兩司道府餽遺。又不可却。而州縣既送督撫土宜。則兩司道府餽送。又不可少。層累遞及。督撫所收有限。而屬員之費已不貲矣。且我

皇考著定養廉之意。原欲使上司下屬。無絲毫之授受。則舉劾悉出公心。無所瞻徇回護。至督撫養廉之項。頗為寬裕。一絲一粟。不必取辦於有司。而屬員亦不得藉端獻媚。俾督撫得潔已秉公。盡察吏安民之職。設因些微土產。而於黜陟之間。稍干物議。抑豈遠嫌之道。我

皇考澄清整飭之良規。萬世所當遵守者。何忍稍有踰越。漸致縱弛。是用特申誠諭。務各凜遵。如有暗中收受者。或經朕訪聞。或被風聞。叅劾必嚴。加議處。以為簠簋不飭之戒。○兵部議覆江南總督趙宏恩疏言。通州狼山鎮右營遊守。先經原任總兵王安國題准移駐呂四餘西等場。查狼鎮右營汛地。自海門舊址金沙起。至餘西呂四等處。俱係陸地。烟墩臺寨。棋置星羅。與州城呼吸相通。儘可彈壓。呂四等場。盡屬竈產。又無隙地安置營房。仍照舊制為便。又中營管轄之徐家渡鎮場二汛。與右營交錯。應令改歸右營。又江場大港二處。不可無員駐防。請將呂四外委移駐江場。其江場外委另帶兵十名駐防大港。並添建營房。應如所請。從之。○予故太子太保內大臣諡恪僖哈世屯。戶部尚書諡敏果米思翰。入祀賢良祠。本家賜祭。○旌表守正捐軀之安徽懷遠縣民宋三之子妻齊氏。○甲子。

緩征江蘇婁縣水災額賦。分別賑卹。○乙丑。孝惠章皇后忌辰。遣官祭。

孝東陵。○戶部議覆湖北巡撫鍾保疏言。沔陽州清丈田畝。較原額共增出一萬一千五百五十一頃五十四畝有奇。請免增賦。按照上中下則。將通屬額征攤派起科。又沔陽衛實丈田畝。亦照各則均攤起科。應如所請。從之。○賑江蘇溧水等十二州縣被水災民。○以王無黨實授貴州提督。○以緣事削黜三等公兆德之弟哈達哈襲爵。○旌表遇賊捐軀一門三烈之甘肅隴西縣生員羅在堂妻馬氏。女羅氏。媳李氏。○廣西巡撫金鉞疏報。雍正十三年分鬱林州開墾田共二十頃。○丙寅。諭禮部。仰惟皇考世宗憲皇帝。德並高深。恩覃海宇。駿烈鴻功。垂裕萬世。允宜配享郊壇。永崇禋祀。朕思來年三月之吉。梓宮奉安地宮。

山陵事畢升祔

太廟之後配享之禮理宜敬謹舉行第其時夏至伊邇冬至尚遙若先奉配

方澤恐前後之未協若俟冬至

南郊然後舉行又覺時日之久曠敬稽我朝舊制順治十四年三月

世祖章皇帝恭奉

太宗配享

園丘翼日配享

方澤康熙六年十一月丁未時屆

南郊

聖祖仁皇帝恭奉

世祖配享越十日配享

方澤兩朝典制均係特行禮隆儀備燦垂史冊且稽之經傳成周郊祀后稷以配天宗祀文王於明堂以配上帝即月令所謂季秋大享帝也召誥載三月丁巳用牲于郊釋者謂非常祀而祭天以告即位也又宋仁宗皇祐二

年以大慶殿為明堂合祭天地三聖並侑一如園丘南郊之儀則是古來因事郊祀之禮不必定在二至之時明矣我朝舊制盡孝盡誠與古符合來年

世宗憲皇帝配天大禮宜遵照舉行其應行典禮爾部會同總理事務王大臣內閣九卿敬謹詳議具奏尋議乾隆二年三月初五日

世宗憲皇帝升祔

太廟後謹遵兩朝舊制於夏至前敬選吉日恭

奉

世宗憲皇帝配饗

園丘夏至配饗

方澤三年孟春上辛日配饗

大饗殿從之○定朝鮮貿易之制諭朝鮮歸順我朝恪守藩封之職累世恭謹向來八旗臺站官兵於每年二八月間攜帶貨物前往中江與朝鮮貿易朕思旗人等俱有看守巡查之責原無賾貿易且亦不諳貿易之事遠人

到邊恐致稽遲守候多有未便嗣後著內地商民與朝鮮國人貿易即令中江稅官實力稽查務須均平交易毋得勒措滋擾以示朕加惠遠人之至意該部并將此傳諭朝鮮國王知之○吏部等部議覆調任山東巡撫岳濬疏言沂州已改府治所有舊設之兗州府沂邳海賴同知應改為沂州府沂邳海賴同知管轄七屬水利仍兼管禹王臺竹絡石壩工程並海賴捕務其新設之鹽捕通判移駐蘭山縣向城地方舊設之向城巡檢移駐蘭山縣青駝寺地方並各添建衙署應如所請從之○戶部奏乾隆二年分蒙古王以下扎薩克頭等侍衛台吉以上正俸銀兩應照例給與其恩加一倍之俸及尋常頭等台吉等應否賞給伏候欽定得旨著加恩賞給○兵部議覆江南總督趙宏恩疏言江北廬鳳賴毫六泗一帶地廣兵微不敷調撥壽春六安等營向歸狼山總兵統轄寫遠難以控制應

將壽春營副將改設總兵標下分中左右三營每營設遊擊一員守備一員千總二員把總四員兵六百名其原設中軍都司改為中軍遊擊兼管中營及城守事務添左右營遊擊各一員均駐壽州中營添守備一員專防城池關廂原有左軍守備改為左營守備仍駐宿州右軍守備改為右營守備仍駐鳳郡原有千總三員把總六員再添千總三員把總六員分防各汛以千把為專汛遊擊為兼轄壽春總兵為總轄所設兵丁除現有一千四百十五名再添三百八十五名以足一千八百名之數其六安廬州兩營撥歸壽春鎮轄六安營原防無為巢縣二汛應改歸廬州營轄至亳州營都司所轄之潁州一汛向係把總分防今潁州既改府治把總難資彈壓應添設千總一員令其同原防把總駐劄潁州府防守汛務仍聽亳州營都司轄添建衙署營房均應如所請從之○引見打牲處佐

領員缺得旨錦格諾著補授打牲處佐領該將軍博第保送佐領之防禦六格人甚平常不勝佐領之任似此等人如何保送來京是以朕將擬陪之錦格諾補用博第著嚴飭行再各將軍保送人員如防禦驍騎校等缺無甚辦理之事所管之人亦少將俸深年老之員保送尚可若協領佐領等缺事繁人衆倘放才不勝任之人又焉能克稱厥職乎嗣後各省將軍等如協領佐領缺必擇能辦事能管人之員保送若似博第所送才具平常不能稱職之人朕必將該將軍副都統等以保舉不實例治罪將此曉諭各省將軍等一體遵行○添設翰林院滿講官二員從侍講學士喀爾欽請也○召歸化城副都統那蘭保來京以原任成都副都統敦巴為歸化城副都統○議敘西北兩路撤回之京城滿洲蒙古漢軍察哈爾奉天寧古塔黑龍江右衛呼倫貝爾等處未經打仗弁兵及東三省存留

官兵或從前出征或在軍効力分別勞績將列為一等者官三百六十一員兵一千二百一十五名各依應陞之缺補用列為二等者官二百四十八員兵一萬二千三百一名開檔兵一百四十八名照從前議敘三等官兵之例註冊其一等之開檔兵三十九名各加賞銀五兩○丁卯定鶴峯州長樂縣糧額諭總理事務王大臣湖北鶴峯州長樂縣原係容美土司地方每年徵秋糧銀九十六兩自前年改土歸流經該督撫題明俟設立州縣後確查成熟田畝照內地科則輸糧今鶴峯州成熟田地共六百五十四頃應科條餉銀四百七十九兩長樂縣成熟田地一百八十三頃應科條餉銀一百六十七兩朕查雍正八年湖南永順等土司改土歸流之時蒙我皇考念其地瘠民貧將土民承種成熟地畝應納錢糧即照原額秋糧二百八十兩之數分則陞科仍寬免一年在案今容美事同一例

且聞彼地山田犖确。土瘠水寒。物產涼薄。若照內地科則徵糧。土民不無拮据。著將鶴峯長樂二州縣現報成熟田地。亦照容美之例。即以原徵秋糧銀九十六兩之數。作為定額。於乾隆丁巳年為始。造冊徵收。嗣後若有招徠勸墾荒地。再行奏報。酌量陞科。至於裁改土司以後。未經查丈以前。雍正十二十三等年。及乾隆元年。共應徵秋糧銀二百八十八兩。悉著寬免。不必補徵。以示朕愛養土民之至意。○戶部議覆大學士管浙江總督巡撫事嵇曾筠疏言嘉興府之角里街柴場灣。台州府之關嶺青溪溫州府之雙溪處州府之青田碧湖太平均溪安仁小梅住溪皂口等處。皆地非市鎮。稽察難周。所有落地稅請概予豁免。應如所請。從之。○予故禮部左侍郎胡煦祭一次。寧古塔將軍常德祭葬如例。○賞給陣亡鑲黃旗滿洲三等侍衛烏爾察圖鑲白旗滿洲佐領烏林太。鑲紅旗蒙古理藩

院員外郎阿里馬。奉天正黃旗防禦委署叅領博爾屯。鑲白旗佐領委署前鋒翼長伊什驍騎校委署叅領靈官保。正藍旗驍騎校委署叅領黃成。鑲藍旗驍騎校委署防禦常保。寧古塔鑲黃旗驍騎校委署防禦趙塔。正黃旗佐領委署叅領蘇爾都。驍騎校委署防禦阿起。鑲白旗佐領委署叅領米三。正紅旗防禦委署前鋒叅領察爾都。鑲紅旗防禦委署叅領拜音布。正藍旗協領委署營總那六。驍騎校委署防禦查虎。鑲藍旗驍騎校委署叅領禪布。驍騎校委署防禦分德沈。寧夏鑲白旗驍騎校委署叅領七十三。黑龍江正黃旗佐領委署前鋒叅領拖勒。正白旗三等侍衛委署前鋒叅領雙伯。正紅旗驍騎校委署叅領興保。祭葬銀兩如例。○旌表守正捐軀之福建龍溪縣民楊永基妻李氏。○戊辰

上詣

皇太后宮問安。○諭總理事務王大臣。明年二

月二十二日。朕親送。

孝敬憲皇后梓宮前往。

泰陵前已頒發諭旨。今因禮部奏進儀注。欽奉。

皇太后懿旨。屆期亦欲親送。朕思奉移。

梓宮之日。距安奉地宮之期尚遠。

皇太后慈輿。可以遲數日啟行。少節勞勩。再三。

奏懇。不蒙。

俞允。又降。

懿旨。

孝敬憲皇后梓宮奉移大事。若不親送。於禮未。

盡。於心不安。欽此。傳諭總理事務王大臣禮。

部工部內務府。將一切儀注。及途次行走事。

宜一併詳議具奏。尋議。

梓宮奉移時。

皇太后於旁奠酒三爵。啟行後。由御路隨行至。

陵之日。先恭謁。

世宗憲皇帝几筵。俟。

梓宮奉安畢。詣。

殿內祭酒三爵。回行宮。允行。○兵部議覆。河東。

河道總督白鍾山疏言。東省黃運兩河。向設。

千把總八員。河兵六百名。但無守備管轄。約。

束。猝遇險工。恐致貽誤。請添設河營守備一。

員。聽山東管河道管轄。又請於豫省南岸。及。

東省黃河各工。豫貯防險銀兩。豫省司庫支。

銀一萬兩。分貯歸德府。鄭州。武陟。封邱縣庫。

東省司庫支銀三千兩。分貯曹單縣庫。以資。

購料搶護。應如所請。從之。○又議准。福州將。

軍阿爾賽疏言。駐防福州水師旗營。佐領。防。

禦驍騎校等官。照乍浦水師營之例。分別賞。

給馬匹。從之。○旌表守正捐軀之福建安溪。

縣民林天郎女林氏。○己巳。諭總理事務王。

大臣。朕前降旨。明年元旦。停止升殿受朝。

皇太后前照常行禮。今奏聞。

皇太后蒙降。

懿旨。明年元旦。尚在二十七月之內。皇帝既不。

受朝。其王大臣等赴慈寧宮行禮之處。亦著。

停止。○戶部議覆署湖廣總督史貽直疏言四川建始縣改隸湖北例銷淮南引鹽相距漢鎮水陸二千餘里。淮商成本及水商腳價每鹽一觔需銀六七分不等。而相離雲陽縣鹽場地近價廉。照舊行銷川鹽商民兩便。應如所請從之。○免陝西府谷神木二縣雹災。本年額賦有差。○議敘軍前効力。列為一等之侍讀學士職掌理藩院員外郎五十九。戶部主事佛保大理寺寺正來成德。充中書職掌翰林院八品筆帖式高偉理藩院員外郎黑色僧保筆帖式常明柱。驍騎校索鼎各依本身之銜遇缺陞用。其列為二等之主事伊昌阿筆帖式賽音察克等及領催供事人員分別紀錄陞賞有差。○庚午諭總理事務王大臣歸化城駐防兵丁於明春即當遣往。但正在辦理城工兵丁尚無住房。若俟一切完竣後始行遣往駐防未免較遲。著先將兵丁住房修理俟遣往駐防後再行修理城工。○

吏部議准盛京兵部侍郎永福疏言盛京筆帖式九十二缺應每旗分定十一缺。照京城例八缺作為繙譯三缺作為清字其餘四缺亦作繙譯分給左右翼各二缺挨次補用從之。○敘雍正十年平臺灣北路逆番功給陣亡把總張春卹銀一百兩廕子弟一人以外委把總拔補立功身故之副將祁進忠遊擊李科鄭良達金越守備王世琳蔡斌陳鉞江武千總楊志才章廷祺洪貴藍宏沛把總林正春葉龍宋顯臣鄭仁巡檢錢得位外委劉鑑郭天一楊茂功加林志並廕一子監生入祀忠義祠陣亡功加兵丁宋榮劉魁才照陣亡外委例賞卹又陣亡傷亡飄沒身故之兵丁楊雄等一百三十六名陣亡受傷義民壯丁通事黃啟熙等共五十九名受傷兵丁王順等一百五十二名得功義民壯丁林尚隆等五百五十四名病故兵丁徐才等一百四十一名分別賞卹其餘在軍文武官員各以

軍功加級紀錄陞用有差。○辛未。

上詣

皇太后宮問安。○禮部議覆廣東巡撫楊永斌疏言暹羅國王遣使朗三立哇提等齎表入貢。其副貢一船。照例先遣回國。今該國王因副貢船逾期未到。復令楊石等駕船來粵探貢。并帶有檳榔蘇木等項壓艙貨物。查節次探貢船來。均有補進方物。是以壓艙貨物免稅。今並無帶進方物。其雜貨應否免稅。及探貢船內梢目水手應否支給口糧等語。該國王以貢使未回。引領待命。復令人航海遠來。情屬恭順。所有貨物。應停徵稅。梢目水手照例支給口糧。從之。○工部議覆直隸河道總督劉勦疏陳河務四條。一。永定河搶築工程。應照豫省黃河之例。令該道於南北兩岸。除歲修之外。豫備購料銀各三千兩。一。河兵積土。應照南河例。每二名。月積土十五方。如不足數。將該管廳汛員弁叅處。一。直隸運河。并

永定河臨河州縣。應照豫東江南之例。於現任州縣內揀選熟悉河務之員調補。如無可調於河工品級相當各官內揀選才守兼優之員題補。如現任沿河州縣有明晰河務者。題補河務廳員。俱照例送部引見。一。永定河南北運河千把。應照南河武職之例。各給坐糧四分。以資養贍。並應如所請。從之。○河道總督高斌等遵旨議以南河副總河移駐徐州府。應建衙署。查明辦理。遇有兩河會商事宜。令與南北河臣公同勘議。其毛城鋪減水閘壩。該副總河就近督率徐屬廳營。按時啟閉。南河各工險汛繁多。仍令往來查看。遇有應修應築處所。公商辦理。下部議行。○賑山西朔州等四州縣被雹災民。蠲緩本年分額賦有差。○士申。

上詣

皇太后宮問安。○敘平準噶爾功。予在克爾森齊牢額爾得尼招。二處打仗之喀爾喀頭等

副台吉古木布車凌。扎薩克頭等台吉諾爾布扎布。俱晉封為輔國公。喀爾喀二等台吉喇嘛扎布等十人。俱授為頭等台吉。三等台吉扎木巴喇等二人。四等台吉烏爾瑚瑪等六人。俱陞一等。並分別賞給緞疋。管旗章京阿哩魯克善等三人。俱賞給騎都尉。副都統德勒格爾等七人。俱賞給雲騎尉。叅領以下官三十二人。分別賞銀有差。其或在克爾森齊牢或在額爾得尼招。一處打仗之巴林多羅郡王桑里達喀爾喀多羅貝勒旺扎勒輔國公巴木丕勒多爾濟策凌旺布扎薩克頭等台吉旺布齊巴克扎布。旺扎勒。巴朗車凌旺舒克。達什丕勒彭素克。拉布坦。旺布多爾濟。車布登音達博第。特克什。又頭等台吉鄂齊爾等三人。協辦旗務台吉拉素隆多爾濟等九人。三等台吉車木丕勒等二百三十二人。分別賞緞有差。管旗章京車布登等四十人。委署營總叅領以下一百九十六員。分別

賞銀有差。其前進勦賊受傷兵一千四百九十名。俱分別賞給銀兩。○癸酉。戶部議覆河南巡撫富德等疏言。東省之曹單二縣。河南之考城等三縣。所有隔河遙轄之地。前准河督王士俊疏請撥歸附近各縣管轄。茲據兩省民人。以改撥不便。呈請查勘屬實。請仍照舊。應如所請。從之。○兵部遵旨議覆。自山海關至殺虎口。保德州。並古北。宣化。大同。所屬地方。均係沿邊要地。副叅遊都守等官。以三分留與綠旗補用。七分給與旗員對品補用。又河屯營副將標下千總一員。把總二員。並分防喀喇河屯。龍鬚門。波羅樹。森吉圖各千總。大店子。馬圈子。喇嘛洞。虎什哈。了頭溝。二溝。中六溝。八溝營。左右司各把總。歸八旗補用。其餘千總。仍照舊悉歸河屯營。及內地沿邊弁兵內拔補。得旨。此分定之缺。今暫不必開。遇有缺出。再行補用。夫所以間用旗員者。原以伊等弓馬嫻熟。用資防禦。伊等抵任後。

當循營伍規矩。倘以身係滿洲。遂與上司抗違。不遵營規。不善訓練。或妄干民間之事。朕即將伊等從重治罪。並停揀發補用。著將此旨傳諭直隸總督提督總兵等知之。○河東河道總督白鍾山疏言。河標兵駐劄濟寧。為南北水陸通衢。居民繁庶。家鮮蓋藏。每至青黃不接之時。米價必昂。州民尚有常平捐積等穀。可以接濟。營兵並無儲積。不得不稱貸貴糴。迨銀餉到手。加利償還。未免拮据。請照廣東鎮臣黃錫申奏定。營倉積穀濟兵之例。於河標生息銀內。支買穀四千石。設倉存貯。責令城守營都司經管。河標副將盤查稽察。下部議行。○緩徵江蘇蕭縣。陽山。二縣。本年分水災額賦。○免兩淮莞瀆等三場水災竈戶。雍正十三年分額徵有差。○安徽巡撫趙國麟疏報。廬州等三府屬。雍正十三年分。開墾水田一頃八十七畝有奇。旱田二十三頃四十四畝有奇。又雍正十二年分。開墾折實

上地五頃六十九畝有奇。○甲戌

上詣

奉先殿行禮。○詣

闕帝廟。

火神廟行禮。○詣

皇太后宮問安。○諭總理事務王大臣。朕聞淮南引鹽。自鹽場捆重。由淮揚一帶河路運至儀所。掣擎方赴江廣口岸分銷。今淮揚運河。於來歲糧船回空後。築壩挑濬。約計半年之期。鹽船不能行走。民食所關。必須先事綢繆。豫為捆重。運至儀所。以便源源運往。口岸免致缺乏。按月計額。計得豫運鹽七十萬引。但商人行鹽。原係陸續完課。以次轉輸。今既豫運七十萬之引鹽。即須早完七十萬引之正雜錢糧。商力未免竭蹶。查鹽務正雜錢糧。商人向分三次完納。首先完銀。謂之請單。其次完銀。謂之呈綱。最後完銀。謂之加勑。此舊例也。今朕寬緩其期。將此豫運之引鹽。所有請

單呈綱。兩次應納錢糧。准於加觔時一併完納。俾商力寬舒。得以從容辦課。至淮北引鹽。亦由運河經過。所有豫運鹽觔十萬餘引。亦照此例行。著該鹽政。遵照諭旨辦理。並通行曉諭衆商知之。○戶部議覆倉場侍郎宗室塞爾赫等疏言。口外東西兩河旗地。舊照現定科則徵糧。旗人未免不敷養贍。又居住遠近不一。每屆完糧之期。馱載維艱。此項旗人地畝。原以口內熟地。退換開荒。應請分別等

次酌減糧則。並照察哈爾西四旗之例。改徵銀兩。上則每畝納銀一分四厘。中則以二畝折上地一畝。下則以二畝折中地一畝。庶旗人於輸納之外。養贍寬裕。並即歸該同知通判。按地編徵。解交藩庫。無庸熱河總管經理。應如所請。又蒙古達拉圖等地畝。亦應一體輸銀。但與熟地退換荒地者有別。應令照察哈爾例。每畝徵銀一分四釐。從之。○江南河道總督高斌等疏言。遵旨議濬毛城鋪閘內。

洪溝。巴河。將溝。崖河。并祝家口。潘家口。宿州境內之灰谷堆燕子口。孟山湖。雙宅子。利仁閘。烏鴉嶺。謝家溝等處。約需銀二十萬兩。俟今冬水涸之日興工。下部議行。○以通政使司左通政登柱為太僕寺卿。○以故四川雜谷安撫司班第爾吉之子蒼旺。中渣壩沱土百戶楊瑪齊立之子呷喀齊立襲職。○四川巡撫楊畝疏報。黃郎所苗民。雍正十一年分開墾田地十頃四畝有奇。

大清高宗法天隆運至誠先覺體元立極敷文奮武孝慈神聖純皇帝實錄卷之三十二

大清高宗法天隆運至誠先覺體元立極敷文
奮武孝慈神聖純皇帝實錄卷之三十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅大學士大學士文淵閣領閣事稽察欽奉 上諭事件處管理刑部戶部二庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆元年丙辰十二月乙亥諭總理事務王

大臣從前馬蘭泰等帶兵駐劄鄂爾倭羅
地方時並不嚴行管束兵丁留心牧養馬匹
以致多有損傷此項倒斃馬匹著落帶兵之
馬蘭泰等七人分賠昨據戶部查奏軍需錢
糧虧缺案內朕曾降旨將馬蘭泰等七人應
賠馬價毋庸豁免但念副都統綽爾多富達
禮出征多年自抵大營以來約束兵丁尚屬
奮勉著加恩將綽爾多富達禮名下分賠馬
價全行豁免○戶部議覆署川陝總督兼甘

肅巡撫劉於義疏言甘省官茶壅滯請改徵
折色並將陳茶變價俟銷至八分再行酌議
應如所請從之○雲南總督尹繼善疏言遵
旨議減鹽課銀一萬四千三百兩有奇及曲
靖昆陽過稅下部議行○以鎮海將軍標中
軍副將杜凱為廣西左江鎮總兵官○丁丑
上御乾清門聽政○詣

皇太后宮問安○吏部議覆內閣侍讀學士德
通奏滿洲官員由別衙門陞授翰詹等官者
向仍兼原衙門行走但以堂官兼理司務體
制未協等語應酌令翰林院講讀學士詹事
府少詹事庶子國子監司業等官各回陞任
其由員外郎陞侍讀侍講諭德洗馬由主事
陞中允由小京官陞贊善者品級不甚懸殊
仍兼兩處行走如侍讀等官兼主事中允兼
小京官品秩已逾二級亦照例開缺從之○
又議覆雲南巡撫張允隨疏言直省司道以
下各官延請幕賓人數衆多今既定保薦之

例其中不無奔競鑽營及買名頂替等弊。應請將幕賓六年期滿無過者。俱送督撫考試。分別予以先用。及職銜頂帶。如有保送頂替及冒名頂替之人。定議分別治罪。應如所請。嗣後直省司道以下各官幕賓。除緣事黜革及執掌書算內號瑣事人等與本官子弟親屬來署幫辦者。槩不准其申送外。其實在延請管理刑名錢穀之幕賓。自申報存案之日。計算六年期滿。該員任內並無叅罰事故。果能深信其有為有守才識兼優。平日實無公私過犯者。再行出具確實印結。申送督撫。倘所延幕賓未能深信。亦准報明督撫。停其申送。該督撫將申送之幕賓。詳加驗看。秉公考試。其或文理欠優。才具平常者。應即駁回。毋庸咨報。如果文理優通。熟諳吏治。才具確有可用。方准據實保題。將考試原卷一併送部。俟直省彙齊之日。臣部照考職之例。請旨派員校閱試卷。分別等第。給與職銜。分班選用。

其原有職銜者。酌量予以先用。其年老不能出仕者。加以頂帶榮身。如其中有文理荒謬。不諳律例者。將濫行申送之原保官。照徇情例。降二級調用。保題之督撫。照含糊具題例。降一級留任。更或有假名頂冒。及出身不明。不好之人。或經臣部查出。或被旁人首告。將原保送假名頂替之原保官。照頂冒出結例。革職。保送出身不明及不好之人。原保官照濫舉匪人例。降二級調用。保題之督撫。照失於查察例。罰俸一年。本人交送刑部治罪。再考定各員出仕之後。除因公降革輕罪不議外。其或有以貪婪題咨革職者。將原保之官。亦照濫舉匪人例。降二級調用。并保題之督撫。亦照失於查察例。罰俸一年。從之。○戶部議覆署蘇州巡撫趙宏恩疏言。沛縣昭陽湖水沈田地二千一百六十八頃七十八畝。有奇。請蠲除額徵。應如所請。從之。○蠲緩安慶泗州衛屯田。長蘆慶雲縣竈地。本年分水災。

額賦有差。○以侍講學士陳惠華充日講起居注官。○以顏清如實授湖廣提督。○賜故禮部尚書原任蘇州巡撫張伯行入祀蘇州名宦祠。大學士蔣廷錫入祀蘇州鄉賢祠。○旌表守正捐軀之浙江長興縣民邵其秀媳蔡氏。○戊寅。總理事務王大臣遵旨議覆。果親王等各疏內。留戍兵丁奉天寧古塔黑龍江五千人。並三年當代。但此處兵丁皆熟練戎行。若盡易新兵。恐未練習。請於明年先更代二千五百人。又明年再更代二千五百人。其慶復請撥呼倫貝爾索倫兵。海望請撥索倫巴爾虎及內扎薩克與牛馬羣察哈爾兵之處。臣等詳悉參酌。明年換班時。應撥察哈爾兵一千五百。以在京副都統一人率之。撥呼倫貝爾索倫兵一千。以黑龍江副都統一人率之。往代。又明年選東三省兵二千。馬羣兵五百。往代。如此。則新舊相間。勞逸既均。而防戍兵亦皆精練。又平郡王奏防秋兵三千

人。喀爾喀七旗中。獨扎薩克圖汗部落在拜達里克西南駐牧。正鄂爾昆之屏藩。當令於附近駐防。若撥往鄂爾昆。名為進守。反失其外障。實屬未便。且鄂爾昆即有徵調。相去甚近。無難立至。應如所請。令額駙策凌辦理。又平郡王慶復。並稱內地扎薩克沿磧南而居。與喀爾喀接壤。亦當令發兵防秋。與喀爾喀互相應接。應如所請。令內扎薩克等每歲量撥兵二三千人防秋。又果親王請豫令內扎薩克等各以撥兵豫備之數。及率兵之王台吉等名次。某處兵由某路進。悉行定議造冊報部。亦應如所請辦理。又平郡王請東三省及喀爾喀兵。每年於青草發生時。令向西北數百里外。伊克達巴罕烏蘭達巴罕齊老圖等處牧放。至秋還營。此議自屬可行。又歸化城防兵所需馬匹。前以平郡王奏請蒙古兵現存馬匹。令於中途牧放備用。臣等議如所請。歸化城倘或需馬。可即以此刻期取用。又

戍兵口糧。必當充裕。屯田最要。鄂爾昆地界寬廣。大可耕種。若撥兵三千人。人各種二十五畝。計可墾田七百五十頃。以畝收五六斗計算。可得數萬餘石。少亦二三萬石。現在軍營所貯。尚支數年之用。至數年後所需。自當豫計。平郡王慶復所奏相同。請交軍營將軍。叅贊大臣等詳悉辦理。從之。○吏部議覆。御史觀音保疏。陳科道等官。應遵副都御史索柱奏定之例。不兼部務。又各館繙譯謄錄人員。並奏請欽派大臣。在內廷考試。應如所請。從之。○戶部議覆直隸總督李衛疏言。懷來縣呂家灣等處。墾荒軍地。遵旨委員查勘。或有糧無地。或糧存人亡。以及水衝沙壓。並沙石不堪耕種者。共地九頃六畝有奇。請豁除額賦。又水泉莊等處。地六十二頃七十一畝有奇。地皆沙瘠。止供樵採。舊額每畝徵糧一斗二升。實為過重。請減照懷來縣下地銀糧科則徵收。應如所請。從之。○以翰林院編修

佟保。詹事府詹事覺羅吳拜。充日講起居注官。○以佟善實授寧夏右翼副都統。○以故騎都尉夏坤之弟原襲三等子夏冕。歸併授為一等子。○賞給和通呼爾哈陣亡之二等侍衛原襲雲騎尉杜斯噶爾。世襲騎都尉。護軍校署叅領色楞驍騎校八十一。護軍校署間散章京胡拉。世襲雲騎尉。並祭葬如例。○叙西北兩路軍功。予効力超越。列為一等之病故把總李大用。平常効力。列為二等之病故叅將于得祿。游擊柳汁甲。都司李增毓。千總馬顯。把總曹國鼎。聶寬。王林。各廕一子監生。其直隸。山東。山西。河南。陝西。四川。等省。列為一等之効力官。韓良卿等一百一十一員。兵六百五十六名。並以應陞之缺陞用。兵丁每名賞銀五兩。二等官李質粹等四百六十四員。各紀錄二次。兵一萬八千九百一十一名。每名賞銀一兩。未曾効力三等官張玉文等九十員。兵一萬一千三十名。將行走之處註

冊○又敘平臺灣南路奸匪功。予立功身故之遊擊黃曉千總熊銓。把總陳天用。外委把總楊茂功。均廕一子監生。其一等軍功之現任副將侯元勳等七員。部冊有名外委隨征官鍾永量等二員。二等軍功之遊擊王臣等四員。部冊有名外委隨征官林高等六員。三等軍功之都司林君卿等七員。部冊有名外委隨征官歐忿等七員。各以軍功分別加等紀錄。部冊無名外委王守乾等十員。照初次立功例註冊。其有功兵丁四百名義民人等一千二百七十五名。各賞賚有差。○奉天府尹宋筠疏報。承德等十一州縣。雍正十三年分開墾地畝。並莊頭退出園地。共二萬八千四百一十畝有奇。○湖南巡撫高其倬疏報。祁陽等三州縣。雍正十一年分開墾田地五頃四十七畝有奇。於六年後升科。○己卯。

上詣
皇太后宮問安。○壬午。

上詣

壽皇殿行禮。○詣

皇太后宮問安。○癸未。兩廣總督鄂彌達奏。廣東右翼鎮總兵官李維揚。不勝封疆重任。得旨著解任送部引見。○以兩廣督標中軍副將王濤。為廣東右翼鎮總兵官。○以故一等子常在之子拜凌阿。二等子巴雅思呼朗之姪白玉襲爵。○甲申。

孝莊文皇后忌辰。遣官祭

昭西陵。○以歲暮遣官祭

世宗憲皇帝。○

上詣

皇太后宮問安。○諭總理事務王大臣。開濬毛城鋪引河情形。據淮揚本籍京員公奏一摺。又廣東學政王安國條奏一摺。俱著發與河道總督高斌。會同總督趙宏恩。巡撫邵基。悉心籌畫。此事關係重大。伊等不可固執已見。亦不可曲徇人言。務期於運道民生。萬全無

弊。可垂久遠。○總理事務王大臣奏遵旨議以八旗入官地畝九千五十餘頃。立為公產。令八旗都統於叅佐領內揀員經營。召種取租。每年將所取租息報明戶部。又入官房屋八千三百餘間。准人認買。其未認買之前。亦由各該處取租。以此分給旗人之貧乏者。使得各立產業。以資養贍。從之。○命大學士徐本充

實錄館總裁。詹事李紱充三禮館副總裁。○乙酉。以緣事削黜三等伯圖祿之子恒義。故二等男

德克精格之弟明亮襲爵。○是日起

上以歲暮裕祭

太廟齋戒三日。○丁亥。以歲暮裕祭遣官祭

太廟中殿。

後殿。○諭總理事務王大臣。據貴州總督張廣泗奏稱貴州台拱鎮改移鎮遠府衝要之地。以資彈壓。事經改創。必需才猷敏練之員。方能勝任。查有銅仁協副將已陞雲南永北鎮總兵劉永貴。為人練達老成。明白持重。於雍正十年內蒙

世宗憲皇帝諭旨。將伊陞授永北總兵。仍辦理銅仁協副將事務。俟諸事就緒。再奏聞。前赴新任。今苗疆軍務已竣。若將劉永貴調補鎮遠總兵。於地方實有裨益。其所遺永北鎮總兵員缺。所轄兵僅止千餘名。一切營伍地方事務。俱有成例可循。查現署台拱鎮之副將紀龍。為人質實。屢經擊退賊苗。亦著勞績。若即令其前往雲南。署理永北鎮印務。就近令督臣尹繼善試看。如果勝任。再行題請實授。則兩地均可收得人之效。等語。著照張廣泗所請。劉永貴調補鎮遠總兵官。紀龍著署理永北鎮印務。令尹繼善留心試看。○又諭湖廣襄陽鎮總兵官焦應林。四川署川北鎮總兵官王廷詔。四川署督標副將壽長等三員。俱領兵征勦黔苗。沾染時氣。卒於軍前。深可憫惻。查焦應林總兵任內。躬逢恩詔。例得總兵封典恩蔭。因伊稽滯軍營。未曾請領。著該部行文本籍。照例賞給。王廷詔係遊擊。署理

總兵壽長係參將署理副將例不應得恩蔭著格外加恩照署任職銜賞給廕生其封典亦照署銜給與以示朕優恤勞員之至意○總理事務王大臣議覆山西巡撫覺羅石麟疏言晉省口外附近寧朔衛之劉家窰等十四村居民有墾熟地四百餘頃因在察哈爾鑲藍旗界內前經賞給右衛駐防兵丁民人皆向旗兵交租於雍正十三年察哈爾總管廣錫又請給還蒙古游牧令居民於收穫後遷居民情甚為戀戀查劉家窰等村民人建屋而居耕田而食已二十餘年一旦令其移徙則謀生託足皆致失所且蒙古向年以來並不藉此遊牧莫若照豐川衛之例令寧朔衛守備會同該總管將此民地查明畝數仍准居住耕種照例交租散給應得地畝之蒙古等收領應如所請從之○以建威將軍岱林布為江寧將軍軍營參贊大臣王常為建威將軍鑲藍旗滿洲副都統雅爾圖為參贊

大臣錫勒瑞為鑲藍旗滿洲副都統○戊子裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵○遣官祭

孝敬憲皇后○遣官祭

太歲之神○

上詣

皇太后宮問安○已丑

上詣

皇太后宮問安○是月署湖廣總督史貽直奏

署提臣顏清如口傳諭旨命臣等辦理算頭

山獠人一案。現在設法布置。務期擒獲盜首。酌寬夥犯。開其自新之路。渙其脅從之徒。不敢仿效。貴州辦理得旨。此事全在爾等督撫。詳籌料理。務期妥協。固不可煩擾滋事。亦不可苟且完局。必使頑苗知有國法可畏。恩德可歸。然後為苗疆永久寧謐之道。顏清如所傳朕旨。止記一邊矣。○兩廣總督鄂彌達奏。辦理苗疆軍務。有明晰幹練。屢著勞績之廣南韶連道馮元方。桂林府知府楊廷璋。大官田同知李毓元。及土田州知州岑應祺。相應據實奏聞。得旨。知道了。似此出力。而且明練之員。卿省有應陞之缺。即當題補。以獎勞員。或於例不合。摺奏前來。亦可。至於土官。更宜酌加獎賞。以勵其餘。○又奏報高雷廉瓊四府米價漸長。已將三水縣倉穀。由海運往。並將高雷二屬代瓊山縣買備監穀三萬石。截留平糶。得旨。昨據譚行義奏報米價已至漸長。青黃不接之時。甚有可虞。卿其盡心料理。

毋致小民乏食。○山東巡撫法敏奏。到任後已行事宜。一。嚴禁紳衿抗糧。一。密拏邪教黨與。一。命案並無別傷。審係自盡身故。律得免罪者。即行省釋。使訛詐者知不能拖累。自盡者知例無抵償。刁風可以漸息。一。申嚴打降之禁。一。稽察防汛之兵。使居住營房。以聯聲勢。一。查禁窩娼賭博。以清盜源。得旨。凡外省督撫。以至藩臬司道。數年以來。誰不摺奏。誰不各出己見。要之於到任時。皆有一番經濟。而日久則懈焉。汝切不可出此。汝摺中所奏。朕亦不敢全信。要之日久。行與朕看。○又奏報得雪日期。得旨。來歲豐稔。今歲如何。預定得。只可盡人事。以俟天眷。不可恃歲功。而忽治理。○廣西按察使黃士傑奏言。南寧太平慶遠思恩鎮安等府。所屬土司共四十五員。向因土官例不給俸。又無養廉。所以各司舊有田例之名。即係按田取租。其租銀較民田加重。又有租外各項科

派土民剝削難堪以致往往滋事請將廣西各土司俱照流官之例給與養廉將其所收田例對半折減並禁革雜派名色得旨此事頗有關係不可冒昧舉行汝寄與督臣傳朕旨聽其酌議○是年旌表孝子直隸等省萬物育等二十人孝義河南馬國正等三人孝婦浙江孟氏一口守節合例八旗滿洲法僧妻納喇氏等二百八十五口蒙古敦住克妻龔氏等七十九口漢軍蘭佳遇繼妻周氏等二百八口直隸等省吳曰仁妻駱氏等九百九十九口夫亡殉節直隸等省張崇鼎妻孫氏等五口未婚守志鑲黃旗漢軍鄧其璋聘妻吳氏等五口江蘇等省徐曾詢聘妻朱氏等二十口義民河南王攜等三名百歲壽民婦安徽等省李元甫等六十三名口各給銀建坊如例○一產三男胡在梁等一十三家

大清高宗法天隆運至誠先覺體元立極敷文奮武孝慈神聖純皇帝實錄卷之三十三

大清高宗法天隆運至誠先覺體元立極敷文奮武孝慈神聖純皇帝實錄卷之三十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳春正月庚寅朔

實錄卷三十四

上詣

奉先殿行禮○詣

堂子行禮○詣

壽康宮問

皇太后安遵

懿旨停止諸王大臣行慶賀禮○詣

大高殿

壽皇殿行禮○遣官祭

太廟後殿○辛卯

上詣

皇太后宮問安○壬辰是日起

上以孟春享

太廟齋戒三日○癸巳給浙江佐雜官養廉諭

總理事務王大臣向來江浙等省佐雜微員

未曾議給養廉朕因江南地方事務頗繁差

遣絡繹已於上年特頒諭旨賞給養廉以資

其食用今思浙省事務差遣亦屬繁多微員

等俸少力薄所當一體加恩者著大學士嵇

實錄卷三十四

曾筠將應給各官查照江南之例從乾隆二

年為始賞給養廉之項俾伊等不至匱乏其

銀數若干並應動何項銀兩亦著大學士嵇

曾筠定議奏聞○減山西太谷等十州縣屯

糧科則諭曰各省屯糧科則輕重不一朕聞

山西所屬太谷祁縣徐溝清源交城朔州馬

邑左雲右玉偏關等十州縣之屯糧有較之

民田過重者有同一屯地而徵糧之本折多

寡不同者有同一科則而額糧之重輕相去

懸殊者念此屯民皆吾赤子若地瘠糧重未免輸納維艱著該撫石麟轉飭各州縣有司秉公確查各就原額糧則之重者酌量裁減具題請旨俾輕重各得其宜輸糧不致竭蹶以示朕愛養屯民之至意○甲午減臺灣番餉及澎湖淡水兩廳丁銀諭總理事務王大臣向來臺灣丁銀重於內地朕已加恩仿照內地之例酌中減則每丁徵銀二錢以紓民力今聞臺地番黎大小計九十六社有每年

平糶本二四

三

輸納之項名曰番餉按丁徵收有多至二兩一兩有餘及五六錢不等者朕思民番皆吾赤子原無歧視所輸番餉即百姓之丁銀也著照民丁之例每丁徵銀二錢其餘悉行裁減該督撫可轉飭地方官出示曉諭實力奉行務令番民均霑實惠又聞澎湖廳淡防廳均有額編人丁每丁徵銀四錢有零從前未曾裁減亦著照臺灣四縣之例行○又諭雍正十二年以前各省未完錢糧已於恩詔內

悉行豁免查各省截留漕船有應追之銀米不在恩詔豁免之內但念旗丁近年以來尚屬急公効力其從前挂欠之項事隔數年此時責令完補未免力量艱難著漕運總督補熙詳悉查明將雍正十二年以前各省截留漕船應追行糧漕贈盤耗等項除已完外其未完者准照地丁錢糧之例一概寬免以示朕格外加恩之至意○禮部題朝鮮國王李吟遣使表賀

平糶本二四

四

萬壽冬至元旦三大節及進歲貢方物賞賚如例停止筵宴○是日立春順天府進土牛春山寶座○乙未享

太廟

上親詣行禮○詣

皇太后宮問安○遣官祭

太歲之神○丙申

世祖章皇帝忌辰遣官祭

孝陵○

上詣

奉先殿行禮○丁酉

上詣

皇太后宮問安○戊戌

上詣

大高殿行禮○是日起

上以祈穀於

上帝齋戒三日○己亥諭總理事務王大臣上

年臘月蔣溥奏稱伊父大學士蔣廷錫蒙恩

聖訓集卷三十四

五

准入鄉賢祠懇於今年正月給假回籍辦理

等語蔣溥著給假四個月前往○庚子諭總

理事務王大臣據原任江西巡撫俞兆岳奏

報乾隆元年九江贛州兩關稅課贏餘銀兩

較前任共減收九萬有餘此事現已交與該

部及新任巡撫岳濬查覈奏聞朕前因各省

關稅於正額之外每多無名之費恣意科索

苦累商民是以降旨釐剔弊端將應行減除

者概令禁止全在督撫大臣等督率司權之

聖訓集卷三十四

六

並未沾被恩澤徒飽吏胥之囊橐耳我

皇考臨御以來澄清吏治凡此等官侵吏蝕之

習久已弊絕風清今督撫諸臣如不能稽察

屬員被其朦混則庸懦無能有忝封疆之任

若或已身稍有染指則名節有虧朕一經摘

斥之後斷不復加錄用也可將此旨傳諭各

省督撫令其各行稽查深自警省若錯會朕

釐剔弊端藏富於民之意又欲多報贏餘以

致商民受困識見鄙陋其罪更不可逭矣○

命兩江總督趙宏恩來京陛見以刑部尚書
公慶復為兩江總督○調兵部尚書那蘇圖
為刑部尚書以內大臣公訥親為兵部尚書
○辛丑祈穀於

上帝

上親詣行禮○詣

皇太后宮問安○癸卯

上詣

皇太后宮問安○甲辰

實錄卷三十四

七

上詣

奉先殿

大高殿

壽皇殿行禮○詣

皇太后宮問安

大清高宗法天隆運至誠先覺體元立極敷文
奮武孝慈神聖純皇帝實錄卷之三十四

實錄卷三十四

六

大清高宗法天隆運至誠先覺體元立極敷文奮武孝慈神聖純皇帝實錄卷之三十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳正月乙巳諭總理事務王大臣

臣廣東高雷廉三府素稱產米之鄉即海南

瓊州一府每年仰食斯地官民隔海買運為

常聞今歲雨澤愆期又兼颶風一次秋成歉

薄且海南買運倍於往時雖經督撫撥運廣

州府屬倉糧前往瓊州接濟而公私採買尚

多以致米價漸昂向來每一倉石價銀七錢

上下者今則增至一兩一錢以外若至青黃

不接之時勢必更加昂貴小民謀食艱難朕

心深為軫念著該部即速行文與總督鄂彌

達令其悉心籌畫應如何通融接濟以贍足

民食之處一面辦理一面奏聞○實授楊超

曾為廣西巡撫以廣西巡撫金鉅為刑部左

侍郎○丙午

上詣

皇太后宮問安○釋原任兵部侍郎署四川巡

撫王士俊回籍為民○己酉

上詣

皇太后宮問安○庚戌諭總理事務王大臣上

年滇省有收成歉薄之州縣米價昂貴民食

艱難朕已屢次批諭該督尹繼善等悉心籌

畫賑濟貧民並撥運隣米平糶倉穀多方調

劑俾歉收地方均不致乏食諒督臣等自能

仰體朕心經理妥協登斯民於衽席今思青

黃不接之時籌畫更為緊要滇南離京甚遠

若有應行辦理之處必待具奏奉旨之後方

始舉行未免稽延時日著該部即速行文與

尹繼善等令其就近酌量將實有裨益貧民

者。一面奏聞。一面即行辦理。毋使一夫失所。
○又諭。前年黔省逆苗不法。調撥兩廣雲南
四川湖廣兵丁。會同本省兵丁。合力征剿。今
軍務已竣。地方寧謐。惟是各省及本省兵丁。
人數衆多。其中有擊賊陣亡者。有染病身故
者。此等歿於王事之人。深可憫惻。其眷屬在
家。於知照未到本營之時。多支月餉。若按本
兵亡故之日。照數扣追。則已用之項。措辦維
艱。甚非朕優卹戎行。哀矜茆獨之意。著各該
管大臣等。查明悉行豁免。其本兵名糧。若子
弟內有可以訓養成材者。即令頂補。以資養
贍。倘子弟無人。眷口無所倚賴。著該管大臣。
設法撫卹之。毋令失所。○調辦浙江海塘
工程之大理寺卿汪隆。內閣學士張坦麟。回
京。○士子。

上詣

壽皇殿行禮。○詣

皇太后宮問安。○總理事務王大臣等奏前者

臣等議。乾隆二年。撥赴北路換班兵二千五
百名。其察哈爾兵一千五百名。應遣京城副
都統一員率之。索倫達呼爾兵一千名。應遣
黑龍江副都統一員率之。其兵丁應給口糧
馬匹。請照例支給。得旨。著殷扎那圖那去。餘
依議。○癸丑。諭總理事務王大臣。朕於二月
二十二日。親送

孝敬憲皇后梓宮。奉移

泰陵。沿途一切事宜。已勅令照例辦理。朕思年

來經理

山陵大事。自京師至易州。七州縣民人。應差趨
役。勤慎可嘉。上年已蠲免地丁錢糧。使閭閻
均霑惠澤。著將乾隆二年額徵錢糧。再行豁免。
以示朕格外加恩之意。該部即行文該督。
通行曉諭知之。○又諭。此次隨往

泰陵。著莊親王。平郡王。大學士鄂爾泰。張廷玉。
公訥親。尚書海望去。大學士徐本。著留京辦
事。果親王。現有足疾。恐途間勞苦不便。至期

再加酌量。若精神健旺。即一同隨往。如身體尚弱。亦不必勉強。○命兩淮鹽政尹會一來京。陛見。○鑄給湖北協守施南府副將關防。從總督史貽直請也。○甲寅。

上詣

皇太后宮問安。○乙卯。山東布政使鄭禪寶奏請酌給窮員回籍盤費口糧。得旨。侵蝕那移錢糧之各官。既加恩免罪。得命回籍。已屬萬幸。若又給以口糧銀兩。伊等充裕回籍。將來貪官更無警戒。此奏無味。而又冒昧之至。該部嚴察議奏。○丙辰。

上詣

皇太后宮問安。○諭總理事務王大臣。在璣衡以齊七政。視雲物以驗歲功。所以審休咎。備修省。先王深致謹焉。今欽天監歷象考成一書。於節序時刻。固已推算精明。分釐不爽。而星官之術。占驗之方。則闕焉未講。但天文家言。互有疎密。非精習不能無差。海內有精曉

天文明於星象者。直省督撫。確訪試驗。術果精通。著資送來京。該部奏聞請旨。○又諭。據大學士朱軾之子朱必堦等奏稱。擇於二月十三日。扶送父櫬。由浙河歸里。大學士朱軾。樞櫬起行之前一日。著散秩大臣一員。帶領侍衛十員。前往奠酒。並於十三日。送其啓程。再令該部行文沿途地方文武官弁。在二十里以內者。俱至櫬前弔奠。並遣人護送。俾長途安穩。早抵故里。其樞櫬准入城治喪。○大學士鄂爾泰。張廷玉。議覆尚書銜徐元夢奏。稱江南貢生王文震。潛心經書。於禮記講習尤深。請將王文震賞給國子監助教職銜。遇缺題補。令在三禮館纂修上行走。專心編校。日講禮記。則日講五經俱全。可以並垂永久。應如所請。從之。○旌表守正捐軀之浙江仙居縣朱爾鴻妻張氏。○丁巳。原任通政使司右通政朱必堦。恭進其父原任大學士朱軾手註周禮二卷。得旨。著交三禮館。○戊午。戶

部議准廣西巡撫金鉅疏稱懷集縣銀鉛併出之汶塘山礦廠各壠並無砂斤題請封禁從之○是月直隸總督李衛奏安州豬龍河兩岸淤出地畝民人王希賢等爭墾不遂同誠親王府護衛庫克指稱王府名色兩次來州囑託除飭嚴審王希賢等定擬外先據實奏聞得旨卿此奏甚是如此執法秉公實是封疆大臣之度今特賜卿四團龍補褂以獎卿直此雖小事然小事不避情面可知大事

益展嘉猷矣其棍徒生事須當重處以警其餘此皆庫克輩所為王年幼不知也朕已另有處分卿不必用本題奏○江南河道總督高斌奏挑濬毛城鋪迤下河道原為蕭宿靈虹等州縣水患計安全與上下河湖宣洩機宜全無關礙臣奉到部文據晏斯盛孫茂孫王安國等連章條奏極陳利害行令會勘確議是以奉准部覆不得不暫行停止俟督撫會勘定議後再奏請旨遵行並准臣於督撫

會議後輕騎進京將身親目覩之上下河道情形開壩蓄洩機宜詳細面陳恭請聖訓得旨覽督撫會勘責成在汝況督撫皆新任豈能悉曉河務機宜耶朕因人言紛紛恐汝一時見不到若少有差池擔過不起是以發汝等再議耳看此摺是汝見得透信得及不然汝亦何苦樂為此招過之舉耶來京之請可以不必徒勞往返何益汝既不為浮言所動為淮揚百姓計安全則可以酌量為之此後再有浮言朕亦付之不採矣但汝仍當慮及萬全無貽衆人事後之譏可耳○南河副總河兼都察院副都御史德爾敏奏請於清口以裏湖水出口之處加以關鍵啓閉由人又逼近海口三十里外地方應接舊隄兩岸築隄收束水勢又雲梯關下馬家港水口應築隄堵閉又高堰大壩至小黃莊舊砌石工應拆修補葺得旨河工非經數年虛心平氣明體達用而且不用聰明不能知其源委也汝

甫到任。即為此奏。具見汝留心河務。而以為必可行。則朕不敢保也。當與高斌悉心妥議。緩緩行之。○大學士總理浙江海塘管理總督事務。兼管鹽政。嵇曾筠奏。鹽政務在便民。整頓不能瞻顧。將直隸督臣李衛寄交陳奏浙鹽摺稿畧節。逐一剖悉。得旨。知道了。李衛係向管之督臣。自不若卿今任其事之因時制宜也。總之期於卹商便民而已耳。○閩浙總督銜。管理福建事務。郝玉麟奏。閩省奏給鹽商生息銀兩。伊等趁息數倍。應照舊一分六釐起息。以資兵丁賞給。得旨。此摺甚是。原應因地制宜者。著照卿所奏行。○管理杭州南北兩關稅務蘇赫訥。具摺謝恩。得旨。知道了。管理關稅。莫過於卹商便民。國課其次耳。若不能潔已。則實為架禍之尤。○湖北巡撫鍾保奏。湖南常德府知府李元英。素性貪殘。居心奸險。得旨。知道了。有旨諭部。將李元英調補湖北。汝試看。若果有劣蹟。具本題參。○

河南巡撫富德奏。報豫省得雪一二寸。惟光州所屬四縣。尚未據報到。得旨。覽。聞光州已有逃飢者。今又復無雪。汝何以料理耶。各屬得雪。不過一二寸。即謂上召

天和。朕實不敢居。至於汝職任封圻。更不當自滿。益勉於吏治民生可耳。○山東巡撫法敏奏。登州府知府員缺。懇將現任刑部滿郎中富爾遜補授。得旨。此奏大非矣。豈有一省之大。不能得一好知府。而以滿郎中外補之理。若出於無心。則識見庸陋之極。若出於有意。則朋比為私之漸。將自此起矣。殊失朕望。○兩廣總督鄂彌達。廣東巡撫楊永斌。奏報廣東提督張溥身故。懇簡員補授。得旨。已據題到。有旨命張天駿署理。並令大學士等。傳旨與卿。令留心試看。卿看其人若稱職。密奏以聞。○鄂彌達又奏。福建臺灣北路中港生番滋擾。閩粵接壤。除密飭南澳潮州兩鎮。密為探聽。臣仍於沿海一帶。小心防範。得旨。如此。

方是封疆大臣之見。但此事已據報。盡行平復矣。○又奏報。撥運廣西柳慶二府之倉穀。交廣東三水縣接收。以補撥運瓊州之數。得旨。此事朕早已聞知。已頒諭旨。此奏畧覺遲緩矣。○又遵旨議奏。廣西右江鎮總兵潘紹周。請禁土苗祭賽宰牛一摺。實屬紛更。無庸置議。得旨。是。彼奏原屬不經之談。

大清高宗法天隆運至誠先覺體元立極敷文奮武孝慈神聖純皇帝實錄卷之三十五

大清高宗法天隆運至誠先覺體元立極敷文奮武孝慈神聖純皇帝實錄卷之三十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣茂桂
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆二年丁巳二月己未朔

上詣

皇太后宮問安○諭總理事務王大臣去年七月內準賊侵我卡倫掠去喀爾喀二人今秋宜嚴加防範現在派往換班察哈爾兵一千五百名黑龍江兵一千名令於五月初間由本處起程七月初間務到軍營著行文額駙策凌等俟換班兵到日將換回兵丁暫行留駐協力加謹防範俟過七八月緊要之時再將伊等發回今年準夷若復侵我卡倫應令

額駙策凌將明年應如何防範之處。先期定議具奏。再西路應如何豫備之處。亦行文大學士查郎阿。令其先事詳議具奏。○兵部議覆。閩浙總督銜專管福建事務郝玉麟疏請酌設鋪司。閩縣縣丞應於營前添設一鋪。安兵一名。侯官縣縣丞於大湖箸洋際上。可壠添設四鋪。安兵五名。順昌縣縣丞於仁壽洋墩。河墩添設三鋪。安兵三名。寧化縣縣丞於謀亨橋黎坊。厂前添設三鋪。安兵三名。寧德縣縣丞於八蒲。九都添設二鋪。安兵二名。南勝同知於署前及軍營二鋪。安兵四名。以敷遞送。並請將縣丞衙門鋪兵。照偏僻鋪遞。每兵每年給銀三兩六錢。南勝同知鋪兵工食。每名每年給銀七兩三錢六分。於各該縣地丁內。照數存留支給。應如所請。從之。○庚申。總理事務王大臣議覆。四川道監察御史程盛修奏請。停庶吉士保舉之例。以端始進。應如所請。從之。○又議覆。四川道監察御史程

實錄卷三十六

三

盛修奏請。停榜後額外主事之用。以杜冗濫。應如所請。從之。○又議覆。辦理歸化城事務正紅旗副都統瞻岱奏稱。歸化城有都統巡察同知。并新設本城及昆都倫七路。協理各衙門。一切公文。俱屬緊要。向未設有鋪司。請照察哈爾西四旗豐川寧朔衛所。設立鋪司之例。就道里之遠近。每處相距以三十里二十餘里為率。於村莊附近設鋪。每鋪鋪司三名。總鋪鋪司四名。共應設五十三鋪。該鋪司一百六十八名。每年每名照例給工食銀六兩。共該銀一千零八兩。即於歸化城都統衙門。每年所收牲畜記檔公項銀內支給。不必動用正項錢糧。所設鋪司。專管遞送公文。及遞解人犯。令該同知及各該協理。不時稽察。應如所請。從之。○戶部議覆。署湖廣總督史貽直疏言。武昌廠關向係武昌府同知經管。但同知一官。任事太久。交代無期。誠恐從中掩舊那新。轉成虧空。而守口家人。又得與關

實錄卷三十六

三

書巡役日久情熟勾通舞弊請照各省之例於就近道府廳員內揀選諳練之員經營毋庸專委武昌府同知仍於一年限滿具題考覈應如所請從之○兵部議准署兩廣總督廣東巡撫楊永斌疏請酌添船汛廣海寨屬上川之三洲灣下川之大擔灣各添設四檣槳船一隻將香山協撥防狐狸逕汛目兵五十名抽出三十名於廣海寨撥兵十四名共四十四名分配兩船遊巡大擔灣於廣海寨附近水汛派千總一員經管外委千總一員專防三洲灣派把總一員經管外委把總一員專防即將狐狸逕汛兵五十名改歸廣海寨充額所需配船及狐狸逕汛目兵統於廣海寨照數酌撥至香山之狐狸逕汛屬地方亦改歸廣海之都斛汛弁就近管轄並請將廣海寨屬添設四檣槳船二隻共需銀二百二十兩有奇於乾隆元年地丁銀內支給從之○浩齊特扎薩克郡王車凌拉布坦故遣

官致祭如例○辛酉

上詣

皇太后宮問安○諭總理事務王大臣據劉於義奏稱西寧鎮有原調援勦撤回官兵二百三十九員名於雍正十二年並乾隆元年節次派撥出口所有原領俸賞銀兩似應准其抵算又大通鎮撤回未經續派兵丁七十七名領過賞銀一千七百兩前曾另行派調將賞銀追給頂派各兵查頂替之兵遠役塞外

俱經製辦行裝費用可否加恩免其追繳等語征兵借支銀兩前已降旨盡予豁免今西寧大通官兵應追銀兩著照劉於義所請一體加恩免其追繳○鑄給直隸保定府分駐易州理事通判關防從總督李衛請也○壬戌工部議覆河東河道總督白鍾山疏請修築黃河南岸虞城縣汛王家樓迤西彭家集一帶隄埽共長二百八十八丈估銀六千九百兩有奇應如所請從之○癸亥

上詣

皇太后宮問安○甲子遣官祭

先醫之神○

上御養心殿召入總理事務王大臣九卿等諭曰前據御史薛韞條奏各款內有限田一條頗有關係是以交與總理事務王大臣閱看今據王大臣等議稱限田之說種種擾亂為害甚大斷不可行而薛韞以此悖謬之說見之章奏理應交部察議等語朕念切求言若

實錄卷三十六

六

因此加以處分恐阻人進言之路且伊所敷陳者尚有直懇之氣近理之語即如養德性謹好尚二條雖尋常迂闊之談衆人所習聞而朕十二三歲時所熟悉之論君德修明惟在躬行實踐不徒尚喋喋講論之虛文然使此等之言時聞朕耳以補朕之遺忘亦未為不可至所稱起居冊檔不應進呈御覽等語則自

皇祖

皇考以及朕躬從未披覽記注不知出於何人之訛傳也蓋人君政事言動萬國觀瞻若有闕失豈能禁人之不書倘自信無他又何必觀其記載當時唐太宗索觀記注朕方以為非豈肯躬自蹈之乎又稱法司衙門辦理特交之事必引重律一條朕辦事以來詳閱刑部本章亦並無此弊薛韞職司言責分宜進言雖限於識見自呈固陋然言不必其有當意猶本乎抒誠著從寬免其察議又今日御

實錄卷三十六

七

史舒赫德奏稱近來九卿多有委靡習氣不實心辦事即如周琬一件九卿中無一人能斷此事者又稱雷霆雨露均屬天恩又稱九卿應時常接見以察其居心行事激濁揚清等語當日

皇考時時召見九卿諄切訓誨反覆周詳至十三年之久而能祇承

聖訓深知黽勉者能有幾人且錯會

聖意自以為揣摩得當而失之毫釐謬以千里

者不知其凡幾也朕自分學力識見不逮
皇考之萬一即使朕時常召見諄諄告誡又不
能免訓誨過切啟衆人以非禮待臣工之譏
誠不若九卿追思

皇考之遺訓各自奮勉之為愈也况朕未嘗不
接對九卿諸臣之居心行事豈惟悉其梗概
亦能察其所安其中能矢念公忠才識明達
可為國家棟梁時勤咨訪大有裨於政治為
朕所深服者尚未見其人也爾等九卿惟當

實錄卷三十六

八

夙夜黽勉厚自期待為國家可倚賴之人慎
勿自輕自棄以貽小臣等之訾議是則朕心
所切望者至於御史等所稱既惇大成裕必
兼明作有功等語其意以惇大成裕明作有
功分為兩事不知惇大非寬縱之謂明作非
嚴刻之謂要惟不競不綏無怠無荒大中至
正庶可幾邳隆之上理我君臣其共勉之
乙丑諭履親王允禩莊親王允祿果親王允
禮

皇考世宗憲皇帝臨御十三年所降
諭旨所行政事現在恭修

實錄敬謹敘入但

皇考前在藩邸時事蹟並無記載我

皇考與

皇祖聖祖仁皇帝

世祖章皇帝不同

皇祖聖祖仁皇帝

世祖章皇帝皆自沖齡即位臨御以前並無應

實錄卷三十六

九

行恭紀之事

皇考即位之時年已四十有五從前恭侍

皇祖承歡

慈顏恪遵

庭訓仰蒙

皇祖恩勤教育及處朕伯叔之間諸事如何措

置之處理宜詳載以備將來纂修國史敘入

皇考本紀雍正七年

皇考曾於養心殿連日召見諸王公文武大臣

官員等面

諭以

皇考所行所歷之事時朕與和親王亦預聞焉
其後

皇考屢向朕弟兄降

旨欲將自幼閱歷之事俟閒暇之時再行詳悉
告諭而竟未果現在大臣中經閱其事者甚少
即或有人雖及其時而於關繫內廷之事亦
無從得知惟有諸叔父皆及其時經閱其事

實錄卷三十六

十一

履親王莊親王果親王爾三人尚其思繹各
據所見所聞所記者恭錄呈覽候朕筆削更
定後再交大學士等纂入國史

皇考本紀工部議准辦理歸化城事務副都
統瞻岱疏稱歸化城建城週一千九百六十
丈高二丈四尺底寬三丈五尺頂寬二丈三
尺將軍副都統官員等瓦房三千八十三間
土房一千六百五十三間兵丁土房一萬二
千間鋪面房一千五百三十間共估銀一百

二十四萬一千九百兩有奇請勅戶部解發
再歸化城都統衙門現存償還商人在軍營
交納銀兩又買馬餘剩銀共一十一萬五千
一百兩有奇請就近移作城工之用從之○
厄魯特貝勒職銜貝子多爾濟色布騰故以
其子參都普襲爵○是日起

上以祭

社稷壇齋戒三日○丙寅諭總理事務王大臣
外省藩臬所以佐督撫理一省錢糧刑名之

實錄卷三十七

十二

事責至重也必得才守均優之人方克勝任
其中尚有未曾引見者居多著吏部通行傳
諭除由京補授及已經召見者無庸赴京外
其未經來京之員著該督撫酌量何時令其
陛見藩臬不必同來以致曠廢政務○安南
國王黎維祐故嗣子黎維禕遣陪臣阮仲常
武暉武惟宰等進本告哀附貢方物下部知
之丁卯祭

先師孔子遣誠親王允祕行禮○諭總理事

務王大臣軍營撥給兵丁官駝馬匹。值寒冬風雪之時。不無倒斃。兵丁賠補。未免苦累。今特加恩。凡在軍營兵丁拴養馬駝。每年每百匹。准倒四匹。遇有行走之處。每百匹內。准倒八匹。其倒斃駝馬。著動公項補給開銷。仍交該管將軍。大臣等。飭令兵丁。加謹牧放。毋得恃有此恩。以致駝馬過於傷損。○吏部奏。外官因親老改近地者。到任後。停其陞轉。保題俟伊丁憂服闋。坐補原缺。再論俸陞轉。得旨。

實錄卷三六

五

銓選官員。呈稱親老請改近省者漸多。爾部不得。不定例。以杜借名規避之弊。但奏稱俟將來坐補原缺後。再行論俸陞轉。似覺稍偏。朕意請改近省人員。將來坐補原缺後。若在任三年無過。准其通算前俸陞轉。爾部照此辦理。○戶部議准陝西巡撫碩色。遵旨議覆。侍講學士楊椿條奏。陝省匠價一項。歷年已久。有子孫改業。仍輸舊課。有丁倒戶絕。里甲代賠。請將每年額徵匠價銀二千九百兩有

奇。在於額徵民糧內均攤從之。○又議准山東巡撫岳濬疏報。蒲臺縣清丈地畝。大明成熟各則大糧等項田地。共五千三百六十四頃五十三畝。有奇。應徵銀二萬七千三百兩。有奇。米三千二百三十一石三斗七升零。其大明瘠薄并荒地。共四百四十二頃四十畝。有奇。內除下下則內增出地畝。糧額扣算折抵外。所有實在缺額銀一千九百兩。有奇。米二百一十六石二斗五升零。均請豁免。從

實錄卷三六

五

之。○禮部議覆河南學政張考疏。稱南召另立學宮。儒童進學十二名。廩增各二十名。南陽縣儒童應照原額裁去六名。存十五名。廩增各裁去十名。各存二十名。應如所請從之。○是日。吏部帶領營田効力事竣之革職原署戶部員外郎秦嶠。引見。得旨。秦嶠係鑽營奔競革職。發往營田効力之人。且現有應追核減銀二千餘兩。未完。乃陳時夏先於上年二月內題請開復。部議以工程未銷。不准今

又以工程完竣奏請開復甚屬不合。秦嶠不准開復。仍發往直隸營田効力贖罪。陳時夏著交部察議。○戊辰祭

大社

大稷

上親詣行禮。○詣

皇太后宮問安。○己巳

孝康章皇后忌辰。遣官祭

孝陵。○諭總理事務王大臣。前日果親王奏請

隨往

實錄卷三十六

十四

泰陵已降諭旨。臨期酌量。今見王氣體尚弱。途間往返未免勞頓。且此番留京王大臣甚少。果親王著仍留總理事務處提督鄂善。現在京城著協同大學士徐本辦理稽查事務。○又諭朕登極詔書內。赦罪各款。本以昭法外之仁。所冀有司實力奉行。查明案件。即予奏聞。省釋。俾得早沐殊恩。及今已屆二年。又屢經申飭。乃外省尚有未經歸結之案。更或關

提待質究詰不已。株連淹繫。奉行諸多未善。若非有心羅織。即屬任意遲延。殊有違背災肆赦之旨。該部即行申飭各督撫。令其作速查明通行。省釋。毋得仍前怠緩。如尚有波累等弊。定將奉行不力之該有司嚴加議處。○又諭近日發往臺站之高起李禧等。皆係身獲重罪。特發往臺站効力贖罪之人。非坐臺筆帖式等可比。乃將此等罪人亦照筆帖式等例止令坐臺。不令贍養蒙古。皆該管上司冒昧辦理之處。著交與總管臺站之五十四查明。此等發往効力罪人。凡伊等臺站所有蒙古應得錢糧。動官項支給。將數目咨行該部。向伊等名下著追交官。并自伊等到臺日扣算。行令該旗著追賠補。○又諭朕聞四川地方冬春以來雨澤稀少。且有牛瘟之厄。乃楊秘並未具摺奏聞。不知伊如何籌畫料理。以惠濟窮民。爾等可即寄信詢問之。○兵部議覆山西巡撫覺羅石麟疏。請於蒲州平垣

實錄卷三十六

十五

潞澤澤州撫標共添撥兵七百七十五名以資操防并將太原營守兵一百名撥補撫標差操其太原營所遺一百名缺改為步兵即以新兵撥補並將額外營兵原建營房內除添撥撫標之裁兵原住營房仍令居住外其餘營房查明撫標太原營兵向係賃房居住者陸續撥給以為棲止其原建備弁房屋仍留為公署免其估變應如所請從之。庚午上御乾清門聽政 詣

四庫全書

十六

皇太后宮問安 戶部議覆蘇州巡撫邵基疏言江省各屬編徵歲貢坊儀旗扁等銀各就該處額編酌給偏枯不均請照舉人盤費之例將通省額編銀兩合計各府州縣學出貢名數勻派支給應如所請並通行直省督撫一體遵照辦理從之

世宗憲皇帝上諭告成議敘果親王允禮紀錄二次都統公豐盛額散秩大臣伯馬哈達都統羅密加二級內閣侍讀學士德通編修肇

敏加一級餘加級有差。命兵部尚書公訥親仍兼管鑲黃旗滿洲都統事務。命內大臣都統公奇通阿兼管火器營大臣事。以固山貝子弘普為鑾儀衛掌衛事。調浙江黃巖鎮總兵吳進義為江南壽春鎮總兵。辛未遣官祭

關帝廟。總理事務王大臣九卿奏遵旨審訊李長泰首告周琬等受賄一案周琬實無受賄聽囑情弊都察院前擬將周琬交部嚴

實錄卷三十六

七

加議處似覺過重再查都察院先將錢七用刑夾訊而看內未將刑訊緣由聲明周琬應照例開復李長泰及番役張棟史二等原擬遣流均係按律定罪無庸再議都察院應交部察議得旨周琬一案特交與總理事務王大臣及九卿查議務得實情今覽所奏仍屬含糊不中肯綮朕念此案尚係細事無庸展轉稽延特降旨完結都察院不必交議周琬著革職餘依議。戶部議覆直隸總督李衛

疏請河間府經歷司徵收河間等州縣屯米於乾隆元年為始改歸河間等各州縣就近徵收貯倉備用其殘廢兵丁口糧二分歸於河間縣徵收屯米內支放原頒倉大使印信繳部銷燬應如所請從之 緩徵江蘇睢寧縣元年額賦十分之四 旌表守正捐軀江蘇長洲縣民高八妻潘氏山陽縣民朱永壽妻吳氏 壬申厄魯特貝子沙弼多爾濟故以其姪貢楚克降等襲封鎮國公 癸酉

實錄卷三十六

六

上詣

奉先殿行禮 詣

皇太后宮問安 減浙江溫台二衛屯田科則諭總理事務王大臣朕因外省軍田糧額輕重不等年來留心訪察聞浙江溫州衛現徵屯田三百一十二頃每畝額徵銀一錢七分零台州衛現徵屯田二百二十頃每畝額徵銀一錢四分零比本地民田較重丁民輸納未免艱難查杭州前右二衛科則均係一錢

二分八釐溫台二衛屯田著照此例畫一徵收永著為例俾沿海丁民受減賦之益該部即遵諭行 禮部議奏朝鮮國王李吟恭進三節及年貢禮物移准外餘剩禮物令於今年進貢禮物內移准又表賀上

世宗憲皇帝尊謚

孝敬憲皇后尊謚禮物及頒

恩詔謝恩禮物應照例停其收受交總管內務府存留准作年貢從之 兵部議覆雲南總

實錄卷三十六

五

督尹繼善疏請尋需營新兵二百名永遠增添再招兵十名并原額兵七百九十名以足一千名之數東川營新兵三百名永遠增添并原額兵一百二十名以足一千五百名之數所添兵丁共五百一十名照例以馬一步九入伍應如所請從之 緩徵江蘇高淳縣水災新舊額賦兼賑飢民 準噶爾部人恭格來降賞給安插如例

大清高宗法天隆運至誠先覺體元立極敷文
奮武孝慈神聖純皇帝實錄卷之三十六

實錄卷三十六

二十

大清高宗法天隆運至誠先覺體元立極敷文
奮武孝慈神聖純皇帝實錄卷之三十七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳二月甲戌月食○遣官祭昭

實錄卷三十七

一

忠祠○諭總理事務王大臣率土商民均吾
赤子朕加恩惠養務令力量寬餘得以從容
辦課其狡猾頑劣虧欠近年國課者自有國
法不容寬貸若係遠年帶徵之項責令新舊
並完則商力未免竭蹶所當酌量變通者查
長蘆衆商有舊欠未完銀十六萬有零又商
人王至德有舊欠內務府帑銀十萬兩有零
俱係從前積累現在帶徵之項非現年額課
可比著將衆商所欠之數從乾隆元年為始

分作十二年徵收。王至德所欠內務府之數。從乾隆元年七月為始。分限十三年完交。以昭朕優恤商民之至意。○乙亥。大計河南山西。安慶。雲南。江南河員。河南山東河員。奉天。不謹官十員。罷軟官六員。年老官二十六員。才力不及官十一員。浮躁官五員。有疾官十八員。分別處分如例。○丙子。諭總理事務王大臣。方今農事將興。正百姓力田耕作時也。茲二月二十二日。恭送。

實錄卷三十七

孝敬憲皇后梓宮往

泰陵。所過州縣。應納錢糧。雖已蠲免。但恐應役多人。致妨南畝。其令地方有司。毋許先期派民灑道清塵。種種滋擾。扈從人員。有蹂躪麥苗。途中滋事者。許直隸總督即時劾奏。以副朕惠愛農民之意。○戶部議覆廣東巡撫楊永斌疏請。合浦縣。欽州。并各屬未復額內難墾稅畝。照合浦縣下則稅額減半。每畝編徵銀一分二釐。額外難墾稅畝。照香山等縣斤

鹵田稅。每畝科米四合二勺八抄。徵銀四釐六毫四絲。應如所請。從之。○工部議覆直隸河道總督劉勳疏稱。北運河筐兒港南壩臺。出水雁翅隄工。葦朽。應改建草壩一百二十四丈。又西岸楊村北頭廟前。東岸卧佛寺後身。應改建草壩一百四十二丈七尺五寸。又北頭廟前排椿迤南一帶老岸塌卸。應接建草工一百七十七丈九尺五寸。估銀一萬一千六百兩有奇。應如所請。從之。○以福建南

實錄卷三十七

澳鎮總兵張天駿。署理廣東提督。以廣東惠州協副將馬成林。署理南澳鎮總兵。○丁丑。上詣

皇太后宮問安。○安南國王嗣子黎維禕。遣陪臣阮仲常。武暉。武維宰等。表進雍正十年。十三年歲貢方物。賞賚如例。停止筵宴。○吏部議覆陝西學政周霽疏請。本年恩科會試榜後。遵照雍正五年之例。將未經中式舉人。揀選文理明順。年力富強者。帶領引見。分發本

省。以大學學正教諭遇缺即用。六年內著有成效。亦准督撫保薦。應如所請。揀選大省四十員。中省三十員。小省二十員。恭候欽定。從之。戊寅春分朝。

日於東郊。遣誠親王允祕行禮。

上御乾清門聽政。○已刻。

上御養心殿。召入八旗都統等。諭曰。從前入官旗人之地。理應賞還旗人。俾得資生之計。但旗地與民地不同。不便交部。是以特交爾等

實錄卷三十七

四

八旗大臣辦理。今爾等議稱。入官地畝。從前所定租額本輕。徒致州縣吏胥中飽。請派員前往。另行秉公更定等語。現在入官地畝之租。較之民人佃種旗地之租。為數實少。而此項入官之地。原屬旗地。與民人交納錢糧之地不同。雖經官定租額。而百姓不知。仍納重租。以致吏胥中飽。今因地定租。固為允協。但愚民不明事理。或妄生疑意。謂添增租額。亦未可定。夫旗人民人。均吾赤子。朕一視同仁。

並無歧待。著交與直督。出示曉諭。若無從前弊端。即令該督保題。停止增添。又議稱。似此一定之後。交與地方官。按年照數收租。解部等語。夫年歲之豐歉不齊。如遇歉收之歲。仍照定數徵租。則百姓未免受累。其旱澇之年。作何減收。豐稔之年。作何補納之處。著各該州縣官。隨年歲之豐歉。酌量辦理。報明該旗。仍報部存案。以備稽察。倘有藉端朦混。不據實辦理者。即著該旗該督查叅。又爾等議覆。

實錄卷三十七

五

內稱。查明京城空閒之地。若可以蓋造房屋。即將所得租息。蓋造。賞給無業貧人居住之處。臣等詳加查勘。另行具奏等語。所議甚是。朕為八旗無業之人。不得房屋居住。時為籌畫。但未知京城有空閒之地。今既有空地。爾等可查勘明白。議奏。但蓋造房屋。若只動用今年之租。則所得房屋無幾。若俟積年之租。始行蓋造。則又至遲延。現在圓明園原有優劣二營官兵居住之房。爾等於查明空地。議

定蓋造房屋之時。即將此二營房屋拆用。其運京腳價。及蓋造之費。於今年租內動用。賞給貧人居住之處。詳悉籌畫議奏。俟行之數年。所有空地。蓋造已徧之後。再將續得地租。作何賞給旗人。或另用於旗人有益之地。臨期再行議奏。至於爾等八旗。選派前往查看之叅領等。著帶領引見。並傳諭總督李衛。於伊所屬之同知等官內。揀選八員。派定旗分。會同旗員。與該地方官。公同辦理。餘依議。○

平錄卷三十一

一

吏部議覆。國子監奏稱。各省在監肄業貢生。三年期滿。其中果有學優品卓者。該監詳加考校。照各省書院之例。秉公薦舉。帶領引見錄用。應如所請。至所稱肄業貢生。選用佐貳之處。查乾隆元年七月內。臣部議覆。監察御史夏之芳條奏。恩拔歲副考職。其直隸等近省。以起貢年分。計算已逾三科者。准其以州同。州判。縣丞。主簿吏目。分別考取選用。今肄業貢生。既經三年期滿。若又必待三科之後。

實錄卷三十七

七

方准考職。與未經肄業者無異。嗣後期滿貢生內。有情願考職者。不論省分年限。一體咨送。又稱優貢一項。既以優行保題肄業。其期滿銓選。尚無定例。可否亦照恩拔副貢。一體選用之處。嗣後應照歲貢之例。肄業期滿。准其歸於各本年歲貢分內。以復設訓導選用。如遇考職之時。亦准其一體咨送。以主簿吏目。分別考取銓選。從之。○禮部議覆。河南按察使隋人鵬疏稱。嗣後鄉飲酒禮。酒席坐次。悉依定式陳設。并刊刻儀注。臨期分給賓僎執事人等遵照。其應讀律令。即開載儀注之後。照例講讀。應如所請。其在省會。令督撫委大員監看。各府州縣。令該地方官。實心奉行。如有違條越禮者。依律懲治。再嗣後所舉賓僎。務擇齒德兼優。允協鄉評之人。所舉冒濫題叅議處。如所舉得人。而不法之徒。借端訛詐。嚴行究治。從之。○兵部議准。福州將軍阿爾賽疏請。駐防協領一官。於每年停操之期。

出具考語。送部引見。恭候欽定。記名補用。從之。○工部議。江南總河高斌等覆奏。洪澤湖之清口。現在深通。毋庸另為開闢。查洪澤湖口。原以汕刷黃流。前據御史夏之芳。主事孫茂孫。俱以近來黃水倒灌。漲入洪澤湖口。堰外餘地。俱淤成坦坡。不但湖水出口無力。並湖內受水之地。亦漸狹隘。雖據稱海口果係深通。而上流壅滯。下流未必疏暢。其如何開闢深廣之處。應會同督撫。河漕諸臣。妥議。又

實錄卷三十七

八

夏之芳奏。支河宜並疏。尾閘宜暢洩。二條。應如所請。俟大工告竣。詳加確勘。至天然等壩。改低三尺。係夏之芳得之訛傳。應毋庸議。又所稱夏之芳。孫茂孫。各稱海口淤高。宜加疏濬。亦係以訛傳訛。前據安徽布政使晏斯盛。所奏。將雲梯閘海口。大開深濬之處。又稱洪澤湖。非海可比。淮河七十二溪之水。壅遏其間。又舉毛城舖之水。而終委之。倘桃伏大汛。奪而南趨。則淮揚俱不可問。交該督等酌議。

均未題覆。夏之芳。孫茂孫。生長淮揚。或有所見。請旨令馳驛前往。會同晏斯盛。與督撫河漕諸臣。叅酌會題。到日定議。得旨。依議。速行。夏之芳等。俱係微員。河工事務。既交該督撫辦理。不必令其前往。○湖北學政蔣蔚丁。憂。以國子監司業。開泰。提督湖北學政。○以故安南國王黎維祐之弟黎維禕。襲封安南國王。尋差翰林院侍讀嵩壽。修撰陳倓。往封。○已卯。

實錄卷三十七

九

孝敬憲皇后梓宮將發引。

上詣田村。行祖奠禮。禮成。進阜成門。詣

大高殿。

壽皇殿。行禮。○詣

皇太后宮。問安。○諭總理事務王大臣。前據禮

部奏稱。向來點主。有穿蟒服之例。今

世宗憲皇帝點主日期。在二十七月。服制之內。除派出點主之大臣。穿朝服外。朕與大臣官員等。俱穿素服。不綴冠纓等語。朕思服制之

內。以穿素服為是。但點主乃係

皇考萬年崇祀之吉禮。朕與臣工在

隆恩殿行禮時。俱應從吉。冠綴纓緯。可傳諭禮

部知之。○又諭。此次隨送

梓宮。穿長褂。若逢齋戒日期。仍帶齋戒牌。回來

時。穿短褂。若逢齋戒日期。不必帶齋戒牌。再

隨

神牌大臣官員。既穿長褂。逢齋戒日期。仍帶齋

戒牌。嗣後朕若外出。逢齋戒日期。穿長褂之

實錄卷三七

十

日。帶齋戒牌。穿短褂之日。不必帶齋戒牌。○

庚辰。

孝敬憲皇后梓宮發引。

上詣田村。躬親奠獻。奉

梓宮升大昇輿。啟行。

上步從里許。由別道先至

蘆殿。敬視陳設。候

梓宮至。哭泣跪迎於黃布城北門外。奉安

梓宮於蘆殿。行禮。每日如之。是日鹵簿儀仗全

設。

孝敬憲皇后梓宮前行。

敦肅皇貴妃金棺隨後。王以下。大小官員。王

妃以下。婦女等。齊集舉哀。竣奉移祭酒時。隨

行禮。

皇太后

皇太后宮眷等。俱於

梓宮安奉蘆殿。隨行禮舉哀。○

上詣

實錄卷三七

十一

皇太后行宮問安。○是日。駐蹕燕村。○辛巳。

上奉

孝敬憲皇后梓宮啟行。○詣

皇太后行宮問安。○諭總理事務王大臣。三月

初二日。

世宗憲皇帝梓宮。奉安

地宮。初五日。行

升祔大典。朕於初四日進京。豫備迎接行禮。

皇太后若亦於兩日內回京。途間未免勞頓。應

從容行走。於初五日進京。著豫行傳諭各該處知之。○以古北口提督德沛為甘肅巡撫。正紅旗滿洲副都統瞻岱為古北口提督。○是日駐蹕汾莊。○壬午。

上奉

孝敬憲皇后梓宮啟行。○詣

皇太后行宮問安。○是日駐蹕安家營。○癸未上奉

孝敬憲皇后梓宮啟行。○詣

皇太后行宮問安。○諭總理事務王大臣。明日到

泰陵。昔日

皇考前親近之諸王大臣等。准入

隆恩門。至

享殿前。叩謁

梓宮。俾得遂其瞻仰之忱。○又諭諸蒙古王等

俱因

梓宮安奉

地宮。竭誠叩謁。著分為三班。每日引一班。進隆恩門行禮。○又諭。隨朕恭謁

泰陵之大小官員。有年老不能騎馬。及漢大臣官員。皆著先往祇候。○是日駐蹕古謝村。○

甲申。

上奉

孝敬憲皇后梓宮啟行。由別道先詣

泰陵。望見碑亭。舉哀。步入

隆恩門。至

享殿。行禮。哀慟良久。回幄次恭候。午刻。

梓宮至。

上跪迎於大紅門外。哭泣隨行。遂安奉於

享殿西旁蘆殿內。

孝敬憲皇后梓宮。奉安正中。

敦肅皇貴妃金棺。安右側稍後。俱陳設帷幙。

上詣

孝敬憲皇后梓宮前行禮。至幄次少憩。詣

世宗憲皇帝梓宮前行午供禮。○

孝昭仁皇后忌辰。遣官祭

景陵。

上詣

皇太后行宮問安。○吏部議覆。西川道監察御史程盛修疏。言翰林開坊缺出。不必開列多人。祇將資俸深者。揆定正陪。帶領引見。應如所請。倘正陪內一時不得其人。仍照舊例。將資俸次深者。另行開列二十員。具題請旨。從之。○禮部題請。安南國王黎維祐故。應照例

附錄卷三十七

十四

給與祭葬。從之。○鑄給直隸薊運糧河通判關防。從總督李衛請也。○安南國進貢陪臣武暉病故。賜卹如例。○是日。駐蹕二十里鋪。○乙酉。

上詣

泰陵

世宗憲皇帝梓宮前。行早供禮。旋詣

孝敬憲皇后梓宮前。行暫安奉禮。○詣

皇太后行宮問安。○錫洞庭湖神祀典。諭總理事務王大臣。洞庭湖神。福祐一方。靈應顯著。

君山神廟。載在祀典。所有春秋祭品禮儀。理應動用正項錢糧辦理。著照湘江江神之例。一體開銷。以昭敬禮。明神至意。禮部即遵諭行。○又諭。前年逆苗不法。首先調撥滇省兵丁。前往會剿。聞彼時千把外委。及兵丁等。啟行之際。不無繁費。除各領賞賚外。尚有豫借之俸餉。及出征年餘。時日既久。又有在軍前借支銀兩。以助資斧者。今大軍凱旋。弁兵各回營汛。例應於俸餉內。按月扣還。朕念弁兵等。曾經効力軍前。所有現領俸餉。止足供目前之養贍。難以扣抵前項。著總督尹繼善查明。悉行豁免。以示朕優恤邊遠弁兵之至意。○總理事務和碩莊親王允祿等奏。本月二十四日。奉

附錄卷三十七

十五

諭旨。二十八日。二十九日。三十日。俱親詣享殿梓宮前。奠獻行禮。伏念若於此三日內。詣泰陵。瞻依悲痛。深恐哀勞太過。乞皇上俯允臣等所請。二十八。九。三十等日。間日

一次前往。稍加搏節。以慰安。

皇太后聖心得旨。諸王大臣所奏。知道了。朕若間日一往。心轉不安。仍照前旨。每日親詣奠獻。○丙戌。

上詣

皇太后行宮問安。○已刻。詣

泰陵

世宗憲皇帝梓宮前。行午供禮。閱視

地宮。○遣官祭賢良祠。○丁亥。

實錄卷三十七

去

上詣

皇太后行宮問安。○已刻。詣

泰陵

世宗憲皇帝梓宮前。行午供禮。○是日以大葬

泰陵吉期。遣官祇告

天。

地。

太廟

社。

稷。○戊子。

上詣

皇太后行宮問安。○已刻。詣

泰陵

世宗憲皇帝梓宮前。行午供禮。○諭點主大臣

鄂爾泰張廷玉。三泰。任蘭枝。點主大禮攸關。

必取其人品望素優。老成端慤者。俾之敬謹

將事。方克稱尊奉之隆儀。卿等皆國家大臣。

夙荷

實錄卷三十七

去

皇考恩遇倚任有年。名望素著。故藉卿等襄此

鉅典。其體朕哀慕惻忱。齋莊儼恪。靜慮凝神。

以對越

皇考在天之靈。庶得仰邀

皇考歆鑒。朕有厚望焉。○諭總理事務王大臣

朕因

泰陵前安設石像生一事。於乾隆元年降旨。令

王大臣議奏。據稱。詢問原相度風水之巡撫

高其倬。戶部員外郎洪文瀾。僉稱

泰陵甬道係隨山川之形勢盤旋修理如設立石像生不能依其丈尺整齊安供而甬路轉旋之處必有向背參差之所則於風水地形不宜安設是

泰陵之未議設石像生者實由風水攸關非典制之未備等語朕思

陵前石像生係典禮之一節若因甬道前地勢盤旋難於安設或將大紅門龍鳳門展拓向外俾地勢寬敞位置攸宜爾等同和親王帶

實錄卷三七

六

領通曉風水之洪文瀾再加敬謹相度妥協定議具奏尋議大紅門正在龍蟠虎踞之間護北面隨龍生旺之氣納南面特朝環抱之水前朝後拱天心十道實天造地設門戶不便展拓向外况石像生之設古制未詳無大關典禮之處似可毋庸添設得旨知道了○兵部議覆巡臺御史白起圖等疏請嗣後過臺商船舵水人等免其查驗箕斗令原籍州縣官將各舵水年貌鄉貫填照或有事另催

就地給單填註取具船戶行保甘結汛口各官驗放臺地做照內地設立十家牌填註實在籍貫人口確數並作何生理遇有事故開除每月出具並無招攬游民結狀報覈違礙一并嚴究應如所請從之○工部議准江南河道總督高斌疏請拆修高堰山圩一帶石隄以禦汎水高堰所屬卸裂舊石工共長一百一十丈三尺山圩所屬卸裂舊石工長五十九丈從之○鑄給山西蒲州澤州兩府儒

實錄卷三七

十九

學印從巡撫覺羅石麟請也○鑄給廣西思州土知州印從巡撫金鉞請也○是月直隸河道總督僉都御史劉勳奏春融工程妥協永定河凌汎又逾懇請叩送梓宮隨往

泰陵得旨凌汎雖逾而桃汎在即汝不必來○江南總督趙宏恩兩淮鹽政尹會一奏揚州鹽義倉及泰州通州海州如皋鹽城板浦石港東臺阜寧等處鹽義倉貯穀過多恐積久

霉朽。臣等酌議。揚州倉存穀八萬石。泰州倉六萬石。尚餘四十萬餘石。請撥貯各處。得旨。如此通融辦理。頗是。但揚泰二倉六萬八萬之數。可以不必拘定。譬如今日之可以通融。非前此多貯之益歟。但不可使之陳陳相因。終於霉沴可耳。再與慶復商酌辦理。○安慶巡撫趙國麟奏。懇曲賜訓誨。有所遵循。得旨。學問戒乎自欺。莅政臨民。尤戒乎自欺。要當以學問與政事。看作一事。則無入而不自得。若

實錄卷三十七

三

看作兩截。則不為章句之腐儒。必為簿書之俗吏。乃自欺之甚者也。因汝有此奏。故諭之。○江西巡撫岳濬奏。遵諭密查前撫臣俞兆岳。九江。贛州。二關稅銀。缺少十萬兩之多。俟查有確據。據實糾參。今即俞兆岳移交案內。查去冬十一十二兩月之間。共動用過各項存公銀一萬餘兩。內多係借賑災賞兵名色。陸續題解。得旨。知道了。看此情節。將來必有著追之事。汝應密咨大學士嵇曾筠。令其豫

行嚴察。伊本籍。不可少有脫漏也。再趙宏恩於其中有無弊竇處。汝亦一併查奏。○大學士總理浙江海塘管理總督事務兼管鹽政。嵇曾筠奏。松所鹽務。自減定賣價以來。未聞異議。近因直隸督臣李衛摺奏。浙鹽事宜。故智復萌。仍希網利。欲復每觔十三四文之舊價。臣遵諭體察。於賣價之外。量給巡費。以資查緝。現今調劑得宜。商情帖服。但恐奸商再行唆使。不能不懲一儆百。得旨。知道了。浙鹽

實錄卷三十七

三

一事。已全俾卿料理。朕從不為浮言所動也。○河南巡撫富德奏。明。咨商河臣高斌。堵築永邑水口。以遏黃流。得旨。據汝此等識見之人。治河之法。從何處說起。○山東巡撫法敏奏。報各屬續經得雪分寸。及安插蘭山縣貧民緣由。得旨。東省今年春雨。甚為短少。汝等著實留心吏治民生之事。切莫圖安逸。而置民事於不問。○又遵旨奏明。家人需索門包。實毫無影響之事。至禁當舖三分行息。前任

撫臣。歷經示諭有案。當年節之時。不過暫行四十日。以省窮民取贖之費。得旨。知道了。朕凡有所聞。皆令汝等明白回奏。原以有則改之。無則加勉之意耳。若問之於心而無愧。雖人言嘖嘖而何妨。若不能免如人之所言。則雖善於應辦於一時。亦不能逃日後之鑒察也。○大學士仍管川陝總督查郎阿奏。三渡河西之七兒堡地方。添設瀘寧一營。據撫臣楊畝委勘之鹽源令王秉鑑稱。瀘寧處萬山

實錄卷三七

三

之中。陰雨不時。原修城工。旋補旋倒。實難垂久。而瀘寧同知宋虞凱又稱。實係山坡。地勢傾側。猛雨不時。山水衝激。倒塌傾圮。勢所必至。隨檄令建昌鎮總兵趙儒建昌道李學裕會同迅赴瀘寧。秉公查勘。得旨。知道了。此皆王秉鑑。宋虞凱不實心任事。或有冒銷。為楊畝無能。卿在鄰省之故。所當查叅追究。而不可姑息者也。○又奏。據肅州道黃文煒稟稱。哈密地方。因軍需停止。失業者多。請酌給口

糧。資助回籍。以免逗遛生事。應確查人數。按程計日。每日酌給炒麪一觔。押解進口。得旨。此所給炒麪。為數已多。或出於黃文煒開銷之計。亦未可定。且塞外又安得有如許失業之人乎。此奏大不妥。再行明白回奏。○吏部尚書署川陝總督。兼甘肅巡撫劉於義奏。請幫辦軍需之原任廣東海豐縣知縣王者輔。應否給咨赴部。或留甘補用。得旨。送部引見。為是。○又奏。明。前後糧運情節。並遵旨停運

實錄卷三七

三

後陸續辦理之事。因聞有誣臣停運後運糧之人。謹據實陳奏。得旨。事未久而不明者也。今不便如何批示。○四川巡撫楊畝奏。前提臣黃廷桂。將提督印務。交臣接署。督臣查郎阿。久歷邊陲。一切吏治營伍。臣惟商酌辦理。以期盡善。得旨。知道了。汝此回不聞有所整飭。而庸懦如前。徒欲自為。不知查郎阿。乃公忠大臣。豈以善於已。即為之保全乎。汝誤矣。○又奏。前任督臣黃廷桂。議奏河西七兒

堡添設瀘寧一營。臣委員查勘。并據建昌鎮臣趙儒。札指情形。不獨城工旋修旋塌。萬難垂久。抑且兵糧輓運阻隔。派累滋擾。所設營制。亦多種種未善。得旨。朕未看汝摺。即先批示查郎阿摺中矣。此皆出於汝與黃廷桂不和。彼卸督而留提。汝尚不敢為此奏。必至伊來京。汝始敢為此奏。汝試思。汝尚具人面貌乎。查郎阿摺中。朕尚疑出於宋虞凱輩之玩公營私。觀此。則係明出汝意矣。汝若謂實因

實錄卷三十七

五

地勢如此。不妨摺奏前來。朕另差大臣一員。前往相度。若如汝所言。朕必重處黃廷桂。以為妄生事端者戒。如其不然。汝亦不能免。將此奏與查郎阿觀之。○又奏。前因瀆奏學臣等養廉一摺。蒙曲賜寬宥。諄切訓誡。惟益加猛省。勉圖後效。得旨。無論如何訓示之嚴。回奏改悔之切。奈心口不相應。蒼猾性成何。○兩廣總督鄂彌達覆奏。查向例。夷船到厦貿易。進口之日。將所帶軍火礮械。一槩收貯公

所。俟貿易事竣。再行給還。惟礮位係做就在船。難以移動。請照從前。免令起貯。得旨。昨據楊永斌奏摺。朕揣其意。亦以起礮為難行。而未明言。今據卿奏。則朕所見不差矣。著照卿奏行。應咨部者。咨部可也。○署廣西巡撫楊超曾奏。粵西民苗雜處。相扇生事。以及土民不法。總因有司玩視不理。兼肆意苛斂。臣現在通行申飭。悉心查辦。得旨。知道了。惟在實力整飭地方。察吏安民。不在奏對之空言也。

實錄卷三十七

五

即如金鉷初到粵西時。豈無似此之一奏乎。恐其言之詳。而自以為得宜者。更有甚於此也。以其徒尚虛文。而不尚實政。故為汝今日所指斥。汝若不以為戒。則後人又將議汝之後矣。然汝等之聲名利祿。猶其次也。展轉相因。奈朕之百姓何。○又奏報。粵西米糧時價。并陳明自上年七月後。雨水稀少。晚禾收成。不及十分。得旨。覽。雨暘旱澇。雖係乎天。而彌縫補救。全在乎人。盡心政治。未必即得豐年。

玩視民瘼。未有不遭災沴。可不懼哉。○貴州提督王無黨奏。修整軍裝器械。止有公糧朋餘二項。並無別項羨餘。現與督臣張廣泗商酌。先製帳房。鑼鍋。旗幟。鎗礮。刀牌等項。緊要裝械。如盔甲一項。以示觀瞻。尚可從緩。得旨。知道了。或應即如此辦理。抑或別有籌畫。請恩之處。著督臣另行妥議具奏。○又奏。夷地開廠。米糧食物。壅斷叢奸。銅鉛二項。為鑄局所需。自不可禁。銀錫等廠。宜因地因時。以為開閉。得旨。據云。銅鉛為鑄局所需。不可禁。則銀錫亦九幣之一。其可即行禁採乎。且禁銀錫之廠。則為此者。將轉而求之銅鉛之場矣。游手耗食之人如故也。此奏雖是。而未通權。

實錄卷三十七

三

大清高宗法天隆運至誠先覺體元立極敷文奮武孝慈神聖純皇帝實錄卷之三十七

實錄卷三十七

三

大清高宗法天隆運至誠先覺體元立極敷文
奮武孝慈神聖純皇帝實錄卷之三十八

整修總局官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲領都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董浩內大臣戶部尚書鑲黃旗滿洲都統軍功紀錄五次

尋常紀錄十四次臣德興經筵講官太子少保工部尚書紀錄六次臣曹振鏞等奉

敕修

乾隆二年丁巳三月己丑朔行遷奠禮

上詣

泰陵

世宗憲皇帝梓宮前祭奠復詣

孝敬憲皇后梓宮前祭奠禮畢

上回幄次少頃

梓宮奉移

上哭入

享殿於

世宗憲皇帝梓宮前奠酒行禮奉移

梓宮從丹陛中階下轉左

上慟哭隨行

梓宮至明樓前安奉蘆殿內正中龍輜上

上復至

孝敬憲皇后梓宮前奠酒行禮哭送

梓宮安奉蘆殿左牀上次詣

敦肅皇貴妃金棺安蘆殿右稍後牀上

上先詣

世宗憲皇帝梓宮前奠酒行禮次詣

孝敬憲皇后梓宮前奠酒行禮奉

世宗憲皇帝鹵簿

孝敬憲皇后儀仗於燎次焚化○

上詣

皇太后行宮問安○庚寅

上詣

泰陵至碑亭即慟哭進至

蘆殿內跪撫

梓宮哀號擗踊辰刻

上於

世宗憲皇帝梓宮前。奠酒行禮。次詣

孝敬憲皇后梓宮前。奠酒行禮。執事諸臣。恭率

校尉等先奉

世宗憲皇帝龍輜入

寶城。次奉

孝敬憲皇后龍輜入

寶城。俱奉安

寶牀。次請

敦肅皇貴妃金棺。升太平車。入

寶城。安於寶牀。陳

冊

寶於各石案。

上親視安奉。號痛不已。諸臣再四叩請。方出。恭

閉

元宮石門。

上於祭臺前。奠酒行禮。乃卒哭。退至幄次。更禮

服。午刻

上進至

享殿東榻扇。向上立。諸王以下。公以上。班於丹

陛上。諸臣班於丹墀內。大學士鄂爾泰。張廷

玉。恭點

世宗憲皇帝神主。尚書三泰。任蘭枝。恭點

孝敬憲皇后神主。奉安

寶座。

上就位。上香。奠帛。獻爵。俱如大祭禮。鑾儀衛官

設黃輿於丹陛。

上詣

寶座前。跪行三叩頭禮。恭捧

世宗憲皇帝神主。由

享殿中門出。奉安於左

黃輿內。命和碩和親王。弘晝。恭捧

孝敬憲皇后神主。由中門隨出。

上親奉安於右

黃輿內。

上於正中拜位。行三叩頭禮。

黃輿啟行。

上跪候

黃輿過。由別道恭候

黃輿至。奉安於宿次

黃幄行禮。○以大葬禮成。遣官告祭

泰陵后土之神。

永寧山神。

上詣

皇太后行宮問安。○諭總理事務王大臣。今日

世宗憲皇帝。

孝敬憲皇后。梓宮。安奉

地宮。所有在事官員。及匠役人等。應加恩賞賚。

著該管大臣。查明具奏。○又諭履親王。自辦

理

皇考大事以來。小心恪慎。此次恭送

孝敬憲皇后梓宮。至

泰陵。及安奉

地宮。一切典禮。王殫心宣力。不辭勞瘁。悉皆本

於敬誠。甚屬可嘉。著交宗人府。議敘具奏。尋

議給紀錄二次。從之。○以升祔

太廟吉期。遣官祇告

天

地

太廟。

社

稷。○是日起

上以

世宗憲皇帝。

孝敬憲皇后。升祔

太廟。齋戒三日。○是日。駐蹕馬務莊。○辛卯。

上詣

黃幄。行禮。跪送

神主起行。至宿次

黃幄。安奉。行禮。○詣

皇太后行宮問安。○遣官祭

歷代帝王廟。○諭總理事務王大臣。據總河

高斌奏毛城鋪開濬引河一案。有面奏情形。

著准其馳驛來京。○實授程元章為刑部右

侍郎。○是日駐蹕趙家莊。○壬辰

上詣

黃幄行禮。跪送

神主啟行。

上先回京。恭候奉迎

神主。是夕宿次。遣官恭代行禮。○

上詣

大高殿。

壽皇殿行禮。○癸巳。

神主黃輿。由永定門正陽門入。

上預詣

太廟街門外幄次恭候。辰刻。

黃輿至。

上跪迎於端門外。隨

黃輿入

太廟街門。至甓城門外。

上詣

世宗憲皇帝神主黃輿前。行三叩頭禮。和親王

弘晝詣

孝敬憲皇后神主黃輿前。行禮。

上恭捧

世宗憲皇帝神主。和親王弘晝恭捧

孝敬憲皇后神主。隨後。由甓城門戟門東門入

升正面東階。進

太廟東楹扇。預設

世宗憲皇帝拜褥於中。

孝敬憲皇后拜褥於右。稍後。

上恭捧

世宗憲皇帝神主。向上立。和親王弘晝恭捧

孝敬憲皇后神主。右次。向上稍後立。贊引官跪

奏。升褥

太廟。行參拜禮。

上恭捧

世宗憲皇帝神主。跪安於拜褥上。和親王弘晝

恭捧

孝敬憲皇后神主。亦跪安於拜褥上。和親王弘書。由西槅扇退。

上就位。行三跪九叩頭禮。

上恭捧

世宗憲皇帝神主。奉安於

世祖章皇帝神主之次。第一位

寶座上。行禮。和親王弘書。進西槅扇。恭捧

孝敬憲皇后神主。奉安第二位

寶座上。隨行禮。和親王弘書退。

上就位。行升拊

太廟致祭禮。如時享儀。禮成。

上回宮。已刻。

上更禮服。具補服。由景運門。至誠肅門外。降輿。

至恭修

神牌處。詣

神位前。行三叩頭禮。和親王弘書。於槅扇外隨行禮。

上恭捧

世宗憲皇帝神主。和親王弘書。恭捧

孝敬憲皇后神主。隨後。由

奉先殿東門入。升月臺正面東階。進

殿東槅扇。奉安

世宗憲皇帝神主於西二間南向第一位

寶座上。行禮。

上就拜位立。贊引官跪奏。

孝敬憲皇后升拊

奉先殿。參拜

世宗憲皇帝。和親王弘書。恭捧

孝敬憲皇后神主。奉安於拜褥上。由西槅扇退。

上行三跪九叩頭禮。恭捧

孝敬憲皇后神主。奉安於西二間第二位

寶座上。行禮

上就位。行升拊

奉先殿致祭禮。如朔望大祭儀。禮成。回宮。○詣皇太后宮問安。○甲午。以

世宗憲皇帝。

孝敬憲皇后升祔

太廟禮成。頒詔天下。詔曰。朕惟清廟著於周頌。思切顯承。世室載於禮經。聿昭功德。升崇闕寢。所以伸致孝之忱。渙號寰區。所以廣推恩之厚。徽章備舉。鉅典丕彰。欽惟

皇考世宗憲皇帝。秉道綏猷。建中立極。

文武聖神而廣運。共戴堯天。

聰明睿智以有臨。同瞻舜日。際重熙累洽之盛。

而益裕久安。長治之規。審持盈履。泰之幾。以

默運致治。保邦之畧。整綱飭紀。府事交修。覺

世牖民。彝倫攸敘。朝乾夕惕。庶績熙而

宸衷弗釋。其憂勞。海晏河清。萬邦寧而

睿慮彌深。其兢業。祖賦蠲逾百萬。愷澤滂流。刑

章慎至再三。太和洋溢。善繼善述而成大孝。

丕顯

前謨。克寬克仁而信兆民。仰享

帝載。建百世不祧之廟。宗祀光輝。慰萬方永慕

之心。

神人允洽。

皇妣孝敬憲皇后。慈仁恭儉。誠孝端莊。

正位璇宮。播徽音於任姒。

流輝椒掖。協雅化於睢麟。奉鬯以同尊。敷几

筵而合祔。敬稽成憲。肅具隆儀。謹率諸王。貝

勒。文武羣臣。於乾隆二年三月初五日。恭奉

世宗敬天昌運建中表正文武英明寬仁信毅

大孝至誠憲皇帝神位。

孝敬恭和懿順昭惠佐天翊聖憲皇后神位。合

祔於

太廟旅楹松栢。瞻路寢之孔安。玉瓚黃流。奉裸

將而有恪。既襄殷禮。宜布鴻施。所有事宜。開

列于後。一。乾隆元年十月。恭送

世宗憲皇帝梓宮。及今三月。隨往

泰陵之大臣官員。俱加一級。一。雍正十三年九

月。十二月。兩次恩詔後。陞任到任之文武大

臣官員。俱給與封典。一。凡試職各官。俱准實

授。一貢生監生。每年仍派大臣官員。考定職銜。照舊例送吏部注冊。一貢生監生在監肄業者。免坐監一月。一漢軍犯軍流等罪者。其親族墳墓。俱在京師。邊方遠土。風尚頓殊。平時不習生計。類難存活。且與百姓交錯居住。不無滋擾。仍照舊例。以枷責完結。一軍民年七十以上者。許一丁侍養。免其雜派差役。一各省養濟院。所有鰥寡孤獨。及殘疾無告之人。有司留心。以時贍養。無致失所。一窮民無力營葬。並無親族收瘞者。該地方官。擇高阜隙地。無妨耕作者。設義塚。隨時掩埋。毋使暴露。於戲。薦太室之馨香。式隆孝享。仰橋山之弓劍。莫罄謳思。惠及臣民。布湛恩于勿替。錫茲祉福。衍先澤於無疆。布告天下。咸使聞知。○上以清明節。詣奉先殿。

壽皇殿行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。○

上詣

皇太后宮問安。○以刑部左侍郎王紘為會試知

貢舉。大學士張廷玉。左都御史福敏為正考官。

吏部左侍郎姚三辰。內閣學士索柱為副考官。

○乙未。諭總理事務王大臣。大學士張廷玉。左

都御史福敏。俱奉旨入闈。所有翰林院應奏之

文章。及應行事件。著汪由敦暫行管理。○丙申。

上詣

皇太后宮問安。○恭建

世宗憲皇帝聖德神功碑。飭議典禮。諭曰。欽惟

皇考世宗憲皇帝。秉道綏猷。建中立極。恩覃海宇。溥樂利於萬方。德配

蒼穹。詒憲章於百世。鴻模駿烈。史不勝書。今

泰陵大禮告成。應恭建

聖德神功碑。昭示無極。朕祇承基緒。敬念

先猷。謹於齋居之次。灑淚濡毫。撰述碑文。丕揚

懿鑠。雖蕩蕩巍巍之盛蹟。非語言文字所能傳。

即竭力鋪陳。莫罄萬一。而言言紀實。足以傳

信千秋。光昭琬琰。所有相度方位。建立碑亭。

及應行典禮。內閣禮部工部敬謹詳議具奏。

○禮部議覆廣東肇高學政王安國疏請禁

守制官員。易衣拜官。送禮赴席。應如所請。照

私罪不應重律。於補官日。降三級用。從之。○

兵部議准浙江黃巖鎮總兵吳進義疏稱嗣

後浙省倒斃營馬。扣出存價馬匹數目。將實

在喂養馬匹數內。核明倒斃報銷。俟有需用

買補馬匹之時。一例准其開銷倒斃。其每年

奏銷朋馬。務將扣存馬匹銀兩數目。造冊送

部查核。如有隨丁存價馬匹。混入額內。捏報
倒斃。該督查明題參。將冒銷銀兩。照數追賠
外。仍將該員照例議處。從之。○又議覆陝西
巡撫碩色疏稱州縣改隸。驛遞未設。應請將
保安縣屬之新集兒。添設馬四匹。夫二名。安
塞縣添設馬二匹。夫一名。安塞縣屬之高家
橋。添設馬四匹。夫二名。葭州添設馬五匹。夫
二名半。府谷縣添設馬四匹。夫二名。所有府
谷縣原鋪司五名。裁汰。應如所請。從之。○又

議覆廣州將軍張正興疏請廣州將軍標四
營兵缺。分給八旗各一百分。共八百名。即為
八旗壯丁拔補定額。除現補過四百九十一
名外。其未補三百九名。於四營所出兵缺四
缺內。將旗下壯丁挑補一名。以足八百名之
數。其餘四營綠旗兵缺。仍留為綠旗餘丁挑
補。毋庸循照往例。分送別標候補。並請賞八
旗營糧八百分。俱給與步兵名缺。至從前八
旗壯丁。有已拔馬缺者。後遇缺出。俱仍於綠

旗步兵拔補。即將步缺令壯丁頂補。以還額數。應如所請。從之。○議敘

秦陵辦差之直隸大臣官員。總督李衛等。各加級紀錄有差。○丁酉。戶部議准。山西巡撫覺羅石麟疏報。太原等七州縣衛。從前開墾成熟。首報未盡地畝。共七十八頃八十二畝有奇。應於雍正十三年起科。照額徵解。從之。○調浙江定海鎮總兵林君陞。為福建汀州鎮總兵。○戊戌。更定旗人命案律例。諭總理事

務王大臣。滿洲殺死滿洲。即行正法。當日立法稍嚴。使人不敢輕犯。原屬保全之意。今滿洲生齒日繁。且知遵守法度。相殘之事甚少。舊定旗民條例。未免輕重懸殊。所當隨時更定。酌議畫一。著九卿會同八旗都統。詳確定議具奏。尋議。嗣後旗人遇有命案。仍依律分別聞毆謀故。定擬絞斬監候。具有服制者。照服制科斷。永著為例。從之。○戶部議覆。署西安按察使魏定國疏稱。孤貧口糧一項。請勅

下直省督撫。嚴飭各州縣。嗣後如有外來流丐。察其聲音。詢其住址。即移送各本籍收養。令各保甲務將實在孤苦無依者。開明里甲年貌。取具鄰佑保結。呈報州縣官。除驗補足額外。其有浮於額數者。亦收養院內。動支公項。散給口糧。仍將散過額外孤貧口糧名數。按年另造清冊。據實題銷。仍申嚴奉行不力。及冒銷處分。應如所請。從之。○又議覆廣西巡撫金鉅疏。請革桂林廠雜稅項下食物。草蒜。灰麪。併牛隻等。一十四條。北流縣臨江廠地豆。西瓜。茭筴菱角。冬瓜。筆。墨。硯。石灰等。九條。應如所請。從之。○兵部議覆。河南河北鎮總兵高攀桂疏。請開封一營。新募步兵六十一名。照舊存留差防。其標下左右二營。河南營衛輝營。彰德營。新募步兵四百五十二名。俱裁汰。應如所請。從之。○己亥。

上詣

皇太后宮問安。○遣官祭

先農之神。○定孤貧口糧。扣小建。加閏月。諭總理事務土大臣。直省設立養濟院。收養孤貧。月給銀米。計口授食。俾官主其事。吏胥毋得中飽。法至周也。但聞州縣舊例。給發孤貧口糧。逢小建不扣。遇閏月不加。試思鰥寡孤獨。疾病殘廢之衆。既無營生。又非乞丐。若年歲逢閏。一月無糧。其何以存活。著該部通行直省督撫。嗣後孤貧口糧。皆計日給發。小建可扣。閏月糧應加。務使均沾實惠。以副朕勤求民隱之至意。○又諭給與僧道度牒一事。朕前後兩頒諭旨。明切曉示。冀督撫有司辦理妥協。昨聞及安徽巡撫趙國麟據伊奏稱。有此一番澄汰。嗣後便可不必再給度牒等語。朕不知趙國麟之意。將以度牒為多事滋擾。而不必給耶。抑謂釋道之教。應行禁絕。而嗣後無庸給發。遂永不許人為僧道耶。恐直省督撫未必能如是精明強固。不動聲色。遂使天下無一僧道也。夫朕之酌復度牒。本以

僧道徒衆太繁。賢愚溷雜。其中多童稚孤貧。父母親戚主張出家。而非其所願者。亦有托跡緇黃。利其財產。仍然蕩檢踰閑者。甚至匪類作奸犯科。不得已而薙髮道粧。以避盤詰。藏垢納污。無所不至。是以發給度牒。令有所稽考。亦如民間之有保甲。不致藏奸。貢監之有執照。不容假冒。果能奉行盡善。則教律整飭。而閭閻亦覺肅清。豈欲繁為法禁。苦累方外之民耶。夫釋道原為異端。然誦讀經書。而罔顧行檢者。其得罪聖賢。視異端尤甚焉。且如星相雜流。及回回天主等教。國家功令。原未嘗概行禁絕。彼為僧為道。亦不過營生之一術耳。窮老孤獨。多賴以存活。其勸善戒惡。化導愚頑。亦不無小補。帝王法天立道。博愛無私。將使天下舍生之類。無一不得其所。僧道果能閉戶焚修。亦如隱逸之士。遯跡山林。於世教非有大害。豈忍盡驅還俗。使失業無依。或致顛連以終世哉。至於少年為尼。常恐

心志未定。別生事端。故待年已老成。始許披
髻。亦非盡絕其教也。若云僧道多一人。則盡
力南畝者少一人。恐目今為僧道者。未必皆
肯盡力南畝者也。朕令直省督撫。年終彙題。
即欲徐徐辦理之意。而並非謂目下盡行禁
絕人之為僧道也。據趙國麟此奏。誤會朕意。
恐他省督撫。尚有似此者。故再行申諭。務體
朕撫育羣生物各得所之意。詳悉妥議。徐徐
辦理。又前年以民間喜建寺廟。而舊時寺廟
傾圮者多。特諭止許修葺舊寺舊廟。近聞舊
址重修者絕少。間有新建寺廟者。地方官並
不將朕諭旨。宣布開導。此亦奉行不謹。怠忽
從事之一端。並諭令直省督撫知之。○又諭
原任甘肅巡撫許容。著該部帶領引見。○予
故雲南楚雄鎮總兵南天培。祭葬如例。○旌
表守正捐軀江西廬陵縣民歐陽愚卿妻賀
氏。貴溪縣民傅護妻薛氏。徐敬典妻蔣氏。○
辛丑。禮部奏。

實錄卷三六

三

世宗憲皇帝。

孝敬憲皇后。升祔。

太廟。應頒發朝鮮國

詔書。請點正副使各一員。得旨。著散秩大臣保

德。為正使。頭等侍衛多爾濟。為副使。今

世宗憲皇帝。配

天在。即。所有兩次詔書。併作一次頒發。以省外

藩供應。其直隸各省。及蒙古地方。所頒詔書。

亦著併為一次。以免疲勞驛站。○調河南巡

實錄卷三六

三

撫富德。來京。以山西布政使王暮。署理河南

巡撫。以原任甘肅巡撫許容。署理山西布政

使。○壬寅。

上詣

皇太后宮問安。

大清高宗法天隆運至誠先覺體元立極敷文
奮武孝慈神聖純皇帝實錄卷之三十八

實錄卷三十八

三十八

大清高宗法天隆運至誠先覺體元立極敷文
奮武孝慈神聖純皇帝實錄卷之三十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳三月甲辰

實錄卷三十九

上御乾清門聽政○詣

皇太后宮問安○諭大學士等國學乃教育人
才之地必董率者有方斯俊秀之輩出刑部
尚書孫嘉淦尚識正學之宗人品亦甚端方
著總管國子監事○又諭工部尚書淦天相
在學士裏行走俞兆晟乃降調革職之員朕
以其曾在部中辦事之人故特加錄用乃二
人一無建白惟以庸懦保位為事大負朕擢
用之意且年皆老邁著給與三品頂帶各回

原籍。其工部尚書缺。著趙宏恩補授。○禮部議。江南總督趙宏恩奏。上下兩江士子。應分闈鄉試。各建造貢院各事宜。應如所請。得旨。從前陝西。甘肅奏請分闈考試。經總理事務處。議不准行。安徽赴江寧應試。既不若湖南有洞庭之險。并不若陝甘道路遼闊。徒以增廣解額。廷議遂加以應否分闈。令該督撫議奏之語。而趙宏恩等遂有分闈之請。今部議准行。明係九卿中江南人多。而陝甘無人。遂

實錄卷三十九

三

致事同而異議。此風斷不可長。這本著發回。趙宏恩等。不顧事理之當否。遽議分闈。殊屬不合。著交部嚴察議奏。其江寧安徽。既經增額分中。則房考官應否酌添。并現在貢院應如何拓展修理。俾士子得以從容考試處。著該督撫另行妥議具奏。○刑部遵旨議覆。革職湖廣提督楊凱。以督臣史貽直。為奸險傾陷。忿激瀆奏。又據湖南巡撫高其倬。參奏。楊凱於奉旨解任後。戀職營私等款。應照律杖

徒。不准納贖。得旨。楊凱從寬。准其納贖。○以

原任江蘇巡撫顧琮。協辦吏部尚書事。○以

右翼前鋒統領署鑲藍旗滿洲都統瑚琳。補

授鑲白旗滿洲都統。○以盛京將軍都賚。補

授鑲藍旗滿洲都統。○乙巳。諭果親王喀爾

喀公敏珠爾。不曾出痘。今天氣漸熱。著回伊

游牧地方。秋涼之時。再行來京。伊現在乾清

門行走。其軍營換班行走之處。著停止。○吏

部議。廣西巡撫楊超曾。參奏。刑部左侍郎金

鉷。於廣西巡撫任內。向蒼梧道黃岳牧。私借

銅務充公銀一千二百兩。黃岳牧違禁借支。

事關侵帑。均應革職。交刑部審擬具題。得旨。

金鉷著革職。餘依議。○丙午。

上詣

大高殿。

壽皇殿。行禮。○丁未。

上詣

皇太后宮問安。○戊申。諭總理事務王大臣。農

事方興。需雨甚殷。雖十五日得雨。尚未霑足。朕心深為顒望。著傳諭禮部虔誠祈禱。○戶部議覆前因內閣學士方苞條奏。各省常平倉穀糶糶事宜。今據原任廣西巡撫金鉷疏稱。粵西省常平倉穀實貯無虧。亦無霉爛。除應存七糶三之時。仍照舊例遵行外。尚須因地因時。以備緩急。如穀色堅好。時價不昂。民食不缺。即可經年全貯不糶。如穀色將變。時價驟昂。民食缺乏。即量為出糶。不必拘定糶七糶半。應如所請。亦不得出糶過半。以致倉儲空虛。從之。○兵科掌印給事中畢誼奏。請特勅史臣。取經史諸書。及古來奏議。不論卷帙。亦無拘忌諱。日派二人。各寫數幅。進呈伏乞聽政之餘。必賜披覽。得旨。朕在潛邸。六經諸史。皆嘗誦習。自承大統。勅毖萬幾。少有餘閒。未嘗不稽經讀禮。今祥練既逾。畢誼所奏。令諸臣日繕經史奏議。理得施行。在朕廣挹羣言。可以因事監觀。隨時觸發。而覽諸臣所

進。亦可考驗其學識。或召見講論。則性資心術。並因此可覘。但畢誼所奏。止及史臣。而朕意科道職司獻替。應令一體錄呈。其規條應如何酌定。並分日按班呈奏事宜。著總理事務王大臣。定議具奏。○又奏。挑濬運河。添築閘壩。并毛城鋪下開引河。宜籌畫萬全。得旨。畢誼此奏。俟高斌到日。總理事務王大臣。會同一併議奏。畢誼所奏二事。俱是。著交部議敘。○旌表守正捐軀河南武安縣民麻俊傑女麻氏。舞陽縣民韓進魁妻劉氏。○已酉諭總理事務王大臣。聞廣州將軍張正興與總督鄂彌達。結為兒女姻親。張正興與鄂彌達。俱係地方大員。既結姻親。不便同省辦事。張正興著調補福州將軍。阿爾賽著調補廣州將軍。凡地方大員。同省辦事者。互結姻親。則嫌疑在所不免。且於公事亦不無掣肘。嗣後各宜留意。以免嫌疑之迹。○西安布政使程仁圻。丁憂。以禮科掌印給事中帥念祖署理西

安布政使。○免陝西定邊縣電災額賦。○庚戌。

上詣

皇太后宮問安。○總理事務王大臣議奏。歸化城蓋造新城。去右衛僅二百里。無庸添設將軍。請將右衛將軍移駐新城。止添副都統二員。其右衛之副都統二員。仍留原處。亦歸併將軍管轄。所有家選兵二千名。熱河兵一千名。著該處照原議辦理。俟房屋工竣日。先往

實錄卷三十九

六

駐劄。其管兵官員。應令將軍王常等會同八旗大臣。揀選京城應陞官員。請旨補放。至京城應派官兵三千名。遵旨暫停。俟歸化城附近地畝開墾足數。呈報到日再議。從之。○內務府總管赫奕。以老病乞休。允之。○旌表守正捐軀江蘇嘉定縣民譚士妻高氏。○辛亥

上詣

壽皇殿行禮。○諭總理事務王大臣。朕原因楊畝不勝川撫。是以命伊來京。而以王士俊代

之。既而王士俊因事革職。以一時不得其人。是以仍命彼前往。臨行之際。復諄諄告誡。以吏治民生之故。今自回任後。並無悛改之心。而玩視民瘼。一味挾私。於吏治民生。毫無裨益。大負朕擢用之恩。著革職。在川以已力保固瀘寧工程五年。再行請旨。四川巡撫著碩色調補。陝西巡撫員缺。著倉場侍郎崔紀署理。即前往任事。不必來京。○大學士總理浙江海塘兼管總督巡撫事務嵇曾筠疏稱。浙江海關稅務。委寧紹台道王坦管理。今准部咨。各省額辦洋銅。交浙江海關道員兼辦。行令將該道官銜。加監督某處海關。兼辦銅務字樣。應請鑄給監督浙江海關。兼理銅餉事務關防。下部知之。○壬子。諭總理事務王大臣。朕即位以來。屢下求言之詔。實冀科道諸臣。各抒忠盡。凡有見聞。即據實陳奏。俾無壅蔽。乃近見進言諸臣。仍多揣摩迎合之習。竟有悉屬浮言。毫無實際。如御史謝濟世所奏

實錄卷三十九

七

者。據稱有罪復用之人。如隆昇者。國人皆曰不可。近來如隆昇者更多等語。果如謝濟世所言。伊身為言官。即應指明事蹟。實舉姓名。不應為此含糊之論。又稱。王士俊逮勘赦回。頃聞清問及之。議者以為將來不藩司必臬司等語。王士俊之罪。彰明較著。原無可復用之理。前日朕問及者。欲令其赴軍臺効力。因其已經回籍。故未降旨。今謝濟世乃謂欲用為藩臬。不知何所見。而為此臆度之語。又稱。官員在任守制。已奉特諭停止。而近日督撫又漸次請行等語。近來督撫並未有陳請官員在任守制者。惟湖南辰永靖道李珣。因承辦貴州軍糧。在途遇有親喪。曾經該撫高其倬題請暫留。部議令其事竣回籍守制。亦非竟在任守制也。今謝濟世漸次請行之語。又何所指乎。又稱。監生不准考職。經九卿翰詹科道議准。永行停止。昨恩詔內。有監生仍准考職一款。夫考職者。入仕之路也。既准捐監。

又准考職者。是復開捐例之張本等語。貢監考授職銜。原屬舊例。蓋因州縣佐貳。既不便用科甲。又不使用吏員出身之人。是以將貢監按年考職。挨次補用。從前候選人員壅滯。尚可議停。今既不開捐例。若再永停考職。則十數年後。佐貳一官。無人銓補。今謝濟世。乃以考職為開捐張本。夫考職與開捐。有何關涉。而為此支離之語乎。又謝濟世奏稱。半年以來。非無可言之事。而無進言之人。此臣之所以不能已於言等語。夫半年以來。既有可言之事。謝濟世職司獻納。何以不行陳奏。且半年以來。何嘗無進言之人。豈謝濟世獨罔聞知乎。乃稱因無進言之人。而不能已於言。則顯懷觀望之私。且多詭譎之意。前後語言。誕妄支離。本應交部嚴加議處。以為妄行瀆奏者戒。但朕念切求言。豈因一昏愚無知之謝濟世。遂阻進言之路。故寬免交部。著嚴行申飭。伊若以為事有確據。著將伊摺內所陳。

一一明白回奏。從來言官陋習相沿。多由迎合。若人主意為綜核。臣工率刻意吹毛求疵。巧避瞻徇之跡。而置君德於不問。若人主意在樂聞已過。則又往往於朝廷之政事。吏治之得失。不一言及。甚有臣工不能靖共。羣僚或植黨援。曾不敢一指摘。以遠嫌避害。惟事撝拾陳言。以自沽能。攻君心之名。是其居心之陰巧。乃國家之大蠹也。朕孜孜求治。常恐不及。使偶有闕失。言官果能切實指陳。朕自樂於聽受。即大臣中或有過背。果能據實彈劾。亦足為用人鑑戒。若徒勦襲膚詞。則史冊具在。儘足披覽。何用伊等喋喋陳奏乎。今觀謝濟世所奏。多係揣摩迎合之意。是以一一剖晰開示。諸臣倘錯會朕意。轉生畏蒞之念。則又不知朕推誠布公之心者也。著傳諭各科道知之。○又諭。自貴州用兵以來。楚省運黔軍糈。前後共計四十餘萬。俱按期償運。並無遲誤。辦理糧運官員。頗屬勤勞。著湖廣總

督史貽直查明具奏。交部分別議敘。○又諭道府等官。皆屬親民要職。必才幹素著。廉潔自持者。方克勝任。是以

皇考當日。曾令督撫兩司。各行保舉。今朕仿照此例。著於各省道府官內。令督撫藩臬。各據所知。保舉一二員。或二三員。俱各密封具奏。不得會同商酌。如所保之人不當。日後劣蹟敗露。將保奏上司。一併治罪。○兵部議覆。山東巡撫法敏疏。請撫標左右兩營火器外委。無庸添設。應如所請。從之。○又議覆。山東登州總兵馬世龍疏。請嗣後登鎮水師營缺出。照海疆州縣之例。會同山東巡撫揀選題補。如無相宜之員。據實具奏。請旨補放。應如所請。從之。○命湖北巡撫鍾保來京。調廣東巡撫楊永斌為湖北巡撫。以兩淮鹽政尹會一署理廣東巡撫。調天津鹽政三保。巡視兩淮鹽政。○予故正藍旗蒙古副都統阿納布。祭一次。○癸丑。

上詣

皇太后宮問安。○吏部議准原任江西巡撫俞

兆岳疏稱德化縣城子鎮巡檢原管轄之城

子鎮并赤松南昌二鄉歸德化縣典史巡查

其城子鎮巡檢改德化縣大姑塘巡檢兼管

附近之仁貴鄉從之。○戶部議准廣西巡撫

楊超曾疏稱臨桂縣屬之水槽野雞二處礦

廠壠老砂微不敷課稅題請封閉從之。○予

故副都統兼佐領馬臘祭一次。○予故副都

實錄卷三十九

三

統品級食半俸顧儼祭一次。○甲寅諭總理

事務王大臣雨澤愆期已逾旬日漸有亢旱

之象朕心深為憂灼從來雨暘不時類言修

省朕思人主敬

天勤民修省之念固無一時可釋若待災祲已

兆然後言修省則褻

天已甚朕即位以來兢業之衷無敢少間惟當

於此益加謹凜耳古人所謂齋居徹樂朕二

十七月之內率以為常即減膳等事朕亦惟

躬自行之無俟宣示臣工也至於九卿大臣
等受朕簡畀自應共矢敬

天之誠靖共厥職若因亢旱而召入諸臣面加
訓諭是即委過臣下之意朕所不為亦非所
以重待諸臣也惟在諸臣自加省惕夙夜黽
勉以邀

上天之垂鑒而已立夏前後若再無雨澤則秋
田難於播種小民恐有艱食之虞應作何豫
為籌畫之處著總理事務王大臣詳議具奏

實錄卷三十九

三

○又諭昨曾降旨著尹會一署理廣東巡撫
今尹會一以伊母年逾七旬不能赴任就養
為辭情甚懇切著調署河南巡撫王夔著前
往署理廣東巡撫○總理事務王大臣遵旨
議奏翰詹科道日繕經史奏疏進呈酌定規
則得旨依議每日繕進書摺朕披閱後交南
書房收存其或召見講論朕所降旨令本人
於次日繕寫呈覽亦交南書房收存將來行
之日久不特集思廣益亦可薈萃成書以資

觀覽○戶部議覆山西巡撫覺羅石麟疏稱
芮城縣解平陽府穀折米一百二十四石一
斗四升零相距五百餘里輸運維艱請就近
改解蒲州府支給蒲州平垣二營兵糧將夏
縣解蒲米五十八石二斗六升零儘數改解
平陽下餘不敷米六十五石八斗八升零在
於虞鄉縣解蒲米內改撥以補芮城縣改解
之數應如所請從之○又議准貴州總督張
廣泗疏稱黔省大定府屬之馬鬃嶺鉛廠洞

實錄卷三十九

十五

老山空爐民日漸稀少題請封閉從之○禮
部以會試中額請得旨這會試滿洲蒙古取
中十名漢軍取中四名直隸取中三十名奉
天取中一名山東取中二十名山西取中
十六名河南取中十八名陝西取中十四
名江南取中三十八名浙江取中三十六
名江西取中二十八名湖北取中十四名
湖南取中八名福建取中二十名廣東取
中十六名廣西取中四名四川取中七名

貴州取中六名雲南取中十名旗卷五經取
中一名南卷五經取中八名北卷五經取中
三名中卷五經取中一名○九卿會議河南
鄭州郭元曾家輪姦一案得旨此案稽延已
久從前屢經審理總未得有實情以成信讞
朕是以特交九卿會議以九卿自能確核詳
勘實指是非以定此案也今覽所奏仍不能
確有所見奏請交與新任巡撫查審其鄭州
知州陳廷謨請革職及承審各官俱秉公細

實錄卷三十九

十五

訊其弓勲等輪姦屬虛令按察使勒緝正犯
等語是九卿等所議案情既與孫嘉淦所審
約畧相符而孫嘉淦請將富德吳應棻等交
部分別察議之處又竟不議及則九卿等之
不無瞻顧亦屬顯然矣夫以九卿不能確定
之案推與新任巡撫能保新任巡撫之果得
實情乎九卿尚不能不瞻顧富德吳應棻能
必新任巡撫之不瞻顧富德吳應棻乎書曰
罪疑惟輕與其殺不辜寧失不經此案情節

既經孫嘉淦審得弓勲等均非正犯。應另行勒緝。若如孫嘉淦所審結案。即有錯誤。不過失出。亦屬罪疑惟輕之義。著照孫嘉淦等所審完結。富德著交部嚴加議處。吳應棻伊爾敦著交部議處。李慎修黃叔瓚著交部嚴加察議。鄭州知州陳廷謨著革職解京。交九卿確審具奏。○乙卯。

上御乾清門聽政。○詣

皇太后宮問安。○額駙策凌奏請。明年東三省

實錄卷三十九

七

兵二千名。牧廠兵五百名。當代還者。亦令於防秋後九月遣還。從之。○以內閣學士劉統勲為刑部左侍郎。仍留浙江海塘學習行走。以兵部左侍郎孫國璽署理刑部左侍郎事務。○以護軍統領噶爾錫補授右翼前鋒統領。○以滿洲副都統金柱補授正紅旗護軍統領。○旌表守正捐軀之安徽桐城縣民婦舒氏。含山縣民婦洪氏。○丙辰。諭總理事務王大臣。朕以雨澤愆期。亢旱有象。甚為憂灼。

不勝省惕。因念刑獄一事。自大赦之後。囹圄所繫無幾。而直省通緝人犯。在恩赦以前者。向以該犯未獲。懸案緝拏。其中有不應赦者。有應赦者。其應赦之人。雖拏獲到案。仍免其罪。而該犯已受拘攣之苦。殊堪憫惻。著該部立速通行各省。除必不應赦者。仍行通緝外。其與赦款相符者。一概免其通緝。有在本案牽連待質之犯。亦即予釋放。至現今刑部羈禁之人。有似此等牽連待質者。無論赦前赦後。或釋放。或取保。著該堂官。即行酌量辦理。以示矜恤。○兵部議覆。大學士管理浙江總督事務嵇曾筠疏請。定州縣城門門軍。禁止僱倩。臨安等十一縣。地保承值。市民看守之處。一概革除。各撥民壯輪流看守。其未設城垣處。應依附民居。設門為限。亦撥民壯看守。至杭州省會。既有滿漢兵丁。防守稽查。其看守城門。毋庸再派衛軍。應如所請。從之。○又議准。川陝總督查郎阿疏請。四川威茂營參

實錄卷三十九

七

將改為副將。添兵六百名。合舊額共一千二百名。分為左右二營。將叅將中軍守備。改該協左營都司。隨駐本城。照汛分防。右營官兵。移駐威州二百名。保縣四百名。將該協右營添設都司。移駐保縣。仍於威保一帶。酌地添汛。其千把弁員。即於新兵千把外。委內撥補。至小河營裁遊擊一員。止留守備一員。千總一員。把總二員。兵二百名。所餘兵二百五十名。及督標應裁兵二百餘名。均抽撥威茂協。該協尚有未足兵。另行招募。將抽撥招募兵丁年貌。并分防汛地。造冊報部查核。從之。○加贈故副將管湖廣襄陽總兵事焦應林。一級。○是日起。

上以孟夏享

太廟。齋戒三日。○丁巳。諭總理事務王大臣。時值亢旱。雨澤未降。凡所以弭災之道。俱應籌畫。已屢降諭旨矣。今思婚姻以時。王化所重。怨女曠夫。宜加優恤。現在八旗內務府兵丁

實錄卷三十九

六

閑散人等內。男女有年二十八歲以上。或已經締姻。力不能嫁娶。或因家計貧乏。並未及議姻者。著每名賞銀十五兩。以完其婚嫁之事。其內務府壯丁。有似此者。著賞銀七兩。其應用何項錢糧。作何辦理之處。著八旗大臣會同內務府。速行詳議具奏。○戊午。諭總理事務王大臣。八旗食錢糧之人。所借公庫銀兩。其四月分應坐扣者。著暫行停扣。全給一月錢糧。至五月再行坐扣。該部即遵諭行。○加贈故廣東提督張溥。一級。○下瞻對土目班滾。准承襲父策冷衮布職銜。換給號紙。將伊父原領號紙繳銷。雲多土目丹批儀蓋土目朗金。麻林土目工布。上臨卞石土目工布。拉登。下臨卞石土目納期。岡裡土目布推桑。隆石土目喇無絨。上蘇阿土目達結。下蘇阿土目栢瑪朗結。郭布土目工布交等。俱准給與土百戶職銜號紙。從四川巡撫楊畝請也。○是月。直隸總督李衛奏報。雨澤愆期。年景

實錄卷三十九

元

可虞。乞交部嚴加議處。得旨。卿此奏。朕實不忍披閱。雨澤愆期。皆朕用人行政之間。不能措施咸宜。以致上干

天和。自愧無地。違恤其他。朕今日尚諭王蓐。以為我君臣於吏治民生之間。即無一不當。未必能仰邀風雨時若之賜。而吏治民生。或有闕失。即未有不致水旱之儆者。此並非却過之詞。實應如是敬畏者。卿但當豫籌所以賑恤之策。使百姓不至流離溝壑。庶幾我君臣

實錄卷三十九

三

之過。得以少減耳。○署天津鎮總兵黃廷桂奏報。二十八日。得雨三寸。二麥暢茂。秋禾均可播種。得旨。時當亢暘。甫得三寸之雨。汝等文武。即侈然自詡。可謂不知民瘼之至。將此旨與劉勳同看。汝等但當體恤民瘼。思賑恤之策。或咨商督臣。或密摺以聞。皆可。其蝗蝻若有萌孽。當竭力捕除之。此方係實政。毋徒為是粉飾之詞也。○江蘇巡撫邵基奏。淮揚徐海等屬。倉廩空虛。擬動支地丁銀兩。遵員

買運足貯。得旨。此是極應舉行者。○又奏。革除海關頂充書吏。呈繳茶果銀兩。及一切陋規。得旨。此係名正言順之事。但恐未必永久行得去。○又奏。報各屬春雨霑足。得旨。覽京師此際。望雨甚殷。此南北風氣所以不同也。○又奏。淮安府知府楊應瑤。不諳吏治。請旨調回酌用。所遺淮安府員缺。請以通州直隸知州張桐署理。所遺通州員缺。請以革職原任廣東廣州府通判。現於海塘案內。題請開復之王延熙署理。仍各留心試看。另請實授。得旨。知道了。楊應瑤。調來京引見。張桐署理。淮安府。殊為越銜。不便至王延熙。以革職通判。豈可即用為直隸州知州。已有旨。令白巖署理。令爾督撫。公同試看矣。○大學士管理浙江總督嵇曾筠。奏。浙省營制。藥械等項。原有員弁分管。無庸另設火器外委。以實營伍。得旨。應如是酌量情形。辦理者。○福建布政使王士任。奏。查閩省正音教職之設。於浙江。

實錄卷三十九

三

江西兩省就教舉貢內。挑選熟悉官話者十
二人。咨往福建訓迪。但各員俱係外來之人。
雖諳官音。不曉土語。師弟問答。彼此扞格。實
於正音無益。似應將兩省人員撤回。即於本
省上游及福州府。就教舉貢內。慎選熟曉官
話者。專司正音教職。則口語相通。授受自易。
得旨。朕看此事。殊屬應如是辦理者。其交與
督臣。聽其酌議。○福建臺灣總兵馬驥奏。明
上年十一月。北路副將靳光瀚。及淡水同知

實錄卷三十九

五

趙奇芳。斬殺新港。加志閩兇番二名。奴才因
首兇未獲。不知一面具奏。皆奴才愚昧所致。
得旨。知道了。此次姑寬汝過。以後於地方事
務。更宜留心。○湖南巡撫高其倬奏報。湖南
城步。綏寧之兇。猺蒲寅山。鳳老一等。劫殺多
案。拒戕兵役。今仍出山。戕害民人。攻卡拒傷
弁兵。不法已極。現在設法勦懲。以除此害。得
旨。知道了。此事汝於去年具奏時。朕即諭以
持重得體為要。今既釀成事端。而不可中止。

切莫又欲苟且完局。以圖了事。而傷國體也。

在事官弁。孰功孰過。一一記明。俟事完。統行
具題。以分賞罰。其陣亡之把總兵丁。著照軍
功例。亦於本內敘明。將此旨。並諭督臣知之。

○大學士仍管川陝總督查郎阿。遵旨密奏。
承辦軍需之軍需道沈青崖。肅州道黃文燁。
甘山道張體義。高臺縣楊肇熙。軍需庫官石
曰璉。貪劣各實蹟。請旨革職。拏問究擬。臣四
月巡視甘肅。請會同甘肅新撫臣宗室德沛。
徹底清查。至署總督劉於義。總理軍需。地處
同城。徇私故縱。相應一併陳奏。得旨。朕觀劉
於義。乃一蒼猾難信之人。其於此案。豈惟徇
私故縱。失於察查。抑不無染指矣。卿所奏具
悉。親身至肅。詳察明白。後具本嚴叅。以處一
警。百可也。○管川陝總督查郎阿。陝西巡撫
碩色。奏報。陝省雨雪應時。豐穰有兆。得旨。以
手加額。覽之。此皆卿忠誠夙著。上格
穹蒼。若云朕德所致。則京師現在望雨甚殷。此

實錄卷三十九

五

言實愧當之。陝省麥田。既大有秋。則登場之時。其價必賤。朕欲發帑採買。以濟直隸之急。不知陝省之麥。足供何許。運輸之道若何。卿宜悉心詳議。速行議奏。此旨尚待卿奏至。並未頒發。倘此際仰邀

天眷。不俟陝省之接濟。亦未可定。但先事豫防。吾君臣不可不竭盡心力耳。○廣西巡撫楊超曾具摺謝恩。得旨。覽將汝屬員優劣。據汝所知具摺奏來。○又奏省城廣仁藥店。應存資賞息銀。為營弁召募管賑之徐紹文。虧蝕一百二十餘兩。前撫臣金鉷並不飭追。轉將原報息銀總數減除少報。以符捏案。實屬欺詐。得旨。金鉷自有金鉷應得之罪。此等細事。可以已者。亦可以已耳。○雲南總督尹繼善奏報賑恤上年歉收各屬事竣。及入春連得雨雪。春收接濟有資。得旨。滇省舊年雖有旱災。而今春雨雪情形。雖大田未准。而麥秋可必矣。覽奏曷勝忻慰。

實錄卷三十九

五

大清高宗法天隆運至誠先覺體元立極敷文奮武孝慈神聖純皇帝實錄卷之三十九

實錄卷三十九

五

大清高宗法天隆運至誠先覺體元立極敷文奮武孝慈神聖純皇帝實錄卷之四十

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣度桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳夏四月己未朔享

太廟。

上親詣行禮。○詣

皇太后宮問安。○是日。

世宗憲皇帝齊妃病篤。移居五龍亭。

上奉

皇太后駕至五龍亭視疾。○諭總理事務王大臣。

臣。日來廷臣奏事甚稀。科道官亦少所建白。

得無謂天久不雨。朕心憂惻。恐重以煩朕。以

是為愛君耶。陽愆陰伏。正宜君臣交警。恐懼

修省。勤思至道。不敢少自暇逸。以仰邀

天鑒。若以是為愛君。非朕所樂受。亦非古賢臣

所以愛君之道也。總理事務處及九卿八旗

所有應辦應奏諸務。各宜悉心體國。日有孜

孜。科道官於民生之疾苦。時政之得失。尤當

直陳不諱。俾朕得納察善言。釐清庶務。以踐

畏

天憫民之實事。倘因循緘默。懈事廢時。不獨非

愛君之道。且將重朕不德。豈朕所望於諸臣。

亦豈爾諸臣厚於自待之道歟。其咸喻朕意。

毋忽。○庚申。

上詣

皇太后宮問安。○諭總理事務王大臣前因淮

揚運河築壩挑濬。計需半年之期。兩淮引鹽

應預行捆運。所有預運鹽觔。請單呈綱。應納

錢糧。恐商力不無竭蹶。已降諭旨。令緩至加

觔時一并完納。今朕思商人資本。盈絀不同。

而預運與正運一齊趕辦。恐其中仍不免有

竭慶之處。著將淮南丁已綱正運引鹽。未築壩以前。運到儀所過掣者。其應納請單呈綱錢糧。各先完納一半。餘聽陸續完納。總限奏銷之時。全數通完。俾商人更得通融辦理。○又諭。四川瓦寺土司。世守恭順。勉力輸誠。每一年以來。該土司桑朗容忠。凡遇調遣。悉能統率所屬。奮勇向前。著有勞績。著賞給宣慰司職銜。以示鼓勵。○辛酉。諭總理事務王大臣。邇來雨澤愆期。民間米價較前稍長。且因從前倉場條奏。官倉糴米甚多。春季官兵祿廩。全以糴米支給。是以老米價值更昂。現在五城存廠米石甚少。而赴買者甚衆。當此青黃不接之時。若不預為籌畫。恐奸商居奇。市價難於平減。著戶部作速行文倉場。將存倉老米。每城撥二千石。照減定價值發糶。如有不敷。再行撥給。嗣後支放祿廩之時。各色米石。應照舊例搭放。不必一季全放糴米。如倉場各倉老米數少。不足支放。而糴米過多。慮致

紅朽。應令辦漕省分。如何通融辦理之處。該部詳議具奏。○八旗都統等先以議准御史諾恩布。請禁奸商私買兵米。圖獲厚利一事具奏。

上以旗人願借重利。自係急不暇擇。與其使奸商獲利。不如每旗酌撥帑銀一二萬兩。遇伊等有急迫事件。輕利借給。將伊錢糧代扣。庶重利放債之弊。可不禁自止。又前借給旗人俸餉。暫試一二年後。可否仍照原議接續借給。均交八旗大臣公同詳議具奏。經都統等議稱。每旗分給帑銀數萬。遇有緩急。輕利借給。較之借貸重利。固屬有益。但不定以限制。任從支借。亦覺未便。必酌定章程。方可借與。若定有章程之後。例不應支借者。自不借給。一不借給。勢必又借私債。是雖有輕息之歛。仍難禁重利之行。至借給俸餉一事。現屆一年。未見實有成效。應照原議過二年後。再看情形。酌量辦理。餘請如所奏。從之。○壬戌。總

理事務王大臣議奏。遵旨預籌賑恤事宜。現今雖少雨澤。尚未成災。應先行平糶。暫停徵比。倘旱荒既成。請就存倉米穀散給。或不敷用。再令督臣李衛酌奏截留漕米。以備臨時撥濟。得旨。覽所議賑恤之策。俱為切要。至緩徵一條。尤屬濟時拯救之急務。著依議速行。仍傳諭直督李衛。董率屬員。實力賑恤。我君臣不能政治得宜。以致上干

天和。若再賑恤無策。使無辜之百姓流離困苦。而莫救。我君臣何顏以對之。若至大旱。其京城內外旗民。應如何加恩賑恤之處。著總理事務王大臣會同九卿詳議具奏。李衛亦著盡心詳議再奏。○禮部奏。朝鮮國王咨請。中江每年二八月間貿易。懇仍舊例遵行。得旨。朕前因臺站官兵。每年二八月間。攜帶貨物。前往中江。與朝鮮貿易。兵丁既不諳貿易之事。且不無需索擾累。誠恐遠人到邊守候羈遲。殊多未便。是以降旨。令內地商民前往。均

平交易。內地商民。即指附近臺站之百姓而言。並非於京師關內。另有派遣。此朕體恤遠人之意也。今該國王既請仍如舊制。著照所請。仍循舊例。與兵丁等按期交易。可傳諭該國王知之。○正白旗滿洲都統奏。護軍平保。保安患病革退。所借錢糧未完。坐扣銀兩。查平保家產子嗣俱無。保安亦無家產。有子年僅二歲。實係病廢。若與有罪革退者一體勒追。情屬可憫。應否寬免。出自

聖恩。再八旗內。似此實係病廢。不能當差。又無家產。可否一體寬免之處。恭候欽定。得旨。護軍平保。保安。皆係患病革退。又無家產。情屬可憫。未完坐扣銀兩。俱著寬免。但不肖之人。因寬免銀兩。遂儆倖託病告退。繼稱病愈。復又當差。不能無弊。此等患病革退。實無家產者。雖免未完銀兩。仍著該旗存案。若病愈後復當差行走。未完坐扣銀兩。仍照數坐扣。如此可以除不肖僥倖之弊。爾八旗

大臣議借庫銀官員內年老具呈告退病故者寬免一議亦未盡善職官應行寬免若世襲官員雖退差病故伊子弟仍襲其官亦寬免乎此內襲職者係伊遠族著仍寬免若係弟兄子孫承襲爾等應視其襲職人之世代遠近辦理似此未盡善之處爾八旗大臣詳細酌議具奏○鑄給監督江南海關兼管銅務關防從江蘇巡撫邵基請也○予故鑲黃旗滿洲都統查爾泰祭葬如例○廣西巡撫楊超曾疏報各屬開墾水旱屯田共一百六十一頃有奇○癸亥

上詣

皇太后宮問安○諭大學士鄂爾泰前因查郎阿奏到知陝省雨澤霑足麥秋可望豐收曾將陝省麥名可否運濟直隸之處批令預先籌畫朕復思陝省赴直隸尚隔山西一省道路遙遠運濟不易倘以已經降旨致費周章轉於事無補可寄字與查郎阿如或運送維艱即據實奏明不必勉強從事○又諭水利

所關農功綦重雲南跬步皆山不通舟楫田號雷鳴民無積蓄一遇荒歉米價騰貴較他省過數倍是水利一事尤不可不亟講也朕常時籌慮曾面詢大學士鄂爾泰據奏臣前任雲南凡可以疏濬處所已漸次興舉因廣西省產米甚多如可通舟即能接濟曾委開廣西剝隘地方至雲南屬廣西府河道雖已有頭緒猶恐未能深通再四川省亦產米之區滇屬尋甸州之牛欄江其下有車洪江流水可達川江若能開通川江舟楫可直抵嵩明州之河口亦曾委員查勘因形勢險窄衆議難行時臣已進京遽爾中止此外川河前經引導現有可達昭通者若由昭通次第開鑿或可通牛欄江亦大有裨益等語可將此情節寄字與尹繼善令其悉心籌畫無論通粵通川及本省河海凡係水利及凡有關於民食者皆當及時興修不時疏濬總期有備無患要須因地制宜事可謀成斷不應惜費

如難奏效。亦不必強作。著並諭張允隨知之。
○又諭步軍統領鄂善。朕因雨澤愆期。米價較前稍長。今將通倉米石運京平糶。以便小民。若有不肖之徒。串通胥役。假冒貧民。賤買貴賣。或典販窩囤。就中取利。致使閭閻不能均霑實惠。殊非朕愛恤斯民之意。爾步軍統領衙門。嚴行稽察。并傳諭五城該管各員。實力巡緝。如有奸民猾吏。違禁趨利。即拏交刑部治罪。○王大臣議覆。太常寺少卿唐綏祖

條奏。臣向在外任。辦理案件。見條例內。有情同而罪異。或法重而情輕者。若不更訂畫一。易滋吏胥出入之弊。而成例遵行既久。未敢輕議更張。今恭逢我

皇上慎重刑獄。特命大臣纂修律例。謹抒管見數條。恭備採擇。一。

欽定例。凡執持金刃。將人連戳。傷重者。不論旗民。俱發寧古塔。查律載。又傷人者。杖八十。徒一年。增例。凡兇徒執持刀鎗。凶器殺人者。依

律問擬外。傷人者杖一百。邊衛永遠充軍。是同一金刃傷人。而先後有律例三條。有城旦充軍。發遣之不同。似宜酌改畫一。一。增例。凡旗人賭錢事發。開場抽頭。及容留房主。俱照光棍為從例。擬絞監候。賭博之人。枷號四個月。鞭一百。又凡旗人造賣紙牌骰子者。照開場抽頭存留賭博例。擬絞監候。查增例內。凡賭博不分兵民。俱枷號兩個月。開場窩賭。及抽頭之人。各枷號三個月。並杖一百。又

欽定例。凡民人造賣紙牌骰子。為首者。發邊衛永遠充軍。為從及販賣為首者。杖一百。流三千里。為從販賣者。杖一百。徒三年。旗民事同一體。今賭博先後定例。俱不畫一。似宜酌議更正。一。

欽定例。河工估計。總河副總河及該督撫分司委員確查。如估計過多。存心浮冒。查出草職。至完工之日。再行確查。如工程單薄。錢糧不歸實用。修築不堅固者。將承修之員。照侵盜

錢糧例。分別治罪。侵欺銀兩。勒限追賠。查河工錢糧。關係甚大。理宜立法森嚴。但估計過多。必核其入己之贓。以定其侵欺之罪。況物料有時價之不齊。工程有緩急之互異。今第以存心浮冒。懸揣定擬。不論入己與否。概引侵欺錢糧例。比照定罪。似覺未協。應請分晰更定。一。律載。凡偽造諸衙門印信。及時憲書符驗。茶鹽引者。為首雕刻。斬。為從者。減一等。杖一百。流三千里。查時憲書後。原有如無本監印信。即同私造等語。但直省鄉僻愚民。每有官刻時憲書。不能徧及。遂有圖利小販。照官板式樣。翻刻成書發賣。每本不過小制錢十數文。其時序月令。一無更改。惟恐無印信。難以哄騙鄉愚。遂雜用黃丹塗飾印信狀。蓋於上。並無篆文。既非雕刻。亦非描摹。正與欽定例內。偽造諸衙門印信。止圖誑騙財物。為數無多。銀不及十兩。錢不及十千。為首雕刻者。杖一百。流三千里。為從及知情行用者。各

減一等之條相符。今於辦理時憲書案件。獨不問印信之是否雕刻描摹。誑騙之財物有無多寡。槩以私造擬絞。似覺過當。應請酌議。

一。

欽定例。兵丁逃回者。照官軍從軍征討私逃再犯律。絞監候。秋後處決。其跟隨之奴僕僱工。偷竊馬匹器械逃回者。照竊盜滿貫律。擬絞監候。秋後處決。查律內。官軍從征私逃。初犯者。杖一百。仍發出征。再犯者。絞監候。又定例內。跟役自出兵處逃回者。鞭一百。如被旁人拏獲。並地方官拏解。均拏送墩門。俟同次出征之兵到日。鞭刺。今將兵丁逃回。不分初犯再犯。概照再犯律。擬絞監候。跟役偷竊馬匹器械。不分多寡。亦照竊盜滿貫律。擬絞。且官軍私逃本律。原專指征討處逃回。今將沿邊駐防。及由軍前撤回兵丁。遇有逃走。均照征討處逃回問擬。似覺未協。應請酌議。一。增例。凡常人盜倉庫錢糧。不分腹裡。沿邊沿海。但

入已數滿三百兩者。擬絞監候。不滿三百兩。照正律併贓擬罪。查監守自盜錢糧入已數滿三百兩者。擬斬監候。

欽定例。改自一千兩以下者。仍照監守自盜。擬斬監候。今常人盜數滿三百兩者。擬絞監候之例。相沿未改。是常人盜之罪。反重於監守自盜之罪。此條似應酌議。一。現行例。搶奪三犯。擬絞立決。竊盜三犯。擬絞監候。若竊盜二次。搶奪一次。搶奪二次。竊盜一次者。免其並擬。照所犯之罪發落。查竊盜二次。搶奪一次。搶奪二次。竊盜一次者。若均免其並擬。是搶奪二次之人。或無所忌而行竊。竊盜二次之人。或無所忌而行搶。不足懲積惡不悛之徒。似應請無論搶竊三犯。均照竊盜三次律。擬絞監候。一。現行例。強姦已成。本婦羞忿自盡者。照因姦威逼致死律。斬監候。強姦未成。或者。照因姦威逼致死律。斬監候。強姦未成。或者。但經調戲。本婦羞忿自盡者。絞監候。仍於秋審時俱入情實。候旨遵行。查調戲之中。甚有

區別。實有調戲情形者。照例問絞。情罪允當。若止閭閻市井村野愚人。出語狎褻。微有觸犯。在其人本無圖姦之心。而迹似調戲。貞烈婦女。一聞穢語。即便自盡者。既無手足勾引。亦無窘辱挾制。概照因姦威逼之條。擬以絞抵。則與強姦未成者無異。似應酌議分別。一。現行例。地方有仇盜未明之案。防汛兵丁。責令嚴行查捕。倘該汛兵丁。有審係暗地分肥。通同肆虐者。與盜賊同科。至死減一等。若知情故縱者。照窩主知情存留例。分別治罪。查汛地若果暗地分肥。通同肆虐。即係身為盜賊。又何得至死減一等。且如知情故縱。並未得財。其罪較輕於肆虐。今照強盜窩主例治罪。似未允協。應請酌議。摺內凡九條。臣等詳閱。其中頗有可採。律例現在纂修。應請交部會同該館。悉心斟酌。或應更改之處。定議具奏。疏入。報聞。○直隸總督李衛疏報。雍正八年。順天保定二府屬。報墾之水荒地一十七

頃三畝有奇。應徵糧額。請於乾隆元年為始。從之。○予故琉球國貢使耳目官毛光潤卹典。致祭如例。○甲子。諭總理事務王大臣。朕前因蕭永等處。屢遭水患。應作何辦理。為又安百姓之計。令該督撫總河等。勘明妥議。嗣據該督撫等奏請。疏濬毛城鋪迤下一帶河道。經徐。蕭。睢。宿。靈。虹。等州縣。下至泗州之安河陡門。紆迴曲折六百餘里。以達於洪澤湖。復出清口。仍與黃會。已經該部議行。隨據淮揚京員夏之芳等。連名陳奏。以為未便。朕以為該員等生長淮揚。所奏毛城鋪引河不便。開通之處。果有所見。亦未可定。此事關係重大。是以復降諭旨。令總河會同該督撫。悉心籌畫。不可固執已見。亦不可曲徇人言。務期於運道民生。萬全無弊。今據高斌趙宏恩來京。進呈河圖。面奏情事。乃知夏之芳等所奏。俱非現在情形。據夏之芳等稱。毛城鋪減水壩。原因徐州一帶兩岸山勢夾束。河水屢屢

為患。是以前河臣靳輔。於康熙十七年題明建設減下之水。使歸洪湖。以助清刷黃。六十年來。上下河道民生。均受其益等語。是現今毛城鋪濬河。乃因毛城鋪壩以下。舊有之河身淤阻。量加挑浚。使水有所歸。並非開鑿毛城鋪之壩也。乃夏之芳等。妄行添入開毛城鋪之一語。使朕亦不能無疑。曾屢次批示高斌。以不可固執已見。而王大臣遂亦不能定此案。淮揚百姓。因夏之芳倡議於京。遂浮論百出。而莫可止遏。今據高斌趙宏恩來京奏稱。乃舊有之河。並非昔無而今始開通。況減下之水。紆迴曲折六百餘里。經由揚。鹽。等五湖。為之停蓄。一入湖邊。即已澄清。從無挾沙入洪湖之患。亦無洪湖不能容納之虞。又豈如夏之芳等所言。危高堰而妨淮揚之民生。運道乎。朕披閱河圖。毛城鋪口門外。近年以來。刷深支河十餘道。前經高斌奏明。現將毛城鋪上游洩黃近溜支河全行堵閉。惟留旁

流之郭家口支河一道與下游倒勾水之定國寺支河一道相機分洩不令過多則將來毛城鋪所洩之水較之從前尚為減去大半豈從前多洩之水不為淮揚之害而此後少洩之水轉為淮揚之患乎況今高斌等議於毛城鋪口門中間築亂石滾壩俾無衝深奪溜之虞則引河之水勢自不至奔湍迅疾從來洪湖之水蓄以濟運刷黃水少則淮弱黃強水多則高堰可慮數年以來湖水微弱黃水每致倒灌入運今清口現議疏濬寬深則清水暢流無阻正慮清水暢洩有傷全湖元氣今益以毛城鋪洩下之水則足以助清刷黃而清水不患其弱且高家堰一隄

聖祖

世宗屢發帑金修築堅固足為淮揚保障而天然一壩又經總理事務王大臣會同九卿定議非遇異漲不得輕開則淮揚州縣之水患自由此可免此現今毛城鋪引河之應行開

濬情形也朕令高斌趙宏恩公同總理事務王大臣與夏之芳等悉心講論而夏之芳等身未親歷其地徒以惑於浮言復固執偏見及王大臣等畧為辯論即多遁詞其原無定見可知矣今日忽據御史甄之璜鍾衡抗疏陳奏甄之璜奏稱毛城鋪開河淮揚百萬之衆憂慮惶恐因致直隸地方雨澤愆期等語夫淮揚與直隸相隔數千里直隸之亢旱與毛城鋪引河何涉而乃為此支離誕妄之語鍾衡條奏二摺皆係毫無裨益之事將毛城鋪一案牽引叙入尤屬巧詐河防重務必須明白指陳尤須詳細斟酌固不可偏執已見又豈可曲徇人言從前邵基晏斯盛等所奏尚不過扭於衆論拘於識見而畢誼之奏亦止論衆議紛紜原來指陳可否今甄之璜鍾衡並未親歷河工確知河務且非淮揚本籍乃毅然奏請停止明係受人指使為先入之言挾黨營私豈為公論從來地方重務每妄

生議論。動有阻撓。乃明季相沿之陋習。此風斷不可長。甄之璜鍾衡著革職。交部嚴審定擬具奏。夏之芳等。既以冒昧之識。阻撓河務於前。又以巧詐之私。希冀掩過於後。此並非尋常奏對不實者比。著交部嚴察議奏。毛城舖斷自朕見事屬應行。著照九卿原議。令總督慶復會同高斌。確估定議具奏。並將現在辦理情形。有利無害之處。曉諭淮揚士民知之。○又諭雨澤愆期。恐有滯獄。前已降旨刑部。將牽連待質人犯。及枷責輕罪。俱行核明省釋。至於雍正十三年。兩次恩詔後。仍行監禁者。原係不應赦免之人。上年秋審時。已令九卿科道等。將康熙五十二年至雍正三年以前不赦之案。覆加分別減等。其雍正四年以後。十三年以前。所有不赦各案。其中或有介於疑似。及屢經秋審緩決之犯。或尚有可矜。亦未可定。著總理事務王大臣。會同刑部。將秋審朝審招冊。詳加覆勘。如果有一錢可

原。應行減等者。即酌定請旨。○又諭天時亢旱。已逾兼旬。現在虔誠祈禱。尚未得沛甘霖。朕心深為憂惕。

天神。

地祇壇。應竭誠致祭。著禮部太常寺。即查明典禮。具奏舉行。○命改減江南浙江白糧。諭聞得江浙兩省。民間輸納白糧。較漕糧費用繁重。甚屬艱難。朕心深為軫念。諭令該部詳查。據奏兩省歲運白糧二十二萬餘石。太常寺光祿寺。各賓館。需用二千餘石。王公官員俸米。約需十五六萬石。內務府禁城兵丁。及太監食用等項。需一萬石。尚餘五萬石存倉等語。朕思光祿寺等處所支。原以供祭祀及賓館之用。在所必需。其王公百官俸米。應用白糧者。可酌量減半。以粳米抵給。至賞給禁城兵丁。及太監米石。亦可將白糧裁減。給以粳米。如此。則每年所需白糧。不過十萬石。仍照常徵收起運。其餘十二萬石。著漕運總督會

同該督撫酌行改徵漕糧。其經費銀米俱照漕例徵收。以紓民力。至減除白糧數內。應作何添放粳米之處。戶部詳議具奏。○總理事務和碩莊親王允祿議覆太常寺少卿蔣炳奏稱。直隸地方雨澤愆期。請將天津臨清等關雜載米麥豆穀之船隻。暫免其抽稅。並免納船料。從之。○吏部議准。直隸總督李衛奏稱。現任屬員中。有籍隸本省。水利營田効力。題補委署。兼辦河工地方事務者。有從前分發近省試用人員。以及學習進士。題補委署得缺者。亦有欽奉特旨。補授本省。與原籍住址遠隔者。其中居官年久。可備緩急差委之用。若一旦悉令迴避。盡行更換生手。未免諸務生疎。嗣後題補委署人員。遵照分別迴避外。所有本籍與鄰省已經在直現任各官。計其程途遠近。如在五百里之內。照例令其迴避。酌量改用。或赴部另補。其在五百里以外者。仍應留任。從之。○調直隸天津鎮總兵孫士

魁來京。署理鑾儀衛鑾儀使事。以鑾儀衛鑾儀使黃廷桂。署理天津鎮總兵。○乙丑上詣

皇太后宮問安。○訓飭建言諸臣。諭總理事務王大臣。從來國家廣開言路。原期明目達聰。集思廣益。以有裨國是也。無如人心不古。率多觀望揣摩。如不導之使言。則緘默苟容。以保祿位。若屢下求言之詔。則又或勦襲膚詞。以博能攻君心之名。甚且結黨植援。欲阻撓公事。以遂其私。若不加懲創。則經理庶務。每致衆議紛紜。羣言淆亂。鮮不至僨事而傷道者。此明季之陋習。不可不防其漸也。比來如河南鄭州一案。孫嘉淦。富德。吳應棻等。各持意見。周琬一案。都察院與鄂善互相攻訐。今毛城舖一事。又復衆論參差若此。踵此而行。徒有妨於國體。毫無益於公事。且毛城舖一案。高斌趙宏恩來京。面陳情形。甚為詳晰。朕命總理事務王大臣等。面詢夏之芳。俱係道

詞。伊等見事不能行。又有甄之璜鍾衡為之陳奏。其指使朋比。更屬顯然。而雅爾哈善。援引漢文帝唐太宗故事。欲寬其處分。夫甄之璜鍾衡所奏。並非規諫朕躬之失也。國政所關。不容擾亂。是以治其阻撓之罪。此乃進退賞罰之大要。豈可避有妨言路之嫌。而置是非於不問乎。雅爾哈善所奏。甚屬錯謬。因伊尚係拘於識見。而非由於請託。故從寬免其議處。王大臣等可嚴行申飭。並將朕旨曉諭。總之言路不可不開。而公私不可不辨。如果朕躬某事未當。能直言其失。朕必樂於聽受。諸王大臣某事有悞。能直指其非。朕亦必為之獎許。若無稽之言。弗詢之謀。既古聖人所不聽不庸。而懷私挾詐。希圖溷淆政務。尤當懲一儆百。此並非阻塞言路也。科道諸臣中有誠心為國者。必不因一二人所言不當。致懼處分。遂阻其直言敢諫之氣。自當更有嘉謨嘉猷。以圖入告。其觀望迎合之輩。或因此

有所悚惕。而不敢進言。是本無忠愛之誠。無非為身名之計。即使進言。其所進之言。亦概可想見。曾何足以匡君德而輔政務乎。朕萬幾在握。中有定見。必不因拘墟之見。而有所淆惑也。○丙寅。

上詣

皇太后宮問安二次。○是日。

世宗憲皇帝齊妃薨。

上至五龍亭殯所奠酒。○丁卯。

上詣

皇太后宮問安。○戊辰。諭總理事務王大臣。京師雨澤愆期。朕心深為憂慮。聞河南山東兩省。與直隸接壤之地。雨亦稀少。該撫等作何預為籌畫。及近日曾否得雨。俱未詳悉奏聞。實為輕視民瘼。可著侍衛永興。前往河南。松福。前往山東。再各派戶部司官一員。馳驛同往。面詢該撫。將實在情形。並如何料理之處。一一陳奏。永興等亦著沿途留心。從前得雨

分數。此時乾旱情形。地畝曾否播種。米價如何騰貴。以及百姓情景若何之處。著回時據實覆奏。○又諭前為八旗人等吉凶事故之卹賞銀兩一事。經都統等議准。如有冒領者。闔族人等。一概永不給賞。是特因立法之初。不得不嚴。故如此定議。今遵行已久。理宜變通。且一族之內。有親疎之別。不可一概而論。因一人不肖。闔族人等。俱被牽連。永遠不得沾恩。情殊可憫。嗣後如有冒領賞銀。將該佐領。驍騎校。領催。族長等。治罪。及冒領銀兩。人等之子孫承辦者。永不給賞之處。仍照例遵行外。其同居之伯叔兄弟。及伯叔兄弟之子孫。亦著永不給賞。毋得牽連闔族。○刑部遵旨審覆廣西巡撫金鉷用印票借支蒼梧道庫銅務充公銀一案。應請照例枷責。得旨。前因楊超曾奏金鉷借用存公銀兩一摺。內稱金鉷在廣西巡撫任內。各項錢糧收支不清者甚多。容臣陸續查叅等語。朕意其必有

貪劣實蹟。是以交部嚴察議奏。後楊超曾查叅到來。皆係瑣屑無關重輕之事。則金鉷尚無劣蹟可知。今覽刑部所審此案。原非正項錢糧。且金鉷用印文支借。而黃岳牧用印冊申報。亦非暗相侵蝕可比。部議金鉷枷責之處。著寬免。所借銀兩。亦不必著追。黃岳牧俟到京後。該部帶領引見。另降諭旨。○王大臣議覆直隸古北口提督瞻岱疏稱。歸化城應徵粟米。不敷支放之用。查察哈爾右翼撥於晉省衛所之地畝錢糧。距歸化城較近。若於該衛所撥解採買。可以充補兵食。少減內地輓運。再開墾地畝。徵收米石草束。赴城輸納。未免累民。請離城五十里以內者。聽民自納。五十里以外者。酌給運費。並屬應行。奏入。報聞。○故歸化城都統丹津遺本上聞。得旨。歸化城都統丹津。勤於公事。効力年久。今聞溘逝。深為憫惻。據伊奏稱所賞物件。俱各收貯。伊又無子嗣。所有房地人口馬匹。俱願恭進

等語。伊之物件。豈有收受之理。將此交與將軍旺昌。將所賞之物件。查明送來。其房產等項。或養伊家口。或辦伊喪事之處。酌量辦理。再丹津骨櫬。若欲進京。令其進京。該部知道。尋與祭葬。諡壯敏。〇己巳。

上御乾清門聽政。〇王大臣遵旨會議。一議清口。前據夏之芳等奏稱。疏濬清口。臣等以清口狹隘。湖流勢緩。難以敵黃。議令總河高斌會同該督撫。詳加相度。悉心妥議。嗣據巡撫邵基奏稱。河臣籌議清口之處。與臣意見相同。今據趙宏恩高斌奏稱。清口會黃東注入海。全資洪澤湖蓄洩得宜。其尾閘之山盱天然。南北二壩。非遇異漲。斷不輕開。俾全湖之水。蓄聚有力。暢出清口。至冬春湖水微弱。每遇東北大風。則黃水灌入。應籌抵禦之策。查寓賑於工業內。開挑七道引河之三汊河。原約估銀三萬餘兩。今議再加寬深。續估增一萬餘兩。俾水道通利。雖遇沍寒水微之候。亦

得引溜暢出。抵禦黃流。但清口固宜暢流。而亦不可過洩。應於霜降水落之後。將清口西壩增長一二十丈。以資收蓄。至伏秋清水盛漲。將清口東壩酌量開寬一二十丈。則清黃足以相抵。而蓄洩俱為得宜。查清口之水。所以刷黃濟運。河臣與督撫諸臣。籌議挑濬清口引河。俾暢流無阻。並蓄洩機宜。所見既屬相同。應悉照河臣所奏行。一議運河前據御史常祿奏。淮揚運河日久淤淺。請大加挑濬。嗣經河臣議。於天妃正越兩閘之下。各建草壩三座。再建正石閘二座。越河石閘二座。又於閘尾各建草壩三座。重重關鎖。層層收蓄。將運河淤淺之處。一律估挑。幫築隄岸。經九卿議准。請俟運河大工告竣之後。再令總河會同督撫。相度次第酌辦。亦應照原議行。以上各條。臣等公同總河高斌。尚書趙宏恩。悉心籌議。事關重大。仰祈

聖鑒訓示。再請敕下九卿。公同覆議施行。得旨。

此事朕已洞悉原委。王大臣與高斌趙宏恩所議俱屬合宜。不必再交九卿著依議速行。○廣西遷隆峒土官黃震中緣事革職。以其弟黃在中替襲。○裁貴州楊老清平重安等二十三處驛站。從巡撫張廣泗之請也。○戶部議准福建巡撫盧焯疏報。閩省山海之區。溪流暴漲。坍塌靡常。產去糧存。不免賠累。今據閩縣侯官等縣造報缺額田地共五百四十三頃四十畝有奇。無徵銀米。從前或官為墊完。或里戶賠輸。應如所請均行豁免。從之。○庚午為虔求雨澤。遣官致祭。

天神壇。

地祇壇。

太歲壇并

四海之神。

上詣

皇太后宮問安。○諭總理事務王大臣。朕因天時亢旱。齋居虔禱。憂惕靡寧。亦惟引為朕躬

之責。未嘗諉之臣下。在九卿大臣等。既膺簡畀。重任。自當仰體朕心。共矢寅恭。以邀

天鑒。原不待朕之訓飭也。今覽春山奏。請自內閣部院各大臣。及翰林院科道郎中等官。除照常辦事外。俱各輪班赴雨壇祈禱。夜則於各衙門齋宿等語。朕思諸臣祈禱齋宿。亦祇奉為具文。詎能昭格。而庶官人數甚多。倘有一二人。其心以為不便。而出於勉強。則慢褻尤甚。春山所奏無益。且未悉朕不諉責臣下之意。特曉諭廷臣知之。○緩徵江蘊江寧常州兩府屬水災。乾隆元年分額賦。并賑飢民三月。○以武英殿行走原任刑部尚書張照為內閣學士兼禮部侍郎。○以鑲紅旗滿洲副都統金柱為正紅旗護軍統領。調鑲白旗漢軍副都統宗室諾穆柱為鑲紅旗滿洲副都統。以原任鑲黃旗漢軍副都統劉英為鑲白旗漢軍副都統。以正紅旗滿洲副都統瞻岱為直隸古北口提督。調正黃旗蒙古副都

統阿蘭泰。為正紅旗滿洲副都統。以原任西安副都統拉薩禮。為正黃旗蒙古副都統。調浙江黃巖鎮總兵官吳進義。為江南壽春鎮總兵官。衢州鎮總兵官雷逢春。為黃巖鎮總兵官。以江寧營副將康華齡。為衢州鎮總兵官。○內務府總管兼侍郎銜丁阜保。以年老乞休。慰留之。○給朝鮮齋咨官銀兩如例。停止筵宴。○辛未。諭總理事務王大臣。

皇考配

天頒詔。尚在二十七月之內。所請陞殿慶賀之禮。不必舉行。○定奏陞人員聲明科分籍貫。諭各省督撫題補人員。因格於部例。而要地需人。遂許其摺奏。允從所請。以致違例陞用者頗多。在各省督撫忠乎國家。為人材起見者。豈無其人。而因許摺奏。遂於其中或同鄉。或世誼。或世誼之同鄉。違例摺請補用者。實繁有徒矣。夫以朝廷之官階。豈可為私門之桃李。嗣後督撫摺奏補用人員者。著於摺內

聲明本人科分籍貫。以憑朕酌奪焉。○禁收童生卷價。諭聞安徽所屬地方。應試童生。有完納卷價之陋例。其費彙交知府直隸州。除修葺考棚外。有餘則補學政養廉之不足。雖每童所出。不過錢數十文。而在貧寒書生。亦不免拮据之苦。且學政養廉。朕已特頒諭旨。加至四千兩。甚屬寬裕。更不必取資於卷價。至於修葺考棚。乃地方之公事。應動存公銀兩辦理者。著將童生交納卷價一事。永行禁止。毋使不肖官員。及胥吏人等。借名苛索。致滋擾累。○諭八旗內務府。向來包衣管領下女子。不准聘與包衣佐領下人。包衣佐領下女子。不准聘與八旗之人。蓋因從前包衣佐領下。戶口尚少。且男婦俱各當差。恐人生規避之心。是以定例如此。今國家教養休息。百有餘年。生齒繁庶。若嫁娶仍遵舊例。則待字逾期。在所不免。今包衣佐領下婦女。俱已免其當差。並無可規避。則嫁娶自毋庸分別。八

旗暨包衣佐領下人等俱朕之臣庶嗣後凡
經選驗未經記名之女子無論包衣佐領管
領暨八旗下聽其互相結姻如此則婚嫁以
時庶不致有怨女曠夫矣○是日起

上以祀

天於

圜丘齋戒三日○壬申總理事務王大臣禮部
等奏乾隆二年四月十三日履親王允禩奉
諭旨爾部具奏

皇考配享

天壇儀注朕敬謹詳閱內稱配享時朕恭捧

皇考神牌升壇奉安於東三青幄次等語並未
議及參拜

上帝之儀朕思

皇考升祔

太廟時先行參拜

列祖

列后禮畢然後升座今配享

圜丘亦應先行參拜

上帝禮然後升座於禮方協著總理事務王大
臣會同爾部敬謹詳議具奏臣等伏查本朝
會典及明會典未載配享

天壇時神牌參拜

上帝之儀今

皇上特降諭旨令臣等詳議具奏仰見
皇上仁孝敬謹之心至周至備應遵旨增入參
拜

上帝之儀實為盡善臣等謹議得

神牌至內樞星門外龍亭止

上詣龍亭前行一跪三叩禮恭捧

神牌進樞星門左門升殿向上立太常寺官預

設

世宗憲皇帝拜褥於正中贊引官跪奏

世宗憲皇帝配享

天壇參拜

皇天上帝

皇上恭捧

神牌跪安於拜褥上。執事官設

皇上拜褥於後。贊引官引

皇上退就拜褥上立。贊引官奏跪叩興。

皇上行三跪九叩禮畢。贊引官跪奏。請

世宗憲皇帝升座。

皇上進前。恭捧

世宗憲皇帝神牌興。奉安於

上帝之左。第三青幄次內。退至香案前。行一跪

三叩禮。太常寺官起

世宗憲皇帝拜褥退。此行禮時。衆官不隨行禮。

餘悉照原奏儀注。其夏至配享

方澤時。叅拜

皇地祇。俱遵此儀。再查明歲正月上辛配享

祈穀壇。已在配

天之後。不必再行叅拜之儀。得旨。是依議。○癸

酉。定文員處分雙俸並罰之例。諭總理事務

王大臣。昔年

皇考軫念部務繁多之尚書侍郎。

特恩加賜雙俸。並令遇有罰俸處分。免罰加賜

之恩俸。此格外之曠典也。上年朕將在京文

員俸銀。概加一倍。大小均霑。雖名恩俸。其實

即正俸也。若遇處分時。亦照從前部堂之例。

不罰加增之俸。是在京文員。竟無罰俸之事。

何以示懲。且與武員事不畫一。未免偏枯。勢

不可行。嗣後大小京員。遇有罰俸案件。將本

身應得俸銀。按年按月計算。不必分晰扣除。

○又諭。蘇州巡撫邵基。在上書房行走數年。

資性聰明。頗曉世務。朕深知其為人。料伊亦

必知朕之用人理政。多能照察。自當小心奉

公。恪守繩墨。不敢稍有踰越。則封疆重寄。尚

可勝任。此朕簡用邵基之本意也。乃自伊到

任以來。所辦事件。尚未見何如。而題補官員

一節。則不能無私。如臬司戴永椿。知府王喬

林。石杰。知州褚菊書。皆其同鄉。道員李梅賓

盧見曾。皆其同年。今又具摺將革職通判王

延熙請署直隸通州知州。通州知州張桐請署淮安府知府。查王延熙又係伊之同鄉。而張桐即大學士張廷玉之姪也。夫督撫薦舉人材。乃封疆第一要務。即循例保題者。尚當稍避嫌疑。況越格逾例題陞題補。而可任意行之乎。觀邵基意中。竟以朕之待彼。深信不疑。而為此舉動。不知檢束。是朕知邵基。而邵基竟不知朕矣。若踵此而行。將來必致大負朕恩。爾等可傳旨嚴行申飭。嗣後當洗心滌慮。痛加悛改。毋蹈前轍。自取罪愆。

大清高宗法天隆運至誠先覺體元立極敷文奮武孝慈神聖純皇帝實錄卷之四十

大清高宗法天隆運至誠先覺體元立極敷文
奮武孝慈神聖純皇帝實錄卷之四十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳四月甲戌大祀

天於

圜丘恭奉

世宗憲皇帝配享○詣

皇太后宮問安○乙亥以

世宗憲皇帝配

天禮成頒詔天下詔曰朕惟饗帝饗親備郊禋

而展孝配天配地昭功德以垂休詩頌我將

右享繼聲於清廟經稱殷薦宗祀肇舉於明

堂義莫隆焉典莫鉅焉洪惟我國家受

天景命率育蒸民

聖聖相承重熙累洽

太祖高皇帝

太宗文皇帝

世祖章皇帝

聖祖仁皇帝俱已禮陟配

天垂裕萬世欽惟

皇考世宗憲皇帝

撰合清寧

功隆參贊

統三才而建極庶績咸熙

錫五福以誠民萬方在宥春溫秋肅健協乾行

旰食宵衣誠符

帝載恩膏覃海宇均蒙雨露霑濡聲教溢寰區

共仰星雲紆綬勅幾清晏並懋兢兢業業之

心治奏平成莫名蕩蕩巍巍之盛觀光揚烈

既

祖功

宗德之兼隆。履厚戴高。實

天施

地生之合德。允宜繼

列祖以升禋配

蒼穹而薦享。惟是北郊伊邇。義未協於先行。南至尚遙。禮不容於久曠。是用廣咨廷議。博考舊章。諏日具儀。肇稱殷禮。謹昭告

天

地

宗廟

社

稷率諸王貝勒文武羣臣。於乾隆二年夏四月十六日甲戌恭祀

上帝於圜丘奉

世宗憲皇帝配享。五月二十四日夏至恭祀

皇地祇於方澤。明歲上辛。祈穀於

上帝並奉

世宗憲皇帝配享。紫壇紺幄。因吉土以升中。蒼

璧黃琮。具盛容而祇薦。既極尊崇之典。宜施浩蕩之恩。所有事宜。開列於後。

歷代帝王陵寢。

先師孔子闕里。應遣官致祭。著察例舉行。和碩親王以下。奉恩將軍以上。俱加恩賜。內外公主以下。固山格格以上。俱加恩賜。外藩諸王以下。公以上。俱加恩賜。蘇松浮糧。前已蒙

世宗憲皇帝特降諭旨。裁免四十五萬兩。以紓民力。但江省糧額。尚有浮多之處。著再加恩免額徵銀二十萬兩。該督撫確查詳核。務使均勻。俾民得沾實惠。在京文武官員。現在議降議罰。及四月十六日以前。有革職留任。及降級罰俸之案。悉予寬宥。直隸各省童生入學額數。大學著增七名。中學增五名。小學增三名。詔到舉行一次。不著為例。地方有才品優長。山林隱逸之士。該督撫核實具奏。酌予錄用。滿洲兵丁。披甲隨征。多年効

力被傷不能披甲。及年老有病退閒者。俱著給予賞賚。一。現在議軍流徒罪人犯。未到配所者。俱予寬免回籍。一。軍流人犯已到配所者。向例遇赦不准放回。今特加恩。此等人犯內。除情罪重大及免死減等。實係兇惡棍徒外。其餘因事議遣在配所已過三年。安靜悔過。情願回籍者。令該督撫查明請旨。准其回籍。一。漢軍現犯軍流罪者。已照舊例以枷責完結。其從前發遣在配之人。著該部按其情罪。查明請旨。於戲奉精禋而肇祀。神洽人和。篤孝享以抒忱。天明地察。布敷天之闡澤。上下同流。慰率土之遐思。尊親共戴。布告天下。咸使聞知。○是日。

孝端文皇后忌辰。遣官祭

昭陵。○諭總理事務王大臣。據禮部奏稱。本月十六日。恭奉

世宗憲皇帝配享

園丘禮成。辰刻。甘霖立沛。仰見皇上至孝至敬

之誠。感格天心。其應如響。自後可望雨澤時行。今禁屠祈禱。將近彌月。可否謝雨之處。具奏請旨等語。昨朕奉

皇考配享

園丘禮成。辰刻。雖經得雨。尚未霑足。且昨晚今早。仍復多風。如我君臣遽以得雨為昭格天心。朕衷實為抱愧。吾誰欺。欺天乎。即爾等王大臣。亦不當如此存心。如此陳奏也。但禁止屠宰。已將彌月。物價漸至騰貴。民間多有未便。其僧道誦經。原屬儀文。亦非切務。著照禮部所請停止。至於朕在齋居。躬行減膳。虔誠祈禱。自不敢稍減於前。况朕廛念農功。為民請命。當該部未經求雨之時。早已積誠於中。無時有間。惟

上天鑒此忱悃。朕亦不以此宣示臣民也。該部所奏謝雨之禮。且不必行。應俟霖雨既渥之後。再竭誠叩答

神貺。○又諭。傳爾丹。陳泰。岳鍾琪。貽誤軍機。罪

無可貸我。

皇考念傳爾丹。陳泰祖父俱有功勳。而岳鍾琪從前亦曾効力。是以未將伊等正法。朕仰體皇考聖心。將來秋審時。亦必不行勾決。但前此用兵之際。不便遽行釋放。今軍務已竣。朕矜恤之意。不忍使之久繫囹圄。俱著寬釋。令其自愧。○吏部議准。巡察游牧等處兵部員外郎兆明奏稱。游牧理事員外。請照盛京五部司員俸滿調京之例。三年一換。但查盛京司員。三年年滿時。在京部院滿洲員缺甚多。遇有缺出。即行調補。今在京蒙古員外郎共二十一缺。游牧員外郎共十六缺。若照盛京司員之例。三年年滿。即行調補。不惟缺出無幾。守候需時。且於蒙古應陞人員。必致壅滯。於銓法未為妥協。臣等公同酌議。將由京城補放游牧員外郎八員。定以歷員外郎任五年期滿。該總管出具考語。咨部註冊。其由六部出身之員。仍俟六部蒙古員外郎缺出。無論

保題陞選。補用二缺後。將年滿游牧員外郎論俸調取一員補用。由理藩院等衙門出身之員。俟理藩院等衙門缺出。亦如之。其現今五年年滿游牧員外郎。即令該總管出具考語。咨部註冊。遇有缺出。即照此例遵行。從之。○丙子。諭總理事務王大臣。今年春夏以來。京師及畿輔雨澤稀少。而山東地方。亦有缺雨之郡縣。朕已屢降諭旨。多方籌畫。以為先事之備。今思節近小滿。甘霖未降。麥秋料已失望。民心未免惶懼。除已經降旨緩徵外。著將直隸通省今年應徵地丁錢糧蠲免七十萬兩。山東通省今年應徵地丁錢糧蠲免一百萬兩。俾民力寬紓。民氣愉暢。如將來仰蒙天祐。霖雨普施。秋成不致歉薄。則閭閻霑朕格外之恩。亦加惠元元之誼。所謂百姓足君孰與不足者也。嗣後如得雨稽遲。有妨農事。則應行賑恤等事。仍應加意辦理。毋使一夫失所。該督撫當仰體朕宵旰焦勞。惠養黎庶之

心。督率有司。敬謹奉行。務使小民均霑實惠。並出示通行曉諭知之。○工部議題。前任兩淮鹽政尹會一條奏。今冬挑濬淮揚運河。鹽船不能行走。欽奉諭旨。先事綢繆。運鹽舫以濟民食。恐商人辦理竭蹶。特沛殊恩。將請單呈綱兩次應納錢糧。俱緩至加舫時并納。以事關緊要。復悉心籌酌條呈。○蓄水濟運以副辦理。本年丁巳綱。淮南應豫運鹽七十萬引。正運鹽七十餘萬引。又有丙辰綱。應運殘鹽約四十萬引。合計甚鉅。為期又近。竈戶不免乘機擡價。有礙商本。更恐各場產鹽不敷。并商艘轉運不及。查運河東岸邵伯鎮。迤南六閘。請於挑河時。在六閘南北。各攔河築壩一道。中留五六里。暫緩挑濬。並將歸江尾閘暫閉。免致水涸。俟興工三月後。再行料理挑濬。臣與河臣高斌面商。據云事屬可行。○量加滴耗。以免虧折。查預運鹽舫堆貯儀所鹽垣。閱夏經秋。必多滴耗。今請量加滴耗。六月

以前。每引加鹽二十五觔。八月十五以前。加十五觔。八月十五以後。加十觔。商人可無虧折之虞。自必趕運。恐後。其正運引鹽。原係隨掣隨運。驟不加增滴耗等語。並應如所奏行。○鹽課呈請二月奏銷。查兩淮鹽課定例。六月奏銷。八月考核。嗣經原任鹽臣噶爾泰題准。九月奏銷。十一月考核。現今挑挖運河。誠恐鹽舫銷售維艱。課餉難於完納。况淮南丁巳綱正運引鹽。未築壩以前。運到儀所過掣者。其應納錢糧。欽奉

上諭。緩至奏銷全完。所有丁巳一綱鹽課。相應暫准於戊午年二月奏銷。四月考核。後不為例。得旨。依議速行。○又議准。大學士總理浙江海塘兼管總督事務嵇曾筠疏言。原設引河通判一員。請移駐海寧。分管柴塘。調撥引河塘兵四百名。一併撤回本汛。以供力作。從之。○補行河南。山西。雲南。江南。山東。奉天。六省大計。卓異官共二十七員。○丁丑。

上詣

皇太后宮問安。○諭總理事務王大臣。朕因直隸山東雨澤稀少。特降旨平糶。以濟民食。又遣侍衛等前往察勘地方情形。據奏稱山東州縣。雖有發賣官穀之舉。不過設廠數處。糶買人衆。在本處居民。尚有不能按日買者。至路遠之民。往返維艱。守候終日。曾不得升斗而歸。祇得仍向市集糶米。餬口。以此價值不得平減。直隸辦理。較山東稍為妥協等語。夫平糶乃利濟貧民第一要務。俾均沾實惠。如離府縣城郭遙遠之鄉村。亦當設法運至。如腳價無出。或動存公銀兩。或開銷正項錢糧。皆朕所不惜。何至遠鄉之人。艱於奔赴。至於近地居民。不能按日得買。則明係胥吏為奸。棍徒作弊之所致。該有司如何漫不經心。草率從事。而封疆大吏。有牧民之責者。置民瘼於不問也。此旨到日。該撫悉心查察。選委幹員。實心奉行。毋蹈前轍。直隸所辦。雖較勝山

東。總督李衛亦當加意料理。毋使一夫失所。朕仍不時遣人查察。倘有疎忽之處。惟該督撫是問。著該督撫將朕此旨。曉諭百姓。務使遠村僻壤。均霑實惠。○又諭五城平糶米石。原以周濟小民。乃有奸民圖利。串通胥役。轉相販賣。甚至運往通州。售為燒鍋之用。而離廠稍遠之貧民。奔赴稍遲。即不得升斗。且有守候終日。忽然停止糶賣。貧民含怨空回。殊負朕軫念民食之意。步軍統領鄂善侍郎。託時。即時將作弊之人查拏。甚屬可嘉。至該城御史。於糶米要務。約束稽查。是其專責。乃不能督率司坊等官。親加查察。一任弊端疊出。怠玩已極。著將該城御史。及監糶各官。並該司坊官。交部嚴加議處。都察院堂官。見朕宵旰焦勞。為民籌畫。即每日親至米廠。逐一釐剔。亦分所宜然。今既不能親往看視。又不能覺察弊端。伊等所司何事。著明白回奏。○又諭。朕前因御史夏之芳等。陳奏毛城鋪之事。

惑於浮言。復固執偏見。王大臣等正在考訂間。而御史甄之璜。鍾衡。復為陳奏。顯有指使附和。阻撓公事之意。是以將甄之璜。鍾衡革職。交部嚴審。夏之芳等。交部嚴察議奏。蓋國政所關。不容紊亂。若以私意阻撓。則害理而傷治。此風斷不可長。並非以言官所言。稍有不當。而即加以處分也。今朕思伊等固有應得之處分。但恐識見卑鄙之人。謂朕加罪言官。或畏惹觀望。即確有見聞。亦緘默不言。則大非朕求言之本意矣。甄之璜。鍾衡從寬免其治罪。著降三級。仍留御史之任。夏之芳等。以淮揚之人。言河工之事。雖所言失實。而情尚可原。著一併免其議處。○又諭上年滇省州縣。有收成歉薄之處。前已降旨。將成災地方應徵地丁等項。照例豁免。應收秋米。從乾隆二年為始。分作三年帶徵。今雖據雲南督撫奏報。今春雨暘時若。可望豐收。但朕思滇省百姓。既有帶徵之秋米。又有應納之正供。

昨歲歉收之後。輸納未免艱難。朕心深為軫念。著將乾隆元年分雲南省所有分作三年帶徵之秋糧。全行豁免。該督撫等即通行曉諭。仍嚴飭州縣實力奉行。務使閭閻均霑實惠。再滇省有將文職各官俸工銀兩。捐抵康熙五十九年以前軍需案內。供應出師官兵人役盤費及犒賞等項。事已多年。現在各官俱非向日之承辦者。所有未完銀七萬餘兩。著悉行豁免。不必再行捐扣。○又諭允祹。允禩。前因獲罪。削爵圈禁。論其獲罪原委。並無屈抑之處。但朕念伊等為天潢一派。自加恩寬釋以來。亦皆深知前非。自悔自艾。安分家居。未嘗生事。今復加恩。賜給伊等公爵空銜。不必食俸。仍令在家居住。其各安靜守法。以副朕篤厚宗支之意。該衙門即遵諭就第傳諭知之。○又諭王奕清為伊父大學士王掞求請卹典。情詞懇切。王掞當日不能深知皇祖默定儲位之聖心。冒昧瀆奏。固屬不合。但

伊身居政府。為國本起見。尚屬分所應言。今朕垂念舊臣。加恩宥過。其應得卹典。該部察例具奏。王奕清准給假回籍。○命嚴飭邊防。諭定邊左副將軍額駙策凌。觀準噶爾潛行遣人至我蒙古地方。作鎮壓之術。賊之伎倆可知矣。鎮壓之事。雖不足信。但恐此輩潛寓蒙古地方。妄造浮言。煽惑人心。偵探信息。大有關係。賊匪所遣之人。經過邊界。何以未經察出。任其偷過耶。著嚴飭邊界卡倫人等。務須留心。嚴密防察。朕前降旨。頒給喇嘛等度牒者。原因此等匪徒。混入僧流。滋生事端。是以分別善惡。擇其真正出家者。頒給度牒。以為憑據。所以衛持佛法。而清理黃教也。但恐喇嘛等不知此意。轉疑為減少伊等徒眾。著將此情節。傳諭各喇嘛等知之。○先是雍正十三年分。川東缺雨歉收。巡撫楊紱。請借給籽糧以資民力。至是復以歉收。請寬至二年秋成。徵收還項。經戶部議。應如所請。從之。○

戊寅。吏部議准。稽察盛京事務吏科給事中廣明奏稱。盛京禮部助教。陞轉無期。今請咨送吏部。銓選調換。應如所奏。嗣後盛京禮部助教四員。定以六年期滿。該堂官出具考語。送部註冊。仍在原任行走。俟國子監助教缺出。先將考取人員補放一缺。後將盛京禮部助教較年滿日期。調取一員來京補用。其年滿助教所遺員缺。照例交與國子監考選補授。俟調補完日。無年滿助教。遇有在京助教缺出。仍將考取人員補放。又奏。盛京年滿倉官。皆由現任筆帖式內。揀選保舉補授。乃伊等三年任滿之後。離任停俸。閒住候缺。五六年並不得缺。請嗣後任滿倉官。除出具考語咨題銓選外。其現在候缺者。仍歸本衙門効力行走。給與俸祿。補缺後方行離任。應如所奏。嗣後由筆帖式揀選補放倉官人員。其筆帖式員缺。不必開選。三年滿後。如係居官好者。該堂官保題到部。以主事陞用。即可得缺。

其筆帖式員缺。即行開選。如係尋常之員。三年滿日。仍回筆帖式原任。令其候陞小京官。其從前已經年滿候補小京官之倉官。一時未能得缺。交與該堂官。令在各原衙門額外筆帖式上行走。仍食筆帖式原俸。至現在未經年滿倉官。其筆帖式員缺。已經開選。俟年滿時。亦令在各原衙門額外筆帖式上行走。仍食筆帖式原俸。從之。○戶部議准直隸總督李衛疏請。將雍正十三年分興工代賑案內。修築運河兩岸隄埝之故城。交河。吳橋。清河。青縣。滄州。南皮。併景州。東光等九州縣。堆壓地畝。應徵銀米。均自乾隆元年為始。照數豁免。從之。○大學士總理浙江海塘兼管總督事務嵇曾筠表謝。欽賜伊父母御書人倫坊表扁額。報聞。○己卯。諭定邊左副將軍額駙策凌。現在準噶爾作鎮壓之喇嘛。已在察哈爾地方拏獲矣。伊等既作鎮壓。必有埋藏鎮壓之物。爾等審明。如有埋藏之物。起出後。

恐蒙古等無知。心生疑惑。或由京派熟諳經典喇嘛。前往念經。抑或令錫勒圖。胡圖克圖。念經。以杜蒙古之疑。○又諭巡查察哈爾地方員外郎兆明。拏獲準噶爾遣來作鎮壓之喇嘛。那旺。垂音。丕勒。迄今尚未解到。著侍衛五十七。前赴兆明處所。速將那旺。垂音。丕勒。解京。交總理事務王大臣等審訊。其與那旺。垂音。丕勒。同來之人。歸化城都統根敦等。現在查拏。著旺扎爾。前赴歸化。會同根敦等。密商。緝拏。務獲。勿致遠颺。○命雲南總督尹繼善。來京。陛見。以巡撫張允。隨署總督事。○兵部議准。古北口提督瞻岱。奏稱。歸化城辦理兵丁糧餉事務。設有理事同知。但兵糧馬草。俱在倉廩庫廠收支。其事頗繁。同知一員。不能勝任。查右衛滿洲駐防。向設朔平府糧餉同知一員。倉庫大使各一員。協同辦理。應請照此例。亦設倉庫大使各一員。從之。○予故鑲黃旗滿洲給與將軍原職錫柱。祭葬如例。

○旌表逆番案内殉節之福建漳浦縣民婦劉氏。余氏。○以故四川老鴉漩土百戶汪大申之子汪定邦襲職。○庚辰。戶部議准。甘肅巡撫劉於義疏報。武都。西寨。真堆。三族番民。改土歸流。所有應徵糧銀。請自乾隆戊午年為始。入額徵解。從之。○旌表守正捐軀河南石梁縣民尚珮女尚氏。寶豐縣民畢永成女畢氏。○辛巳。

上詣

壽皇殿行禮。○詣

皇太后宮問安。○戶部議准。山東巡撫法敏疏。請將清查地畝案内德州。臨淄。高唐。鄒城。沙嶧。地畝除科。寧陽。臨清。沙嶺。地畝減等起科。從之。○工部議准。直隸河道總督劉勳疏。稱南運河自全漳歸運以來。向因汎水泛漲。無由宣洩。雍正四年。經怡賢親王於滄州之捷地村。青縣之興濟鎮。各建石閘一座。挑挖引河。分疏水勢。緣土性浮鬆。且河身甚淺。兩岸

隄埝不固。日漸淤塌。雍正九年。經水利府議挖深通。又因工程浩大。兩處減河。一時難以並舉。當將青縣興濟減河。先行挑挖。其滄州捷地減河。未施疏濬。以致汎水入閘。兩岸村莊。每成巨浸。又石閘簸箕。入身短促。汎水過壩。不足抵禦。現在灰土簸箕。衝掀成坑。并青縣減河之蔡家莊。大坡口。一帶。急須挑挖。共估銀六萬二千五百兩有奇。滄青二處石閘。應接添石海墁。灰土簸箕。各入身八丈。再添建攔水八字金牆。共估銀二萬九千一百十兩有奇。又滄州之大寺前石壩南。應建挑水草壩三座。靜海之大劉家官隄。應建挑水壩二座。接築草工一段。共估銀二千七百兩有奇。以上通共估銀九萬二千兩有奇。時已春融。若俟題覆到日。發帑興修。恐致遲誤。隨檄令天津河道。在於豫備十萬兩銀內。酌撥購料。多募人夫。上緊興修。俟領錢糧到日。照數還項。從之。○壬午。諭總理事務王大臣。據御

史薛溫奏稱。臣聞皇上宮中時常騎射。萬乘至尊。騎馳至勞。切當慎重等語。騎射所以講武。乃自古帝王之所不廢。但朕因在二十七月之內。尚未舉行。至於宮中斷非騎射之地。朕並無其事。薛溫所奏。甚屬荒誕。此語得自何人。王大臣等訊問具奏。○總理事務王大臣等議覆。據定邊左副將軍額駙策凌奏言。貝勒青衮扎卜報。三月初十日。噶爾丹策零遣人送還去秋被掠津巴鄂羅斯。且有致車臣汗等書。書中所言。仍欲得阿爾台。似應覆與一書等語。臣等觀準夷此舉。大有窮蹙向化之意。但阿爾台斷不可與。前此勅書業已詳備。無庸再給。應令額駙策凌作書答之。臣等恭擬呈覽。從之。所擬書曰。固倫額駙策凌致書準噶爾台吉。今年四月津巴來。得台吉書云。我欲取阿爾台。台吉尚未曉大皇帝之意。我果有取阿爾台之心。大兵豈肯盡徹。我徹大兵。即可知。

大皇帝之意矣。阿爾台乃天定交界。爾父渾台吉時。阿爾台以南。原無厄魯特游牧。自滅噶爾丹博什克圖以來。我等建城駐兵其地。衆所共知。其不令爾衆游牧者。原欲以阿爾台為閒地。兩不相取。彼此隔遠。庶永相和好。不起爭端耳。今台吉反云。難以讓給。試思阿爾台果係誰地。誰能讓給。

大皇帝據理論爾。剖斷甚明。台吉尚爾飾說。是不願休息衆生也。論說滋多。空勞往返。總之阿爾台可以給爾與否。台吉宜再詳思。不可偏執利己之見也。又謂逼處則有害我等游牧。彼此相持。誰受其害。尚在未定。

大皇帝洞鑒。留作隙地。正欲廣教安民耳。台吉若欲如前者首禍興兵。是勞苦衆生。皆爾之故。於我無涉也。來書又言興兵構怨。遠亦可至。我

大皇帝諭令分畫疆界。原欲爾我自息兵。爾誠遵旨定議。我兵必不為禍始。亦不復向科

卜多居住。倘爾復造釁端。我惟坐待其來。並不煩內地兵。惟盡我喀爾喀之力。上報主恩。孰是孰非。孰好生孰不好生。自有

天鑒。我部惟體

大皇帝仁育之心。防邊居守。勿為禍始。勞苦士馬而已。台吉其知之。又謂我卡倫逼近阿爾台。故爾生疑。擒此二人。自今卡倫宜向內撤。按我等現在卡倫。乃

聖祖仁皇帝時設立。至今並未外移。即議定地界。卡倫豈可不立。今欲令我內撤。是強以難行之事也。又謂毋近阿爾台游牧。或致生事。台吉果遵

大皇帝諭旨。止議定界。於理甚合。於爾亦無甚難行。今反言生事。是猶意在興兵也。惟末云當告知部院大臣。奏聞

大皇帝。以廣黃教。以安衆生。知台吉雖多飾辭。仍意在求和耳。我已舉大畧奏聞。欽奉

大皇帝諭旨。噶爾丹策零遣吹納木喀來時。諸

事俱經降旨曉諭。何彼尚未深悉朕意。彼既行文於爾。爾可再以朕意曉諭之。書至。台吉其詳審是非利害。遣使達誠。如爾難於遣使。我當代奏。令爾使赴京。共成和好。若仍牽率借端。於事何益。○戶部奏。京師雨澤愆期。五城設立十廠。已經減價平糶。若於京師四鄉添設八廠。廣行糶賣。民食可無匱乏。如芒種前得沛甘霖。即無庸再行設廠。一切事宜。應豫行料理。得旨。所奏是。依議。芒種前如不得雨。即照此辦理。其監糶侍衛。著於乾清門侍衛內派往。○鑲白旗漢軍都統奏。祖尚德世襲佐領員缺。應襲祖學文。祖學乾。年俱幼小。難以補放。得旨。應襲祖尚德。世管佐領之人。年俱幼小。世管佐領。非世職可比。若將伊等補放。不能辦理事務。仍須另行著人署理。如伊族中止有佐領一缺。自必將伊等補放。另行著人署理。今譜內蘇巴里。祖尚志。現俱管理佐領。此佐領員缺。即著祖尚志署理。俟伊

等長成。可以辦事之時。再行補放。爾等可傳諭八旗。有似此世管佐領缺出。而應襲之人俱幼小者。即照此辦理。○鎮國將軍釋迦保緣事革退。以其子忠福照例襲為三等輔國將軍。○江西巡撫岳濬疏報。雍正十三年開墾江西南昌。新建。豐城。進賢。寧州。等三十州縣田地山塘一百九十九頃六十三畝有奇。每年應徵銀一千兩有奇。米六百五十九石有奇。又墾過貴溪縣鉛山所老荒屯田三頃九畝有奇。每年應徵銀三十兩有奇。○癸未。除澎湖漁艇陋規。諭總理事務王大臣。朕查閩省澎湖地方。係海中孤島。並無田地可耕。附島居民。咸置小艇。捕魚以餬其口。昔年提臣施琅倚勢霸占。立為獨行。每年得規禮一千二百兩。及許良彬到任後。遂將此項奏請歸公。以為提督衙門公事之用。每年交納。率以為常。行家任意苛求。漁人多受剝削。頗為沿海窮民之累。著總督郝玉麟宣朕諭旨。永

行禁革。其現在捕魚船隻。飭令該地方官照例編號。稽查辦理。此項陋規。既經裁除。若水師提督衙門。有公用必不可少之處。著郝玉麟將他項銀兩酌撥數百金補之。○總理事務王大臣奏。遵旨訊問御史薛韞。據供。

皇上常在宮中騎射。實係偶然傳聞。所奏誠屬冒瀆。薛韞身為言官。乃以傳聞荒誕之言。冒瀆陳奏。謬妄已極。應交部嚴加察議。得旨。朕在二十七月服制之內。不行騎射之事。此廷臣所共知者。若當服除之後。較獵講武之時。言官或如此陳奏。則其言雖迂。而意尚可取。今薛韞於此時。以毫無影響之語。妄行摺奏。明係誣謗。本應照議交部嚴加議處。姑念伊昏憤無知。不足深責。著從寬免其交部。○署理都統事務和碩恒親王弘旺等議覆總理事務王大臣奏。徵收地租。分給貧乏旗人。以為恒產。奉

上諭。朕以八旗無業貧人。居無定宅。終日縈懷。

並不知京畿有空閒地面。今既有可修蓋之處。爾等查明。即行修造。但僅以本年租銀充用。其能有幾。若俟來年之租。亦覺遲緩。現在圓明園舊有英秀。懦弱二營。即將此二營空房。拆毀運京。其修造之需。動用本年租銀之處。爾等悉心詳議具奏。俟數年後。空地蓋成房屋時。所得租銀。如何賞給旗人。或另有裨益之處。臨時再行議奏。欽此。現在查明空地。共四百八十二塊。約計可容房四千五百餘間。此次修造。若待全行查明空地。且俟冬月得租。再行興工。則迫於嚴寒。礙難修造。況一年之租。亦不能修造若干。臣等將現在空地。查明數目。移咨工部。量定地面尺寸。情願售賣者。照官價給與外。其圓明園舊有之英秀。懦弱二營空房。派員拆毀。運京備用。尚餘空地。可蓋房屋者。亦即豫備應用之物。入秋興工。再查得八旗所有空地。多寡不同。若本旗蓋成房屋。即令本旗人居住。則房數不均。請

交部查看已成之房屋。於臣等八旗就近之處。陸續分給居住。此項房間。除開檔人等外。其無房屋之護軍校。驍騎校。另戶護軍。領催。馬甲。及孤寡人等。量戶口之多寡。賞給居住。其未查明之空地。俟查明時。亦咨行該部。一體修蓋。奏入。報聞。○鑄給雲南開化廣羅廣南鎮標中軍游擊關防。從總督尹繼善請也。○甲申。上御乾清門聽政。○詣皇太后宮問安。○諭內閣。原任翰林院侍講學士戚麟祥。於雍正五年犯罪發遣寧古塔。計在配所。已經十載。聞伊年逾七旬。衰邁龍鍾。著宥其前愆。赦回原籍。○吏部議覆。河南鄭州郭元曾控告一案。巡撫富德。濫刑羅織於前。怙過瀆奏於後。應革職。南汝道李慎修。開歸道黃叔璥。草率定案。均應革職。兵部侍郎吳應棻。內閣學士伊爾敦。不能審出實情。均應降一級調用。查吳應棻。伊爾敦。俱有加級抵銷。應免其降調。得旨。富德著革職。吳應棻

伊爾敦俱著銷去加一級。抵降一級。免其降調。其草率擬罪之李慎修黃叔瓚。乃順承富德之意。雖經具詳。案尚未結。著革職從寬留任。餘依議。○總理事務王大臣議准。額駙策凌奏。發遣鄂爾昆屯田人犯。納穀有限。費用繁多。偶遇歉收之年。每多犯竊之案。久留軍營無益。應如所奏。所遣人犯五年內應交穀石如數納完。並無過犯。以及病廢者。送部各令回籍。交地方官管束。如有拖欠穀數。別犯科條者。即交額駙策凌照例治罪。奏入報聞。○免湖北漢川。江陵。二縣。及武左。荊州。荊左。三衛水災。乾隆元年分額賦有差。○鑄給浙江處州府清軍總捕鹽驛同知關防。從大學士兼管總督嵇曾筠請也。○乙酉。王大臣議覆前因京師缺雨平糶。給事中馬宏琦奏。請弛零星小販之禁。臣等酌議。嗣後五城發糶官米。如串買囤積。至四五十石。及買作燒鍋之用者。俱行查禁。其肩挑背負。不過數石者。聽

則赴廠窮民免盤詰守候之苦。即碓坊小販。亦收買賣流通之益。米價不致騰貴。從之。○南掌國王島孫遣使進貢筵宴賞賚如例。○宗人府奏。吏部咨呈恒親王弘晳辦理泰陵工程穩固。奉旨從優議敘。查王公議敘。俱於王公本銜紀錄一次。若從優議敘。則紀錄二次。今恒親王弘晳應紀錄二次。得旨。弘晳著紀錄二次。○丙戌。豁免原任山東登州鎮總兵官岳含奇等應追軍需銀二萬一千一百兩有奇。糧八千七百石有奇。○丁亥。上詣皇太后宮問安。○王大臣議覆前據給事中馬宏琦奏。請通倉舊存移米。運至天津北倉。賑濟平糶。經臣等以天津北倉已令李衛酌量截留新漕備用。其附近通州各州縣。除存倉米穀麥石外。有無再需米石接濟。令李衛查明地方情形。速行妥議。今據李衛奏稱。將來若需賑濟。原擬京之西南。各屬截漕。於天津

撥運京之東北附近通州者。應於臨期。仍在通倉領運。既有通倉米石接濟。則截漕之數。可以量減。除天津北倉應留漕米。現在酌核另疏題明辦理。其通倉之米。俟將來需放時。酌量就近撥運應用。查需用賑米。原屬預為籌畫。其動撥領運。自應臨時酌辦。應如李衛所奏。通倉之米。俟將來需放時。約計除附海州縣撥運若干。即一面具題。一面移咨倉場。將七八成糴米。令州縣就近承領。再委大員督同盤收。分運應用。從之。○戶部議准。山西巡撫覺羅石麟疏報。永濟縣瀕河地畝。雍正十三年分。被水淹沒。共一百七十三頃八十五畝有奇。又大慶關額外瀕河地畝。被水淹沒。二十八頃六十五畝。又永濟縣諸馮等里荒灘沙地。共三十七頃十一畝有奇。均係勘明確實。所有應徵銀米。並請豁免。俟水退。歸除。再行勸墾陞科。從之。○又議覆廣東巡撫楊永斌疏報。遵旨裁革粵東冗稅。一。海陽縣

杉餉。廣州府通橋稅口。潮州府陷墮一口。高州府梅菜墟期等小稅口。肇慶府黃江廠。恩平縣牛河稅。揭陽縣雜稅內。糞麵。牛骨。皮。碎。農具。棉條等項。請悉行裁革。一。揭陽縣并肇慶等四府州。比例加徵稅三百八十二條。俱係額外加徵。均請裁革。一。潮州府廣濟橋稅。例有帶徵大埔稅銀。各則均有零尾。吏胥易滋弊端。請將各則零尾。概行截除。均應如所請。從之。○又覆雲南巡撫張允隨疏報。遵旨

雲南

主

革除冗稅。查雲南。曲靖元江。大理。楚雄。永昌六府。正稅新稅之外。復有落地稅之名。原屬重徵巧取。而凡糴鋤箕帚薪炭魚蝦蔬果之屬。所值無幾。請全行裁革。普洱。武定。麗江三府。係偏僻府分。一切雜貨。俱係落地土稅。并貧民肩挑背負。土產零星細物。概請停止抽收。再查鹽餉一項。業有正課。而曲靖等府。於商稅內。復有報解鹽課一項。又昭通。鎮雄。一帶地方。係食川鹽。而鎮雄則例。開載稅鹽。較

永昌等處更重。應一并裁革。均應如所請。從之。○免江南徐州府屬蕭。碭。二縣。并徐州衛水災。乾隆元年分額賦有差。○以大學士徐本。協辦大學士三泰。尚書甘汝來。左都御史福敏。侍郎程元章。呂耀曾。內閣學士索柱。汪由敦。詹事覺羅吳拜。李紱。為殿試讀卷官。○是月。戶部奏覆。據山東巡撫法敏。遵旨條奏。確查春麥歉收之處。豫備事宜。○糶三之法。原以出陳易新。今二麥既有旱形。糧價不免高昂。應令地方官不拘糶三之例。量為多糶。以平市價。且嚴禁奸商囤積。胥役轉賣。○應徵新舊丁地錢糧。惟賴麥收。今雨澤愆期。如有歉收之處。輸納維艱。似應分別停徵。以紓民力。○民間麥收。多藉為種植秋禾之工本。倘得雨再遲。則秋種無資。應令地方確查實。在窮民。量貸籽種工本銀兩。俟秋收後還項。○小麥高粱。並係民間食用之要。查燒鍋跔麵。久經嚴禁。第恐兩省交界之區。愚民希圖

覓利。違禁私開。糜費糧米。應咨會鄰省。一體嚴禁。○東省民習。每遇歉歲。即挈眷遠出。覓食他鄉。現今民情。雖俱安貼。若得雨再遲。麥禾無望。窮民或萌離鄉之念。除實在乏食。戶口臨期斟酌。或貸籽粒。以備補種。或借社穀。以遂謀生。若需賑濟。一面開倉。一面奏聞。務使小民不致仳離。以上各條。並應如所請。得旨。依議速行。○山東巡撫法敏。遵旨覆奏。辦理旱荒事宜。得旨。凡地方水旱之事。不能保其必無。而一遇水旱。所以賑恤之方。不可不極力補救。以拯災黎。汝既存諱災之心。則汝之屬員。更可問耶。○川陝總督查郎阿。遵旨議奏運濟事宜。得旨。知道了。於四月二十六日。得邀天賜甘霖。雖不十分霑足。然可以播種大田矣。至截漕等事。早經籌畫矣。○陝西巡撫碩色奏。陝省雨雪屢降。禾苗暢茂。惟漢中府屬。於三月間。忽生似蠶似蛾之青黑蟲。嚙蝕麥苗。

遂致黃萎。幸得雨後。率多化蛾飛去。受傷之麥。畧減分數。得旨。知道了。但此等害苗之蟲。豈可不似蝗蟲之竭力捕滅。而聽其飛去耶。將此諭令查郎阿知之。○山西巡撫覺羅石麟。疏報雨水稀少情形。得旨。知道了。賑卹事宜。務須先事籌畫。隨時補救。方不致有流離之餓殍。若待成災。始行查看。其何以救吾民耶。○署理河南布政使溫而遜。疏報得雨情形。得旨。知道了。據奏連得雨澤。二麥滋長。與

平糶奏稿二

五

朕所聞豫省望雨之言。何相逕庭耶。○刑部左侍郎劉統勳奏報。浙省海塘工程。惟朱軾所建五百丈。至今堅固。其餘舊塘。俱難經久。至於堵築尖山。開挖引河。費用浩繁。成功難必。此督臣嵇曾筠所以專主建築魚鱗大石塘之議也。我

皇上不惜百萬帑金。以衛浙民田廬。今歲北岸海沙漸漲。南岸江溜漸通。可望成功。海寧城南石塘五百丈。現已完竣。密籤長椿。平鋪巨

石。灌以米汁灰漿。釦以鐵釘鐵錫。後來工程。若始終如一。可保永遠無虞。查向來保固之法。於塘外籤椿鋪石。層累而上。作為坡陀之形。名為坦水。此項工程。在今日有不得不修築之勢。竊計海塘與河工。形勢迥不相侔。河工有應築應開應濬之不同。即有不得不築。必不可築之異。海塘之內。皆屬寸土寸金之地。一有衝決。民命攸關。且滴水一入。數年之內。必致顆粒無收。既議築塘捍衛。自不容有兩歧之議。此實在情形也。得旨。知道了。久而悉其情形。再久而識其作法。原不可以欲速者也。○廣西巡撫楊超曾疏。奏署布政司楊錫綏。按察使黃士傑。不能砥厲操守。才識亦屬平庸。得旨。知道了。安民莫先於察吏。此係汝之要務也。但此二人者。尚未陞見。一經朕覽。自可悉其人品梗概也。○河南按察使隋人鵬。疏報查拏私鑄錢文。私造賭具案件。得旨。覽。一切刑名案件。務須依限速結。以免無

平糶奏稿二

五

辜拖累之苦。然又不可疎忽。致有失出入之咎也。○定邊大將軍平郡王福彭摺請聖安。得旨。朕安。萬里之遙。軍營之要。特動驛站。祇為請安一摺之奏。想見王挂念朕躬之切。而未知朕心之以天下為重也。面見後自知之。

平錄卷四十一

三七

大清高宗法天隆運至誠先覺體元立極敷文奮武孝慈神聖純皇帝實錄卷之四十一

大清高宗法天隆運至誠先覺體元立極敷文奮武孝慈神聖純皇帝實錄卷之四十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳五月戊子朔策試天下貢士

平錄卷四十二

何其睿等三百二十四人於太和殿前

制曰。朕惟自古致治之隆。唐虞為盛。而虞書言敕天之命。惟時惟幾。又曰。兢兢業業。一日二日萬幾。蓋持盈保泰若斯之難也。臯陶之陳謨曰。在知人。在安民。夫天工人代。非黜陟公明。何以能咸熙庶績。至敷奏以言。則又曰。乃言底可績。言不可見諸施行。則無稽之言耳。若夫安民之本。則曰。食哉惟時。言民事莫重於農。敦本計也。朕纘承大統。仰繼

祖宗重熙累洽之運。惟以主敬存誠。孜孜自勉。以求保泰之道。宵衣旰食。不敢諉責臣工。然帝王建治於上。尤賴百職事輔治於下。敬修可願。至誠感神者。為君之誠敬也。君臣交相咨儆。始可以迓庥和而綿泰運。大小臣工。何以精白寅恭。以恪褻至治歟。古稱任官惟賢。位事惟能。以人事君者。大臣之職也。乃或阿其所好。而藉以市恩。或獵取虛名。而不孚輿論。為國薦賢之謂何。良由私意汨于中。而偏見淆於外也。何以使膺薦舉之任者。皆舉能其官。而無用匪其人之失歟。言路開。則見聞廣。但言必衷于理。事必舉其當。若撫拾浮談。有心迎合。或以迂疎悠謬之論。喋喋敷陳。所謂稽于衆者。果若是歟。夫有益於民生國計。是曰嘉謨。即糾繆繩愆。亦稱讜論。有志建白者。何以無負懸鞬設鐸之至意歟。我國家休養生息。民物滋繁。宜其戶慶盈寧。蓄積饒裕。乃猶時厯匱乏之虞。其咎安在。將人多趨利。

逐末者衆。而耕作者寡歟。食用奢靡。未能以禮以時。而不知撙節歟。其所以勤勸課而警游惰。可不講歟。夫都俞交儆。則可以持泰運於無疆。俊乂在官。則可以飭官方於有位。謨明弼直。則堂陛交。務本力田。則閭閻裕。久安長治之道。無踰於此。多士其各據所見。詳著於篇。朕將親覽焉。○戶部議覆。山西巡撫覺羅石麟疏稱。太谷。祁縣。徐溝。清源。交城。朔州。馬邑。左雲。右玉。偏關。等十州縣。民田糧額。上中下三則。每畝徵糧。自六合四勺。至六升四合不等。其屯田糧額。亦上中下三則。每畝徵糧。自三升五合。至一斗九升不等。較之民田。實為過重。今按各則酌減。每畝減徵本色糧。自一升至一斗五升不等。共減糧二千八百九十七石有奇。至清源縣更名地一十五項。三十五畝。原額徵銀一百七十二兩有奇。今每畝酌減銀二分至四分不等。共減銀四十兩七錢有奇。臣部按冊計畝核算。酌減之數。

均屬相符。屯田糧額較之民田實為至重。該撫既稱輕重得宜。輸納自易。應如所請。自乾隆二年為始。照減定之額徵收。從之。○旌表守正被戕廣東興寧縣民黃亮彩妻楊氏。○己丑。減福建寧洋壽寧二縣丁銀。諭總理事務王大臣。朕聞福建丁銀一項。雍正二年。經原任巡撫黃國材請照各省之例。就田勻派。每田糧一兩。勻丁銀一錢。至二錢不等。通省頗以為便。獨有龍巖州屬之寧洋縣。福寧府之壽寧縣。因地糧少而丁額重。若照勻入地畝之例。則有田之家。即成加賦。勢有難行。只得仍循其舊。查通省丁銀。中則不過二錢。而寧壽二邑。每丁征至四錢。二三錢不等。民力未免艱難。朕愛養黎元。欲其均沾膏澤。不忍令其竭蹶于輸將。著二縣丁銀。照中則。每丁征收二錢。其餘盡行寬免。該督撫可督率有司。實力奉行。俾閭閻得受實惠。毋使胥吏棍徒侵蝕中飽。○諭定邊左副將軍額駙策凌

據爾奏到噶爾丹策零一摺。朕思賊匪意欲請和。憚於遣使。是以將擄去二人。善視送回。而語言又倨傲。其意以為准伊和好。伊可以多得地土。若因伊言忿激。定如昔年用兵。伊既得計。而我錢糧不無少虧。是此二舉。皆不足以動我也。此際唯將附近地方固守。伊自無所施其伎倆。但彼既有來疏。亦當回覆。朕已降旨王大臣議奏矣。爾軍營王大臣。亦會同擬作噶爾丹策零咨文一紙。由驛速奏。朕視爾等意見何如。當此情形。今秋防範最為緊要。不過使爾王大臣知之。設少有泄漏。兵丁稍有戒心。於事無益。至喀爾喀。晉巴。遣回與否。尚在未定。可將朕此旨大意。曉諭兵丁。軍心更覺堅定。尋奏。準噶爾既將來書。令人齎到。回文未便遣人直達噶爾丹策零。臣請於此處出派賢能台吉一員。帶同十餘人。齎文交與伊地方齋桑。令其轉致。所遣之人。即回。若伊齋桑務令所遣台吉親身交噶爾丹

策零。即令所遣台吉面交。臣等亦照所齎回文。詳悉諭知。得旨。總理事務王大臣議奏。○以故奉國將軍增盛之子永昌襲奉恩將軍。○庚寅。

孝誠仁皇后忌辰。遣官祭

景陵。○禮部議准。四川巡撫楊馥疏稱。江為四瀆之長。在四川福國佑民。其利尤溥。請春秋致祭。從之。○辛卯。

上詣

皇太后宮問安。○

上御養心殿。召讀卷官入。親閱定進呈十卷。甲第一。諭曰。卿等所擬第四卷。策語字畫俱佳。可置第一。所擬第一卷。改置第二。所擬第十卷亦佳。可置第三。所擬第二卷。改置第四。所擬第八卷。可置第五。所擬第三卷。改置第六。其餘諸卷。一一更定。○諭大學士張廷玉。徐本。翰林。乃文學侍從之臣。所以備制誥文章之選。朕看近日翰詹等官。其中詞采可觀者。固不

乏人。而淺陋荒疎者。恐亦不少。非朕親加考試。無以鼓勵其讀書向學之心。自少詹讀講學士以下。編修檢討以上。滿漢各員。著於本月初七日。齊赴乾清宮。候朕出題親試。倘有稱病託詞者。著另行具奏。朕必加以處分。考試之日。著乾清門侍衛察看。○又諭潼關。乃緊要關隘。移駐滿洲兵一千名。原為防守地方。此兵駐防未久。雖云蹊徑險狹。遇山水暴發。城垣或致衝塌。該將軍及地方大臣。理應設法辦理。開濬引水溝渠。以保固城垣。奈何因此細故。即將駐定之兵。奏請撤回。至于遣赴涼州莊浪駐防之兵。即于西安滿洲兵內挑選。所遺之缺。又將餘丁頂補。于省城滿洲人等生計。大有裨益。今秦布查郎阿等。反欲將潼關之兵。撤回西安。彙總挑選。殊屬悖繆。駐防兵丁。事關綦重。照爾等所議。行文總督查郎阿等。著再行詳悉妥議具奏。○壬辰。賜一甲于敏中。林枝春。任端書三人進士及第。

二甲孫宗溥等八十人進士出身三甲謝庭瑜等二百四十一人同進士出身○癸巳

上御乾清門聽政○諭大學士等昨據戶部奏京城四鄉設立米廠以資平糶原議芒種以前得雨即可無庸設立等語今雖屢得雨澤尚欠霑足况二麥已無望矣大田雖可布種而尚待有秋設立米廠以資平糶乃亟應行者著該部即遵前議速行辦理○免湖北安陸荊州兩府屬各州縣衛水災乾隆元年分額賦有差○戶部議覆廣西巡撫楊超曾疏報粵西各屬向出銀鉛銅礦今南寧府宣化縣屬之淶生嶺試採鉛礦有效並無碍民間田園廬墓及毗連交趾逼近廣東之處題請開採應如所請從之○予故刑部侍郎銜兼禮部右侍郎事王蘭生祭一次○加贈故廣東廣州鎮總兵官張溥左都督尋予祭葬諡敦恪○甲午

上詣
皇太后宮問安○諭總理事務王大臣從前發

遣各處之人其情罪尚輕者先於恩詔內令該管官查奏請旨其情罪較重者原無赦回之例今朕思未經赦回之犯其中有年逾七十者雖原案較重而年已衰老且在外年久國法已伸仍留遣所情亦可憫著各該管官查明除強竊行兇等重罪外其餘各犯有年在七十以上者將所犯情罪具奏請旨再軍流人犯本身已故其妻子准其回籍從前已於恩詔內著為定例今朕思從前發遣在外安置及當差之犯雖情罪較重然本身已故其妻子原係連坐之人各該管官查明報部奏聞准其回旗回籍○兵部議覆河南南陽鎮總兵官薛鳳翼奏北路換班兵丁已奉文歸伍各營新募兵丁理宜裁汰但臣屬營汛情形不同如左營原額兵八百十三名足敷差防請將新兵七十九名裁去至右營兼城守之責又有浙川荆子關等處原額兵八百六十九名撥防護送每至周章請將新兵八

十名內。改撥浙川四十名。荊子關十名。所餘三十名。仍留本營差防。汝寧營所轄十一州縣。原額兵四百三十四名。新兵四十六名。城倉巡防查緝護送等項。實不敷用。請將左營應裁新兵七十九名內。添歸汝寧營六十名。歸德營兼轄九州縣。汛要差繁。原額兵六百八十四名。實不敷用。將新兵八十二名存留差防。再襄城營原額兵六百九十五名。僅可差防。將新兵八十六名裁去。陳州營差遞益繁。原額兵三百四十名。並新兵四十二名。差防分佈。尚屬難周。請將襄城營所裁新兵八十六名內。添歸陳州營七十名。鄧新營額兵二百六十六名。城倉巡防。又兼新野差繁。汛要。所添新兵三十二名。仍留新野二十名。所餘十二名。應行裁去。信陽營原額兵三百六十六名。分佈差防。難以兼顧。所添新兵四十名。應請存留等語。臣等查南陽鎮標。各原設額兵。實屬無多。所有前項應裁新兵。該鎮酌

中損益。分別裁留派撥。於地方營伍事宜。實有裨益。應如所請。南陽鎮所屬各營新募守兵四百八十七名。除議裁四十七名。准其裁汰外。其餘各營裁減增益之處。照依該鎮議定數目。安設存留。以資差防。其所裁兵丁。飭令該鎮徐徐辦理。毋使失所。仍將陸續開除頂補各兵姓名。數目。年月日期。并改撥各營舊額新兵姓名。數目。逐細造冊。送部查核。從之。○以騎都尉叅領達奎為歸化城右翼副都統。調正白旗滿洲副都統黑星為歸化城左翼副都統。○乙未。吏部議覆詹事府詹事李紱奏。吏部議准陝西學臣周霽題請會試後揀選下第舉人。大省四十員。中省三十員。小省二十員。帶領引見。欽定。令回本省。以學正教諭即用。查現在舉人至三十年尚不得選。若再行揀發。則候補者益無選期。似為可惜等語。臣等詳加酌議。揀選下第舉人。向例遇缺即行題補。其從前就

教舉人。必俟題補完日。方准選用。未免壅滯。請將此項揀發人員。與從前就教之人。分班輪選。從之。○丙申。命禁燒鍋。諭總理事務王大臣。養民之政多端。而莫先於儲備。所以使粟米有餘。以應緩急之用也。夫欲使粟米有餘。必先去其耗穀之事。而耗穀之尤甚者。則莫如燒酒。燒酒之盛行。則莫如河北五省。夫小民日營其生。稍有錙銖。輒以縱飲為快。無裨於喪祭賓客老病之用。而適以啟謹諱角鬪之媒。特以飲少輒醉。其價易售。人皆樂其便易。故造之者多。而耗米穀也較他酒為甚。往者

皇祖

皇考。屢嚴燒鍋之禁。有司陽奉陰違。必待衆口嗷嗷。始不得已而稽查禁約。及薄有收穫。仍然公行無忌。夫與其禁於已饑之後。節省於臨時。孰若禁於未饑之先。積貯於平日。今即一州一邑而計之。歲耗穀米。少者萬餘石。多

者數萬石不等。則禁止之後。通計五省所存之穀。已千餘萬石矣。雖有穀之家。不能皆分所有。以周貧乏。而所存之穀。自在民間。可以通融接濟。較之無米之炊。不啻霄壤矣。況遇歲稔豐收。穀必甚賤。貧民之生計益饒。家有蓋藏之效。未必不由於此。而無識之人。或以造酒之家。不免失業為慮。不知壟斷市利。率由黠悍之富民。因其資財。串通胥役。敢於觸禁肆行。並非貧民無力者之生業也。是禁之則貧民裕養生之資。不禁則富民獲漁利之益。其間得失利害。較然可觀。朕籌之已熟。北五省燒鍋一事。當永行嚴禁。無可疑者。至於違禁私造之人。及賄縱之官吏。如何從重治罪。其失察之地方官。如何嚴加處分之處。著九卿即行定議具奏。○河東河道總督白鍾山奏。湖勢昔險今平。請改修土隄節帑寓賑。東省魚臺縣獨山湖。馬家三空橋等處。係糧艘緯道。從前修做柴工。雍正八年。湖河異漲。

衝損九百五十餘丈。調任巡撫臣岳濬。因彼時當頂衝。柴工恐難抵禦。題請改建石工。部議令河東總河勘估具題。嗣緣水佔隄根。難以懸估。咨部展限。至乾隆元年春間。雨水稀少。湖水稍落。隄根已露。據管河道詳估。臨河一面。修築土餞。臨湖一面。改築石隄。共需銀四萬四千八百兩有奇。時值拆修石匣。恐兩工並舉。灰石木料員役夫匠難免顧此失彼。前經咨部。俟匣工完日題估。復留心察視。湖內水勢下移。隄垣全現。從前頂衝險工。已經平穩。與撫臣岳濬議改石工之時。形勢迥不相同。獨山湖係蓄水之區。素稱水櫃。非江南洪澤水勢浩大者可比。該工雖介湖河之間。而南旺蜀山諸湖亦係內湖外河。土隄年久屹然如故。且該工舊隄單薄。被衝後更多殘缺。數年來亦無疎虞。若乘此水涸土乾之時。著底幫築土隄。倍加寬厚。依法夯礮。簽試不漏。十分堅固。足資捍禦。再於隄坡密栽柳株。

即遇水長。亦可擋護。不致汕刷。臨湖一面。不必改建石隄。以致多費。且今歲瀕河一帶。春雨愆期。二麥歉薄。貧民覓食維艱。時距秋成尚早。此時若舉行土工。則附近無業貧民。皆可接濟窮黎。臣已飭行管河道。另將土工需用銀確估詳題。一面咨撥募夫興工。一面據實題估。得旨著照白鍾山所請速行。該部知道。○緩徵河南省南陽新野淮寧西華項城舞陽汝陽上蔡西平商水扶溝沈邱等十二縣水災。乾隆元年分額賦。其被災較重者。發帑賑恤。倒壞房屋。給資修築。○補行浙江四川兩省大計。除卓異薦舉。并不入舉劾官員外。不謹官共十員。罷軟官二員。年老有疾官九員。才力不及官八員。浮躁官五員。分別處分如例。○丁酉。予故陣亡把總張養。祭葬如例。○戊戌。

上詣

皇太后宮問安。○諭大學士張廷玉。徐本。昨於乾清宮考試翰林。詹事等官。朕親加詳閱。按其文字優劣。分為四等。其一等陳大受。趙大鯨。張映辰等。三員。二等雷鉉。數文。吳華。孫介福。張灝。張若靄。吳應枚。世臣。朱續。晫。張鵬。卅等。十員。三等鄂容安。佟保。鄒升恒。阮學浩。于枋。嵇璜。張湄。楊廷棟。陳浩。張為儀。許王猷。宋楠。王峻。沈榮仁。金德瑛。朱桓。彭啟豐。儲晉觀。李文銳。王承堯等。二十員。四等沈慰祖。王興吾。邱玖華。沈昌宇。錢本誠。馮元欽。鄂敏。程鍾彥。陳倌。汪師韓。張蘭清。包祚永。黃孫懋。肇敏。許希孔。楊二酉。陶正靖。吳履泰。林令旭。夏廷芝。嵩壽。田志勤。喀爾欽。陳惠華。楊炳。昌齡。阮學濬。梁文山。羅源漢。傅為詩。韓彥曾。王檢。雙慶。杜謐。趙瓚。呂熾。萬承蒼。孫灝。金相。胡定。高盤。楊秀。劉東寧。陳仁。陳中。蔣恭。恭。沈齊禮。孫倪城。周龍官。熊暉吉。沈景瀾。常保桂。楊椿。沈翼機。陶正一。保良等。五十六員。其侍讀吳應

枚。侍講世臣。俱著陞授翰林院侍讀學士。侍講鄒升恒。陞授侍講學士。編修陳大受。檢討數文。俱著陞授翰林院侍讀。編修張若靄。張映辰。鄂容安。檢討介福。俱著陞授翰林院侍講。贊善趙大鯨。陞授司經局洗馬。昌齡。常保桂。熊暉吉。俱降為翰林院編修。昌齡。常保。日講官缺。著另行開列。金相。降為右贊善。保良。著改授員外郎。杜謐。改授主事。陳中。改授知縣。沈翼機。楊椿。蔣恭。恭。周龍官。楊秀。劉東寧。孫倪城。鄂倫。沈景瀾。王檢。沈齊禮。陶正一。俱著休致。徐用錫。年老。亦著休致。餘俱留原任。楊炳。不必在南書房行走。○又諭汪隆所奏考試新進士時。應令其將本處當行之事。各據所見。明白陳奏。王大臣等議。以歷科考試進士。具有成式。無庸更張。朕思古來帝王為治。不棄芻蕘。況伊等既成進士。皆係讀書之人。於地方利弊。或有確見。亦未可定。今年考試進士。仍照舊例出題。若伊等有願將地

方事件數陳者。准其據實條奏。閱卷大臣等擇其言有可採者。進呈朕覽。○以故喀爾喀札薩克頭等台吉彥達博第嗣子羅卜藏端多普襲職。○予故黑龍江將軍烏里布。及額外副都統圖爾賽祭葬如例。○己亥。旌表守正被戕廣西博白縣民朱繼燾女朱氏。○庚子。遣官祭

關帝廟。○諭總理事務王大臣。向來

列祖實錄聖訓。告成之後。皆藏之金匱石室。廷

臣罕得見者。朕思

列祖聖訓。謨烈昭垂。不獨貽謀於子孫。亦且示訓於臣庶。自應刊刻頒示。俾人人知所法守。今朕次第敬覽。

皇祖

皇考五朝實錄聖訓。應將閱過之

聖訓。陸續交與武英殿。敬謹刊刻。○命重農務本。諭王大臣等。昔者虞廷咨牧。食哉惟時。而百揆奮庸之後。即命棄以播時百穀。禮樂兵

刑。皆在所後。良以食為民天。一夫不耕。或受之飢。一女不織。或受之寒。而耕九餘三。雖遇荒年。民無菜色。今天下土地不為不廣。民人不為不衆。以今之民。耕今之地。使皆盡力焉。則儲蓄有備。水旱無虞。乃民之逐末者多。而地之棄置者亦或有之。縱云從事耕耘。而黍高稻下之宜。水耨火耕之異。南人尚多不諳。北民率置不講。此非牧民者之責。抑誰之責歟。今之督撫。於地方命盜等案。或官方吏治。兵制夷情。能盡其心者有之。其以身為之倡。課百姓以農桑本務者誰耶。得無與虞廷命官之意相左乎。朕欲驅天下之民。使皆盡力南畝。而其責則在督撫牧令。必身先化導。毋欲速以不達。毋繁擾而滋事。將使逐末者漸少。奢靡者知戒。蓄積者知勸。督撫以此定牧令之短長。朕即以此課督撫之優劣。至北五省之民。於耕耘之術。更為疎畧。是以一穀不登。即資賑濟。斯豈久安長治之道。其應如何

勸戒百姓。或延訪南人之習農者。以教導之。牧令有能勸民墾種。一歲得穀若干。三歲所儲若何。視其多寡為激勸。非奇貪異酷。極昏極庸者。毋輕率劾去。使久於其任。則與民相親。而勸課有成。將見俗返醇樸。家有益藏。然後禮樂刑政之教。可漸以講習。著該部即會同九卿。詳悉定議以聞。○又諭農桑為致治之本。我

皇祖聖祖仁皇帝。嘗繪耕織圖。以示勸農德意。皇考世宗憲皇帝。屢下勸農之詔。親耕耜田。率先天下。所以敦本計而即田功。意至厚也。朕思為耒耜。教樹藝。皆始於上古之聖人。其播種之方。耕耨之節。與夫備旱驅蝗之術。散見經籍。至詳且備。後世農家者流。其說亦各有可取。所當薈萃成書。頒布中外。庶三農九穀。各得其宜。望杏瞻蒲。無失其候。著南書房翰林。同武英殿翰林。編纂進呈。○予故鑾儀衛鑾儀使路振揚祭葬如例。○辛丑。

上詣

皇太后宮問安。諭總理事務王大臣。昨考試翰林詹事官員。以為君難為臣不易命題。雖各就所見敷衍成文。朕爰就其文字。以定優劣。至難與不易立言之本意。原有輕重。伊等尚未見及。人之言曰。為君難。為臣不易。此以見為君甚難。為臣亦不易耳。蓋為君者。以一人立乎萬民之上。宗社之安危。民生之休戚。係焉。崇尚寬大。則啟廢弛之漸。稍事振作。則長苛刻之風。言路不開。則耳目壅蔽。將欲達聰明目。而無稽之言。勿詢之謀。馳騖並進。不惟不足以集思廣益。且足以淆亂是非。即以理折之。論者且謂其厭棄羣言。不能容納。稽之史冊。比比而是。試思堯舜在上。都兪一堂。尚曰汝無面從。退有後言。夫面謾腹誅。乃人臣莫大之罪。唐虞之朝。豈容有此。以聖人之為君。又豈忍逆詐億不信。為是過當之言。抑且諄諄致誠於庶頑讒說。巧言令色。孔壬。當

必非無為而發。即此一端。為君之難。概可知矣。至為臣者。夙夜靖共。奉公憂國。為上為德。為下為民。苟非鞠躬盡瘁。求所以稱股肱心膂之任。殫分猷宣力之能。不足以盡為臣之道。故曰不易。然較之為君。究未至若彼其難也。譬之飲食。曰不飽。則未及饜飫而已。曰飢。則窮餓困餒。不止於不能果腹矣。此立言輕重之分。而讀書者不可以不察。傳曰。言豈一端而已。固各有當也。又曰。及之而後知。履之而後難。朕所見如此。聊宣示諸臣。並衆翰林知之。○禮部議覆奉天府府丞王河疏。稱長寧縣裁文武生童俱附永吉州應試。其長寧應進文武生各二名。舊額應請并入永吉州額取數內。凡遇歲科兩試。取進文童各四名。武童各四名。應如所請。從之。○雲南平彝縣土縣丞海藏珍以老病告替。以其子海岑襲職。○

永陵總管伊奇祿以老病乞休。允之。○壬寅。

上詣

奉先殿行禮。○兵部議覆山東巡撫法敏疏。稱東原。滕陽。新橋。三驛丞。久經裁汰。馬匹并歸州縣管理。而中伙等事。尚係吏目典史代辦。事不畫一。應付亦多參差。應如所請。將三驛中伙等事。并歸於東平。滕縣。汶上等各州縣管理。不得仍令吏目典史代辦。從之。○以軍功議敘陝西督標中軍副將韓良卿。為廣東碣石鎮總兵官。○雲南北勝州土州同章法祖休致。以其子章祖蔭襲職。

大清高宗法天隆運至誠先覺體元立極敷文
奮武孝慈神聖純皇帝實錄卷之四十二

實錄卷四十二

三

大清高宗法天隆運至誠先覺體元立極敷文
奮武孝慈神聖純皇帝實錄卷之四十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書琅玕滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳五月癸卯

上御乾清門聽政○詰

皇太后宮問安○甲辰福州將軍張正興緣事
降調以鑲紅旗漢軍副都統隆昇為福州將
軍○乙巳調浙江定海鎮總兵官林君陞為
福建汀州鎮總兵官○丙午刑部尚書孫嘉淦
為定海鎮總兵官○奏燒鍋之禁無益於益藏而有損於生計止
宜於歉歲而不宜於豐年得旨總理事務王
大臣會同九卿詳議具奏朕之所以命禁燒

鍋者。原為民食起見。今觀孫嘉淦所奏。是嚴禁亦有必不可行者。王大臣不可曲從朕旨。亦不可迴護孫嘉淦。其和衷定議以聞。若果嚴禁燒鍋。不但於民食無益。而且有害。朕旨可收回。何難改正耶。○以故喀爾喀扎薩克公噶爾桑薩旺之子靜準多爾濟襲職。○丁未。

上詣

皇太后宮問安。○諭總理事務王大臣。朕自幼

齡。仰蒙

皇祖慈愛。撫育宮中。又命

太妃皇貴妃。

太妃貴妃。提攜看視。

兩太妃仰體

皇祖聖心。恩勤備極。周至。朕心感念不忘。意欲為

兩太妃千秋之後。另建園寢。令王大臣稽查舊例。王大臣奏稱。古有另建園寢之制。今若

舉行。於典禮允協。朕奏聞

皇太后。欽奉

懿旨。允行。可傳諭該部。於

景陵稍後附近之處。敬謹相度。擇地營造。其規制稍加展拓。以昭朕敬禮之意。○總理事務王大臣等奏。理藩院所報內扎薩克沿戈壁防兵。及游牧處備兵之數具奏。奉旨。觀內扎薩克王等所報沿戈壁防秋駐兵所需馬匹糗糧。俱伊等自辦。但此兵止令其豫備。用與不用。尚介兩可。若每年如此。則蒙古等不勝其累。倘必須遠駐。人畜並困於往返。宜如何加賞。與其每年虛糜帑項。與出兵無異。不若令其在游牧處豫備。以候調遣。遇有調遣之處。倍加賞賚。辦理啟行。著詳議具奏。并移咨詢問額駙策凌。此兵在游牧處豫備。有益與否。令據所見奏聞。王大臣等覆奏。臣等伏思內扎薩克兵沿戈壁駐防。雖聲援稍近。但六盟長下三千兵。分駐六處。相距數百里。力弱

勢單。即歲加恩賞。未必得收其用。不但虛糜帑項。而蒙古等往返如織。勞費殊甚。若令三千兵亦在游牧處豫備。於聲援不致遲誤。而伊等亦不勞苦。應行文扎薩克等。令防秋兵暫停啟行。與游牧處豫備兵八千名。同聽調遣。即於本處駐劄。其兵丁馬畜軍器。整理儲備。聞調即行。無誤時刻。又查前次調遣內扎薩克蒙古官兵。賞王貝勒俸一年。各台吉銀一百五十兩。章京銀一百二十兩。副都統銀一百兩。叅領銀八十兩。佐領銀六十兩。驍騎校銀四十兩。兵丁銀二十兩。其鹽茶口糧及僕從人役。悉分等支給。此兵若有調遣。請如前例賞給。移咨額駙策凌。令其具奏。俟奏到再議。得旨。依議速行。尋策凌等奏。游牧處所撥防秋兵丁。應令各游牧所在豫備。每年六月。該管盟長扎薩克等。各令兵丁整頓器械。候京城遣賢能大員。七月初間往勘。再令六盟長屬下撥兵分二隊。每隊以大銜扎薩克

一人統之。以西林郭勒烏蘭察布伊克招。三盟長兵為首隊。招烏達哲里木卓索圖。三盟長兵為次隊。緩急有事。一面具奏。一面調遣。令統領之人。迅速率往。其每隊由某路之處。臣等臨時酌定而行。王大臣等議覆。應如所請。其請遣大臣往勘。每隊應遣大臣一員。章京一員。俟臨期。令部臣開列侍郎副都統等職名奏請。得旨。內扎薩克等游牧處豫備兵丁。最為緊要。著今年即派大臣官員等往勘。餘依議。尋命永興等前往查勘。○戊申。柰曼額駙敦多布之妻格格病故。諭理藩院。著賞給銀五百兩。派明白章京一員送往。其應行辦理之事。令其指示額駙敦多布辦理。伊等可急速料理起程。○山東巡撫法敏條奏賑卹事宜。得旨。若果如所奏辦理。而汝等又不時查察。則飢民可以無流離溝壑之苦矣。此事亦交總理事務王大臣速議。尋議。一踏勘被災州縣。宜分別方隅。查東省春麥被旱。原

屬偏災。若不查明歉收分數。概行賑恤。恐滋冒濫。所奏派委郡守丞倅等官。分路會同地方官履畝踏勘。將被災幾分。親註門牌。以便分別賑恤。倘假手鄉保吏胥。即行叅處。應如所奏行。一查造戶口。宜分別極貧次貧。豫給印票。以定賑數。查東省春麥雖有無收之處。而秋田多已播種。現今該撫奏報。已得透雨。可望有收。其在六七月之間。乏食貧民。宜量加賑恤。所奏委員查造戶口。分別極次。豫給印票。交該戶收執。以免移換添改等弊。俱屬應行。應照所奏辦理。將極貧賑三個月口糧。次貧兩個月口糧。大口每月給穀三斗。小口穀一斗五升。統於六月為始。動用存倉穀石。文武生員。有真正赤貧者。亦一體賑恤。其商賈吏役紳衿大户之莊佃。及家有儲蓄者。不准入冊。再東省歉收。已蒙

聖恩。蠲免本年正項錢糧一百萬兩。此次賑給穀石。原指極貧次貧。應令該撫嚴飭委官確

查。不遺不濫。該撫仍不時訪察奏聞。一散賑宜運穀四鄉。先示賑期。以免請領守候。離城遼遠之鄉。即遵照平糶例。動用腳價運往。酌定某某村莊貧民。赴某廠請領。先期出示。某日賑某幾村。於辰刻開賑。申刻停賑。男女分別。先賑某村。即將該村照票。先行查收。唱名給發。如老弱疾病。不能親身赴領。許親族隣佑。代為持票保領。倘敢冒領扣剋。地保舉報著賠。地保扶同分肥。一體坐罪。倉夫斗級人等。毋得拋撒剋減。賑官徇庇失察者。叅處。所奏散賑之法。頗屬詳悉。均應如所奏行。一籽種工本。宜照所種秋田畝數。酌定借給。查春麥歉收之後。借給工本籽種。俾得盡力南畝。以冀秋收。固屬應行之事。但按照田數。每畝借給銀一錢。恐民人只圖目前之便。人人俱捏稱借領。到手花銷。轉瞬秋收。即應照數徵還。少或延緩。勢必徵比。且不肖官吏。亦難保無侵扣冒濫情弊。應令該撫飭行各州縣確

查。如果實係極貧。方准借給。緩至十月間。照數徵還。如有侵扣冒濫情弊。即照溺職例叅處。其不願借者聽。一。查造賑濟之冊票。監查役員之盤費。宜行議給。查賑濟攢造冊票。官役應用盤費。俱屬必需。今酌定數目。於存公項內支給。事竣歸賑案報。應如所奏行。一。司賑各官。宜委道員。督率稽察。查賑濟為格外聖恩。地方各官。自應實心實力辦理。但不定以勸懲。恐不肖有司。草率從事。有名無實。所奏實心辦事之員。保題優敘。辦理不能妥協之員。嚴叅治罪。派委各道稽查督率之處。均應如所奏行。從之。○是日起。

上以夏至祭

地於

方澤。齋戒三日。○己酉。以湖北巡撫鍾保署理

工部左侍郎。○庚戌。

孝恭仁皇后忌辰。遣官祭

景陵。○諭總理事務王大臣。滿洲進士選授庶

常。向例俱學習漢書。去年因徐元夢條奏滿庶吉士。復令分習清書。朕思滿語係滿洲自幼所習。只須漢文通順。人人皆能繙譯。且授職之後。自可令辦繙譯之事。清文亦不致荒廢。何必於選館之時。專令學習乎。嗣後滿洲庶吉士習清書之例。著停止。○又諭。昨據山東巡撫法敏。因雨澤愆期。將豫為籌畫賑濟事宜。一。陳奏。朕已交總理王大臣酌議。令其相機辦理。朕思山東之得雨。較直隸為早。直隸之缺雨。較山東為甚。今法敏已將備賑事宜。豫行陳奏。而李衛尚未奏到。朕心深為懸切。此時正當熟籌。以為先事之備。爾等可寄信詢問之。○辛亥。夏至。祭

地於

方澤。

上親詣行禮。恭奉

世宗憲皇帝配享。儀與配

天同。○詣

皇太后宮問安。○諭總理事務王大臣。朕聞得

廣東瓊州府知府袁安煜。不恤民間疾苦。貪黷不堪。聲名狼藉。即如上年平糶一事。袁安煜移至海口發賣。民已不便。蓋海口逼處海濱之地。其鄉民之由東西南三處而來者。已多十里之路。枵腹奔馳。而出糶又無定期。且衙役又復擇人而賣。竟有忍飢終日。不得升斗者。而地棍奸販。乘機作弊。轉得其利。袁安煜又將糶米之錢。收入府署。不令民間兌換。以致錢米俱貴。民有怨言。傳播道路。十月初三日散發米票時。民人羣相推擠。以致踏斃老幼婦女孩童十二口。袁安煜又將賣米之錢。運至海北發賣。以圖重利。私入已囊。袁安煜又發本銀三百兩。給與書辦張鳳翼。同私販硝磺人林光美。販賣穀石。前赴安南發賣。私販硝磺運回。被營兵拏獲。又袁安煜在省。買有家人陳洪。并母妻數口。來瓊服役。因其妻少艾。欲行姦污。屢次差洪遠出。洪商之同夥家人王璜。欲赴上司告理。安煜聞知。於上

省時途次相遇。將洪毒打。關壓船艙。不與飲食。斃其性命。洪之母妻。與王璜之妻。出署聲冤。又有馮姓王姓家人。一齊出署。至同知衙門聲冤。訴稱伊等妻子悉被本主玷辱等語。此朕得之訪聞者。查今春楊永斌叅奏袁安煜本內。止載該員罔恤民瘼。平糶不善。及縱令書役私販硝磺二事。請將袁安煜革職。將賣米之錢。不令民間兌換。竟自運至海北發賣。以圖重利。及平日居官貪污。聲名狼藉。姦淫僕婦。輕斃人命等情。本內俱未叅出。至督臣鄂彌達。雖有會同字樣。而總督乃通省表率。何以知府大員內。有此貪污敗檢之人。在任多年。平時漫無覺察。著鄂彌達明白回奏。其各款內。有應行查訊之案。著鄂彌達會同署撫王蔭秉公察審具奏。○戶部議覆兵部尚書甘汝來疏請。停徵各關米穀稅銀船料。經臣部議。應通行各關監督。并該督撫。確查妥議具題。今據三江兩廣四川該督撫監督

報稱分晰查明。俱係題定科則。相沿日久。未便更張。但米穀為民食所資。與他貨不同。請嗣後舊徵米稅船料各關。除豐登年歲。照例徵收外。倘偶遇水旱地方。其附近省分各關口。令該督撫將被災情形具奏。請

旨寬免。凡米穀船一到。即便放行。俾米穀流通。不致增價。有妨民食。再廣東開建恩平二縣販運米穀。每船稅銀一錢至三錢不等。該撫既稱俱屬零星商販。不同外省大商巨艦。題請豁免。應將二縣米稅。永遠停徵。從之。○旌表守正捐軀之山東郁學進妻曹氏。○癸丑。戶部奏報各廠糶米。自本月初九日起。計至六月初一日。可賣米七八萬石。監糶各官。屢稱市價較減。而京師現得雨澤。各廠官米。似可暫停糶賣。得旨。附近京師一帶。人烟湊集。戶口繁多。已經減價糶過之米。不過七八萬石。亦不為多。況近日雖得雨澤。尚未透足。著照前平糶。不必停止。至策楞所奏市米無人

問及。不能流行之處。應作何料理。該部速行詳議具奏。○戶部議覆監糶沙河玉河米廠策楞條奏平糶事宜。一。奏稱京倉運到米石。與原奏糶賣本裕倉米石之處不符。隨令暫時收卸。俟部覆到日。開糶等語。查先經臣部議令倉場先撥糶米一千石。運廠發糶。尋經臣部尚書海望條奏。京北沙河二廠附近撥運清河本裕倉糶粟米各一萬石。減價二成糶賣。即於是日行文知照。今倉場既將京米運到。若仍令運回。徒費腳價。隨行該監糶官收卸發糶。嗣後行倉場遵海望原奏。於本裕倉撥運。一。奏稱沙河玉河二廠相距僅八里。地僻廠多。難以糶賣。沙河之南二十里。有迴龍觀。堪設米廠。請將玉河米廠移設彼處。將玉河已到米石。歸并沙河米廠等語。查臣部原議。令順天府酌量地方情形。勘定設廠處所。報部。今該監糶既稱玉河米廠宜移設迴龍觀。自應如所請行。一。奏稱賣米錢文。應交

地方官照市價兌換銀兩。解部等語。查五城及通州各廠賣米。向例銀錢兼收。嗣因錢價昂貴。每銀一兩。折收制錢九百文。解部。今若以米賣錢。復以錢易銀。恐滋煩擾。應令該監糶官仍遵舊例。銀錢聽民自便。一奏稱五城糶賣米石。每名許買一二斗。尚有奸販設法零買。囤積射利。今戶部明張告示。小販購買十數石以內者。弗禁。事屬矛盾。難以辦理等語。查官糶米石。原係零賣。嗣經給事中馬宏琦條奏。王大臣議准。肩挑背負。不過數石者。聽。如有奸商囤積至四五十石者。嚴查治罪。是以臣部出示曉諭。原因居鄉窮民。離廠遙遠。必須小販轉賣。方得流通。旋糶旋糶。非奸商囤積可比。今該監糶官既稱不便。應令體察民情。酌量糶賣。務使之食窮民。均沾實惠。得旨。依議。速行。○兵部議覆貴州總督兼管巡撫張廣泗奏。雍正十三年。總督鄂爾泰奏准。於大定府亥仲水城添兵五百名。令遊擊

一員。千總一員。把總二員。駐防。查水城地方。移駐官兵。應建城一座。礮臺三座。遊擊衙署一所。千把衙署三所。分汛兵丁有家口者。每名營房二間。無家口者。營房間半。應如所請。從之。○工部議覆。大學士總理浙江海塘兼管總督事務嵇曾筠奏。海塘事宜。一。取用土方。宜遠隔塘身。豫行發售也。查河工定例。凡離隄三十丈之內。不許取土。浙省舊塘。多因就近取土。塘根窪下。竟成河渠。易於坍塌。應請將通塘歲修搶修。及幫築土石各工。俱委員相視地形。定於離塘三十丈以外。擇不礙室廬墳墓之處。按工簽定。照畝價買。挑挖應用。給與工價。如不法員役貪便。仍於附近塘身取土。及將民間室廬墳墓。并未經簽買田地。混行挑挖。藉端索詐者。立即查明。叅處。一。塘工取土田地。應隨時給價。豁糧也。查沿塘取土地畝。遵奉恩旨。給價豁糧。惟是海濱地狹民稠。尺土寸田。皆小民生業。今既簽買挑

挖冀卽領受價銀。別謀生計。尤望豁除糧額。以免追呼。從前造冊彙題。每遲至數年之後。請將塘工取土田地。履畝簽定。卽給價值。其應納錢糧。令地方官照依弓口分數。查丈明白。隨時詳請開除豁免。仍俟歲底造冊彙題。至於簽買時。胥役如有減改弓口。給價之時。官吏如有絲毫扣剋。查出嚴治。均應如所請。從之。○甲寅。

上詣

皇太后宮問安。○是日。遣內閣學士雙喜。致祭太昊伏羲氏等陵。內閣學士吳金。祭炎帝神農氏等陵。內閣學士吳家騏。祭女媧氏等陵。侍讀學士世臣。祭黃帝軒轅氏等陵。侍讀學士吳應枚。祭少昊金天氏等陵。太常寺少卿蔣炳。祭金太祖等陵。詹事李紱。祭夏禹王等陵。左副都御史素著。祭遼太祖等陵。左副都御史陳世倌。祭孔子闕里。○內閣翰林院帶領丙辰科叢館修撰編修庶吉士引見。得旨。清書庶

吉士彭樹葵。鄧時敏。俱著授編修。興泰。邵鐸。胡中藻。陳其嵩。鶴年。李兆鈺。俱著授為檢討。漢書修撰金德瑛。編修黃孫懋。已經授職。庶吉士董邦達。曹秀先。李為棟。蔡新。徐鐸。聞嵩。汪士鐸。沈廷芳。張麟錫。趙青藜。楊黼。時。周資。陳。潘。乙。震。李清芳。張孝。惲。萬年。茂。俱著授為編修。鍾音。唐進賢。張若潭。齊召南。廖必琦。仲永。檀熊。郅宣。龔。渤。葉一棟。雙頂。吳泰。趙允涵。侯。陳齡。洪汝勳。俱著授為檢討。史積琦。壯德。

胡傑。李師中。陳亮世。陳士璠。俱以部屬用。顧之麟。史園。楊度。汪。李芳馨。游得宜。何廷善。郭擢。江漢。蘇襄雲。張應宿。俱以知縣即用。羅世芳。李修卿。孫畧。蔣棧之。張君。郝世正。金門詔。全祖望著。歸進士原班銓選。○乙卯。

上御乾清門聽政。○諭新科進士。著總理事務王大臣驗看。分別三等具奏。候朕親加揀選。○戶部議准。湖南巡撫高其倬疏。報遵旨酌裁永州府帶徵商稅。及常德府報增贏餘鹽。

鈔昌平熟鐵等稅武岡州報增贏餘門攤酒醋等稅岳州府已陵縣報出贏餘雜稅並係零星商販額外加增之項應請革除從之○以大學士鄂爾泰張廷玉為農書總裁官以翰林院侍讀陳大受敕文侍講介福充日講起居注官○以頭等侍衛班領巴靈阿為鑲黃旗滿洲副都統調正藍旗漢軍副都統永興為正白旗滿洲副都統以雲南保寧府副將高廷為四川北鎮總兵官○追予故大學士王挾祭葬如

平定回疆

十八

例○調原任四川布政使劉應鼎來京引見○旌表守正被戕山西陵川縣侯王春妻張氏○丙辰諭總理事務王大臣朕前聞得川省出師黔省病故弁兵有借支銀兩例應扣還者特降諭旨令該撫查明數目具奏以便加恩豁免今據護理四川巡撫印務布政使竇啟瑛奏稱查有第一次出師黔省病故署副將壽長等借支川庫軍需銀五百兩兵丁借支川庫軍需銀二千八十四兩六錢五分又病故署守備王

祿等並兵丁在黔省借支糧務銀三百五十兩第二次出師黔省病故署總兵王廷詔等並兵丁共借支川庫軍需銀三千三百十四兩又兵丁借支川庫軍需置備鞍馬二千二百五十七兩六錢五分又在黔省借支糧務銀八十一兩共借川黔兩省銀八千五百九十一兩三錢等語此等病故弁兵所借銀兩雖有扣還之例但伊等本身已故今於家口名下扣還補項未免力量艱難著將此項銀兩悉行豁免以示朕優恤弁兵之至意○戶部查奏原任甘肅布政使彭振翼等應追軍需銀糧共二十案俱家產盡絕計官兵二十三員名銀二十二萬五千八百兩有奇米八千五百三十石有奇豆一千六百石草二萬五千三百束有奇應請豁免再拖欠各項錢糧冊內原任遵化州知州王持正等原任天津同知金世忠二案俱係分賠代賠開欠之項原任靜寧州知州杜國昌等九案俱家

產盡絕。計十三案。官民三十一員名。銀三千三百兩有奇。米四千八百四十石有奇。應請豁免。又查應追各案。原任金衢道賈擴基。原任遊擊邱民俊。原任遊擊楊長。原任守備任壽等。計四案。官十六員。銀一萬五千二百兩有奇。米二十二石有奇。均係軍需案內著落追賠之項。並非本身軍需侵蝕冒銷者可比。再拖欠各項錢糧冊內。原任同知金世忠。原任主事明成。原任知縣王緯。原任知縣伍澤

字集本四十一

三

榮二案。原攝江都縣事。原任知府孔毓璞等。文武舉人謝紹仁等。二案。計八案。官員舉人十二員名。銀一千二百兩有奇。米三百石有奇。豆二百九十八石有奇。均非侵貪之項。應請一併寬免。從之。○又議准。湖廣總督史貽直。湖北巡撫鍾保。疏請。新設宜昌府學。應額添廩膳生四十名。原夔陵州改為東湖縣。應減廩膳額三十名。存留二十名。其餘十名。即撥入宜昌府學額數四十名之內。從之。○又

議。准安徽巡撫晏斯盛。疏報。雍正十三年。潛山縣屬水衝沙壓地畝。共三頃八十畝有奇。舊徵銀米。應請豁免。從之。○免安徽宿州水災。乾隆元年。分額賦有差。○予故一等英誠公豐盛額。祭葬如例。○江西巡撫岳濬。疏報。寧州。分宜。萬載等十七州縣。開墾老荒。續荒田地。塘共三十四頃三十五畝有奇。又開墾贛州衛屯田六畝有奇。○丁巳。

上詣

字集本四十二

三

皇太后宮問安。○定旗員親喪。毋與吉禮。諭總理事務王大臣。在京八旗文武各官。遇有親喪。例於持服百日之後。即入署辦事。原以旗員人少。若令離任守制。恐致誤公。而伊等在二十七月之內。仍各於私居持服。以自盡其心。惟是朝會祭祀之期。或有執事。或有陪祀之處。仍俱一體行走。未加分別。俾盡孝思。嗣後在京旗員。有親喪者。二十七月之內。凡遇朝會祭祀之禮。應一概免其行走。現在禮部

纂輯禮書。著將此旨交該館載入一體遵行。
○吏部奏准查捐納貢生監生。向例無論在
監在籍。肄業期滿。俱准考職。前因貢監考職
之例。業經停止。是以臣部議覆。御史夏之芳
條奏。恩拔副榜歲貢生。遵照原例直隸等近
省。于三科之後。始准其赴部考試。今貢生監
生肄業期滿。即得考職。而恩拔副榜歲貢生。
轉以年分未逾三科。不得考授職銜。未為畫
一。臣等詳加酌議。請嗣後各省恩拔副榜歲
貢。毋庸計算起貢年分。俱照現行貢監考職
之例。無論在籍在監。各照肄業期滿之日。令
其領取原籍地方官文結。及國子監咨文。赴
部照例一體考試。從之。○兵部奏覆廣督鄂
彌達題。如舊兵弟男子姪內。有年力強壯者。
准予頂補。仍註明年貌。更換本名。如舊兵弟
男子姪內。無年力強壯。堪以頂補者。即於民
人內另行召募。至募補之時。俱令取具保結。
於教場公所選擇充補。仍飭令該管將弁勤

平定人曰

三

平定人曰

三

加訓練。分別賞罰。以示勸懲。倘募補兵丁。仍
有夤緣情弊。一經發覺。將兵丁立即革究。其
該管營員。應照私自使令之人。充入兵丁數
內食糧。降二級調用之例議處。如有行賄受
賄者。照例革職。革伍與受計贓科罪。從之。○
是月。吏部議奏。各省試用人員內。有大銜借
補小缺者。有小銜借補大缺者。請各照原銜
陞轉。以昭畫一。其由捐職考職發往委用者。
原係虛銜。借補小缺。已屬加優。不在此例。除
河工効力人員。仍准照原銜陞轉外。其餘俱
照現缺陞轉。並照現缺降調。方為允協。得旨。
所奏是。依議。○兵部議奏。福州將軍阿爾賽
疏稱。福建水師旗營。現在額兵六百一十二
名。每名月餉一兩五錢。領催二兩。俱各給米
三斗。維是生齒日繁。各丁眷屬。當初撥往時。
計一千一百九十九名口。今新增七百七十
名口。每丁多至三四口。以及六七口不等。實
屬不敷養贍。仰懇援照天津乍浦水師旗丁

現在餉米之例。每月領催賞給錢糧三兩。披甲各二兩。餉米各一石。以資養贍家口。又稱向有教習兵一百一十二名。請一體加增。均應如所請。得旨。依議。○直隸總督李衛疏報甘霖連沛。遠近霑足情形。得旨。此次實稱霑足之澤。乃

上蒼垂念蒼生。故降此恩澤耳。若云朕誠敬所致。實愧當之。然為時已遲。雖云補種秋禾。吾民已受半年亢旱之厄矣。賑恤之策。仍不可忽也。○江南河道總督高斌疏報得雨情形。得旨。朕懷良慰。至京師亦蒙

上天慈恩。於五月十四日。得有霑足之雨。但望以後再得霑足接濟。則大田無妨矣。○大學士總理浙江海塘管理總督事務嵇曾筠奏。按察司胡瀛。誠實清正。現在入覲。請特諭早回浙省。得旨。知道了。頗有議卿於屬員中。若府道大員。舉劾無一不當。而佐貳之舉劾差遣。頗有物議云云。朕即諭彼曰。此足以見大

學士之公矣。蓋利在大員。而舉劾皆公。則公可知矣。至佐貳微員。豈能一一皆悉。以此致干物議。朕不之怪也。或者唯唯而退。然既有此論。不可不以告卿。卿其益加奮勉。必微瑕盡無。斯成全璧。不亦佳乎。又浙省武備漸弛。卿其整飭之。○閩浙總督銜專管福建事務郝玉麟奏。擒剿臺灣逆番情形。並稱生番獷野難馴。從前歸化之社。每有行兇擾害地方。不行執法。恐熟番效尤。遂加懲治。又慮抗拒生事。且一經歸化。漢人得以出入。犯法之徒。走匿其地。捕獲較難。嗣後各社生番。似應聽其自便。嚴飭通事等。不必誘其來歸。至啟日後釁端。庶於海疆有裨。得旨。是極。當如是辦理者。○山東巡撫法敏疏報透雨情形。得旨。覽奏。雖亦欣慰。但看此光景。終欠霑足耳。切不可稍存諱災掩飾之心也。○甘肅巡撫鎮國將軍宗室德沛疏報。田苗雨澤情形。得旨。知道了。雨暘收成之奏報。萬不可稍涉粉飾。

此係督撫大吏之要務。不然何以先事預防。使民無飢寒之虞哉。○四川巡撫碩色奏報查辦瀘寧營事宜得旨知道了。勉力為之。以副任用之意。汝初到川省。雖撫臣責任相同。而地方情形各異。不可急於更張。審知熟悉後再行整頓可也。○鎮守貴州古州鎮總兵官韓勲疏報苗民寧謐情形得旨知道了。時刻刻不可稍懈。威愛兼施。方得有濟也。

實錄卷四十三

三六

大清高宗法天隆運至誠先覺體元立極敷文奮武孝慈神聖純皇帝實錄卷之四十三

大清高宗法天隆運至誠先覺體元立極敷文奮武孝慈神聖純皇帝實錄卷之四十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部工部事務

世襲騎都尉軍功加十九級隨帶加二級又加二級臣等謹將內大臣戶部尚書鑲藍旗滿洲都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將

敕修

乾隆二年丁巳六月戊午朔子噶斯坐卡陣

亡之頭等侍衛冷格驍騎校邦烏禮蔭襲雲

騎尉○已未。

上御養心殿召八九卿等諭曰我

皇考當年時時召見九卿面加訓諭諄切周詳

實望在廷諸臣共矢公忠勉為臯夔稷契以

勗至治且欲使上下交而志同太和之氣充

盈於朝宇也無如聽受者多領會者少竟有

親承

聖諭而出茫然不知所謂者間有巧偽之人妄

逞胸臆。以為

聖訓如此。

聖意別有所在。似此私心揣度。其間毫釐千里之謬。更不可言矣。我

皇考深悉此弊。是以雍正八九年以後。召見諸臣。不似從前之密。此朕當時所熟聞而習見者。假使諸臣祇受

聖訓之時。果能心領神會。身體力行。則臯夔稷契。何難再見於今。朕臨御以來。日與總理事務王大臣。辦理一切幾務。亦非疎遠九卿大臣也。以國家政治。自有應密。而不可槩以宣示衆人者。如召對九卿。而九卿中有啟心沃心。以裨益政教者。豈不盡善。使九卿而尚待朕之訓誨。則縱極反覆丁寧。豈能有加於

皇考聖訓之外。至於勸勉之意。既殷。則訓飭之言必切。又恐諸臣以為督責太過。非待大臣之體。年來言路諸臣。頗有以頻接廷臣為請者。是不知朕心者也。但爾等既置身九列。即

係朕之股肱心膂。但當視國事為己事。休戚相關。大者在匡維君德。次則於國計民生。及本身職業之要務。早作夜思。一有所見。即據實入告。毫無欺隱。方為無忝厥職。今觀九卿中。能副朕之期望者。甚屬寥寥。即如春夏以來。直隸山東雨澤愆期。朕宵旰焦勞。無一時之或釋。而九卿中。以此為念者。不過十之一二。雖應行經理之事。朕已與總理事務王大臣。多方豫籌。次第佈置。然此乃民命所關。至為重大。九卿多人。豈無有應奏之事。豈無有欲陳之言。何以科道小臣。尚有一二建白者。而九卿反緘默不語。竟似置身局外耶。韓愈詩有云。中朝大官老於事。詎肯感激徒婣媯。古今如出一轍矣。夫君臣之間。必誠意通達。始能感召。

天和。若稍有間隔。即於和氣有乖。方今致旱之故。未必不由於此。朕為此言。非欲委過於臣下也。無非欲我君臣誠意交孚。一心一德。盡

化觀望迎合之習。悉屏偏徇固執之私耳。即如燒鍋一事。朕已降旨嚴禁。而孫嘉淦摺奏以為有不便於民之處。朕復降旨令九卿毋得曲從朕旨。迴護孫嘉淦。再行詳確定議。夫以已經降旨之事。朕尚不難收回成命。爾等九卿。又何所用其瞻顧耶。九卿於朕躬尚且不必瞻顧。則於同朝寮友。更何所用其依違耶。如果各有所見。不能強同。何妨兩議。三議。以待朕之裁定。總之大臣任事。以和衷為貴。而和必出於公。斷未有公而不和者。蓋是非曲直。本有一定。若有意周旋。則求合於此。必有拂於彼。到處皆成掣肘。豈非自貽伊戚乎。若果能一秉至公。即意見偶有不同。而事理總歸至當。雖有不和之迹。而心本無他。此聖人所謂和而不同也。九卿等受朝廷簡畀之隆。為國家所倚賴。當竭誠矢公。以古大臣事君之道。厚自期待。不可安於苟且。其於寮案之中。善則相勸。過則相規。互相砥礪。以篤同

舟之誼如此。則事君交友。兩無所歉。將見政治清明。太和洋溢。不負我

皇考多年教養之深恩。朕於爾等實有厚望焉。

○授一甲一名進士于敏中。為翰林院修撰。一甲二名林枝春。一甲三名任端書。為翰林院編修。○九卿議奏明農教稼。所以務本也。我皇上軫恤民瘼。恩膏疊沛。洞悉久安長治之道。先籌家給人足之源。特頒諭旨。首重農桑。以力田為小民之切務。以勸課為官吏之責成。

誠禹貢王制之良經。無逸豳風之深旨也。

聖慮周詳。無微不至。復命臣等詳悉定議。竊惟我國家重熙累洽。百年於茲。生息愛養。日繁且庶。小民目覩乎殷阜之盛。而或忘乎本富之源。奢靡相尚。遂末營生。誠有如

聖諭者。夫地之肥磽。固有不同。而有秋之厚薄。究視其勤惰。時之旱澇。固所難必。而民間需食。全憑乎積儲。惟在親民之官。身先化導。使民有所觀感。然後務本者多。而逐末者少。積

蓄知勸。奢靡知戒。宣上諭。勸農桑。舉皆實力奉行。務使務農積穀之成。教家諭而戶曉。則爭先恐後。家給人足矣。第五方之土宜不同。南北之民情不一。其教導之法。應令大吏董率所屬。隨地制宜。因民勸導。黍高稻下。勿違其性。水耨火耕。各當其宜。或飭老農之勤敏者。以勸戒之。或延訪南人之習農者。以教導之。或開渠築埝。以備蓄洩灌溉。或樹桑養蠶。以資民生利用。務使農桑之業。曲盡地之所宜。逐末之民。咸盡力於南畝。至遇豐稔之年。地方官尤宜加意董率。廣為儲蓄。毋使粒米狼戾。庶幾俗返醇樸。家有蓋藏。設有歉收。亦藉有備。以仰體我皇上惠保無疆。愛民如子之至意。惟是勸課農桑。其責又在牧令。但地方遼濶。事務殷繁。勢難一身遍為曉諭。臣等酌議。仿周禮遂師之制。於鄉民之中。擇其熟諳農務。素行勤儉。為閭閻之所信服者。每一州縣量設數人。董率

而勸戒之。至地方官。必須久於其任。與民相親。方能區畫盡善。已蒙

聖明睿鑒。其考績之法。亦必寬以歲月。庶幾久道化成。而無欲速不達之弊。如該地方官勸戒有方。著有成效。其境內地闢民勤。穀豐物阜。平時積貯。如茨如梁。該督撫於三年之後。據實題報。官則交部議敘。其教導無方。強勒滋擾。以及希圖獎賞。捏詞妄報者。該督撫亦即指名題參。交部議處。如此則吏民皆知所勸。而耕九餘三之效。可收。將見無一夫之不獲其所。而萬世享豐裕之福矣。俟命下之日。通行直隸各省督撫。一體遵行。從之。戶部奏請豁免故黑龍江將軍烏里布。及奉調來京之原署寧古塔將軍都賴。豫支養廉銀兩。得旨。將軍等官養廉銀兩。如豫支者。有追繳之例。該部即應照例辦理。若豫支銀兩。無豁免之例。則此奏殊屬悖謬。且都賴係調用人員。何得比照已故之烏里布。都賴豫支養

廉銀兩。著照舊追繳。餘依議。○庚申。

上詣

皇太后宮問安。○吏部議准。川陝總督兼甘肅巡撫劉於義疏請。遵照前督岳鍾琪原題。添設新渠寶豐三縣訓導各一員。并照中縣之例。每縣科歲兩試。共取進文童二十四名。武童十二名。額設廩缺各二十名。三年准充兩貢。查有廩無增。與例不符。應請額設增生各二十名。三年兩貢。亦與例不符。請照縣學之例。二年一貢。從之。○壬戌。戶部議准。廣西巡撫楊超曾疏。報遵旨裁革雜稅。申造清冊。桂林府。魚稅。臨桂縣。墟稅。靈川縣。及永寧州。小稅。平樂府。魚稅。油魚。苗。鷓鴣等稅。永安州。陸路峽口。塘鹽。木商稅。梧州府。魚課。魚苗。灰餉。渡餉。地租。各稅。懷集縣。各墟。生牛。猪。苗。小稅。直隸。鬱林州。屬博白縣。沙河。蕉。蔴。及陰。橋。鴉。山。詹。村。各墟。小稅。柳州府。屬來賓縣。小稅。慶遠府。屬南關。雜稅。思恩府。屬武緣縣。各

墟小稅。並係鄉鎮村落。離城寫遠。難於稽查。又賀縣額徵花蔴地稅。并認增雜稅。有額無徵。概請全行裁革。從之。○緩徵山東樂陵德平二縣水災。乾隆元年分地丁銀。并借給穀石。秋後免息還倉。○癸亥。上御乾清門聽政。○予故直隸古北口提督宗室璋格祭葬如例。○甲子。

上詣

皇太后宮問安。○開淘四川射洪南部南充樂至資州井研六州縣鹽井。共一百四十四眼。歲產鹽七十七萬七千觔有奇。○鑲紅旗漢軍都統石禮哈。緣事革職。以恒親王弘晈。管理鑲紅旗漢軍都統事務。○以鑾儀衛鑾儀使傅清。為正黃旗滿洲副都統。以歸化城副都統那蘭保。為鑲紅旗滿洲副都統。○乙丑。總理事務王大臣九卿。議奏禁止燒鍋事。得旨。禁止燒鍋一事。爾等九卿兩議具奏。其大指皆以燒鍋當禁。朕前所降諭旨。為是。而以

孫嘉淦陳奏為非。夫泛論燒鍋當禁。即不宜開通。則固朕旨是。而嘉淦之言非矣。且亦無庸朕之頒發是旨矣。何則。久經禁止而未開之事。復何庸更張耶。朕以法久不行。視為虛文。故欲嚴禁以重穀。而孫嘉淦則以為雖行嚴禁。不能積穀。而反於民間不無紛擾滋弊。是兩說不可並行者也。今觀王大臣所議。尚不無迴護朕旨之處。殊非朕虛衷求言。期於利用厚生之意。即如一議內。稱燒酒之害最甚。本宜嚴禁。但加重本犯之罪。條嚴定官吏之處分。恐小民無知犯法。吏胥緣以為奸。於民情有所未便。應照從前已行之成法。為之懲治等語。一議內。稱燒鍋本犯。仍照舊例治罪。應將官員處分。分別定例。其業經造成之燒酒。仍准其售賣等語。據此。則禁止仍屬虛文。但嚴官吏之處分。而本犯之治罪如舊。則造酒之人。既無所畏懼。而官員或轉以干涉考成。多方迴護。仍於禁約無益。況造成之酒。

仍准售賣。則奸民私造者。皆以沽賣陳酒藉口。遷延歲月。雖禁猶不禁也。何用王大臣之兩議為哉。若能直指利弊。或欲行嚴禁燒鍋。則必詳議查察之法。以為端本澄源之論。若以為比戶搜查。轉行滋擾。則朕旨可以收回。如此兩議。朕自然就其中酌一是者而行之。斷不固執已見也。今兩議名為兩。而實則一。不過向來如是禁止。今則添一官員處分耳。試思於嚴禁燒鍋以裕米穀一節。為有益乎。為無益乎。王大臣皆

皇考簡用之人。不得為是兩可遷就之論。尚其詳酌事理。或應行嚴禁。或因時制宜。必期於民生日用之間。有利無弊。斯稱朕咨訪之意。其各抒已見。或一議或兩議。皆可。內閣翰林院帶領新進士引見。得旨。于敏中。林枝春。任端書。已經授職。孫宗溥。何其睿。宋邦綏。觀保。張若需。馮秉仁。黃明懿。錢琦。周玉章。王會汾。吳紱。郭肇璜。馮祁龔。學海。程廷棟。黃宮德。

保陸樹本。李龍官。沈雲蜚。劉炯。丁一燾。胡師孟。周禮帥家相。張九鑑。盧憲觀。王士瀚。白瀛。周煌。路斯道。劉慥。李質穎。蘇霖潤。劉天位。歐堪善。高繼光。謝庭瑜。納國棟。牛琳。杜鶴翔。辛有光。廖鴻章。蔣祖培。鄭紹奎。林維雍。張日譽。陳世烈。王寓。周連登。諾敏。張元龍。莫世忠。李時勉。蔣允焄。朱若炳。孫維彭。遵泗。覺羅德成。格著。以庶吉士用。馮鈴。胡泰著。以六部主事。用。莊大中。吳毓芝。吳斯鈞。朱以成。沈毅。于文駿。楊超恒。鄒嶙。徐玉田。成原大。潘汝龍。繆遵義。陳克繩。程穆衡。田壘。楊通。唐桂生。徐錫仁。胡際泰。趙開元。黃登穀。鄭之僑。佟濟喬。光烈。張文莊。楊甘雨。湯永祚。王嘉會。施毓暉。姚世道。郭賡武。張繼鏡。譚玉泰。勲。鍾獅。林良著。以知縣即用。吳培源。董萬山。夏時雍著。以教職即用。潘宏道著。以國子監助教銜。管府學教授事。該部即行銓選。其餘俱歸原班用。○丙寅。命寬免息穀。諭總理事務王大臣。朕聞各

省出借倉穀。於秋後還項時。有每石加息穀一斗之例。朕思借穀各有不同。如地方本非歉歲。祇因春月青黃不接。民間循例借領。出陳易新。則應照例加息。若值歉收之年。其乏食貧民。國家方賑恤撫綏之不遑。所有借領倉糧之人。非平時貸穀者可比。至秋後還倉時。止應完納正穀。不應令其加息。將此永著為例。各省一體遵行。該督撫仍當嚴飭有司。體恤民隱。平斛收量。毋得多取顆粒。如有浮加斛面。額外多收。及胥吏苛索等弊。著該督撫嚴叅治罪。○戶部議覆。寧古塔將軍吉黨阿奏。臣衙門事務繁多。其在司行走官員。請照在京部院官員一體賞給公費銀兩。查盛京各部司員。及奉天將軍衙門辦事官員。因事務繁多。曾經議准。照在京官員例。支給公費。今寧古塔將軍衙門。與各省駐防無異。所辦事務。亦不甚多。未便一例議給。得旨。依議。盛京五部及將軍衙門官員筆帖式等所辦

事件亦不甚多。並非京師部院官員可比。其公費銀兩著減半給與。○都察院左都御史楊汝穀奏。安置陝西流犯陳國丙呈請辨明。冤枉得旨。據楊汝穀此奏。陳國丙係獲罪發遣安置陝西之犯。何以潛逃至京投遞呈詞。況廢員一事。朕前降諭旨。交大學士徐本尚書海望等辦理。今楊汝穀此奏。既稱陳國丙係廢員。何以不會同徐本等而自行具奏。又據奏稱。查核陳國丙原案前後兩疏。自相矛盾。甚屬糊塗。今都察院所奏亦屬糊塗。又稱軍流人犯有令該督撫具奏。准其回籍之恩。詔陳國丙所犯與赦款相符等語。若果與赦款相符。則該管衙門自必遵例查奏。何待都察院為之陳請。耶摺內種種情節。著總理事務王大臣察議具奏。○禮部議奏明恭閱惠皇帝奉

特旨追加帝號。查康熙六十年

聖祖仁皇帝諭大學士九卿前代帝王自非無

道之主。即在位一二年亦宜入廟崇祀。今恭閱惠皇帝係明太祖皇帝嫡孫。繼承大統在位四年。應照例製造神牌。列於明太祖皇帝神牌之次。春秋致祭從之。○兵部議覆貴州總督兼管巡撫事務張廣泗疏。請於銅仁府屬新設之三不管地方增添兵丁。移駐文武員弁。分設營汛。駐防應於松桃建築磚城一座。分防。噢腦落塘大塘木樹康金大平茶苞茅岩。拗構皮乾塘十營汛。建築土堡十座。又建副將衙署一所。遊擊衙署一所。守備衙署二所。千把總衙署九所。同知衙署一所。現在勘明基址。確估料物。動項興築。應如所請。從之。○以故貴州小程司土官程玉妻陳氏。暫攝小程司事。○丁卯

上詣

皇太后宮問安。○總理事務王大臣等奏。熱河地方甚為緊要。所居滿洲兵現有八百名。其從前一千操演兵已遣往歸化城駐劄。熱河

所餘滿洲兵較少理應添設查京城閑散人丁一萬三千八百餘名請將一千二百名撥往熱河熱河兵丁八百名俱分撥官房在樺榆溝喀拉河屯等處駐劄今遣往一千二百名即將撥往熱河之一千兵房屋給與居住又查得熱河八百名駐劄兵每月領催等食餉四兩兵丁等食餉三兩領催兵丁等每季應領米四石四斗共馬二百匹拴馬者每匹應得乾銀二兩今新添駐劄兵一千二百名應得糧餉亦照此例從之○監察御史朱鳳英奏

御試詞臣詳加甄別釐為四等其在末等休致十二人仰懇

聖慈飭賜引見量才酌用以最後效得旨朱鳳英此奏明係瞻徇情面朕前月考試翰詹官員先於養心殿引見其中有年力衰邁及人才不及者皆一一記名及親閱試卷而此十餘人文字又復列在四等是伊等人文經朕

再三評隲而後降旨休致並非因試卷一日之短而遽加擯斥也朱鳳英如果確知中有可用之人即當舉出名姓據實陳奏今乃泛指十二人中不無可用之材請朕復行引見是其胸中必有注意之人而為此含糊之奏以圖僥倖其瞻徇之處甚屬顯然著交部嚴察議奏○予故正白旗蒙古副都統阿必達祭葬如例○以故廣西江州土知州黃錫珪之子黃承烈襲職○己巳戶部議准湖北巡撫鍾保疏報安陸府屬之何家集等十六處襄陽府屬之雙溝等十集鄖陽府屬之安陽龍門江峪三處耨耨箕帚薪炭魚鰕雜稅向不入正項請全行裁革從之○建四川新設打箭鑪廳

關帝三代廟宇春秋致祭○戶部議奏總漕補熙遵旨疏請豁免上下江自康熙五十二年起到雍正十二年止未完民欠漕項銀共三十萬六千七百兩有奇米七萬一千三百

四十石有奇。麥二萬二千九百五十石有奇。豆二百六十六石有奇。應照數豁免。從之。○又議奏。江西巡撫岳濬覆題。先經陞任巡撫俞兆岳疏請。將江省貯局銅劬。照江浙等省之例。開鑪鑄錢。搭放兵餉。以裕民用。經九卿議。設鑪鑄錢。必得銅劬充裕。鑄出錢足敷通省流行。方免錢價昂貴之患。今摺內並未聲明。難以懸議。應令該撫查明具題。今查局貯生熟銅。連收私鑄。翦邊錢。共計二十六萬五千一百三十觔有奇。足資鑄用。每錢重一錢二分。共可出錢三萬二千一百六十串有奇。以之搭放兵餉。自能漸次流通。不致昂貴。應准開鑄。并請頒發樣錢。從之。旌表守正捐軀山東范縣民魏羣妻王氏。○庚午。

上詣

皇太后宮問安。○諭總理事務王大臣。禁止燒鍋一事。朕從前降有諭旨。因孫嘉淦條奏。復降諭旨。令王大臣九卿集議。續經兩議具奏。

朕又降旨。令其確議。今思禁止燒鍋。乃關係民生日用之事。該省督撫大臣。所當悉心籌畫者。著將朕屢次所降諭旨。及孫嘉淦所奏。與王大臣九卿等所議。悉行抄錄。交直隸山東河南山西陝西等省督撫。各抒所見。陳奏不必會同商酌。○又諭。劉元燮所奏李紱張坦麟二事。朕實並未降旨。亦未將旨收回。而外邊遽爾傳說。此風斷不可長。伊有風聞言事之責。此奏甚屬可嘉。著交部議敘。此等妄行傳說不已。將來嚇詐生事之弊。皆從此出。此向來南書房之陋習。經

字求八二四

皇考十三年以來。教訓殷勤。此習已漸改革。嗣後九卿及南書房翰林等務當小心恪遵。凡有關係之事。倍加慎密。不可纖毫洩漏。遇風影之談。尤不可輕信傳播。以惑衆聽。如有仍蹈前轍者。經朕訪聞。或科道等官糾參。必加嚴懲。至於汪由敦陳辯一摺。如伊果有其事。雖強辯何益。如實無干涉。則不辯自明。亦當

靜聽。乃朕甫交總理事務。王大臣詢問劉元燮。伊何由得知劉元燮奏中有伊名乎。即此已足見其耳目頗廣。必招搖生事。不安分之人也。著革去內閣學士。在侍讀學士上効力行走。○吏部議准。刑部左侍郎劉統勲奏稱。臣伏見新任督撫提鎮。往往奏請隨帶人員。以備委用。在封疆大吏。平日親知灼見。自應有幹練之才。足收指臂之益。惟是先寄耳目於數人。即付腹心以要缺。補用不循資格。輿論指為私交。更相倣倣。滋弊多端。嗣後請文員除河工効力。武員除軍前効力外。概停其隨帶。如本省本標人員。不敷任用。則奏請由部揀發。若調任之後。於屬員內果有才能出衆之人。則據實保奏。仰候

皇上諭部引見。量才任使。如此。可以杜封疆大臣偏袒之陋習。才能人員。鑽營之故智。似於政體官常。均為允當。從之。○以故扎薩克郡王策凌拉朴坦之子策朴德恩。巴勒珠爾襲

職。○豁免山東章邱縣缺額銀米。○免浙江

仁和安吉德清武康四州縣水災。乾隆元年分額賦有差。○辛未。禁偷放運河水源。諭總理事務王大臣。今年五月間。山東雨少。運河水淺。以致糧艘不能銜尾而進。沿途挖淺起剝。甚費經營。而臨清以北。更多阻滯。朕細加訪察。臨清以北。全賴衛水合汶濟運。而衛水發源於河南衛輝府。至臨清五百餘里。沿河居民。往往私洩。以為灌溉之用。每致運河水淺。糧艘難行。經前任河臣靳輔題定。每年於五月初一日。盡堵渠口。使衛水全歸運河。以濟漕運。此歷年遵行之成法也。今因日久。法弛。衛水來源。小民不無偷放之弊。遂至運河水勢長落不常。重運難於北上。目前正當緊要之時。所當稽查嚴禁者。著北直河南督撫。速行辦理。務使衛水涓滴不致旁洩。糧運遄行無阻。若地方有司。有視為故套者。即行查叅。○先是十三日得雨。至是日甘霖大霑。四

郊霑足。

上心怡悅。朝野歡騰。○戶部議奏。署陝西巡撫崔紀疏報。商南山陽。雒南。膚施等縣。冰雹損傷田禾。應令該署撫飭知各縣。將被災地方逐戶查明。借動倉粟。加意撫恤。得旨。依議速行。○壬申。旌表守正捐軀直隸武清縣民楊進忠女楊氏。

實錄卷四十四

五十二

大清高宗法天隆運至誠先覺體元立極敷文奮武孝慈神聖純皇帝實錄卷之四十四

大清高宗法天隆運至誠先覺體元立極敷文奮武孝慈神聖純皇帝實錄卷之四十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹將總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣等謹將內大臣戶部尚書錄監理滿洲都統軍功紀錄五次尋常紀錄十四次臣等謹將經筵講官太子少保工部尚書紀錄六次臣等謹將鑄印奉

敕修

乾隆二年丁巳六月癸酉兵部議覆閩浙總

督銜專管福建事務郝玉麟疏稱泉州長福二營向隸興化副將管轄查兩營汎地處於省會之下興化之上左軍離省八十里右軍離省一潮可到而興化離省二百四十里凡有公文請餉考拔等事每多不便且二營係叅將以叅將而聽副將轄屬實覺非宜請將長福營所轄左右兩軍照銅山各營專城之例不隸興化一切公務徑行呈送省城臣與陸路提督不時察訪仍每年委大員巡查一

次。應如所請。從之。甲戌。

上御乾清門聽政。○諭內閣連日仰蒙

上天降賜甘霖。衆心感慶。朕今御門聽政。復值
澍雨再降。更為優渥。念諸臣衣服。未免霑濕。
大臣等著賞紗二疋。凡陪奏侍班引見執事
官員。及侍衛等。俱著賞紗一疋。○總理事務
王大臣議准。將軍額爾圖奏。駐防呼倫貝爾
之索倫達呼爾巴爾虎兵地。無可耕。又道通
俄羅斯。所關緊要。若令悉徹。俱以新兵守邊。
未協機宜。臣等令叅領那木等相度附近。並
詢問衆兵。並言惟興安山嶺之陽。鄂木博齊
及雅爾和鼐等處。地勢寬平。水草肥美。既可
屯駐。兼宜耕種。若移居其地。每年往呼倫貝
爾更番駐防。甚便。查呼倫貝爾兵二千。已撥
赴軍營。僅餘一千駐防。不便更令他移。請以
三千兵丁之妻子。盡移鄂木博齊等處。居住
耕種。令總管一員。率兵千人。至呼倫貝爾防
守。俟軍營二千人徹退時。仍令更代駐防。得

旨。著仍派塞楞額總管。餘依議。○吏部議奏

原任四川巡撫楊馥。疏請以中江縣知縣鐵
景曾陞補眉州知州。查鐵景曾任內有降職
二級留任二案。尚未開復。不便准其陞補。得
旨。依議。鐵景曾有降職之案。該撫並不敘入
本內。該部何憑定議。但楊馥已經革職。無庸
處分。嗣後有似此之案。著該部即於議覆本
內。將具題之該督撫。一并議處具奏。○九卿
議奏。楊馥疏請豁免雅州府知府宋虞凱。應
追伊父宋聚業肅州軍需運糧腳價銀兩。應
如所奏行。得旨。楊馥屢為宋虞凱題請。此項
銀兩。不必在宋虞凱名下追賠。著楊馥照數
賠補。○戶部議覆廣西巡撫楊超曾奏稱。廣
西通省佐雜官員扣荒銀。請自乾隆二年為
始。於院司道府州縣編俸銀內攤扣。轉給佐
雜各官養廉。應如所請。查乾隆元年佐雜各
官荒缺銀。亦應著落院司道府州縣均攤轉
給。得旨。依議。本年荒缺銀兩。既將現任大員

俸工扣抵。若將元年之項。又在伊等名下扣抵。恐養廉或致不敷。此係金鉗。張鉞。辦理之事。所有元年應扣銀兩。著金鉗。張鉞。各分賠一分。○乙亥。

上詣

皇太后宮問安。○諭本年四五月間。京師及畿輔地方。雨澤愆期。朕虔誠私禱。復命王大臣。致祭天神。地祇。

太歲等壇。及

四海之神。仰冀早賜甘霖。綏我兆庶。今於十三。十四。十六。十七。等日。時雨普降。既優既渥。遠近均沾。萬姓歡呼。朕心感慶。應虔修報謝之禮。仰答

明神福佑之恩。著禮部即行定議具奏。○旌表守正被戕直隸定州民婦溫氏。○內閣學士兼禮部侍郎圖理琛。以年老乞休。允之。○丙子。兵部尚書公訥。親奏禁止燒鍋無益。

民生。徒滋紛擾。請仍遵定例。照舊奉行。並除酒稅。得旨。交原議之王大臣等議奏。○議卹苗疆殉難之貴州廣平州知州羅鳴序。青溪縣訓導譚德溥。清平縣典史邱煥麟。羅鳴序之幕友陳憲。平伐營把總黃進忠。給予祭葬。入祠致祭如例。○丁丑。戶部議准。山西巡撫覺羅石麟。疏稱。前准部咨。將從前開墾成熟首報未盡地畝。自乾隆元年為始。定限一年。內據實首出。今據襄垣。渾源。夏縣。吉州。各屬申報民屯。各色共地七十三頃三十七畝有奇。請於乾隆元年入額徵收。從之。○以正白旗頭等侍衛班長薩爾帕。為

永陵總管。○予故湖廣襄陽鎮總兵焦應林祭葬如例。○戊寅。旌表守正被戕廣東信宜縣民陳奇貴妻李氏。○己卯。

上詣

皇太后宮問安。○是日。遣官詣

天神

地祇

太歲等壇。

四海之神。致祭謝雨。○庚辰。

上詣

壽皇殿行禮。○遣官祭

火神廟。○諭總理事務王大臣。朕因今春雨

澤愆期。米價昂貴。恐小民有艱食之虞。令於

京城附近地方。設立八廠。發倉貯米石。減價

糶賣。特派御前侍衛官員等。前往辦理。伊等

敬謹奉行。辦理妥協。殊屬可嘉。著交部議叙

具奏。○吏部議覆兩江總督慶復參奏。俞兆

岳派捐受餽各款。查俞兆岳今陞臣部右侍

郎。應革職。其款蹟應行現任江西巡撫岳濬

確查。具奏到日。交刑部核擬。得旨。俞兆岳著

革職。餘依議。○補行浙江。四川。兩省。乾隆元

年大計卓異官十九員。○戶部議准廣西巡

撫楊超曾疏稱。懷集縣屬有銀鉛並產之

荔枝山礦。原有開殘舊壠。並無干碍民間

田園廬墓。試採有效。請准開採。照例抽課從

之。○辛巳。諭總理事務王大臣。御史馬起元

所奏。山東直隸兩省運河水泉。近多湮塞。開

壩亦已傾圯。請勅河臣督撫悉心籌畫。一摺。

又尚書來保所奏。河南衛水。固濟漕運。亦灌

民田。請令該撫會同總河。詳察地勢。務使漕

運不患淺阻。民田亦得灌溉。一摺。著侍郎趙

殿最侍衛安寧前往。直隸則會同總督李衛。

山東則會同漕運總督補熙。巡撫法敏。總河

白鍾山。河南則會同署巡撫尹會一等。查勘

妥議具奏。○戶部議奏。原任營田觀察使陳

時夏。進有區田書三冊。并疏稱農政全書內。

有營治區田之法。並云。始自伊尹教民糞種。

每田一畝。可收穀六十六石。又見山東聊城

縣知縣蔣尚思。所刊教民區田法。並直隸清

河同知方鳴夏。所刊區田錄要。細加詢問。俱

有成效。惟虞冰雹蟲災。不慮水滂亢旱。於北

五省。更為有益。古稱每畝可得穀六十六石。

今斗可得二十石。少亦可得十三四石。是收穫之廣。無有甚於此者。又於區田四面鑿井澆灌。是備旱之法。未有善於此者。但每田一畝。約費工本銀三兩。百姓無此力量。所以不能舉行。臣請遴選賢員。暫租民地。官種官收。借給工本。秋收之後。仍即歸還。先行試種。俟著有成效。然後推廣通行。查周制。田有一易再易之別。漢趙過有畝田之法。而區田載在農政全書。皆所以節地力。盡人事。誠為有益。現今欽奉諭旨。勸民稼穡。並令纂輯農書。廣為教導。此法若得舉行。雖未必如陳時夏所云。每畝可收十二三石之多。然工本既多。收穫自廣。且鑿井備旱。於北地尤宜。似於耕種之事。不無裨益。但法久不行。事經創始。必從容辦理。毋遽毋擾。使小民有趨事之樂。而官吏無督促之煩。然後可垂永久。臣等酌議。請於直隸地方。先試舉行。令總督李衛酌量何地最為相宜。遴委賢員。暫租民地。官種官收。

借給工本。秋成還項。不得干涉民間。如果地方官實心辦理。斟酌合宜。將來行有成效。再為通行各省。民必樂從。從之。○調刑部右侍郎程元章為吏部右侍郎。工部左侍郎王鈞為刑部右侍郎。禮部右侍郎王紘為工部左侍郎。以內閣學士方苞為禮部右侍郎。○壬午。

上詣

皇太后宮問安。○癸未。

上御乾清門聽政。○以原任內閣學士兼禮部侍郎凌如煥補原官。○禮部侍郎方苞自陳年老衰疾。步履艱難。筋力自效之事。乞賜寬免。得旨。方苞著免其隨班行走。○予故江寧將軍吳納哈祭墓如例。謚簡愍。○以左翼前鋒統領阿岱為鑲黃旗蒙古副都統。○旌表守正捐軀之河南王志恭女王氏。智給兇徒救夫活子。自戕之山西安邑縣生員周光祚妻犢氏。○甲申。以原任正黃旗滿洲都統甘

國壁為歸化城左翼副都統。是日起。

上以孟秋享

太廟。齋戒三日。○乙酉。諭總理事務王大臣。凡外遣人犯。近日改發烟瘴地方者。原因此等惡人。不宜在盛京等處。使滿洲直樸之習。有所漸染也。但伊等原係發與口外駐防兵丁為奴之犯。聞彼地兵丁有藉以使用。頗得其力者。且內地軍流人犯太多。地方官亦難管束。朕曾向王大臣等諭及。今九卿等會議。盧焯條奏。安插軍流人犯一疏。應將朕前諭外遣人犯。作何按其情罪。分別內地外地遣發之處。一併妥議具奏。○以原任內閣學士兼禮部侍郎張坦麟署理安慶按察使。○丙戌。吏部覆議。署兩淮鹽政盧見曾奏。兩淮鹽場大使。果能杜絕弊竇。以及私煎私賣。有益鹽務者。准其照浙江之例。停其論俸陞轉。俟三年期滿。該鹽政會同督撫。秉公出具考語。據實保題。以應得之缺即用。其知縣以上等官。

仍照例給咨赴部。引見請旨。州同州判以下各員。臣部照伊應得之缺。歸於月分即用。至此內由國子監拔貢揀發借補者。伊等原係應選教職佐貳之員。若准其以知縣保題。實屬過優。應照考職之例。將州同州判。縣丞等缺。令其兼掣。掣定後。入於即用班內。照例選用。再嗣後浙江兩淮鹽場大使。三年期滿。保題即用各員。俱歸單月。以應得之缺即用。從之。○戶部議准。山東巡撫法敏疏報。德州。德州衛臨清恩縣。夏津武城六州縣衛。黃運二河。堤壓柳佔地畝。共一十四頃五十三畝有奇。又東平。東阿。陽穀。東平守禦所。單縣。曹縣。聊城。堂邑。博平。等九州縣所。堤壓地畝。共一百二十九頃三十六畝有奇。俱係確查。礙難耕種。所有舊徵銀米。請自乾隆元年為始。一體豁免。從之。○是月。直隸總督李衛疏報。二麥收成。分數得旨。覽奏。麥秋分數。知道了。近雖屢次得雨。總未霑足。朕憂懷未釋也。○江

南河道總督高斌疏報秋禾得雨情形得旨。以手加額覽之。京師亦得霑足甘霖矣。但覺遲時日耳。然晚田尚可補種。朕憂已減半焉。

○李衛又奏燒鍋之禁宜去其已甚導民易從計莫如不禁其沽飲而止禁其大肆興販且不禁本地釀造與夫造麴自用者惟禁大行躉麴於各地方交界及關津隘口巡查凡有燒酒及麥麴二樣無論歲之豐歉概不許出境興販犯者治以違制之罪酒麴入官糧

船夾帶燒酒麥麴俱照私鹽例究治販運既絕則本地所銷自少孰肯多造以停擱其工本如此則米麥高粱一年約餘數十萬石所資民食匪尠得旨原議之王大臣議奏○湖南巡撫高其倬疏報地方雨水田禾米價情形得旨知道了被水人民所當極力賑卹而不可稍有掩飾也○山西巡撫覺羅石麟疏報得雨情形得旨若有覺旱情形所當先事綢繆一得霑足之雨即當奏報○雲南總督

尹繼善疏報雨水霑足田禾茂盛情形得旨滇省去歲歉收今年若得豐稔則可救半矣覽奏曷勝欣慰○福建漳州鎮總兵官譚行義疏報早稻收成情形得旨覽奏收成分數知道了汝係特簡之人當勉力盡職徐徐化導以變漳州獷悍之習○直隸河道總督劉勳疏報工程水勢事宜得旨知道了運河淺阻之處當極力督催挑挖之母以移明廳汛在案即為了事也○安徽巡撫趙國麟疏奏壽州永豐塘工告竣利澤永垂得旨知道了凡開壩溝渠利民之事於無事之時漸次興修實為用功省而為利普最好之事也○又報五月二十六七八日大雨時行江以南山內數次發蛟山水驟漲石埭太平歙縣黟縣銅陵繁昌六縣衝損田禾數百畝并民房三四百間淹斃男婦七十餘口當經借動公項分委員弁星赴各縣先行賑撫一面委員確勘如果成災據實題請賑卹得旨知道了撫

卹被災之民。所當竭力拯救。已饑已溺之心。不可稍釋於懷。○大學士總理浙江海塘管理總督事務嵇曾筠摺謝

聖訓。得旨。知道了。武備之畧有廢弛。朕不能為卿諱。然朕亦不深怪卿也。此後自然益加整飭。又朕保其必能如是者。○戶部尚書署理湖廣總督印務史貽直疏報拏獲猺兇情形。得旨。此皆汝等料理得宜所致。忻悅覽焉。○又報續擒猺盜首兇。及惡黨悉經捕獲情形。得旨。忻悅覽之。題到有旨。將卿等從優議敘也。○又報陸續擒獲猺兇。並搜勦山箐。以盡根株。得旨。忻悅覽之。卿調度有方。在事官弁奮勇可嘉。題到有旨。諭部從優議敘也。○湖北巡撫楊永斌疏奏訓飭屬員。肅清吏治。整頓士習。稽查驛站各事宜。得旨。此固澄清吏治之良法。但須行之以實。而持之以久。方與民生有益。至民生日用之常。水旱饑饉之備。尚須勤講。方是為政之本也。○署理陝西巡

撫崔紀條奏農事以水利為要。陝屬地方。平原八百餘里。農民率皆待澤於天。遇旱即束手無策。臣籍居蒲州。習見鑿井灌田之利。如永濟臨晉虞鄉猗氏安邑等縣。小井用轆轤大井用水車。其灌溉之法。小井六七丈以下。皆可用人力汲引。每井可灌田四五畝。大井深淺二丈上下。水車用牲口挽拽。每井可灌田二十餘畝。其製造之法。小井不須磚砌。工匠器具價值。淺者一二兩。深者三四兩可辦。即地中帶沙。須磚砌者。工費亦不過七八兩以外。大井即地中不帶沙。亦須磚砌。淺者工費八九兩。稍深者十餘兩。而一水車亦非二十餘兩不辦。其收穫之利。在雨澤調勻之年。似可無事於井。然西北地高土燥。不厭灌溉。井澆一畝。厚者比常田不啻數倍。薄者亦有加倍之入。至遇旱年。雖井水亦必減少。然小井仍可灌三四畝。大井灌十餘畝。在常田或顆粒無獲。而此獨仍有豐收。前康熙庚子

辛丑。晉省連旱二年。無井州縣。流離載道。而蒲屬五邑獨完。即井利之明效大驗也。再陝省富平。蒲城。二縣。井利頗多。庚子。辛丑。亦藉此免荒。臣據秦晉成效。思更為推廣。除延安。榆林。二府。邠。廊。綏德。三州所屬。地土高厚。不能鑿井外。其餘西安。同州。鳳翔。漢中。四府。並商。乾。興安。三州。可鑿之地甚多。現在民間亦有行者。大約渭以南九州縣。地勢低下。或一二丈。或三四丈。即可得水。渭以北二十餘州縣。地勢高仰。亦不過四五丈。或六七丈。即可得水。今據各屬報到。西安府咸寧。長安。臨潼。渭南。藍屋。鄠縣。高陵。涇陽。三原。醴泉。咸陽。富平。興平。各縣。可鑿井者。田三千一百餘頃。同州府大荔。華州。華陰。蒲城。朝邑。潼關。各州縣。可鑿井者。共田六百五十五頃。乾州武功縣。可鑿井者。共一百十餘村落。又漢中九屬。渠水最盛。半係稻田。知府朱閑聖報稱。可鑿井者十分之二。臣思有力之家。可以勸諭開鑿。

無力貧民。實難勉強。仰冀恩准。將地丁耗羨銀兩。借給無力貧民。以資鑿井之費。分三年清還。臣酌定開鑿事宜。督令各州縣實心稽察懲勸。俟辦理少有頭緒。臣親身查看。庶陝西通省。統計河泉井水。約可有一半水田。而水田所獲之粟。約比常田二三倍。即偶遇旱歉。有此一半水田。即可有一半收成。再鑿井灌田。民力況瘁。與河泉自然之水利不同。開鑿之後。并請免其以水田陞科。得旨。此係極應行之美舉。但須徐徐化導。又必實力奉行。方與民生有益。朕自然不照水田陞科也。甘肅巡撫鎮國將軍宗室德沛疏報。鞏昌府屬之西鞏驛等處。山高土厚。掘井維艱。間有山泉。距各村莊甚遠。居民惟於窪地開窖。使冬春冰雪。夏秋雨水。會積於窖。以供炊飲。貧民無力開挖。往往向有餘之家乞買。若遇亢旱。彼此不能兼顧。秋成未必無收。先不得不遷徙異鄉就水。臣赴任時目擊情形。竊思乏

水等於乏食。到任後。即檄行各屬。確查缺水村莊。共六十處。即捐資委員鑿井。設或不得及泉。則於寬閒處廣開官窖。俾窮民雨多免乞買之艱。早無遷徙就水之苦。但鑿井開窖。需費甚多。臣力不能獨任。統俟各屬報到。通估需工料若干。可否於司庫內支動公項。再蘭州之西南黃峪溝等處。俱有渠道故蹟。臣詢之耆老云。向有泉數十道。順渠而下。大收灌溉之利。自康熙四十八年地震後。山土頽

實錄卷四十五

十一

壓壅塞。臣即面飭地方官募夫。沿渠道故蹟開濬。遂得清泉十一處。泉水盛流。至宋家莊引入渠道。約長六十餘里。可溉田二百餘頃。其餘筍羅溝等村。亦俱先後開濬復舊。得旨知道了。有利百姓之事。雖動公項何妨。○兩廣總督鄂彌達奏覆廣西捐墾案情。據雲南布政使陳宏謀以原任廣西巡撫金鉅捏墾報捐。欺公累民具奏。時臣陞見回粵。道經廣西。與新任巡撫楊超曾面商。粵西額荒甚多。

紳民欺隱不少。其報墾之田。如果屬實。自有應完賦稅。並非額外加糧。今以紳民欺隱之田。准予從寬借墾。得回工本。又免治罪。原無貽累於民。即謂粵西地土磽瘠。而借墾之田。原係分別老荒舊荒。有三畝折算一畝者。有二畝折算一畝者。未嘗一例概施。且原任大學士朱軾條奏。亦止謂查係虛捏者開除。未聞以實有之田盡應豁免也。今撫臣已早定豁除之成。見於胸中。既不公同覆奏於前。又復往返爭持於後。何能辦理得宜。伏思臣歷任督撫。凡於地方公事。但求事理之當。不存疑貳之心。即辦理墾荒一案。總期上不病國。下不累民。假若金鉅果有加派累民之實據。侵犯工本之劣蹟。詎肯扶同瞻徇。竟不早為叅奏。陳宏謀偏信鄉里不實之言。瀆陳天聽。蒙交臣等議辦。因撫臣楊超曾初經外任。去年臣從粵西來。將此案原委。並辦理之法。臆切言之。撫臣深以為然。但此事碍難辦理。計

惟有仰懇特簡大臣一員。前赴粵西。秉公查辦。庶有無加派累民。是否應行豁免。方有定論。而墾案可以澄清矣。再陳宏謀前奏金鉶捏捐二十餘萬畝。並未開成一畝之處。查借捐止有一十二萬。並無二十餘萬。各屬查報新墾成熟者。即鬱林一州。已有八千餘畝。其餘州縣。新墾甚多。陳宏謀所奏不確。一并聲明。得旨。此事所奏甚屬公當。楊超曾到粵西。諸事皆從嚴厲。而獨此事從寬者。並非其本心。乃與金鉶不合。而又瞻徇陳宏謀情面耳。朕亦不必另遣人前往。卿即往西省辦理此事。應叅奏者。即行叅奏。○貴州總督兼管巡撫事務張廣泗疏報黔苗之亂。復業難民。按畝借給籽種牛具銀兩。各屬查報復業難民。共一萬四千一百七十五戶。共水田八萬一千二百六十三畝。有奇。山土三萬八千六百九十九畝。有奇。請分作五年還項。得旨。有旨諭部寬免矣。

實錄卷四十五

二十

大清高宗法天隆運至誠先覺體元立極敷文奮武孝慈神聖純皇帝實錄卷之四十五

實錄卷四十五

三十一

大清高宗法天隆運至誠先覺體元立極敷文奮武孝慈神聖純皇帝實錄卷之四十六

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳秋七月丁亥朔享

太廟。

上親詣行禮。○詣

皇太后宮問安。○諭總理事務王大臣。春夏以來。畿輔地方雨澤愆期。自六月十三日後。疊沛甘霖。已極霑渥。而近日連陰大雨如注。又有淫潦之慮。此皆朕之不德。所以雨暘不能時若。吾民其何以堪。目今低窪之地。秋苗恐被水淹。著總督李衛。速委賢員。留心查勘。或有應加以撫恤者。或有應借與籽粒。令其補

種者。即督率有司。酌量辦理。賑恤之策。及早講求。不可稍存諱災掩飾之心。至於河工隄岸。宜預為保護。以防潰決。倘有被衝之處。即應搶修。著李衛。劉勳。留意。不可疎忽。○又諭。近日雨水連綿。京城旗民中。有家計貧乏。房屋傾圮。不能修葺者。著步軍統領鄂善。查明具奏。○又諭。據協辦吏部尚書事務顧琮。條奏貴州於深山邃谷。招募屯田。盡奪生苗衣食之地。目今殘敗之餘。潛居巖穴。覓食維艱。待至秋成。必聚眾併命為變。殘殺擄掠。不可不預籌也。請勅下督臣。深思長慮。庶幾有備無患等語。貴州情形。顧琮尚未熟悉。且張廣泗在彼。一切防範事宜。自應籌畫妥協。但未雨綢繆。當無事之時。而為有事之備。乃封疆大臣之責。顧琮既有此奏。可寄信與張廣泗。令其留意。○又諭。昨據戶部議覆。淮安關監督唐英。因各項經費。及書役飯食不敷。請動贏餘一案。行令江南總督慶復。會同該監督

等。各就地方情形籌畫。使吏役人等養贍有資。不至多虧稅課之處。妥議具奏等語。朕思商民皆為赤子。輕徭薄賦。俾人人實沾惠澤。乃朕愛養黎庶之本懷。但恐官吏不能實力奉行。仍多巧取。以飽私橐。則徒於國課有虧。而於商民無益。即如年來。各省關稅。較前額數大減矣。而其取之商民者。仍似未減。若關稅果已減輕。則商貨價值。亦應平賤。今京師貨物騰貴。仍復如前。可知商民未得實沾減稅之益矣。至於在官胥役。自不能枵腹辦事。如果能弊絕風清。於商賈毫無需索。即動撥贏餘。以為伊等養贍之資。亦理之當然。朕所不惜者。若司出納之臣。以為贏餘既已歸公。不便輕動。而又欲使胥吏得以養贍。伊等豈能為無米之炊。不重索之商民。更有何術乎。是朕欲恤商。而商民未得沾減稅之益。轉以籌畫胥吏。而商民更受加稅之苦矣。江南淮安等關。或因胥吏添設過多。以致工食不足。

則當量行裁汰。且查管關官員養廉之數。亦覺太豐。亦可通融分給。如再有不敷。則於贏餘項內。動用以補之。但亦必須酌定額數。不得任意加增。務使胥役有餬口之資。不致暗取陋規。營私作弊。而商民往來。得實受朕輕徭薄賦之恩。方為妥協。恐慶復等。未能深知朕意。可寄信曉諭之。○戊子。諭總理事務王大臣。近因雨水過多。聞渾河水發。盧溝橋及長新店良鄉一帶民房。有被水淹浸坍塌之處。著派侍衛策楞。戶部郎中赫赫。前往盧溝橋長新店一帶。再派侍衛五十七。戶部員外卓來。前往良鄉一帶。會同地方官。詳細查勘。各帶庫銀二千兩。查有被水窮民。房屋傾圮者。即行賞給安頓。毋使失所。○又諭。今年春夏之交。直隸山東兩省。雨澤愆期。二麥歉收。朕已多方籌畫。接濟民食。且令直隸總督李衛。查有應興工作。俾小民得藉營繕。以餬其口。今思山東民人多。仗二麥度日。今歲麥秋。

收穫既薄。雖屢降諭旨。蠲賑平糶。仍恐閭閻尚有艱食之虞。著巡撫法敏。悉心計議。如開渠築隄。修葺城垣等事。酌量舉行。使貧民備工就食。兼贍家口。庶可免於流離失所矣。再年歲豐歉。難以懸定。而工程之應修理者。必先有成局。然後可以隨時興舉。一省之中。工程之大者。莫如城郭。而地方以何處為最要。要地又以何處為當先。應令各省督撫。一一確查。分別緩急。預為估計。造冊報部。將來如有水旱不齊之時。欲以工代賑者。即可按籍而稽。速為辦理。不致遲滯。於民生殊有裨益。并將此諭通行各省督撫知之。○戶部議覆吏科給事中馬宏琦條奏。收漕例用部頒鐵斛平概。不許踢斛淋尖。查乾隆元年七月。議准御史蔣炳炘奏。陳漕弊案內。通飭有漕各省督撫。嚴革蠹役留難刁蹬。踢斛淋尖等弊。乃自再行申禁之後。甫及一年。該給事中馬宏琦。又奏有浮加斛面。自一指。二指。以至三指

等弊。應請飭總漕。及有漕各督撫。確查奏辦。其所稱兌運。每石按數另加耗米之處。查收漕例有漕贈潤耗等項銀米。今若另收耗米。實係耗外加耗。應毋庸議。又所奏州縣徵收地丁耗羨。並摘捉短封。以及道府親身查察同知等官。監拆之處。查乾隆元年七月。議覆御史薛韞奏。陳州縣私置重戩。額外多收。及御史楊嗣璟奏。稱徵耗短平。又鴻臚寺卿趙挺元奏。請州縣糧櫃拆封。該管府州親往拆驗等案內。節經行據直省各督撫。妥議奏定成例在案。其所稱雜項錢糧。令民自封投櫃。請再通行各督撫。飭屬遵行。倘有勒索留包偷取等弊。指叅究處。從之。○科爾沁和碩卓里克圖親王阿勒塔格楞故。遣官賜祭如例。○己丑。戶部議覆。貴州總督張廣泗疏。稱普安縣屬之丁頭山鉛廠。年久採煉無出。應請封閉。從之。○庚寅。

上詣

皇太后宮問安。○辛卯。以裁缺長寧縣民戶地畝徵收審驗等事。改設州同一員。仍隸永吉州管轄。從奉天府尹宋筠請也。○壬辰。

上御乾清門聽政。○戶部議覆給事中吳元安奏請嚴禁近京州縣燒鍋查直隸二麥歉收。總督李衛現已嚴禁燒鍋。吳元安既有此奏。應仍交李衛查辦。如地方官奉行不力。即行題參。從之。○以僉都御史銜霸州營田觀察使陳時夏為內閣學士兼禮部侍郎。○以左都御史福敏禮部右侍郎方苞教習庶吉士。○以西寧總理青海番人事務德齡為鑲紅旗漢軍副都統。○以散秩大臣弘暉為正藍旗漢軍副都統。○癸巳。

上詣

大高殿行禮。○諭總理事務王大臣。朕覽策楞五十七等奏摺。內稱沿河西北修家莊沙窩村等處居民房屋有被水浸塌者。有全行衝沒無存者。并有男婦被水淹沒者。朕思房屋

坍塌之家。所有蓄積。未至漂蕩。尚可餬口。至房屋全行衝沒者。所有蓄積。自必無存。未免有艱食之虞。甚屬可憫。著策楞五十七等詳細查明。於賞給造房銀兩外。量給口糧。無致飢餒。其淹沒之人口。亦查明賞卹。○又諭。從前侵貪那移應追之項。已於恩詔內令查果係家產盡絕。力不能完者。概予豁免。今朕思侵貪皆係入己贓私。罪無可逭。至於那移之項。或因公事緊急。不得不為通融。或移此就彼。為一時權宜之計。夫錢糧各有款項。豈容任意那移。在那移之人。雖法無可貸。而較之侵貪之人。稍有不同。情尚可原。著該部查明。雍正十三年九月以前。那移各案。所有家產除已經交官及變價外。其有已報未估。并估報而尚未變交者。分別情節。查明實係因公。確有憑據者。具題請旨。○戶部議准。副都統策楞等奏辦賑卹事宜。文安霸州涿州三處。每處應派官二員。照前各帶銀二千兩。前往

查賞。盧溝橋北。百里內外。亦應派官二員料理。得旨。著御前侍衛松福。乾清門侍衛馬爾拜。巴靈阿。索靈阿。內務府郎中穆爾德。吏部員外郎得寧。戶部員外郎清柱。兵部郎中馬習禮去。並賞給驛馬。○以刑部尚書那蘇圖。孫嘉淦充律例館總裁。○以革職江西巡撫。仍留雲騎尉世職布蘭泰署理。鑲紅旗蒙古都統。○甲午。

上詣

皇太后宮問安。○諭總理事務王大臣。朕因畿輔地方。山水驟發。被水居民。蕩析可憫。立遣侍衛官員。齎帶帑金。分六路前往。會同該地方官。撫卹安頓。其離京稍遠州縣。已據總督李衛奏稱。飛飭地方官。加意撫綏。不令一人失所。今據河道總督劉勳奏報。水定河水。漫過石隄。冲刷背後土隄。二百五十餘丈。南岸漫溢十八處。北岸漫溢二十二處。附近田禾廬舍。悉被衝塌淹潦等語。朕思目今伏汛。雖

已將過。而節氣尚在大雨時行之候。秋汛又復屆期。沿河隄岸。所當竭力保護。漫口更當星夜搶修。著即動用河庫銀兩。趲備物料。該督李衛。速行會同劉勳。督率在工員弁。迅速堵築完固。務保萬全。毋得稍有疎忽。朕因劉勳人甚平庸。不勝南河之任。是以用為直隸總河。以事簡工平。諒伊自能竭蹶辦理。且屢加訓誨。又命總督李衛協助之。今年春夏之間。亢旱。想李衛辦理一切賑卹事宜。無暇顧及河工。查二十九日之雨。尚非浸淫霖潦者比。而一經山水驟發。劉勳遂束手無策。且備料又復不全。不足搶救。是伊平時漫不經心。甚屬溺職。著該部嚴察議奏。河工各官。著李衛分別查叅。該部速遵諭行。○乙未。諭總理事務王大臣。永定等河。隄工有衝決之處。著協辦吏部尚書事務顧琮。馳驛前往察勘。其應行搶修事宜。著會同李衛。劉勳。速行籌畫辦理。○戶部議覆。署陝西巡撫崔紀。疏報商

州保安膚施安塞等州縣被雹成災。動支存倉穀石賑卹。緩輸本年額徵。得旨。依議速行。○順天府府尹陳守創奏禁止燒鍋。惟有平其價值。以杜造酒之源。嚴其流通。以塞行酒之路。則市僧之為利無多。本地之消售有限。而釀者不禁自少矣。得旨。原議之王大臣議奏。○署河南巡撫尹會一疏報。雍正十二年分豫省所屬勸墾民衛地五十三頃二十一畝有奇。十三年分勸墾民地四頃十三畝有奇。○丙申。

孝懿仁皇后忌辰。遣官祭

景陵。○減廣西土司貢馬折價。諭總理事務王大臣。朕因四川土司舊有貢馬之例。其不貢本色。而交折價者。則每匹納銀十二兩。查四川驛馬之例。每匹止給銀八兩。獨土司折價較多。蠻民未免繁費。比降諭旨。將四川土司貢馬折價。照驛馬之數。裁減四兩。定為八兩。以示優恤。今查廣西土司。每三年貢馬一次。

俱係折價交納。其所折之價。亦是十二兩之數。所當一體加恩。使土司均霑惠澤。著照四川折價之例。每馬一匹。減銀四兩。定為八兩。從乾隆三年為始。永著為令。該督撫即將此旨。通行曉諭該土司知之。○諭定邊副將軍額駙策凌。昨據巡查察哈爾地方兵部員外郎兆明所拏厄魯特喇嘛那旺垂音丕勒。供稱準噶爾遣來作法之人。是以令其解送京城。及覆加審訊。伊並非準噶爾之人。係青海札薩克台吉濟克濟扎布旗下之人。伊父母與兄俱在青海地方居住。因行查是實。遂發回本地安插。此皆由那旺垂音丕勒身為喇嘛。並不安分。在各處遊蕩。妄行欺詐之所致也。朕從前勅令給與喇嘛度牒者。特為此等匪類混入喇嘛之內。妄行生事。於眾喇嘛無益。是以分別賢否。給與實在出家人度牒。以憑稽查。以扶佛教。澄清喇嘛之意。眾喇嘛不識此意。或反慮伊等之徒弟漸少。著將此情

由曉諭衆喇嘛知之。並交與邊塞塘汛人等。務須留心。不時稽查。○吏部議覆河東鹽政定柱疏稱。河東運司衙門。向因徵收課銀。僅十七萬餘兩。是以未設庫官。今加增鹽引十萬道。徵銀四十餘萬兩之多。請添設庫大使一員。其原設鹽運使知事。移駐鹽池內淡泉從之。○戶部議覆山東巡撫法敏疏報。德平。齊河。長清。肥城。濟南衛。商河。曲阜。寧陽。鄒縣。泗水。滕縣。嶧縣。金鄉。魚臺。濟寧。嘉祥。濟寧衛。單縣。武城。曹縣。定陶。鉅野。鄆城。范縣。觀城。朝城。蘭山。郯城。費縣。聊城。博平。茌平。清平。莘縣。武城。東昌衛。臨清衛。昌樂等州縣衛。本年旱災。又續報陽穀。壽張。朝城。莘縣。雹災。動支存倉穀石。分別賑卹。得旨。依議速行。○兵部議准浙江溫州總兵施世澤奏稱。沿海小艇。或夾帶違禁貨物。或暗通接濟盜糧。請立法稽查。經部通行沿海各總督提鎮等。各按地方情形查議。今大學士管浙江總督嵇曾筠等

議稱。一應出海小艇。令地方官取結。印烙編號。給票查驗之處。與施世澤原奏大畧相同。應如施世澤所請。嗣後沿海揀捕。及內河通海小艇。俱令地方官。取具澳甲鄰佑甘結。印烙編號。刊刻船旁。書寫蓬號。給以照票。其新造小船。與揀捕售賣者。亦令一律報官辦理。私造私賣。及偷越者。照違禁治罪。澳甲不舉連坐。倘有船隻被賊押出洋。立即報官。將船號姓名。移營緝究。容隱不首者。照接濟洋盜治罪。租船之人。報明澳甲。出結報官存案。若租船者為匪。船主澳甲併治。其遭風者。查明人夥有無落水受傷。訊取實據。方准銷號。捏報者治罪。官役藉名索詐。並究。至施世澤原奏。小艇出洋。令預定處所。限日往還。赴戰船掛號一條。據嵇曾筠等議稱。樵採船隻。惟候風潮。戰船遊巡。往來莫定。必令赴戰船掛號。勢恐冒險不便。應照商漁船隻之例。在中途守汛口址。掛號一次。不必定地限期。惟責

令守口員弁俟其進口時。查核風信時候。次數。取具結狀備案。捏飾者嚴究。又施世澤原奏。出洋艇隻計口計日。准帶口糧。未定成數。應按海道遠近。人數多寡。每人每日食米一升外。准帶餘米一升。以防風阻乏食。均請照議通行。從之。○侍衛五十七等奏。良鄉一帶水淹民房。蒙賞帶銀二千兩。散給安頓。查良鄉被水村莊。實在窮民之全坍及半坍房屋。共一千一百餘間。已照副都統策楞奏准款則辦理。但帶銀不敷。請再發庫銀三千兩散給。餘即帶往連界之房山縣查賑。得旨。如所請行。○丁酉。戶部議覆署鑲紅旗蒙古都統布蘭泰奏。直隸山西邊外地畝。向皆折徵銀兩。但農民必將米運至口內。然後易銀輸將。不若改徵本色為便。況歸化城現在駐兵。若積貯充盈。實為有益。但遠在百里外者。挽運稍艱。應如何量給腳費。並改徵科。請交直隸總督李衛。山西巡撫石麟。妥議。又熱河地方。

亦添駐滿兵一千二百名。本地穀不敷。若將該處地畝亦折本色糧石。均於兵食有益。應如所請從之。○直隸總督李衛奏。前因直屬春夏少雨。請於天津北倉截留南漕三十萬石。以備賑濟。准行在案。嗣又因連日大雨。山水陡發。據宛平大興等各州縣衛陸續報到。被水情形。或稱隄岸浸溢。或稱窪田被淹。業經分委員弁帶司庫銀兩前往查勘。分別賑卹。安頓。惟是前項截留漕米。恐不敷支給。現在尾幫漕糧尚未抵天津。請再截留二十萬石。以備急需。奏入。報聞。下部知之。○旌表守正捐軀之安徽某縣民解福妻李氏。○戊戌上詣

皇太后宮問安。○奉

皇太后幸重華宮進膳。隨侍至寧壽宮。豫祝

壽祺。皇貴太妃七旬壽。○諭總理事務王大

臣前因畿輔地方被水。特命策楞等前往賑

卹居民。其各營汛被水兵丁。據策楞等議稱兵

丁領受餉銀。其房屋亦係官給。不應在賑卹之內。朕思兵民均屬一體。此番被水。室廬坍塌。妻子無依。情殊可憫。應每名量行賞銀二三兩。為目前贍養。以待官蓋營房。著即傳諭六路賑卹之官員等。酌量輕重。作速妥協辦理。○又諭。嗣後九卿及數部會議事件。係何部主稿者。著於本尾。將何部主稿聲明。○又諭。前因文安。霸州等處。地勢低窪。被水居民。情可憫惻。特命松福。馬爾拜。前往賑卹。今據

總督李衛奏稱。文安。霸州。原係水鄉。田地皆在圍埝以內。居民歲賴菱藕蒲魚之利。伏天發水。該處以為豐年等語。朕思此番水勢驟漲。該處正在下流。即圍埝以內。亦恐有被災之處。著伊等詳悉查明。照盧溝橋一帶賑卹之數。減半發賑。若已經出示。或已經給發者。不必退回。其固安。永清。東安。三縣。原未在查賑之內。但係貼近渾河。漫流衝溢之地。其中被災人民。松福等。可查明一體賑卹。毋令失

所。前所齎銀兩不足。即咨部領取。○戶部議覆。原護甘肅巡撫鞏昌布政使徐杞。疏稱甘肅匠價一項。前經侍講學士楊椿條奏。請援江南之例。以各州縣匠價。攤入地糧徵收。接准部覆。行司議詳。查甘省匠價。河西向無額設。惟河東州縣內。有額徵匠價。自數兩至一二十兩不等。共銀七百六十餘兩。歷年久遠。現有子孫改業。仍照明時報部舊名輸課。有本人物故無後。而戶族各匠均攤完納者。賠

累在所不免。請照學士楊椿所奏。攤徵每糧一石。僅攤銀釐毫絲忽。在民不覺加增。里甲匠戶。均免賠累。應如所請。即於甘省額徵民糧內。均勻攤派。從之。○己亥。諭。總理事務王大臣。前因黔苗不法。擾害地方。居民困苦。朕心深為不忍。疊降諭旨。多方賑卹。務令窮民復業。各遂其生。曾據元展成議奏。被害復業之民。一切籽種牛具。既已無存。請每戶借給銀五兩。以為置備之費。此項銀兩。應分作五

年繳還等語。旋經部議。交與督臣張廣泗等會商妥議具奏。續據張廣泗等議稱。借給銀兩。應分別水田山田。按畝借給。二錢一錢不等。其交還之期。應分作十分。每年秋收時完納二分。則民力寬紓等語。朕思黔民所借籽種牛具銀兩。雖在朕加恩之外。例應照數繳還者。但念小民被擾流離。今甫經復業。正宜加意撫綏。使之休息於隴畝。共受格外之恩。所有借給籽種牛具銀兩。若有已經交官者。難以退還。其未經交官者。悉行賞給。以為耕作資本。不必催徵還項。該督張廣泗。可宣朕此旨。通行曉諭。咸使聞知。並董率有司。實力奉行。務使黔民均沾實惠。○戶部議覆。大學士管浙江總督嵇曾筠疏。議平糶事宜。一。請各州縣於城鄉分廠。大縣酌設八廠。中縣六廠。小縣四廠。城中設廠一二。餘俱於四鄉適中之地。擇寬大寺院設立。委員監糶。查城鄉分廠。事屬便民。委員監糶。又可杜弊。應如所

議辦理。其監糶各官。務令妥派。毋滋擾累。一。請米穀兼糶。貧民炊釜以待。所買係零星升斗。若概行糶穀。磨碾費事。且遠鄉背負為難。請米穀兼放。以糠粃抵給磨工等語。查常平積貯。向以本色穀出糶。今浙省請以存穀磨米。既於倉貯無虧。於民糶亦便。應如所議辦理。令州縣詳定減價。委員驗明米色。派數分運各廠。水腳等費。准於盈餘項內開銷。不得派擾民夫挑運。違者叅究。一。請糶價責成知府查報。豫杜州縣開價。以多報少。希冀侵漁等弊。查穀價長落隨時。防弊宜於先事。應如所議。令該管知府。於每年二月初旬。確訪各屬米穀時價。核定平色斗斛銀錢數目。報司各該州縣。亦將時價。同應減數目。並設廠處所。開糶日期。詳司核對。酌定價值。飭令開糶。委員住廠較驗。照價發糶。銀錢兼收。印官不時稽查。道府親身督察。仍五日通報一次。如有糶多報少。察出叅處。一。請發糶分別先後。

小民赴糶。每人酌以二斗為率。先婦女。次老幼。次丁壯男子。每日給票發米。先後挨輪。併嚴禁地棍奸牙。包攬囤販等弊。查平糶以濟民乏。豈容有恃強爭先。棍徒射利等事。應如所議。飭各州縣。豫行申禁。屆期挨輪發糶。毋使擁擠不前。致令老弱守候。如有牙棍包販。嚴拏治罪。廠役斛手人等。扣剋攪和。捐勒票錢。舞弊延擱者。即行枷示。該管各官徇縱者。叅處。一請採買倉穀。宜分本地外縣。浙省杭

嘉。湖。寧。紹等屬。向赴鄰省鄰縣採買。應令每年於八月內。赴府領價。其前赴何處買穀處。所具文通報。以便移查核銷。倉台衛嚴溫處等屬。向係在本地採買。應令該府於秋收時。確訪新穀時價報司。該州縣亦於八月赴府。領價採買。委佐雜一員監收。應如所請。核實辦理。如有派累等弊。即行叅究。一請定限申送倉收。春間出糶。秋成買補。定例昭然。乃各府屬往往買補愆期。年底尚無倉收申送。既

不敷來歲出糶。倉儲空缺。亦且緩急無資。應酌定期限。務於本年十一月內買足。出具倉收申送等語。應如所請。飭辦於十一月內買足。出具倉收。併令該管知府。年底親往盤查。結報逾限不買補者。揭叅議處。徇庇捏飾者。一併叅處。從之。○免江南婁縣乾隆元年分水災。應免地糧二千一百三十六兩有奇。米八十七石有奇。○庚子

上詣寧壽宮祝

壽祺皇貴太妃壽。○諭總理事務王大臣等。所議樊廷奏報一摺。著依議行。朕思噶爾丹策凌賦性狡詐。伊聲言欲犯西路。但西路一無所利。或為敲此擊彼之計。欲窺伺北路。擾害喀爾喀。亦未可定。可寄信與額駙策凌等。加意防範。不可疎忽。朕覽樊廷摺內有駐防官兵僅五千名。兵力單弱。應如何設備。可恃無虞之處。悉心熟籌。另奏等語。樊廷此奏。似微有氣餒之意。大凡為將之道。貴氣壯而心定。

蓋三軍之仰賴將帥。猶百體之聽令一心。所謂心君泰然。百體從令也。朕曾諭樊廷云。無事之時。當作有事觀。及至有事。又不可稍存畏蕙之念。現在安西一帶。駐有重兵。相隔不遠。再沿邊一帶。亦有豫備之兵。可以調遣接應。兵力原未嘗單也。況賊人即來窺伺。不過鼠竊狗偷。在邊地亦屬尋常之事。惟當持以鎮靜。不可因此驚惶。亂其心曲。本年四月間。大學士查郎阿。奏請於秋間前往肅州。巡查邊地。今既有傳聞之信。可在肅多住時。日若有應辦之事。即可就近辦理。俟應回西安之時。奏聞再行起程。著將樊廷所奏。王大臣所議。抄寄額駙策凌。大學士查郎阿知之。○辛丑。中元節。

上詣

奉先殿。

大高殿。

壽皇殿行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。○免河南祥符。杞縣。洧川。中牟。滎澤。陽武。封邱。蘭陽。儀封。鄆陵。汜水。偃師。鞏縣。孟津。宜

陽。高縣。登封。內黃。新鄉。延津。濬縣。滑縣。孟縣。

原武。濟源。武陟。淮寧。襄城。長葛。禹州。密縣。南

陽。新野。裕州。葉縣。信陽州。汝州。魯山。郟縣。寶

豐。伊陽。商城。等四十二州縣。鹽礮飛沙地畝。

糧銀九千九百三十四兩有奇。漕米三百七

石有奇。以乾隆二年始。永行豁除。○免江南

長洲。常熟。昭文。崑山。新陽。華亭。青浦。福泉。江

陰。太倉。鎮洋。等十一州縣。乾隆元年分。水災

應免地丁銀三萬八百十三兩有奇。米。豆。三

千二百二十四石有奇。○賞直隸各營汛被水兵丁銀兩有差。

大清高宗法天隆運至誠先覺體元立極敷文奮武孝慈神聖純皇帝實錄卷之四十六

大清高宗法天隆運至誠先覺體元立極敷文奮武孝慈神聖純皇帝實錄卷之四十七

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領侍衛內大臣稽察欽奉 上諭事件處管理刑部戶部三庫事務
世襲騎都尉軍功加十九級隨帶加一級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳七月壬寅

上諭

皇太后宮問安。○訓飭愚民鬪狠之習。諭直省督撫朕覽法司本章。各省命案。大率鬪毆居多。甚至有挾持兇器。互相殺傷者。小民愚昧無知。不忍一朝之忿。遂致罹於重辟。後雖追悔。亦已無及。深可憫惻。夫貪生惡死。人之常情。即在愚民。亦斷無不愛惜身命之理。總因平日不知法律。而地方有司。又不能時時化導。動其從善去惡之天良。中以觸法。觥令之

憲典無怪乎編氓之日蹈法網而不能止也嗣後直省督撫督率有司必多方宣諭實力勸勉務使閭閻咸知法紀顧惜身家以遠於罪戾則教化行而刑罰可省矣○諭侍衛五十七等此次差往查賑著與從前辦理平糶官員一體議叙○大學士張廷玉尚書孫嘉淦以考取博學鴻詞優卷進呈并帶領引見得旨考取一等之萬松齡著授為翰林院檢討二等之朱荃洪世澤著授為翰林院庶吉

士張漢著授為翰林院檢討○戶部議覆直隸總督李衛疏報宛平霸州保定文安大城房山永清昌平懷柔延慶通州武清寶坻清苑滿城安肅定興唐縣博野慶都容城完縣蠡縣祁州束鹿安州高陽新安玉田河間獻縣阜城肅寧任邱交河景州吳橋東光故城天津滄州靜海井陘獲鹿元氏樂城贊皇晉州廣宗鉅鹿內邱磁州邯鄲成安肥鄉曲周廣平雞澤威縣清河宣化蔚州萬全懷安西

寧蔚縣懷來冀州新河棗強武邑衡水趙州深州武強安平曲陽深澤易州涞水廣昌等八十一州縣衛二麥歉收動支存倉穀石分別賑濟得旨依議速行○禮部議覆安徽巡撫趙國麟等疏請新設潁州府學科歲兩試各取進文童生二十名歲試取進武童生二十名新設阜陽縣學於原潁州學二十名額內減去五名歲科兩試各取進文童生十五名歲試取進武童生十五名再潁州府學廩增照例各額設四十名阜陽縣學廩增二十名從之○鑄給貴州大定府分駐水城通判關防從總督張廣泗請也○癸卯

上御乾清門聽政○訓督撫留心水旱事宜諭直省督撫自古致治以養民為本而養民之道必使興利防患水旱無虞方能使蓋藏充裕緩急可資是以川澤陂塘溝渠隄岸凡有關於農事豫籌畫於平時斯蓄洩得宜潦則有疏導之方旱則資灌溉之利非可諉之天

時豐歉之適然而以臨時賑卹為可塞責也。朕御極以來宵旰憂勤惟小民之依是咨是詢。前後諭旨諄復再三但化導自在有司而督率則由大吏近日直省督撫惟甘肅巡撫德沛到任後即以興水利裕倉儲為請署西安巡撫崔紀亦有勸民鑿井灌田之奏尚能留心民食知本計之所當先其餘能盡心於吏治官方命盜錢糧諸事者尚不乏人而於民生衣食本源未能切實講求地方守令亦惟刑名錢穀自顧考成至以愛養百姓為心留意於稼穡桑麻如古循吏所為者益不可得。即如直隸今年夏初少雨深以暵旱為憂及連雨數日尚不甚大而永定河隨有漲溢之患決口至四十餘處低窪之地多被水淹雖因山水驟發然水性就下其經行之地自有定所設豫為溝渠以洩之為塘堰以蓄之自可以分殺水勢不至匯為洪流衝突漫衍如此之甚是皆平日不能豫先籌畫所致也。

東南地方每有蛟患考之於古季夏伐蛟載在月令。今土人留心者尚能豫知有蛟之處掘地得卵去之則不為害且蛟行資水遇溪澗而其勢始大田疇雖不可移而廬舍塋厝尚可遷就高阜之地以避之是亦未嘗不可先事豫防惟在實心體察耳該督撫有司務體朕痼瘼乃身之意刻刻以民生利賴為先圖一切水旱事宜悉心體究應行修舉者即行修舉或勸導百姓自為經理如工程重大應動用帑項者即行奏聞妥協辦理興利去害俾旱澇不侵倉箱有慶以副朕惠愛黎元至意。○訓州縣親行經理諭天下親民之官莫如州縣州縣之事莫切於勤察民生而務教養之實政夫所謂知州知縣者欲其周知一州一縣之庶務悉心經理四境即其一家精神必須貫注有事則在署辦理無事則巡歷鄉村所至之處詢民疾苦課民農桑宣布教化崇本抑末善良者加以獎勵頑梗者予

以戒懲。遇有爭角細事。就地剖斷。以省差拘守候之苦。烟戶牌甲。隨便抽查。使不敢玩法容隱。鄉愚無知。則面加開導之。庶幾上下之情。通達無阻。而休戚相關。親愛之誠。油然而生。而提撕易入。如此從容歲月。始可以收循良之實效。不愧為民父母之稱。乃今之州縣有司。祇以簿書為事。平日安坐衙署。除相驗人命。因公踏勘外。足跡不至鄉間。以故鄉民非有事。匍匐公庭。目不覩官長之面。耳不聞官長之訓。無論窮簷疾苦。未能周知。即四境情形。亦茫然莫曉。胥役約保等。朦蔽之弊。因之以起。顧名思義。親民之謂何。而情誼睽隔如此也。凡州縣所管地方。大率不過百餘里。最廣者。二三百里。周遭巡歷。為時亦不甚多。即事繁之處。亦未必朝朝聽訟。日日比糧。果能精勤勿怠。斷不至於經理無暇。遂置閭閻於膜外也。至於農田之事。尤為養民之要務。春耕秋斂之時。各宜下鄉。察其勤惰。稽其豐歉。倘有應先事圖維。臨時酌辦者。悉心計議。申詳上司。定議舉行。但往來鄉村。必須輕騎減從。絲毫不擾里民。方為有益。若失於覺察。以致書吏鄉保。及跟隨人役等。借端生事。擾累百姓。則較之耽逸偷安。端居不出者。其過為更大。朕必加以嚴譴。著各省督撫。遵朕此旨。董率有司。實力奉行。務使官民上下情意流通。聯為一體。以副朕教養斯民之至意。○定圖財害命為從監候之例。諭刑部。四川民賴廷珍。賴可年。主茂榮。圖財謀害汪九錫一案。該部議稱。例應不分首從。皆斬立決等語。但汪九錫。究未身死。賴廷珍。賴可年。主茂榮。俱從寬改為應斬監候。秋後處決。朕思圖財害命。原同強盜之例。查盜案尚有分別。不盡立決。而謀財之案。或以數人而抵一人之命。於法未免稍重。大凡圖財害命者。若無起意為首之人。必不能行事。今若將起意為首者一人。立寘重典。其餘改為監候。使天下人人

知起意之罪。不同於脅從之人。難緩須臾之死。不敢造謀糾約。則此等兇惡之事。無倡先之匪類。未必不漸次減少。其如何定例之處。著九卿詳悉定議具奏。尋議圖財殺人之案。此等人犯實屬兇殘。應將造意為首。并為從加功者。依律擬斬立決。其為從未加功者。改擬斬監候。秋後處決。至圖財傷人未死之案。雖被害幸而未死。但已豫存致死之心。於法實無可貸。應將造意為首者。亦依律擬斬立決。其為從加功傷人。較之造意有間。改擬斬監候。秋後處決。若為從未加功傷人。則照情有可原例減等發遣。請增入律例冊。一體遵行。得旨。該部知道。○工部議覆。巡視南漕給事中倉德等奏。稱直隸清河故城二縣。錯雜山東界內。本年運河水缺。節經咨飭挑濬。惟該二縣地面。行查東屬。則以淺在直省為辭。行查直屬。又以淺在東省具覆。秋緣地界犬牙相錯。致開推諉之端。請將該二縣河道。仍

歸山東下河通判管轄。併請交現奉

欽差侍郎趙殿最。侍衛安寧等查勘。得旨。依議速行。○署河南巡撫尹會一。奏覆禁止燒鍋一事。查造酒必需麴蘖。躉麴必用二麥。麥乃五穀之精良。非若高粱質粗易朽。惟禁麴。既以節二麥之費。更以清造酒之源。嗣後民間凡開張作坊。廣收多躉。因積販賣者。請嚴行定例治罪。得旨。原議之王大臣議奏。○轉吏部右侍郎程元章。為左侍郎。以總督倉場侍郎崔紀。為吏部右侍郎。仍署理陝西巡撫印務。○甲辰。諭總理事務王大臣。直屬地方。今年四五月間。雨澤愆期。近又山水驟發。低窪地畝。復被淹浸。民人遭此旱澇。雖多方賑卹。而朕心時切軫念。今八月二十三日。為皇考世宗憲皇帝再週之期。朕躬詣泰陵行禮。其駐蹕營盤。前據李衛奏稱。已經留出。免其租賦。至從前經行之地。皆有定所。此番謁

陵一切平治道路。整葺營盤等事。俱著嚮導官率領嚮導虎鎗牽駝人等前往。量為料理。絲毫不可勞動民力。致妨農事。李衛亦不必來京。扈從可傳諭各該處知之。○又諭直隸平糶事宜。前據李衛奏明平糶各廠。恐路遠窮民。赴糶艱難。酌量分廠。就近零糶。今阿琳又奏稱。聞得糶米地方。每處僅設立一所。以致人民壅塞。而又有過午不糶等語。其應如何分設米廠糶賣。俾小民無耽延守候之艱。而又不至有壅塞之處。著總督李衛速行妥酌辦理。○又諭本年糧艘因淮揚挑濬運河。令其速行北上。以便及早回空。乃四五月間。山東一帶河道水淺。盤運起剝。旗丁未免苦累。朕心深為軫念。又聞四月間。邳州地方暴風驟發。傷損糧艘。其中有未滿年限船七隻。例應運丁賠造。朕思該丁等一路盤剝。已費多力。且此次失風。亦非弁丁疎忽所致。著准給價成造。免其賠補。疎防各官。亦免其處分。又

查江廣二省。向有額外裝帶竹木。經漕臣奏明。衆丁已永遠沾恩。湖廣省今年並未出運。山東、河南省。抵通甚近。繁費無多。惟江南、浙江二省。本年丁力拮据。向例每船准帶貨物一百二十六石。著於明年。准其增帶貨物四十石。後不為例。以示朕軫恤旗丁之至意。○總理事務王大臣等議。覆御史常祿奏言。京城內喇嘛私買民房居住者。應驅歸寺院。倘有來歷不明。行止不法之徒。即發回原籍。應如所請。得旨。喇嘛所買房屋。有附近廟宇者。若概令驅入廟宇之內。恐一時不能容納。或致失所。著將附近廟宇房屋。准其暫行居住。或令併入廟宇之內。其並無喇嘛寺廟之處。所住民房之喇嘛。著照議行。交與步軍統領分別辦理。○刑部議。覆御史常祿奏言。恩赦以前。未完案件。請交部逐一清查。作速完結。該督撫有司。若有任意遲延者。即行叅奏。從之。○以鑲藍旗護軍統領特庫為左翼前鋒。

統領○乙巳

上以修

奉先殿豫行告祭恭請

列祖神主入

太廟後殿安奉○丙午諭總理事務王大臣淳

郡王等所奏

太妃園寢規制朕已覽悉著照所奏行向來
妃園寢之例俱用月臺今修建

太妃園寢著仿照方城式樣上建碑樓其規

模酌量簡小用綠色琉璃瓦料○定遣犯僉發
改發之例諭九卿等凡外遣人犯近日改發
烟瘴地方者因此等惡人不宜在盛京等
處使滿洲直樸之習有所漸染也但伊等原
係發與口外駐防兵丁為奴之犯聞彼地兵
丁有籍以使用頗得其力者且內地軍流入
犯太多地方官亦難管束朕曾向王大臣等
諭及今九卿會議盧焯條奏安插軍流人犯
一疏應將朕前諭外遣人犯作何按其情罪

分別內地外地遣發之處一併妥議具奏尋
議查各項發遣為奴之民人律例載有三十
餘條其情罪輕重不甚懸殊但就其中力堪
使用於口外兵丁有益者量為酌定請嗣後
民人內有犯強盜免死減等者強盜行劫數
家而止首一家者夥盜供出首盜即時拏獲
者竊盜拒捕殺人為從者偷創墳墓二次者
謊稱賣身旗下者民人謊稱旗下逃人者民
人假稱逃人具告行詐者民人賣逃買逃者
以上九項遣犯查明有妻室子女照舊例發
發寧古塔黑龍江等處給披甲人為奴如無
妻室子女者伊等無家可戀隻身易逃難於
使用應將此等無妻子之遣犯并其餘各項
遣犯悉照乾隆元年定例改發雲貴四川兩
廣等省分別極邊烟瘴與烟瘴少輕地方交
地方官嚴行管束如此庶外遣者口外兵丁
得資其力而該犯身家得所亦知自新其改
發內地遣犯不至過多該地方無難管束又

據福建巡撫盧焯條陳。各省安插軍流人犯。多貧窮無賴之徒。不論老少。俱撥入養濟院。給與口糧等語。查雍正九年定例。軍犯年逾六十。不能食力者。撥入養濟院。給與孤貧口糧。其年力少壯者。聽其在地方各自謀生。仍交地方官管束查點。今若概行撥院養給。伊輩遊手聚處。必致更生事端。甚屬非宜。現查閩省各州縣有驛遞之處。自有一切應用人夫。應派此等少壯軍犯充給。應得工食。其無驛遞州縣。令充公用役夫。逐日給工價。地方官并易稽查。再閩省係沿海之區。安插六省軍流。衛所久經裁汰。因稍為通變。其他省風俗懸殊。不可執一而論。應照現行定例辦理。毋庸更張。從之。○刑部等部奏。原任粵海關監督祖秉圭。侵欺各項銀。共一十四萬餘兩。奉雍正十一年十月

諭旨。祖秉圭依擬應斬。著監候。將應追銀兩。限二年交完。倘逾限不完。著請旨。即在廣東正

法。今屆二年限滿。僅追銀二萬餘兩。尚未完銀一十二萬兩。有零。祖秉圭應即在廣東正法。其未完銀果否家產盡絕。仍令該督該旗確查送部核辦。得旨。祖秉圭改為應斬。著監候。秋後處決。餘依議。○工部議覆河東河道總督白鍾山。疏稱沿河廳員俱有管理閘座。查察屬員之責。因未定處分。並不實力稽查。請嗣後遇有閘官越漕啟板。洩水誤漕者。將該管廳員議處。應如所請。除閘官混行啟放。應斥革外。廳員不行稽查者。降一級留任。迴護徇隱者。降三級調用。又東省閘河。請照南旺熱壩挑河之例。將重運糧船盛行之時。官民等船。隨漕打放。不許逼勒開閘緣由。兵部頒發清漢字告示一張。刊刻木榜。豎立各閘。曉諭申禁。從之。○丁未。

上詣

皇太后宮問安。○豁倉場運役扣項。支給腳價。諭總理事務王大臣。查康熙四十五等年。京

通各倉。浥爛米石甚多。以及修理間座核減銀兩。大通橋掣欠。並坐糧廳虧空案內。各役透支脚價共銀二百餘萬兩。題明於官役名下分賠。又續據倉場侍郎題明。運役應賠銀兩。於運進京通各倉拉運脚價內。每年扣除二成。帶銷還項。其倉役應賠銀兩。於祿米十一倉。倉夫抗運脚價內。每年扣除六成。帶銷還項。於舊太二倉。倉夫脚價內。每年扣除八成。帶銷還項。雍正九年內。經戶部查奏。奉

皇考恩旨。將倉場官員虧空豁免。而各役應賠銀兩。因運價寬餘。未准豁除。朕思此項虧欠。歷年已久。各役已經更替。前人作弊。而於後人名下扣還。未免滋累。且雍正十二年。經鄂善奏明。將運價核減。而帶銷銀兩。仍令賠還。情稍可憫。著將各役未完銀兩。悉行豁免。使伊等均霑恩澤。此項既經寬免。嗣後運役脚價。即照雍正十二年鄂善奏明核減之例支給。其倉役抗夫脚價。照倉場原議。以五成給

發。令倉場侍郎等嚴飭所屬員役。務須恪遵功令。毋蹈前轍。著戶部即遵諭行。○豁免虧空。禁用家產盡絕字樣。諭王大臣等。朕臨御以來。凡八旗部院及直省虧空銀兩。施恩豁免者。已不下數千萬。溯其虧空之源。或係侵蝕。或係那移。侵蝕者。以公家之帑金。充己身之私橐。其罪固無可逭。而那移之項。則由辦理不能妥協。苟且遷就之所致。亦屬罪所應得者。是以當年我

皇考世宗憲皇帝。分別著追。以示懲儆。原出於不得已。即朕今日之加恩寬免。亦出於不得已。並非以伊等數十年之虧欠。一旦豁免。遂謂人人蒙澤。而以為快舉也。朝廷體恤臣工。詔釋授祿。原以厚其身家。長其子孫。即為臣子者。服勤宣力。亦自應思世沐恩榮。長叨覆露。豈有以身犯法。虧欠帑項。累及子孫。而倖逃國典。轉相慶幸。以為得計者乎。是朕心實不願於此等事。加恩天下臣工。亦不當於此

等處望恩也。且夫公爾忘私。國爾忘家。乃人臣事君之大義。今縱不能屏棄身家之念。亦當思所以保全身家。為久長之計。若苟圖一時之利。罔顧後害。以致身敗名裂。貽累後人。則下愚之甚者。及至虧空被劾。身家已傾。子孫並獲罪戾。而後希冀豁免。又何如謹身節用。遵守法紀。早自立於無過之地。以長沐國家養育之恩乎。況虧空國帑。必須稽查。縱能掩飾於一時。不能不敗露於異日。至敗露之後。而得恩免。乃朝廷格外之曠典。尤非可以屢邀者。內外臣工。有應得之俸祿養廉。於仰事俯育。亦足自給。所當各自猛省。嚴義利之辨。審禍福之關。毋得縱慾敗度。自貽後悔。至於題奏虧空案件。動云家產盡絕。夫所謂家產盡絕者。必上無片瓦。下無立錫。飢不得食。寒不得衣。有不可終日之勢。若今所謂家產盡絕之人。衣食未嘗虧缺。家口仍得支持。不過無力完帑。遂過甚其辭。以邀恩免。而實非

至於此極也。夫國家享億萬年無疆之休。惟冀大小臣工。永沐恩膏於勿替。若至於家產盡絕。豈厚待臣工之意。况本無實事。而徒存此虛名。又何為者。嗣後一切虧空案件。仍照舊例辦理。如有實在不能完納者。但當云無力完帑。出具保結。不得用家產盡絕字樣。著將此旨。傳諭內外臣工知之。○禮部議覆翰林院侍講學士喀爾欽奏請繙譯一科。以性理精義。小學命題。請敕主司。會同房考。於每題後。括其大義。總論數語。令一同繙譯。庶絕記誦懷挾之弊。又向來場屋編號。每號聚八九十人。不無彼此通融。代倩更改。嗣後鄉試每號分坐十人。會試每號三人。仍令監試提調官。嚴查於進號之時。則一號坐人甚少。庶免此弊。應如所請。從之。○戊申。吏部議覆直隸總督李衛疏。請以通州管鹽州同。巡查土壩地方。通州管糧州判。巡查石壩地方。各分司漕務。鑄給鈐記。應如所請。從之。○工部議

覆署河南巡撫尹會一。疏稱豫省硝觔自改聽民間交易以來殊於貧民有益。惟是每當鄰省採買之時。數多不易足額。及至買畢。又硝多無從出售。貧民煎熬度日。轉覺生計難資。請嗣後產硝地方。聽收硝行客運往售賣。仍將硝觔數目。及運賣處所稟明州縣官。給發印結。以憑關會查驗等語。查採辦硝觔。最嚴夾帶。今若聽行客販運。恐不肖商行。易啟將多報少。私行夾帶等弊。且如江浙兩省。皆近海濱。湖廣地方。苗犛雜處。倘有透漏。所關尤鉅。應仍令遵照定例。不許私販出禁。從之。

○己酉。

上詣

壽皇殿行禮。○諭總理事務王大臣。通州至天津一帶河路。向係坐糧廳管理修濬。聞近年以來。淤淺之處甚多。糧艘及民船往來。殊屬艱難。前命趙殿最。安寧前往直隸等省。查勘水道。事竣回日。可會同顧琮。李衛倉場侍郎。

詳細閱看。作何料理。開濬之處。妥協定議具奏。尋議天津溯流而上。沿河設有兵弁。並無官員管轄。難免有名無實。應添設漕運通判一員。駐劄張家灣。專司疏濬事宜。屬坐糧廳管轄。並設把總二員。外委四員。聽通判調遣。又議普濟等四閘。屬通州地方。慶豐等七閘。屬大興縣地方。現止閘官二員。但司啟閉。不能兼顧隄岸。應添設吏目一員。屬通州。主簿一員。屬大興縣。遇有應挑修處所。查明丈尺。段落報坐糧廳核實修濬從之。○庚戌。

上詣

皇太后宮問安。○辛亥。戶部議覆安徽布政使晏斯盛條奏。一。勘災先宜查報。應賑戶口。以速賑濟。嗣後如遇地方水旱。一面題報情形。一面查明應賑飢口。即先發倉賑濟。於四十五日限內。題明加賑等語。應如所奏辦理。俟賑務竣日。將賑過戶口。需用糧石。題銷。其被災頃畝分數。及應免錢糧數目。核實造報。

丁漕銀兩。應一體蠲免。田地被災。錢糧得蒙蠲免。漕項銀兩。例不准豁。惟是漕項出於田畝。與地糧解款雖分。民間歷係一條鞭徵。通行完納。並不分晰何項為地。何項為漕。或免或不免。則災前已完在官。及次年補徵。應完之銀。查扣紛雜。小民難於周知。吏胥乘間影射。易啟重徵。請一併准照成災分數蠲免。再丁銀一項。原係另款徵收。不在田畝出辦。是以被災例不蠲免。江省自雍正六年題明。將丁銀攤入地畝徵收。則被災亦應蠲免等語。查漕糧凡遇災蠲。例惟改折。間有異災。係奉特免。又災地漕米。例按分數改折。或災重亦准全折。蓋漕糧不容缺額。即漕項輕齎等銀。亦係辦漕必需。隨漕交納。是以從前祇有改徵折色之例。間有蠲免。乃出特恩。原非定例。請嗣後有被災地方。令督撫勘實。或應分年帶徵。或按分數蠲免。臨時具題。請旨至丁銀。自攤入地畝均徵之後。設有災荒。亦應如所

請酌免。一停徵宜查照四鄉收成分數。分晰酌辦。除豐收之鄉。照常催徵。毋庸再議外。所稱成災田地。應將都圖里甲花名。飭令州縣於實徵冊內剔出。另造一冊存案。俟次年啟徵。另行設櫃。仍於完票內填明災戶等語。應如所奏辦理。一補徵宜將新舊錢糧分別。災地例於次年麥熟後補徵。若新舊並納。小民不無拮据。似應將災地錢糧。於次年開徵時。只催舊欠。其當年錢糧。准於九月後催徵。至災地有延至深冬。方得雨雪。及積水方退者。逾時始得佈種。此等地畝。應令地方官查實。將新舊錢糧。概緩至秋成收納。應如所請。通行各省。一體遵照。從之。○壬子。侍衛松福等奏。遵旨查賑固安永清東安三縣。現在永清東安二縣。馬爾拜已於文安事竣之日。奏請辦理。其固安縣衝淹村莊。前所帶庫銀二千兩。除霸州給賑外。存餘無幾。應行咨戶部。發銀遣員。齎至賑所得旨。該部速行給發。○戶

部議覆。四川巡撫碩色疏報。射洪彭縣德陽雷波等四縣衛。開墾荒地四頃有奇。應徵銀兩。按則起科。廣安屏山大竹射洪。捷為江油樂至等七州縣。漏戶地畝三十頃有奇。應增入乾隆元年分額賦補徵。大足劍州資陽等三州縣。重糧地畝三頃有奇。應准開除。從之。

○又議准。湖北巡撫楊永斌疏報。漢陽府屬之漢川黃陂孝感黃州府屬之黃岡麻城等五縣。本年蛟漲災民。動支存公銀兩。分別賑卹。得旨。依議速行。

○工部議覆。江南河道總督高斌疏請。山陽縣真武廟隄南。加幫隄四百七十丈。阜寧縣童家營慮舖二處。添築越隄一千三百五十丈。安東縣蘇家港添築越隄六百丈。望家馬頭丁塘溝二處。加幫隄一千四百五十丈。高郵州甘泉縣一帶運河西隄。年久石工倒卸。應行補修。長二百四十八丈。以上勘估物料夫工銀三萬五千二百兩零。動支河庫銀兩。分給趲修。應如所請。從

之。○考試直省乙卯科選拔生員。命刑部尚書那蘇圖。兵部尚書甘汝來。工部右侍郎張廷瑑。內閣學士索柱。閱卷。○癸丑。

上御乾清門聽政。○詣

皇太后宮問安。○總理事務王大臣等奏。八月二十三日。

皇上於

雍和宮。舉行再週之禮。

泰陵請遣王恭代行禮。得旨。王大臣所奏。知道了。

皇考再週之期。朕親詣

泰陵行禮。仍遵前旨行。

皇太后既不前往。則隨從官員人等。可俱從簡。少。京師至易州之七州縣。本年錢糧。已經蠲免。若駐蹕之處。有妨田禾。著李衛查明。再酌行賞給。○總理事務王大臣等議覆。直隸按察使多綸奏。豫籌積貯事宜。直隸統轄一百四十五州縣衛。積穀僅一百四十餘萬石。遇

荒不敷糶濟。請動帑糶麥糶穀。並聲明麥不耐久。請陸續以麥易穀。貯倉備用。應如所奏。准其動帑糶貯。但州縣大小。收成豐歉不同。若一概定以應糶成數。計以年限。似未盡善。應令直督李銓酌量情形。確查詳議。題明存案。俟豐年價賤。即行動帑採糶。其所稱麥性不耐久貯。自應陸續出糶。即將糶價買穀還倉。又所稱糶價。向係提貯府庫。至發領之時。易換銀錢。多有折耗。且滋輾轉解領之繁等語。應令該督轉飭。毋庸提解。仍委員不時盤查。又所稱需用倉廩。應令該督酌請修建。其貯穀之倉底鋪板一節。豫防霉變。甚為有益。但地方燥濕不齊。產木之遠近。購木之難易不一。應令各督撫。各按情形。詳查題覆再議。從之。○以左副都御史陳世倌為總督倉場。戶部侍郎。○直隸河道總督劉勳。以河工疎防草職。留工効力贖罪。○甲寅。諭總理事務王大臣。御史栗爾璋條奏。河西寧朔等處。更

名府田。徵糧較重。應行減輕一件。又河西。河東等處。有水衝沙壓地畝。應將額糧開除一件。經王大臣議。令交與陝甘督撫。確查具奏。朕已降旨依議。但思栗爾璋。乃甘肅地方之人。或實有所見。而為此奏。或瞻徇桑梓。而為此奏。二者均未可定。爾等可寄信與巡撫德沛。令其秉公據實查明。定議具奏。若非確實應行之事。則不必多此一舉也。○誠九卿定議。毋附會。諭九卿。凡勅下九卿定議之案。或因關係倫常。或情節稍涉疑似。欲伊等揆情度理。克協於中。此正所以示慎重。期平允也。如前議尚有未協。自當改擬。如前議確當。不可以朕旨交議。稍存附會之見。近來九卿仍照原議進呈者。朕未嘗不允行。嗣後須虛心求理。務使情法兼善。以成明允之治。○復設禮部鑄印局。漢員外郎一員。○旌表守正捐軀之山東范縣民魏羣妻王氏。○乙卯。總理事務王大臣等奏。懇停止親詣

泰陵得旨。諸王大臣。既稱高阜平原。禾黍暢茂。正當收穫垂成之時。恐防人馬踐踏。懇請八月停止親詣。以順民情等語。朕只得勉從所請。此次停止親詣。著果親王前往行禮。○是日起。

上以祭

社稷壇。齋戒三日。○丙辰。定蠲賦文到已輸。准作次年正賦。諭總理事務王大臣。蠲免錢糧。所以紓民力而惠黎元。或偏災偶見。尤宜急加寬恤。故周禮荒政。以薄征為先。乃不肖州縣。一聞蠲免恩旨。往往於部文未到之前。差役四出。晝夜催比。追呼之擾。更甚平時。迨詔旨到日。百姓已完納過半。朝廷有賜復之恩。而閭閻不得實被其澤。甚至官吏分肥。侵漁中飽。情弊種種。深可痛心。我

皇考世宗憲皇帝。洞悉其弊。雍正十一年八月內。蠲免甘肅地丁銀兩。奉

旨。將已完在官之項。准抵明年正課。此誠萬世

之良規。所當遵奉者。嗣後凡有蠲免。俱以奉

旨之日為始。其奉旨之後。部文未到之前。有已輸在官者。准作次年正賦。永著為令。如官吏朦混隱匿。即照侵盜錢糧律治罪。○又諭。前命翰林科道官員。輪日錄呈經史講說。以資披覽。今科道輪次已週。著仍照前與翰林官員。分日錄進。○總理事務王大臣等議覆。尚書那蘇圖奏。各部院冊檔。俱交書吏收貯。恐有任意更改。應特派人員管轄。請於每旗佐領下。選通曉漢文者三十名。另設一學。由八旗廢員內。另擇熟諳律例者三員。作為教習。俟三年期滿。令內務府大臣等考試。分部行走等語。應如所請。准其揀派習學。俾於衙門事務有益。且書吏弊端亦可漸除。從之。○是月。直隸總督李衛奏。本年八月。

皇上展謁

泰陵期近。籌辦營盤道路橋座。因今歲閏月。節候稍遲。晚禾在田。仰體

皇上惠愛萬民至意。不敢聽民即為芟刈等語。得旨。昨據王大臣再三陳請。俱以有傷民務。朕不得已。勉從所請。亦因今年春夏亢旱。秋復憂澇。百姓甫見長出禾苗。實不忍令其芟刈也。但明年乃三週之期。必當躬謁。卿其豫知之。彼時雖衆議紛紛。有所不顧矣。○又奏。地方雨水情形。現應賑恤安頓事宜。得旨。知道了。直隸春夏亢旱。甫得雨澤。又有澇災。小民其何以堪。若賑恤之策。再不妥協。則吾君

高宗實錄卷四十七

三

臣何以覲顏對衆人乎。○兩江總督慶復奏。安徽黟縣。南陵。太平。銅陵。石埭。懷寧等六縣。蛟漲。及桐城。潛山。歙縣。繁昌。合肥。巢縣。舒城。滁州。全椒。和州。含山。六安。英山。霍山。等十四州縣。水災。酌量撫恤。得旨。知道了。被水災黎。務必加意賑恤。毋致失所。○又奏。下江上元。江寧。句容。溧水。高淳。江浦。常熟。昭文。陽湖。武進。無錫。金匱。江陰。宜興。荆溪。靖江。丹徒。丹陽。金壇。溧陽。鹽城。泰州。興化。等二十三州縣。田

畝被淹。間有一二不能補種者。及各屬糧價。間有稍昂之處。照例平糶。其倉儲無多地方。酌量豫為撥備。得旨。知道了。倉儲無多。何不設法買補。○閩浙總督專管福建事。郝玉麟。奏。羅源。連江。二縣。溪水驟漲。淹沒房屋。民人得旨。賑恤被災之民。常如己飢。已溺。刻不容緩。若待奏報批示後。始行盡心料理。已屬無濟矣。○兩廣總督鄂彌達。奏。廣西寧明州地方。力募琴力。二村土民。最為頑劣。有著名土惡。黃兆運。黃勝文等。藉稱修廟。統衆肆橫。現在拏獲究審。請照從前處治土棍。麻日斗之法。予以杖斃示儆。奏入。報聞。○四川提督王進昌。奏。明正土司現護宣慰印務土婦喇章。任用伊父小金川土司湯鵬。遣來隨侍之人。以致恣擾無忌。伊夫叅堅達結在日。原係一身兩官。尚有所遺。董卜韓胡宣慰印務。委妾王氏護理。因王氏生有二子。將來及歲。應襲喇章憤已無出。故欲蓄聚金川番衆。佈黨積

高宗實錄卷四十七

五

威挾制爐民據為後計應及早酌辦以杜勾結啟釁現委道將前往開諭曉以利害令其悔悟自新等語得旨知道了汝已遣人前往方行具奏何益耶但囑令相機合宜毋致滋事可耳○又奏松潘鎮屬黃勝關口外各番每年鎮臣出口宣諭化導沿途派用烏拉採買牛羊等項不免苦累窮番請俟鎮臣馬義陞見回任從長酌定釐正得旨所奏是馬義若不遵從即行參奏○署河南巡撫尹會一

實錄卷四十七

五

奏請動生息餘銀建設營倉買貯穀石以資兵食得旨好最應如是辦理者○山西巡撫覺羅石麟奏萬泉臨晉榮河等三縣被旱榆次平定壽陽孟縣和順等五州縣被雹鳳臺縣被水飭屬查明賑恤得旨知道了查賑一事須當極力拯救務使災黎不致流離失所方為稱職也○河東河道總督白鍾山奏豫東黃沁兩河伏汛水勢工程平穩得旨直隸永定河異漲非常朕方為河工厯懷覽此奏

曷勝欣慰○湖廣提督顏清如奏官兵全獲瑤盜蒲寅山鳳老一等併投首匪黨兇盜家屬約共六百餘名口奏入報聞○陝西固原提督樊廷奏豫防準噶爾事宜得旨先事豫防亦所當然已交總理事務王大臣議奏矣○福建臺灣總兵馬驥奏官兵全獲加志閭新港二社在逃兇番武葛猶六干交騰奇母胆馬豁奇母等併將家屬擒解兇番全獲奏入報聞

實錄卷四十七

五

大清高宗法天隆運至誠先覺體元立極敷文奮武孝慈神聖純皇帝實錄卷之四十七

大清高宗法天隆運至誠先覺體元立極敷文
奮武孝慈神聖純皇帝實錄卷之四十八

監修總裁官經筵講官太子太傅大學士大鴻臚卿領侍衛內大臣稽察欽奉
上諭事件處管理

吏部理藩院事務正黃旗滿洲都統世龍騎都尉軍功加七級隨帶加一級尋常加二級軍功紀錄一次臣慶桂

總熱官經筵講官太子太傅文華殿大學士文淵閣領閣事稽察欽奉
上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

救修

乾隆二年丁巳八月丁巳朔祭

寶集卷四八

先師孔子。遣和親王弘晝行禮。○戶部議覆
署陝西巡撫崔紀疏言。朝邑地濱黃河。伏汎
陡發。衝塌民房四百餘家。已相度高阜處所。
設廠安歇。漸次築蓋房屋。其中有實在貧民
無力者。請酌動存公銀兩。給令建蓋。應如所
請。從之。○賑卹陝西安塞保安安定等三縣
被雹災民。緩徵額賦。○以故四川寒盼寨土
千戶丹巴札什之子增巴肖襲職。○江蘇巡
撫邵基疏報。長洲宜興荆溪清河銅山等縣。

乾隆元年分。開墾田地五十九頃九十八畝。有奇。○山西巡撫覺羅石麟疏報。察哈爾多內蘇磨地方。呈出該旗游牧處所。作為正項納糧田地。共四十二頃十畝有奇。○戊午。祭

大社。

大稷。

上親詣行禮。○詣

皇太后宮問安。○己未。總理事務王大臣等議覆給事中陳履平叅奏御史富德一案。得旨。

富德身任巡察。乃向該城鋪戶賒取緞匹。顯有挾勢求索情弊。何得議稱不便計贓科罪。富德著革職。交部從重治罪。其李雲鵬通賄一案。伊等畏罪。自然不肯承認。著該部嚴審具奏。餘依議。○又議覆。協辦吏部尚書事務。顧琮會同直隸總督李衛。總河劉勦。籌畫永定河工。奏稱。河自故道淤塞以來。多成旗民廬舍。求復當時舊規。聽其遷徙自流。勢不可得。欲圖善後之策。莫若倣照黃河遙隄之法。

請將鵞房村南大營之下。張客水口之北。接築大隄。由東安。武清二縣之南。至魚壩口之官修民埝。一律加築。為永定河之北岸。再將金門閘之上。堵築橫隄。聯絡東岸。以舊時原有兩隄。并河身之淤高者。俱為南岸。約寬十里。內外留為水發時容納去向。其居民廬舍。或圈隄北。或遷隄外。量給折費等語。查永定河故道不復。而水高於地。不亟籌開濬。徒以堵築為事。恐下流之宣洩未暢。上流之淤墊依然。果否足資暢達。不致潰溢。并民間廬墓。作何安插之處。請仍交顧琮。李衛等。詳加相度。繪圖呈覽。得旨。依議速行。○湖南巡撫高其倬奏。城步等縣。兇猛蒲寅山等不法。已調官兵擒獲撫諭。得旨。高其倬奏報苗獠兇首俱擒。官兵撤回本汛。知道了。此次辦理苗獠之案。吏貽直。高其倬調度有方。俾兇首黨惡各犯。不至漏網。甚屬可嘉。俱著從優議叙。所有在事出力之官弁兵丁。著該督撫查明等

次。分別議叙賞卹。具奏請旨。其怠玩不職。有應題叅者。一併查叅。下部知之。○庚申。諭總理事務王大臣。向來每年熱審之期。凡應杖責者。有八折之例。內外通行。本年福建巡撫盧焯條陳熱審事宜。經刑部議稱。律文無八折之條。地方有司。或將笞杖之罪。概行八折。則輕重混淆。未為允當。嗣後每遇熱審之期。將一切案件。應行減等寬免之處。務令畫一遵照定例。不必復行八折等語。朕思小民之犯杖責者。其罪本輕。而盛暑之中。量減其敲扑之數。乃國家寬卹之仁。八折之例。由來已久。不當以有司之偶然奉行不善。而輕為改易者。著刑部另行妥議具奏。尋議。凡一應杖責之犯。時遇熱審。於減等之中。仍照舊八折發落。從之。○賑恤甘肅平番蘭州金縣河州等四州縣。被旱災民。緩徵額賦。○辛酉。

上詣
皇太后宮問安。○壬戌。諭總理事務王大臣。直

屬地方。夏秋之間。雨水過多。高阜平原。秋成可望。低窪之處。祇可補種秋麥。收成之期。須待來春。現今糧價日漸昂貴。民食未免艱難。朕心深為軫念。前於天津北倉。截留漕米五十萬石。原為備賑之用。若於此時。即將截留之米。酌撥被水州縣。減價糶賣。以平時價。待各處秋成之後。糧食流通。再酌量停止。實於民生有益。著派侍衛。部員等前往。會同該督李衛。悉心商酌。應撥米石若干。其如何減價分糶之處。著派出之侍衛。部員。會同該地方官妥協辦理。○總理事務王大臣議覆。著陝西巡撫崔紀奏稱。陝省西。同。二府。邠。乾。二州。所屬三十餘州縣。禾苗乏雨。糧價日貴。該處常平倉穀。并道倉兵糧。將來借糶。恐不敷用。惟鳳翔府屬。一州七縣。倉貯尚多。應令由渭河運至省城。以供分賑平糶。再請照雍正十一年例。勅豫省偃師等七州縣。將倉穀碾運赴陝。以備冬春借糶之用。又西。同。二府。各州

縣屯民。今年應納本色。豫備官兵月糧。恐秋收歉薄。必致輸納維艱。前撫臣史貽直。曾奏准將康熙六十年。雍正十一年。兩次所收豫米。借給屯民。完納兵糧。於秋後還倉。易穀存貯。請照此例遵行。查陝省雨澤愆期。兵民不無乏食之慮。應如所請。將鳳翔府屬倉穀。動用存公銀兩。運交咸。長。二縣。分賑平糶。并勅河南巡撫尹會一。將偃師等七州縣貯穀。碾運陝省。至屯民應完本色。亦應如所請。將分貯咸。長。等州縣從前屯戶繳還之豫米。酌量借給。俟明歲秋收。照數還倉。報部查核。得旨。依議速行。○戶部議覆。內閣學士凌如煥奏言。本年七月內。盧溝橋一帶水災。奉旨特派侍衛等齎銀前往。會同地方官查明安頓。該處幸以地近郊畿。不俟地方官奏報。遂得早達。宸聰。悉邀拯濟。至如直隸各省。凡遇偏災。例由州縣申詳。督撫委員確勘。始行疏報。必俟部

文到日。然後推恩。恐已經流離之民。難以懸待。請嗣後直省州縣。倘有被水及蝗蟲冰雹颶風等災。驟至者。督撫聞報日。即酌撥存公銀。委員帶往。會同地方官查明。量給安頓。其急需賑濟者。亦許地方官將倉穀量賑報銷。均不必俟部文到日。再被災時。鄉里富戶。有能出貲安插。不致窮民失所者。地方官查明申報。另加優賞。均應如所請。惟蝗蟲為災。例應該地方官撲滅掩蓋。非水災驟至可比。應仍俟奏報。請旨遵行。從之。○又議覆。巡視南漕給事中倉德等奏言。雍正七年。奉

諭旨。糧船過淮。著派御史二員。前往淮南。專司巡察。至抵通時。亦著派御史二員。前往巡察。查揚州為各省幫船進口會集之處。現止漕臣委員分管。而無稽察約束之專員。至糧船過淮後。漕臣及巡漕等。向隨幫尾查趲。而山東河南及江南徐宿等處。不過淮之各幫船。首先進發。以及在前已過淮之各幫船。歷山

東河南直隸三省河道二千餘里。一切難以周知。請嗣後將巡漕四員。一員駐劄淮安。巡察江南江口起。至山東交境止。一員駐劄濟寧。巡察山東臺莊起。至北直交境止。一員駐劄天津。巡察至山東交境止。一員駐劄通州。巡察至天津止。應如所請。於乾隆三年為始。按駐劄處所。請旨簡放。從之。○山東巡撫法敏疏陳。酌增律例全書條款。一諱竊律無正條。若照諱盜草職。未免輕重無分。若照應申不申。僅予罰俸。亦非所以警官邪。應以降調處分。附諱盜條例下。一殺一家非死罪二人。及非一家而殺三人者。定以斬決。但謀故闕毆。概擬斬決。似無分別。應改為擬斬監候。庶於故殺法有比合。一例載軍民相姦者。姦夫姦婦。各枷號一個月。杖一百等語。應將原律加和姦一等。杖九十者。加為枷號三十五日。原律加和姦二等。杖一百者。加為枷號四十日。併杖一百。增入本例下。一律載姦夫自殺

其夫姦婦雖不知情。絞監候。此指已殺者而言。若傷而不死。應將姦婦照已殺律減一等杖一百。流三千里。照例准贖。給與本夫。聽其去留。一。負罪潛逃加倍之例。既蒙停止。其知情藏匿罪人者。原係因人連累。應照本例減罪人一等問擬。其犯罪事發在逃。律後之定例。並畫一刪正。一定例在京問擬徒罪人犯滿日交原籍地方官管束。倘私自出境。及在本處生事者。即擬流遠省等語。但例內未經分別原犯情由。應除強竊盜併光棍案內之犯。仍照常例外。其餘徒犯限滿回籍。如因不能度日謀生外出者。免其管束。倘仍舊為匪。照例擬流。或見犯之罪重於流者。從重科斷。得旨。該部知道。○滿洲繙譯鄉試。以刑部尚書那蘇圖為正考官。吏部右侍郎阿山為副考官。蒙古繙譯鄉試。以理藩院右侍郎班第為考官。○癸亥。

上詰

皇太后宮問安。○禮部議覆刑部尚書管國子監事孫嘉淦疏陳。嗣後六堂肄業貢生。以三百名為定額。每堂分撥五十名。以三十名為在內肄業之缺。二十名為在外肄業之缺。凡到監之恩拔歲副優貢監生。擇其品端文優者充補。寧缺無濫。至在外肄業者。恐伊等館地遠近不一。難於稽查。應令國子監祭酒嚴立課程。勤其考校。又嗣後肄業貢監。設立經義治事二條。明經者。或治一經。或兼他經。務取

御纂折衷傳說諸書。探其原本。於人倫日用之理切實講明。治事者。如歷代典禮賦役律令邊防水利天官河渠算法之類。或專一事。或兼數事。務窮其源流。考其利弊。三年期滿。即以所學定其等第。均應如所請辦理。惟稱拔貢肄業期滿。向止選用教諭。計得官必需二三十年。請將肄業貢生。至期滿後。由祭酒等分別等第引見。以知縣教職分發各省即用。

未免過優。應請嗣後拔貢到部。停其揀選引見。仍由禮部奏派大臣考試後。劄監肄業。其中果有人品卓越。學識醇茂者。該祭酒等於期滿後。保舉引見。恭候欽定。以知縣教職簡用。其餘堪任訓迪者。仍照定例。以教職入於雙月。恩拔副捐。輪用兩週之後。選用一人。其本班頂選者。仍歸原班選用。從之。○刑部議覆御史周紹儒疏言。直省遞解人犯。雖有沿途給口糧之例。但均係州縣捐給。銜途解犯絡繹捐墊。維艱。給發難徧。或致餓斃堪憫。請嗣後發遣軍流及一切遞解人犯。照支給囚糧例。在存公銀內動支。應如所請。從之。○甲子。遣官祭關帝廟。○諭總理事務王大臣。目今因修理奉先殿。恭請列祖列后神主。暫安奉太廟中殿。今八月初九日。

太宗文皇帝忌辰。十一日。太祖高皇帝忌辰。此二日。朕欲親詣太廟中殿行禮。著總理事務王大臣。會同禮部。查明禮儀具奏。尋奏。向來恭遇列祖列后忌辰。皇上親詣奉先殿行禮。俱用素服。至於四時享祭。及太廟告祭。皇上親詣行禮。俱用朝服。並無素服入廟之制。再查禮部前奏。謹議奉先殿列祖列后神主。請暫安奉太廟中殿。其興工以至告成之間。朔望一切祭祀。暫行停止。俱係遵照康熙十八年。修理奉先殿舊例。彼時每遇忌辰。聖祖仁皇帝。亦未親詣

太廟中殿行禮。此次

太祖

太宗忌辰。未便於

太廟素服行禮。應請停止親詣。至八月二十三日。

世宗憲皇帝再週之期。

皇上親詣

雍和宮行禮。於

太廟行禮之處。亦應請停止親詣。得旨。允行。○

又諭。數年以來。各省督撫。往往奏稱某道某府。不勝外任。請調京改補。朕欲驗其人才。常允所請。令送部引見。酌量補用。今馬宏琦奏稱。黜陟本有恒規。內外無容偏重。微特衰廢者不宜復玷曹司。即平常者亦不應數行改補等語。朕思內外原屬並重。部曹亦為要職。督撫等於所屬道府內。有不能勝繁劇之任者。即當奏請調簡。若并不能勝事簡之任。即應勒令休致。何得輕視京職。而為苟且姑容。

之計。以便其私耶。人君日理萬幾。所降諭旨。豈能必其盡當。司言責者。果能據理直陳。於政務自有裨益。殊非託之空言。而無濟於實用者。可比。馬宏琦所奏可嘉。著交部議叙。并將伊原奏。發各督撫知之。○乙丑。

太宗文皇帝忌辰。遣官祭

昭陵。○吏部等部議覆。兩廣總督鄂彌達疏言。粵西梧州。為通省運鹽總匯。前經奏准。添設運同一員。查廣東潮嘉汀贛運同所屬。有知事一員。應請廣西照例添設。駐劄梧郡。並建衙署。應如所請。從之。○戶部議覆。署河南巡撫尹會一疏言。豫省漕運。前經原任巡撫富德。以杞縣等四十州縣。遠離水次。請將額徵米豆。改徵折色。但今昔情形不同。請將祥符等三十一州縣。離水次在四百里以內者。增給腳價。仍徵本色。其永城等十九州縣。離水次較遠者。既難徵收本色。應照採買之例。折徵銀兩。飭令該州縣。前赴水次採買。遴選通

判數員專司其事。其價查豫省向來每米一石徵銀八錢。所有從前節省銀一錢五分。留為地方官添補米價之用。免其解部充餉。如果歲歉價昂。仍於臨時酌辦。應如所請。從之。

○丙寅。

上詣

皇太后宮問安。○諭總理事務王大臣。朕聞江南碭山縣段家莊大壩以外。一帶河灘。因黃河水勢漫溢。約長四十餘里。寬五六里。十里不等。居民廬舍被淹。田禾受傷。不能收穫。祇因該縣秋成豐稔。不過一隅被災。又係隄外河灘。是以地方官未經申報。朕愛養黎元。惟恐一夫不獲其所。今此被水人民。棲身無所。餬口無資。深可軫念。著該督撫。即飭地方有司。迅速查明。撫綏賑卹。務使登之衽席。毋得以漫灘被水。乃事勢之常。稍有忽視。○總理事務王大臣。議覆通政使德爾敏奏稱。直隸涿水縣之拒馬河。在

秦陵東南辰方出水。今河頭被碎石淤塞。向來南流之水。轉向東流。應令欽天監監正明圖。帶領通曉風水之人。即會同德爾敏等相度疏濬。其工程令地方官辦理。奏入報聞。○又議覆歸化城將軍王昌奏。新駐兵丁。應議事件。一。原附右衛蒙古裁汰餘兵五百名。請編為五個佐領。移駐新城。仍照原議支給官弁俸餉。一。新城駐劄兵丁。須得熟諳之員經理。請將右衛官員酌量送部引見調補。一。新城將軍以下。筆帖式以上。應得米石馬匹。照右衛例支給。一。新城應設鐵匠箭匠。照右衛例挑取。給予銀糧。一。將軍儀衛。照提督例。副都統儀衛。照總兵例。由巡撫處領取執事人。應得銀兩。照右衛例。在同知庫內支取。一。新城應用旗纛。照例由部領取。一。兵丁馬匹。除現有分給外。尚有不敷。由扎薩克辦給。一。每佐領設領催四名。每名給錢糧三兩。一。請設左右兩司。給與關防。協禦給與圖記。均應如所

請辦理。惟稱將右衛隨印前鋒。隨往新城。伊等轉有遷徙之勞。應令於新駐兵內挑取。添給錢糧一兩。其原存右衛者。酌量挑取。隨副都統駐劄。其餘陸續裁減。又軍器一項。自應豫為製辦。請每兵四名。給帳房一架。器械計人分給。共給鳥鎗六百桿。選擇兵丁。令其練習。火藥等項。由部支領。又拜本練兵等事。應用礮藥。由地方官領取。從之。○丁卯。

太祖高皇帝忌辰。遣官祭

福陵。○總理事務王大臣議覆侍衛高福奏。京南一帶燒鍋之家。多有囤積糧石。希圖開禁。及候米價騰貴之時。期獲重利者。請飭督臣。嚴行禁止。查糧石一經囤積。市價便致昂貴。應如所奏。令該督飭地方官。示諭所有囤積之家。自行酌量存留食用外。餘照市價糶賣。不得觀望。致干罪戾。得旨。畿輔近地。今歲歉收。現在嚴禁燒鍋。以裕民食。而射利之徒。反因此囤積米糧。希冀開禁。或俟糧價更長時。

獲取厚利。此等皆係奸民之尤。亦有司不實心奉行之故。高福所奏。乃地方實有之情形。而非苛刻之論。一邑如此。其他可知矣。王大臣等議。令州縣官出示曉諭。殊不足以示懲。此等奸民。既不恤鄉里之艱。又不畏國法之重。即治之以罪。亦理所宜然。何所容其姑息。著總督李衛。轉飭屬員。即行嚴查。務使囤積之弊悉除。俾貧民得以糴糧餬口。毋得仍前忽視。○戊辰。

上詣

皇太后宮問安。○遣官祭昭忠祠。己巳。

萬壽節。停止朝賀筵宴。○

上詣

大高殿。

壽皇殿。行禮。○遣官祭

太廟後殿。○遣官祭

福陵。

昭陵。

昭西陵。

孝陵。

孝東陵。

景陵。

泰陵。○遣官祭

顯佑宮。

東嶽廟。

城隍廟。○詣

皇太后宮行禮。○庚午。總理事務王大臣議覆

巡察寧古塔御史蘇昌奏船廠集聚民商甚多。請照各省滿洲兵丁駐劄處。設理事同知管理之例。將永吉州知州一缺。補放滿洲兼理理事同知事務。查船廠事繁。一人恐難兼理。應請於永吉州知州外。再添設理事通判一員。又黑龍江與船廠相同。亦應一例添設理事通判一員。下部議行。○辛未。

上詣

皇太后宮問安。

大清高宗法天隆運至誠先覺體元立極敷文奮武孝慈神聖純皇帝實錄卷之四十八

實錄卷之四十八

二十

大清高宗法天隆運至誠先覺體元立極敷文奮武孝慈神聖純皇帝實錄卷之四十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級入加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳八月壬申鑄給鎮守江北壽

春等處總兵官及壽春鎮標中軍遊擊關防

從兩江總督慶復請也○癸酉總理事務王

大臣等議覆據奉天將軍博第奏稱前經直

隸總督李衛議得天津商船前往奉天販運

米穀令其呈報該縣將前往人數及或赴錦

州寧遠或赴海城蓋平復州等處填註照票

登記出海口日期到時該處即對票查明令

其運回以便接濟直隸民食今奉天府屬之

錦州寧遠廣寧義州等四州縣以乾隆元年

夏秋雨水愆期收成歉薄米價騰貴每石至

六七錢不等現將各倉所存米石減價平糶

請停天津商販以備本處旗民之需應如所

請除海城蓋平復州等處照例聽商販運外

其錦州府屬四州縣所有官民存貯米糧禁

止商販飭各屬酌議平糶得旨依議速行○

甲戌

上詣

皇太后宮問安○諭總理事務王大臣直隸河

道水利關係重大若但為目前補救之計而

不籌及久遠恐於運道民生終無裨益前覽

顧琮李衛所奏尚非探本清源之論著大學

士鄂爾泰親往詳勘形勢籌度機宜應如何

改移開濬修築之處熟商妥議酌定規模仍

交與顧琮李衛督率所屬該管官員遵照辦

理○乙亥九卿議覆浙江布政使張若震疏

言各省地方偶遇歉收全資鄰省米糧接濟

近因米穀出境本地價值稍昂遂有將本處

轉運及外來客販。一槩留滯者。又有胥役舞弊勒索攔阻者。被災地方艱於採買。貧民必至乏食。請酌定過糴處分。應如所請。如遇鄰省歉收告糴。本地方官禁止米糧出境者。將州縣官降一級留任。不行揭叅之該管上司。罰俸一年。不行題叅之督撫。罰俸六個月。從之。○丙子。

上詣

皇太后宮問安。○戶部議覆署湖廣總督史貽

直疏言。湖北新設施南一府兩廳五縣。經前督臣邁柱奏設鋪遞司兵二百七十四名。今逐一查勘。其中有並無公文來往。應請酌減者共八十二名。即以議減鋪兵工食抵給新設典史巡檢各官役食。餘銀仍歸原款。應如所請。從之。○罷直隸河道總督劉勳任。以協辦吏部尚書事務。顧琮署理。○以鑲紅旗漢軍副都統德齡仍兼一統志館總裁。○丁丑恭奉

世宗憲皇帝神御於雍和宮。

上親詣行禮。○遣官祭賢良祠。○諭總理事務王大臣。大理寺卿汪澂奏稱。

聖祖仁皇帝上諭十六條。曉諭兵民人等。

世宗憲皇帝敷暢其義。以為廣訓。化民成俗之道。無以復加。但直省有司宣講。多在城中。至集鎮村莊。不過書寫告示。小民未能通達意旨。請頒簡要訓諭。挨戶徧給。令民間隨時覽誦等語。夫牖民覺世。惟在化導得人。

皇祖

皇考洋洋聖謨。字字切於民生日用。誠使講明切究。實力奉行。自有革薄從忠之效。朕即頒諭旨。其簡切明要。該括無遺。豈能加於聖諭十六條。其諄切周詳。知愚共曉。豈能過於聖諭廣訓。若奉行不力。不過地方有司多一具文而已。汪澂所請。不必行。著傳諭直隸督撫。督率有司。將

聖訓實心宣講。多方勸導。務使遠方僻壤之民。

共知遵守。是訓是行。以無負

教迪提撕至意。○免江蘇碭山縣被水災民。應

徵乾隆元年未完額賦十分之七。○戊寅。

上詣

皇太后宮問安。○戶部議覆山西巡撫覺羅石

麟疏言。黎城縣原墾荒地二頃有奇。積年被

水衝塌。請豁除額徵。應如所請。從之。○又議

准山東巡撫法敏疏。稱青州添設駐防滿兵

二千餘名。應支粟米。酌給一半。餘照每斗一

錢之例。折給銀兩。從之。○兵部議覆大學士管

川陝總督查郎阿疏言。雍正十三年十一月。延

綏鎮臣米國正奏。請設立團練鄉兵一案。經奉

旨議行。伏查延綏榆林一帶。地廣人稀。或數十

家為一堡。或兩三戶為一村。相去數里。數十里

不等。沿邊民戶。俱於邊外耕種夷地。春夏則出

邊耕作。秋成以後。又須採割柴草。豫人畜禦冬

之需。欲行團練之法。必按期教習。徵發期會。僕

僕道途。公私交廢。况延綏鎮額兵九千三百五

十七名。分佈三十六營堡。聲勢相聯。情形既

非單弱。邊陲已足。敕寧請將米國正奏。請設

立團練之法。仍行停止。應如所請。從之。○廣

西巡撫楊超曾疏。報桂林等府并鬱林州等

各屬開墾屯田地畝二十一頃有奇。○己卯。

世宗憲皇帝再週忌辰。

上詣

壽皇殿。

雍和宮行禮。○遣官祭

泰陵。○詣

皇太后宮問安。○庚辰。

上詣

皇太后宮問安。○兵部等部議覆寧古塔將軍

吉黨阿奏言。恩賞生息銀兩。原以協濟兵丁

婚喪之用。查船廠白都訥二處。借放本銀稍

多。一年息銀賞給有餘。寧古塔。渾春。阿爾楚

喀地方。生息僅足一年賞給。至三姓地方。生

息本銀一萬兩零。原係賞給三姓兵丁一千

名。後添設八姓兵丁一千名。未添本銀。生息不敷。賞給。應將船廠。白都訥。二處。撥本銀四千兩。餘利息銀六千兩。給三姓地方。與原本共二萬兩。零收息給賞。應如所請。從之。○刑部議奏。原任郎中宏通。承辦

秦陵工程。浮冒銀五百五十兩。有零。宏通應枷號鞭責。其銀兩著落宏通。及毫無覺察之尚書憲德。分賠。得旨。尚書憲德。係總理工程之人。並不實心稽查。以致宏通有浮冒之弊。辦理糊塗。其罪實在憲德。工部查出浮給銀兩。不必令宏通分賠。著於憲德名下。十倍賠出。餘依議。○福建巡撫郝玉麟疏報。福清縣海口牛田二場。墾復鹽地八十一頃。有奇。○辛巳。

上御乾清門聽政。○兵部議覆。黑龍江將軍額爾圖疏言。呼蘭駐兵五百名。伊等喜喪之事。亦應照例賞給。前因各處息銀不敷。是以停止。今齊齊哈爾。墨爾根。二城。所收利銀。已足

賞給。請於本年秋季為始。在齊齊哈爾。借放銀內。酌扣三千兩。墨爾根。借放銀內。酌扣二千兩。共五千兩。給呼蘭。借放賞給。又黑龍江。尚有未給人等。請候齊齊哈爾等處。再有羨餘。補行賞給。其前任將軍卓爾琿奏。請移用存貯辦公銀二萬兩。應俟黑龍江。未給人等。賞完之日。分季扣補。至原賞生息銀八萬兩。請借放齊齊哈爾。三萬五千兩。黑龍江。二萬五千兩。墨爾根。一萬五千兩。呼蘭。五千兩。每年所獲利銀。照例賞給。有餘。給與不敷地方。應如所請。從之。○以工部侍郎柏修。為鑲藍旗護軍統領。○以通政使趙之垣。為都察院左副都御史。○壬午。兵部等部。議覆貴州總督張廣泗疏言。威寧一州。界連滇蜀。原設總兵官駐防。嗣於雍正六年。改鎮為營。又於九年。改營為協。然額兵終覺單弱。應仍改設威寧鎮總兵官一員。分左右二營。設遊擊二員。其原設左營都司一員。右營守備一員。即將

左營都司改為左營遊擊兼管中軍事外添設右營遊擊一員左營守備一員原額兵一千五百名應添兵五百名又威寧州城西六十里地名得勝坡係夷目阿底地方坡下即烏蒙箐綿延二百餘里為昭通威寧通聯與區應將原設雄所營之守備一員千總一員外委二員兵丁二百名移得勝坡駐守又州城西北角之天生橋等處應添設一汛撥把總一員帶兵六十名駐守並於補著特雞等六處分安塘遞又菩薩塘汛原設把總一員兵六十名應添撥外委千總一員兵四十名協同駐守又稻田壩應添設一汛撥外委把總一員兵四十名駐守至雄所官兵既移駐得勝坡所有舊設長勝寨一汛離得勝坡僅十餘里其原防官兵祇留外委把總一員兵二十名駐守其餘徹調回城至威寧協向屬雲南昭通鎮管轄今改協為鎮應歸黔省提督節制並換給關防俱應如所請從之○工

部議覆大學士管浙江總督事務嵇曾筠疏言浙省海塘自浦兒兜大石工尾起至尖山段塘頭止建築魚鱗大石塘五千九百三十丈勘估物料夫工銀一百六萬九千六百兩零請支帑項次第趨修應如所請從之○免山東濟南泰安兗州東昌青州等五府屬二十八州縣衛被旱災民本年額賦○大學士管浙江總督事務嵇曾筠疏報象山臨海太平定海永嘉平陽松楊景寧雲和等九縣墾復額內荒缺民竈田地山園二十頃有奇又定海縣墾復額內荒缺田地山蕩六十三頃有奇○癸未

上詣

皇太后宮問安○甲申

上詣

皇太后宮問安○諭內閣福建南澳鎮總兵官員缺前命馬成林暫行署理聞馬成林係陝西人於海洋事宜未能熟練查有廣東左翼

鎮總兵官黃錫中原籍福建平素諳練水師船務克勝南澳海疆之任著將馬成林調署廣東左翼鎮總兵官黃錫中調補福建南澳鎮總兵官○賑甘肅會寧縣被旱災民○乙酉秋分夕

月於西郊遣誠親王允祕行禮

上詣

皇太后宮問安○工部議覆戶部左侍郎趙殿最等奏稱遵旨會勘豫省衛河情形查衛河發源於蘇門山百泉歷新鄉汲淇濬滑湯陰內黃及直隸之大名元城至山東館陶入臨清州經流九百二十餘里其間為漕農交賴之要區祇有三處曰百泉曰洹河曰小丹河自雍正四年定制於百泉池南建石堰一道開三口門分為三渠中為官渠以濟漕運東西各一渠為民渠民渠之內照舊各建五閘分灌民田又洹河萬金渠口外有石橋一座計水洞四十有三自第十洞處聽民於需水

灌田之際自築子壩於灘之東而開小渠一道引水入田其餘三十三洞盡行疏濬流歸正河而洹河之水乃以一分灌田二分濟運又據大學士嵇曾筠前在河東副總河任內以小丹河之上首有秦渠一道小丹河之下首有董下渠一道量為開寬而小丹河內東西分灌民田之十六口門並皆堵塞俾小丹河之水盡歸衛河於漕運更有裨益行之數年俱各妥便毋庸更張惟運河漕船入水原有一定尺寸宜測水勢之盈縮以定啟板之高下請於館陶立一水則以驗漳衛之淺深臨清立一水則以驗汶衛之淺深如遇東省運河暢流之年應酌分餘潤波及民生請於百泉官渠口門內再製一層閘板將官閘上板使水分濟東西民渠小丹河原有石閘亦將官閘上板以濟民渠洹河東石洞之外再酌予數洞用資灌溉如遇水勢平流之年則將官閘悉開濟運澀流之年則百泉除官閘

去板外再酌令東西民渠輪日啟板濟運。洹河東十洞酌量封禁。小丹河東西民渠亦皆堵塞。惟竹絡壩免其封閉。每歲俟漕船將抵臨清之候。豫省遣員會同山東管河道查勘運河水勢。分別暢流平流澀流。均以水則為準。以便將百泉等處渠閘隨時啟閉。漕農均利。應如所請從之。○又議覆大學士管浙江總督事務嵇曾筠疏言嚴州府屬淳安縣境內有大河一道發源徽州建瓩而下急湍奔流衝刷地畝并侵廬舍議築石壩八十五丈以資保護共估需銀二千七百兩有奇應如所請辦理從之。○大學士管浙江總督事務嵇曾筠疏報孝豐鄞慈谿象山定海會稽餘姚嵊蘭谿麗水等十縣開墾田地山蕩三十二頃八十八畝有奇諸暨嵊縣改墾田地二頃九十八畝有奇。○是月協辦吏部尚書事務顧琮奏言奉旨會同督臣李衛履勘永定河工查畿輔諸河俱匯津歸海漳衛二水來

自西南合為南運河。潮白二水來自東北合為北運河。桑乾洋河二水自西北合萬山之入水關為永定河。釜陽經南北二泊會滹沱為子牙河。唐沙磁諸水俱入西淀。拒馬琉璃等河會於龍門口為白溝河亦入西淀。西淀之水由玉帶河達東淀而牝牛入於中亭。中亭乃玉帶之支流分而復合永定子牙亦入東淀俱由淀達津至西沽與北運河會抵三汊口會南運河合流東南入海是天津乃九河之下游淀泊係衆水之交匯所關最要也。永定渾河原無隄岸祇有河身達於玉帶清流汎漲出槽淀外數百里之地任其游漾水歸於淀中泥沉於淀外民田雖有淹沒所謂一水一麥亦不為苦。自築隄束水以來下口愈近潮汐其淤愈速隄日增而河日淤河底已高於平地近年河患所以尤甚。大凡治水之法莫善於行所無事故築隄防水則可若以隄束水是與水爭地而貽後患也。臣現

在制中。承命謝恩。未便素服從事。可否令原任副總河徐湛恩。暫行代理印務。合行繕摺陳奏。得旨。直隸河工。甚有宜經營者。因一時無人。故特命汝署理。至國家大典。即朕亦勉強行之。何況於汝。仍遵前旨行。所奏徐湛恩之處。大謬。○侍衛五十七。奏為會同總督李衛。將截留天津漕米。分發被水州縣平糶。業於霸州分設鄉城兩廠。減價開糶。但緣該處新糧。日漸登場。又有鄰邑文安等縣雜糧流通。米價不甚昂貴。是以糶者無幾。請每石再減百文。以制錢九百為度。得旨。若糶者寥寥。則應暫停。以為冬月賑濟之用。其商之督臣李衛。並各處平糶者。○直隸總督李衛奏覆減價分糶事。前於天津北倉。奉旨截留漕米五十萬石。原為備賑之用。此次平糶後。仍須採買補足。若減價太賤。則於原數短少。應照各處原糶米石之價量減。以每石千文為度。比於豐年米價。已屬大為平減。現在秋成不

遠。價值自必日平。如赴糶者少。請暫為停止。俟冬春米少價昂之時。再行請旨平糶。其分設各廠。務在就近便民。以及收放稽查。業與侍衛新住等。加意料理。因地制宜。不使百姓有守候壅塞之患。得旨。知道了。著照卿等所議行。移期災黎均受實惠。方愜朕懷。○兩江總督慶復奏言。江西南昌等府屬之南昌新建豐城進賢上高。清江鄱陽餘干星子建昌德化信豐等沿江十二縣。舊有隄岸以禦江水。獨豐城尤當水勢迅激之衝。是以雍正十一年。令民捐歲修銀一千五百餘兩。交官隨時修築。嗣經督臣議建石岸。歲修銀兩不敷。前撫臣請動用鹽規六千兩。工竣之後。年年仍有續坍。是地方官不無冒銷情弊。今於六月十二等日。各隄衝決六百餘丈。據撫臣岳濬覆稱。從前承辦各員。修不如法。致有此患。現勘估修築。此次工竣後。照例責成保固。以期一勞永逸。并可否不必派累民間。以甦民

力得旨知道了。此皆前任巡撫不職之由。岳濬若能與卿和衷共濟。一二年後自必改觀矣。○又奏覆遵旨查勘江南碭山縣段家莊大壩以外一帶河灘。自徐家口姜家套起至東青華觀止。約長四十餘里。南北兩岸約寬五六里。十里不等。秋禾民廬被水衝塌。現給資修葺。其窮民乏食者。動項賑恤。并附近之徐州銅山豐等各州縣衛隄外田畝。亦有漫溢處。即飭蘇州藩司委員查勘賑恤。得旨知道了。被災之民。所當加意撫恤。即云偏災。彼一户一民。豈非民命所關耶。○閩浙總督銜專管福建事務郝玉麟議覆署福建陸路提督蘇明良奏言。閩省風俗強悍。泉漳等處尤為好鬪生事。請將為首起意。鳴鑼聚眾之人。從重發遣。以靖地方。其不行阻止之族長近鄰。一并連坐。查克徒聚眾傷人。照律定擬。外其有偶因細事。互相格鬪者。亦照例將為首之人。杖一百。流三千里。至泉漳等處大姓聚

族而居。多至數千餘丁。非鄉保所能稽察。是以族長之外。設立族正房長官。給印照責令約束族丁。嗣後請嚴行申飭。如有作奸犯科者。除將本人定罪外。其族正房長予以連坐。至左右鄰免其拖累。得旨著照卿所議行。○大學士仍管川陝總督查郎阿奏言。陝省今歲被旱。秋禾歉收。糧價日漸昂貴。各屬常平社倉糧石。借糶兼行。所儲日少。請暫禁鄰省告糶。及商民販買。富家囤積。民間糧石。飭各州縣照依時價採買。或貯倉。或即時平糶。以濟窮民。得旨知道了。○貴州總督張廣泗奏遵旨籌畫苗疆。業將叛苗絕戶田產。安設屯軍。并查餘苗現種之田。凡撓入絕田內者。令指明坵段。撥歸屯軍。另查閒田。給還苗人。其有應遷移者。均飭令承辦官量給銀米。以資其費。前計算絕田。約可安屯軍五六千戶。現據各具報清江。可安屯軍二千六百餘戶。古州三保可安一千一百餘戶。八寨可安八百

餘戶。丹江可安九百餘戶。其餘尚有古州山苗一帶。暨臺拱。凱里。黃平。施秉。勝秉。清平等處。約計可安五六千戶。此皆清出叛苗絕產。分布安屯。其應設屯堡一百餘處。亦皆形勢扼要。若去營汛稍遠。不宜安屯者。皆撥還苗人。并賞無業窮苗。並未嘗如尚書顧琮所奏。於深山邃谷。招募屯田。盡奪生苗衣食之地也。現細察苗人。無不悔過自新。及時耕作。前經奏請添兵三千餘名。今查出田畝。又可安

屯軍一萬餘戶。分布險要。於經久之計。已屬萬全。得旨。苗疆經此一番料理。自必有數十年之安靜無事。然經久之計。不可不圖。而用人之際。尤所當慎。不然。法雖良而無人善為經理。所謂徒法不能以自行也。○又奏黔省自六月後。雨水調勻。早稻現已刈獲。晚稻及高粱。菽稗等項。亦俱暢茂。結實可望。倍收得旨。黔省兵革之後。得此收成豐稔。實為喜出望外之事也。○署理河南巡撫尹會一奏。豫

實錄卷四十九

二

省賈魯雙洎。汝潁。沙渚。淇衛等河支派。不一。每遇夏秋大雨。宣洩不及。遂致衝塌隄岸。淹沒民田。應飭該地方官。查卑薄虛鬆之處。督民增培高厚。以為來歲捍禦之計。除豐收地方。聽民自行修築外。其被水歉收處。仰懇格外施恩。每挑土一方。酌給飯食銀四分。加發硯銀一分。於司庫存公項下支給。以民力衛民田。貧民亦得以力作度日。得旨。好。此係極應如是辦理者。但須嚴察吏胥。務使百姓均受實惠。○巡視河東鹽政僉都御史定柱奏。報運城地方。於六月下旬。大霈甘霖。四野沾足。晚田得以播種。秋禾自茲以後。雨澤調勻。不特秋成在望。即於來春二麥。大有裨益。得旨。知道了。但聞西省米價頗貴。雨亦未甚沾足。此奏不涉粉飾乎。○署理福建陸路提督總兵官蘇明良奏。閩省之霞浦。壽寧。建寧。松溪。政和。永定。延平。邵武。侯官。閩清。羅源。連江。莆田。等州縣。被水淹沒。民人室廬。業經督

臣郝玉麟查勘賑恤其各府縣城垣烟墩臺
寨塘房瞭樓等項被水損壞者亦經移咨督
臣飭該地方官估報興修以資保障得旨知
道了督撫等料理賑恤若得宜則可若不得
宜或吏胥滋弊百姓不受實惠密行具奏○
陝西固原提督樊廷奏陳嚴訊脫出夷人加
飭各營將弁豫為防範一摺得旨知道了防
賊之道惟在嚴慎鎮靜四字勉之莫忽

實錄卷四十九

三十一

大清高宗法天隆運至誠先覺體元立極敷文
奮武孝慈神聖純皇帝實錄卷之四十九

大清高宗法天隆運至誠先覺體元立極敷文
奮武孝慈神聖純皇帝實錄卷之五十

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務
監修副都統軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳九月丙戌朔

上詣

皇太后宮問安 戶部等部議覆給事中慧中
奏言吉林烏喇距寧古塔六百三十里官兵
押送逃遣等犯跋涉維艱應於適中地方額
莫豁索洛驛大路南添置防汛將吉林烏喇
額兵撥往一百二十名設佐領一員防禦一
員驍騎校一員領催六名其住房就近將本
處木植令兵丁自力蓋造應如所請從之
旌表夫亡守節逼嫁捐軀之湖南沅陵縣民

張德旋妻楊氏興寧縣民蕭良士妻李氏

丁亥

上詣

皇太后宮問安○吏部議覆雲南巡撫張允隨疏稱普洱府屬通關哨駐防官兵收放錢糧巡緝稽查必須文員料理請將府經歷移駐通關與守備同城應如所請從之○戊子

上詣

皇太后宮問安○諭總理事務王大臣據大學士管川陝總督事務查郎阿奏稱陝西西安等府今年夏秋雨澤稀少米糧價值漸次昂貴幸於七月二十七八等日得雨霑足民心慰悅不意八月初一日以後晝夜淫雨河水泛溢咸寧長安臨潼等縣被水村莊田廬淹沒人口亦傷數名現在飛飭西安布政使查明賑恤等語西安等屬從前雨澤愆期朕恐民食維艱已諭令該撫等豫為籌畫今咸寧等處又因雨多苦潦村舍被淹朕心深為厯

念著巡撫崔紀達委賢員逐一查勘撫綏安插俾有屋可以棲身有糧可以餬口無使一夫失所其收成歉薄之地方本年應納錢糧或應緩徵或應蠲免亦著確查定議具奏○又諭御史舒赫德條奏請將各省稅務歸併旗員管理此奏甚無識見彼意以為旗人生計艱難若管理稅務則可沾餘潤以資養贍不知國家設立關隘原以查察奸宄利益商民並非為收稅之員身家之計也若以旗員貧乏而差遣之是導之使貪矣朕日以砥礪廉隅訓勉臣工尚恐其不能遵奉而可以謀利之見為之導乎況當日旗員管理關務者亦指不勝屈惟視此以為利藪故貪黷之風侵蝕之弊不一而足因而身罹罪譴籍其家產累及子孫是今日旗員之貧乏未必不由於當年收稅之所致也豈可使之復蹈前轍且各省委辦稅務率多道府等官並無滿漢之別如滿洲有任道府而廉潔自愛者何嘗

不可派委而必定以為例乎總之為上者施逮下之仁惟有勵以忠勤示以節儉固其根本之圖為下者則當早作夜思宣力供職以永受國家惠養之恩方可謂之計長久蓋厚其生計之道不可不思而長貪風以為惠下則利未見其為利且貽害於後日此理甚明非所以教旗員之道亦併非所以愛旗員之心也朕御極之初圖理琛即為此奏總理事務王大臣亦以為可行朕並未俞允後此陳奏者紛紛朕概不准行亦未交議今舒赫德又條奏及此可將朕旨宣示於外使咸知朕意毋得以斷不可行之事再行妄奏戶部議覆順天府府尹陳守創奏言府丞治中通判等亦係地方官應照直省地方官例酌予養廉查府丞等官駐劄京城既不得支領恩俸又不能與外官一例應照府尹每年養廉四百之數遞減府丞二百四十兩治中二百兩通判一百六十兩以資家口盤費其餘經

歷等七官查直隸佐雜從前原無養廉惟照本俸各加一倍與京職相同而無俸米庶內外畫一得旨如所議行又議覆漕運總督補熙疏稱江南松江府屬地土不宜種糯請將向來額徵白糯改徵漕糧經部以減徵白糯於江浙二省應運白糧之五府州內酌量攤減行令會議續據議稱將松江太倉二府州屬額徵白糯改徵漕糧即在派運白糧十萬石數內通融盈縮以均應減應運之數等語應如所請與各該督撫會議酌定章程另行題覆得旨依議速行御史周人驥奏言請敕停有損無益之議准條例一州縣之弊莫如徵糧重耗而重耗之巧又莫如捉補短封前戶部議覆御史蔣炳條奏州縣拆封之弊飭令監拆人員眼同拆封如有短少該委員即於袋面註明彙單示諭令花戶於下卯補交等語查現在州縣徵糧雖係百姓自封投櫃而州縣官恐其短少仍必責成書吏從

旁查看但百姓既來完糧豈肯短少些微自貽後累而書吏亦斷不肯聽其短少取罪本官是錢糧原無短封之慮何須捉補再州縣每次拆封封袋不下數十萬若逐一覈算清楚非十餘日不能彼監拆之州縣何能久待仍不過於各櫃中抽取拆兌餘俱任本官自拆此例一開州縣借委員為名任意私註是委員不得不任其責而本官反得行其巧應將捉補短封之事永行禁革一州縣買穀向例俱於本地採辦自官吏不肖不無抑勒派累等情前戶部議覆學士方苞條奏常平倉穀糶糴之法務令於鄰近州縣購買等語查州縣疆界遠近不等其運送穀石水路可通者無幾則車馬人夫以及裝穀口袋所費既多况穀非碾不可食即非碾不便賣向來州縣買穀係百姓各從鄉村送交若城鎮市集無穀可買向鄰封採辦必須沿村逐戶購之奸民借端居奇必致高擡時價更有不肖有

司名為遠赴鄰封實仍買於本地而反冒銷運費侵蝕盈餘又必致之勢應令仍於本地採買每石比時價量加數分以償折耗應將赴鄰封買穀之處永行停止得旨此摺著直省督撫秉公據實議奏該部知道○已丑上詣

皇太后宮問安○兵部等部議覆貴州總督張廣泗疏言黔省上下兩游地廣兵單前經疏陳下游新疆改置營鎮官兵准行在案其上游各標協營官兵額制亦宜詳酌險易量為改移添置一撫標額兵一千五百名續經裁撥長寨營實止一千三百八十名應添兵二百二十名一提標額兵二千八百名續經撥去四百名為安順府城守應仍撥回提標另設安順府城守營添設遊擊一員兵四百名其原設之安順營都司一員兵三百名應將都司改為守備分防安順舊州歸安順府城守營管轄一貴陽城守營額兵六百名應添

二百名。一歸化營額兵六百二十五名。應添兵一百七十五名。一定廣協額兵八百名。應添兵二百名。並添設守備一員。與原設都司一員。分左右兩營。以左營都司存城。右營守備駐劄高寨後山。一平伐營額兵二百七十七名。應添兵三十名。一長寨營額兵八百七十七名。續經裁撥歸化營。實止六百四十五名。應添兵一百五十五名。一畢赤營額兵六百名。應添兵一百名。一大定協左營遊擊帶兵五百名。分駐水城。應改為水城專營。添設中軍守備一員。兵一百名。仍歸大定協管轄。至大定協原設左右兩營。額兵一千五百名。今既撥出左營遊擊及兵五百名。應添兵二百名。添設左營遊擊一員。仍分左右兩營。一黔西協額兵一千一百名。應添兵一百名。一平遠協應添設守備一員。與原設都司。分左右兩營。一普安營額兵二百八十名。應添兵二百二十名。一安南營額兵四百名。應添兵一百

名。一永安營額兵二百八十名。應添兵一百二十名。原設都司一員。改駐郎岱。一長壩營額兵五百名。應添兵三百名。一遵義協額兵一千二百名。續經撥減。既又增至一千一百名。應添兵一百名。復原額。一仁懷營額兵三百五十名。節次撥減。實止一百八十八名。應添兵一百十二名。一新添營額兵二百七十七名。應添兵三十名。一平越營額兵六百名。續經撥減。實止四百八十名。應添兵一百二十名。俱應如所請。從之。○欽天監監正明圖奏。奉旨履勘涑水縣之拒馬河。自鐵索崖出山。分為二派。一派東去。其一派南趨者。乃泰陵左邊護垣之水。引諸流過涑水縣。抵定興。會羅村河。作外垣環抱之水。因河頭淤塞。兩派并而為一。並趨涿州。請將分流之河口。挑濬二百八十餘丈。寬四十丈。再將舊河頭碎石淤塞處。挑濬一百六十餘丈。并順河道形勢。接挑一百一十餘丈。引水歸入故道。以下

河身間有沙石淤塞處計十一段共應挑濬長八百餘丈其寬窄深淺相度地勢所宜不特永固羅城而濱河居民亦蒙灌溉之利得旨著總督李衛議奏○庚寅

上詣

皇太后宮問安○戶部議覆大學士管浙江總督事務嵇曾筠疏報仁和錢塘孝豐臨海建德麗水景寧等七縣衝塌田地山蕩二百六頃三十畝有奇應徵銀米永請豁免又錢塘縣荒瘠地一十七頃三十四畝有奇應徵銀米按例蠲免均以乾隆二年為始從之○辛卯

上詣

皇太后宮問安○以大挑運河改徵淮揚五屬折色諭總理事務王大臣江南淮揚一帶於今冬大挑運河自運口以至瓜洲計程三百餘里分隸淮安府之山陽揚州府之寶應高郵甘泉江都五州縣管轄將來築壩開工之

後舟楫難通民間輸納漕糧須用車驢陸運未免竭蹶又淮安府之鹽城阜寧二縣與山陽接壤向於淮城內外交倉兌運則納漕與山陽等五州縣無異朕心為此深切軫念查雍正八年十一年江南所屬漕糧有改徵折色每石納銀一兩之例著將今歲山陽等七州縣應納漕糧照此例改徵折色以紓小民運送之力再查此七州縣有上年緩徵漕糧二萬餘石原議於今年完納今河道如此亦應一體加恩著寬至明年再行酌量或徵本色或徵折色看收成光景定議交官著該部遵諭速行江南督撫等知之○調準噶爾軍營參贊大臣哈岱回京以護軍統領瑪尼代之○予故阿爾楚喀地方副都統銜協領阿薩爾漢祭一次○壬辰恭建世宗憲皇帝聖德神功碑於泰陵遣官告祭碑文曰洪惟我聖祖仁皇帝統承

三聖之謨烈。奄莫萬方。撫臨天下。六十有一年。實兼開創與守成之事。爰自綏靖南荒。翦除三孽而後。惟務以深仁厚澤。淪浹中外。俾涵泳優游。四方從欲。而勵精圖治。悠久無疆。晚歲之政。尤欲申嚴庶務。以正官方。糾詰敝民。以清禮俗。以明作濟。惇大以節制保豐亨。故我

皇考嗣承丕基。凡誠孝中正寬仁之大原。無一不與

聖祖同揆。至用人行政規模。則稍有變通。以求繼志述事之盡善。惟

皇考神聖之姿。默契

聖祖。是以膺付託之重任。而宏開夫萬年有道之長惟

皇考誠敬之德。簡在

帝心。是以致嘉祥之駢臻。而即驗於四海於變之盛。雖十三年之憂勞。無一日一時。少釋於宸衷。而所以貽我子孫。臣庶億萬。誤之樂利。無

窮者。誠如

天地之無不情載也。

皇考世宗敬天昌運建中表正文武英明寬仁信毅大孝至誠憲皇帝

聖祖合天弘運文武睿哲恭儉寬裕孝敬誠信中和功德大成仁皇帝第四子也。

母孝恭仁皇后。在妊時。夢月中仙娥授以神子。既覺而誕生

皇考。

皇考幼而徇齊。天性仁孝。

聖祖恩眷踰常。八歲時患腹疾。

皇祖方巡狩塞外。聞之遽馳歸。一晝夜而至。其篤愛有如此者。奉事

庭幃數十年。深愛慤敬。無一言一動。不允當

皇祖之心。每語衆稱。為至孝。先是舊皇太子贈埋親王之未得罪也。

皇考小心承順。恪盡臣弟禮。而王恐

聖祖眷愛日隆。有妨於已。遂至以非禮相加。

皇考每順受之。而剛正之氣。亦不為少屈。律已則篤。謹有加焉。及歲戌子。王以罪廢。居常進諫者多背離。相忌者率傾陷。禍且不測。

皇考多方保護。以憫忱惻怛。感慰

聖祖之心。而曲為王解。始獲矜宥。王乃愧悔自失。東宮舊屬。咸洒泣驚頌。

聖德方是時。

聖祖違和。又以允禔允禩等屢作非彝。以干天怒。居常鬱鬱。病勢增劇。

皇考竭心孝養。凡百躬親。靡晷靡夜。逮四閱月。聖躬乃安。及理親王再廢。

聖祖春秋益高。諸王中。私懷覬覦者。往往矯飾名譽。私樹黨援。而

皇考絕不以一事自表異。友于兄弟。均平如一。莫不同其憂喜。軫其疾痛。其自取咎殃者。亦不避嫌疑。力為調劑。自內外族嫺左右大臣。以及近侍宿衛。無一人往來親密者。

聖祖用是灼知

聖德淵懿。大義明著。無黨無偏。足以膺

宗社臣民之付屬也。及遭大故。水漿不入於口。以乾清宮東廡為倚廬。素服齋居。養心殿三年如一日。每遇朔奠殷祭。及獻食。

壽皇殿。悲不自勝。哀動左右。

躬送

梓宮。安葬

景陵。

仁壽皇太后升遐。哀誠一如初禮。凡

太廟

郊壇。必躬必親。致齋致慤。觀者罔不肅然起敬。每遇水旱之祲。輒愀然曰。

上天譴責朕躬。命直省旬月奏報雨雪。苟應時則喜動顏色。或過期即減常膳。元年五月。京畿旱。虔禱於宮中。自晨至夕不膳。霖雨立沛。蓋

皇考深念所任受於

皇天暨

列祖者。惟茲天下之烝黎。故休戚相關。如保赤子。而民之所以安者。存乎政。政之所以舉者。存乎人。故宵衣旰食。日有孜孜。尤以是為先務焉。念民所苦病者。莫如賦重而刑濫。有司遇災。侵而不恤。巧法侵漁。或情侈以自耗。致民俗之日偷。逐姦利。縱淫樂。聚徒鬪狠。若是者。皆盜賊之源也。

皇考即位之元年。即大免直省逋賦。陝西甘肅二省。以軍興運餉。其所供賦稅。無歲不蒙豁免。七年至九年。輪蠲各省賦稅有差。自元季張士誠據蘇松嘉湖。陳友諒據南昌袁瑞。與明太祖苦戰於江東西。橫斂以給軍。終明之世。故籍未改。

特命永除數郡浮糧。著為令典。凡直省報災。朝聞。發不待夕。夕聞。發不待朝。每語近臣。朕蠲租發賑。如救焚拯溺。猶恐災黎之鮮有濟也。彼視民之傷。與已若無與者。獨何心哉。常念水土為農田之本。而救荒之政。莫要於興工。

築以聚貧民。遂博求海內水利。修川防。俾各省河渠湖澤。歲久或淤塞。為連州比郡農商害者。咸開濬之。京畿則

命怡親王大學士朱軾。經理水利。營田。官開水田數萬頃。聽民自占者不與。十餘年中。費數百萬。貧民皆取食焉。洪澤湖都受淮流。廣數百里。恃高家堰為關鍵。以來淮而救黃。下河七州縣民命繫焉。發帑銀百萬。盡改石工。浙江松江海塘。經潮水屢深。修築相繼。費數百萬。濱海之民。始得安衽席。無為魚之患。往者封疆大吏。好因事以自為功。有司承迎以速進取之路。凡有興作及賑災。動稱捐助。或曰小民樂輸。

皇考再三諭禁。以蘇民困。州縣巧取有禁。門閭苛索有禁。而民隱之萬難上達者。莫不在皇考洞鑒之中。每遇重囚。即深厪。

睿懷。屢飭法司。必三覆奏。好生之德。發於不能自已者如此。念刑罰所以濟政教之窮。必修

禮正俗。乃可清其源。詳註

聖祖仁皇帝諭旨十六條

親製勸農種樹之詔

御書刊示四方

命九卿詳定貴賤服色。兵民婚喪禮制。實舉孝義貞節。分遣御史巡行直省。常恐所任非人。則雖有良法美意。德難下究。教不虛行。故揆揚俊入。立賢無方。自唐宋以後。秩祿不足以贍庶官。不肖者各以他途取之。用此苞苴盛行。不可遏止。

皇考於外省督撫。以及州縣親民之官。各賜養廉。較正祿數十百倍。其在京師卿貳。則賜雙俸。司旅並給飯費。雖閒曹職官。亦準俸銀之數。賜之廩穀。而寡廉鮮恥。巧取以殃民者。法亦有所必行焉。左右輔弼及封疆重臣。忠勤夙著。猷績彰聞。則推誠倚任。坦然不疑。俾得展盡底蘊。而常戒以面從。責以啟沃。優容寵賚。十百於尋常。其有恃功驕蹇。植黨營私者。

則法立誅必。而忠直善良。即時有失誤。屢被譴訶。卒保全其終始。建賢良祠。崇祀

累朝碩輔。其餘著勛伐。效命疆場者。皆錄用其

後人。又念士者民之表儀。而庶官所由備也。

故廣其登進之途。而董之以教。元年。

命郡州縣學官。必用正途。二年。

躬詣太學。頒訓飭士子文。四年。

命直省督學。舉英才。八年。舉通曉性理舉人八人。並

賜進士。各省會俱特建書院。取之之廣。恤之之周。如此。兵者民之衛藩。而國威之所蓄也。故勤其蒐簡之政。而曲體其情。

命提鎮考核將校。必察其訓練拊循之實。毋得徇私。提鎮之優劣。一以整飭將校。訓練行伍。和輯兵民定之。士伍則正糧之外。別發帑銀。俾軍帥營運以恤其婚喪。蓋

皇考莅官馭將。勤民養士。整軍恤衆。使文武並勵。中外相維。制防曲盡如此。重念八旗乃國

家根本。內外大小臣工。士民軍吏所觀式也。故所以教之養之取之任之。察其情而優恤之者。尤詳且備焉。元年。即

命舉人庠生之服公事者。各還家專力於學誦。設八旗官學。各就其方。簡其士之秀異者。而官教之。

命諸王察舉孝弟守分力學者。以承平日久。生齒愈繁。取八旗餘丁四千八百人。為教養兵。歲給十七萬有奇。自五旗諸王。不得以旗分人員。多供差役。擅治其罪。下此正副都統及叅領佐領。不得苛索外吏財物。竊嘗審究皇考治法之源流。然後古聖王所為。以天下為一家。以中國為一人者。其規模氣象。始可得而見焉。

皇考自宗親戚。晚勲舊。以及八旗之士衆。自京師畿輔。以及九州四海之軍民。惟恐其疾苦之蔽壅。禮俗之衰惡。一如一身之中。毛髮有觸而必動。雖外藩蒙古。皆如家人父子。其職

官並予俸祿。兵衆咸給月糧。土默特守臺站人。歲時有賞。用此凡有征討。外藩効命。屢諭蒙古王。貝勒。宜愛民惠下。其子弟之俊秀者。或在

內廷教養之。

賜安南以隙地。減朝鮮琉球貢物。厚朝鮮俄羅斯國人之賞賚。給琉球來學者歸國之道齋。不獨澤流方外。而聲教亦漸被於遐荒。十有三年之間。宵衣旰食。無晷刻之寧。不謂天下已治。萬民已安。而少懈。夫朝乾夕惕之

皇衷。故以事

天之誠敬。昭事百神。而神無不格。以法祖之仁孝。錫類萬物。而物無不孚。至於孔子德配天地。尤加崇禮。王爵之封。上及五世。跪獻之禮。首著上丁。詳定配享先賢。增置五經博士。皆前古所未有也。教養宗室。而寬其拘禁者。自登

宸極。即封理親王子弘哲為郡王。而於理親王

未降一

旨。未遣一使。曰吾不欲受其拜。並聞感恩之言也。

錫賚頻仍。惟

命內監傳送。且教以詢所從來。勿令告以上賜及王薨。

躬臨哭奠。追贈理親王。命弘哲進襲親王爵分封。供具特厚。怡賢親王之喪。

躬臨哭奠。哀慟久而不已。自戊子年後。允禩允

禋輩。莫不妄冀非分。結黨樹援。嘗觸怒

聖祖。

聖祖降硃批諭。

皇考及諸王云。朕與允禩父子之義已絕。及

皇考嗣位。重念兄弟情。且知彼明敏能任事。爰

命輔政。加恩信用。冀以感悟其心。密封

皇祖旨於內閣。不以宣示外人。乃允禩不但。不

改悔。且心懷怨望。怙惡不悛。允禋在西寧。多

為不法。顯悖臣禮。

皇考雖申告中外。明正其罪。絕其屬籍。而兩人猶得以天年終。罰弗及嗣。自

御極以後。瑞應駢至。日月如合璧。五星如聯珠。

黃河之清。自陝州至邵宿。二旬有五日不變。

鳳集麟生。慶雲甘露。靈芝嘉穀之祥。不可勝

紀。

皇考每見奏章。必深自警惕。咨戒臣工。苟德政之不修。雖天瑞不足恃也。彰明人紀。更定刑

章。凡繼母虐殺前子。以所生子抵法。無故杖

殺僕婢者。分別重輕治罪。訪明太祖本支裔

孫。襲封侯爵。以承其宗祀。自明初紹興。有情

民靖難後。諸臣抗命者。子女多發山西為樂

戶。數百年相沿未革。一旦去籍為良民。

命下之日。人皆流涕。自準噶爾擾邊。

聖祖仁皇帝宿兵西北陲。以保舊屬諸蕃。青海

之平也。彼又納我叛臣。雖屢加訓告。襲盜不

休。故定議濯征。為一勞永逸計。及十年大破

之於喀爾喀之地。邊將爭言宜乘時進剿。

皇考念彼遠處外夷。武不可躡。乃遣使諭告。決意罷兵。西南洞苗。自古為附近州縣之害。自平定廣烏。蒙古州歸義。開地二十里。而時戒邊疆大吏。為善後之謀。敬惟

皇考自始至終。所以莅官勤民。教士恤軍。安內馭外者。無不體之以誠。本之以孝。用之以中。持之以正。育之以仁。撫之以寬。與

聖祖仁皇帝若合符節。而更化砥俗。使天下遵道遵路。如優恤宗室。而禮度必謹於防維。愛禮大臣。而法禁必行於貴近。搜羅才俊。而甄別不漏於昏庸。教育士民。而捕誥獨嚴於敗類。蓋非此不足以移文恬武嬉。陰私交結之風。革吏蠹民偷。險戾奸欺之習。未嘗非

聖祖晚年整肅官方。矯除薄俗之遺意也。是以數年之後。蒸蒸日上。變外自郡州縣吏。私餽不行於大府監司。內而閭部院司臺垣。不敢以已事干外吏。倉庫侵蝕者。所在充盈。庠序鮮蠶陵之士。門閭無苛索之兵。蠹吏散朋。奸民

徙業。孔子所稱善繼人之志。善述人之事者。我

皇考實克當之。

皇考即位之元年八月。即

手書建儲事。密封宮廷。布告羣臣。八年六月。

聖躬違和。

特召臣。及莊親王。果親王。和親王。大學士。內大

臣。數人入見。

面諭遺詔大意。謂朕夙夜憂勤。惟體

聖祖之心。以為心法。

聖祖之政。以為政。因見人情澆薄。官吏徇私。罔知改省。不得不懲治以戒將來。故有從前條例本嚴。而改易從寬者。乃原議未協。朕與廷臣悉心酌定。可垂永久。有從前本寬。而改易從嚴者。本欲俟諸弊革除之後。酌復舊章。乃知

皇考聖智天縱。灼見

聖祖不言之意。以就前功。而隨時取中。用建民

極蓋

聖祖時。瘡痍初復。非徧覆包涵。不足以厚生養而定民志。

皇考繼承之初。則政寬而奸伏。物盛而孽萌。非廓清釐剔。大為之防。其流將溢漫而不可以長久。兩朝

聖治。正如天地四時之運。相推相代。以成歲功。先儒所謂雖有改制之名。而無變道之實者。此也。

皇考聖意。原欲大加整剔。使弊絕風清。人人皆知理法。而後布恩施德。以培國家萬年元氣。昊天不弔。未假之年。使十有三年。憊精勞神之聖心。猶未釋於

龍馭上賓之日。而廣大欲沛之澤。不及旁流汪濊。以遂

皇考之初志。而

親見黎民徧德之休也。嗚呼痛哉。雍正十三年八月己丑。

皇考崩

聖壽五十有八。乾隆二年三月庚寅。葬泰陵。小子謹拜稽首而獻頌曰。

惟

天行健。運而不息。陰陽甄陶。萬殊一則。惟聖時憲。建極宜民。其用曷先。曰義與仁。當豐而亨。節亦潛滋。既大且豫。必戒其隨。

皇帝繼序。履盛持盈。日暄雨潤。雷動風行。

皇天所付。惟此嘉師。

四聖容保。予承予依。曰予作君。在厚其生。其災其害。我躬是膺。曰予作師。在正其德。其薄其頑。我躬之忒。設監置牧。惟民之安。苟非其人。慮為民殘。心膺股肱。信賢不貳。庶司百吏。開誠以示片言。必錄小善。必登耳提面命。無或荒寧。官箴之敗。交以賄成。賢奸可易。白黑可更。植黨背公。譸張譎誑。上下相蒙。斯民曷望。重增秩祿。用絕苞苴。私塗既閉。邦經可臚。旌廉擢能。俾欽俾慕。誅恣懲貪。俾愧俾寤。九官

承式庶事寡愆。大府整躬。百城晏眠。敬刑明罰。亂獄無滋。歲會月要。出納無欺。救荒拯溺。家露戶浹。增防浚川。役均廩給。興禮明教。以示之則。禁暴詰姦。以除其慝。煌煌

帝京。政肅風清。豪強屏息。奸宄潛形。博戲闕置。鵲茵雞柵。奇技淫聲。兒童莫識。近自畿甸。周於海隅。山行野宿。刁析無虞。曷占政成。官稱其職。曷占民安。鼓腹作息。

皇帝致治。身為表儀。由中達外。誠一無私。

郊

廟明禋洞洞屬屬。

闕廷涖政。雍雍穆穆。大孝備矣。昭哉嗣服。眷舊親賢。久而彌篤。近承德意。遠樹風聲。父勉其子弟。祇其兄。未明求衣。日昃不食。一日萬幾。是匡是飭。

天現其光。珠聯璧合。地效其靈。河清川翁。畋穗叢岐。

陵芝結紐。鳳翽麟遊。近在郊輦。

皇帝曰咨。毋安毋豫。我君我臣。惟戒惟懼。遇災而懼。災可為祥。以祥為常。志將日荒。重道崇文。德心是懋。張皇六師。武不敢究。天衢如砥。萬國朝宗。開我明堂。四裔來同。盛德之氣。生物之元。於時為春。在人曰仁。尊嚴之氣。物以凝閉。於時為秋。在人曰義。巍巍

聖皇。是則是效。雨露雷霆。罔非至教。

德厚於地。

智崇如天。儀我後昆。億萬斯年。○戶部議覆蘇

州巡撫邵基疏稱。蘇州鎮江淮安大河揚州五衛事務甚繁。請照江淮興武二衛之例。每衛各給養廉銀五百兩。其太倉鎮海金山儀徵徐州五衛事務稍簡。每衛各給養廉銀四百兩。均應如所請。以乾隆元年為始。一體支給。從之。○又議覆大學士管浙江總督事務嵇曾筠疏報。龍游江山二縣荒缺田地山塘四百五十八頃五十三畝有奇。應徵銀米永請豁免。從之。○旌表守正捐軀之江蘇江陰

縣民倪舜臣妻陳氏○癸巳。

上御乾清門聽政○詣

皇太后宮問安○命河南兩省河兵椿手得食戰餉諭總理事務王大臣聞河營兵丁內有椿手一項下埽發椿履危蹈險較之力作兵丁更為辛苦前將江南二十河營兵丁改為戰二守八俾椿手均食戰餉以賞勤勞而河南山東兩省河兵尚循舊制所當照江南之例一體加恩者著將河東兩省河兵亦改為

五十一卷之二

戰二守八用力較多之椿手得食戰餉以示朕慎重河防優恤戎行之至意○禮部尚書徐元夢以年老乞休得旨尚書徐元夢老成望重雖年逾八旬未甚衰憊著照舊供職量力行走不必引退但伊繙譯職掌甚多難於兼顧應酌量減派以便頤養其繙譯日講春秋等書著內閣學士岱齊管理一切繙譯碑文祭文等事著侍讀學士德通承辦姓氏館事務著內閣學士春山代管稽查咸安宮繙

譯著詹事吳拜管理○準噶爾回民米爾阿書爾來降賞給安插如例○甲午。

上詣

皇太后宮問安○戶部議覆大學士管浙江總督事務嵇曾筠疏報海寧縣修築海塘取土挑廢民田地蕩一十五頃四十五畝有奇應徵銀米照例開除從之○又議覆署陝西巡撫崔紀疏報朝邑邠陽韓城華陰等四縣衝塌田地七百九十三頃四十二畝有奇又荒鹵低窪地四頃五十二畝有奇應徵銀米均請照例開除從之○以駐防烏里雅蘇臺副都統塔勒瑪善為歸化城左翼都統○予故正紅旗奉恩輔國公訥圖祭奠如例謚敦敏○乙未諭總理事務王大臣今歲直隸山東有被水之州縣民食艱難朕已屢降諭旨多方籌畫務使閭閻不致失所其勘明成災之州縣該督撫等自督率有司蠲賑兼施悉心經理而勘不成災之地方舊無蠲賑之例但

彼地二麥既早秋成又薄難保貧民無乏食之虞亦當酌量加恩以資力作或應貸與社倉穀石或應借給籽種銀兩著直隸總督山東巡撫轉飭地方官體訪詳確實力奉行毋得視為故事○又諭邵基簡任江蘇巡撫正資料理昨聞患病沉重特遣御醫馳驛前往調治冀其痊可今聞溘逝深為憫惻著該督委員經紀其喪送回本籍其應得卹典該部察例具奏○調湖北巡撫楊永斌為江蘇巡撫以署禮部侍郎張楷署理湖北巡撫印務○丙申

上詣

皇太后宮問安○命國子監

聖廟用黃瓦諭總理事務王大臣

至聖先師孔子天縱聖神師表萬世尊崇之典至我朝而極盛

皇考世宗憲皇帝尊師重道禮敬尤隆闕里文廟

特命易蓋黃瓦鴻儀炳煥超越前模朕祇紹先猷羹牆念切思國子監為首善觀瞻之地辟廡規制宜加崇飾大成門大成殿著用黃瓦崇聖祠著用綠瓦以昭展敬至意○吏部議覆巡查寧古塔御史蘇昌奏稱船廠將軍衙門兼理地方人命事務請添設理刑司主事一員筆帖式二員應如所請從之○戶部議准雲南總督尹繼善奏遵旨查勘陸涼州旱馬廠硤瘠地五十二頃七十五畝有奇應徵夏稅折色等項銀兩概請豁除其水馬廠魚課等瘠薄田地三百四十五頃五十八畝有奇止能照則科徵至年收租折銀兩應請減免從之○旌表守正被戕之直隸民溫亮山女溫氏○丁酉頒賜

聖祖仁皇帝御製文集

世宗憲皇帝硃批上諭

御製樂善堂集各十部於官學從翰林院侍讀

學士春臺請也○戶部議覆直隸縱督李衛

疏稱。河間府屬任邱等六州縣。額設墩夫四百四十名。應付過往差使。其餘府州縣並未設立。請將任邱等六州縣額設墩夫。裁去一百七十名。以一百五十四名。改撥順天府屬之良鄉。涿州。保定府屬之新城。雄縣。尚餘十六名。查交河縣所轄驛路。計程八十里。原額止二十名。應添入交河縣屬之富莊驛。以資接濟。均應如所請。從之。閩浙總督銜。專管福建事。郝玉麟。疏報。惠安場。壅復鹽埕一百

實錄卷五

五

三坵。詔安港口等場。壅復鹽埕一百四十四坵。鹽埕五十七口。○予故鑲黃旗蒙古都統塞爾弼。祭葬如例。○戊戌。遣和碩履親王允禔。祭

泰陵。○諭八旗都統等。上年三月間。曾經降旨。將荊州江寧咨送官員內。告請留京効力行走之協領。常在。噶爾薩。雲布。著照原銜。即行補用。佐領。五金兒。金圖。防禦。珠成。額著以原銜試用。俟一年期滿。行走果好。再行實授。原

嘉其不戀故土。告請留京効力之忱。故准留京居住。伊等留京之後。若以尚未補用。不予食俸。情殊可憫。著交各該旗查明此項人員。已經補用者。其未用之前。未經支領之俸。著照伊等原銜補給。其未經補用者。亦著照伊等原銜補行給俸。派委相當差使。効力行走。○予故鑲黃旗滿洲副都統塞都祭一次。已亥。

上詣

實錄卷五

五

皇太后宮問安。○諭總理事務王大臣。據福建總督郝玉麟奏。稱福州地方。於八月十五夜。颶風忽作。甚為狂烈。省城兵屋民房。多被吹倒。亦有壓傷人口者。沿河沿海之商民船隻。亦多撞損飄沒。現在飭查。分別賑恤等語。今年六七月間。閩省雨水過多。州縣有被水之處。已諭令該督撫加意撫綏。資其困乏。繼聞水勢消落甚速。貧民已獲寧居。其他未淹地方。禾稼茂盛。朕懷稍慰。今聞福州一帶。又有

颱風之災。廬舍舟船多有損傷。朕心深為軫念。著該督撫轉飭有司。速行確查。妥插賑濟。務使被災兵民各得棲止。不致一夫失所。○恩科武會試。以刑部侍郎孫國璽知武舉。刑部尚書孫嘉淦為正考官。詹事府少詹事許王猷為副考官。○庚子。諭總理事務王大臣。朕以八旗生齒日繁。而生計不足。日夜為之籌畫。上年諭令總理事務王大臣悉心妥議。隨經王大臣等議借官兵俸餉各一年。分季

實錄卷五十一

奏

扣還。俟二年後再為酌量奏請。朕思文官已給有雙俸。武員亦給有隨甲。似可敷用。惟兵丁生計向來艱窘。不無借貸之事。上年借餉時多有償還舊欠者。今若待二年後方行找借。恐伊等目前艱難。又復重利借貸。有妨生計。除在京官員及

陵寢通州沙河兵丁等。毋庸借給外。其在京兵丁等。著再借給餉銀半年。通前展限二十四個月。陸續坐扣。俾得藉以經歷度歲之資。爾

兵丁等宜思國家之經費有常。朝廷之賞賚有節。務從儉約。以仰事俯育。共受國家之恩。倘官銀到手。快一時之意。徒事花銷。而不計將來之用度。是既負朕恩。又自取困苦矣。思之思之。著將此旨通行曉諭。並傳諭該部於閏九月給發。○吏部議覆給事中德山奏。請定稽察八旗事務御史處分一摺。凡各旗都統參領所辦案件。有錯謬遲延。該御史不行查叅者。罰俸六個月。有瞻徇情面。知而不行

實錄卷五十一

奏

者。降二級調用。從之。○工部等部議覆江西巡撫岳濬疏。請修築豐城縣沿江土石隄岸。勘估物料。夫工銀四千二百兩。零每年增修搶護。豐城縣民捐歲修銀一千五百兩。請行豁免。均於鹽規項下動支應用。從之。○賑陝西咸寧長安咸陽等三縣。被水飢民。從署陝西巡撫崔紀請也。○免湖北漢川江陵潛江沔陽荊門監利等六州縣。乾隆元年分水災應免起存銀五萬六千六百十兩有奇。○貴

州總督張廣泗疏報雍正十三年分長寨等五廳州縣民苗開墾額內額外荒田七頃五十五畝有奇荒地九十四畝有奇。

實錄卷五十

奏

大清高宗法天隆運至誠先覺體元立極敷文奮武孝慈神聖純皇帝實錄卷之五十

大清高宗法天隆運至誠先覺體元立極敷文奮武孝慈神聖純皇帝實錄卷之五十一

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳九月辛丑工部議覆漕運總

督補熙疏言漕運議單內開漕船載米不得過四百石入水不得過六捺遂相沿河水以三尺五寸為度嗣於雍正二年定議江西湖廣糧船遠涉長江造船以十丈為率載米一千石有餘入水八捺非得四尺難以濟運而該管河員仍執三尺五寸之例每遇水涸之年輒以尺寸已足不肯加力疏濬以致船運淺阻請嗣後開河之水以四尺為度令沿河官弁實力遵行應如所請從之○八旗都統

議覆署鑲紅旗蒙古都統布蘭泰奏將養育兵每月餉銀三兩改為二兩其餘銀增缺另補應如所奏辦理又所奏十八歲以上之養育兵或因步射平常不能挑取護軍馬甲即換為步甲查十八歲為限太近應請以二十五歲為限至此內有父兄陣亡子弟孤弱殘疾者該叅佐領具給報明留給養育兵原餉應如所請從之○署河南巡撫尹會一疏報乾隆元年分濟源等四縣開墾旱田一項二十九畝有奇○癸卯

上御乾清門聽政○詣

皇太后宮問安○以署理工部侍郎鍾保為工部右侍郎○以光祿寺卿劉吳龍為通政使司通政使仍留順天提督學政任○以雲南廣羅協副將周儀為湖廣襄陽鎮總兵官貴州都勻協副將曾長治為貴州威寧鎮總兵官雲南督標中軍副將王大綬為雲南開化鎮總兵官○予故正藍旗滿洲都統莽鵠立

祭葬如例諡勤敏○鑄給金華府清軍糧捕驛鹽水利通判關防從大學士總理浙江海塘兼管總督嵇曾筠請也○甲辰訓飭言官毋挾私言事諭總理事務王大臣國家設立科道官員專司建言之責必心本無私又能通達治理乃為無忝厥職若識見雖未明通而居心樸誠則其言雖愚戇而尚無害於事理朕亦鑒其忱悃而優容之惟胸懷愛憎之私借章奏以展其巧計者則有玷臺垣國法不可以輕恕即如並未深悉地方民情而奏稱某地某事甚善而承辦之人已暗受推薦奏稱某地某事不善而承辦之人已隱被其中傷是其敷陳之時並非據實秉公匡勦政務而言在於此意注於彼其居心尚可問乎看來近日科道中此等習氣頗不能免亦難逃朕之洞察今年毛城舖一案即其明驗也朕所以已敕部糾察而復寬恕者特以伊等職在言官過為初次然寬大之恩不可屢邀

而獻納之實。所當躬踐。至如前日御門。御史謝濟世露章奏九卿。刑部秋審不公。其意本於摠誠。尚近於愚戇一流。而非出於愛憎之私者。此事已交總理事務王大臣查奏。即使所奏非當。朕亦取其戇直。斷不以所言未協。輒加斥責也。其餘科道官員當捫心自問。如稍有愛憎之私。未泯於中者。各宜猛省。悛改毋蹈罪戾。○戶部議覆大學士管浙江總督嵇曾筠疏。報開化縣荒缺田地一千一百

十七頃三十九畝有奇。應徵銀米。以乾隆二年為始。照例豁除。從之。○命戶部尚書署湖廣總督史貽直回部辦事。以甘肅巡撫德沛為湖廣總督。山西按察使元展成為甘肅巡撫。○乙巳。兵部以恩科武會試中額請。得旨。這考試。漢軍取中五名。直隸取中十五名。福建取中六名。河南取中八名。四川取中六名。陝西取中十五名。江南取中五名。浙江取中六名。山東取中五名。山西取中十名。雲南取中

三名。廣東取中十名。廣西取中二名。江西取中三名。湖南取中三名。湖北取中三名。貴州取中二名。○丙午

上詣

皇太后宮問安。○遣官祭

歷代帝王廟。○遣官祭

都城隍之神。○諭總理事務王大臣。八旗護軍校驍騎校等。原係食俸之員。因欲令伊等用度從容。故將俸項改給錢糧。而遇閏之年。不得與兵丁一體支領閏餉。伊等於閏月用度。未免拮据。著於本年為始。凡遇閏月。照兵丁例一體支給閏餉。○戶部議覆雲南巡撫張允隨疏。言裁改鎮沅。元江。普洱。威遠。思茅。寧洱。等府廳縣田地錢糧。請照雍正十三年。督臣尹繼善條奏。就近劃歸管轄。均於乾隆二年為始。入額徵收。從之。○廣西按察使黃士傑故。以廣東廣南韶連道馮元方為廣西按察使。添建山西大同鎮標中營。守備保德營。

都司衙署從巡撫覺羅石麟請也○丁未定
閏年飯廠增半月之例諭總理事務王大臣
京師輦轂之下民人衆多更有外省失業之
民來京覓食者定例於十月初一日五城設
立飯廠十處以濟貧乏朕思今年適值歲閏
天寒較早閏九月十五日便是立冬節令恐
待哺貧民不無凍餒之患著加添半月之期
於閏九月十五日即行開廠不必拘十月初
一之例都察院堂官可督率五城御史稽查
經理實心任事務令小民均沾實惠○定承
襲官年幼署理之例諭從前勲舊佐領並世
管佐領缺出俱將應襲之人帶領引見即行
補放此內如有年幼者暫給半俸其佐領事
務另行著人署理今年四月內鑲白旗漢軍
為承襲祖尚德世管佐領帶領引見之人年
紀幼小亦奏請著人署理朕覽祖尚德家譜
內有佐領數員因降諭旨此佐領與其令異
姓人署理即著伊族中佐領祖尚志署理俟

承襲之人長成能辦事之時再行補放此特
因原管佐領並世管佐領闔族之人皆由伊
等祖父相傳管理若因承襲之人年幼不能
辦事即著異姓人代管恐於此佐領之事不
能悉知自不相宜徒滋事端是以仍著伊族
人署理但此等世襲佐領缺出以應襲之人
年幼旗下大臣即著他人代管本人佐領懸
缺不補致出缺人等之子孫暫且不得半俸
朕從前未念及於此嗣後原管佐領並世管
佐領缺出仍照前將應襲之人即行帶領引
見補放若補放之人年紀幼小即將伊族中
管佐領之員署理如無管佐領之員著將伊
族中應署之員署理如再無應署之員另行
揀選異姓人員內去得者具奏署理其承襲
佐領之人照例給與半俸俟其長成能辦事
時再行具奏將佐領事務令其移交管理著
將此旨曉諭八旗一體辦理○總理事務王
大臣等議覆直隸總督李衛奏直屬今年春

夏雨澤稀少。秋月山水陡發。低田被淹。酌議賑濟各事宜。一按照被災輕重。分別賑給。最重者。於冬春四個月之外。加賑兩個月。其餘以次遞減。最輕者自十一月起。賑三個月。大口每月給穀三斗。小口半之一。種地被淹旗戶。應並邀賑恤。除莊頭等足以資生者外。其有專靠旗地數畝。墾種為活者。照所住州縣民人賑濟月分。一體散給。至八旗餘絕地畝。併網戶地畝。請按照成災分數。減免租銀。一分別緩徵。以寬民力。凡被水不成災地畝。本年錢糧。緩至來年麥熟。所借存倉米石。緩至來年秋收。至本年所借平糶米石錢文。其收成畧薄者。緩徵一年。無收者全行緩徵。俱於來年麥熟後追完。一循例蠲免耗羨。查特恩蠲免。耗羨仍舊。本年大興等七州縣。奉旨蠲免錢糧。又因春夏雨少。蠲免直隸通省錢糧。所有隨徵耗羨。亦請一併蠲免。均應如所奏辦理。得旨依議速行。○戶部議覆署陝西巡

撫崔紀疏報。府谷神木二縣。本年被雹成災。現經查勘分數。於今冬明春分別借給口糧。應如所請。得旨依議速行。山西巡撫覺羅石麟疏報。晉省今夏雨澤未普。至七月中。疊沛甘霖。惟興縣襄陵等十三州縣。雨水不足。隨經委員查勘。據報襄陵等八縣。旋得透雨。可望收成。惟興縣臨縣永寧臨晉榮河等五州縣。秋收自二分至五分不等。現在分別賑濟。得旨朕聞山西地方。有秋禾被旱之處。米價騰貴。民食維艱。已諭令該撫加意賑恤。今據奏稱。現在委員查勘。辦理散賑等語。但被災州縣。恐不止此。災賑關係民生。必須周詳迅速。方有裨益。絲毫不可輕忽。著侍郎孫國璽速行前往。會同巡撫石麟督率所屬官員。實心經理。務使貧民均霑實惠。毋使一夫失所。如有州縣官匿災不報。賑濟不周者。即行嚴參。倘有不實心辦理。經朕訪聞。或科道官叅奏。必將孫國璽石麟從重治罪。其平糶緩

徵蠲免各事宜。該撫照舊例速議奏聞。請旨該部知道。○以廣東布政使薩哈諒為山西按察使。江西布政使刁承祖為廣東布政使。內閣侍讀學士阿蘭泰為江西布政使。○調山東布政使鄭禪寶來京。以山東按察使黃叔琳為山東布政使。陝西漢興道白映棠為山東按察使。○旌表守正捐軀之浙江仙居縣民趙佳進女趙氏。陝西西安府民王居相妻李氏。○戊申。

上詣

壽皇殿行禮。○諭總理事務王大臣。前聞陝西西安等處夏秋雨少。糧價昂貴。七月間雖得雨霑足。又以河水漲溢。民間田廬有淹浸之患。朕心軫念。已屢降諭旨。著該巡撫遴委賢員查勘撫綏。悉心籌畫。毋使一夫失所。今聞西安地方草束短少。秋冬之際。芻秣尚可支持。明年正二三月。則草價更昂。將軍標下兵丁額領之銀。不敷喂馬之用。未免拮据。著將

春季三個月駐防兵丁所有草價加增一倍賞給。一交四月青草發生。仍照舊例支領。至督撫標下牧馬草價應否酌添之處。著該督撫妥議具奏。○又諭。昔年廣西等省派往貴州出征兵丁。所借餉項已於雍正十三年九月初三日恩詔內豁免。聞廣西平樂營兵二百名。於雍正十三年十月內奉調起程赴黔。借支司庫銀三百六十一兩零。此項在恩詔之後。例應扣還。但朕念兵丁出征勞苦。今軍務告竣。應與衆兵一體霑恩。將所借餉銀豁免。不必扣繳。又聞土田州出征黔省目兵四百六十五名。於乾隆元年十一月內在軍前監紀處借支銀三百七十二兩。製備冬衣。亦係應行追繳之項。朕念伊等隨征効力。今當加恩休養之時。此項亦著豁免。不必追繳。可即傳諭該督撫知之。○戶部議覆直隸總督李衛奏籌辦買補倉糧賑濟民食查直屬本年低處秋田雖淹而高阜平原收穫豐稔。民

間糶賣。價值平賤。請不拘米穀高粱雜糧。按時價收買。照例搭放賑濟。但本地所產米糧有限。若一時購買。恐於民食多妨。應於山東膠萊濟寧等處採買。又奉天產米最多。亦請委員購辦。倘奉天以上年曾被偏災。恐致米貴。即將該處倉糧酌量留備足用。其餘交委員領回。留價採買補還倉穀。再河南楚王道口二鎮。係從直隸歸併。均屬米糧聚所。亦應一體知照。至宣化府屬州縣應需米石。則於古北口外之熱河及張家獨石二口外地方採買撥用。均應如所奏。得旨依議速行。○鑲紅旗蒙古都統申慕德奏請熱河訓練兵丁。賞借三個月錢糧。俾得即備皮衣。分起前進得旨。如所請行。○免山東濟南泰安武定兗州曹州沂州東昌府等屬。德平等三十三州縣衛。本年旱災。額賦銀二萬五千八十兩有奇。○免陝西商南山陽雒南等三縣。電災額賦有差。○以故奉國將軍鄂岳之子多福。照

例襲奉恩將軍。○以鴻臚寺少卿嚴瑞龍為湖南按察使。○湖南巡撫高其倬疏報桑植澧州安鄉安福等四州縣開墾田地六十四頃八十八畝有奇。○已酉諭總理事務王大臣。德沛在甘肅巡撫任內聲名甚好。今已用為湖廣總督。伊前所奏開渠鑿井興修水利等事。皆利益民生。愛養黎元之切務。歷來督撫。似此留心本計者。頗不多見。但伊在任未久。各處工程。有大概告成者。亦有未曾就緒者。或有計議興作。尚未舉行者。應寄信與大學士查郎阿。新任巡撫元展成。督率屬員接續辦理。無廢前功。其因時制宜之處。又在伊等臨期斟酌。總以利濟民生為要。元展成到任時。著查郎阿將朕此旨傳諭知之。○戶部議覆兩江總督慶復疏稱。安屬孤貧口糧多寡不均。請照江蘇之例。將額設孤貧口數。自戊午年為始。按名均給。每日各給銀一分。共歲給銀三兩六錢。遇閏加增。小建扣除。均應

如所請從之。○又覆兩江總督慶復疏稱。揚通等六府州屬。額徵夏麥例係先漕徵納。查各屬產麥稀少。民間每多購買交倉。且按畝驗派。僅止升合。州縣亦難分款催徵。請改徵米石。隨漕交納。應如所請從之。○旌表守正捐軀之直隸蠡縣民宋狗兒妻李氏。河南新蔡縣民劉布妻李氏。陝西長安縣生員郭周翰妻陳氏。○庚戌。總理事務王大臣等議覆戶部左侍郎趙殿最等奏。遵旨查勘運河水泉閘壩。公同酌籌各事宜。一修築各湖圈堤。查蜀山馬踏馬場等湖。為潯水濟運之要區。從前修築圈隄。閱久低缺。請全行修築。並建石閘涵洞。以時啟閉。一疏濬泉河。查諸泉距湖遠近不等。必由泉河始達於湖。其達蜀山馬踏二湖者。曰匯河汶河。達馬場獨山二湖者。曰泗河。府河皆水泉歸湖之咽喉也。請每年於十月水落後。即查明淤淺段落。募夫挑濬。一定期築壩挑河。請每年於十一月初一

日煞壩。其開壩日期。以南漕船頂臺莊閘為準。一禁止紊亂漕規。以資宣蓄。查河水高下相懸。恃石閘為收束。如下閘未閉。上閘已開。勢必一瀉無餘。請令沿河鎮道等。務遵漕規啟閉。不得以儻運迅速。逼勒啟板。一酌修何家舊壩。以資宣洩。查汶河自戴村壩以下。分水口以上。有何家口地方。舊建滾水石壩一道。外有支河二道。與為通流。前總河朱藻奏准。於二支河口。築土壩二道。不使汶水旁洩。但春夏之交。汶水浩瀚盈溢。為虞請於兩道土壩內。各建涵洞一座。設閘板。以時啟閉。一武城之城根衝刷。應酌籌變通。查武城縣城垣在運河之南。其東北一隅。正當迎溜頂衝。城根日漸坍塌。前總河朱藻議准。於南岸修建磚工。以護城垣。但該處地係流沙。磚工易於衝裂。現在酌議。或於北岸另開運河一段。將舊河築壩斷流。或形勢不便挑河。於該工上首建築水壩一座。挑溜開行。以護下工。

請令河撫諸臣飭河道勘明定議均應如所奏辦理得旨依議速行○又議覆戶部左侍郎趙殿最奏據副都御史陳世倌條陳東省運河事宜一東平州戴村壩係引汶濟運關鍵陳世倌奏明潘季馴建石壩時有無玲瓏原制現在應否改建石壩查山東通志載潘季馴建玲瓏石壩是玲瓏原係舊名該處原有玲瓏滾水亂石三壩惟玲瓏最關緊要雍正四年學士何國宗等查勘壩工另築石壩一道堅密難以刷沙水漲之年民田受其衝溢尋經總河朱藻改作涵洞五十六座以洩水勢是石壩終不可行必須仍按玲瓏刷沙之意兼得截水濟運之法方保萬全今查勘涵洞泥沙壅積請將中間用灰石填塞兩邊各留八洞下板攔束再添設閘官一員督率挑挖專司啟閉等語查汶水上受泰安萊蕪等九州縣山水源遠流長每遇伏秋水發水從壩面滾瀉鹽河若將中間涵洞填塞遇汶

水驟發宣洩不及沿河州縣必受漫溢應請勅下河東總河再行詳勘其中間涵洞四十座暫停填塞其兩邊十六洞挖盡浮沙務見老土如果堅實可垂永久再行下椿鋪石俟經試一二汛後請旨遵行○陳世倌奏恩縣四女祠滾水磚壩仍改用磚工並將支河挑濬深通查四女祠在運河東岸舊有減水閘一座支河一道係洩運河漲發之水後支河淤塞閘亦廢圯經學士何國宗奏建滾水壩一座壩南修築磚工將支河照舊挑挖因大水磚工坍塌總河朱藻用柴搶修因成柴工今陳世倌請仍用磚工似可不必惟原挑支河至楊家莊而止下流仍然不通議從石壩口起至德州九龍廟應挑河泓一道磚工迤西至三義廟應幫築土隄二百餘丈等語應令河東總河飭令河道於水落土乾之日題請興修○山東德州哨馬營設有滾水壩引入支河以洩運河異漲之水原以佐四女祠

宣洩之不及。緣支河受漳衛之水。挾沙帶泥。水過積淤。是以未能暢洩。陳世倌奏果有淤淺之處。重加疏濬。查支河口壩。面寬三十丈。以下漸窄。至曹村隄口。僅寬十六丈。積淤愈甚。急宜挑挖。中間又有惠濟一橋。僅高八尺。橋下石柱挨排。應請拆去。拔除椿石。設立官渡船一隻。秋冬另搭草橋。以濟行人。曹村隄口。應再開寬八丈。陳公隄缺口九處。一體堵築。於迤南建石閘一座。再於支河南隄涵洞外。圈築土壩一道等語。查陳公隄缺口九處。為民間私洩坡水。今一改石閘。遇有不肖官吏。司其啟閉。轉致病民。應令河東總河。悉心查勘。順從輿情。另行請旨遵行。其築壩挑河造船各事宜。均應如所請。得旨。依議速行。○又議覆。戶部左侍郎趙殿最等奏遵旨會勘東省運河水泉閘壩各情形。先是。御史馬起元奏。山東直隸兩省運河水泉近多湮塞。閘壩亦已傾圯一摺。奉旨。令侍郎趙殿最等前

往會勘。至是。趙殿最等奏稱。東省諸河。現在暢流平流。彼此貫注。泉源四百三十九處。無不疏通。閘壩均屬完固。應將馬起元所奏。均無庸議。至趙殿最等所奏。運河石閘。共計四十八座。東西兩岸斗門涵洞。及滾水壩洩水橋等。共計六十七座。均關運道。現經逐一查看。除臺莊等石閘九座。業經修理外。其戴廟七級柳林新店師莊棗林萬年頓莊等閘內。有鴈翅漸墊。或面石裂縫。兩岸斗門涵洞內。有滿家三空橋。鴈翅低陷。六里石閘。閘面太低。恐礙行船。應如所奏。交河東總督等次第興修。并請嗣後各閘。如有石塊脫落鼓裂之處。令該管官詳報總河。會同該撫查驗。隨時修葺。從之。○吏部議覆。御史舒赫德疏稱。滿洲蒙古郎中。陞途稍隘。應照漢郎中之例。保舉道府。查滿洲郎中。向例以布按兩司陞用。若保送知府官階未相符合。請嗣後遇有保送道員之時。令該堂官與漢司員一同保送。

從之。○雲南巡撫張允隨疏報。恩樂縣開墾夷田一十五頃九畝有奇。○辛亥。

上詣

皇太后宮問安。○吏部議覆太僕寺卿蔣連奏。直省各官養廉。應令就近支領。查道府養廉。為數既多。若在州縣支領。恐滋弊竇。其州縣佐雜等。應如所奏。在該處徵銀內撥給。按季冊報。得旨。依議。州縣以下等官養廉。於各州縣就近支給。可省解司赴領之煩。仍令該管

上司。不時稽察。毋得啟豫。領透支等弊。○戶部議覆。陞任甘肅巡撫宗室德沛疏報。寧夏縣屬河忠堡。張口堰。本年河水衝決。淹沒田禾。所有被災男婦。無論大小。每名給與社倉糧三斗。應如所請。得旨。依議。速行。○御史明德奏。奸民富戶。囤積錢文。勒價昂貴。請勅下順天府府尹。並五城巡城御史。嚴查從重治罪。得旨。上年八月。朕加恩八旗官員兵丁。借給一年俸餉。而京師錢文貨物。一時昂貴。彼

時即降旨曉諭。令其省改。不得蹈為富不仁之戒。目下朕又加恩。借給八旗兵丁半年餉銀。以厚其生計。乃帑銀尚未領出。而錢價物價已經驟長。此等商民。竟不凜遵從前諭旨。而惟以圖利為心。是不奉法之奸民矣。殊不知兵民原屬一體。貿易亦應公平。況兵丁以銀易錢。易貨。商賈營運。得以流通。即照常市賣。亦儘可獲子母之利益。何得借以居奇。不知饜足。為此貪饕剝削之計。致使國家加惠兵丁之善舉。竟為奸民等所阻。其罪誠不可逭矣。朕思伊等商民。自營生理。或一時為利慾所蔽。專務貪取。而昧於公平之義。然既具有人心。則天良未泯。尚可望其醒悟。著步軍統領順天府尹五城御史多方曉諭。速令悔改。如仍蹈故轍。則國法難寬。即照該御史所奏。從重治罪。如兵丁等。因此諭旨。有向鋪戶短價強買者。經朕訪聞。亦必重治其罪。○壬子。

孝慈高皇后忌辰遣官祭

福陵○癸丑諭總理事務王大臣前聞福建閩縣侯官長樂福清連江羅源等六縣於八月十五夜颶風為患廬舍舟船多有傷損已諭令該督撫督率有司妥插賑恤務使兵民得所今思此六縣民人從前曾經被水今又被風各為繕葺室家之計未免拮据其本年額徵未完錢糧輸將竭蹶著該督撫轉飭該縣暫緩催徵看地方收成情形應於何時徵收再令民間完納該部可遵諭速行○又諭滇省安寧等地方上年收成歉薄朕屢降諭旨令該督撫悉心籌畫多方經理以濟民食除蠲除錢糧外並將分作三年帶徵之秋糧全行豁免俾閭閻無追呼之擾但聞滇省有夏稅一項久經以來改米同秋糧並徵今秋糧既免而夏稅猶分年完納恐小民難以分別輸將而官役又易於從中滋弊非朕加惠邊民之意著將上年歉收各屬夏稅共麥菽豆

折徵米一萬八千二百六十四石七斗零米菽折徵銀四千八百五十四兩五錢八分永北府未完帶徵麥一百四十一石悉予豁免該撫張允隨可即宣朕此旨通行傳諭並飭有司確實遵行毋使不肖官吏及地棍人等侵蝕中飽○命本年各省秋審情實人犯停止勾決○總理事務王大臣等議覆戶部左侍郎趙殿最等奏籌酌東省運河各事宜一東省沿河諸湖蓄水濟運關係最鉅查東岸之馬踏蜀山馬場獨山西岸之微山諸湖多種蘆葦雖目下湖勢不十分迫促若再佔種於運道大為不便請令河撫諸臣嚴行禁止再西岸南旺南陽昭陽等湖向係水櫃現在僅堪洩水不能復用亦請修治均應如所奏辦理一大小清河乃濟水之故道二河原相表裏以洩濟南青州二府之水實為民利今大清河現在通流小清河久經淤塞現據倉場侍郎陳世倌奏請開小清河之下游海口

以防水潦衝溢。但下游固宜疏濬。而上游必須一律宣暢。亦請次第興修。應勅山東巡撫親履確勘具奏。一挖淺按戶派夫。多係窮民。或不給以工食。請嚴諭河員。務使親身派給。亦應如所奏從之。○又議覆陞任甘肅巡撫宗室德沛請豁免甘省河西甘涼寧三府州縣衛隨徵馬糧一萬一百餘石。零查此項原係前明額外之徵。於民實多苦累。況該省河東各府額徵糧內並無馬糧一項。而邊地窮民獨相沿未革。應如所請。自乾隆戊午年為始。照數豁免。得旨依議。○戶部議覆閩浙總督銜專管福建事郝玉麟疏報臺灣社番巴老等率男婦二百八十五名歸附版圖。請輸年貢獐鹿皮暨折餉銀兩。酌收每年獐鹿皮各一張。免其折餉銀兩。以示羈縻。從之。○旌表守正捐軀之山東萊陽縣民董松兒妻孫氏。○甲寅。

孝敬憲皇后忌辰遣官祭

泰陵○乙卯

上詣

皇太后宮問安。○兵部議覆山東巡撫法敏疏稱。東省河撫兩標所有賞兵生息銀兩。敷用有餘。查充登二鎮兵數衆多。充鎮現存本利銀二萬餘兩。登鎮現存本利銀一萬八千餘兩。每年所獲息銀不敷賞給。請於河撫兩標各撥出銀三千兩。以五千兩添給登標。以一千兩添給充標。於乾隆戊午年為始。照數酌給。應如所請從之。○戶部議覆署理陝西巡撫事崔紀疏。請豁免神木府谷榆林懷遠靖邊等縣雍正十三年分借給鄂爾多斯乏食蒙古京斗米五千四百九十石有奇。應如所請從之。○禮部右侍郎方苞疏言。九卿會議宜令主稿之部先行定議。然後移送九卿。俾得從容審度。如所見既同。即移稿畫押。倘其中尚有數人未協。所議則主稿之部會同未協各員商確至當。使並列上奏。以候

聖裁。又九卿而外。詹事科道各官。應照舊例。俾得並與會議。其中或有卓見。與主稿之部原議不符。亦得隨九卿後。公同商酌。得旨。廷臣會議公務。其秉公建白與否。皆發於其人之中心。非立之章程。可迫之使然者。如方苞所奏。不但事有難行。即定以為例。而不肯視國事如已事之人。其緘默仍如故也。嗣後九卿等。當思受朕簡畀之恩。凡遇廷議事件。胸有所見。即據理直陳。互相參酌。以歸於至當。毋得推諉主稿衙門。隨班畫題。以了故事。有員朕博採衆論之至意。○設榆林府司獄一員。從署陝西巡撫崔紀請也。○以刑部尚書那蘇圖署理兵部尚書事務。○是月。兩江總督慶復奏。江省人民。好談禍福。自立教名。因有緣明教。斗母教。五恩教。長生教等。稱節經諭令地方官嚴察。茲查獲南匯縣緣明教張瑞林等。上海縣假談天主教張乾等。審無為匪情事。惟圖誑騙財物。遂將為首立教之人及

在會執事人等。分別枷杖得旨。如此辦理。殊屬寬嚴得中。防微杜漸之意。○又奏。江浙接壤。風土大畧相同。浙省蠶桑之利。甲天下。而三吳組織所需。皆資市販。應令各州縣官。查勘該處地方。可以植桑者。即官買桑秧。分給居民種植。示以育蠶之法。如有成效。即加獎賞。俾小民各知蠶桑之利。得旨。農桑乃為政之本。所當時刻留心。此奏欣悅覽之。○閩浙總督銜專管福建事郝玉麟奏。報閩縣侯官福清長樂羅源連江等六縣被風。松溪政和建安甌寧等四縣被水。請緩徵本年錢糧。並賑飢各事宜。得旨。覽被災州縣務須加意撫恤之。○又奏。泉漳地方。民風强悍。查有奸徒假神糾夥。造作謠言。謀為搶劫。現經拏獲。審究。總期毋縱母枉。以安良善。得旨。此等事。若聽其蔓延。則為害非小。若嚴究首惡。則餘類自散。毋縱母枉之言。得之矣。然地方中不可屢有此事也。○湖南巡撫高其倬奏。查勘長

沙善化邵陽桑植澧州等五州縣被水甚輕。補禾又成實。不為災。其茶陵州及衡山新化二縣屬田禾被水較重。現已先給兩月口糧。再於冬春之間。給三個月口糧。以資接濟。得旨。覽如此。盡心辦理。方是。不可以通省豐收。遂置受偏災者勿論也。○河東河道總督白鍾山。山東巡撫法敏。奏東省汶上縣南旺地方。較南北獨為高亢。古稱水脊。汶水至此。南北分流。以濟漕運。故又名分水口。為東省全

河樞機。舊有禹王廟。分水龍王廟。前明工部尚書宋禮祠。凡三區。實為往聖先賢及山川之神。有功德於民者。現會同欽差侍郎趙殿最。查勘戴村壩。目覩各廟。日就傾頽。應飭地方官確估詳題。委員監修。以肅祀典。得旨。此係應舉行之事也。俟工程完竣之日。汝等奏聞。○山西巡撫覺羅石麟疏報。晉省於七八兩月。得有透雨。查勘通省。惟興縣永寧臨縣臨晉滎河等五州縣雨澤未徧。

難望收成。所有被災貧民。現經分別極次酌定賑濟。得旨。晉省得雨。較直隸為尤遲。且聞米價日貴。此奏不稍涉粉飾乎。至被災州縣。加意賑恤之。毋致失所。○四川巡撫碩色疏。奏前奉恩旨。各省出借倉穀。至秋成後還倉。若值歉收。免其加息。查川省春借倉糧。無論豐歉。概不加息。應請仍照舊例。得旨。自應如是辦理者。豈有向無加徵。而反因此加徵者乎。○又奏。川省自設立社倉以來。惟達州內

江等三十餘州縣。有捐貯穀二萬一千餘石。此外百餘州縣。俱無存貯。查川省常平倉。每年春糶秋還。多有盈餘。應將各屬盈餘。俱令買入社倉。或盈餘州縣社糧已多。即將此州縣之盈餘。撥買糧少州縣之社倉。俟數年後。皆有積蓄。民自樂捐。積貯有數。再行酌量建倉。得旨。既經周詳籌畫。其次第實力行之。以觀後效。○兩廣總督鄂彌達奏。報本年八月初二日。高雷瓊等屬。陡被風潮。現在委員賑

恤得旨。此乃八月初二之事。至九月初十始行陳奏。乃云現在委員賑恤。先行具奏。亦可謂留心民瘼者矣。○又疏報東省雨澤稍稀。米價未能平減。得旨。或平糶。或賑恤。務在民受實惠。切不可已不飢而瘼視民飢也。○福州將軍隆昇奏。報省城陡遇颶風驟雨。廬舍損壞。除民間被災情形。即當俟總督郝玉麟查辦外。所有四旗兩營及水師旗營各兵丁。俱有損壞房屋。現在分別旗營。借給銀兩。以為修葺之用。得旨。知道了。此等奏報。惟應以實督撫。或有隱飾。尚賴汝等據實奏聞。若汝等復存諱災之念。則雖百摺奏庸何益耶。○山東兗州鎮總兵李建功奏。奉到漳河神廟。御書福佑通漕扁字一幅。敬謹摹刻。擇日懸挂致祭。以答神庥。奏入。報聞。

大清高宗法天隆運至誠先覺體元立極敷文奮武孝慈神聖純皇帝實錄卷之五十一

大清高宗法天隆運至誠先覺體元立極敷文
奮武孝慈神聖純皇帝實錄卷之五十二

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書錄星滿洲都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將

教修

乾隆二年丁巳閏九月丙辰朔免河隄屋租

并禁增建諭內閣江南黃運兩河隄工之上
向有民人蓋房居住者曾經河臣等議令拆
毀遷移以防作踐旋以小民安土重遷止令
移去險要工所之房屋其餘仍舊存留此國
家體恤貧民之恩澤也查各隄所有民房俱
無額徵租稅惟高郵寶應江都甘泉山陽五
州縣每年有應徵租銀三百八十餘兩其間
拖欠不完者往往有之朕念此等節屋茅簷
非有力之家可比若留此輸公之項雖為數

無多而追呼不免且恐有胥役借端苛索之
弊用是特頒諭旨將此項租銀永行停止並
將歷年拖欠未清之數悉予豁免惟是上下
隄工乃河渠之保障理宜加意慎重以固河
防除現在已成房屋無礙隄工者免其遷移
外將來不許再有添增如有違禁增蓋者即
行驅逐治罪並將徇縱容隱之官弁分別議
處○禁耗羨外收餘平諭內閣川省耗羨銀
兩向因公用不敷每兩完銀二錢五分朕御
極以來加惠閭閻減去一錢止存一五之數
無非欲使民力寬餘受國家休養之澤也今
據碩色奏稱該省相沿陋例於火耗稅羨外
每銀百兩提解銀六錢名為餘平以充各衙
門雜事之用等語聞之不勝駭異火耗之報
官原以杜貪官污吏之風若耗外仍聽其提
解此非小民又添一交納之項乎一項如此
別項可知一省如此他省可知朕思此等浮
多之費雖為數無幾而取之商民層層剝削

其數必不止此。難免地方之擾累。著巡撫碩色。永行革除。以杜官吏借端需索之弊。倘公用內有必不可少之項。著於存公耗羨內支給報銷。別省有如此者。著各該督撫查明具奏。該部即遵諭行。○副都統納蘇泰奏。前工部左侍郎杭奕祿請徹駐藏兵丁。奉諭旨。觀杭奕祿所奏。貝勒頗羅鼐等深以內地之兵在藏駐劄。於伊等有益前

皇考特憫念唐古忒人衆。恐內地之兵久經駐藏。或有累伊等。思欲撤回。若果有益。數百兵丁。所費糧餉幾何。著將此駐防與臺站兵丁。暫停撤回。照舊輪班駐劄。俟過一二年後。再定。副都統納蘇泰在彼年久。令其回京。著杭奕祿留藏。與總兵官周起鳳一同駐劄辦事。其應換部院章京筆帖式等著該部派遣更替。謹遵旨交代印信。即日起程報聞。○丁巳上御乾清門聽政。○命平郡王福彭兼管火器營事務。○以通政使司右通政劉藩長為光

祿寺卿。○以原任軍營叅贊大臣哈岱為正黃旗護軍統領。○戊午

上詣

皇太后宮問安。○直隸總督李衛奏。履勘涑水縣之拒馬河。雖去

泰陵七十餘里。然在東南辰方。其水法環繞去路。自應深求查此河。自入鐵索崖以下。舊分二道。其由涑水入定興。向南偏東。會羅村河。大局形勢相合。其故道既被河石填塞。自應開濬復舊。但石亭以南。河身太直。不能環抱。今因水發之後。此河於鎮子營西。改向西南。回顧而下。轉覺有天然回抱之勢。惟因中有土岡。是以下源仍向東流。由涑州歸入一河而去。稍覺未宜。莫若即將鎮子營西。現開新河南首堵其東行之路。就民間挖溝流水處。大加疏濬。不過三百一十丈。即可引入石亭以南。仍由涑水縣城外舊河之內。所謂因勢利導。則費少而工倍也。至下源數處。祇須照

明圖所指地方畧加疏濬其上源分流水口之所將淺處二百八十餘丈酌量開通則水源常流形勢環繞矣至於古城巖下分流以濟民飲其中段直河十餘里平岸沙石已成陸地毋庸挑挖可省人力十分之七又新河形勢涯岸分明且東有山岡關鎖水口不惟於風水外障水法得宜更於民間汲用灌溉有益再此河逼近萬山水勢長發不定現無專管之員應交與涑水縣縣丞經營并石亭外委把總就近巡查如有河石擋溜一面報明一面會同知縣動支公項修濬得旨如所議行○兵部議准雲南提督蔡成貴疏報雲南永順鎮總兵官蘇應選普洱鎮總兵官楊國華均係兒女姻親應照例題請迴避得旨調蘇應選為貴州鎮遠鎮總兵官鎮遠鎮總兵官劉永貴為雲南永順鎮總兵官楊國華為貴州安籠鎮總兵官安籠鎮總兵官崔善元為雲南普洱鎮總兵官○己未改廣東廣

州府理事同知為滿洲專缺從布政使薩哈諒請也○庚申戶部右侍郎趙殿最奏州牧縣令守土之官出境迎送上司前奉

世宗憲皇帝嚴切申禁載入則例今臣奉命查勘直隸河東等處河道所過地方知府牧令每於數十里外迎送曠廢職守莫此為甚嗣後凡上司欽差所過地方止許佐貳雜職於城門外驛亭迎送其正印各員非有公事傳詢不得輕率出城至教官率領文武生員迎送道左亦啟奔競之風宜一體禁止得旨這所奏是交部照所議行○刑部奏江西巡撫岳濬奏原任巡撫俞兆岳缺少九贛二關盈餘銀兩一案應令該撫按款審明分別定擬得旨朕因各省司權官吏於正稅之外巧立名色多所需索有累商民是以屢降諭旨各令裁減為恤商之計但恐不肖之徒外託減稅之名陰行侵蝕之事徒飽私橐而思惠不得下逮又不可不嚴加查核以清弊竇原

非為錢糧起見也。俞兆岳辦理關務未久，而缺額至十餘萬兩。較之他省為數甚多，朕恐其中不無情弊。特令岳濬詳細稽查。乃伊遲至半年之久，而奏稱無著者僅有二萬五千餘兩。又皆不得確據。是俞兆岳於稅務無甚情弊。而岳濬錯會朕旨。參請究追。豈朕經理關權之本意乎。俞兆岳著暫行保釋。其中有應令該撫查審之處。俟審明具題到日另行定議。○辛酉。弛旗兵現有服色之禁。諭曰：今日據查克丹奏稱禁止兵丁服色。請展限十日或二十日。令其更換等語。朕昨為服色。令照從前定制禁止者。原以現今支給半年錢糧。恐兵丁製做過分衣服。以致妄費。是以禁止。並非將伊等舊有衣服概禁不准服用也。若將兵丁現有衣服概行禁止。不准服用。將令伊等收藏家中。任其破損乎。抑或使之棄而售之乎。且兵丁既以現有者為不可服用。必致將現得錢糧另製應用之衣服。是轉令

糜費矣。何益之有。爾大臣等並未會朕意如此。妄行從嚴辦理。甚屬不是。即如人製衣裳尚可服用。若遊戲園館以快口腹。不過數次。即盡行花費。此等處從前早經禁止。爾等全然不以為事。朕今若為此降旨。則又過嚴於一時。及至過後。仍不行查禁。朕若不行降旨。爾等乃置若罔聞。諸凡事件。一經朕降諭旨。爾等自當永遠遵行。若必俟朕於一二十日之間。召入爾等。屢加訓誨。亦非國體也。凡辦理事務。必由中道看爾八旗等所辦事件。非過於太嚴。即屬不及。並不折衷辦理。朕實難為爾等言也。今日護軍統領等未曾進來。爾等出去時。可將朕此旨轉諭伊等。并通行曉諭兵丁知之。○總理事務王大臣議准黑龍江將軍額爾圖奏。查御史福海前請整理屯莊一案。須擇實有地畝。力能耕種。苦無牛具之人。始可借給銀兩。應如所議。令由盛京戶部領銀二萬五千兩。分貯齊齊哈爾一萬兩。

黑龍江七千兩。墨爾根五千兩。呼蘭三千兩。飭各該管官。查明無牛具兵丁。酌量借給。如係孤身。令同族或同居之人。夥種。借給一半牛具銀兩。其另戶閑散人等。亦准指弟兄族人。俸餉借領。俱於四年內坐扣還項。免其加息。得旨。依議。○壬戌。

上詣

皇太后宮問安。○諭內閣。西寧一鎮關係緊要。署總兵范時捷。現在有疾。著來京調理。仍回散秩大臣之任。其西寧總兵印務。著副將王友詢署理。○大學士管川。陝總督查郎阿。奏駐劄塔爾納沁總理東路卡倫鎮臣米國正患病。請旨更換得旨。著王邦寧去。○癸亥。戶部等部議覆。河南按察使隋人鵬奏言。各州縣地方所有耜田。普濟義學等地。畝令該州縣躬親督率。如有應行鑿井區田之處。即視土地所宜。酌量區畫。倘有奉行不力者。督撫指名題參。又豫省自道府至丞倅。俱有兼管

水利銜各員。議叙議處之條。未曾詳悉分別。請嗣後承修之員。果能修築堅固。錢糧並無糜費者。工完保固三年之後。督撫具題議叙。至專轄監修統轄督修之員。果能督率有方。照河工秋汛平穩例。量加議叙。倘不預期修築。水發致田廬被淹者。將承修之員。照河工隄岸預先不行修築例。降一級調用。監修罰俸一年。督修罰俸六個月。更有虛冒侵蝕工程不堅固者。將承修之員。照河工侵欺錢糧例。嚴叅革職治罪。該管各官。徇隱不報。照徇庇例。降三級調用。均應如所請。從之。○甲子。諭內閣。朕因豫省臨河州縣。於夏秋之交。雨多水溢。有淹沒田禾之處。諭令該撫悉心查勘。撫綏安插。今據尹會一摺。奏。今秋被水各邑。係一隅偏災。其未淹地畝。仍有七八分收成。惟西華濬縣臨潁鄆城四縣。被水稍寬。已確查貧苦民人。按戶賑濟三個月。並將本年地丁錢糧。照例奏請蠲免其永城汲縣淇縣

新鄉延津淮寧項城扶溝等八縣被淹地畝零星間錯本屬無多勘明俱不成災但地畝收成未免稍減請將本年錢糧暫行緩徵至來年徵收等語尹會一此奏已交該部速議具奏朕思西華等四縣被水既寬除應免之錢糧照例蠲免外其餘應納之數尚在催科之內民力未免艱難著將本年額賦緩至明年麥熟後再行徵收以紓民力至永城等八縣雖勘明俱不成災但彼地既有被水之鄉村其中必有乏食之貧戶著該撫委員確查將不能餬口者於冬末春初賑濟兩個月務令均沾實惠毋使一夫失所此朕格外之恩至尹會一所奏該部仍照例速行議覆○乙丑定八旗武職年老休致給全俸半俸之例諭內閣荊州將軍袞泰因軍政屆期將年老佐領五十泰等七員照例請交部院議處查文員大計武員軍政有十八法者向來皆一體處分其中有年老一條例應休致朕思文

職辦理地方事務非年齒遲暮之員所能勝任故不得不令解退至若武員分防汛地操練營伍固亦需精力強壯之人但此內不無出兵數次曾經効力具有軍功者若概以年老照文員一例攢斥其情亦屬可憫况現今旗員以老告退查有軍功尚給與半俸此國家優恤武弁之至意夫告老者猶且加恩而現任者遽行罷職朕心殊為不忍嗣後如遇出兵効力之將弁其年齒雖老而精力未至衰憊者或仍留原任或調補簡缺以保全其末路其如何定例之處著九卿會議具奏尋議查雍正二年遵

旨考選軍政將年老衰頹曾在軍前効力旗員編為五等分別賞給銀兩緞疋休致原係格外施仁並非定為遵行之成例今未便援引特恩分別定議請嗣後內外八旗武職官員遇軍政之年派王大臣并該管各上司秉公考驗如年齒雖老而精力未至衰憊曾經出兵

効力著有軍功者。令其仍留原任。若年老而精力衰憊。雖有軍功。實難任事。應照例令其休致。此等官員內。如有曾經出征打仗受傷。及有功牌者。令其原品休致。賞給全俸。其曾經出征。並未打仗。及無功牌者。照旗員告休例。令其原品休致。賞給半俸。其効力雖屬有年。並未出征者。仍照八旗例。勒令休致。其有年老告休之員。亦照此例。分別辦理。得旨允行。○戶部議覆福建巡撫盧焯疏。稱閩省不知蠶織。近加勸導。並移咨浙江湖州府撥蠶民十戶到閩。教以育蠶繅絲之法。著有成效。所有來閩之各蠶戶。請量給田畝養贍。應如所請。辦理從之。○丙寅。

上詣

皇太后宮問安。○諭兵部各省總兵副將名單。著照吏部例。將員缺緊要繁簡之處。分別註明進呈。○總理事務王大臣九卿會議。禁止燒鍋一事。據河北五省督撫各抒所見。陳奏。

內有請仍照舊例查禁者。有請宜寬於豐年。而嚴於儉歲者。有請不必禁止者。有請永行查禁者。有請嚴禁躉麪興販者。臣等公同詳議。因地制宜者。國法之備。因時立法者。王政之經。王制有曰。修其教。不易其俗。齊其政。不易其宜。謂凡居民服食器用之不能畫一也。燒鍋一事。各省之情形不同。所以各省督撫之陳奏。亦不能畫一。應令各於本省因時制宜。實力奉行。以觀成效。至躉麪一項。係燒酒盛行之源。衆論僉同。自當嚴禁。惟所請治罪之處。互有異同。宜改歸畫一。請將躉麪販運者。定以杖一百。枷號兩個月。以示懲警。至順天府尹奏請平定酒價。恐滋擾累。應免置議。從之。○以浙江湖州協副將丁山為處州鎮總兵官。○丁卯。停貴州古州苗田屯軍。諭總理事務王大臣。貴州總督張廣泗奏稱。內地新疆逆苗絕產。請酌量安插漢民領種。彼時朕降諭旨。以苗性反覆靡常。若新疆招集。

漢民耕種萬一苗人滋事蠢動。是內地之民人。因耕種苗地而受其荼毒。此必不可行者。不得已而思及屯軍。乃指相近內地之處而言也。隨經王大臣議交張廣泗再行詳議具奏。復據張廣泗奏稱。逆苗絕戶叛產。俱令自行首舉。苗人等爭先首報。一無抗違。具歡忻踴躍。毫無疑忌。但此等叛產。安設屯軍以資分佈防維。必須接聯營汛。以及糧運商旅經由水陸通衢處所。而叛苗絕產。與餘苗現種田畝。多有攙雜。應將現戶之田。凡有攙入絕田內者。令其指明若干坵段。歸併屯內。即以絕田之在旁列。不宜安屯之處。令該苗自行相度。按數撥還。寧使有餘。毋令不足等語。又經王大臣議照所請辦理在案。今尹繼善來京。陛見。朕詢及苗疆事務。伊一一陳奏。大畧以逆苗產業。分佈屯軍之舉。尚未妥協。朕再四思維。數年以來。經理苗疆。原期寧輯地方。化導頑梗。並非利其一絲一粟。是以彼地應

輸之正供。朕皆仰體

皇考聖心。永行革除。不使有輸將之累。豈肯收其田畝。以給內地之民人乎。從前屯田之意。原因該督等奏。係無主之絕產。故有此議。今看來此等苗田。未盡係無主之產。或經理之人。以為逆苗罪在當誅。今既宥其身命。即收其田產。亦法所宜然。故如此辦理。殊不知苗衆自有之業。一旦歸官。伊等目前雖惕於兵威。勉強遵奉。而非出於本心之願。安能保其久遠。寧帖耶。至於撥換之舉。在田地有肥瘠之不同。而畝數又有多寡之各異。豈能銖兩悉合。饜服其心。使苗衆無絲毫較論之念乎。總之。頑苗叛逆之罪。本屬重大。國家既施寬大之恩。待以不死。予以安全。而此區區之產業。反必欲收之於官。則輕重失宜。大非皇考與朕經理苗疆之本意矣。料此時張廣泗正在辦理屯軍之事。可速將朕旨馳寄。令其即行停止。查辦之官。應徹出者。即行徹出。其

絕產實有幾何。如何佈置之處。必熟籌萬妥。請旨施行。不可固執前見。張廣泗向有郡縣其地之請。今屯軍如此經營。伊意中尚不能不瞻顧前說也。○又諭古州等處苗人等。爾等苗衆。向來未歸王化。素性剋頑。每多自相仇殺。視人命如草菅。且時時出擾內地。戕害居民。劫奪行旅。為黔楚數省之患久矣。後據該省督撫奏稱。爾等有向化之忱。是以我皇考世宗憲皇帝。天地為心。不忍棄置僻壤之外。諭令督撫經理收入版圖。使得均沾惠澤。共享昇平之福。乃爾等性多反覆。又復反叛。干犯城池。荼毒百姓。繩以國法。罪在必誅。朕又念叛亂必有為首之人。特諭經畧等分別勦撫。殲厥渠魁。脅從罔治。俾爾等得保首領。全其家室。又念從前所定糧額。雖至輕微。而官吏徵收。不無擾累。特命將維正之供。盡行革除。又以苗地風俗。與內地百姓迥別。諭令苗衆一切自相爭訟之事。俱照苗例完結。不

治以官法。則所以加恩爾等者可謂至矣。前者內外大臣等請將苗地收為郡縣。朕不允行。今督臣又奏稱逆苗絕戶叛產。令自行首出。分給屯軍。其中叛苗絕產與餘苗現種田畝。彼此多有攙雜。應將現戶之田。撓入絕田內者。查明坵段。歸併屯內。即以絕田之在旁列者。按數撥還。衆苗無不懽欣樂從等語。朕思此等田畝。未必盡係無主之產。不忍以爾等自有之業。強令歸官。且撥換之舉。恐有以瘠易肥。以少易多之弊。况爾等叛逆之罪。最為重大。國家既施浩蕩之恩。概行寬宥。予以安全。又豈肯將此區區之田產。收之於官。致有虧爾等之故業乎。用是特頒諭旨。令經理大臣停止屯軍之事。另行熟籌萬妥。以又安爾等苗衆。爾等受此重恩。當各思悔過遷善。安分守法。永為天朝良民。以長享太平之福。澤爾等真有人心。其敬聽朕旨。無負諄諄訓諭之至意。○又諭雲南總督尹繼善來京陛

見奏稱伊父年老難以遠離情詞懇切著留京補授刑部尚書雲南總督員缺著慶復調補兩江總督員缺著那蘇圖補授那蘇圖現兼辦兵部事務即著尹繼善兼辦○加封護國庇民妙靈昭應宏仁普濟天后福佑羣生四字

神號○總理事務王大臣議准巡視臺灣御史白起圖條奏臺灣善後事宜一歸還番地宜分別辦理以安民生應如所奏飭地方各官嚴禁民人私買番地並將近番地界畫清以杜滋擾所有私佔番地勒令歸番其契買田土久經墾熟升科者查明四至造冊報部存案一嚴禁班兵擾累以安番衆應如所奏班兵過臺分汛時令該鎮派遊守大員沿途鈐束毋許任意需索抵汛後嚴禁偷入番社滋擾倘有所犯重者計贓論罪輕者責革示懲該管官徇隱失察分別議處一嚴禁民人私娶番婦以防煽惑應如所奏交地方官通

行查禁犯者照例離異責處一請飭文武互相稽察以重海防應如所奏飭文武官一體遵行民人不法等事許武員移送地方官究治兵丁生事亦許文員關會營伍責懲有推諉者照例罰俸徇庇者照例議處從之○左都御史福敏以老疾乞解現職并免六大班值宿專心護視阿哥起居講課章句得旨左都御史福敏著照舊供職其六大班值宿照所請停止○戊辰諭總理事務王大臣據河南巡撫尹會一奏稱署布政使溫而遜染於浮滑之習居心不實辦理事件多不認真即如今歲豫省間有被水之西華等處自應分別撫卹乃溫而遜以為大局豐收遂爾緩視至今查造冊結尚未送到其餘錯誤難以縷陳若久在豫省恐難收臂指之效等語溫而遜著解任來京候旨河南布政使員缺著江南廬鳳道范璨補授○總理事務王大臣議綏遠城將軍旺昌奏稱歸化城開墾地畝業

經試種一年。自應量地升科。其上則者每畝請徵米三升。草十斤。中則者米二升。草八斤。下則者米一升。草六斤。應如所請辦理。從之。

○已已諭憲德不必管理

泰陵工部事務著阿克敦管理。○免荒缺攤扣役食。諭總理事務王大臣。外省有荒缺銀兩之處。向例在於知府以下等官俸工內扣除。抵補。朕念佐雜微員。力量單薄。不應在扣除之內。已於乾隆元年三月內降旨。諭令在督撫司道大員及府縣正印官俸工內酌量均攤。以抵所缺之數。今思官有尊卑。役無大小。微員俸工既經免其攤扣。其餘各衙門人役皆當差効力之人。額支工食數兩。藉以養贍其家。若因荒缺扣除。則伊等餬口無資。情有可憫。查此項共計銀一十二萬餘兩。著於乾隆戊午年為始。各省大小衙門人役工食俱准於地丁項下照額定之數全行支給。免其扣荒。使執役之人均沾恩澤。○總理事務王

大臣會同工部議。大學士鄂爾泰奏稱直隸清河隄岸。起清苑縣界。迄獻縣之臧家橋。迴於順天保定河間三府之境。為數十州縣生民之保障。名曰千里長隄。而工程隸於霸保文大四邑之境者。則最為險要。今年汎水異漲。與隄頂相平。雖日夜搶護。幸保無虞。然一帶隄工。實多坍塌。上自茅兒灣。下至龍堂灣。迤南之陶官營。約九十餘里。縱使修整如舊。亦難經久。蓋築隄之法。須底濶頂突。庶怒流蕩激。可以減其力。而當其衝。今隄底之寬於頂者無幾。形勢單危。實為可慮。應請於茅兒灣以下。淀河出口之處。將現在隄工築培高厚。擬底寬八丈。頂寬二丈。高一丈。如過一丈以上。底亦合算加寬。皆修成坦坡之形。至陶官營而止。其龍堂灣轉角之處。三面受衝。甚屬險要。雍正年間。怡賢親王曾於此地擬建月隄。維時積水未消。無處取土。因而中止。今應查照補築。再大隄對岸之支河數道。皆

所以分減經流而淤墊淺阻致玉帶中渚諸水不能通暢應請酌量疏濬並於瀕河莊村添設板橋便民行走嚴禁欄河疊道橫截中流俾支河暢達以收分減之效應如所奏行令署河臣顧琮等遵照辦理得旨依議速行○又議查南運河綿長八百餘里每年撥給歲修銀兩遇有隄岸殘缺動帑修築以資保護前署河臣顧琮請於岸外相度形勢遠築高寬月隄今經大學士鄂爾泰勘明岸外地勢低窪村落田園自河干可以俯視靜海滄州城郭逼近河隄之下寔屬堪虞修築月隄係經理濁河之切務應如所請令署河臣顧琮酌量工程平險次第題請興修又查署河臣顧琮以滄州之捷地壩青縣之興濟壩壩口窄狹不足以資宣洩請查明是否可以達海分別挑濬堵築今經大學士鄂爾泰勘明興濟之減水河其下游海港挑挖十數里即可通岐口海河直達於海捷地壩之減水河

其下游之劉三家莊距興濟減水河之同居道口亦不過十數里即從劉三家莊開挖至同居道口俾滄州減河之水歸於青縣減水之河同出岐口海河一併達海地近勢便工費無多至潮汐往來恐鹹水內灌請於岐口建石閘一座因時啟閉俾海不倒漾河不停淤亦應照所請行令署河臣顧琮將挑河建閘等工確估題報得旨依議速行○戶部議兩廣總督鄂彌達奏新寧海埕場上川徭民甘大振等呈請立戶自辦稅糧查上川徭戶素居內地民徭相安應如所請甘大振等准其另立徭戶所有從前投寄民戶熟荒稅畝聽其自行輸納墾升將民人何五福等寄糧開除從之○庚午

上詣

皇太后宮問安○命大吏與行典禮諭總理事務王大臣大清律載各府州縣社稷山川風雲雷雨諸神所在有司以時致

祭所以肅祀典而迓休和禮至重也省會之地督撫司道駐劄同城向因律文未載遂不與祭專屬府州縣官行禮朕思督撫司道等官均有封疆守土之任自當虔奉明禋為民祈報凡春秋致祭

社稷山川風雲雷雨等壇督撫應率領闔屬文武大小官員敬謹行禮提鎮道員駐劄之地一體率屬陪祭其如何分別班次派員監禮及修整壇壝祭器之處該部詳悉定議具

奏尋議嗣後直省每逢祭祀之期省會之地督撫將軍都統副都統率領司道文武等官各按品級照例文官列東班武官列西班行禮布政使乃地方正印官仍令主祭其府州縣地方如有提鎮道員亦令各按品級分東西兩班行禮府州縣係地方正印官仍令主祭前期即令主祭官於教職內委監禮官二人佐貳雜職內委監視祭品官一人令其虔誠執事至直省

社稷風雲雷雨山川壇壝如有歲久應修與祭器或有未備及損壞者行令督撫轉飭地方如式修造以重祀典報可○命思恤難夷諭聞今年夏秋間有小琉球中山國裝載粟米棉花船二隻遭值颶風斷桅折柁飄至浙江定海象山地方隨經大學士稽曾筠等查明人數資給衣糧將所存貨物一一交還其船隻器具修整完固咨赴閩省附伴歸國朕思沿海地方常有外國船隻遭風飄至境內者朕胞與為懷內外並無岐視外邦民人既到中華豈可令一夫之失所嗣後如有似此被風飄泊之人船著該督撫督率有司加意撫恤動用存公銀兩賞給衣糧修理舟楫並將貨物查還遣歸本國以示朕懷柔遠人之至意將此永著為例○總理事務王大臣奏請暫緩今冬平糶俟明年正二月青黃不接之際再行請旨得旨據爾等奏請於明年正二月派員平糶恐為時太遲民食未能接濟

朕意或於本年十一月十二月間設廠開羅
著詢問總督李衛令其妥議具奏

大清高宗法天隆運至誠先覺體元立極敷文
奮武孝慈神聖純皇帝實錄卷之五十二

大清高宗法天隆運至誠先覺體元立極敷文
奮武孝慈神聖純皇帝實錄卷之五十三

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級又加一級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉
敕修

乾隆二年丁巳閏九月辛未

上御乾清門聽政○補前右通政歸宣光為原
官○以副護軍參領四十六為歸化城左翼
副都統○以陝西永固城營副將楊大凱為
陝西寧夏鎮總兵官○壬申

上詣

皇太后宮問安○諭總理事務王大臣光祿寺
卿納爾泰奏請將筆帖式黨鄂等五人委署
署丞將來遇有署丞等缺出挨次帶領引見
補授等語此摺著交吏部議奏朕看來近來

各部院衙門題補官員太多。往往不由資格。若似此辦理。必致吏部難以銓選。有礙選法。其如何分別定例之處。著吏部妥議具奏。○調鑲黃旗漢軍副都統策楞為正藍旗滿洲副都統。○命覺和托總管阿爾台軍臺白泰協同辦事。○癸酉。諭總理事務王大臣。浙江今歲收成頗稱豐稔。惟溫台二府屬有海濱被水之縣邑。穀價未免昂貴。已據大學士嵇曾筠等悉心籌畫。動撥省城義倉米穀運往二郡分貯。以備將來平糶之用。朕思溫台所屬既有被水之處。除高阜田禾豐收者。自應照常徵收錢糧外。其窪地薄收之田畝。雖不至於成災。而貧民力量不足。若令依限完糧。未免輸將竭蹶。著大學士嵇曾筠轉飭有司。將薄收之處。詳細查明。分別緩徵。以恤民隱。該部即遵諭行。○調雲南昭通鎮總兵官徐成貞為直隸正定總兵官。以雲南騰越協副將鄭文煥為昭通鎮總兵官。○甲戌。戶部議

覆長蘆鹽政準奏。蘆臺等場被水。竈戶與民戶一體賑濟。劉家店王家墳離縣較遠。酌動存公銀。委滄州分司就近賑濟。應如所請。從之。○兵部題。據定邊大將軍平郡王福彭咨送隨公根丕勒前鋒統領塔爾瑪善効力人員。分別議敘。內除損傷馬匹之前鋒統領阿岱等一百三員。功罪相抵。毋庸再議。此次衝雪越嶺。驚散賊衆。各官兵雖未前進殺賊。與有微勞。應將列為二等官二員。給四等功牌一個。未分等第委署官五員。給五等功牌一個。二等兵二名。三等兵十名。未分等第兵一千四百九十八名。賞銀有差。其二人合拏一賊之侍衛等。亦分別照例賞銀。從之。○乙亥。諭總理事務王大臣。直屬營田水利。昔年皇考世宗憲皇帝特命怡賢親王大學士朱軾查勘地方情形。不惜數百萬金錢。興修經理。已有成效。固當垂之萬年。為直屬民人永久之利。然溝渠滄海。隄埵圯之屬。必須隨時

修葺。歲加補治。方於田功有益。今歲春夏間。雨澤愆期。各州縣水田。多未種植。已據直隸總督李衛。停止採買米石。朕思本年水田既未耕種。則溝渠各項。勢不能無廢壞之處。倘地方有司。稍或玩忽。不隨時整理。必誤明歲春耕。夫州縣地方。原有高下之不同。其不能營治水田。而從前或出於委員之勉強造報者。自應聽民之便。改作旱田。以種雜糧。若附近水次。可以營治之田。而從前已經開成者。倘因本年未經種稻。遂致廢棄。殊為可惜。著總督李衛。飭行各州縣。分別查明。將實在可垂永久之水田。勸諭民人。照舊營治。無得任其荒蕪。其溝渠各項。有應行修葺者。即於農隙之時。酌給口糧。督率修治。○戶部議覆。江西巡撫岳濬。疏請豁除袁饒二府屬落地稅銀九百九十兩零。減停南昌等三十二縣茶引七百一十二道。免茶課銀一百兩零。應如所請。將袁州。饒州。二府所屬之落地稅銀。南

昌等縣茶引。及茶課銀兩。俱如數豁除。減免得旨。允行。○丙子。諭總理事務王大臣。據淳郡王弘暉。護軍統領柏修奏。修理

陵寢工程告竣。朕於十月初四日。起程前往展謁行禮。可傳諭各該衙門知之。○大學士鄂爾泰等奏。請隨往。

景陵。得旨。大學士徐本隨去。果親王。大學士鄂爾泰。張廷玉。留京辦事。○諭內閣。據尚書尹繼善奏。稱前經兵部議覆。雲南提督蔡成貴與永順鎮總兵官蘇應選結親一案。奉旨。劉永貴調補永順鎮總兵官。所遺員缺。著蘇應選調補。臣查貴州鎮遠一鎮。甫經改設。控制台拱等處。俱係新疆要地。劉永貴老成慎重。熟悉苗地情形。且能文武。和衷於鎮。遠新改之鎮。正為合宜。似應將劉永貴。仍留原任。令其一手辦理。實為有益。其永順鎮缺。接連外域。亦屬緊要。查有四川重慶鎮總兵張士俊。辦事勤慎。前任江南遊擊。臣所素知。可否就

近與蘇應選調換等語。著照尹繼善所奏劉永貴仍留鎮遠鎮之任。張士俊調補永順鎮總兵官。蘇應選調補重慶鎮總兵官。○策試天下中式武舉一百七人於太和殿前。○丁丑

上詣

皇太后宮問安。○加山東河工料價諭總理事務王大臣。豫東兩省河工所用歲修搶修之柴薪俱係州縣領銀採辦。文工應用每觔價值。搶修給銀九毫。歲修給銀六毫。零此十餘年來之例也。昨戶部侍郎趙殿最奉差豫省。條奏歲修六毫之價不敷採辦。請槩給九毫。以裕民力。朕已允行。但思東省與豫省河道毗連。壤地相接。所需料物價值大率相同。豫省既已加增。則東省歲修之價亦應照豫省之例。給與九毫。俾運工車價敷足。小民益可踴躍趨事。該部即遵諭行。○戶部議覆兩淮鹽政三保疏。請准分司所屬劉莊五佑新興

廟灣四場改隸泰分司管轄。泰分司所屬拼茶角斜二場改隸通分司管轄。所有原定養廉。准分司三千二百兩。泰分司二千七百兩。通分司二千二百兩。多寡不同。原因缺有繁簡。今既改隸。事務適均。請將准分司養廉內裁減五百兩。撥給通分司。各養廉二千七百兩。又板浦一場。因徐瀆場裁併。養廉六百兩。莞瀆一場。養廉四百兩。今莞瀆徐瀆板浦三場分為板浦中正二場。事務適均。請將二場各給養廉五百兩。又白駒場裁併草堰馬塘場。裁併石港。餘中場裁併餘西。事務增繁。請各增給養廉一百兩。從之。○戊寅。

上詣

壽皇殿行禮。○詣

皇太后宮問安。○己卯。

上御乾清門聽政。○免雲南軍丁銀。諭總理事務王大臣。朕前因各省軍屯額糧過重。密諭各省督撫確查。今據尹繼善奏稱滇省軍丁

一項從前未曾攤入地畝。原議俟查有欺隱軍屯田地陸續抵補。每丁自二錢八分至六錢二分不等。共應納銀一萬五千三百八十兩。內除自雍正四年至十一年抵去銀三千餘兩外。尚有應徵丁銀一萬二千二百七十七兩。歷年惟按冊載老丁名字徵收。或已無寸土而追比無休。或已絕後嗣而波及同伍等語。滇省軍丁一項。從前既未曾攤入地畝。而現在完納丁銀之人。又係無田之戶。邊地屯民未免輸納維艱。深可憫恤。著將應徵軍丁銀一萬二千二百七十餘兩。自乾隆三年為始。概予豁免。俾無業屯民永釋苦累。該督撫等即通行曉諭。務使均沾實惠。以副朕加惠邊氓之至意。○總理事務王大臣九卿會議大學士鄂爾泰等奏稱。查永定河水性水勢俱非黃河可比。署河臣顧琮請倣照黃河修築遙隄之議。萬不可行。今就現在之河形順南下之水性。擬於半截河隄北改挖新河。

即以北隄為南隄。沿之東下。恐潮汐迎盪。水緩停淤。應作洩潮埝數段。潮長從缺口散流。潮落從缺口收入。即河水出漕亦如之。則沙停埝外。水歸河中。不致淤墊。其挖河之土。自六道口以上。盡至北岸堅築坦坡大隄。至入六道口內。則以七分接築南岸隄。以三分作北岸洩潮埝。如此則河淀攸分。下口無阻。而後於上游河身自半截河以上。逐段挑挖。務俾深通。再於南北兩岸分建滾水石壩四座。各開引河一道。一於北岸張客水口建壩二十丈。即以所衝水道為引河。東會於鳳河於高各莊截引凉水河。以為恒流。東南各建一閘。蓄凉水河之水。常注鳳河。一於南岸寺臺建壩十二丈。以民間洩水舊渠入小清河者為引河。一於南岸金門閘建壩八十丈。以渾河故道接牯牛河者為引河。一於南岸郭家務建壩四十丈。即以舊河身為引河。四壩四引河。頭緒雖紛。脈絡交貫。合清隔濁。條理自

明縱遇異漲。或仍不免盈溢。而力分勢殺。補救無難。其引河所挖之土。俱於兩岸作拉沙壩。壩口之上。俱作石柱板橋。以便防汛人等往來行走。並請於工竣後。飭令河員分認工段。專其責成。汛過之後。查有淤墊處所。立即報勘。隨時挑挖。毋致淺阻。倘有貽誤。照疎防例議處。均應如所奏。交署河臣顧琮等遵照辦理。得旨。依議速行。○又議大學士鄂爾泰等奏。查南運河全納漳流。今年汎水異漲。滄州青縣。賴有減水壩。得以分消。惟靜海地居下游。坍岸頽隄。所在皆是。縣北之獨流地方。尤為工程最險之處。下逮楊柳青一帶。運淀通連。南岸殘隄如縷。倘有疎失。且恐殃及天津。應請於獨流東岸。建滾水壩。開引河一道。注之中塘窪。壩面寬二十丈。引河稱是。挖河之土。距兩岸各十丈。築為坦坡。大隄及窪而止。壩脊高下。以滄州捷地壩為準。其壩口石柱板橋。以哨馬營壩為式。此壩一成。則正流

濟運而外。餘波異漲。悉滾而出之。不惟靜海河道全無羨溢之虞。即天津之三汊口。亦半減爭流之勢。應如所奏。交署河臣顧琮等遵照辦理。從之。○戶部議覆署陝西巡撫崔紀疏報。安塞。保安。安定等三縣。被雹成災。動支倉穀賑濟。並請照例分別緩徵。從之。○兵部等部議覆廣西巡撫楊超曾疏請。新改鎮安協。所轄之歸順。奉議。三州。分為左營。汎地。鎮安府。小鎮安。分為右營。汎地。鎮安府城。應添撥外委一員。兵四十九名。奉議州。應添撥經制把總一員。兵十名。均應如所請。從之。○工部等部議准江南河道總督高斌等疏稱。江南碭山縣。黃河南岸。毛城舖減水壩。為南工第一緊要關鍵。該督將毛城舖上游各工會同河東總督白鍾山。題請先行修築。應如所請。交該督等。動支庫項興修。其徐州府屬。王家山。請添設通判一員。并請將原設銅蕭碭黃河南岸河營守備。改為豐蕭碭河營守備。

與新設通判。協同修守。原設銅山。豐碭。黃河北岸。河營守備。改為銅山河營守備。與徐屬同知。協同修守。以專責成。均應如所請。從之。○庚辰。諭禮部修理

陵寢工程告竣。朕已降旨。於十月初四日起程。親往展謁。所有一切祭祀典禮。著敬謹詳議具奏。○又諭

陵寢風水以內地方。原不修理道路。今年恭謁泰陵時。道路曾經修理。於例不合。嗣後風水以內地方。仍照舊例。道路不必修理。○諭總理事務王大臣。今年陝西西安一帶地方。收成歉薄。糧豆價貴。而草價更屬高昂。將軍標下兵丁額領之銀。不敷喂馬之用。已降諭旨。將明春三個月草價。加增一倍賞給。並令督撫等將本標牧馬草價。應否酌添之處。妥議具奏。今思陝省駐城八旗三標官兵馬匹。所有米豆二項。俱領折支之價。自行採買。今年價值昂貴。兵丁購買。未免艱難。除從前已經支

給者。無庸加增外。著將現有應折未支之米豆。照原定每石一兩之價。加添銀五錢。俾兵丁等力量寬餘。不致有添價採辦之苦。此朕格外加恩。後不為例。○戶部議覆湖北巡撫楊永斌疏。報黃陂。黃岡。麻城等三縣。被水衝壓田畝。一百三十五頃有奇。額徵銀米。請於乾隆二年為始。永行豁免。從之。○工部等部會議。署湖廣總督史貽直等條奏。洞庭湖舵桿洲石臺工程。善後事宜。一臺之北面。宜增築護隄。以緩水勢。一存剩帑銀。宜交商生息。以資歲修。一歲修石料。宜豫為貯備。一每年歲修。宜委岳州府同知。就近經管。仍令岳常澧道稽查。一舵桿洲等處。宜添設救生船隻。均應如該督所請辦理。從之。○辛巳

上詣

皇太后宮問安。○是日。誠親王允祕。和親王弘晝。邸第落成。

上親臨閱視。○準噶爾部人達什。來降。賞給安

插如例○壬午

上御紫光閣閱中式武舉騎射技勇賜一甲一名哈攀龍二名張凌霄三名馮哲武進士及第二甲馬瑞圖等十人武進士出身三甲焦騰漢等十五人同武進士出身○戶部議覆奉天將軍博第疏報小清河驛被水衝塌民房沙壓站丁地畝請加賑恤並另行丈給兵丁荒甸俾資久遠耕作從之○是日起上以孟冬享

太廟齋戒三日○癸未總理事務王大臣議查勘水道之戶部侍郎趙殿最等奏查天津一帶運河河工乏員管轄請於張家灣添設漕運通判一員專司疏浚並添設把總二員外委把總四員以資差遣又通州所屬普濟等閘大興縣所屬慶豐等閘原設閘官二員但司啟閉不能兼顧隄岸請於通州所屬添設吏目一員大興縣所屬添設主簿一員專司河務均應如所請從之○甲申諭總理事務

王大臣從前雲南布政使陳宏謀摺奏廣西借墾報捐一事與金鉞所奏互異朕已諭令督臣鄂彌達撫臣楊超曾秉公查究毋得徇徇目今尚未覆奏而陳宏謀又復具摺嘵嘵瀆陳陳宏謀身為滇省藩司此並非伊任內之事其始初之奏猶云據已知而直陳以備採擇既降旨與他人查議則伊事已畢惟有靜候無再言之理乃伊不待督撫諸臣議覆而又為是瀆奏竟儼然似以為不如伊所奏不止者是誠何心且伊為粵人即所言盡是而從之猶啟鄉紳挾制朝廷之漸况未必盡實乎殊屬冒昧之至著交部嚴加議處以為將來之戒○是月署直隸河道總督顧琮直隸總督李衛議覆總理事務王大臣等奏查忙牛河舊由任村西南入大清河每遇伏秋山漲漫溢奔突良涿固霸之間累被其害後於任村南開挖新河導入中亭河但循用渾河故道開渠僅三大深不過三尺遇永定河

潰河不能容。民田遂被淹沒。侍衛嵩福奏將
忙牛河開寬浚深。自屬可行。第查中亭河為
忙牛河之下流。似宜並濬中亭河。以資宣洩。
又查積潦之水。無路歸河。原有開隄放入之
例。而各隄兩岸。更宜酌建斗門涵洞。以洩內
水。清河隄外地勢既高。自應於內外兩水交
接之處。修建閘座。如嵩福所奏辦理。仍請交
臣等妥議具奏。臣等查忙牛河本非恒流。春
夏往往乾涸。所行渾河故道。地多沙礫。易淤。
縱一律挑深。不過年餘。淤填如故。忙牛河與
永定河僅隔一隄。前曾酌議引清刷渾。改入
黃家河。不入中亭。此時未便遽議。俟大學士
鄂爾泰查永定河酌定規模之後。再行妥議。
具奏。至清河之身。寬不過十數丈。伏秋汛發。
或遭漫溢。致民田積潦。須俟霜降後。淀水退
落。方敢開放隄口疏消。若汛期之中。即內水
高於外水。亦未敢開隄疏洩。恐汎水驟至。一
發難收。不止有淹沒民田之患也。况積潦無

定三里五里。即建一閘。築一壩。既不勝其繁。
且建閘一座。約費數千餘金。水過淤墊。均成
棄物。不但糜費國帑。亦且於民無補。至所議
酌建斗門涵洞。乃民間引河灌田之計。一片
汪洋之水。豈能賴此宣洩。嗣後惟有一到汎
發之際。即委員分路查勘。凡有隄外積水淹
沒民田。會同該地方官。一俟水退。立即開隄
疏消。務使民間早種二麥。不得一刻稍遲。致
妨農業。奏入。得旨。知道了。止可如此辦理者。
○兩江總督慶復奏報碭山興化二縣被水
較重。已給賑一月。請各加賑四個月。又高淳
句容金壇溧陽鹽城安東蕭縣銅山等八縣
被水稍重。請普賑三個月。又上元江寧江浦
溧水陽湖無錫宜興荆溪江陰丹陽泰州高
郵寶應豐縣海州等一十五州縣。被水稍輕。
請普賑兩個月。倉穀不足者。於就近州縣撥
給。其貧民年力強壯者。各令前赴河工就食。
得旨。知道了。如此實心辦理。庶災黎得以稍

蘇矣。○又奏提臣南天祥以窮民無力營葬動支餘息銀兩契買婁縣民地二十六畝作為義塚其應完銀三兩八錢九分九釐漕米四石四斗一升八合均應奏請豁免得旨著照卿所議行。○安慶巡撫趙國麟奏查鳳陽一府民俗卑污每歲收穫之後即挈妻孥游行四出沿門覓食習為固然究厥根由皆因耕織不勤之故請嚴飭地方官時加勸課務令勤於耕織衣食足則廉恥生並以游民出境之有無為州縣考課之功過奏入得旨此事殊應緩緩為之而不可遽繩以法制禁令者也。○閩浙總督銜專管福建事務郝玉麟疏報閩省之詔安漳浦海澄被旱情形請備平糶得旨應賑卹者亟應賑卹當如已飢已溺方可。○湖北布政使安圖奏查雍正十一年議將墾荒銀兩攤抵重丁一項案內積有江陵監利二縣民戶溢完銀一千二百七十餘兩原令領回迄今數載無人請領未便久

貯縣庫應令該縣買穀貯各鄉社倉聽民借放得旨如此辦理甚好。○又奏荊州駐防官兵應需俸餉米折馬匹料草等項銀兩向由司庫按月委員解交荊州道庫由道發府就近供支查逐月解送員役以及防護弁兵跋涉之勞均所不免應請改為四季解送以示體恤得旨好照所請行。○又奏制器利用原貴樸素渾堅近來非競尚新奇即從事苟且器不經久徒耗民財又如布帛綢緞有關衣服之用市肆貨賣大率粗薄不及尺度應請敕部通行查禁得旨此奏固是但可姑緩之。○四川巡撫碩色彙奏官員賢否又另摺奏川省公用耗羨銀兩例應分別題銷咨銷查自雍正十二年後均未具報現經飭查據該司冊報到院臣思附餘錢糧收支皆應報銷從前私留公用或亦有不得已之情節可否免究已往嗣後臣俱咨奏年底彙冊報銷至公捐養廉四千餘兩可否仍聽公捐容臣核

銷毋庸報部得旨知道了。止可如此而已。官員賢否一摺留覽。○又奏。川省連歲薄收。糧價不甚平減。請當秋收甫畢時。於各府州縣分貯銀兩內酌動四五萬兩。令其或在本地或赴鄰境買米存貯。以備來春設廠平糶。即將所糶之銀清還原項得旨。如此辦理甚是。○署理廣東巡撫王蕃奏。粵東地廣人稠。山多田少。倉儲最為急務。現應買還倉穀為數繁多。須於粵西產米之區委員購買。但收買官穀若咨明該省。恐聞風昂價。不若責成幹員。照商購買。較為妥便。又如湖南之衡州湘潭等處。皆稱產米之鄉。亦經委員購買。至潮州一府山路崎嶇。輓運不易。惟與閩省之臺灣航海數日可至。彼處產穀甚多。擬將潮屬應買之穀。委員赴臺採買。謹將辦理緣由繕摺奏明得旨。如此辦理。具見留心地方。嘉悅覽焉。○貴州總督張廣泗奏。報安順府並所轄郎岱廳暨普定安平二縣界內村寨。於九

月初六日間。被冰雹損傷田穀。現已委員查勘賑卹。並開倉平糶。目下足資接濟。應籌明春賑糶之需。湖南地方今歲豐熟。委員動帑前赴該省採買米二三萬石。轉運至安順府以資備用。得旨。知道了。買米湖南即再倍此數。亦佳。在卿酌量耳。

大清高宗法天隆運至誠先覺體元立極敷文奮武孝慈神聖純皇帝實錄卷之五十三

大清高宗法天隆運至誠先覺體元立極敷文
奮武孝慈神聖純皇帝實錄卷之五十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書領侍衛內大臣滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳冬十月乙酉朔享

太廟

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵。○詣

皇太后宮問安。○頒乾隆三年特憲書。○丙戌

諭內閣策楞訥親。因伊母之喪。奏請守制二

十七月。情詞懇切。凡滿洲大臣官員。遇有親

喪。於百日之後。即入署辦事者。以旗員人少。

若皆守制三年。則公事必致有悞。亦出於勢

之不得已也。滿洲服制。以百日為期。今年朕

因木和林之奏。特降諭旨。令滿洲大臣。於二

十七月之內。不與朝會宴集之事。而持服一

節。尚在交議未定。但思滿洲官員。及世職等。

俱藉俸祿以贍其家口。如皆令離任開缺。無

以為養贍之資。其事亦屬難行。雖人子之於

親喪。盡哀盡禮。以答劬勞之德。乃出於天性

至情。初不計及俸薪。而朕養育旗人之意。則

不得不為之籌畫萬全。今訥親之奏。若抑令

祇循舊制。人子之心。必有輟轉難安者。其應

作何斟酌。分別定制。俾公事私情。俱得兩盡

之處。著大學士會同九卿妥議具奏。武職自

副將以下。向無丁憂之例。今應如何酌量定制。一併議奏。尋議滿洲向來風氣純厚。凡遇親喪。無不盡禮盡哀。雖服制以百日為期。而三年內。宴會婚嫁。原不舉行。惟是朝會宴饗之公處。不得不供職從事。欽惟

皇上大孝性成。遵循禮制。躬行三年之喪。以為天下萬世法式。又特命在京旗員。有親喪者。二十七月之內。一切朝會宴饗典禮。免其行走。今因策楞等奏懇終制。復命臣等分別定

制妥議具奏。仰見我

皇上錫類深仁。體恤至意。查八旗大臣官員。遇親喪。若令離任守制。恐三年之久。旗員差務繁多。辦事乏人。有妨公務。若仍循舊例。止以百日為期。揆之人子私情。實有輾轉難安之處。請嗣後文武旗員。遇有親喪。百日後。仍令入署辦事。并照常支俸。至入朝進署。及一切公所。准用素服。惟進至

御前。應用吉服時。則仍從吉服。凡朝會祭祀。謹

遵本年諭旨。免其執事。其陞遷之處。除奉特旨陞用外。暫停開列。至服滿後較俸之時。仍准算俸。其八旗生監舉人進士。二十七月內。暫停考試銓選。再查武職官員。定例副將以上。准其丁憂。叅將以下。不准丁憂。亦不准給假葬親。其果係獨子家無次丁者。查所管防守營汛。尚非緊要。許該督撫提鎮奏明給假。近者不得過六個月。遠者不得過十個月。蓋緣武職防守汛地緊要。若一概丁憂離任。恐更易生手。於武備汛防。大有不便。是以不准丁憂。定例遵行已久。毋庸再議。惟給假治喪之例。非獨子概不准行。情殊可憫。請嗣後叅將以下等官。除軍機調遣。仍不准給假外。其餘各營武職。自叅將至千把。無論獨子與非獨子。凡遇親喪。俱應給假。其父母歿在任所者。准其扶柩歸葬。在籍者。准其回籍奔喪。近者不得過六個月。遠者不得過十個月。該督撫將給假日期報部。事畢依限回營。素服辦

事。二十七月之內。遇朝會祭祀齊集。一切應穿吉服之處。俱免隨班行走。未滿服前。無庸陞轉。至服滿後。仍准算俸。議上。從之。○戶部等部。議覆倉場侍郎宗室塞爾赫等。疏報溫州衛前幫船糧。濟寧衛左幫奉撥糧米。各在內河遭風漂沒。應照例追賠議處。得旨寬免。○兵部等部。議覆大學士管川陝總督查郎阿等。疏稱口外臺站。前因哈密等處。俱有駐防官兵。請於馬蓮井子以東。令安西鎮安設。星星硖以西。至哈密止。即令哈密派兵安設。今大營官兵既撤。毋庸繞道。查馬蓮井子以東。一十四站。係舊時安站處。道里適均。自應仍舊。其星星硖以西。從前因官兵駐劄巴里坤。是以從中路安設。自應改安正南一路。由沙泉子直至哈密。路近而便。每站派兵四名。字識一名。共安馬一百二十匹。又令安西。哈密各派千總一員。駐劄巡查。並安駝隻。及支銷兵馬糧料各事宜。均應如所請。從之。○理

藩院奏。據歸化城都統根敦等。稱今年歸化城等處亢旱。收成歉薄。兩旗佐領等。請借倉穀。於明歲收成時。照數完倉。得旨。今年歸化城地方。田禾被旱。收成歉薄。伊等所借米穀。著賞給。○衍聖公孔廣榮。疏謝國學大成門殿。盖用黃瓦。得旨報聞。○復元儒吳澄從祀文廟。從兵部尚書甘汝來請也。○賑恤山西永濟。猗氏。萬泉。三縣。秋禾被霜災民。○以故科爾沁卓理克圖親王阿勒坦格梭子札木巴勒札木蘇襲爵。○丁亥。上以謁陵。詣太廟行告祭禮。○命平郡王福彭留京辦事。○詣皇太后宮問安。○平郡王福彭等。疏報修理盛京三陵工竣。諭曰。前據淳郡王弘暉等奏報修理馬蘭峪

陵寢工程告竣。朕即降旨。於本月初四日親往展謁。今平郡王福彭等奏報修理盛京

三陵工竣。朕應前往展謁行禮。但盛京路程遙遠。往返需時。其應於何時起程。及一切典禮。各處豫備事宜。著總理事務王大臣會同議政王大臣九卿定議具奏。○減浙江桐廬縣官抄秋租徵額。諭戶部聞浙江嚴州府屬桐廬縣有官抄秋租二項額徵條銀。較之民產科則多至三五倍不等。前代相沿。事隔久遠。不知起於何時。而此二項田土多屬瘠薄。又因賦重輸納維艱。每至催徵逋逃相繼。甚可憫念。查此二項原徵銀七百九十九兩。若依民產科則共應減銀五百八十一兩零。著該部即行文與大學士嵇曾筠從戊午年為始減去浮多之數。照民產一例徵收。俾小民均沾實惠。○戊子。

上啟鑒謁

東陵。○是日駐蹕烟郊。○己丑駐蹕邦均。○庚寅。

上具摺遣內監問

皇太后安。○賜薊州迎駕耆民年八十以上者銀兩。○總理事務和碩莊親王允祿等議准河東河道總督白鍾山疏請山東兩次被災之濟陽禹城臨邑長清陵縣德州平原德平高唐恩縣聊城清平莘縣陽穀壽張朝城等十六州縣照例改徵折色並請緩徵豆石得旨依議速行。○是日駐蹕淋河。○辛卯。

上謁

聖訓卷之四

十八

昭西陵。

孝陵。

孝東陵。

景陵俱未至碑亭即降輿慟哭步入

隆恩門至

寶城前行禮躬奠哀慟王以下文武大臣官員隨行禮。○調貴州安龍鎮總兵崔善元為雲南普洱鎮總兵。○是日駐蹕馬蘭峪。○壬辰遣官祭

昭西陵。

孝陵。

孝東陵。

上躬祭

景陵。未至碑亭。即降輿詣

隆恩殿行禮。復詣

寶城前舉哀行禮。○是日。駐蹕馬神橋。○癸巳。駐蹕

邦均。○甲午。諭總理事務王大臣。昨據孫國

璽。石麟等。奏稱。晉省被災五州縣。請銀米兼

賑。隨經部駁。令其動撥鄰縣穀石。分別散給。

如不得已。而銀米兼賑。令該撫等酌定價值

報部。已降旨允行。朕思積貯之設。所以裕民

食也。當荒歉之歲。地方米穀。必致缺乏。發粟

散賑。既可令無食貧民。藉以餬口。而奸商之

囤積者。亦不得借以居奇。此救荒之常理也。

且米石出入。衆目共睹。上司亦易於稽查。若

以銀分給。殊非周濟民食之本義。而貪官猾

吏。浮冒侵蝕。更弊端百出矣。但恐晉省倉糧

平日原未必充裕。而今年被災之處。或尚不

止五州縣。儻或倉儲無幾。輓運需時。則災民

之迫不及待者。不得即沾升斗。又非朕軫恤

窮民之至意。用是再頒諭旨。著孫國璽。石麟

等。詳查地方實在情形。如果鄰邑米多易運。

即照部議撥給。若糧少運難。著暫行銀米兼

賑。仍酌定價值報部。一面辦理。一面奏聞。總

在多方稽察。務使官吏無所容奸。窮黎均沾

實惠。○是日。駐蹕烟郊。○乙未。

上詣

壽皇殿行禮。○詣

皇太后宮問安。○還宮。○戶部議覆。甘肅巡撫

宗室德沛疏稱。甘省民鮮蓋藏。其每歲額徵

除兵糧外。所餘無幾。自應於豐收之歲。豫先

買貯。請於河東平涼慶陽臨洮鞏昌四府。并

直隸秦州屬之兩當縣。河西甘州涼州寧夏

西寧四府。并直隸肅州屬之高臺縣。及沙州

衛。分別地方大小。戶口多寡。酌量採買。共貯

糧一十七萬石。以備應用。應如所請。從之。○

丙申。命豁免福建南平縣浮多丁銀。諭曰。福建丁銀。從前照各省之例。勻入地糧之內。合省稱便。惟有延平府南平一縣。丁口衆多。不能通勻。數年以來。紛更滋擾。小民不無賠累。查該縣田糧。共計銀一萬七千一百三十餘兩。應照每田糧一兩。勻徵銀二錢之例。共勻入丁銀三千四百二十六兩零。其浮多丁銀三千三百八十三兩六錢。悉行豁免。俾民力寬餘。永無追呼之擾累。該督撫即遵諭行。○

刑部會議。休致安西鎮總兵官張嘉翰承辦軍需草束。剝削短發。應照侵盜錢糧例。擬斬監候。秋後處決。得旨。如所議。○實授崔紀為陝西巡撫。尹會一為河南巡撫。張楷為湖北巡撫。許容為山西布政使。楊錫紱為廣西布政使。戴永椿為江蘇按察使。張坦麟為安慶按察使。魏定國為陝西按察使。凌燾為江西按察使。○實授蘇明良為福建陸路提督。張天駿為廣東提督。○丁酉。

上御乾清門聽政。○詣

皇太后宮問安。○以漕運河暫免淮關米豆等稅。諭曰。今冬挑漕淮揚運河。大工齊舉。所有員役人夫。不下數十萬。日用薪米食物。所需甚多。恐將來物價漸至增長。查淮關則例。除本地所收米麥雜糧。不收稅課。其外來客商販賣者。按石徵收。舊例如此。朕思目下興工之時。若裁去一分稅銀。自可平減一分物價。於沿河居民。及在工夫役。均有裨益。著管理淮關稅務內務府員外郎唐英。將淮安大關。并沿河口岸。經過之客販食米豆麥雜糧。以及煤炭葦柴等物。悉免稽查。不必納稅。俟明年工竣之後。照舊徵收。又聞河南固始縣。素稱產米之鄉。每年客販。運至清江浦地方卸賣。其價頗賤。今運口築壩。固始米船。不能直達清江浦。而相近清江有老壩口地方。可以卸賣。著將此地米稅。亦照淮關之例。暫行寬免。該部可一併行文唐英知之。○免滇省新

闢夷疆。未完開墾借給銀兩。諭曰。雲南省之
昭通。東川。元江。普洱。四府內。新闢夷疆。人希
土曠。從前曾經募民開墾。借給銀兩。令其分
年還納。至今尚有未完銀一萬八百六十餘
兩。朕思滇省去年收成歉薄。閭閻生計艱難。
已經將乾隆元年應徵地丁錢糧。俱行寬免。
以紓民力。夫正供尚且蠲除。而開墾宿逋。猶
令追繳。窮黎拮据。朕心深為軫念。著將滇省
未完開墾借給銀兩。悉行豁免。以示朕加惠

邊氓之至意。○以內閣學士雙喜為盛京戶
部侍郎。○己亥。兵部議覆。兩廣總督鄂彌達
疏稱。粵東疆域遼闊。水陸營汛散處。非數月
半年可以遍及。提督統轄全省。一經出巡。必
致有妨公事。應將廣東提督。不拘限期次第
出巡之處停止。其各鎮總兵。每年止於九十
兩月。出巡所屬營伍一次。應如所請。從之。○
大學士尹秦。老病乞休。得旨。卿才品優長。老
成夙望。雖年登大耋。而綸扉重地。倚毗正殷。

著照舊供職。不必以老病求罷。該部知道。

大清高宗法天隆運至誠先覺體元立極敷文
奮武孝慈神聖純皇帝實錄卷之五十四

大清高宗法天隆運至誠先覺體元立極敷文奮武孝慈神聖純皇帝實錄卷之五十五

監修總裁官經筵講官太子太傅文淵閣大學士文淵閣領閣事領銜內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉功加十九級隨帶加二級又加二級臣董誥內大臣戶部尚書鑲藍旗滿洲副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳十月庚子予軍前病故之副

都統職銜額外叅領翟三祭奠如例○以病

解歸化城副都統敦巴職尋以正黃旗蒙古

副都統拉薩禮為歸化城副都統○追奪冒

報軍功原任領侍衛內大臣兼頭等侯馬蘭

泰等封典○辛丑

上詣

皇太后宮問安○諭總理事務王大臣據尚書

尹繼善奏稱從前奉旨陸續命往雲南試用

副將花天立董芳李之棟李梅李逢春等五

員以副叅試用繆宏一員查雲南副將止有

四缺而本省叅將又多屬屢經出師著有勞

績之員未免缺少人多難於位置董芳曾任

雲南於風土頗稱熟悉李梅為人樸實現署

雲南城守營叅將事務繆宏才具幹練此三

員仍應留滇試用其花天立李之棟李逢春

等三員於滇省不甚相宜且得缺無期不免

守候之苦應奏聞請旨等語董芳李梅繆宏

著照尹繼善所請留滇試用遇有相當之缺

酌量題補花天立著來京引見李之棟李逢

春著命往湖廣交與總督德沛以副將試用

○壬寅諭總理事務王大臣太原滿洲官兵

前於雍正九年移駐寧夏其家口有多支口

糧銀米現於各名下分年坐扣朕思該官兵

等皆藉月餉養贍現今太原米價昂貴若將

從前多支之項坐扣伊等日用未免艱難著

將太原滿洲官兵未扣銀米悉行豁免俾得

從容度日以示朕加惠戎行之至意○戶部

議覆大學士管浙江總督嵇曾筠疏報仁和場錢塘倉竈地。上年八月間被潮衝卸四千七百八十畝零。計缺課稅銀二百五十二兩零。請自乾隆元年為始。停其徵收。應如所請。從之。○蠲免甘肅會寧縣本年旱災額賦。○賑恤長蘆續報東光縣被水竈戶。旌表守正捐軀之山東鉅野縣民徐小車妻高氏。○癸卯。

上詣

奉先殿閱視工程。○賑恤山東齊河等二十八州縣衛被水軍民。福建詔安縣被旱災民。○旌表守正捐軀之河南舞陽縣民范小起妻辛氏。○甲辰。命水師毋輕調陸路。諭總理事務王大臣。從來用人之道。在於因材器使。方可以收得人之效。至於武職官員。其所關更為緊要。蓋武職有水師陸路之分。非但服官之後。職掌不同。自本身生長之鄉。與從幼食糧之始。其目之所見。身之所習。即有迥然各

異者。夫水師之用。非船不行。其在江湖內地。已有風波之險。及至海洋巨浸。則茫茫無際。必能先知風雲之變幻。島嶼之向背。沙線之順逆。而後胸有成竹。可以履險如夷。雍正十一年六月內。曾奉

皇考聖諭云。武弁中熟習水性之人。甚為難得。每見督撫提臣中。有將熟習水師人員。題請補用陸路者。此皆未經周詳籌算之故。著通行傳諭嗣後。細加體察。若在水師中為平常之員。而長於陸路者。准其調補陸路。若係長於水師之員。則應留於水師題補。不可因陸路一時需人。輕為改易。以致用違其長。若從前有似此誤用者。可查明題請改調。向後部中推陞之缺。亦著聲明請旨。我皇考諭旨。至聖至明。所當永遠遵奉者。近見各省題補武弁。又有如從前之弊。該督撫提臣於各屬武弁內。詳查奏聞請旨。若陸路弁員內。有通曉水師者。亦著奏聞。以水師調補。使

之益加練習。如此則海疆可得有用之才。而戎行亦收器使之益矣。○又諭前據孫國璽石麟奏稱。晉省被災州縣。懇請銀米兼賑。朕以賑濟之道。在於發粟。若以銀分給。恐官吏易生弊端。難於查察。應詳酌地方情形。如果鄰邑米多易運。仍令撥給穀石。以濟民食。若糧少運難。著暫行銀米兼賑之法。已於本月初十日降旨。諭孫國璽石麟矣。今據孫國璽石麟奏稱。晉省數州縣。今年被旱。乃一隅偏災。方今收穫已畢。所在村莊市集。皆有粟米。雜糧販賣。貧民咸稱雜糧之價較減。而食之易飽。情願半折領銀。俾得兼買攪和。更可節省。至於散賑之法。現委道員督率辦理。不敢有侵蝕冒銷之弊。查晉省倉儲。雖敷撥用。然乘此雜糧湊集之時。散銀糴買。而留其餘之儲。於明年青黃不接之時。為借糴之用。於小民實有裨益等語。孫國璽石麟身在晉省。目覩地方情形。既稱銀米兼賑。於窮民有益。即

照所奏行。但拯災恤困。乃國家第一要務。倘司其事者。經理不善。查察不周。或致不肖官吏。侵蝕中飽。使恩澤不能下逮。則欽差大臣。該省巡撫。難辭其咎。朕必嚴加處分。○命賞黔省撥新疆兵移家路費。諭曰。據貴州總督張廣泗奏稱。黔省新疆內地各標營。添設兵丁。現據撥補安設。兵丁家口。應即令搬移前往。所需搬移之費。請照從前撥往古州清江兵丁搬移家口之例。每站每大口。給銀一錢。口糧米八合三勺。每小口。給銀五分。口糧米四合一勺五抄。又婦女幼孩。每口給夫一名。其夫役雇價。請照軍需雇夫之例。每名每站給銀八分。支給雇募。不許地方官稍有虧短。俾兵民均得沾恩等語。黔省兵丁。數年以來。踴躍奉公。頗為効力。此番新疆內地。撥補各兵。有搬移家口者。所需口糧路費。人夫各項。俱著照張廣泗所奏。動帑給發。俾各兵家口。路費有資。不至匱乏。再朕思撥補新疆兵丁。

其搬移家口。較之內地兵丁。更為艱苦。應於給與銀糧夫役之外。特沛格外之恩。令其從容寬裕。以資日用。張廣泗查明新疆前後所設兵丁。有未經搬移家口者。令於家口到日。每兵一名。賞給一季口糧。免其扣還。再借給兩季餉銀。分作八季陸續坐扣還項。其內地搬移家口之兵丁。既有一番遷移。亦必需安頓之費。每兵一名。准借給一季餉銀。分作四季扣還。張廣泗即轉飭各標營。通行曉諭。俾各均霑實惠。以副朕加惠兵丁之至意。○調正黃旗滿洲副都統吉三。為正紅旗滿洲副都統。正紅旗滿洲副都統阿蘭泰。為正黃旗滿洲副都統。○乙巳。

上御乾清門聽政。○詣

皇太后宮問安。○戶部議覆。江西巡撫岳濬疏。稱遵旨密議。南昌府屬南昌。新建。豐城。進賢。寧州。奉新。靖安等七州縣。應減浮糧一項。先經雍正元年減免一半。尚存浮糧銀七萬五

千五百四十九兩零。再請酌減一半。銀三萬七千七百七十四兩零。於乾隆三年為始。按則逐一扣除。應如所請。從之。○大學士管浙江總督嵇曾筠疏報。海寧縣建築石塘工竣。下部知之。○蠲免江南高淳縣本年蟲災額賦。桃源宿遷睢寧三縣。淤地未完銀糧。○調戶部左侍郎趙殿最。為吏部右侍郎。○以詹事府少詹事陳惠華。為詹事府詹事。○以翰林院侍讀學士吳應枚。侍講學士鄒升恒俱充日講起居注官。○予故江蘇巡撫邵基。祭葬如例。○丙午。諭總理事務王大臣。據駐防哈密提督樊廷奏。稱本年蔡巴什湖屯種地畝。經營之官弁兵丁等。人人黽勉。不敢少懈。天時人事。兩收其效。計算收成。分數自十一分。以至五十三分不等。均稱豐稔等語。口外駐防兵丁等。於屯墾事務。加意經理。收穫豐足。甚屬可嘉。其各官弁兵丁人等。俱著交部照例議叙。以示獎勵。○免江蘇徐州府屬銅

沛蕭。礪四縣民欠未完銀兩。○丁未。

上詣

壽皇殿行禮。○準噶爾部人策凌古爾巴納來降。命賞給安插如例。賑貸黑龍江被水災戶口糧。○戊申。修

奉先殿告成。

上親詣致祭行禮。○己酉。

上詣

皇太后宮問安。○兵部議准廣東按察使王恕

疏請崖州營叅將守備等官照烟瘴文職例二年報滿更換陞用。從之。○旌表守正捐軀之河南長葛縣民王大用女王氏。○湖北巡撫楊永斌疏報湖北新闢鶴峯長樂二州縣成熟田地。共八百三十七頃二十一畝有奇。○庚戌。命清理馬廠牧放事宜。諭曰。國家馬政最關緊要。必平時牧養蕃息。斯緩急可以備用。從來用兵之時。需用馬匹。俱發帑採買。為數甚多。且諸王等俱有進獻之馬。近

年徵兵之後。此項馬匹。未見著落。即云每年有倒斃者。亦每百匹中。不過數匹而已。其應存之馬。作何辨理清楚。亦未據詳悉妥議。夫牧養馬匹。必須經理得宜。俾孳生蕃庶。日見其多。方為有益。然以無事之時。而頻年飼養。不特糜費錢糧。且恐畜養過多。草料騰貴。於兵民均有未便。是在今日而籌議馬政。須不糜費國帑。而孳生蕃盛。乃為策之善者。其應如何分設廠地牧放。俾永久有益之處。著總理事務王大臣議政大臣會同八旗大臣。該部詳查妥議具奏。至於京師亦需用馬匹。而廠地多在口外。未免離京稍遠。即如本年八月間。朕欲躬詣泰陵。即據兵部奏請將京城八旗出廠馬匹內。調回應用。夫以口外馬匹。調至京城。用後仍須發回。則往返之間。馬匹已致疲乏。又豈能濟一時之用乎。附近京師。如密雲熱河諸處。有可安設馬廠者。亦宜酌議安設。則調用更

屬近便。王大臣等可一併議奏。○戶部議覆山西巡撫覺羅石麟疏。報山西興縣臨縣永寧州臨晉縣榮河縣被旱災地。遵旨分別平糶緩徵蠲免。各事宜得旨依議速行。○禮部先期疏請皇上躬詣

秦陵行釋服禮。得旨是依議。○工部議覆福建水師提督王郡疏。稱臺澎戰哨船隻分案估修。以免稽悞。又遭風船隻定限分別賠修補造。應如所請。從之。○蠲免甘肅平番縣本年旱災。應徵銀糧草束。○辛亥。

上詣

皇太后宮問安。○禮部先期疏請。

皇上釋服後。祫祭

太廟。恭行吉禮。得旨是依議。○賞恤渡臺遭風淹斃兵丁。○壬子。是日起。

上以冬至祀

天於

圜丘齋戒三日。○命平郡王福彭。大學士鄂

爾泰。張廷玉。留京辦事。○癸丑。賞給高齊特喀拉沁窮乏蒙古民婦銀兩布疋。○是月。欽差兵部左侍郎孫國璽等奏。查明山西各屬豐歉情形。得旨知道了。如此辦理。甚是。第汝等銀米兼賑之議。朕不以為然。何則。因饑荒而賑米。則民無菜色。未聞因饑而賑銀者也。若有米穀之可買。則無庸官為賑濟矣。且貪官蠹役。從未有冒銷米穀者也。若聽其銀米兼施。則取之甚易。而查之甚難。徒見百姓少一半之穀。而貪官蠹役得一半之銀。非計之得也。若倉中米穀缺少。或可另為通融。而汝等又奏稱倉穀儘敷賑恤之用。豈汝等未之思乎。抑別有難辦之情節乎。此事部議亦不准矣。汝等其速為明白回奏。○又孫國璽等續奏。銀米兼賑。實與晉省民俗因地制宜。得旨知道了。有旨諭部。○又續奏。酌定米價。賑給半銀。以便災民糴買雜糧充食。俾益饒裕。得旨知道了。該部知道。○直隸總督李衛

奏報冬雪及時得旨覽雖屢得雪頗覺不足京師現在望澤甚殷朕日夕為此惓惓也○江南河道總督高斌奏疏濬毛城鋪迤下河道不致稽悞要工得旨是固如是辦理但觀此奏似尚有未盡之意朕前何妨明講耶○江西巡撫岳濬覆奏查辦兪兆岳缺少關稅贏餘銀兩緣由得旨將此情節再行咨明大學士崧曾筠聽候部議辦理為是○署湖北巡撫張楷奏請

聖訓得旨覽廉之一字何庸訓汝但汝初到任正當留心地方大務俾綱舉目張庶政咸修方足以稱此任而首為是沾沾之論則汝自謂硜執實自知之言所當擴充識見以為封疆大器又朕近觀

皇考硃批頗以汝為沽名釣譽之流汝其服膺聖訓時時省過自改可也○又奏湖南衡永郴道許登瀛居官平常得旨此事交與德沛若許登瀛劣蹟昭著令其具本嚴叅○又奏遵

旨買補湖北通省倉穀得旨部議固如是至地方豐稔雖多買而無高昂之弊則部臣遠在京中何由得知耶在汝等地方大吏酌量情形為之要之地方以積貯足數為是○湖北按察使閻堯熙奏舊例農忙停訟本欲安民而民情反致阻抑不達應請量為變通分別緩急輕重隨時酌准以達民情得旨告知督撫即如此辦理可也○又奏揀拔在籍候選人員加等陞用得旨此見殊屬卑鄙不通之至殊不似汝陛辭之志矣○署河南巡撫尹會一奏豫省農桑各務得旨汝試酌量行之不可存欲速之心亦不可有終怠之念若民不樂從亦不可徒繩以法也○又奏請將囤藏舊麴定限發賣以杜私躡影射得旨知道了禁其私躡可耳若勒限令售恐滋繁擾既已如是辦理或再緩其期可也○山東巡撫法敏奏登州鎮水師朋扣銀兩援照廣東水師之例賞給出洋巡哨兵丁得旨此事與

廣東稍有不同。待朕再為酌量。○又奏。碾撥萊州府倉穀。以備直隸省賑濟。得旨。如此辦理甚佳。○大學士管川陝總督查郎阿奏。陝西倉儲。無庸題請改徵折色。得旨。崔紀之見甚屬卑小。卿當斥責之。此事尚未具題。即便題到。部議亦斷然不准也。即將朕此諭。示崔紀亦可。○又奏。滿兵分駐涼莊馬廠在所必需。查黃城地方。可以安設駐涼滿兵馬廠。蒿溝龍潭河二處。可以安設駐莊滿兵馬廠。得旨。好。當如此辦理者。○署陝西巡撫崔紀奏。陝西書院添蓋學舍。於未奉到諭旨前。業已興工。請將養廉扣還公項。得旨。此奏非矣。朕之前諭。亦已詳明。並非為錢糧起見也。汝第應認未奉旨而冒昧興修之罪。何用興養廉扣還之議乎。且汝無知而為此論。其罪輕。若料朕斷不允。而姑為是請。則汝不可問矣。若如是識見鄙薄。何以膺封疆之寄耶。朕甚憂之。○兩廣總督鄂彌達奏。遵旨清查廣西捐

墾荒田。分別應徵。應減。應豁。各數目科則。及應追工本銀數。造冊另題。得旨。如此辦理。頗覺明晰。知道了。○貴州總督張廣泗再奏。苗疆安屯情形。得旨。據卿前摺陳奏。已交王大臣議行矣。此旨或改行頒發。或無庸頒發之處。卿於彼案議覆歸結可也。卿既熟悉苗情。又屢經籌度。且以身家相保。朕自然聽卿料理。至陛見之時尚早。以苗疆甫定。須卿彈壓。卿其候旨可也。○兩淮巡鹽御史三保奏。動款收買竈鹽。以杜私販。得旨。甚是之舉也。○巡視臺灣御史白起圖等奏。閱驗營伍情形。得旨。知道了。海疆武備。尤與內地不同。所當時時訓練。以期有濟於意外者也。○署天津鎮總兵官黃廷桂奏。直隸賑濟情形。得旨。知道了。北省盜風頗熾。何云減少耶。○江南提督南天祥奏。預借工價。估造巡船。得旨。此事朕殊未悉。即如所奏云。拆造銀九兩。十年一拆造。自五十五年以來。均未按期拆造。則拆

造之項。作何動用耶。其令新督臣詳議以聞。
○福州將軍隆昇奏。添製鳥鎗鉛子。以實訓練。得旨。知道了。永遠實力行之。不然。日久怠生。使後任者徒為似此之奏。何益。陝西興漢鎮總兵官王邦寧奏請

聖訓。得旨。覽。邊外駐防。不同內地。所當時刻留心。視無事若有事。與提督樊廷和衷共濟。寧謐地方。以副任用之意。勉之。莫忽。○四川提督王進昌奏。松潘鎮總兵官馬義。不能勵精治事。得旨。馬義若有怠惰之處。可竭力勸諭之。若不悛改。不勝此任。可密行奏聞。調用內地。○又奏。躡捕陝楚流入川省匪徒。地方現已安靜。得旨。覽。奏。朕懷誠慰地方之事。原應如此。時刻留心。

大清高宗法天隆運至誠先覺體元立極敷文奮武孝慈神聖純皇帝實錄卷之五十五

大清高宗法天隆運至誠先覺體元立極敷文
奮武孝慈神聖純皇帝實錄卷之五十六

監修總裁官總纂官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲部純世襲騎都尉軍功加七級隨帶加一級尋常加二級軍功紀錄一次臣慶桂

總裁官總纂官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書琅玕滿洲部總管功紀錄五次

尋常紀錄十四次臣德瑛總纂官太子少保工部尚書紀錄六次臣曹振鏞等奉

校修

乾隆二年丁巳十一月甲寅朔○乙卯冬至

祀

天於

園丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵 詣

皇太后宮問安○停次日朝賀○丙辰諭曰今年近京地方有被水之處收成歉薄以致京師米價日漸昂貴朕心軫念多方籌畫內而八旗外而五城皆設廠平糶官米以濟民食乃近來米價仍未平減朕再四思維向來定例每逢歲閏但增給兵丁一月餉銀不給米石是以逢閏之年往往米價稍昂而今歲尤甚者則以畿輔歉收之故夫漕糧關係天庾出入皆有常制固難格外施恩輕為賞賚然於歲歉米貴之時又當酌量變通俾兵丁不致有貴價糴米之累用是特頒諭旨將八旗兵丁借給一月米石其應於何時支領將來作何坐扣還項之處該部速行詳悉定議具奏尋議定例八旗甲米每年春秋冬三季關支所有戊午年頭季甲米已於今年十月內

支放現數兵丁食用。惟歲底春初之時。距來年三月關米。為期尚遠。未免需米接濟。請將借給米石。於十二月初一日放起。歲內放完。以濟兵食。至坐扣還項。應勻作四季分扣。但每歲春間。青黃不接。市價易昂。須至秋收。蓋藏充裕。價值平減。此項坐扣米石。請於戊午已未兩年秋冬二季檔內勻扣。從之。○戶部議覆山西巡撫覺羅石麟疏稱。祁縣水衝沙壓地十一畝三分。請免本色糧一升零。折色糧二斗一升零。共折色銀三錢一分零。聞喜縣水衝沙壓地一百六十八頃六十一畝一分零。請免折色糧四百七十四石二斗九升。共折色銀六百二十二兩五錢一分。應如所請。准其豁免。從之。○總理事務王大臣等議。覆河東總河白鍾山條奏河務各款。得旨。白鍾山奏請巡漕御史協查挑河事宜一款。據王大臣等議覆。該御史於水勢之情形。一時未必熟悉。辦事恐致掣肘等語。朕思御史雖

未諳練河務。然於挑濬之淺深。豈有不能查勘之理。若令其協同河臣。督率稽查。不無裨益。著照白鍾山所請行。○蠲賑安徽壽州霍邱縣被旱災民。○蠲免陝西靖邊定邊安定葭州神木府谷米脂吳堡等八州縣本年水災額賦。緩徵長安咸寧臨潼盤屋鄠縣渭南涇陽耀州高陵醴泉咸陽三原興平富平大荔朝邑華州蒲城華陰潼關扶風岐山汧陽郿縣長武三水淳化乾州武功永壽等三十州縣。應完糶借糧石。○丁巳禮部以朝鮮國王李昫請封世子李愔。年未及歲。與例不符。應否准其冊封。得旨。該王既稱遲暮之年。伊子李愔。知識漸長。輿情所在。願名位早定。情詞懇切。著照所請行。其進獻禮物。不必收受。若仍令其帶回。未免徒滋往返。著暫留收貯。准作來年正貢。以示朕柔遠之意。○賑恤奉天錦縣寧遠州被水災民。分別蠲緩額賦。○以故喀爾喀扎薩克貝子阿努里子多爾濟

旺楚克襲爵。○戊午諭總理事務王大臣朕恭閱

皇考硃批諭旨內。屢有訓飭各省督撫。稽察匪類。以正人心。以厚風俗之

聖諭。而彼時督撫。敬謹遵奉。亦時有以查獲匪類上聞者。蓋以此等不法奸民。實為國家之蠹。不時稽察懲治。所以為防微杜漸之計者。至深遠也。朕即位以來。外省督撫。未見有留心查拏匪類之奏。如果人心丕變。風俗醇良。竟無此等作奸犯科之輩。乃朕所樂聞。豈不甚善。但恐地方大吏。苟且姑容。妄意朕崇尚寬大。於一切匪類等事。平時漫不經心。寬縱疎忽。而偶有發覺者。又復草率完結。希圖省事。不行奏報。夫稂莠不翦。無以植嘉禾。頑梗不除。無以安良善。似此姑息養奸。其罪實與科細煩擾者等。從來法久廢弛之說。乃為微末官吏。里巷編氓而言。彼其志慮卑庸。識見短淺。諭旨嚴切。則勉強奉行。稍閱歲時。仍復

怠玩。在伊等固不足深責。若為封疆大臣者。膺朝廷股肱之重寄。豈可蹈法久廢弛之陋習。如果立法之初。稍有未當。即當據理直陳。不應存陽奉陰違之意。若係有裨官方。有益民生之事。則當永遠遵行。久而不替。方將期於世法世則。豈可以數年之間。即先後異轍乎。至於稽查匪類。乃地方要務。既不必苛意搜尋。滋擾累之端。亦不得有心隱諱。啟養癰之漸。可將此旨傳諭各省督撫知之。○定邊副將軍額駙策凌奏報鄂爾坤等處秋成收穫。共五千四百四十五石有奇。下部知之。○已未。

上御乾清門聽政。○詣

皇太后宮問安。○撥通倉移米六萬石。充近京東北州縣冬賑。從直隸總督李衛請也。○禮部先期疏請。

皇太后聖壽節。應行慶賀禮。得旨是。照例行禮。奉

皇太后懿旨。今年停止筵宴。○轉戶部右侍郎呂耀曾。為戶部左侍郎。調刑部右侍郎王鈞。為戶部右侍郎。以詹事府詹事陳惠華。為刑部右侍郎。○以廣東副將管左翼鎮總兵官黃錫申。為福建南澳鎮總兵官。○以陝西西鳳協副將王廷極。為延綏鎮總兵官。○庚申。戶部議覆。兩江總督署蘇州巡撫慶復疏稱。乾隆二年四月。

恩詔內開。蘇松浮糧。前已蒙

世宗憲皇帝特降諭旨。裁免四十五萬兩。以紓民力。但江省糧額。尚有浮多之處。著再加恩。免額徵銀二十萬兩。欽此。欽遵。相應均勻攤蠲。每兩應減銀一錢三分三釐。計蘇州府屬減免銀八萬六千九百九兩一錢七分零。松江府屬減免銀六萬九千五百一十兩四錢七分八釐。太倉州屬減免銀四萬三千三百八十七兩二錢一分零。崇明縣歸通沙地減免銀一百五十七兩四錢一分四釐零。昭文

縣歸通沙地減免銀三十五兩七錢二分一釐零。共符二十萬兩之數。應如所請。從之。○科爾沁輔國公噶爾畢病故。遣官致祭。○旌表守正捐軀之山西定襄縣民蘭桂才妻張氏。○辛酉。詹事府詹事陳惠華奏辭刑部侍郎任。得旨。不必辭。著赴部辦事。遇有餘暇。仍到阿哥書房行走。○安慶巡撫趙國麟疏報鳳陽府屬臨淮。靈璧。二縣開墾旱地四頃三畝七分一毫。潁州府屬阜陽縣開墾縣衛旱地七頃九十八畝七釐。○壬戌。定京察優敘。諭總理事務王大臣三載考績。大典攸關。在外則為大計。在內則為京察。所以昭黜陟而示勸懲也。但向來直省大計。經督撫薦舉卓異之員。俱送部引見。准其註冊者。例得陞用。其有干八法等官。分別議處。至於京察各官。才守兼優者。列為一等。祇與二等三等人員均。以應留註冊。而無優敘之例。惟列在四等者。照八法例處分。未免有懲無勸。不足以示

鼓勵。朕意京察列在一等人員。亦應酌量加恩。但京官與外省。職任不同。體制亦異。其應如何分別定例之處。著九卿詳悉定議具奏。○又諭。據提督鄂善。會同管理米局都統等。奏請裁汰八旗官米局。嚴行禁止鋪戶囤積米石。不得過五十石以上等語。著照所奏。嚴行禁止。不准囤積米石。至米局可否裁汰之處。著總理事務王大臣。會同提督鄂善。八旗都統等。詳悉妥議具奏。尋議。應如所奏。概行停止。○兵部議覆。大學士管川陝總督查郎阿疏稱。欽奉

諭旨。各省營伍。離提鎮遼遠。不能親身稽查。著各省督撫。酌量地方營制。應如何令提鎮等。隔數年一次巡閱之處。妥協詳議具奏。查陝西提督所屬之延綏鎮。緣邊一路。巡查易週。仍照原議。每年出巡二次。其河州一鎮。前因改鎮伊始。尚未議定分巡。應於每年二三月間。由積石等二十四關。西厯口外之奇台。循

化。保安。歸德等營。九十月間。則自東北之臨洮。蘭州。紅城。苦水。至於東南之洮岷。階文。秦鞏。西固。岷州。舊洮等營。分季巡查。甘肅提督所屬之肅州一鎮。應於每年或春或秋。出巡一次。其餘各鎮。仍照原議。每年分季巡閱。又陝西興漢一鎮。除漢中城守等營。俱令鎮臣每年巡查一次。其漢鳳等五營。即令漢中城守副將。就近每年巡查一次。統俟三年之後。仍令鎮臣遍歷巡查。陝西提督所攝固原一鎮。仍照舊議。於四協副叅遊擊內。互相稽查。又稱提督為統轄通省之員。陝西提督應五年普巡一次。甘肅提督於二年之中。或秋或冬。巡查肅州。安西。二鎮。仍不時悉心訪察。均應如所請。從之。○準噶爾回民薩特奇。率親屬五人來降。命賞給安插如例。○先是額駙策凌。令台吉額默根等。持答噶爾丹策零書一通。至準夷界。有達什。敦多卜等。接見同至卓索圖和碩。見台吉德齊特。宰桑孟克博羅

特告以來意。德齊特等即撥三十餘人。送往伊犁。額默根告以奉命只令致書。不便前往。會噶爾丹策零已先期遣博巴來迎。遂於九月初七日。至伊犁。初九日。見噶爾丹策零致書。閏九月初四日。噶爾丹策零告額默根云。有奏。

大皇帝一書。又與車臣汗一書。我遣宰桑達什博吉爾。二人為使。二十四人為從。與爾同行。遂於初五日起程。十月二十日。至布拉罕之察罕托輝。額默根馳驛先至軍營。額駙策凌以聞。且奏言前者與噶爾丹策零書。原有如難於遣使當為代奏。令爾使入京之語。觀此次遣大宰桑前來。定有求和之意。可否令夷使進京。又臣以年例當入覲。夷使到時。可否告以臣已奉旨赴京。即令使者來京。如蒙俞允。軍營印信。應暫令何人署理。得旨著額駙策凌率台吉額默根馳驛來京。副將軍印務暫令海蘭護理。夷使達什等勿令窺伺軍營。

及蒙古遊牧處。導彼從口外行走。并護送來京。○旌表守正被戕之山西高平縣民李海妻范氏。○癸亥。

上詣

皇太后宮問安。○諭理藩院厄魯特散秩大臣策零。於太僕寺總管任內降一級調用。此散秩大臣之職。係因伊父格雷固正歸附之功。賞給者。今因伊總管任內降一級。若併將伊散秩大臣降調。殊屬可憫。特行加恩。策零仍留伊散秩大臣。其總管亦從寬留任。○賑恤貴州郎岱廳及普定安平二縣雹傷災民。緩徵本年額賦。○予故散秩大臣覺羅諾爾遜湖廣襄陽鎮總兵官李椅祭葬如例。○大學士管浙江總督嵇曾筠疏報奉化寧海二縣開墾額田八千五十一畝。○旌表守正捐軀之河南商邱縣民許純妻高氏。湖南衡陽縣民胡次孔妻彭氏。○甲子。遣官祭先醫之神。○禮部議覆四川學政陳象樞條奏。

停止川省寄籍生員改歸原籍之例。應如所請。從之。賑貸陝西朝邑縣被水災民。除水衝地畝額徵。○乙丑。命加山西驛站料草銀兩。諭曰。前侍讀學士世臣。從山西祭告回京。奏稱晉省驛站養馬銀兩。有不敷之處。未免賠累。朕發交廷議。旋據議稱。直省驛站工料。向因浮冒裁減。今若再議加增。恐復開浮冒之端。應無庸議。今朕查得各省料草銀兩。每馬一匹。河南。湖南。俱係五分。浙江。江南。俱係六分。山西。則四分五分不等。晉省地狹民稠。人多服賈。不若江浙等省之舟楫往來。到處可通商販。是以糧草價值。平時昂貴。而又當秦蜀之衝。差使絡繹。所有額支銀兩。除去鞍屨各項雜用外。每馬一匹。實支銀不過二三四分不等。以致各州縣。俱藉口價值不足。派民採辦。甚或從中漁利。弊竇叢生。閭閻受其擾累。所當酌量變通者。著將晉省驛站料草銀兩。比照浙江江南之例。每馬加足六分。至鞍屨各費。

仍照常例。毋庸議加。巡撫石麟。布政使許容。可悉心辦理。嗣後養馬料草。悉照時價採買。如有絲毫派累小民者。嚴叅治罪。朕因晉省情形如此。特降諭旨。他省不得援以為例。○兵部議違例。不候部覆。即隨本進京之寧夏。天津。軍政卓異官。請暫留守候。俟覈題後。引見。得旨。著遇便。即行帶領引見。○戶部議覆。山西巡撫覺羅石麟疏報絳州所屬河津縣。被水侵坍沙鹵地二百八十七頃八十四畝。六分零。應免本色穀一十二石一斗零折色糧八百七十二石六斗一升零折銀并租銀共一千五十九兩六錢五分零。應如所請。准其豁免。從之。○丙寅。聖祖仁皇帝忌辰。遣官祭景陵。○上詣奉先殿。壽皇殿行禮。○諭理藩院。乾清門行走科爾沁四。

等台吉衮齊扎卜。効力年久。軍前亦著有勞績。今聞溘逝。甚為憫惻。加恩追封為二等台吉。賞銀二百兩。○準噶爾部人策零。回民古爾巴勒。來降。命賞給安插如例。○蠲賑安徽太平。合肥。舒城。廬江。巢縣。和州。含山。石埭。懷遠。六安。新安。十一州縣。衛被水災民。○丁卯。

上御乾清門聽政。○詣

皇太后宮問安。○總理事務王大臣議。公法爾善奏。守護

陵寢兵丁。請照張家口等處添設驍騎校之例。於每馬甲四十名。添設驍騎校一員。應如所請辦理。從之。○戶部等衙門議。覆雲南巡撫張允隨條奏。內稱。州縣牧令。熟諳農功者少。請定十則規條。一曰。筋力勤健。二曰。婦子協力。三曰。耕牛肥壯。四曰。農器充銳。五曰。籽種精良。六曰。相土植宜。七曰。灌溉深透。八曰。耘耨以時。九曰。糞壅寬裕。十曰。場圃潔治。以十得八九者。為上農。即於上農內。選老成謹厚

之人。專司教導。又稱。獎賞老農之例。於每歲秋成後。州縣查所管鄉村。如果地闢民勤。穀豐物阜。觴以酒醴。給以花紅。導以鼓樂。以示獎勵。又稱。播種時。或有籽粒缺乏。工本艱難。請於常平倉穀。存七數內。酌借籽種。應如所奏。通行直省。從之。○兵部議。覆閩浙總督銜。專管福建事務。郝玉麟疏稱。福建永春。改縣為州。將提標左營遊擊。移駐州治。原防把總一員。仍留州汛。再撥外委一員。協防。提標左營額兵內。抽調兵丁一百五十六名。同原兵一百名。以二百名駐防州治。其餘分防各塘汛。大田縣。於延平協右營內。抽調管隊兵丁五名。同原兵五名。防禦龍背嶺。德化縣屬。提標後營分防。大田縣屬。延協右營分防。并聽左營遊擊調遣。其新設屏南縣。於福協左軍內。選拔經制把總一員。另增經制外委二員。於內地陸師三十七營內。抽撥兵丁一百六十名。以把總帶兵九十二名。駐劄縣治。將四

名為隨丁。五名為公糧。以外委二員。帶兵十六名。分駐嶺頭。甘棠。二塘。仍於隴村等十七塘。各安兵巡防。其屏南縣東北之下山口塘。係建安等三縣公汛。按季撥兵三十名輪防。即將梨坪等塘之原兵十九名徹還。以十二名。添於古汛之教場門等四塘。以七名添於古汛之水口七塘。均應如所請。從之。○又議准正紅旗滿洲都統奉恩輔國公奇通阿。疏請無大員管轄之城守尉。防守尉等官。過父母之喪。令申報兵部。給假百日。回旗治喪。從之。○刑部議覆內閣學士陳時夏條奏。內稱假命案內。果係威逼有據。該州縣照律斷給埋葬。詳請分別治罪。不得抑勒苦主。概行息結。又稱。枷責人犯。原係情罪稍輕。例應枷號。期滿責釋。請將違例先責後枷。釋放之日。又復責懲。以致重傷斃命。嚴飭禁止。應如所奏。通行直省遵行。從之。○免福建長樂等縣未完租穀一千三十石九斗八升有奇。以

詹事府詹事吳拜。為內閣學士兼禮部侍郎。○實授黃有才為浙江定海鎮總兵官。予故陝西寧夏鎮總兵官楊名揚祭葬如例。予陣亡雲騎尉查蘭泰等祭葬如例。○戊辰上啟鑒謁

泰陵○詣

大高殿行禮。○諭總理事務王大臣。據樊廷奏稱。本年十月二十五日夜子時。據巡城兵丁稟稱。望見北面有紅光。隨經細看。初起東北。漸移於西。橫望北方一面。天色如火。高與南山齊。中含黑氣。又豎有白氣四道。至三更後。其四道白氣。變為數十道。而黑氣則漸漸退去。至四更後。俱化無存。惟有紅光至五更後。漸覺色淡。直至日出。全消不見等語。朕思山嵐之氣。變態無常。乃時有之事。不足為怪。或者賊夷狡詐。因已遣人前來議和。故在西路燒草放荒。以試探我軍。或乘此際。復為盜竊之舉。皆未可定。在營將弁。但當鎮靜以待。不

可張皇。以致驚擾。且賊夷縱來侵犯。料亦不過數百人。我軍但堅壁固守。使之一無所獲。疲勞而歸。方為得計。近經北路報奏。於本年十月內。準噶爾已遣宰桑達付卜濟爾。二人帶領二十四人。齎捧奏章前來。朕已降旨。令額駙策凌來京。俟其使人到時。講議和好之事。今西路之兵。若因其稍有窺伺之意。遂爾出師迎擊。不但勝之不足為武。轉使彼得以有辭矣。可將朕旨。傳諭查郎阿樊廷知之。○

又諭前據兩江總督慶復奏稱。兩淮鹽義倉米穀。揚州倉存十二萬石。泰州倉存六萬石。其餘三十六萬石。分派上下江。通融撥補。此項穀石。因今冬挑濬運河。民食維艱。仍運赴淮揚平糶。將糶出價銀。分撥上下兩江等語。朕已降旨允行。今據兩淮巡鹽御史三保奏稱。淮商連名具呈。復懇請減價。併將額存揚倉之十二萬石。一併發糶。僅此十二萬石之內。將來買補不敷。該商等情願公捐補足等

語。朕思義倉積貯。原以惠濟貧民。今大工興舉。河道不通。時值隆冬。小民生計艱難。傭工夫役。需體塗足。俱堪憫惜。現今平糶之米。每升制錢七文。較之市價。已為平減。今再格外施恩。每升減錢二文。以五文一升計算。每石僅糶銀六錢有零。於小民實有裨益。俟糶完之後。將糶出價銀。分解上下兩江。如此項穀石。不敷糶賣。即將揚倉之十二萬石。一併平糶。此十二萬石之內。將來買補缺額。眾商既稱情願捐補。伊等從桑梓起見。補實倉庾。以濟民食。著照所請行。但不必過於急遽。其應如何徐徐辦理之處。著那蘇圖。三保議奏。至於平糶之事。在揚城者。著三保會同知府辦理。其山陽高寶江甘等州縣。著該地方官辦理。仍著總督那蘇圖。巡撫楊永斌。不時查察。務使小民均霑實惠。○是日。駐蹕常陽店。

大清高宗法天隆運至誠先覺體元立極敷文
奮武孝慈神聖純皇帝實錄卷之五十六

實錄卷之五十六

三

大清高宗法天隆運至誠先覺體元立極敷文
奮武孝慈神聖純皇帝實錄卷之五十七

上諭 總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄四次臣德瑛經筵講官太子少保工部尚書紀錄六次臣曹振鏞等奉

教修

乾隆二年丁巳十一月己巳駐蹕半壁店

庚午駐蹕古山辛未

上謁

泰陵未至碑亭即降輿慟哭步入

隆恩門詣

寶城前行禮躬奠哀慟王以下文武官員隨行禮

上具摺遣內監回京請

皇太后安○戶部等部議覆大學士管浙江總

督嵇曾筠等遵旨會議浙江額徵南秋等米

各屬徵輸不一杭嘉湖三府屬南米向係春

徵四分。請照江省之例。將南米。隨同漕米。於十月起。一併統徵分解。應如所請。從之。○兵部等部會議。熱河添設兵丁二千名。應設大員統轄。請將總管一缺。改為滿洲副都統。滿洲蒙古各旗。共設協領六員。佐領防禦驍騎校各二十員。筆帖式三員。從之。○免江南銅山。碭山。二縣。未完麥三百九十八石有奇。○下嫁正藍旗滿洲多羅額駙西納海之縣主費述。遣官致祭。○是日駐蹕二十里鋪。壬申。

上躬祭

泰陵。行釋服禮。望見碑亭。即哀慟不止。降輿步入。

隆恩門。詣

享殿前奠獻。至焚燎所。脫縞素。易常服。哭泣盡哀。乃退。○是日駐蹕古山。癸酉。諭戶部大學士徐本。隨駕時多。著將戶部三庫飯銀內。每年賞給二千兩。又諭署直隸河道總督。

顧琮養廉四千兩。稍不敷用。現在副總河已經裁缺。所有養廉銀二千兩。著一併賞給。○實授紀龍為雲南永北鎮總兵官。○是日駐蹕半壁店。○甲戌。

上以

世宗憲皇帝三年服闋。祫祭

太廟。是日起齋戒三日。○

上具摺。遣內監回京。請

皇太后安。○是日駐蹕常陽店。○乙亥。

上詣

大高殿。

壽皇殿行禮。○詣

皇太后宮問安。○還宮。○賑恤甘肅環縣蘭州廣東

三水。龍門。從化。清遠。花縣。澄海。潮陽。高要。開平。

四會。十縣。被旱災。民緩徵本年額賦。丁丑。

上親詣

太廟行祫祭禮。○詣

皇太后宮問安。○奉

皇太后幸重華宮侍膳○奉

皇太后還宮○加上

皇太后徽號諭禮部曰朕惟王化攸基事先敦本典章有慶誼重尊親矧恩慈宜盡夫顯揚而崇號允符乎仁善欽惟

聖母崇慶皇太后德涵愷悌功贊昇平恭儉垂模壺掖咸欽內則肅雝成化邦家羣奉母儀福祿加綏臣黎共戴朕紹承丕緒恪秉彝章祇遵

懿訓之頒爰定中宮之位念徽音之有嗣佑啟多方荷教育之時勤貽安夾禩用伸敬悃恭晉隆稱加上

聖母皇太后徽號曰

崇慶慈宣皇太后鴻名紀盛於瑤齋純嘏增輝於寶冊宸輿式仰鉅典宜昭應行典禮爾部敬謹詳議具奏○戊寅

皇太后聖壽節遣官祭

太廟後殿○

上詣

壽康宮行慶賀

皇太后禮王大臣於

慈寧門衆官於午門行禮○詣

皇太后宮侍宴○已卯

上詣

皇太后宮問安○戶部議歸化城都統塔爾瑪善應否量加隨甲錢糧十名得旨允行○庚辰命西寧辦事副都統保柱來京以鑲黃旗

滿洲副都統巴靈阿為西寧辦事副都統以

署鑲紅旗蒙古副都統布蘭泰為鑲黃旗滿

洲副都統○命莊親王允祿總理增修七政

時憲書○總理事務莊親王允祿等請解總

理事務諭曰莊親王等奏辭總理事務朕思

皇考御極之初命王大臣等總理事務至二十

七月釋服之後准其解辭者蓋

皇考春秋已逾四旬且至聖至明於天下政務

及一切情事無不周知洞悉在朕今日豈敢

與

皇考比擬正賴王大臣等輔弼贊襄期臻上理何得援例懇辭但覽王大臣所奏情辭懇切請各歸本職辦公仍是靖共佐理之忱惟朕祇得勉從所請此二十七月之內王大臣等匡贊朕躬一切典禮敬慎周備凡所交政務莫不悉心辦理甚屬勤勞總理事務莊親王果親王大學士鄂爾泰張廷玉著交宗人府吏部從優議敘協辦總理事務平郡王大學士徐本公訥親尚書海望亦著議敘○免山西興縣臨縣永寧州臨晉縣本年旱災丁銀辛巳諭內閣昨莊親王等奏辭總理事務情辭懇切朕勉從所請但日前兩路軍務尚未全竣且朕日理萬幾亦間有特召交出之事仍須就近承辦

皇考當日原派有辦理軍機大臣今仍著大學士鄂爾泰張廷玉公訥親尚書海望侍郎納延泰班第辦理○莊親王允祿奏辭內務府

總管并請停給恩賞雙俸得旨不必辭○戶部議覆山東巡撫法敏疏稱商河縣官莊墾鹵不毛下地二百一十頃五十五畝六分零荒地七頃七十九畝六分零共應徵銀五百一十二兩七錢三分零米一百六十四石一斗六升零並雍正十三年乾隆元年共未完銀一千二十五兩四錢七分零米三百一十三石六斗八升零一併請豁應如所請准其豁除從之○禮部等部議覆陝西學政周霽疏稱延安府前經裁減學額撥給直隸葭州屬文武童生各一名今葭州并所屬之府谷神木二縣復改隸榆林府管轄而榆林府屬之靖邊定邊二縣又復改歸延安府管轄則於延安府學額內撥給葭州之文武童生各一名應仍歸延安府學應如所請從之○免奉天寧遠州被水旗地本年額賦除沙壓地畝額徵○免吳喇忒三旗人等應完倉穀二千三百二十三石有奇○壬午

上詣

皇太后宮問安。○諭曰。大學士鄂爾泰奏辭總理兵部事務。大學士張廷玉奏辭兼管吏部戶部事務。情詞懇切。至於再三。即數年來。亦屢有人陳奏。大學士不應兼管部務者。此乃就常例而論。不知國家委用大臣。隨時變通。祇期有裨政治。難以拘執成規。亦多有與例不符。而出於不得已者。諸臣未能盡知也。皇考當日。命鄂爾泰。張廷玉。兼理部務。迄今多

年。朕御極以來。亦知兼攝為難。二臣亦屢以為請。而其中實有難於更易之情勢。蓋兵部尚書訥親。雖年力精壯。實心任事。而蒞任未久。諸事尚未諳練。吏部職總銓衡。關係甚鉅。非謹慎練達者。未易勝任。此二臣者。實為朕心之所倚賴。今乃辭解部務。將來之繼。二臣辦理者。其事妥協與否。朕尚未能豫知。豈肯遽從所請。在二臣受國家厚恩。當視公事如己事。亦不當以任事簡少。易於盡職。而忽

視部務。往復瀆陳也。俟數年之後。朕酌量再降諭旨。大學士鄂爾泰。仍著兼管兵部。大學士張廷玉。兼管兩部。事務實多。難於兼顧。准其解退戶部。仍兼管吏部。其他兼管部務之大學士。邁柱。徐本。不必兼管工部。刑部。○諭吏部。翰林開坊缺出。著仍照舊例。翰林院將俸深人員。開列二十員。爾部帶領引見。○吏部議覆署廣東巡撫王蔭疏。請廣東沿海烟瘴對品調補人員。照調繁之例。無庸送部引見。應如所請。從之。○戶部等部。議准漕運總督補熙疏。稱。江南蘇州。太倉。二府州屬。原運白糧船。因船多丁衆。題請分前後兩幫。添設千總二員。隨幫一員。今遵旨白糧減徵。所需船較原額已少。將該幫船仍歸一幫出運。所有添設千總隨幫。均請裁汰。從之。○禮部等部議覆山西學政沈文鎬疏。稱。山西朔平。寧武。二府。自雍正三年。新設府縣各學。經部議。照縣學例。額設廩增各二十名。兩年一貢。神

池五寨二縣學取進文武童生各六名同寧武縣學俱未設有廩增歲貢俟十年後人文充盛具題到日再議至今十有餘年各學員人數已充請將朔平寧武二府學照州學例添設廩增各十名共足三十名三年兩貢神池五寨二縣學額各添二名額數與寧武縣學均額設廩增各二十名兩年一貢應如所請從之○河南道監察御史陳其凝疏陳二慾宜克三私當省一心志之慾私意之生於內者也人心一放則私意易生私意一生而外感乘之自古聖賢未有不以放心為戒者堯之欽明舜之執中禹之祗承湯之顧諟文之小心武之敬勝無非恐此心之或放也我

皇上三年以來常存敬天畏人之心政無大小事無輕重其難其慎固已私意無所容而心志日以清矣惟願釋服之後益深謹懼念天命之匪易人心之難洽政雖百慮而猶有失

事即千思而恐未當心存而志抑則廣心浩大之弊不滋而精詳果斷之用以周書曰予臨兆民凜乎若朽索之馭六馬惟我

皇上察之一耳目之慾私欲之起於外者也耳之所聞習於非禮則聞正聲而不樂目之所見習於非禮則見正色而不怡耳不聞正聲目不見正色其有關於治亂安危者非細古之王者懸珠以充耳藻旒以蔽目非不視不聞也不敢以非禮之聲色接於耳目也我

皇上御極三年聲未嘗接於耳色未嘗接於目豈有非禮之視聽但願釋服以後一覩一聞尤加敬慎非禮之來明以辨之嚴以絕之則視聽清明而耳目之間無非正大光明之象書曰視遠惟明聽德惟聰惟我

皇上察之一懷安之私人情莫不欲逸聖王非獨好勞誠以心為動物未嘗或息勞於正則厭乎邪勞於邪則厭乎正出彼入此間不容髮古聖王早夜兢兢惟恐宴安之私形於動

靜而叢勝之咎遺於政事我

皇上三載憂勞夙夜不遑勤政之效見於天下惟願釋服以後益加乾惕早作夜思施政之下切於訪落勤於稽古則懷安之私不萌而明作有功惇大成裕矣書曰王敬作所又曰所其無逸惟我

皇上察之一好諛之私諛詞順耳而悅心正言忤聞而逆志故正言多不見採而諛詞易於入聽然諛詞入則心志蕩政事疎亘古以來

予智自賢未有不損德敗度者我

皇上求言若渴納諫如流三年以來不為諛悅之詞所動而臣下亦未嘗敢以諛詞上瀆聖聰臣愚願釋服以後益廣言路使忠言讜論日進於前而諧辭媚語不聞於耳思良藥苦口之利病忠言逆耳之利行則懸詔建鐸之心先聖後聖其揆一也詩曰盜言孔甘亂是用餽惟我

皇上察之一近佞之私蓋陰陽之道互為消長

君子道長則小人道消君子道消則小人道長故佞人進正人退佞人退正人進其間不容中立然正士每難於進雖進而難容佞人常難於退雖退而難絕惡紫奪朱先聖之所以垂戒者至切也我

皇上宅憂以來獎進善良日近正士佞人絕跡於朝廷臣尤願釋服以後特加辨別為忠為佞為賢為愚不致混淆杜閉羣枉之門廣開衆正之路則正士日進而佞人日退矣經曰

遠佞人又曰佞人殆惟我

皇上察之凡此二慾三私臣固知

皇上明聖之體剛毅之用斷無或留於心意或萌於動履者書之戒舜曰無若丹朱傲夫舜豈有傲志而臣工則以此進戒臣愚區區之心極盛而憂盛已明而危明亦欲

皇上聖德益進於精純治功益臻於隆熙致聖主於堯舜希鴻號於無窮伏冀

聖明垂慈而採納焉得旨陳其凝所奏皆省身

克己之要。朕當時時體察。以端出治之原。年
來言官能如此陳奏者甚少。陳其凝著交部
議敘。○癸未。諭內閣。朕御門聽政之時。翰林
院修撰編檢。與科道一同侍班。翰林班次在
科道之上。科道懸帶數珠。而翰林未有定制。
朕思侍從之臣。理應畫一。嗣後修撰編檢。亦
著一體懸帶數珠。以肅朝儀。○又諭劉元燮
奏辭廣西蒼梧道。請仍留御史之任。查劉元
燮於八月內。奉旨外轉。旋於閏九月內。吏部
引見道員。劉元燮即隨班入見。彼時並未奏
請留京。今閏五月有餘。而忽為此奏。明係不
願前往廣西。捏辭規避。且伊又稱吏部應夾
單請旨。不應照康熙年間之例。將伊入於月
選等語。不知缺有繁簡之不同。有應請旨補
授者。有應歸於月選者。從前閏九月內。有請
旨缺出。吏部已將劉元燮夾單引見一次。朕
未降旨補用。是以仍在候補之列。今遇有月
選之道缺。吏部照例銓選。此一定之理。並無

錯誤。劉元燮何得挾其私心。支離瀆奏。將前
後情節藏匿。希圖朦混。以惑朕聽。而不自知
其矛盾也。劉元燮若果欲留京効力。何不奏
請於奉旨外轉之時。又何不奏請於初次引
見道員之日。及至簽掣廣西之後。忽為此奏。
其居心尚可問乎。且劉元燮摺內。引周昌汲
黷自比。彼與古人。誠偽邪正。相去天淵。乃不
自知其分量。而公然引以自況。見之章奏。其
奸邪無恥。亦已甚矣。又伊今年六月間。因外
間偶有訛傳。李紱張坦麟除官一節。曾經奏
聞。朕降旨嘉獎。以鼓勵言官。究竟亦極平常
之事。其餘伊所條奏。則皆撫拾陳言。苟且塞
責。並無有裨政治。可見諸施行者。今何得大
言不慚。輒以敢言自詡。試思伊所敷陳。有一
裨於政治。切於朕躬。可以萬一彷彿周昌汲
黷者耶。至於月選道府州縣等官。由吏部過
堂掣簽。九卿在午門公同驗看。此乃國家定
制。無人不遵。而劉元燮以為凌辱。豈有九卿

同在班聯。而目擊書吏筆帖式凌辱道員之理。此又不問而知其為欺罔也。似此巧詐狂妄。挾私規避之人。竟敢以直言自居。是實有玷於周昌汲黯者也。朕若再加姑容。則將來言路必至於不可問。而假公濟私。明黨之風。因是而起矣。不得不嚴加處分。以示懲儆。劉元燮著革職發往廣西。以佐貳等官。令其効力贖罪。若再有規避。不實心盡力處。即著該督撫題參從重治罪。○吏部等部議覆大學士管川陝總督查郎阿疏稱陝西府谷縣麻地溝地方。為秦晉關鍵。夷漢門戶。商民雜處。最易藏奸。請添設巡檢一員。分駐巡查。應如所請。從之。○戶部議覆山東巡撫法敏疏稱遵旨禁革雜稅。查濟南等府屬。並德州。濟寧二處。應徵各項稅銀內。其糧鋤箕帚等項。細小物件。共應收稅銀三千九十六兩零。又蓬萊。日照等州縣衛。魚筏抽收稅銀五百三十八兩九錢一分。請免徵收。均應如所請。從之。

○兵部等部議覆直隸提督瞻岱疏稱熱河幅幘遼瀾。一應捕盜緝匪等事。均屬綠旗官兵專司。應改設大員增兵授制。請改設副將一員。都司二員。添設守備一員。千總二員。把總四員。馬兵一百四十名。步兵二百三十名。應如所請。從之。○是月兩江總督那蘇圖奏報得雪盈寸。得旨覽。近日朕望雪之意甚殷。雖於本月十五日得二寸餘雪。然尚欠需足。至於卿屬盈寸之雪。何濟事耶。但期竭力修省。以盡人事。以俟

天眷。若一有雪澤。即便奏聞。以慰朕念可也。○又奏請揀用廢員。督勸農務。得旨。此舉事屬更張。卿其再為酌量。且牧民之官。課督農桑。乃第一要務。豈有因刑名錢穀而分其責於他人者乎。○又奏籌備倉儲事宜。得旨。足食乃為政之要。卿所籌畫。甚為詳妥。著照所請行。應咨部則咨部。○江南河道總督高斌等奏請挑濬揚州府灣頭閘至泰州一帶河道。

得旨如此辦理甚善。○江蘇巡撫楊永斌奏酌撥米穀煮賑山陽等五州縣失業船戶得旨如此辦理甚是。為督撫者苟不以百姓為心雖有善政亦何足云。○安慶巡撫趙國麟奏安省緝盜事宜得旨盜賊之風甚不可長汝其竭力捕獲以安地方切不可因循怠緩則將來貽誤地方汝不勝其咎矣。○大學士管浙江總督嵇曾筠奏欽奉

硃諭近日聞卿署中卿子與家奴輩頗不安分物議紛紛在卿分地自然無庸朕諭然愚子癡奴若不嚴加約束將來恐於卿名望有損此並非出於妬卿者之口雖甚愛卿者亦云莫若令其還閭以全晚節云云卿其知之即舊歲情民一事尤招物議欽此臣跪讀之下無地自容仰蒙

聖恩委曲矜全諄切訓誨俾得稽查約束遵將兒子家奴細加察訊俱各茫然並密詢司道各員據云實無其事再容臣悉心訪查如各

有不安分之處臣即盡法重處斷不稍為姑息至辦理會稽縣情民一案經兩司審擬招解臣逐一研訊無異加看具題所有上年奏摺及本年題參題結各本

聖明賜覽自蒙昭雪得旨覽朕之待人從來開誠布公有所聞必欲置之其人總之卿之忠誠朕所素信既有此物議朕若隱而不以告卿則朕之待卿反不誠矣卿所奏辦知道了有則改之無則加勉耳。○又奏籌備米石運

濟閩省得旨如此通盤計算不分此疆彼界方為大臣之度也。○又奏管理南新北新二關稅務蘇赫納委用人役不諳大體得旨知道了朕即頒旨飭諭卿為大臣即教訓規戒使彼知道亦無不可者也。湖廣總督宗室德沛奏由蘭州赴任途次見聞陝西鑿井灌田情形於民無益又河南葉縣等處汝水泛溢應將河身挑挖使深等因得旨如此不分此疆彼界惟以地方為念而不避嫌疑始為

封疆大臣之度朕甚嘉悅覽之待分別情形辦理。湖北巡撫張楷奏楚省現辦事宜得旨知道了。一切政事須還朕一實字。又奏楚省積貯事宜得旨好。俟德沛到任後再行細酌。應具題時具題。湖南巡撫高其倬奏報收成分數得旨語云湖南熟天下足朕惟有額手稱慶耳。河東河道總督白鍾山奏運河應修閘壩各工酌議分別緩急次第辦理緣由得旨知道了。照卿所奏辦理。山西

布政使許容奏刊定冊結式樣以杜奸胥積弊請通飭各省一體倣行得旨汝試行於汝省至於各省朕自酌量。陝西巡撫崔紀奏報開鑿井口數目得旨知道了此等事若因一時高興冒昧行之則不過徒啟以開銷之塗而究無益於民若要之以久而行之以實則實有益之舉也在汝行之日後難逃洞鑒。署陝西布政使帥念祖奏通省積貯事宜得旨俟大學士查郎阿巡查回任時汝即將

此奏交與督撫二臣聽其和衷共議。兩廣總督鄂彌達奏報東省收成分數得旨覽通省收成雖有七分而被災之處自然不同所當加意撫恤以豫籌明歲之計。又奏豫備潮瓊二屬穀石以裕民食得旨此件料理甚為妥當。署廣東巡撫王謩奏動支藩庫存公銀兩周恤臺灣失風兵船得旨如此料理甚妥。又奏請勘墾歸善縣草地以資民食得旨知道了若果能如是實是有益之舉也

署雲南總督張允隨奏報土練追拏思茅猓黑兇犯射死扎可等將首級懸示曉諭得旨知道了若果射殺梟示之兇犯係實則甚佳但恐有了事之思則貽患不小也再與新督臣詳審妥辦可也。貴州總督張廣泗奏全徹楚粵兩省貼防苗疆官兵得旨知道了。遠戍官兵俱得回家免征戍之苦有室家之樂亦可喜之事也但當益謹防範使永無兵戎之事則善矣。貴州布政使馮光裕奏除

南籠安南二處零星鹽稅等事得旨著督臣張廣泗詳議具奏○內務府員外郎管淮安關務唐英奏請期滿回京當差得旨此奏不准行仍時刻約束家人衙役可也○廣東海關副監督鄭伍賽奏報廣東省米價及收成分數得旨知道了至督撫散賑若有諱災掩飾及屬員冒銷澤不下逮者應據實奏聞○直隸正定鎮總兵官徐成貞奏報到任得旨覽今派汝管轄兵丁口外屯田汝其勉之○

浙江溫州鎮總兵官施世澤奏請購運米石以濟兵丁家口得旨知道了照所請料理可也○福州將軍隆昇奏請成造火藥移交旗營官員領辦得旨交與總督郝玉麟聽其議奏○福建汀州鎮總兵官林君陞奏巡防事宜得旨覽勉力整飭營伍和輯兵民以副任用之意○福建漳州鎮總兵官譚行義奏查拏長泰同安二縣結拜鐵鞭會要犯全獲得旨拏獲要犯甚為迅速可嘉之至署廣東

提督南澳鎮總兵官張天駿奏報收成分數及米糧時價得旨知道了地方水旱之事雖非汝武臣之責而據實奏報則汝分內之事也至於文員散賑不力或有諱災之弊尤不可為之掩飾所當據實入告者也○又奏巡緝事宜得旨知道了與督撫和衷共濟以期有益封疆毋存文武兩途而有歧視之心

大清高宗法天隆運至誠先覺體元立極敷文奮武孝慈神聖純皇帝實錄卷之五十七

大清高宗法天隆運至誠先覺體元立極敷文奮武孝慈神聖純皇帝實錄卷之五十八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅大學士大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十二級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳十二月甲申朔

上詣

大高殿行禮○漕運總督補熙丁憂解職以工

部尚書查克丹為漕運總督實授來保為工

部尚書○蠲免直隸大興宛平良鄉涿州房

山易州涞水等七州縣八旗餘絕地畝乾隆

元年分應徵錢糧十分之三○蠲免江南阜

寧縣乾隆元年分水災額賦 乙酉

上御乾清門聽政○以少詹事王承堯為詹事

府詹事○以翰林院侍講學士喀爾欽陳浩

俱充日講起居注官○旌表守正捐軀之雲

南武定州民姜世華妻劉氏○丙戌以冊立

皇后遣官告祭

天

地

太廟

社

稷○

上詣

奉先殿行告祭禮○詣

皇太后宮問安○改定內閣典籍為正七品官

從大學士鄂爾泰等請也○丁亥

上禮服御太和殿宣制命保和殿大學士鄂爾

泰為正使戶部尚書海望為副使持節齋冊

寶冊立嫡妃富察氏為

皇后冊文曰朕聞乾坤定位爰成覆載之能日

月得天聿衍升恒之象惟內治乃人倫之本

而徽音實王化所基茂典式循彝章斯舉咨

爾嫡妃富察氏鍾祥勲族秉教名宗當親迎之初年禮成涓涖膺嫡妃之正選譽藹河洲溫恭嫺圖史之規敬順協珩璜之度承歡致孝問安交儆於難鳴逮下流恩毓慶茂昭於麟趾允賴宜家之助當隆正位之儀茲奉崇慶皇太后慈命以金冊金寶立爾為皇后爾其祇承

懿訓表正壺儀奉

長樂之春暉曷夏清冬溫之節布坤寧之雅化贊宵衣旰食之勤恭儉以率六宮仁惠以膺多福螽斯樛木和風溥被於閨闈爾館鞠衣德教覃敷於海宇永綏天祿懋迓鴻禧欽哉命保和殿大學士張廷玉為正使內閣學士索柱為副使持節冊封庶妃高氏為貴妃冊文曰朕惟政先內治贊雅化於坤元秩晉崇班沛渥恩於巽命彝章式考典禮攸加爾庶妃高氏篤生名族克備令儀持敬慎以提躬秉柔嘉而成性椒掖之芳聲早著度

協珩璜璇闈之淑德丕昭榮膺綸綍茲仰承皇太后慈諭以冊寶封爾為貴妃爾其祇勤日懋迓景福以凝祥恭順彌彰荷洪庥而衍慶欽哉命協辦大學士禮部尚書三泰為正使內閣學士岱奇為副使持節冊封庶妃那拉氏為

嫺妃冊文曰朕惟教始宮闈式重柔嘉之範德昭珩珮聿資翊贊之功錫以綸言光茲懿典爾庶妃那拉氏持躬淑慎賦性安和早著令儀每恪恭而奉職勤修內則恒謙順以居心茲仰承

皇太后慈諭以冊印封爾為嫺妃爾其祇膺巽命荷慶澤於方來懋贊坤儀衍鴻休於有永欽哉命東閣大學士徐本為正使內閣學士春山為副使持節冊封純嬪蘇氏為純妃冊文曰朕惟協贊坤儀端賴柔嘉之範翊宣內則聿加位號之榮賁以徽章昭茲茂典爾純嬪蘇氏克裕溫恭夙彰淑慎凜芳規

於圖史。式佐椒庭。叶令望於珩璜。懋膺綸誥。茲仰承

皇太后慈諭。以冊印封爾為純妃。爾其祇承象服。昭勤儉以流徽。篤迓鴻禧。履謙和而裕慶。欽哉。命禮部尚書任蘭枝為正使。內閣學士吳家騏為副使。持節冊封貴人金氏為嘉嬪。冊文曰。朕惟贊宮庭而敷化。淑德丕昭。班位號以分榮。恩光式煥。珩璜克叶。綸綍攸加。爾貴人金氏。早毓名門。夙稟溫恭之度。久勤內職。備嫺敬慎之儀。茲仰承

皇太后慈諭。冊封爾為嘉嬪。爾其象服。欽承履謙和而迓福。鴻禧永荷。懋敦順以凝祥。欽哉。正使跪受節起。於各冊前依次行。副使隨行。至景運門外。捧節授內監。冊寶印入宮。冊立冊封禮成。內監持節出景運門。授各正副使。至後左門復命。○戊子。

皇太后禮服。御慈寧宮。升座。儀駕全設。中和韶樂作。

上禮服。率諸王大臣行慶賀禮。衆官俱於午門外。隨班行禮畢。

皇太后還宮。

上御太和殿。王公大臣文武官員進表。行慶賀禮。是日。以冊立。

皇后禮成。頒詔天下。詔曰。朕惟位昭天地。乾行與坤順同功。治洽家邦。壺政與朝章並肅。詩紀睢麟之盛。禮隆禴翟之榮。所以秩彝倫而承裡祀也。燦乎鉅典。炳有成規。朕纘紹丕圖。統綏羣服。御極之初。恭奉

聖母崇慶皇太后懿旨。以嫡妃富察氏。秀毓華門。禮嫺內則。柔慎秉於粹性。溫恭著乎令儀。殫誠敬以事庭闈。孝同孺慕。抒恪勤而持禁掖。德懋純修。和平敦苴莒之仁。澣濯比葛覃之儉。淑儀咸備。景福維新。允宜冊立為皇后。時值永懷方切。大禮有稽。茲當即吉之辰。用定中宮之位。祇遵慈諭。載考鴻章。謹告

天

地

宗廟

社

稷於乾隆二年十二月初四日冊立嫡妃富察氏為皇后。俾得敬承璽紱。並佐清寧。璇宮之慶典斯彰。寰宇之恩施宜沛。所有事宜。開列於後。一。岳鎮四瀆廟宇。該地方官。查有棟椽傾損。藻飾未完者。奏明完葺。以致敬誠。一。王

公以下。至奉恩將軍。及閑散宗室等。俱加恩賜。一。民公侯伯以下。二品大臣以上。命婦。著加恩賜。一。八旗滿洲蒙古漢軍。四十以上。從小夫婦者。該部議加恩典。一。從前恩詔。後官員。有陞職解任。及加級改銜者。准照其職銜。給與封典。一。除十惡及謀殺故殺不赦外。犯法婦人。查與赦免於戲。日明月儷。祥徵泰祉之符。巷舞衢歌。喜協救寧之瑞。布告天下。咸使聞知。○己丑。

孝惠章皇后忌辰遣官祭

孝東陵。○刑部議准。河南道監察御史周紹儒疏稱。直省盜案。下手細縛事主人等。雖未傷人。其強橫之狀。實無可貸。請仍照定例。擬以法所難宥。不在可原之列。從之。○貴州總督張廣泗疏稱。准刑部咨。現在纂修律例。應令各督撫督同臬司。如有所見。許題請勅發律例館。以備採擇等因。今據按察使陳惠榮。將刑名各條。詳請核題前來。一。完贓開復。分別公私罪名。註明本條項下。一。強奪良家妻女。尚未成姦。即行取回者。請照強姦未成律。擬於本例內增入此條。一。請停三個月查明仇盜之例。仍按限查緝。不獲叅處。一。疎脫人犯。仍照律減等科斷。請將雍正七年典卒治罪之例刪除。一。竊盜不誣扳平人。僅供明贓夥數目者。請照常發落。不准減等。臣悉心體察。似覺可行。下部知之。○豁免應追軍需案內。原任布政使彭振翼等。無力完帑官。二十八

員銀五萬八千一百三十三兩有奇。又各項未完錢糧案內官員民人二十六員名銀五千一十七兩有奇。又軍需案內著賠未完官五員銀一千七兩有奇。又拖欠各項錢糧案內官員舉人六十八員名銀四百一十四兩有奇。○庚寅。

上詣

皇太后宮問安。○戶部議准江西巡撫岳濬疏稱江西建昌府屬之瀘溪縣山路崎嶇輓運維艱請將額徵漕米改徵折色從之。○辛卯禮部奏恭加上

聖母皇太后徽號禮儀得旨是依議。○補行直隸省乾隆元年分大計不謹官三員罷軟官二員年老官十三員有疾官四員才力不及官三員浮躁官三員分別處分如例。○蠲免江南溧水江浦清河桃源安東高郵泰州江都甘泉興化寶應睢寧等十二州縣乾隆元年分水災額賦。○賞賚宗室覺羅王公大臣

官員銀帶有差。○予故總理

三陵事務散秩大臣三等男伍格正紅旗滿洲護軍統領伊蘭泰陝西延綏鎮總兵官米國正各祭葬如例。○壬辰諭內閣朕御太和殿時向來大學士俱於殿外簷下站立即於殿外賜茶嗣後站立仍照舊例賜茶時各攜坐褥坐於殿內。○戶部議覆長蘆鹽政準泰疏稱山東永利等十場現存一半竈丁銀兩照例全行攤入各場地畝於民佃竈地內徵收應如所請從之。○以廣西鎮安府屬都康土州吏目兼管上映土州吏目從廣西巡撫楊超曾請也。○賑貸陝西府谷神木安定三縣被雹災民。○考察在京八旗軍政卓異官一百五十二員陞賞如例。○癸巳以加上

天。

地。

太廟

社。

稷○

上禮服。於中和殿恭閱奏書。升輿。由右翼門。至永康左門。降輿。大學士捧奏書。由中路前行。至

慈寧門下。

上由東階升。至門下東旁立。

皇太后禮服。御慈寧宮。升座。儀駕全設。中和韶樂作。

上詣正中拜位。跪。大學士捧奏書。在左旁跪進。上受奏書。恭獻。授右旁大學士跪接。置正中黃案上。宣讀官捧起跪宣。奏書曰。臣聞國家有慶典。則必推本懿範。祇晉鴻稱。所以展孝忱。伸崇敬。禮之經也。欽惟

聖母崇慶皇太后。

坤元厚載。

景福茂臻。

母儀仁浹萬方。

慈履祥徵百祿。茲者祇承

懿訓。冊立中宮。惟茂典之恭膺。荷

恩暉之永被。敬藉隆名之宗顯。丕昭

慈德之光宣。伏冀

聖恩。俯垂俞允。臣不勝拳拳之至。謹奏。

上行九拜禮。復原位立。

皇太后還宮。

上出。升輿還宮。○甲午。恭上

皇太后徽號金冊金寶。

上禮服。於太和殿恭閱冊寶。奉冊寶於綵亭前行。

上升輿。隨由右翼門。至永康左門。降輿。行至慈寧門外。東旁立。安冊寶於正中黃案上。

皇太后禮服。御慈寧宮。升座。儀駕全設。中和韶

樂作。

上詣正中拜位。跪。左旁大學士捧冊寶。依次跪進。

上受恭獻。授右旁大學士跪接。置正中黃案上。

宣讀官捧起跪宣冊文曰。

慈恩裕慶。集介福於璇圖。

懿德垂庥。晉鴻稱於金篆。寰區仰戴。宮禁騰歡。

欽惟

聖母崇慶皇太后陛下。資生合撰。厚載同符。端

萬國之

母儀。仁風普洽。正重闈之

慈範。惠愛覃敷。恭儉流徽。婉漢家之明德。恩勤

示教。邁宋室之慈仁。惟隆顯懿之名。益煥尊

崇之典。茲者伏承

明訓。授冊中宮。蒙慶澤於彤闈。彝章肇舉。嗣徽

音於蘭殿。純嘏彌昌。肅展盛儀。恭申忱悃。謹

告

天。

地。

宗廟。

社。

稷率諸王貝勒文武羣臣。恭奉冊寶。加上

徽號曰。

崇慶慈宣皇太后。伏願愛日凝禧。康齡錫福。升

恒共慶。春暉瑞靄。堯門。慈孝相承。坤德仁周。

禹甸。臣誠懼誠忤。稽首頓首。謹言。寶文曰。

崇慶慈宣皇太后之寶。

上行九拜禮。復原位立。

皇太后還宮。

上出。升輿還宮。是日。諸王大臣俱隨。

上行禮。衆官俱於午門外。隨班行禮。○除江蘇

鹽城。阜寧。二縣。濱河地糧。諭內閣。朕聞江南

鹽城。阜寧。二縣。有濱河田地。三千五十一頃。

應納糧銀。四千四百餘兩。此地與水為鄰。淹

涸靡定。從前有司經理不善。誤報水涸。陞科。

究竟荒多熟少。小民納賦。甚覺艱難。以致累

年積欠未清。甚可軫念。著該督撫。即行確查。

將此三千五十一頃。應徵之錢糧。四千四百

餘兩。悉行豁免。其從前未完之舊欠。一併赦

除。俾閭閻永無賠累之苦。昭朕愛養黎元之

至意○乙未

上詣

皇太后宮問安○御太和殿王公大臣文武官

員進表行慶賀禮○以加上

崇慶慈宣皇太后徽號禮成頒詔天下詔曰朕惟禮隆報本感慈德而難名誼重崇親遇慶儀而倍篤瞻肅雖之令範式嗣徽音念啟佑之多方永貽燕翼榮稱宜晉彝典維昭欽惟

聖母崇慶皇太后合撰乾元應符坤極宣勞贊

治和恒同四海之風敦儉持躬仁讓溥六宮

之教當夫藐躬誕育備荷恩勤迨於大業丕

承每殷牖迪錫福多而兆民賴貽謀遠而萬

國寧極尊養之兼隆殫敷揚而莫罄茲承

慈訓爰立中宮政治修明清寧協應效敬承於

夏啟塗山之烈彌彰衍昌熾於姬宗太如之

謨聿著敬加

懿號用洽輿情祇告

天

地

宗廟

社

稷於乾隆二年十二月十一日率諸王貝勒文

武羣臣恭奉

冊寶加上

崇慶皇太后

徽號曰

崇慶慈宣皇太后炳嘉名於宮掖推錫類於臣

黎所有事宜開列於後一內外公主以下縣

君以上俱加恩賜一從前尚過公主格格之

額駙等照伊等品級著加恩賜一滿漢孝子

順孫義夫節婦該管官細加諮訪確具事實

奏聞禮部據實以憑旌表一貢生監生在監

肄業者免坐監一月一各省要路橋梁間有

損壞行人勞苦交與地方官查明驗看該督

撫奏明隨時修理一各省民人有孤貧殘疾

無人養贍者該地方官加意撫恤如無室廬

棲處該地方官酌設棲流所。以便棲處於戲寶牒揚麻。奕葉被春暉之照。瑤階志忤。寰區沾閭澤之施。布告天下。咸使聞知。○江南道監察御史郭石渠奏。粵東鹽務辦理不公。得旨。御史郭石渠。摺奏廣東鹽務一案。查廣東鹽勛。先係水客辦運。後因課餉不清。於康熙年間。改為官收官運。遵行已久。今水客之子孫。吳湘。張嵩等。希冀復業。赴京控告。郭石渠不察其情事之真偽。即接受呈詞。代為陳奏。已屬不合。且並不奏請勅下該督撫詳察顛末。與本地情形。並水客之有無資本。力能辦課與否。遽稱繼楊琳之後者。因仍貪利。久假不歸。是偏聽細人一面之訴。而輒加歷任督撫以貪污之名。甚屬悖理。著將郭石渠交部議處。以為假公濟私者之戒。○丙申。借給甘肅張掖縣。拋荒復業地畝。籽種口糧。一萬五千石。牛具人工銀三千兩。從甘肅巡撫元展成請也。○以刑部尚書尹繼善。孫嘉淦。刑部

右侍郎陳惠華。理藩院侍郎班第。內閣學士吳金。張照。詹事府少詹事福十寶。俱充經筵講官。○原任漕運總督補熙。奏請給假。往瀋陽。搬父柩歸葬。得旨。補熙此奏。甚屬取巧。伊父郭倫岱。乃從前獲罪正法之人。伊即欲搬柩歸葬。理應據實懇恩。何得含糊奏請。似此居心。豈為大臣之道。此奏本不應准行。但念伊係

皇祖母族人。著照所請行。○丁酉。

上幸瀛臺。○諭理藩院。科爾沁額駙達爾瑪達都。係

皇太后祖母之族。在內廷行走多年。軍前亦屬効力。著加恩封為鎮國公。○命籌常平倉出糶買補之法。諭直省督撫。各省常平倉。原為濟民而設。每年青黃不接之時。存七糶三。以給民食。秋成之後。照數買補。出陳易新。不致紅朽。以備歉歲賑恤之用。法至善也。但有司奉行不善。其弊遂有不可勝言者。當其出糶

之時。惟附近居民就近赴買。而鄉民則往返守候。不能徧及。且城中衿戶役戶牙戶。因戶與倉書聲氣相通。捏名報買。而州縣之內丁隨役。亦乘機暗竊。通同盜賣。雖倉額有虧。總期秋熟買補還倉時。於斗秤溢額浮收填補遮蓋。此平糶時之弊也。至於買補之際。往往擇縣中富戶。發給銀兩。令其交穀。有照時價短發十之一二者。有銀色低潮者。或令自運還倉。腳價無出。又或用斗則以大易小。用秤則以重易輕。且交倉折耗。盤倉供應之費。皆出之小民。此富民受累也。乃更有照糧派買之弊。每處派一買頭。總斂各戶。照數交倉。此等窮黎。二月新絲。五月新穀。尚然不敷。豈能堪此擾累也。朕思穀貴則出糶。穀賤則買補。自然之理。然天時豐歉靡常。而價值低昂難定。倘或買補之時。不能無賠累之苦。則官吏不能不問之閭閻。而不肖者。更欲藉此獲利。則其害益不可問矣。其中弊端種種。朕知之

甚悉。即臣工叅奏者亦甚多。但再三思維。若明降諭旨。又恐啟奸民阻撓公事之漸。可密寄各省督撫。將如何籌畫辦理。使官吏無累。而蓋藏常足之處。悉心定議具奏。○以江南副總河德爾敏。為詹事府詹事。○命喀爾喀和碩親王丹津多爾濟之子三達克多爾濟。在乾清門行走。○巴林扎薩克貝子巴特瑪病故。遣官致祭。○戊戌。

上御太和殿視朝。文武陞轉各官謝恩。○示錄呈經史翰林詹事科道諸臣。勿拘忌諱。諭內閣。朕命翰林詹事科道諸臣。錄呈經史。本欲以明義理之指歸。審設施之體要。所望切實敷陳。昌言不諱。如大易否泰剝復之幾。尚書危微治忽之旨。風雅正變美刺之殊。春秋褒貶是非之實。與夫歷朝史鑑。興衰理亂所由。人材之進退。民生之疾苦。鑒往古以儆無虞。善為法而惡為戒。庶披覽之下。近之有助於正。心誠意推之有益於國。是民生涑水通鑑之

編西山衍義之輯。政治所資。前規具在。若有避諱之心。言得不言失。言治不言亂。則非所謂竭忱納誨之道矣。朕於六經諸史。誦覽研窮。再三熟復。義理之精妙。固樂於探求。怠荒之覆轍。亦時凜於炯鑒。諸臣各就意見所及。毋專取吉祥頌美之語。論理必極其周詳。論事必極其切當。務裨實用。勿尚膚詞。朕虛心採納。於諸臣章奏。尚屢降諭旨。令勿拘忌諱。況經傳之舊文。載籍之往事。更復何所避忌。若以避忌為恭敬。是大謬。古人獻替之義。亦且不知朕兼聽並觀之虛懷矣。又諭從前世宗憲皇帝軫念八旗。滿洲蒙古漢軍。前鋒護軍。另戶領催披甲閑散內。有能繙譯及繕寫清書之人。例不准考。無有進身之階。承

特降恩旨。考試一次。著交吏部。照從前將八旗前鋒護軍。另戶領催披甲閑散內。有情願考試繙譯及繕寫清書之人。查明數目具奏。考試一次。內有最優者。揀選具奏請旨。○又諭

前據陝西巡撫崔紀奏稱。行令民間鑿井。以為灌田之用。此亦有益於稼穡之事。朕已允行。今聞崔紀辦理未善。自隴州至潼關一帶。井面圍圓。祇合抱有餘。深者不過二三丈。淺者僅有丈餘。即有深處。又多係淤滯之土。甫能及泉。旋即壅塞。潼關一帶如此。則他處可知。秦中地勢本高。積土深厚。今開挖若此。倘遇天時亢旱。禾苗未見焦枯。而各井已先涸矣。且以十畝之地。勒開三井。所起土塊。即堆積田中。是今歲方萌之秋麥。已損傷一二。又嚴限四十日告成。小民奔走不遑。甚苦竭蹶。凡民間開井砌磚者。非數十金不可。即土井亦須數金。今磚井發價七兩。土井發價三兩。實不敷用。民有怨言。是崔紀欲求速效。草率從事。而不知其無益有損也。朕所聞如此。可速傳諭崔紀。令其悉心體察。詳加籌畫。務收鑿井之益。而去閭閻之擾。倘有地勢不能開挖者。亦即聽從民便。毋拂輿情。○吏部等衙

門。遵旨會議京察一等人員。應酌量加恩。請將京察之年。除四五品京堂。並內閣侍讀學士。及開坊翰詹官。俱係蒙恩特簡之員。雖列為一等。毋庸復行優敘加級外。其餘考察帶領引見。奉旨准為一等人員。准其加一級。註冊以示獎勵。至盛京五部等衙門所屬一等官員。俟期滿調回。帶領引見。准其加一級。以上各衙門考察一等人員。遇有奉旨保舉之時。該堂官即於此項人員內。揀選薦舉。從之。

○又議准浙江按察使胡瀛疏稱。內外大小官員。出繼為人後者。遇本生父母亡故。概令回籍治喪。一年服滿赴補。從之。○戶部等部議准陝西布政使帥念祖條奏。內稱各省州縣積貯常平倉糧。除百姓情願借領。仍照例出借外。其不願借領者。一概聽從民便。不得按地勒借。請將勒借之弊。嚴行飭禁。又稱陝西興安商鄜三州。自理刑名命盜案件。照直隸州相去該管道員衙門甚遠者。徑行解司

之例。毋庸解赴該管道員審轉。從之。○又議准浙閩總督銜專管福建事務郝玉麟疏。請臺民墾種番界地畝。各定界限。設立印冊。永杜侵佔滋擾之弊。從之。○又議覆郝玉麟疏。稱福建福寧府兵民輻輳。生齒浩繁。又兼崇山峻嶺。米販不通。全藉本處米糧接濟。請買穀三萬石。積貯府倉備用。應如所請。從之。○考察鑒儀衛等衙門。及各直省軍政卓異官二十九員。貪官一員。不謹官三員。罷軟官七員。年老官二員。有疾官四員。才力不及官十一員。浮躁官五員。分別陞賞提問。處分如例。○免江西南昌衛前幫。暫停併追康熙五十一年年分掛欠米。共六千六百五十三石有奇。從原任漕運總督補熙請也。○追封皇后之父。原任一等男。加一等雲騎尉兼察哈爾總管李榮保。為一等公。妻為公妻一品夫人。以富文承襲一等侯。○翁牛特杜楞郡王羅卜藏病故。遣官祭奠。並賞銀一千兩治喪。

○給還原任左都御史能泰三等侍衛覺羅查克散罰臺未經變價家產

字子文

三

大清高宗法天隆運至誠先覺體元立極敷文奮武孝慈神聖純皇帝實錄卷之五十八

大清高宗法天隆運至誠先覺體元立極敷文奮武孝慈神聖純皇帝實錄卷之五十九

監修總裁官經筵講官太子太傅大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣廣柱

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆二年丁巳十二月己亥

上詣

皇太后宮問安。○是日戊午年立春。順天府進土牛春山寶座。○諭理藩院喀爾喀二等台吉額默根甚屬効力行走著授為頭等台吉。令其在乾清門行走。○戶部議准兩江總督慶復疏稱江南海州贛榆縣二屬濱海之區土性不宜米穀情形實難辦運請將漕米改徵折色從之。○又議覆大學士管浙江總督嵇曾筠疏稱浙江淳安縣鄉市丁口錢糧請

仍照舊例丁銀攤於田。口銀攤於地基山塘。分別徵收。應如所請。從之。○工部議覆大學士管浙江總督嵇曾筠疏稱。浙江樂清縣地處海濱。全賴陡隄捍禦鹹潮。以資保護。現在陡隄率多坍塌。自應亟為修築。分別要次。緩修各工。共估需工料銀三千四百五十兩有奇。應如所請。從之。○禮部侍郎方苞懇解部職。專力修書。得旨。方苞准解禮部侍郎任。著仍食原俸。在書館行走。○寬免雍正六年進藏各員。無力賠補。應繳一半。原領本折馬駝鍋帳等項。從大學士管川陝總督查郎阿請也。○蠲免直隸本年旱災竈課銀三千三百一十一兩有奇。○緩徵長蘆所屬被水災地本年秋冬二季。引課銀兩。○續免甘肅寧夏縣河忠堡水災十分丁耗銀糧。○以故奉恩輔國公訥圖子興寧襲爵。○庚子。命議釋奠國學文廟典禮。諭禮部曰。先師孔子。聖集大成。教垂萬世。我

皇祖聖祖仁皇帝
皇考世宗憲皇帝

親詣辟雍。登堂釋奠。儒臣進講經書。諸生圍橋觀聽。雍雍濟濟。典至盛也。朕祇承丕緒。嚮慕心殷。國學文廟。特命易蓋黃瓦。以展崇敬。俟工程告竣之日。朕躬詣釋奠。用昭重道隆師。作人造士至意。應行典禮。爾部詳議具奏。○宗人府議奏。遵旨議叙總理事務莊親王允祿。果親王允禮。應各賞給一奉恩鎮國公。果親王現無子嗣。俟生子之時。再行襲封。協辦總理事務平郡王福彭。應賞給二等奉國將軍。得旨。如所議。○吏部議奏。遵旨議叙總理事務大學士鄂爾泰。張廷玉。應各賞給一騎都尉。協辦總理事務大學士徐本。公兵部尚書訥親。戶部尚書海望。應各賞給一雲騎尉。得旨。如所議。○豁免核減著追軍需案內官員兵民二百八十五員名。銀十萬五千六百二十兩有奇。又分賠應追案內官四員。銀

二千七百一十九兩錢。一千一百串有奇。又核減著追案內官三員銀一千一百二十七兩有奇。○追子多羅郡王允祉謚隱。並復原封誠郡王字號。從其子固山貝子弘曠請也。○永州鎮總兵官吳正。以捏參屬員降二級調用。○旌表守正捐軀之直隸成安縣民程爾明妻崔氏。江西奉新縣民熊來七妻周氏。○辛丑。

上御乾清門聽政。○戶部議准原任漕運總督補熙疏稱。遵旨應減浙江嘉湖二府屬白糧米三萬五千六百四十六石。改徵粳米。實徵白糧米三萬五百三十三石。照常徵收。又減徵白糧項下。應減原編耗米一萬七千二百八十八石有奇。從之。○又議覆河南巡撫尹會一疏稱。河南永城等七州縣存穀未敷。共應買補增置三萬二千七百四十二石。應如所請。從之。○又議駁兵部侍郎孫國璽奏請將山西捐監事例移歸本省。交納本色。以實

倉儲。查晉省所產之米既不足供民間日用之需。而外省糧石又復艱於輓運。今若將捐監事例移本省交納本色。以通省之生俊。爭買該省之穀石。米價必致一時湧貴。貧民更覺艱難。常平社倉所貯不足。已議令各該督撫俟豐收價賤之年。動帑買穀貯倉。該侍郎所奏無庸議得旨。該部所議固是。但晉省民人素善蓄積。或本地有米之家。不肯輕易糶賣。而願交官以為捐監之資。亦可以補倉儲之不足。於民生似有裨益。若照孫國璽所奏。將山西捐監事例移回本省。令交本色。暫行一二年。此乃為晉省積貯起見。事屬權宜。他省亦不得援以為例也。其應行與否。及酌量如何定例之處。著該撫將本省情形悉心妥議具奏。○寬免甘肅大通協永安營兵丁試種無成。應賠籽種農器銀一百七十兩有奇。○兵部尚書果毅公訥親奏。辭賞給雲騎尉世職。請賜伊曾祖額宜都巴圖魯祭典。得旨。額宜都巴圖魯。乃開國名臣。勲績茂著。照訥親

所請。於伊族祠堂。賜與祭典。永恤成勞。至賞給訥親雲騎尉世職。不必辭。○考察奉天。及各直省。駐防旗員軍政。卓異官三十四員。不謹官六員。罷軟官十三員。年老官一員。有疾官十一員。才力不及官四員。浮躁官二員。分別陞賞處分。如例。○以頭等輕車都尉兼協領喇嘛保。為青州副都統。○追旌山東淄川縣。順治四年。土賊陷城。一門殉難之生員張泰瑞。妻譚氏。及媳高氏。建坊入祠。如例。○壬寅。命議減湖南湘鄉等三縣糧額。諭曰。朕聞湖南長沙府之湘鄉。瀏陽二縣。較附近之長沙。醴陵。湘潭。寧鄉等縣。每田一畝。所完錢糧。俱重二三分不等。小民輸納。未免拮据。查長沙為省城首邑。與湘。瀏毗連。其糧額舊為適中。似應將湘。瀏二縣錢糧。比照長沙則例。則小民力量寬舒。又聞湘陰縣糧銀。較之湘。瀏二縣尤重。亦當酌量變通者。著督撫將此三縣錢糧。作何確查減免之處。悉心妥議。請旨。

○莊親王允祿。請以恩賜鎮國公爵。給伊姪寧赫承襲。平郡王福彭。請以恩賜二等奉國將軍世職。給伊弟福靖承襲。俱得旨允行。○吏部議。大學士鄂爾泰。由一等子。恩賞一騎都尉。應照例歸併為三等伯。仍准世襲得旨。如所議。○戶部議覆。貴州總督張廣泗疏稱。貴陽安順地方。兵民雜處。存米不敷。委員赴楚採買二萬石。交安順普定兩倉收貯。以實倉儲。應如所請。從之。○工部議覆。大學士管浙江總督嵇曾筠疏稱。仁和縣地方。橫河舊址。東通五林。塘棲鎮。西接武康。德清二縣。原為舟楫往來要道。田禾賴以灌溉。緣明季武德二縣之民。填塞此河百餘丈。嗣將淤塞河身。壑陞田五畝六分。以致阻隔不通。商農兩累。今里民沈爾奇等。籲請開濬。情願公捐田價。認辦糧銀。並捐助車壩等工。惟撈濬夫工。估需銀六百六十九兩有奇。照例動支公項。應如所請。從之。○又議覆。陝西巡撫崔紀疏。

稱龍洞渠為陝省水利最要工程。上承涇水中納諸泉。應於龍洞內築一石壩。不使漏入涇河。龍洞南畔等處石隄亦應加高。並添築壩工。再迤北開溝一道。使山水直達涇河。以防衝淤。除原估銀一千二十二兩。尚需增修銀五千三百七十五兩有奇。應如所請。從之。

○賑恤福建閩縣侯官長樂福清連江羅源等六縣。廣東海康遂溪徐聞吳川合浦瓊山文昌等七縣。颶風潮漲災民。○寬免鄂爾坤交糧不及四分。種地員弁處分。○以內閣學士吳家驥為禮部右侍郎。○以換回駐藏大臣那素泰為熱河副都統。○大學士邁柱以病奏懇解任。得旨卿才品優長。委用年久。綸扉重地。正資宣力。覽奏以久病求罷。情詞懇切。著解任調理。該部知道。○予故靖海侯施世范浙江處州鎮總兵官方文登祭葬如例。○琉球國王尚敬遣使表貢方物。宴賚如例。

○癸卯。

上諭

皇太后宮問安。○諭曰。大學士張廷玉在內廷宣力多年。輔弼贊襄。勤勞茂著。朕之視大學士鄂爾泰。張廷玉一切恩眷。均屬一體。今大學士鄂爾泰因賞給騎都尉。已由一等子照例歸併。授為三等伯。張廷玉亦著加恩由三等子從優。授為三等伯。仍著伊子張若霽承襲。○乙巳。諭內閣。各省兵丁賞給生息銀兩。以濟吉凶之用。但聞應賞之家。有查明即行給發者。亦有邊遠營汛。必待提鎮批准而後給發者。往返需時。寒苦兵丁。一時不能濟急。難免拮据。嗣後兵丁應賞銀兩。既經查明。取具隊長鄰佑甘結。若附近有恩賞可動之項。即行給發。再具文申報。該提鎮查核。不得稽延時日。務令兵丁早霑恩賜。○免雲南昆明縣老丁田地餘租。諭朕聞雲南昆明縣有老丁田地一項。原係督撫兩標牧放營馬之區。坐落省會昆海之濱。本屬草澤。嗣因沙壅淤。

漸成可墾之地。節年以來。定為額收租米一千五百六十八石。除完納稅糧條編。並給發老丁口糧。共需米九百二十三石外。尚餘米六百四十石。從前題報歸公遵行在案。但此額租數目。乃照豐收之年科定者。而地處海濱。土壤磽瘠。若遇水大歉收之時。則小民完納甚艱。可為軫念。除老丁米石。並糧條仍應照舊完納外。其歸公米六百四十石零。著該督撫查明。永行豁免。俾租額減輕。民力寬裕。即從乾隆二年為始。該部可遵諭速行。諭理藩院。翁牛特杜楞郡王羅卜藏之觀起程。著派散秩大臣一員。侍衛十員。前往祭奠。再賞給銀二千兩。○以故三等侯施世范子施臯。一等子郎圖子那爾泰襲爵。丙午。通給兵丁嫁娶賞銀。諭從前恩賞兵丁生息銀兩。濟其吉凶事之用。八旗原議內。稱遇有喪事之家。如親祖。祖母。父母及妻室。方准與。若子孫多者。但視其應得之一人給與。其餘子

孫不得多領等語。此並非為嫁娶而言也。乃直隸各標。錯認文意。以為止賞長子長女。其次子次女。俱不在恩賞之列。以致通年以來。恩澤不能普霑。查八旗並不如此辦理也。直隸如此。或他省有似此者。亦未可定。著通行傳諭。凡兵丁娶媳嫁女。無論長次。均許邀恩。況歷年生息已久。公費諒無不足。倘有不敷之處。各該管大臣。亦當酌量均勻料理之。大學士鄂爾泰等酌定準噶爾使臣達什等至京事宜。奏言。此次準噶爾來使達什博濟爾等到時。請即引至圓明園宮門跪伏。理藩院閱受表文。并貢物。繕譯呈覽。引來使至吏部朝房列坐。賜食畢。館之於聖化寺。道經額駙策凌寓。即令其遞送噶爾丹策零與額駙書。所有給與來使食物器用。夫役驛馬。請悉如吹納木喀例。令各處支給辦理。得旨。著台吉額默根并派理藩院官一員。馳驛前往迎問達什來情。伊等如係特差奏疏之人。即照

爾等所議接受奏疏如係差往額駙策凌處送書之人到時即帶往額駙策凌住處呈遞來書額駙策凌看過所與伊書再接受奏疏轉奏餘依議○丁未

上詣

皇太后宮問安○以故一等男馬爾岱子富鼐二等男舒保弟舒德三等男明亮從姪花沙布等襲爵○戊申

考莊文皇后忌辰遣官祭

昭西陵○

上詣

皇太后宮問安○已酉增給直隸遵化等州縣駐防兵米本年折價未數銀二千九百三十二兩有奇從直隸總督李衛請也○是日起上以歲暮裕祭

太廟齋戒三日○庚戌命建臺灣考棚諭曰據巡視臺灣給事中兼理學政單德謨奏稱臺灣考試生童向來未建考棚止就海東書院

之便而地方湫隘實不能容遂別開門逕通於

聖廟戟門外搭蓋棚廠未免雜沓喧囂鄰於褻慢且慮闢防不容易滋弊端應請照內地之例建立考棚以昭嚴肅等語向因臺灣應試人少故未建立考棚今人文日盛生童衆多非復疇昔之比著該督撫轉飭地方有司相度地方情形修造試院俾官牆肅靜考試謹嚴以重造士育才之典○辛亥以歲暮裕祭遣官祭

太廟中殿

後殿○命加徐州府屬河工料價諭曰豫東二省河工所有歲修搶修之柴薪向來每觔給價六毫令州縣採買交工應用朕因六毫之價不敷採辦已降旨加至九毫以紓民力茲聞江南徐州府所屬州縣濱臨黃河與山東河南壤地相接有蕩葦難以挽運藉用秫稻之處甚多採辦之價亦覺不足所當照豫東之例一體加恩者

著總河高斌詳確查明。將應加價值之處。照豫東之例。加至九毫一觔。報部著為定例。以示朕體恤民隱之至意。○免福建省缺額田所勻丁銀。及延平。建寧。邵武。解糧運費。諭閩省丁銀。勻入地畝。已歷多年。上年朕查出通省缺額田地。五萬四千餘畝。已降旨將糧銀豁免。以紓民力。但所勻丁銀。未曾裁免。仍屬小民之累。著將應納丁銀。九百六十一兩。悉行免徵。永著為例。又聞延。建。邵。三府有運解省城之糧米。二萬四千石。於耗米之外。又徵運費。每石一錢一二分。至五六分不等。交官之數。若此。其官吏需索之費。正恐繁多。小民輸將匪易。著將此項永遠免徵。所有運費三千兩。即於存公銀內支給。以除閭閻之擾。○諭理藩院。皇考御極三年。釋服之後。於初次慶賀元旦來京之蒙古王。貝勒。貝子。公。台吉等。及使臣等。俱加恩賞給緞疋。今年年節輪班來京之蒙古王。台吉等。遇朕初次慶賀元旦。著於常例賞銀外。仍

照雍正四年。

皇考特恩賞給之例。加恩賞給蒙古王。貝勒。貝子。公。台吉等。及使臣等。緞疋。○以大學士鄂爾泰。子一品廕生鄂實。為三等侍衛。○壬子。裕祭。

太廟。

上親詣行禮。○遣官祭。

永陵。

福陵。

昭陵。

昭西陵。

孝陵。

孝東陵。

景陵。

泰陵。○遣官祭。

太歲之神。○詣。

皇太后宮問安。○癸丑。

上詣。

皇太后宮問安。○御保和殿筵宴。朝正外藩左。

翼科爾沁和碩土謝圖親王阿喇布坦。烏珠穆沁和碩車臣親王阿喇布坦納木扎勒。喀爾喀和碩親王和碩額駙策凌。科爾沁多羅扎薩克圖郡王沙津德勒格爾。教漢多羅郡王垂木丕爾。巴林多羅郡王桑禮達。教漢多羅郡王鄂勒哲圖。喀喇沁多羅都楞郡王伊達木札布。科爾沁多羅貝勒多爾濟。蘇尼特多羅貝勒錫里。烏珠穆沁多羅厄爾德尼貝勒策布登。喀喇沁多羅貝勒和碩額駙僧家札布。教漢固山貝子固山額駙羅布藏巴林固山貝子札什納木達爾。土默特固山貝子哈穆噶巴雅斯瑚朗圖。科爾沁和碩額駙齊默特多爾濟。鎮國公和碩額駙達爾瑪達都。札魯特鎮國公察罕靈華。翁牛特鎮國公索諾木。烏珠穆沁鎮國公朋素克拉布坦。阿巴噶輔國公鄂勒哲圖。喀喇沁輔國公羅布藏策布登。喀喇沁輔國公丹津。喀喇沁和碩額駙納木什。科爾沁和碩額駙塞布騰多爾濟。

喀喇沁扎薩克頭等塔布囊和碩額駙喀寧阿。郭爾羅斯扎薩克頭等台吉察家。教漢多羅額駙德木楚克。教漢多羅額駙齊旺多爾濟。科爾沁固山額駙拉禮達。塞楞納木札勒。多爾濟瑚固穆。教漢固山額駙旺扎勒。羅布藏錫拉布。柰曼固山額駙敦多布。喀喇沁公主之子頭等塔布囊敏珠爾拉布坦。教漢公主之孫頭等台吉垂濟拉什。科爾沁公主之孫頭等台吉索諾木旺扎勒。阿玉爾布尼拉什。教漢公主之孫頭等台吉垂札木素。賽音伍玉圖。喀喇沁頭等塔布囊旺扎勒。科爾沁二等台吉阿旺藏布吉勒圖堪。巴林二等台吉旺扎勒。蘇尼特二等台吉朋素克林沁。茂明安二等台吉德木楚克拉旺。科爾沁三等台吉策旺扎布。教漢四等台吉諾們。巴林四等台吉策凌達爾札。科爾沁四等台吉畢里袞達賚固穆札布。札魯特四等台吉朋素克。克什克騰四等台吉囊札特扎布。科爾沁頭

等台吉烏勒木濟札木素。多爾濟札布。巴林頭等台吉琳沁丹津。科爾沁二等台吉多爾濟松兌僧格。教漢二等台吉札什桑圖札木巴拉什。阿巴噶二等台吉朋素克拉布坦。烏珠穆沁二等台吉達什德禮克。科爾沁三等台吉根敦札卜。布顏圖。教漢三等台吉桑濟拉什。阿旺拉什。巴林三等台吉班珠爾。壁木巴拉。郭爾羅斯三等台吉烏爾瑚滿。阿巴噶三等台吉羅卜藏達什。科爾沁四等台吉阿玉爾布尼。色楞札木素。阿玉什。巴克拉瑚。特古斯。布顏圖。納遜。鄂爾哲。阿壁達。達爾瑪達都。丹津。滿沁保。札木揚。特古斯。壁什。呀勒圖。錫拉布。丹津。塔壁圖。巴什。阿穆瑚朗。烏巴什。旺舒克。根敦札布。烏爾袞。塔旺札木素。英貴。塞楞巴勒珠爾。拉什。索諾木。垂札布。教漢四等台吉多爾濟。綽克托。札木巴拉。素木第多爾濟。納蘇圖。噶爾黨。鄂爾哲。丹巴拉瑪札布。兌桑策旺札布。旺札勒。僧格。固卜登。鄂爾哲

圖。素爾特木。巴特瑪。巴特瑪拉什。旺札勒。塔爾吉章散。巴林四等台吉索諾木。伊魯勒圖。納遜。尼爾赫圖。喀喇沁頭等塔布囊齊默特多爾濟。翁牛特四等台吉諾羅卜札木素。右翼喀爾喀土謝圖汗敦丹多爾濟。扎薩克圖汗格勒克雅木丕爾。和碩親王丹津多爾濟。阿巴噶多羅郡王索諾木拉布坦。蘇尼特多羅杜楞郡王旺清齊斯魯克。喀爾喀多羅郡王德穆楚克。厄魯特多羅郡王塞卜騰旺布。喀爾喀多羅貝勒策布登。阿魯。科爾沁多羅貝勒達克丹。喀爾喀多羅貝勒噶勒桑。鄂爾多斯多羅貝勒諾羅卜札木素。翁牛特多羅達爾漢岱青貝勒朋素克。阿巴哈納爾多羅貝勒達什敏珠爾。阿巴噶固山達爾漢貝子齊旺。喀爾喀固山貝子旺札勒。厄魯特固山貝子散都卜。烏喇特輔國公阿穆爾凌貴。蘇尼特輔國公噶爾瑪遜多卜。鄂爾多斯輔國公塞布騰諾爾布。喀爾喀輔國公敏珠爾。策

布登扎布。齊旺。密什克。衮布策凌。密瓦扎卜。
吐魯番輔國公額敏和卓。喀爾喀扎薩克頭
等台吉波羅爾。琳丕爾多爾濟。布達扎布。烏
木補濟。旺補多爾濟。遜都布。齊巴克扎布。格
勒克。散都克多爾濟。旺扎勒。青海扎薩克頭
等台吉額爾德尼。濟農。丹勇。濟克濟扎布。喀
爾喀頭等台吉額默根。拜都布。烏珠穆沁頭
等台吉德禮克。旺舒克。蘇尼特頭等台吉達
什。喀爾喀頭等台吉琳沁多爾濟。散達克多
爾濟。奈曼協理頭等台吉璧都爾扎阿巴噶
噶凌扎喇。喀爾喀根敦。鄂爾多斯扎布。喀喇
沁達林。喀爾喀頭等台吉圖巴散都布。靈丹
多爾濟。旺兌布多爾濟。散濟扎布。羅布藏達
什。錫拉布。科爾沁協理二等台吉策旺達木
巴魯。鄂爾多斯根敦。翁牛特薩木魯布。阿魯
科爾沁策旺敦多卜。鄂爾多斯索諾木喇什。
烏喇特阿爾塔。阿巴噶。阿喇布坦。喀爾喀旺
舒克。扎賚特協理三等台吉拉什。阿巴哈納

爾莽機釵。鄂爾多斯扎木揚。烏喇特錫拉布。
鄂爾多斯羅布藏。拉什。茂明安額爾穆濟。郭
爾羅斯土薩圖。歸化城土默特伊密第。喀爾
喀恭格。成衮扎布。班珠爾。那旺成衮。四子部
落協理四等台吉敦多布。喀爾喀錫拉布。浩
齊特車木楚克。阿霸哈納爾素珠克。巴林旺
舒克。鄂爾多斯烏巴什。都爾伯特阿爾璧機
瑚。土默特垂扎布。克什克騰齊旺多爾濟。科
爾沁沙津德勒格爾。扎魯特噶什布。齊默特
多爾濟。喀爾喀格木丕爾。年兌。舒倫。布達扎
布。敏珠爾。旺清多爾濟。遜都布。塔素隆多爾
濟。厄林沁達什。旺舒克。札木禪。敦多布。凌禪。
萬楚克。班珠爾。孟固策凌旺布。齊旺那木開。
衮楚克。多約特。齊巴克扎布。青海衮布塔爾。
喀爾喀四等台吉多約特。扎木素。達什根扎
布。旺扎勒。巴爾洪多爾濟。巴凌塔。楚克蘇木
扎卜。阿拉布坦。旺布達什。朋素克。阿璧達等。
及內大臣。侍衛。大學士等。召敦丹多爾濟。格

勒克雅木丕爾丹津多爾濟阿喇布坦阿喇布坦納木扎勒策凌垂木丕爾桑禮達索諾木拉布坦塞卜騰旺布伊達木扎布僧袞扎布策布登羅布藏齊默特多爾濟達爾瑪達都至御座前賜酒成禮○是月總督倉場戶部侍郎宗室塞爾赫奏酌撥後米二萬石交通州米廠平糶得旨著照所請速行該部知道○直隸總督李衛奏直隸所屬任縣地方與山東邱縣接界有張卿蘇澤長蘇國英等創立邪教任縣民人焦普等投拜為徒現將焦普等查拏並會同山東文武將張卿等三犯一併全獲歸併審擬得旨知道了卿所辦理甚善至於或摺奏或具題俟卿審明時視其案情以為輕重可也○又奏遵旨查明涿州北魯坡等三村被水實在情形請補賑無力窮民四十七戶得旨知道了照卿所奏料理○江南河道總督高斌奏辦理挑濬淮揚運河工程事宜得旨覽奏料理妥協俾漕運

不悞而大工迅速告成實足以慰朕懷也但近日頗有人論及運河年來淤澱以致沙壅隄底隄反藉以堅牢今運河深通固佳但恐放水之後隄底沙鬆隄上蓋造房屋人家不無墊沉之慮等語卿其何以籌度萬全使朕思慮頓釋方佳耳○江蘇巡撫楊永斌奏江蘇徵收漕糧每石隨收漕費錢五十九文今歲錢價甚昂因時變通令民間將銀交納計算每石改收銀七分一釐二毫其完漕在三石以下者仍聽銀錢並納不得勒捐浮收至明歲錢價平減仍照數收錢不得援以為例得旨此議甚是知道了○又奏淮揚一帶今冬大挑運河築壩之後舟楫難通民間輸納漕米輓運維艱奉旨將沿河之高郵等七州縣漕糧改徵折色惟查揚州府屬之江都等四州縣尚有應完本年鳳米一項共計四千八百五十一石有零應請隨漕一體折徵得旨好即如是辦理可也○大學士管浙江總


督嵇曾筠奏。起運截留浙省本年漕糧十萬石。交與閩省積貯等因。得旨。覽奏殊為妥協。可嘉之至。○又奏食鹽充裕情形。得旨。覽奏鹽價平減。民無食淡之虞。實可以慰朕懷。至多增課額。非朕所計及也。○又奏報平陽永嘉樂清瑞安等四縣歉收情形。得旨。平陽等四縣雖屬歉收。然較之閩省何如。閩省尚不聞有此等事。則卿所料理。亦不無失宜之處矣。○又奏委員運交閩省米石。得旨。知道了。閩省需求甚急。須及時接濟方可。料卿自然速為經理也。○湖廣總督宗室德沛奏。遵旨密查史貽直在總督任內。收受鹽商禮物等事。得旨。知道了。史貽直身為大臣。朕不忍揚其劣。當別有以處之。至許登瀛乃無恥小人。所當即行具本嚴參者也。○湖北巡撫張楷奏。辦理地方情形。得旨。知道了。汝等和衷辦事甚好。但朋友尚有相勸相規之誼。况同寅乎。君子和而不同。汝等共勉之。○又奏。請以

撫標中軍參將馬思仁。陞銜留任。得旨。撫標參將。豈有以陞銜留任之理。此奏甚無味。○又奏。買補倉穀數目。得旨。倉穀惟以充盈為是。即再多於此數亦可。○山東巡撫法敏奏。通省得雪情形。得旨。通省所得雨雪。不過五六寸。而未必即謂之數年以來無此冬景。汝誰欺乎。○又奏。勘過小清河應行修濬情形。得旨。知道了。題到自有部議。○河東河道總督白鍾山奏。報防護挑濬黃運兩河事宜。得旨。如此先事綢繆。辦理殊為妥協。可嘉之至。○又奏。清查東省州縣額徵河夫工食閏餘銀兩。請改解河庫。以釐積弊。得旨。此事既經年久之弊。卿能查出甚佳。但當慎其將來。至於已往之事。一概免究可也。○杭州織造兼管關務蘇赫納奏。報杭關收過稅銀數目。得旨。覽聞。汝任關稅。頗有苛索之名。汝其慎之。○福建陸路提督蘇明良奏。福寧府屬霞浦縣地方。桐山一堡。為浙閩山海交錯緊要

之區。請改設縣治等因。得旨。交與郝玉麟。聽其議奏。○陝西固原提督樊廷奏報。賊夷燒草放荒。遵旨密飭將備弁兵。鎮靜自守。得旨知道了。若彼肆然侵入駐防之地。亦不可以自守為辭。而致損國威也。凡事以得中審勢為要。○雲南提督蔡成貴奏報。擒獲思茅獠黑扎獨等情形。得旨。此事審理。自應聽之督臣。至起事之時。汝何不速行奏聞耶。殊屬怠忽。又所斬數犯。料亦未必盡係的實之人耳。邊境夷疆。朕深為汝憂之。○是年。旌表孝子直隸等省八十三名。孝婦。直隸等省六口。孝女。江蘇一口。順孫。安徽一名。孝義。河南五名。忠義。安徽一名。守節合例。八旗滿洲一百一十六口。蒙古三十三口。漢軍四十口。內務府一口。奉天等省駐防二百三十二口。直隸等省二千八百三十一口。夫亡殉節。安徽等省殷氏等十四口。未婚守志。覺羅扎穆達聘妻他塔喇氏一口。滿洲房嵩聘妻劉氏等二口。

安徽江富國聘妻汪氏等六十口。百歲壽民婦安徽趙振鐸等七十一名口。七世同居。山西生員李煊。各給銀建坊如例。○一產三男程乾浴等。一十三家。

大清高宗法天隆運至誠先覺體元立極敷文奮武孝慈神聖純皇帝實錄卷之五十九



統一書號: 11018·1355—17

定 價: 45.00 元